

PURCHASE

**PAPAÑCASŪDANĪ
MAJJHIMANIKĀYATṬHAKATHĀ
OF
BUDDHAGHOSĀCARIYA**

PURCHAS

Pali Text Society

TEXT SERIES No. 82

Papañcasūdanī
Majjhimanikāyaṭṭhakathā
of
Buddhaghosācariya

EDITED BY

J. H. WOODS

AND

D. KOSAMBI

PART II.

SUTTAS 11-50

Published by

THE PALI TEXT SOCIETY, LONDON

Distributed by

ROUTLEDGE & KEGAN PAUL LTD.

LONDON, HENLEY AND BOSTON

1979

First published 1928
Reprinted 1979

ISBN: 0 7100 0151 7

P

294.3823

T 595 s.m.p.w
v.2

© Pali Text Society

SL.no. 08/339

THE ASIATIC SOCIETY
CALCUTTA 700018

Acc. No. 49361

Date. 16.11.88

PRINTED IN GREAT BRITAIN BY

UNWIN BROTHERS LIMITED

THE GRESHAM PRESS, OLD WOKING, SURREY, ENGLAND

A MEMBER OF THE STAPLES PRINTING GROUP

CONTENTS

	PAGE
INTRODUCTION - - - - -	vii
ADDITIONS AND CORRECTIONS - - - - -	ix
SUTTA 11. Cūḷa-Sihanādasuttavaṇṇanā - - -	1
„ 12. Mahā-Sihanādasuttavaṇṇanā - - -	19
„ 13. Mahā-Dukkhakkhandhasuttavaṇṇanā - - -	54
„ 14. Cūḷa-Dukkhakkhandhasuttavaṇṇanā - - -	61
„ 15. Anumānasuttavaṇṇanā - - -	65
„ 16. Cetokhilasuttavaṇṇanā - - -	68
„ 17. Vanapatthasuttavaṇṇanā - - -	72
„ 18. Madhupindikasuttavaṇṇanā - - -	73
„ 19. Dvedhāvitakkasuttavaṇṇanā - - -	79
„ 20. Vitakkasaṇṭhānasuttavaṇṇanā - - -	87
„ 21. Kakacūpamasuttavaṇṇanā - - -	95
„ 22. Alagaddasuttavaṇṇanā - - -	102
„ 23. Vammikasuttavaṇṇanā - - -	120
„ 24. Rathavinītasuttavaṇṇanā - - -	134
„ 25. Nivāpasuttavaṇṇanā - - -	159
„ 26. Pāsārāsīsuttavaṇṇanā - - -	163
„ 27. Cūḷa-Hatthipadopamasuttavaṇṇanā - - -	194
„ 28. Mahā-Hatthipadopamasuttavaṇṇanā - - -	218
„ 29. Mahā-Sāropamasuttavaṇṇanā - - -	231
„ 30. Cūḷa-Sāropamasuttavaṇṇanā - - -	232
„ 31. Cūḷa-Gosiṅgasuttavaṇṇanā - - -	235
„ 32. Mahā-Gosiṅgasuttavaṇṇanā - - -	245
„ 33. Mahā-Gopālakasuttavaṇṇanā - - -	258
„ 34. Cūḷa-Gopālakasuttavaṇṇanā - - -	265
„ 35. Cūḷa-Saccakasuttavaṇṇanā - - -	267

	PAGE
SUTTA 36. Mahā-Saccakasuttavaṇṇanā - - -	283
„ 37. Cūḷa-Taṇhāsaṅkhayasuttavaṇṇanā - -	296
„ 38. Mahā-Taṇhāsaṅkhayasuttavaṇṇanā - -	305
„ 39. Mahā-Assapurasuttavaṇṇanā - - -	312
„ 40. Cūḷa-Assapurasuttavaṇṇanā - - -	325
„ 41. Sāleyyakasuttavaṇṇanā - - -	326
„ 42. Verañjakasuttavaṇṇanā - - -	334
„ 43. Mahā-Vedallasuttavaṇṇanā - - -	334
„ 44. Cūḷa-Vedallasuttavaṇṇanā - - -	355
„ 45. Cūḷa-Dhammasamādānasuttavaṇṇanā -	371
„ 46. Mahā-Dhammasamādānasuttavaṇṇanā -	374
„ 47. Vimaṇsakasuttavaṇṇanā - - -	378
„ 48. Kosambakasuttavaṇṇanā - - -	389
„ 49. Brahmanimantanikasuttavaṇṇanā - -	405
„ 50. Māratajjanikasuttavaṇṇanā - - -	416
Parallel Passages - - -	424

INTRODUCTION

THE text of this volume is based on the following authorities:

C=Dhammārāma Mahāthera's edition of the *Papañcasūdanī*, printed by the Royal Asiatic Society, Ceylon Branch, Colombo, 1917, and designated C 3 in the first volume of this edition of the *Papañcasūdanī*.

B=the printed Burmese edition, vols. i and ii, published by the P. G. Mudine Pitaka Press, Rangoon, A.D. 1918 or 1919 (Burmese year 1280).

S=the Siamese edition of the *Papañcasūdanī*, vol. ii, issued by the Supreme Patriarch of Siam, Prince Vajirañāṇ, A.D. 1920 (Buddhist era 2463).

HARVARD UNIVERSITY,
CAMBRIDGE,
MASSACHUSETTS,
January 18, 1927.

ADDITIONS AND CORRECTIONS

The following words and phrases should be in italics

- P. 10, l. 7, *ekā niṭṭhā*
P. 10, l. 34, *Vibhavadiṭṭhī*
P. 12, l. 7, *upādānāni*
P. 57, l. 31, *Dhanukalāpaṇ sannayhitvā*
P. 69, l. 13, *Paṇidhāyā*
P. 69, l. 16—17, *Devaññataro vā*
P. 75, l. 21, *vivādaṇ*
P. 103, l. 25, *samanubhāsanti*
P. 148, l. 11, *Karahacī*
P. 163, l. 11, *Adassanaṇ gato pāpimato*
P. 197, l. 12, *Nipuṇe*
P. 207, l. 22, *samagganandī. Samaggakaraṇiṇ vācaṇ bhāsita*
P. 213, l. 26, *Deṭī*
P. 216, l. 36, *thīnamiddhaṇ*
P. 227, l. 33—34, *Yena ca jiriyatī*
P. 234, l. 20, *Na chandaṇ janetī*
P. 244, l. 17, *Yena Bhagavā ten' upasaṅkamī*
P. 257, l. 25, *sobheyyā*
P. 311, l. 30, *Mahātaṇhājāla-taṇhāsaṅghāṭa-paṭimukhaṇ*
P. 326, l. 6, *Pamuditassa pīṭī*

The following word should be in roman type

- P. 362, l. 25, *dhūpakāro*

Papañcasūdanī

nāma

Majjhimanikāyaṭṭhakathā

NAMO TASSA BHAGAVATO ARAHATO SAMMĀSAM-
BUDDHASSA

11.

[Cūla-Sīhanādasuttavaṇṇanā]

1. [63²⁴] *Evam me sutaṃ* ti Cūla-Sīhanādasuttaṃ. Yasmā paṇ' assa aṭṭhuppattiko nikkhepo, tasmā taṃ dassetvā v' assa anupubbapadavaṇṇanaṃ karissāma. Katarāya pana idaṃ aṭṭhuppattiyā nikkhittaṃ ti? Lābhasakkārapaccayā titthi-yaparidevite. Bhagavato kira Dhammadāyādasutte vuttanayena mahālābhasakkāro uppajji. Catuppamāṇiko hi ayaṃ lokasannivāso, rūpappamāṇo rūpappasanno, ghosappamāṇo ghosappasanno, lūkhappamāṇo lūkhappasanno, dhammappamāṇo dhammappasanno ti imesaṃ puṅgalānaṃ vasena catudhā ṭhito.

2. Tesāṃ idaṃ nānākaraṇaṃ: Katamo ca puṅgalo rūpappamāṇo rūpappasanno? Idh' ekacco puṅgalo ārohaṇ vā passitvā parināhaṇ vā passitvā, saṇṭhānaṇ vā passitvā, pāripūriṇ vā passitvā, tattha pamāṇaṇ gahetvā pasādaṇ janeti, ayaṃ vuccati puṅgalo rūpappamāṇo rūpappasanno. Katamo ca puṅgalo ghosappamāṇo ghosappasanno? Idh' ekacco puṅgalo paravaṇṇanāya parathomanāya parapasaṇsanāya paravaṇṇahārikāya, tattha pamāṇaṇ gahetvā pasādaṇ janeti, ayaṃ vuccati puṅgalo ghosappamāṇo ghosappasanno. Katamo ca puṅgalo lūkhappamāṇo lūkhappasanno? Idh' ekacco puṅgalo cīvaralūkhaṇ vā passitvā pattalūkhaṇ vā passitvā, senāsanalūkhaṇ vā passitvā, vividhaṇ vā dukkarakārikaṇ passitvā, tattha pamāṇaṇ gahetvā pasādaṇ janeti,

ayaṇ vuccati puggalo lūkhappamāṇo lūkhappasanno. Katamo ca puggalo dhammappamāṇo dhammappasanno ? Idh'ekacco puggalo sīlaṇ vā passitvā, samādhin vā passitvā, paññaṇ vā passitvā, tattha pamāṇaṇ gahetvā pasādaṇ janeti, ayaṇ vuccati puggalo dhammappamāṇo dhammappasanno ti.

3. Imesu catusu puggalesu rūpappamāṇo pi Bhagavato ārohaparināhaṇ, saṇṭhānaṇ, pāripūriṇ, vaṇṇapokkharataṇ, asīti-anubyañjanapatimaṇḍitattā nānāratana vicittam iva suvaṇṇamahāpaṭaṇ, dvattiṇsamahāpurisalakkhaṇasamākiṇṇatāya tārāgaṇasamujjalaṇ viya gaganatalaṇ, sabbaphāli-phullaṇ viya ca yojanasatubbedhaṇ pāricchattakaṇ atṭhārasaratanubbedhaṇ vyāmappabhāparikkhepaṇ sassirikaṇ anopamaṇ sarīraṇ disvā Sammāsambuddhe yeva paśidati.

4. Ghosappamāṇo pi, Bhagavatā kappasatasahassādhikāni cattāri asaṅkheyyāni dasa pāramiyo, dasa upapāramiyo, dasa paramatthapāramiyo pūritā, aṅgapariccāgo, puttadārapariccāgo, rajjapariccāgo, attapariccāgo, nayanapariccāgo ca kato ti ādinā nayena pavattaṇ ghosaṇ sutvā Sammāsambuddhe yeva paśidati.

5. Lūkhappamāṇo pi, Bhagavato cīvaralūkhaṇ disvā, sace Bhagavā agāraṇ ajjhāvasissa,¹ kāsikavattham eva adhārayissa; pabbajitvā panānena sāṇapaṇṣukūlacīvarena santussamānena bhāriyaṇ katan ti Sammāsambuddhe yeva paśidati. Pattalūkham pi disvā, iminā agāraṇ ajjhāvasatā rattavarasuvāṇṇabhājanesu cakkavattibhojanārahaṇ sugandhasālībhojanaṇ paribhuttaṇ, pabbajitvā pana pāsāṇamayaṇ pattaṇ ādāya uccanicakuladvāresu sapadānaṇ piṇḍāya caritvā lad-dhapiṇḍiyālopena santussamāno bhāriyaṇ karoti ti Sammāsambuddhe yeva paśidati. Senāsanalūkhaṇ disvā pi, ayaṇ agāraṇ ajjhāvasanto tinnaṇ utūnaṇ anucchavikesu tīsu pāsādesu tividhanāṭakaparivāro dibbasampattiṇ viya rajjasiriṇ anubhavitvā idāni pabbajūpagato rukkhamaṇḍalāsenāsanādisu dārupalaka-silāpaṭṭa-bidalamaṇḍakādisu sayamāno bhāriyaṇ karoti ti Sammāsambuddhe yeva paśidati. Dukkarakārikam assa disvā pi, chabbassāni nāma muggayūsa-kulatthayūsa-hareṇuyūsādīnaṇ pasata-pasatamattena yāpessati, appāṇa-

¹ B. S. ajjhavasittha.

kaṇ jhānaṇ jhāyissati, sarīre ca jīvite ca anapekkho viharasati, aho dukkarakārako Bhagavā ti Sammāsambuddhe yeva pasīdati.

6. Dhammappamaṇo pi Bhagavato sīlaguṇaṇ, samādhiguṇaṇ, paññāguṇaṇ, jhānavimokkhasamāpattisampadaṇ, abhiññāpāripūriṇ, yamakapāṭihāriyaṇ, devorohanaṇ, Pāṭikaputtadamanādīni ca anekāni acchariyāni disvā Sammāsambuddhe yeva pasīdati.

7. Te evaṇ pasannā Bhagavato mahantaṇ sakkāraṇ¹ abhiharanti. Titthiyānaṇ pana Bāveru-jātake kākassa viya lābhasakkāro parihāyittha. Yath'āha:

“Adassanena morassa sikhino manjubhāṇino
kākaṇ tattha apūjesuṇ maṇsena ca phalena ca.
Yadā ca sarasampanno moro Bāverum āgamā
atha lābho ca sakkāro vāyasassa ahāyatha.
Yāva² n' uppajjati Buddho dhammarājā pabhaṇkaro
atha aññe apūjesuṇ puthū samaṇabrāhmaṇe.
Yadā ca sarasampanno Buddho dhammaṇ adesayi
atha lābho ca sakkāro titthiyānaṇ āhāyathā” ti.

(Jā. iii. 128.)

8. Te evaṇ pahīnalābhasakkārā rattiṇ ekadvaṅgulamattaṇ obhāsetvā pi suriyuggamane khajjūpanakā³ viya hatappabhā ahesuṇ.

Yathā hi⁴ khajjūpanakā kālapakkhamhi rattiyaṇ
nidassayanti obhāsaṇ etesaṇ visayo hi so.
Yadā ca rasmisampanno abbhudeti pabhaṇkaro
atha khajjūpasaṇkhānaṇ⁵ pabhā antaradhāyati.
Evaṇ khajjūpasadisā titthiyā pi puthū idha
kālapakkhūpame loka dīpayanti sakaṇ guṇaṇ.
Yadā ca Buddho lokasmiṇ udeti amitappabho
nippabhā titthiyā honti suriye khajjūpakā yathā ti.

9. Te evaṇ nippabhā hutvā kacchupilakādiparikiṇṇasarīrā paramapārijuññappattā yena Buddho, yena Dhammo, yena Saṅgho, yena ca⁶ mahājanassa sannipāto, tena tena gantvā

¹ B. S. lābhasakkāraṇ.

² B. S. yadā.

³ B. S. khajjopanakā.

⁴ S. pi.

⁵ B. S. °saṅghānaṇ.

⁶ B. omits.

antaravithiyam pi siṅghātake pi catukke pi sabhāyam pi thatvā paridevanti. Kiṇ bho, samaṇo yeva Gotamo samaṇo, mayaṇ assamaṇā? Kiṇ¹ samaṇass' eva Gotamassa sāvakā samaṇā, amhākaṇ sāvakā assamaṇā? Samaṇass' eva² Gotamassa sāvakānaṇ c' assa dinnāṇ mahapphalaṇ, na amhākaṇ dinnāṇ mahapphalaṇ? Na nu samaṇo pi Gotamo samaṇo, mayam pi samaṇā, samaṇassa pi Gotamassa sāvakā samaṇā, amhākam pi sāvakā samaṇā, samaṇassa pi Gotamassa sāvakānaṇ c' assa dinnāṇ mahapphalaṇ, amhākam pi sāvakānaṇ ca no dinnāṇ mahapphalaṇ eva? Samaṇassa pi Gotamassa sāvakānaṇ c' assa detha, karoṭha, amhākam pi sāvakānaṇ ca no detha, karoṭha. Na nu samaṇo Gotamo purimāni divasāni uppanno, mayaṇ pana loke uppajjamāne yeva uppannā ti evaṇ nānappakāraṇ viravanti.

10. Atha, bhikkhū bhikkhuniyo upāsakā upāsikā ti catasso parisā tesāṇ saddaṇ sutvā Bhagavato arocesuṇ: Titthiyā, bhante, idaṇ c' idaṇ ca kathenti ti. Taṇ sutvā Bhagavā, mā tumhe, bhikkhave, titthiyānaṇ vacanena aññattha samaṇo atthi ti saññino ahuvatthā ti vatvā aññatitthiyesu samānabhāvaṇ paṭisedhento, idh' eva ca anujānanto imissā atthupattiyā, *idh' eva, bhikkhave, samaṇo* ti idaṇ suttaṇ abhāsi.

11. [63²⁸] Tattha *idh' evā* ti imasmiṇ yeva sāsane. Ayaṇ pana niyamo sesapadesu pi veditabbo. Dutiyādayo pi hi samaṇā idh' eva nāññattha. *Samaṇo* ti sotāpanno. Ten' ev' āha: “Katamo ca, bhikkhave, samaṇo? Idha, bhikkhave, bhikkhu tiṇṇaṇ saṇyojanānaṇ parikkhayā sotāpanno hoti, avinipātadhammo, niyato, sambodhiparāyano, ayaṇ, bhikkhave, samaṇo” ti (A. ii. 238). *Dutiyo* ti sakadāgāmi. Ten' ev' āha: “Katamo ca, bhikkhave, dutiyo samaṇo? Idha, bhikkhave, bhikkhu tiṇṇaṇ saṇyojanānaṇ parikkhayā rāga-dosa-mohānaṇ tanuttā sakadāgāmi hoti, sakid eva imaṇ lokaṇ āgantvā dukkhass' antaṇ karoti, ayaṇ, bhikkhave, dutiyo samaṇo” ti (A. ii. 238). *Tatiyo* ti anāgāmi. Ten' ev' āha: “Katamo ca, bhikkhave, tatiyo samaṇo? Idha, bhikkhave, bhikkhu pañcannaṇ orambhāgiyānaṇ saṇyojanānaṇ parikkhayā opapātiko hoti, tattha-parinibbāyi, anāvattidhammo

tasmā lokā, ayaṇ, bhikkhave, tatiyo samaṇo ” ti (A. ii. 238). *Catuttho* ti arahā.¹ Ten’ ev’ āha: “Katamo ca, bhikkhave, catuttho samaṇo? Idha, bhikkhave, bhikkhu āsavānaṇ khayā anāsavaṇ cetovimuttiṇ paññāvimuttiṇ diṭṭhe va dhamme sayā abhiññā sacchikatvā upasampajja viharati, ayaṇ, bhikkhave, catuttho samaṇo ” ti (A. ii. 238). Iti imasmiṇ thāne cattāro phalaṭṭhakasamaṇā va adhippetā.

12. [63²⁹] *Suññā* ti rittā, tucchā. *Parappavādā* ti cattāro sassatavādā, cattāro ekaccasassatikā, cattāro antānantikā, cattāro amarāvikkhepikā, dve adhiccasamuppannikā, solasa saññivādā, atṭha asaññivādā, atṭha nevasaññināsaññivādā, satta ucchedavādā, pañca diṭṭhadhammanibbānavādā ti ime sabbe pi Brahmajāle āgatā dvāsatṭhidiṭṭhiyo ito bāhirānaṇ paresaṇ vādā parappavādā nāma. Te sabbe pi imehi catuhi phalaṭṭhakasamaṇehi suññā. Na hi te ettha santi.

13. Na kevalaṇ ca eteḥ’ eva suññā, catuhi pana maggaṭṭhakasamaṇehi pi, catunnaṇ maggānaṇ atthāya āradbhavipassakehi pi ti dvādasahi pi samaṇehi suññā eva. Imam ev’ atthaṇ sandhāya Bhagavatā Mahāparinibbāne vuttaṇ:

“Ekūnatinso vayasā, Subhadda, yaṇ pabbajiṇ kiṇ kusalānuesiṇ

vassāni paññāsa samādhikāni yato ahaṇ pabbajito Subhadda

ñāyassa dhammassa padesaavattī ito bahiddhā samaṇo pi n’ atthi.

Dutiyo pi samaṇo n’ atthi, tatiyo pi samaṇo n’ atthi, catuttho pi samaṇo n’ atthi. Suññā parappavādā samaṇehi aññe ” ti (D. ii. 151-52). Ettha hi padesaavattī ti āradbhavipassako adhippeto. Tasmā sotāpattimaggassa āradbhavipassakaṇ, maggaṭṭhaṇ, phalaṭṭhaṇ ti tayo pi ekato katvā, samaṇo pi n’ atthī ti āha. Sakadāgāmiaggassa āradbhavipassakaṇ, maggaṭṭhaṇ, phalaṭṭhaṇ ti tayo pi ekato katvā, dutiyo pi samaṇo n’ atthī ti āha. Itaresu pi dvīsu es’ eva nayo.

14. Kasmā pan’ ete aññattha n’ atthī ti? Akhettatāya. Yathā hi na āragge sāsapo tiṭṭhati, na udakapiṭṭhe aggi jalati, na piṭṭhipāsāne bījāni virūhanti,² evam eva bāhiresu tiṭṭhā-

¹ B. arahanto.

² B. S. rūhanti.

yatanesu na ime samaṇā uppajjanti; imasmiṇ yeva pana sāsane uppajjanti. Kasmā? Sukhettatāya. Sā pan eṣā akhettatā, khettatā¹ ca ariyamaggassa abhāvato bhāvato ca veditabbā. Ten' āha Bhagavā: "Yasmiṇ ca kho, Subhadda, dhammavinaye ariyo aṭṭhāṅgiko maggo na upalabbhati, samaṇo pi tattha na upalabbhati, dutiyo pi tattha samaṇo na upalabbhati, tatiyo pi tattha samaṇo na upalabbhati, catuttho pi tattha samaṇo na upalabbhati. Yasmiṇ ca kho, Subhadda, dhammavinaye ariyo aṭṭhāṅgiko maggo upalabbhati, samaṇo pi tattha upalabbhati, dutiyo pi tattha—pe—tatiyo pi tattha . . . catuttho pi tattha samaṇo upalabbhati. Imasmiṇ kho, Subhadda, dhammavinaye ariyo aṭṭhāṅgiko maggo upalabbhati. Idh' eva, Subhadda, samaṇo, idha dutiyo samaṇo . . . suññā parappavādā samaṇehi aññe" ti (D. ii. 151).

15. Evaṇ yasmā titthāyatanaṇ akhettaṇ, sāsanaṇ khettaṇ, tasmā, yathā surattahatthapādo bhāsurakesarasato mahāsīho migarājā na susāne vā saṅkārakūṭe vā paṭivasati, tiyojanasahassavitthataṇ pana Himavantaṇ ajjhogāhetvā maṇiguhāyaṇ vasati,—Yathā ca chaddanto nāgarājā na gocariya-hatthikulādisu navasu kulesu² uppajjati, chaddantakule yeva uppajjati. Yathā ca valāhako assarājā na gadrabhakule vā, ṇa ghoṭakakule vā uppajjati, Sindhuyā tīre pana sindhavakule yeva uppajjati. Yathā ca sabbakāmadadaṇ manoharaṇ maṇiratanāṇ na saṅkārakūṭe vā paṇsupabbatādisu vā uppajjati, Vepullapabbatabbhantare³ yeva uppajjati. Yathā ca Timirapiṅgalo⁴ maccharājā na āvāṭa-khuddakapokkharanisu uppajjati, caturāsītiyojanasahassagambhīre mahāsamudde yeva uppajjati. Yathā ca diyaddhayojanasatiko supaṇṇarājā na gāmadvāre eraṇḍavanādisu paṭivasati, mahāsamuddaṇ pana ajjhogāhetvā Simbalidahavane yeva paṭivasati. Yathā ca Dhatarattho suvaṇṇahaṇso na gāmadvāre āvāṭakādisu paṭivasati, navutihaṇsasahassapaṇivāro pana hutvā Cittakūṭe pabbate yeva paṭivasati. Yathā ca catudīpissaro cakkavat-

¹ B. S. sukhettatā.

² B. S. nāgakulesu.

³ B. vipulla°; S. vipula.

⁴ B. °timiṅgalo; S. °miṅgalo.

tirāḷā na nicakule uppajjati, asambhinna-jātikhattiyakule¹ yeva uppajjati,—evam eva imesu² ekasamaṇo pi na aññatitthāyatane uppajjati, ariyamaggaparikkhate³ pana Buddha-sāsane yeva uppajjati. Ten' āha Bhagavā: Idh' eva, bhikkhave, samaṇo—pe—suññā parappavādā samaṇehi aññe ti.

16. [64¹] *Sammā sīhanādaṇ nadathā* ti ettha sammā ti hetunā, nayena, kāraṇena. *Sīhanādan* ti seṭṭhanādaṇ, abhītanādaṇ, appaṭinādaṇ. Imesaṇ⁴ catunnaṇ samanānaṇ idh' eva atthitāya ayaṇ nādo seṭṭhanādo nāma hoti, uttamanādo; ime samaṇā idh' eva atthī ti vadantassa aññato bhayaṇ vā āsaṅkā vā n' atthi ti abhītanādo nāma hoti. Amhākam pi sāsane ime samaṇā atthī ti Pūraṇādisu ekassa pi utṭahitvā vattuṇ asaṃmatthatāya ayaṇ nādo appaṭinādo nāma hoti. Tena vuttaṇ: *Sīhanādan* ti seṭṭhanādaṇ, abhītanādaṇ, appaṭinādan ti.

17. [64²] *Thānaṇ kho pan' etaṇ vijjati* ti idaṇ kho pana kāraṇaṇ vijjati. *Yaṇ aññatitthiyā* ti yena kāraṇena aññatitthiyā. Ettha ca titthaṇ jānitabbaṇ, titthakaro jānitabbo titthiyā jānitabbā, titthiyasāvaka jānitabbā. Titthaṇ nāma dvāsaṭṭhi diṭṭhiyo; ettha hi sattā taranti, uplavanti,⁵ ummujjanimujjaṇ karonti, tasmā titthan ti vuccanti. Tāsaṇ diṭṭhinaṇ uppādetā titthakaro nāma. Tassa laddhiṇ gahetvā pabbajitā titthiyā nāma. Tesaṇ paccayadāyaka titthiyasāvaka ti veditabbā. *Paribbājakā* ti ghibbandhanaṇ pahāya pabbajjūpagatā. *Assāso* ti avassayo, patitṭhā, upatthambho. *Balan* ti thāmo. *Yena tumhe* ti yena assāsena vā balena vā evaṇ vadatha.

18. [64³] *Atthi kho no, āvuso, tena Bhagavatā jānatā passatā arahatā Sammāsambuddhenā* ti ettha ayaṇ saṅkhepattho: Yo so Bhagavā samatiṇsa-pāramiyo pūretvā sabbakilese bhaññitvā anuttaraṇ sammāsambodhiṇ abhisambuddho, tena Bhagavatā, tesaṇ tesaṇ sattānaṇ āsayānusayaṇ jānatā hatthatale ṭhapitaṇ āmalakaṇ viya sabbaṇ ñeyyadhammaṇ *passatā*. Api ca pubbenivāsādhi jānatā, dibbena cakkhunā *passatā*. Tṭhi

¹ B. °jātiya°; S. omits °jāti.

² B. S. add samaṇesu.

³ B. S. °parikkhitte.

⁴ B. S. add ca.

⁵ B. upplavanti.

vijjāhi chahi vā pana abhiññāhi *jānatā*, sabbattha appaṭiha-
tena samantacakkhunā *passatā*. Sabbadhammajānanasam-
atthāya paññāya *jānatā*, sabbasattānaṃ cakkhuvisayātītāni
tirokuḍḍādīgatāni vā pi rūpāni ativisuddhena maṇṣacakkhunā
passatā. Attahitasādhikāya samādhipadaṭṭhānāya paṭive-
dhapaññāya *jānatā*, parahitasādhikāya karuṇāpadaṭṭhānāya
desanāpaññāya *passatā*. Arīnaṃ hatattā, paccayādīnaṃ ara-
hattā *arahatā*. Sammā sāmaṇ ca saccānaṃ buddhattā *Sam-
māsambuddhena*.

19. Antarāyike dhamme vā *jānatā*, niyyānikadhamme
passatā, kilesārīnaṃ hatattā¹ *arahatā*, sammā² sāmaṇ sabba-
dhammānaṃ buddhattā *Sammāsambuddhenā* ti evaṃ catuve-
sārajjasena catuhi ākārehi thomitena *cattāro dhammā
akkhātā, ye mayaṃ attāni sampassamānā evaṃ vadema* ; na
rājarājamahāmattādīnaṃ upatthambhaṃ, na kāyabalan ti.

20. [64¹²] *Satthari pasādo* ti “ Iti pi so Bhagavā ” ti (M. i. 37)
ādinā nayena Buddhagūṇe anussarantānaṃ uppannapasādo.
Dhamme pasādo ti “ Svākkhāto Bhagavato Dhammo ” ti
(M. i. 37) ādinā nayena Dhammagūṇe³ anussarantānaṃ up-
pannapasādo. *Sīlesu paripūrakārītā* ti ariyakantesu sīlesu
paripūrakārītā. Ariyakantasīlāni nāma pañca sīlāni. Tāni
hi bhavantaragato pi ariyasāvako attano ariyasāvakabhāvaṃ
ajānanto pi na vītikkamati. Sace pi hi naṃ koci vadeyya,
imaṃ sakalacakkavattirajjaṃ paṭicchitvā⁴ khuddakamakkhī-
kaṃ jīvītā voropehi ti, aṭṭhānam etaṃ yaṃ so tassa vacanaṃ
kareyya. Evaṃ ariyānaṃ sīlāni kantāni piyāni manāpāni.
Tāni sandhāya vuttaṃ: *Sīlesu paripūrakārītā* ti.

21. [64¹³] *Sahadhammikā kho panā* ti bhikkhu, bhikkhunī,
sikkhamānā, sāmaṇero, sāmaṇerī, upāsako, upāsikā ti ete
satta sahadhammacārino. Etesu hi bhikkhu bhikkhūhi
saddhiṃ sahadhammaṃ carati, samānasikkhatāya. Tathā
bhikkhunī bhikkhunīhi—pe—upāsikā upāsikāhi, sotāpanno
sotāpannehi, sakadāgāmi sakadāgāmihi, anāgāmi anāgāmihi
sahadhammaṃ carati. Tasmā sabbe p’ ete⁵ sahadhammikā ti
vuccanti. Api c’ ettha ariyasāvaka yeva adhippetā. Tesāṃ

¹ B. S. *add* ca.

² C. *omits*.

³ C. S. *omit*.

⁴ B. S. *samapaṭicchitvā*.

⁵ S. c’ ete.

hi bhavantare pi maggadassanamhi vivādo n' atthi. Tasmā te accantaṇ ekadhammacāritāya sahadhammikā. Iminā, "Supaṭipanno Bhagavato sāvakasaṅgho" ti (M. i. 37) ādinā nayena Saṅghaṇ anussarantānaṇ uppannapasādo kathito. Ettāvatā cattāri sotāpannassa aṅgāni kathitāni honti. *Ime kho no, āvuso* ti, āvuso, ime cattāro dhammā tena Bhagavatā amhākaṇ assāso c' eva balañ cā ti akkhātā, ye mayaṇ attani sampassamānā evaṇ vadema.

22. [64²⁰] *Yo amhākaṇ satthā* ti iminā Pūraṇa-Kassapādike cha satthāre apadisanti. Yathā pana idāni sāsane ācariyupajjhāyādisu, amhākaṇ ācariyo, amhākaṇ upajjhāyo ti gehasitapemaṇ hoti, evarūpaṇ pemaṇ sandhāya *satthari pasādo* ti vadanti. Thero paṇ' āha: Yasmā satthā nāma na ekassa, na dvinnaṇ hoti, sadevakassa lokassa eko satthā, tasmā titthiyā, *amhākaṇ satthā* ti ekapaden' eva satthāraṇ visuṇ katvā iminā va padena viraddhā,¹ parājitā ti.

23. [64²⁰] *Dhamme pasādo* ti idaṇ² pana yathā idāni sāsane, amhākaṇ Dīghanikāyo, amhākaṇ Majjhimanikāyo ti mamāyanti, evaṇ attano attano pariyattidhamme gehasitaṇ pemaṇ sandhāya vadanti. *Silesū* ti ajasīla-gosīla-meṇḍakasīla-kukurasīlādisu. *Idha no āvuso* ti ettha *idhā* ti pasādaṇ³ sandhāya vadanti. *Ko adhippāyo*⁴ ti ko adhipkapayogo. *Yad idaṇ* ti yaṇ idaṇ. *Tumhākañ c' eva amhākañ ca* nānākaraṇaṇ vadeyyātha, taṇ kiṇ nāma? Tumhākam pi hi catusu thānesu pasādo, amhākam pi. Na nu etasmiṇ pasāde tumhe ca amhe ca dvedhā bhinnasuvannaṇ viya ekasadisā ti vācāya samadhurā hutvā atthaṇsu.

24. [64²⁵] Atha nesaṇ taṇ samadhurataṇ bhindanto Bhagavā, *evaṇ vādino* ti ādim aha. Tattha *ekā niṭṭhā* ti yā tassa pasādassa pariyosānabhūtā niṭṭhā, kiṇ sā ekā, udāhu puthū ti evaṇ pucchathā ti vadati. Yasmā pana tasmiṇ tasmiṇ samaye niṭṭhaṇ apaññāpento nāma n' atthi, brāhmaṇānaṇ hi Brahmalo ko niṭṭhā,⁵ tāpasānaṇ Ābhassarā, paribbājakānaṇ Subhakiṇhā, Ājivakānaṇ Anantamānaso ti evaṇ parikappito

¹ B. S. viruddhā.

² S. idha.

³ B. sāsanaṇ.

⁴ C. adhippāyaso; B. adhippayogo.

⁵ S. *adds* ekā nibbatti.

asaññibhavo, imasmiṇ¹ sāsane arahattaṇ ñiṭṭhā, sabbe va c' ete arahattam eva ñiṭṭhā ti vadanti, diṭṭhivasena pana Brahmaloḥkāḍiṇi paññāpenti, tasmā attano attano laddhivasena ekam eva ñiṭṭhaṇ paññāpenti. Taṇ dassetuṇ Bhagavā, *sammā vyākaraṁānā* ti ādim āha.

25. [64²⁹] Idāni bhikkhūnam pi ekā ñiṭṭhā titthiyānam pi ekā ñiṭṭhā ti dvīsu aṭṭakārakesu viya ṭhitesu Bhagavā anuyogavattaṇ dassento, *sā pan' āvuso, ñiṭṭhā sarāgassa, udāhu vītarāgassā* ti ādim āha. Tattha, yasmā rāgarattādīnaṇ ñiṭṭhā nāma n' atthi, yadi siyā, soṇasigālādīnam pi siyā ti imaṇ dosaṇ passantānaṇ titthiyānaṇ, vītarāgassā, āvuso, *sā* ñiṭṭhā ti ādinā nayena vyākaraṇaṇ dassitaṇ. Tattha *viddasuno* ti paṇḍitassa. *Anuruddha-paṭiviruddhassā* ti rāgena anuruddhassa, kodhena paṭiviruddhassa. *Papañcārāmassa papañcaratino* ti ettha āramanti etthā ti ārāmo; papañco ārāmo assā ti *papañcārāmo*. Papañce rati assā ti *papañcarati*. Papañco ti ca matta-pamattākārabhāvena pavattānaṇ taṇhā-diṭṭhi-mānānaṇ etaṇ adhivacanaṇ. Idha pana taṇhā-diṭṭhiyo va adhippetā.

26. *Sarāgassā* ti ādisu pañcasu ṭhānesu eko va kilesa āgato. Tassa ākārato nānattaṇ veditabbaṇ. *Sarāgassā* ti hi vuttaṭṭhāne pañcakāmaguṇikārāgavasena gahito; *sataṇhassā* ti bhavataṇhāvasena; *sa-upādānassā* ti gahaṇavasena; *anuruddha-paṭiviruddhassā* ti yugalavasena; *papañcārāmassā* ti papañcuppattidassanavasena. *Sarāgassā* ti vā ettha akusalamūlavasena gahito, *sataṇhassā* ti ettha taṇhāpaccayā upādānadassanavasena. Sesā purimasadisam eva. Thero pan' āha: Kasmā evaṇ vidaṇsetha²? Eko yeva hi ayaṇ lobho rajjanavasena rāgo ti vutto, taṇhākaraṇavasena pana taṇhā, gahaṇaṭṭhena upādānaṇ, yugalavasena anurodha-paṭivirodho, papañcuppattidassanaṭṭhena³ papañco ti.

27. [65¹⁶] Idāni imesaṇ kilesānaṇ mūlabhūtaṇ diṭṭhivādaṇ dassento, *dve 'mā, bhikkhave, diṭṭhiyo* ti ādim āha. Tattha *bhavaditṭhi* ti sassatadiṭṭhi. Vibhavaditṭhī ti ucchedadiṭṭhi. *Bhavaditṭhiṇ allīnā* ti taṇhādiṭṭhivasena sassatadiṭṭhiṇ allīnā.

¹ B. S. *add* pana.

² B. S. *viddhaṇsetha*.

³ C. S. °uppattiyatṭhena.

Upagatā ti taṇhādittḥivasena upagatā. *Ajjhositā* ti taṇhādittḥivasen' eva anupavitṭhā. *Vibhavadittḥiyā* te paṭiviruddhā ti te sabbe ucchedavādīhi saddhiṇ, tumhe andhabālā na jānātha, sassato ayaṇ loko, nāyaṇ loko ucchijjati ti paṭiviruddhā niccaṇ kalahabhaṇḍanapasutā viharanti. Duti-yavāre pi es' eva nayo.

28. [65²³] *Samudayaṇ* cā ti ādisu dve ditṭhīnaṇ samudayā: khaṇikasamudayo ca paccayasamudayo ca. Khaṇikasamudayo ditṭhīnaṇ nibbatti. Paccayasamudayo atṭṭhatṭhānāni. Seyyathidaṇ: "Khandhā pi ditṭhittḥānaṇ . . . avijjā pi . . . phasso pi . . . saññā pi . . . vitakko pi . . . ayoniso manasikāro pi . . . pāpamitto pi . . . parato ghoso pi ditṭhittḥānaṇ. Khandhā hetu khandhā paccayo ditṭhīnaṇ uppādāya samutṭhānatṭhena, evaṇ khandhā pi ditṭhittḥānaṇ. Avijjā—pe—phasso . . . saññā . . . vitakko . . . ayoniso manasikāro . . . pāpamitto . . . parato ghoso hetu, parato ghoso paccayo ditṭhīnaṇ uppādāya samutṭhānatṭhena, evaṇ parato ghoso pi ditṭhittḥānaṇ" (Ps. i. 138). Atthaṅgamā pi dve yeva: khaṇikatthaṅgamo ca paccayatthaṅgamo ca. Khaṇikatthaṅgamo nāma khayō, vayo, bhedo, paribhedo, aniccatā, antaradhānaṇ. Paccayatthaṅgamo nāma sotāpattimaggo. Sotāpattimaggo hi ditṭhīnaṇ samugghāto ti vutto.

29. [65²⁴] *Assādan* ti ditṭhimūlakaṇ ānisaṇsaṇ, yaṇ sandhāya vuttaṇ: "Yanditṭhiko satthā hoti, tanditṭhikā sāvakā honti. Yanditṭhikaṇ satthāraṇ sāvakā sakkaronti, garukaronti, mānenti, pūjenti, labhati¹ ca tato nidānaṇ cīvarapiṇḍa-pātasenāsanagilānapaccayabhesajjaparikkhāraṇ, ayaṇ, bhikkhave, ditṭhiyā ditṭhadhammiko ānisaṇso" ti (Nā.i.73). *Ādīnavan* ti ditṭhigahaṇamūlakaṇ upaddavaṇ. So vaggulivataṇ, ukkuṭikappadhānaṇ, kaṇṭakāpassayatā, pañcātapatappanaṇ, Maruppapātapatanaṇ,² kesamassuluṇcanaṇ,³ appanākajjhānaṇ ti ādīnaṇ vasena veditabbo. *Nissaraṇan* ti ditṭhīnaṇ nissaraṇaṇ nāma nibbānaṇ.

30. [65²⁴] *Yathābhūtaṇ nappajānanti* ti ye etaṇ sabbaṇ yathāsabhāvaṇ na jānanti. *Na parimuccanti dukkhasmā* ti

¹ B. S. labhanti, and omit ca.

² B. Sānuppapata°.

³ B. S. locanaṇ.

sakalavaṭṭadukkhato na parimuccanti. Iminā etesaṃ niṭṭhā nāma n' atthi ti dasseti. *Parimuccanti dukkhasmā* ti sakalavaṭṭadukkhato parimuccanti. Iminā etesaṃ niṭṭhā¹ atthi ti dvinnāṃ aṭṭakārakānaṃ aṭṭaṃ chindanto viya sāsanasmiṃ yeva niṭṭhāya atthitaṃ patitṭhapeti.

31. [66¹] Idāni ditṭhicchedanaṃ dassento, *cattār' imāni, bhikkhave*, upādānāni ti ādim āha. Tesāṃ vitthārakathā Visuddhimagge vuttā yeva. *Sabbūpādānapariññāvādā paṭijānamānā* ti mayaṃ sabbesaṃ upādānānaṃ pariññaṃ samatikamaṃ vadāmā ti evaṃ paṭijānamānā. *Na sammā sabbūpādānapariññaṃ paññāpentī* ti sabbesaṃ upādānānaṃ samatikamaṃ sammā na paññāpentī; keci kāmupādānamattassa paññāpentī; keci ditṭhupādānassa pi²; keci sīlabbatupādānassa³ pi. Attavādupādānassa pana pariññaṃ paññāpento nāma n' atthi.

32. [66¹¹] Tesāṃ pana bhedaṃ dassento, *kāmupādānassa pariññaṃ paññāpentī* ti ādim āha. Tattha sabbe pi kāmupādānassa pariññaṃ paññāpentī yeva. Channavutī pāsandā pi hi, kāmā kho pabbajitena na sevittabbā ti vatthupaṭisevanakāmaṃ kappatī ti na paññāpentī; akappiyam eva katvā paññāpentī. Ye pana sevanti, te theyyena sevanti. Tena vuttaṃ: *Kāmupādānassa pariññaṃ paññāpentī* ti. Yasmā, n' atthi dinnam ti ādini gahetvā caranti, sīlena suddhi, vatena suddhi, bhāvanāya suddhi ti gaṇhanti, attūpaladdhiṃ nappajanti, tasmā *na ditṭhupādānassa, na sīlabbatupādānassa, na attavādupādānassa pariññaṃ paññāpentī*. *Taṃ kissa hetū* ti taṃ apaññāpanaṃ etesaṃ kissa hetu, kiṃ kāraṇa? *Imāni hi te bhonto* ti, yasmā te bhonto imāni tīṇi kāraṇāni yathāsabhāvato ne jānanti ti attho.

33. [66¹⁶] Ye pan' ettha dvinnāṃ pariññānaṃ paññāpanakāraṇaṃ ditṭhi c' eva sīlabbatañ ca, etaṃ pahātabban ti yathāsabhāvato jānanti, te sandhāya parato dve vārā vuttā. Tattha, ye, atthi dinnam ti ādini gaṇhanti, te *ditṭhupādānassa pariññaṃ paññāpentī*. Ye,⁴ na sīlena suddhi, na vatena suddhi,

¹ B. S. *add* nāma.

² S. ditṭhupādānamattassa, *and omits* pi.

³ S. °upādānamattassāpi.

⁴ B. S. *add* pana.

na bhāvanāya suddhī ti gaṇhanti, te *silabbatupādānassa* pi *pariññaṇ paññāpenti*. Attavādupādānassa pariññaṇ pana eko pi paññāpetuṇ na sakkoti. Atthasamāpattilābhino pi hi candimasuriye pāṇinā parimajjitvā caramānā pi ca titthiyā tisso pariññā paññāpenti; attavādupādānaṇ muñcituṇ na sakkonti, tasmā punappunaṇ vaṭṭasmiṇ yeva patanti.

34. Paṭhavījigucchakāśasako¹ viya hi ete. Tatthāyaṇ atthasallāpikā upamā: Paṭhavi kira sasakaṇ āha: Bho sasakā ti. Sasako āha: Ko eso ti. ‘Kasmā mam’ eva upari sabba-iriyā-pathe kappento, uccārapassāvaṇ karonto maṇ na jānāsī ’ti? ‘Sutthū tayā ahaṇ diṭṭho, mayā akkantatthānam pi aṅgulagehi phutthatthānaṇ viya hoti, vissatthā-udakaṇ appamat-takaṇ, karisaṇ katakaphalamattaṇ; hatthi-assādīhi pana akkantatthānam pi mahantaṇ, passāvo pi tesāṇ ghaṭamatto, uccāro pi pacchimatto hoti; alaṇ mayhaṇ tayā ’ti uppatitvā aññasmiṇ thāne patito. Tato naṇ paṭhavi āha: Aho² dūraṇ gato ’si! Na nu mayhaṇ upari yeva patito ’sī ti? So pana taṇ jigucchanto uppatitvā aññattha patito. Evaṇ vassasa-hassam pi uppatitvā patamano sasako paṭhaviṇ muñcituṇ na sakkoti. Evam eva titthiyā sabbūpādānapariññaṇ paññāpenti pi kāmupādānādīnaṇ tiṇṇaṇ yeva samatikkamaṇ paññāpenti; attavādupādānaṇ³ pana muñcituṇ asakkontā punappunaṇ vaṭṭasmiṇ yeva patanti ti.

35. [66³²] Evaṇ yaṇ titthiyā samatikkamituṇ na sakkonti, tassa vasena diṭṭhicchedavāraṇ⁴ vatvā, idāni pasādaccheda-vāraṇ dassento, *evārūpe kho, bhikkhave, dhammavinaye* ti ādim āha. Tattha *dhammavinaye* ti dhamme ca vinaye ca. Ubha-yenāpi aniyyanikasāsaṇaṇ dasseti. *Yo satthari pasādo, so na sammaggato* ti aniyyanikasāsaṇasmiṇ hi satthā kālaṇ katvā sīho pi hoti, vyaggho pi, dīpī pi, accho pi, taraccho pi. Sāvakā pan’ assa migā pi, sūkarā pi, pasadā⁵ pi honti. So, ime mayhaṇ pubbe upatthākā paccayadāyakā ti khantiṇ vā, mettaṇ vā, anuddayaṇ vā akatvā tesāṇ upari patitvā lohitaṇ pi pivati, thūlathūlamaṇsāni pi khādāti. Satthā vā pana bilāro hoti;

¹ B. S. °jigucchana°.

² B. are.

³ B. S. attavādaṇ.

⁴ B. S. °vādaṇ.

⁵ S. sasakā.

sāvakā kukkuṭā, mūsikā vā. Atha ne vuttanayen' eva anukampaṇ akatvā khādati. Atha vā satthā nirayapālo hoti, sāvakā nerayikasattā. So, ime mayhaṇ pubbe¹ paccayadāyaka ti anukampaṇ akatvā vividhā kammakāraṇā² karoti; āditte pi rathe yojeti; aṅgārapabbatam pi āropeti; lohakumbhiyam pi khipati; anekehi pi dukkhadhammehi sampayojeti. Sāvakā vā pana kālaṇ katvā sīhādayo honti; satthā migādisu aññataro. Te, imaṇ mayaṇ pubbe catuhi paccayehi upaṭṭhahimha, satthā no ayan ti tasmiṇ khantiṇ vā mettaṇ vā anuddayaṇ vā akatvā vuttanayen' eva anayavyasanaṇ pāpenti. Evaṇ aniyyānikasāsane yo satthari pasādo so na sammaggato hoti; kañci³ kālaṇ gantvā pi pacchā vinassati yeva.

36. [66³⁴] *Yo dhamme pasādo* ti aniyyānikasāsanasmiṇ hi dhamme pasādo nāma uggahita-pariyāpuṇita-vācita-dhāritamattake tantidhamme pasādo hoti. Vaṭṭamokkho pan' ettha n' atthi. Tasmā yo ettha pasādo, so punappunaṇ vaṭṭam eva gambhīraṇ karoti ti asammaggato, asabhāvagato⁴ akkhāyati. *Yā sīlesu paripūrakāritā* ti yā pi aniyyānikasāsane ajasīlādīnaṇ vasena paripūrakāritā, sā pi yasmā vaṭṭamokkhaṇ bhavanissaraṇaṇ na sampāpeti; sampajjamānā pana tiracchānayoṇiṇ āvahati; vipajjamānā nirayaṇ; tasmā na sammaggatā akkhāyati.

37. [66³⁵] *Yā sahadhammikesū* ti aniyyānikasāsanasmiṇ hi ye sahadhammikā, tesu yasmā ekacce kālaṇ katvā sīhādayo pi honti, ekacce migādayo; tattha sīhādibhūtā, ime amhākaṇ sahadhammikā ahesun ti migādibhūtesu khanti-ādīni akatvā pubbe vuttanayen' eva nesaṇ mahādukkhaṇ uppādentī; tasmā ettha sahadhammikesu piyamanāpatā pi asammaggatā akkhāyati.

38. [66³⁷] Imaṇ pana sabbam pi kāraṇabhedāṇ ekato katvā dassento Bhagavā, *taṇ kissa hetu? Evaṇ h' etaṇ, bhikkhave, hoti* ti ādim āha. Tatrāyaṇ saṅkhepattho: Evaṇ h' etaṇ, bhikkhave, hoti, yaṇ mayā vuttaṇ, yo satthari pasādo, so na sammaggato hoti ti ādi, taṇ evam eva hoti. Kasmā? Yasmā te pasādādayo durakkhāte dhammavinaye . . . asammāsam-

¹ B. *adds* upaṭṭhākā.

² B. S. °karaṇā.

³ B. S. kiñci.

⁴ B. asabhāvato.

buddhappavedite ti. Ettha hi *yathā tan* ti kāraṇatthe nipāto. Tattha *durakkhāte* ti dukkathite. Dukkathitattā yeva *duppaṭivedite*. So pan' eso yasmā maggaphalatthāya na niyyāti, tasmā *aniyyāniko*, rāgādīnaṃ upasamāya asanvattanato *anupasamasanvattaniko*, na Sammāsambuddhena sabbaññunā pavedito ti *asammāsambuddhappavedito*. Tasmiṃ *aniyyānike*, *anupasamasanvattanike*, *asammāsambuddhappavedite*.

39. Ettāvatā Bhagavā tiṭṭhiyesu pasādo surāpītasigāle pasādo viya niratthako ti dasseti. Eko kira kāṇasigālo¹ rattinṃ nagaraṃ pavitṭho surājallikaṃ khāditvā punnāgavane nipajjitvā niddāyanto suriyuggamane pabujjhivā cintesi: Imasmiṃ kāle na sakkā gantuṃ; bahū amhākaṃ verino; ekaṃ vañcetaṃ vaṭṭati ti. So ekaṃ brāhmaṇaṃ gacchantaṃ disvā, imaṃ vañcessāmī ti, ayya brāhmaṇa ti āha. 'Ko eso brāhmaṇaṃ pakkosati' ti. 'Ahaṃ, sāmī, ito ehī' ti. 'Kiṃ bho' ti. 'Maṃ bahigāmaṃ nehi, ahaṃ te dve kahāpaṇasatāni dassāmī' ti. So nayissamīti pādesu gaṇhi. 'Are bāla brāhmaṇa, na mayhaṃ kahāpaṇa chaḍḍitakā atthi, dullabhā kahāpaṇa, sādhukaṃ maṃ gaṇhāhī' ti. 'Kathaṃ bho gaṇhāhī' ti? 'Uttarāsaṅge bhaṇḍikaṃ² katvā aṅse laggetvā gaṇhāhī' ti. Brāhmaṇo taṃ tathā gahetvā dakkhiṇadvārasamīpaṭṭhānaṃ gantvā, ettha otāremīti pucchi. 'Kataṃ ṭhānaṃ nāma etan' ti? 'Mahādvāraṃ etan' ti. 'Are bāla brāhmaṇa, kiṃ tava ñātakā antaradvāre kahāpaṇe ṭhapenti? Purato maṃ harā' ti. So punappuna thokathokaṃ gantvā, ettha otāremi, ettha otāremī ti pucchitvā, tena tajjito³ khemaṭṭhānaṃ gantvā, ettha otārehī ti vutto otāretvā sātakaṃ gaṇhi.

40. Kāṇasigālo āha: Ahaṃ te dve kahāpaṇasatāni dassāmī ti avocaṃ; mayhaṃ pana kahāpaṇa bahū, na dve kahāpaṇasatān' eva. Yāva ahaṃ kahāpaṇe āharāmi, tāva tvaṃ suriyaṃ olokento tiṭṭhāhī⁴ ti vatvā thokaṃ gantvā nivattitvā puna brāhmaṇaṃ āha: Ayya brāhmaṇa, mā ito olokehi, suriyam eva olokento tiṭṭhāhī ti. Evañ ca pana vatvā keta-kavanaṃ pavisitvā yathāruciṃ pakkanto. Brāhmaṇassa pi

¹ B. kāḷasiṅgālo (*so always*).

² B. gaṇṭhikaṃ.

³ C. tajjitavañcito.

⁴ B. S. tiṭṭhā ti (*so always*).

suriyaṇ olokontass' eva naḷātato c' eva kacchehi ca sedā muccinṣu.¹ Atha naṇ rukkhadevatā āha:

"Saddhahasi sigālassa surāpīṭassa brāhmaṇa
sippiyānaṇ sataṇ n' atthi kuto kaṇsasatā duve" ti

(Jā. i. 426).

41. [67⁸] Evaṇ yathā kāṇasigāle pasādo niraṭṭhako, evaṇ tiṭṭhiyesu pi ti aniyyānikasāsane pasādassa niraṭṭhakabhāvaṇ dassetvā niyyānikasāsane tassa sātṭhakabhāvaṇ² dassetuṇ. *Tathāgato ca kho, bhikkhave* ti ādim āha. Tattha *kāmupādānassa pariññaṇ paññāpeti* ti arahattamaggena kāmupādānassa pahānapariññaṇ, samatikkamaṇ paññāpeti. Itaresaṇ tiṇṇaṇ upādānānaṇ sotāpattimaggena pariññaṇ paññāpeti. *Evarūpe kho, bhikkhave, dhammavinaye* ti bhikkhave, evarūpe dhamme ca vinaye ca; ubhayenāpi niyyānikasāsanaṇ dasseti. *Satthari pasādo* ti evarūpe sāsane yo satthari pasādo, so sammaggato akkhāyati, bhavadukkhanissaranāya saṇvattati.

42. Tatr' imāni vatthūni: Bhagavā kira Vēdiyakapabbate³ Indasālaguhāyaṇ paṭivasati. Ath' eko ulūkasakuṇo Bhagavati gāmaṇ piṇḍāya pavisante upaddhamaggaṇ anugacchati; nikkhante⁴ upaddhamaggaṇ pacuggamaṇaṇ karoti. So ekadivasaṇ Sammāsambuddhaṇ sāyaṇhasamaye bhikkhusaṅgha-parivutaṇ nisinnaṇ pabbatā oruyha vanditvā pakkhe paṇāmetvā añjaliṇ paggayha/sisaṇ heṭṭhā katvā Dasabalaṇ namassamaṇo atṭhāsi. Bhagavā taṇ oloketvā siṭaṇ akāsi.⁵ Ānandatthero, ko nu kho, bhante, hetu, ko paccayo siṭassa pātukammāyā ti pucchi. Pass' Ānanda, imaṇ ulūkasakuṇaṇ. Ayaṇ mayi ca bhikkhusaṅghe ca cittaṇ pasādetvā sataṣaḥsa-kappe devamanussesu⁶ saṇsaritvā Somanasso nāma Paccekabuddhō bhavissati ti āha.

Ulūka, maṇḍalakkhika, Vēdiyake ciraḍiḡhavāsika,
sukhito' si tvaṇ ayya kosiya, kāluṭṭhitaṇ passasi Bud-
dhavaṇaṇ.

¹ B. muñcinṣu.

² B. satṭhakataṇ.

³ B. Vedisaka°; S. Vedissaka°.

⁴ B. S. nikkhamante.

⁵ B. patvākāsi.

⁶ B. S. devesu ca manussesu ca.

Mayi cittaṇ pasādetvā bhikkhusaṅghe anuttare
kappāni¹ satasahassāni duggatiṇ so na gacchati.
Devalokā cavitvāna kusalamūlena codito
bhavissati anantañāṇo Somanasso ti vissuto ti.

Aññāni pi o' ettha Rājagahanagaradvāre Sumanamālākāra-
vatthuṇ. Mahābherivāḍakavatthuṇ, Morajikavatthuṇ, Viṇā-
vāḍakavatthuṇ, Saṅkhadhamanākavatthuṇ ti evaṃ ādīni
vatthūni vitthāretabbāni. Evaṇ niyyānikasāsane satthari
pasādo sammaggato hoti.

43. [67⁹] *Dhamme pasādo* ti niyyānikasāsanasmīṇ dhamme
pasādo sammaggato hoti; saramatte nimittaṇ gahetvā suṇan-
tānam tiracchānagatānaṇ pi sampattidāyako hoti. Ayam
attho Maṇḍūkadevaputtādīnaṇ vatthuvaseṇa veditabbo.
Sīlesu paripūrakāritā ti niyyānikasāsanasmīṇ sīlesu paripūra-
kāritā pi sammaggatā hoti; saggamokkhasampattiṇ āvahati.
Tattha Chattamāṇavakavatthu, Sāmaṇeravatthu-ādīni dīpe-
tabbāni.

44. [67¹⁰] *Sahadhammikesū* ti niyyānikasāsane sahadham-
mikesu piyamanāpatā pi sammaggatā hoti; mahāsampat-
tiṇ āvahati. Ayam attho Vimāna-Petavatthūhi dīpetabbo.
Vuttaṇ h' etaṇ:

“Khīrodanaṇ aham adāsiṇ bhikkhuno piṇḍāya caran-
tassa—pe—

Phāṇitaṇ . . . Ucehukhaṇḍakaṇ . . . Timbarūsakaṇ . . .
Kakkārukaṇ . . .

Elālukaṇ . . . Vallipakkaṇ . . . Phārusakaṇ . . . Hat-
thapatākaṇ . . .

Sākamuṭṭhiṇ . . . Puthukamuṭṭhiṇ . . . Mūlakaṇ . . .
Nimbamuṭṭhiṇ . . .

Ambilakañjiṇ . . . Doṇinimajjanaṇ . . . Kāyabandha-
naṇ . . .

Aṇsavattakaṇ² . . . Āyogapattaṇ . . . Vidhūpanaṇ . . .
Tālavaṇṭaṇ . . .

Morahatthaṇ . . . Chatthaṇ . . . Upāhanaṇ . . . Pūvaṇ
Modakaṇ . . .

¹ B. S. kappānaṇ.

² B. S. Aṇsabandhakaṇ.

Saṅkulikaṇ¹ aham adāsiṇ bhikkhuno piṇḍāya carantassa tassa me passa vimānaṇ accharā kāmavaṇṇinī' ham asmi'' ti (Vv. 29-30).

Taṇ kissa hetū ti ādi vuttanayānusāren' eva yojetvā vedittabbaṇ.

45. [67¹⁵] Idāni yesaṇ upādānānaṇ titthiyā na sammā pariññaṇ paññāpenti, Tathāgato paññāpeti, tesāṇ paccayaṇ dassetuṇ, ime ca, bhikkhave ti ādim āha. Tattha kinnidānā ti ādisu nidānādīni sabbān' eva kāraṇavevacanāni. Kāraṇaṇ hi yasmā phalaṇ nideti, handa naṇ gaṇhathā ti appeti viya, tasmā nidānaṇ ti vuccati. Yasmā taṇ tato jāyati, samudeti, pabhavati, tasmā samudayo, jāti, pabhavo ti vuccati. Ayaṇ pan' ettha padattho: Kiṇ nidānaṇ etesan ti kinnidānā. Ko samudayo etesan ti kiṇsamudayā. Kā jāti etesan ti kiṇjātikā. Ko pabhavo etesan ti kiṇpabhavā. Yasmā pana tesāṇ taṇhā yathāvuttena atthena nidānaṇ c' eva, samudayo ca, jāti ca, pabhavo ca, tasmā taṇhānidānā ti ādim āha. Evaṇ sabba-padesu attho vedittabbo. Yasmā pana Bhagavā na kevalaṇ upādānass' eva paccayaṇ jānāti, upādānassa paccayabhūtāya taṇhāya pi, taṇhādipaccayaṇaṇ vedanādīnam pi paccayaṇ jānāti yeva, tasmā, taṇhā cāyaṇ, bhikkhave ti ādim āha.

46. [67³¹] Yato ca kho ti yasmiṇ kāle. Avijjā pahīnā hoti ti vaṭṭamūlikā avijjā anuppādanirodhena pahīnā hoti. Vijjā uppannā ti arahattamaggavijjā uppannā. So avijjāvirāgā vijjuppadā ti so bhikkhu avijjāya ca pahīnattā, vijjāya ca uppannattā. N' eva kāmupādānaṇ upādiyaṭi ti n' eva kāmupādānaṇ gaṇhāti,² na sesāni upādānāni. Anupādiyaṇ na paritassati ti evaṇ kiñci upādānaṇ agaṇhanto taṇhāparitassanāya na paritassati. Aparitassan ti aparitassanto, taṇhaṇ anuppādentō. Paccattaṇ yeva parinibbāyati ti sayam eva kilesaparinibbānena parinibbāyati. Evam assa āsavakkhayaṇ dassetvā idāni khīṇāsavassa bhikkhuno paccavekkhayaṇ dassento, khīnā jāti ti ādim āha. Taṇ³ vuttattham evā ti.

Cūla-Sīhanādasuttavaṇṇanā nīṭhitā.

¹ B. Sakthalikaṇ; S. saṅthalikaṇ.

² B. S. add na upeti.

³ B. S. Sesaṇ.

12.

[Mahā-Sīhanādasuttavaṇṇanā]

1. [68⁴] *Evam me sutaṃ ti Mahā-Sīhanādasuttaṃ. Tattha Vesāliyaṃ ti evaṇṇāmake nagare. Taṃ kira aparāparaṃ visālībhūtātāya Vesālī ti saṅkhar¹gataṃ.*

2. *Tatrāyaṃ anupubbakathā¹: Bārāṇasirañño kira aggamaheṣiyā kucchimhi gabbho saṇṭhāsi. Sā ñatvā rañño nivedesi. Rājā gabbhaparihāraṃ adāsi. Sā sammāparihariyamāna-gabbhā² gabbhaparipākakāle vijāyanagharāṃ pāvīsi. Puññavantīnaṃ paccūsasamaye gabbhuṭṭhānaṃ hoti. Sā ca tāsaṃ aññatarā, tena paccūsamaye alattakapaṭala-bandhujīvaka-pupphasadisāṃ maṃsapesiṃ vijāyi. Tato, aññā deviyo suvaṇṇabimbasadise putte vijāyanti, aggamaheṣī maṃsapesiṃ ti rañño purato mama avaṇṇo uppajjeyyā ti cintetvā tena avaṇṇabhayena taṃ maṃsapesiṃ ekasmiṃ bhājane pakkhipitvā paṭikujjitvā rājamuddikāya lañchetvā Gaṅgāsote pakkhipāpesi. Manussehi chaḍḍitamatte devatā ārakkhāṃ saṃvidahiṃsu. Suvāṇṇapaṭṭikaṃ³ c' ettha jātihiṅgulakena, Bārāṇasirañño aggamaheṣiyā pajā ti likhitvā bandhiṃsu. Tato taṃ bhājanaṃ ūmibhayādīhi anupaddutaṃ Gaṅgāsotena pāyāsi.*

3. *Tena ca samayena aññataro tāpaso gopakakulaṃ⁴ nissāya Gaṅgātīre viharati. So pāto va Gaṅgaṃ otiṇṇo taṃ bhājanaṃ āgacchantaṃ disvā paṇsukūlasaññāya aggahesi. Ath' ettha taṃ akkharapaṭṭikaṃ rājamuddikālañchanaṃ ca disvā muñcitvā maṃsapesiṃ addasa. Disvān' assa etad ahoṣi: Siyā gabbho; tathā hi 'ssa duggandha-pūtibhāvo n' atthī ti. Assamaṃ ānetvā suddhe okāse ṭhapesi. Atha aḍḍhamāsaccayena dve maṃsapesiyo ahesuṃ. Tāpaso disvā sādhutaraṃ ṭhapesi. Tato puna aḍḍhamāsaccayena ekamekissā pesiyā hatthapāda-sīsānam atthāya pañca pañca pilakā utṭhahiṃsu. Atha tato aḍḍhamāsaccayena ekā maṃsapesī suvaṇṇabimbasadiso dārako, ekā dārīkā ahoṣi. Tesu tāpasassa puttasiṃho uppajji. Aṅguṭṭhakato c' assa khīraṃ nibbatti. Tato pabhuti*

¹ B. S. anupubbi°.

² B. S. sammāparihariyamānā.

³ B. S. °paṭṭikaṃ.

⁴ B. gopālaka°; S. gopa°.

ca khīrabhattan labhi.¹ Tāpaso² bhattan bhuñjitvā khīraṇ dārakānaṇ mukhe āsiñcati. Tesañ udaraṇ yaṇ yaṇ pavisati, taṇ taṇ sabbaṇ maṇibhājanagataṇ viya dissati. Evaṇ nicchavi ahesuṇ. Apare āhu: Sibbetvā ṭhapitā viya nesaṇ aññaṇamaññaṇ līnā chavi ahosi. Evaṇ te nicchavitāya vā līnacchavitāya vā Licchavi ti paññāyaṇsu.

4. Tāpaso dārake posento ussūre gāmaṇ piṇḍāya pavisati; atidivā paṭikkamati. Tassa taṇ vyāpāraṇ ñatvā gopālakā āhaṇsu: Bhante, pabbajitānaṇ dārakaposanaṇ palibodho; amhākaṇ dārake detha; mayaṇ posessāma; tumhe attano kammaṇ karoṭhā ti. Tāpaso sādhu ti paṭisunī. Gopālakā dutiyadivase maggaṇ samaṇ katvā pupphehi okiritvā dhajapaṭākā ussāpetvā turiyehi vajjamānehi assamaṇ āgatā. Tāpaso, mahāpuñña dārakā, ne³ appamādena vaḍḍhetha, vaḍḍhetvā ca aññaṇamaññaṇ āvāhavivāhaṇ⁴ karoṭhā; pañcagorasena rājānaṇ tosetvā bhūmibhāgaṇ gahetvā nagaraṇ māpetha; tattha kumāraṇ abhisiñcathā ti vatvā dārake adāsi. Te sādhu ti paṭisunitvā dārake netvā posesuṇ.

5. Dārakā vuddhim anvāya kilantā vivādaṭṭhānesu aññe gopāladārake hatthena pi pādena pi paharanti. Te rodanti. Kissa rodathā ti ca mātāpitūhi vuttā, ime nimmātāpitikā tāpasapositā amhe atīva⁵ paharanti ti vadanti. Tato nesaṇ mātāpitaro, ime dārakā aññe dārake vināsenti, dukkhāpenti, na ime saṅgahetabbā, vajjetabbā ime ti āhaṇsu. Tato pabhuti kira so padeso Vajji ti vuccati, yojanasataparimāṇena.

6. Atha taṇ padesaṇ gopālakā rājānaṇ tosetvā aggahesuṇ. Tattha ca nagaraṇ māpetvā solasavassuddesikaṇ kumāraṇ abhisiñcitvā rājānaṇ akaṇsu. Tāya c' assa dārikāya saddhiṇ vivāhaṇ⁶ katvā katikaṇ akaṇsu: Na bāhirato dārikā ānetabbā, ito dārikā na kassaci dātabbā ti. Tesañ paṭhamasaṇvāsena dve dārakā jātā: dhītāca putto ca. Evaṇ solasakkhattuṇ dve dve jātā. Tato tesañ dārakānaṇ yathākkamaṇ vaḍḍhantānaṇ āramuyyānanivāsaṭṭhānaparivārasampattiṇ gahetuṇ appahontaṇ nagaraṇ tikkhattuṇ gāvutantaraṇa gāvu-

¹ B. S. labhittha.

² B. S. So.

³ B. S. omī.

⁴ C. āvāhaṇ.

⁵ B. S. atipaharanti.

⁶ C. vāreyyaṇ.

tantarena parikkhipiṇṣu. Tassa punappunaṇ visālikatattā Vesāli tv' eva nāmaṇ jātaṇ. Tena vuttaṇ: *Vesāliyaṇ* ti evannāmake nagare ti.

7. [68^o] *Bahinagare* ti nagarassa bahi; na Ambapālivane¹ viya antonagaramhi. Ayaṇ pana Jivakambavanaṇ viya nagarassa bahi vanasaṇḍo. Tena vuttaṇ: *Bahinagare* ti. *Avarapure* ti purassa avare.¹ Pacchimadisāyaṇ ti attho. *Vanasaṇḍe* ti so kira vanasaṇḍo nagarassa pacchimadisayaṇ gāvutamattatthāne. Tattha manussā Bhagavato Gandhakuṭiṇ katvā taṇ parivāretvā bhikkhūnaṇ rattitṭhānadivātṭhāna-caṅkama-lena-kuṭi-maṇḍapādīni patitṭhapesuṇ. Bhagavā tattha viharati. Tena vuttaṇ: *Avarapure vanasaṇḍe* ti.

8. [68^o] *Sunakkhatto* ti tassa nāmaṇ. Licchavirañño² pana puttattā *Licchaviputto* ti vutto. *Acirapakkanto* ti vibbhamitvā gihibhāvūpagamanena adhunā pakkanto. *Parisatī* ti³ parisamajjhe. *Uttarimanussadhammā* ti ettha manussa-dhammā nāma dasa kusalakammamāpathā. Te paṭisedhetuṇ na sakkā. Kasmā? Upārambhabhayā. Vesāliyaṇ hi bahū manussā Ratanattayepasannā, Buddhamāmakā, Dhammamāmakā, Saṅghamāmakā. Te, dasakusalakammamāpathamattam pi n' atthi samaṇassa Gotamassā ti vutte, tvaṇ kattha Bhagavantaṇ pāṇaṇ hanantaṇ addasa, kattha adinnaṇ ādiyantaṇ ti ādīni vatvā, attano pamāṇaṇ na jānāsi? kiṇ dantā me atthi ti pāsānasakkharā khādasi, ahinaṇgutṭhena kaṇḍūyituṇ⁴ vāyamasī, kakacadantesu pupphāvalikaṇ kīlituṇ icchasi? mukhato te dante pātessāmā ti vadeyyuṇ. So tasmā upārambhabhayā evaṇ vattuṇ na sakkoti. Tato uttariṇ pana vise-sādhigamaṇ paṭisedhento, *uttarimanussadhammā alamariya-ñānadassanaviseso* ti āha.

9. [68^o] Tattha alam ariyaṇ kātun ti⁵ alamariyo, ariyabhāvāya samattho ti vuttaṇ hoti. Nānadassanam eva ñānadassanaviseso. Alamariyo ca so ñānadassanaviseso cā ti *alamariyañānadassanaviseso*. Nānadassanan ti dibbacakkhum pi, vipassanā pi, maggo pi, phalam pi, paccavekkhaṇañāṇam

¹ B. S. apare.

² B. S. Licchavīnaṇ pana.

³ B. S. Parisatī ti.

⁴ B. S. gaṇhituṇ.

⁵ B. S. ñātun ti.

pi, sabbaññutañānam pi vuccati. “Appamatto samāno ñānadassanaṇ ārādheti” ti (M. i. 195) hi ettha dibbacakkhu ñānadassanaṇ nāma. “Ñānadassanāya cittaṇ abhinīharati, abhininnāmeti” ti (D. i. 76) ettha vipassanāñānaṇ. “Abhabbā te ñānadassanāya anuttarāya sambodhāya” ti (A. ii. 200) ettha maggo. “Ayam añño uttarimanussadhammā alama-riyāñānadassanaviseso adhigato phāsuvihāro” ti (M. i. 208) ettha phalaṇ. “Ñānañ ca pana me dassanaṇ udapādi: akuppā me cetovimutti, ayam antimā jāti, n’ atthi dāni punabbhavo” ti (M. i. 167) ettha paccavekkhanañānaṇ. “Ñānañ ca pana me dassanaṇ udapādi: sattāhakālakato Ālāro Kālāmo” ti (M. i. 170) ettha sabbaññutañānaṇ. Idha pana lokuttaramaggo adhippeto. Taṇ hi so Bhagavato paṭisedheti.

10. [68⁹] *Takkapariyāhatan* ti iminā ācariyaṇ paṭibāhati. Evaṇ kir’ assa ahosi: Samaṇena Gotamena ācariye upasaṇkamitvā sukhumaṇ dhammantaraṇ gahitaṇ nāma n’ atthi; takkapariyāhataṇ pana takketvā vitakketvā, evaṇ bhavissati, evaṇ bhavissati ti takkapariyāhataṇ katvā dhammaṇ deseti. *Vīmaṇsānucaritan* ti iminā ’ssa lokiyapaññaṇ anujānāti: samaṇo Gotamo paññavā, so taṇ paññāsaṇkhātaṇ indavajirūpamaṇ vīmaṇsaṇ evaṇ vaṭṭissati, evaṇ vaṭṭissati ti ito c’ ito ca anucarāpetvā vīmaṇsāya anucaritaṇ dhammaṇ deseti. *Sayaṇ paṭibhānaṇ* ti iminā ’ssa dhammesū paccakkhabhāvaṇ paṭibāhati. Evaṇ hi ’ssa ahosi: Samaṇassa Gotamassa sukhumaṇ dhammantaraṇ vipassanā vā maggo vā phalaṇ vā paccakkhaṇ nāma n’ atthi. Ayaṇ pana laddhapariso, rājānaṇ cakkavattiṇ viya naṇ cattāro vaṇṇā parivārenti. Suphassitaṇ pan’ assa dantāvaraṇaṇ, mudukā jivhā, madhuro saro, anelagalā vācā. So yaṇ yad ev’ assa upatṭhāti, taṇ taṇ gahetvā sayampaṭibhānaṇ kathaṇ kathento mahājanaṇ rañjati.

11. [68¹¹] *Yassa ca khvāssa¹ atthāya dhammo desito* ti yassa ca kho atthāya assa dhammo desito, seyyathidaṇ: rāgapati-ghātattthāya asubhakammaṭṭhānaṇ, dosapaṭighātattthāya met-tābhāvanā, mohapaṭighātattthāya pañca dhammā, vitakku-

¹ B. S. khvassa.

pacchedāya anāpānasati. So niyyāti takkarassa sammā dukkhakkhayāyā ti so dhammo, yo taṇ yathādesitaṇ karoti, tassa takkarassa sammā hetunā nayena kāraṇena vaṭṭadukkhakkhayāya niyyāti, gacchati. Taṇ atthaṇ sādhetī ti dīpeti.

12. Idaṇ pan' esa¹ na attano ajjhāsayena vadati. Buddhānaṇ hi dhammo aniyyāniko ti evam esa² vadeyya; na pana sakkoti vattuṇ. Kasmā? Upārambhabhayā. Vesāliyaṇ hi bahū sotāpannā sakadāgāmi anāgāmi upāsakā c' eva upāsikāyo ca.³ Te evaṇ vadeyyuṇ: Sunakkhatta, tvaṇ Bhagavatā desitadhammo aniyyāniko ti vadasi. Yadi ayaṇ dhammo aniyyāniko imasmiṇ nagare ime kasmā ettakā sotāpannā jātā, ettakā sakadāgāmi, ettakā anāgāmi ti? Pubbe vuttanayena upārambhaṇ kareyyun ti. So iminā upārambhabhayena aniyyāniko ti vattuṇ asakkonto Ajjunena⁴ visaṭṭhakaṇḍaṇ viya ass adhammo amogho niyyāti, abbhantare pan' assa kiñci n' atthī ti vadati.

13. [68¹⁴] *Assosi kho* ti Vesāliyaṇ brāhmaṇakula-seṭṭhi-kulādisu tattha tattha parisamajjhe evaṇ bhāsamānassa taṇ vacanaṇ suni, na pana paṭisedhesi. Kasmā? Kāruṇṇatāya. Evaṇ kir' assa ahosi: ayaṇ kuddho jhāyamānaṇ veluvanaṇ viya, pakkhittaloṇa-uddhanaṇ viya ca kodhavasena tatātāyati; mayā paṭibāhito pana mayi pi āghātaṇ bandhissati; evam assa Tathāgate ca mayi cā ti dvisu jaṇesu āghāto atibhāriyo bhavissati ti kāruṇṇatāya na paṭisedhesi. Api c' assa evaṇ⁵ ahosi: Buddhānaṇ avaṇṇabhaṇanaṇ⁶ nāma punṇacande dosāropanasadisāṇ. Ko imassa kathaṇ gaṇhissati? Sayam eva khele pacchinne, mukhe sukkhe oramissati ti. Iminā pi kāraṇena na paṭisedhesi.⁷ *Piṇḍapātaṇ paṭikkanto* ti piṇḍapātapariyesanato apagato.

14. [68²⁹] *Kodhana* ti caṇḍo pharusō. *Moghapuriso* ti tucchapuriso. Yassa hi tasmiṇ attabhāve maggaphalānaṇ upanissayo n' atthi, taṇ Buddhā moghapuriso ti vadanti. Upanissaye sati pi, tasmiṇ khaṇe magge vā phale vā asati moghapuriso ti vadanti yeva. Imassa pana tasmiṇ attabhāve

¹ B. S. pan' etaṇ.

² B. S. evam eva.

³ B. S. omī.

⁴ B. S. Ajjhanena.

⁵ C. evam pi.

⁶ B. S. °kathanaṇ.

⁷ B. S. paṭisedheti.

maggaphalānaṃ upanissayo samucchinno yeva; tena taṃ moghapuriso ti āha. *Kodhā ca paṇ' assa esa vācā bhāsītā* ti eṣā ca paṇ' assa vācā kodhena bhāsītā.

15. Kasmā paṇ' esa Bhagavato kuddho ti? Ayaṃ hi pubbe Bhagavantaṃ upasaṅkamitvā dibbacakkhuparikammaṃ pucchi. Ath' assa Bhagavā kathesi. So dibbacakkuṃ nibbattetvā ālokaṃ vaḍḍhetvā olokeno devaloke¹ Nandana-vana-Cittalatāvana-Phārusakavana-Missakavanesu dibbasam-pattiṃ anubhavamāne devaputte ca devadhītaro ca disvā, etesaṃ evarūpāya attabhāvasampattiyaṃ t̥hitānaṃ kiva² madhuro nu kho saddo bhavissati ti saddaṃ sotukāmo hutvā Dasabalaṃ upasaṅkamitvā dibbasotadhātuparikammaṃ pucchi. Bhagavā paṇ' assa dibbasotadhātuyā upanissayo n' atthi ti ñatvā parikammaṃ na kathesi. Na hi Buddhā yassa na bhavissati, tassa³ parikammaṃ kathenti. So Bhagavati āghātaṃ bandhitvā cintesi: Ahaṃ samaṇaṃ Gotamaṃ paṭhamāṃ dibbacakkhuparikammaṃ pucchiṃ. So mayhaṃ taṃ, sampajjatu vā mā vā sampajjatū it kathesi. Ahaṃ pana pac-cattapurisakārena taṃ nibbattetvā dibbasotadhātuparikammaṃ pucchiṃ. Taṃ me na kathesi. Addhā 'ssa evaṃ hoti: Ayaṃ rājapabbajito, dibbacakkuṇṇānaṃ nibbattetvā, dibbasotadhātūṇānaṃ nibbattetvā, cetopariyaṇṇānaṃ nibbattetvā, āsavānaṃ khayaṇṇānaṃ nibbattetvā mayā samasamo bhavissati ti issāmacchariyavasena mayhaṃ na katheti ti. Bhiyyoso āghātaṃ bandhitvā kāsāyāni chaḍḍetvā gihibhāvaṃ patvā pi na tuṇhībhūto vicarati. Dasabalaṃ pana asatā tucchena abbhācikkhanto vicarati. Ten' āha Bhagavā: *Kodhā ca paṇ' assa eṣā vācā bhāsītā* ti.

16. [69¹] *Vaṇṇo h' eso, Sāriputtā* ti Sāriputta, Tathāgatena satasahassakappādhikāni cattāri asaṅkheyyāni pāramiyo pūrentena etadattham eva vāyāmo kato: desanādhhammo me niyyāniko bhavissati ti. Tasmā yo evaṃ vadeyya, so vaṇṇaṃ yeva Tathāgatassa bhāsati. *Vaṇṇo h' eso, Sāriputta, guṇo eso Tathāgatassa, na aṇṇo ti dasseti.*

¹ B. S. devaloke olokeno.

² B. kiṭṭha; S. kiṇ.

³ B. S. Buddhā upanissayavirahitassa parikammaṃ.

17. [69⁴] *Ayam pi hi nāma, Sāriputtā* ti ādinā kiṃ dasseti ? Sunakkhattena paṭisedhitassa uttarimanussadhammassa at-tani atthitaṇ dasseti. Bhagavā kira, passa,¹ Sāriputta, Su-nakkhatto moghapuriso n' atthi Tathāgatassa uttarimanus-sadhammo ti vadati; mayhañ ca sabbaññutaññāṇaṇ nāma atthi; iddhividhaññāṇaṇ nāma atthi; dibbasotadhātuññāṇaṇ nāma atthi; cetopariyaññāṇaṇ nāma atthi; dasabalaññāṇaṇ nāma atthi; catuvesārajaññāṇaṇ nāma atthi; atṭhasu parisāsu akam-panaññāṇaṇ nāma atthi; catuyoniparicchedakaññāṇaṇ nāma atthi; pañcagatiparicchedakaññāṇaṇ nāma atthi; sabbe pi c' ete uttarimanussadhammā yeva; evarūpesu uttarimanus-sadhammesu ekassa pi jānanasamatthaṇ dhammanvayamat-tam pi nāma etassa moghapurisassa na bhavissatī ti etam atthaṇ dassetuṇ, *ayam pi nāma, Sāriputtā* ti ādinā nayena imaṇ desanaṇ ārabhi.

18. [69⁵] Tattha anvetī ti anvayo. Jānāti, anubujjhati ti attho. Dhammassa anvayo *dhammanvayo*. Taṇ taṇ sabbaññutaññāṇādidhammaṇ jānanaṇaṇñāy' etaṇ adhivaca-naṇ. *Iti pi so Bhagavā* ti ādīhi evarūpam pi nāma mayhaṇ sabbaññutaññāṇasañkhātaṇ uttarimanussadhammaṇ vijjamā-nam eva atthī ti jānituṇ tassa moghapurisassa dhamman-vayo pi na bhavissatī ti dasseti. Iddhividhaññāṇādisu pi evaṇ yojanā veditabbā.

19. [69⁸¹] Ettha ca kiṃ cāpi cetopariyaññāṇānantaraṇ tisso vijjā vattabbā siyuṇ, yasmā pana tāsu vuttāsu upari dasa-balaññāṇaṇ na paripūrati, tasmā tā avatvā Tathāgatabala-ññāṇaṇ² paripūraṇ katvā dassento, *dasu kho paṇ' imāni Sāriputtā* ti ādim āha. Tattha *Tathāgatabalāni* ti, aññehi asādhāraṇāni Tathāgatass' eva balāni. Yathā vā pubba-Buddhāṇaṇ balāni puññussayasampattiya āgatāni, tathā āgatabalāni ti pi attho.

20. Tattha duvidhaṇ Tathāgatassa balaṇ: kāyabalañ ca ñāṇabalañ ca. Tesu kāyabalaṇ hatthikulānusārena veditab-baṇ. Vuttaṇ h' etaṇ Porāṇehi:

“Kālāvakañ ca gaṅgeyyaṇ, paṇḍaraṇ, tambapiṅgalaṇ,
gandha-maṅgala-hemañ ca uposatha-chaddant' ime dasā” ti.

¹ B. S. ayaṇ.² B. S. Tathāgatassa dasabala°.

upplētvā acalatthāne¹ tiṭṭhati, evaṃ Tathāgato pi dasahi Tathāgatabalehi samannāgato catuhi vesārajapādehi attha-parisapaṭhaviṃ upplētvā sadevake loke kenaci paccatthikena paccāmittena akampiyo acalatthāne tiṭṭhati. Evaṃ tiṭṭhamāno ca taṃ āsabhāṃ ṭhānaṃ paṭijānāti, upagacchati, na paccakkhāti, attani āropeti. Tena vuttaṃ: *Āsabhāṃ ṭhānaṃ paṭijānāti* ti.

23. [69³³] *Parisāsū* ti atthasu parisāsu. *Sīhanādaṃ nadatī* ti seṭṭhanādaṃ abhitanādaṃ nadati. Sīhanādasadisāṃ vā nādaṃ nadati. Ayam attho Sīhanādasuttena dīpetabbo. Yathā vā sīho sahanato ca hananato ca sīho ti vuccati, evaṃ Tathāgato lokadhammānaṃ sahanato, parappavādānaṃ ca hananato sīho ti vuccati. Evaṃ vuttassa sīhassa nādaṃ sīhanādaṃ. Tattha yathā sīho sīhabalena samannāgato sabbattha visārado vigatalomahaṃso sīhanādaṃ nadati, evaṃ Tathāgatasīho pi Tathāgatabalehi samannāgato atthasu parisāsu visārado vigatalomahaṃso, “Iti rūpan” ti (S. iii. 157) ādinā nayena nānāvidhadesanāvīlāsasampannaṃ sīhanādaṃ nadati. Tena vuttaṃ: *Parisāsu sīhanādaṃ nadatī* ti.

24. [69³³] *Brahmacakkaṃ pavatteṭi* ti ettha *brahman* ti seṭṭhaṃ, uttamaṃ, viṣiṭṭhaṃ. Cakkasaddo paṇāyaṃ:

Sampattiyaṃ lakkhaṇe ca rathaṅge iriyāpathe dāne ratana-dhammūra²-cakkādisu ca dissatī.

Dhammacakke idha mato, taṃ ca dvedhā vibhāvaye.

“Cattār’ imāni, bhikkhave, cakkāni, yehi samannāgatānaṃ devamanussānaṃ” ti (A. ii. 32) ādisu hi ayaṃ sampattiyaṃ dissatī. “Pādatalesu cakkāni jātāni” ti (M. ii. 136) ettha lakkhaṇe. “Cakkaṃ va vahato padan” ti (Dh. 1) ettha rathaṅge.³ “Catucakkaṃ navadvāraṃ” ti (S. i. 16) ettha iriyāpathe. “Dada, bhuñja ca mā ca pamādo, cakkaṃ vattaya sabbapāṇinan” ti () ettha dāne. “Dibbaṃ cakkara-tanaṃ pāturahosī” ti (D. ii. 172) ettha ratanacakke. “Mayā pavattitaṃ cakkam” ti (Sn. 557) ettha dhammacakke. “Icchāhatassa posassa cakkam bhamati matthake” ti (Ja. i. 414) ettha uracakke.⁴ “Khurapariyāntena ce pi cakkēnā” ti

¹ B. S. °tthānena.

² B. -dhammakhura-; S. -dhammacakkādisu.

³ B. rathacakke.

⁴ B. S. khuracakke.

(D. i. 52) ettha paharaṇacakke. “Asani viya cakkan” ti¹ (S. ii. 229) ettha asanimāṇḍale. Idha paṇāyaṇ dhammacakke mato.

25. Taṇ pana dhammacakkaṇ duvidhaṇ hoti: paṭivedhaññāṇaṇ ca desanāññāṇaṇ ca. Tattha paññāpabhāvitāṇ attano ariyaphalāvahaṇ paṭivedhaññāṇaṇ, karuṇāpabhāvitāṇ sāvakaṇaṇ ariyaphalāvahaṇ desanāññāṇaṇ. Tattha paṭivedhaññāṇaṇ, uppajjamānaṇ, uppannaṇ ti duvidhaṇ. Taṇ hi abhinikkhamanato yāva arattamaggā uppajjamānaṇ, phalakkhaṇe uppannaṇ nāma. Tusitabhavanato vā yāva Mahābodhipallaṇke arahattamaggā uppajjamānaṇ, phalakkhaṇe uppannaṇ nāma. Dīpaṇkarato paṭṭhāya vā yāva arahattamaggā uppajjamānaṇ, phalakkhaṇe uppannaṇ nāma. Desanāññāṇam pi, pavattamānaṇ, pavattaṇ ti duvidhaṇ. Taṇ hi yāva Añña²-Koṇḍaññaṇsso sotāpattimaggā pavattamānaṇ, phalakkhaṇe pavattaṇ nāma. Tesu paṭivedhaññāṇaṇ lokuttaraṇ, desanāññāṇaṇ lokiyaṇ. Ubhayam pi pan’ etaṇ aññehi asādhāraṇaṇ, Buddhānaṇ yeva orasaṇ ñāṇaṇ.

26. [69³⁴] Idāni yehi dasahi³ balehi samannāgato Tathāgato āsabbhaṇ ṭhānaṇ paṭijānāti, yāni ādito va, *dasa kho pan’ imāni, Sāriputta, Tathāgatassa Tathāgatabālāni* ti nikkhattāni, tāni vitthārato dassetuṇ, *kaṭamāni dasa? Idha, Sāriputta, Tathāgato ṭhānaṇ ca ṭhānato* ti ādim āha. Tattha *ṭhānaṇ ca ṭhānato* ti kāraṇaṇ ca kāraṇato. Kāraṇaṇ hi yasmā tattha phalaṇ tiṭṭhati, tadāyattavuttitāya uppajjati o’ eva pavattati ca, tasmā ṭhānaṇ ti vuccati. Taṇ Bhagavā, ye ye dhammā yesaṇ yesaṇ dhammānaṇ hetupaccayā uppādāya, taṇ taṇ ṭhānaṇ; ye ye dhammā yesaṇ yesaṇ dhammānaṇ na hetupaccayā uppādāya, taṇ taṇ aṭṭhānaṇ ti pajānanto *ṭhānaṇ ca ṭhānato, aṭṭhānaṇ ca aṭṭhānato yathābhūtaṇ pajānāti*. Abhidhamme pan’ etaṇ, “Tattha katamaṇ Tathāgatassa ṭhānaṇ ca ṭhānato aṭṭhānaṇ ca aṭṭhānato yathābhūtaṇ ñāṇaṇ” ti (Vbh. 335) ādinā nayena vitthāritam eva. *Yam pi ti yena ñāṇena. Idam pi, Sāriputta, Tathāgatassa* ti idam pi ṭhānāṭṭhānaññaṇaṇ Tathāgatassa Tathāgatabalaṇ nāma hoti ti attho. Evaṇ sabbapadesu yojanā veditabbā.

¹ B. Asanivicakkan ti.

² B. Aññāta-.

³ B. S. omī.

27. [70⁴] *Kammasamādānānaṃ* ti samādiyitvā katānaṃ kusalākusalakammānaṃ. Kammam eva vā kammasamādānaṃ. *Thānaso hetuso* ti paccayato c' eva hetuto ca. Tattha gati-upadhi-kāla-payogā vipākassa thānaṃ, kammaṃ hetu. Imassa pana ñānassa vitthāarakathā, “Atth' ekaccāni pāpakāni kammasamādānāni gatisampattipaṭibālhāni na vipaccanti” ti (Vbh. 338) ādinā nayena Abhidhamme āgatā yeve.

28. [70⁷] *Sabbatthagāminin* ti sabbagatigāminiṃ ca agatigāminiṃ ca. *Paṭipadan* ti maggaṃ. *Yathābhūtaṃ pajānāti* ti bahusu pi manussesu ekam eva paṇaṃ ghātentesu imassa cetanā nirayagāminiṃ bhavissati, imassa tiracchānayonigāminiṃ ti iminā nayena ekavatthusmim pi kusalākusalacetanāsañkhātānaṃ paṭipattinaṃ aviparītato sabhāvaṃ jānāti. Imassa pi ca ñānassa vitthāarakathā, “Tattha katamaṃ Tathāgatassa sabbatthagāminipaṭipadaṃ yathābhūtaṃ ñānaṃ? Idha Tathāgato, ayaṃ maggo ayaṃ paṭipadā nirayagāminiṃ ti pajānāti” ti (Vbh. 339) ādinā nayena Abhidhamme āgatā yeve.

29. [70⁹] *Anekadhātun* ti cakkhuhātu-ādīhi kāmādhātu-ādīhi vā dhātūhi bahudhātuṃ. *Nānādhātun* ti tāsāṃ yeve dhātūnaṃ vilakkhaṇatāya nānappakāradhātuṃ. *Lokaṃ* ti khandhāyatana-dhātulokaṃ. *Yathābhūtaṃ pajānāti* ti tāsāṃ dhātūnaṃ aviparītato sabhāvaṃ paṭivijjhati. Idam pi ñānaṃ, “Tattha katamaṃ Tathāgatassa anekadhātu-nānādhātulokaṃ yathābhūtaṃ ñānaṃ? Idha Tathāgato khandhanānattaṃ pajānāti” ti (Vbh. 339) ādinā nayena Abhidhamme vitthāritam eva.

30. [70¹¹] *Nānādhimuttikatan* ti hīnādihi adhimuttīhi nānādhimuttikabhāvaṃ. Idam pi ñānaṃ, “Tattha katamaṃ Tathāgatassa sattānaṃ nānādhimuttikatan yathābhūtaṃ ñānaṃ? Idha Tathāgato pajānāti¹: Santi sattā hīnādhimuttikā” ti (Vbh. 339) ādinā nayena Abhidhamme vitthāritam eva.

31. [70¹³] *Parasattānaṃ* ti padhānasattānaṃ. *Parapuggalānaṃ* ti tato paresaṃ hīnasattānaṃ. Ekaṃtham eva vā

etaṇ padadvayaṇ veneyyavasena dvedhā vuttaṇ. *Indriya-paropariyattan* ti saddhādīnaṇ indriyānaṇ parabhāvaṇ ca aparabhāvaṇ ca. Vuddhiṇ ca hāniṇ cā ti attho. Imassa pi ñāṇassa vitthāarakathā, “Tattha katamaṇ Tathāgatassa parasattānaṇ parapuggalānaṇ indriyaparopariyattaṇ yathābhūtaṇ ñāṇaṇ? Idha Tathāgato sattānaṇ āsayaṇ jānāti, anusayaṇ jānāti” ti (Vbh. 340) ādinā nayena Abhidhamme āgatam eva.

32. [70¹⁶] *Jhānavimokkhasamādhisamāpattīnaṇ* ti paṭhamādīnaṇ catunnaṇ jhānaṇaṇ; “Rūpi rūpāni passaṭi” ti (Vbh. 342) ādīnaṇ atṭhannaṇ vimokkhānaṇ; savitakkasavicārādīnaṇ tiṇṇaṇ samādhīnaṇ paṭhamajjhānasamāpattīādīnaṇ ca navannaṇ anupubbasaṃpattīnaṇ. *Saṅkilesaṇ* ti hānabhāgiyadhammaṇ. *Vodānaṇ* ti viśesabhāgiyadhammaṇ. *Vuṭṭhānaṇ* ti “Vodānam pi vuṭṭhānaṇ, tamhā tamhā samādhimhā vuṭṭhānam pi vuṭṭhānaṇ” ti (Vbh. 343) evaṇ vuttaṇ paṇaṇajjhānaṇ c’ eva bhavaṇṅgaphalasamāpattiyo ca. Hetṭhimaṇ hetṭhimaṇ hi paṇaṇajjhānaṇ uparimassa uparimassa padaṭṭhānaṇ hoti, tasmā vodānam pi vuṭṭhānaṇ ti vuttaṇ. Bhavaṇṅgena pana¹ sabbajjhānehi vuṭṭhānaṇ hoti. Phalasamāpattiyā nirodhasamāpattito vuṭṭhānaṇ hoti. Tam enaṇ² sandhāya, tamhā tamhā samādhimhā vuṭṭhānam pi vuṭṭhānaṇ ti vuttaṇ. Idam pi ñāṇaṇ, “Tattha katamaṇ Tathāgatassa jhānavimokkhasamādhisamāpattīnaṇ saṅkilesaṇ vodānaṇ vuṭṭhānaṇ yathābhūtaṇ ñāṇaṇ? Jhāyī ti cattāro jhāyī: atth’ ekacco jhāyī samāpattiṇ yeva samānaṇ vipattiṇ ti pacceti” ti (Vbh. 342) ādinā nayena Abhidhamme vitthāritaṇ.

33. [71¹⁸] *Sabbaññāṇānaṇ*³ ca vitthāarakathāya vinicchayo Sammohavinodaniyā Vibhaṅgaṭṭhakathāya vutto. Pubbenivāsānussati-dibbacakkhuññānakathā Visuddhimagge vitthāritā; āsavakkhaya-kathā Bhaya-bherave. *Imāni kho, Sāriputtā* ti yāni pubbe, *assa kho paṇ’ imāni, Sāriputta, Tathāgatassa Tathāgatabalāni* ti avoca, imāni tāni ti appanaṇ karoti.

¹ S. omits.

² B. S. omits.

³ B. Sattannaṇ ñāṇānaṇ vitthāra°; S. Sabbaññūtaññāṇaṇ ca.

[illegible]

35. Apī ca paravādī evaṃ pucchitaḥ: Dasabalāñāṇaṃ nāma etaṃ savitakkasavicāraṃ, avitakkavicāramattaṃ, avitakka-avicārāṃ, kāmāvacaraṃ, rūpāvacaraṃ,² lokiyaṃ, lokuttaraṃ ti? Paṭipāṭiyā satta ñāṇāni savitakkasavicārāni ti vakkhati; tato parāni dve avitakka-avicārāni ti vakkhati. Āsavakkhayañāṇaṃ siyā savitakkasavicāraṃ, siyā avitakka-avicāramattaṃ, siyā avitakka-avicāraṃ ti vakkhati. Tathā paṭipāṭiyā satta kāmāvacārāni, tato parāni dve rūpāvacārāni, avasāne ekaṃ lokuttaraṃ ti vakkhati. Sabbaññutañāṇaṃ pana savitakkasavicāraṃ eva, kāmāvacaraṃ eva, lokiyam evā ti vakkhati.

36. Evam ettha anupadavaññanaṃ katvā idāni yaśmā Tathāgato paṭhamaṃ yeva tñānāthānaññānaṃ veneyyasat-tānaṃ āsavakkhayaādhigamassa o' eva anadhigamassa ca tñānāthānabhūtaṃ kilesāvaraṇābhāvaṃ passati, lokiya-sam-māditthitthānadassanato ca,³ niyatamicchāditthitthānābhā-vadassanato ca; atha nesaṃ kammavipākāññānaṃ vipā-kāvaraṇābhāvaṃ passati, tihetukapaṭisandhidassanato; sab-

¹ S. pi hi.

² B. *adds* arūpâvacaraṇ.

⁸ B. S. *omit.*

batthagāminipaṭipadāñānena kammāvaranābhāvaṇ passati, ānantariyakammābhāvadassanato; evaṇ anāvaranānaṇ anekadhātu-nānādhātunānena anukūladhammadesanattthaṇ cariyāvisesaṇ passati, dhātuvemattadassanato; atha nesaṇ nānādhimuttikatañānena adhimuttiṇ passati, payogaṇ anādiyitvā pi adhimuttivasena dhammadesanattthaṇ; ath' evaṇ diṭṭhādhimuttīnaṇ yathāsatti yathābalaṇ dhammaṇ desetun indriyaparopariyattiñānena indriyaparopariyattaṇ passati, sadhādīnaṇ tikkhamudubhāvadassanato; evaṇ pariññātindriyaparopariyattā pana te sace dūre honti, atha paṭhamajjhānādisu¹ vasībhūtattā iddhivisesena ne khippaṇ upagacchati; upagantvā ca nesaṇ pubbenivāsānussatiñānena pubbaṇjātibhāvanaṇ, dibbacakkhuñānānubhāvato pattabbena cetopariyañānena sampati cittavisesaṇ passanto, āsavakkhayañānānubhāvena āsavakkhayagāminiyā paṭipadāya vigata-sammohattā āsavakkhayāya dhammaṇ deseti; tasmā iminā anukkamena imāni dasa balāni vuttāni ti veditabbāni.

37. [71²⁵] Taṇ² vācaṇ appahāyā ti ādisu, puna evarūpaṇ vācaṇ na vakkhāmi ti vadanto taṇ vācaṇ pajahati nāma. Puna evarūpaṇ cittaṇ na uppādessāmi ti cintento cittaṇ pajahati nāma. Puna evarūpaṇ diṭṭhiṇ na ganhiṣṣāmi ti pajahanto diṭṭhiṇ paṇinissajati nāma. Tathā akaronto n' eva pajahati, na paṇinissajati. So yathābhataṇ nikkhitto evaṇ niraye,³ yathā nirayapālehi āharitvā niraye ṭhapito, evaṇ niraye ṭhapito yevā ti veditabbo.

38. [71²⁷] Idān' assa⁴ atthasādhikaṇ upamaṇ dassento, seyyathā pi ti ādim āha. Tattha sīlasampanno ti ādisu lokiya lokuttarā sīla-samādhī-paññā veditabbā. Lokuttaravaseṇ' eva vinivattettum⁵ pi vaṭṭati. Ayaṇ hi sammāvācā-kammantājīvehi sīlasampanno, sammāvāyāmasatisamādhīhi samādhīsampanno, sammādiṭṭhisaṅkappehi paññāsampanno. So evaṇ sīlādisampanno bhikkhu yathā diṭṭhe va dhamme imasmiṇ yeva attabhāve aññaṇ ārādheti, arahattaṇ pāpunāti, evaṇ sampadam idaṇ, Sāriputta, vadāmi; idam pi kāraṇaṇ

¹ B. omits paṭhama°.

² B. S. Taṇ Sāriputta vācaṇ.

⁴ B. S. Idani 'ssa.

³ B. S. niraye ti.

⁵ B. S. vinivattettum.

evarūpam eva. Yathā hi maggānantaraṇ avirajjhivā va phalaṇ nibbattati, evam eva imassāpi puggalassa cuti-anantaraṇ avirajjhivā va niraye paṭisandhi hoti ti dasseti. Sakalasmiṇ hi Buddhavacane imāya upamāya gāhataṇ katvā vuttā upamā nāma n' atthi.

39. [71³²] *Vesārajjanī* ti ettha sārājjaṭṭhapaṭipakkho vesārajjan. Catusu ṭhānesu sārājjabhāvaṇ paccavekkhantassa uppannasomassamayañāṇass' etaṇ nāmaṇ. *Sammāsambuddhassa te paṭijānato* ti ahaṇ Sammāsambuddho, sabbe dhammā mayā abhisambuddhā ti evaṇ paṭijānato tava. *Anabhisambuddhā* ti ime nāma dhammā tayā na abhisambuddhā. *Tatra vatā* ti tesu,¹ anabhisambuddhā ti evaṇ dassitadhammesu. *Sahadhammenā* ti sahetunā sakāraṇena vacanena; Sunakkhatto viya vippalapanto appamānaṇ. *Nimittam etaṇ* ti ettha puggalo pi dhammo pi nimittan ti adhippeto. Taṇ puggalaṇ na passāmi, yo maṇ paṭicodessati, taṇ dhammam pi² na passāmi, yaṇ dassetvā ayaṇ nāma dhammo tayā anabhisambuddho ti maṇ paṭicodessati ti ayam ettha attho. *Khemappatto* ti khemaṇ patto. Sesāṇ padadvayaṇ imass' eva vevacanaṇ.

40. [72³] Sabbam p' etaṇ² vesārajjañāṇam eva sandhāya vuttaṇ. Dasabalassa hi, ayaṇ nāma dhammo tayā anabhisambuddho ti codakaṇ puggalaṇ vā, codanākāraṇaṇ anabhisambuddhadhammaṇ vā apassato, sabhāvaṇabuddho yeva samāno ahaṇ Buddho 'smi ti vadāmi ti paccavekkhantassa balavataṇaṇ somanassaṇ uppajjati. Tena sampayuttañāṇaṇ vesārajjaṇ nāma. Taṇ sandhāya *khemappatto* ti ādim āha. Evaṇ sabbattha attho veditabbo.

41. [72^e] *Antarāyikā dhammā* ti ettha pana antarāyaṇ karonti ti antarāyikā. Te atthato sañcicca vitikkantā satta āpattikkhandhā. Sañcicca vitikkantaṇ hi antamaso dukkaṭadubbhāsitaṇ pi maggaphalānaṇ antarāyaṇ karoti. Idha pana methunadhammo adhippeto. Methunaṇ sevato hi yassa kassaci nissaṇsayam eva maggaphalānaṇ antarāyo hoti. *Yassa kho pana te atthāyā* ti rāgakkhayādisu yassa³ yassa atthāya. *Dhammo desito* ti asubhabbhāvanādidhammo ka-

¹ B. S. tesu vata.² S. B. h' etaṇ.³ B. S. omit.

thito. *Tatra vata man ti tasmiṇ aniyyānikadhamme maṇ.* Sesañ vuttanayen' eva veditabbaṇ.

42. [72¹⁸] *Attha kho imā, Sāriputtā ti idaṇ kasmā ārad-dhaṇ?* Vesārajjañāṇassa baladassanattaṇ. Yathā hi vyattaṇ parisā ajjhogāhetvā viññūnaṇ cittaṇ ārādhana-samatthāya kathāya dhammakathikassa chekabhāvo pañ-ñāyati, evaṇ imā aṭṭha parisā patvā¹ vesārajjañāṇassa ve-sārajjabhāvo sakkā ñātun ti vesārajjañāṇassa balaṇ dassento, *aṭṭha kho imā, Sāriputtā ti ādim āha.*

43. [72¹⁸] *Tattha khattiyaparisā ti khattiyānaṇ sannipa-titvā nisinnaṭṭhānaṇ.* Esa nayo sabbattha. Mārakāyikānaṇ pana sannipatitvā nisinnaṭṭhānaṇ *Māraparisā ti veditabbā; na Mārānaṇ.* Sabbā pi c' etā parisā uggatṭhāna-dassanavasena gahitā. Manussā hi, ettha rājā nisinno ti pakativacanam pi vattuṇ na sakkonti; kacchehi sedā muccanti. Evaṇ uggā khattiyaparisā. Brāhmaṇā tīsu vedesu kusalā honti; gahapatayo nānāvoharesu c' eva akkharacintāya ca. Samaṇā sakavādesu kusalā honti. Tesā majjhe dham-makathākathanaṇ nāma ativiya bhāro. Amanussā pi uggā honti. Amanusso ti hi vuttamatte pi² sakalasarīraṇ kampati.³ Tassa rūpaṇ vā disvā saddaṇ vā sutvā sattā visaññīno honti. Evaṇ amanussaparisā uggā. Tāsu pi dhammakathāka-thanaṇ nāma ativiya bhāro. Iti uggatṭhānadassanavasena tā gahitā ti veditabbā.

44. [72²³] *Ajjhogāhatī ti anupavisati. Anekasataṇ khat-tiyaparisā ti Bimbisārasamāgama-ñāṭisamāgama-Liccha-visamāgamādisaṇ.*⁴ Aññacakkavālesu pi⁵ upalabbhati⁶ yeva. Kiṇ pana Bhagavā aññacakkavālāni⁷ pi gacchati ti? Āma, gacchati. Kīdiso hutvā? Yādisā te, tādiso va.⁸ Ten' ev' āha: "Abhiñānāmi kho panāhaṇ, Ānanda, anekasa-taṇ khattiyaparisāṇ upasaṅkamitā. . . . Tattha yādisako

¹ B. S. imāhi aṭṭhaḥhi parisāhi pi vesārajja°.

² B. adds manussānaṇ.

³ B. S. saṅkampati.

⁴ B. S. °samāgamasadisāṇ.

⁵ B. S. Aññesu pi cakkavālesu.

⁶ B. S. labbhati.

⁷ B. S. aññāni cakkavālāni.

⁸ B. omits; S. yeva.

tesaṇ vaṇṇo hoti, tādiso mayhaṇ vaṇṇo hoti, yādisako tesaṇ saro hoti, tādiso mayhaṇ saro hoti. Dhammiyā ca kathāya sandassemi—pe—sampahaṇsemi. Bhāsamānaṇ ca maṇ na jānanti: ko nu kho ayaṇ bhāsati, devo vā manusso vā ti. Dhammiyā ca kathāya sandassetvā—pe—sampahaṇsetvā antaradhāyāmi. Antarahitaṇ ca maṇ na jānanti: ko nu kho ayaṇ antarahito, devo vā manusso vā ” ti (D. ii. 109).

45. Khatṭiyā keyūraṇḍadamālāgandhādibhūsitā nānāvira-gavasana āmuttamaṇikuṇḍalā molidharā honti. Kiṇ Bhagavā pi evaṇ attānaṇ maṇḍeti? Te ca¹ odātā pi honti kālā pi maṇḍuracchavi pi. Kiṇ Satthā pi evarūpo hoti ti? Satthā attano pabbajitavesen’ eva gacchati. Tesaṇ pana tādiso hutvā upaṭṭhāti. Gantvā rājāsane nisinnaṇ attānaṇ dasseti. Tesaṇ, ajja amhākaṇ rājā ativiya virocati ti hoti. Te ca chinnassarā² pi honti, baddhassarā³ pi, kākassarā pi. Satthā brahmassaren’ eva dhammaṇ katheti. Tādisako mayhaṇ saro hoti ti idaṇ pana bhāsantaraṇ sandhāya kathitaṇ. Manussānaṇ pana taṇ sutvā, ajja rājā madhurena sarena katheti ti hoti. Kathetvā pakkante ca Bhagavati puna rājānaṇ āgataṇ disvā, ko nu kho ayaṇ ti vīmaṇsā uppajjati. Idaṇ vuttaṇ hoti: Ko nu kho ayaṇ imasmiṇ ṭhāne idān’ eva Magadhabhāsāya, Sihalabhāsāya madhurena sarena kathento antarahito ti, kiṇ devo, udāhu manusso ti? Kimatthaṇ pan’ evaṇ ajānantānaṇ dhammaṇ deseti ti? Vāsanatthāya. Evaṇ suto pi hi dhammo anāgate paccayo hoti yevā ti anāgataṇ paṭicca deseti.

46. [72²⁵] *Sannisinnaṇapubbaṇ* ti saṅgama nisinnaṇapubbaṇ. *Sallapitaṇapubbaṇ* ti ālāpasallāpo katapubbo. *Sākacchā* ti dhammasākacchā pi samāpajjitaṇapubbā. *Anekasataṇ brāhmaṇaparisaṇ* ti ādīnam pi Soṇadaṇḍasamāgamādivasena c’ eva aññacakkavālavasena ca sambhavo veditabbo.

47. [73³] *Catasso kho imā, Sārīputta, yoniyo* ti ettha yoni ti khandhakoṭṭhāsassa pi, kāraṇassa pi, passāyamaggassa pi nāmaṇ. “Catasso nāgayoniyo, catasso supaṇṇayoniyo” ti () ettha hi khandhakoṭṭhāso yoni nāma. “Ayoni h’

¹ B. keci; S. Te pi.

² B. S. bhinnassarā.

³ B. omits; S. gambhīrassarā.

esā, Bhūmija, phalassa adhigamāyā” ti (M. iii. 140) ettha kāraṇaṇ. “Na cahaṇ brāhmaṇaṇ brūmi yoniyaṇ mattisambhavan” ti (Dh. 396) ettha passāvamaggo. Idha pana khandhakotṭhāso *yonī* ti adhippeto. Tattha aṇḍe jātā *aṇḍajā*. Jalābumhi jātā *jalābujā*. Saṇsede jātā *saṇsedajā*. Vinā etehi kāraṇehi uppatitvā viya nibbattā¹ ti *opapātikā*. *Abhinibbhijja jāyanti* ti bhinditvā nikkhamanavasena jāyanti. *Pūtikuṇape vā* ti ādīni hi anitṭhān’ eva² dassitāni. Itṭhesu pi sappitelamadhuphānitādisu sattā jāyanti eva.

48. [73¹³] *Devā* ti ādisu Cātummahārājikato paṭṭhāya uparidevā opapātikā honti. Bhummadevā pana catuyonikā. *Ekacce ca manussā* ti ettha manussesu kecid eva opapātikā honti. Yebhuyyena pan’ ete jalābujā va. Aṇḍajā pi ettha Kontaputtā³ dve bhātiyatherā viya; saṇsedajā pi padumagabbhe nibbatta-Pokkharasātibrāhmaṇa-Padumāvatīdevī-ādayo viya honti yeva. Vinipātikesu Nijjhāmatanṭhikā petā nerayikā viya opapātikā yeva. Avasesā catuyonikā pi honti. Yathā ca te evaṇ yakkhā pi, sabbacatuppapakkhijāti-dighajāti-ādayo pi sabbe catuyonikā yeva.

49. [73¹⁸] *Pañca kho imā, Sāriputta, gatiyo* ti ettha sukhataḍukkatakammavasena gantabbā ti *gatiyo*. Api ca gatigati, nibbattigati, ajjhāsayagati, vibhavagati, nipphattigati ti bahuvidhā gati nāma. Tattha, “Kaṇ gatiṇ pecca gacchāmi” ti () ca, “Yassa gatiṇ na jānanti devā gandhabbamānussā” ti (Dh. 420) ca, ayaṇ gatigati nāma. “Imesaṇ kho ahaṇ bhikkhūnaṇ sīlavantānaṇ n’ eva jānāmi gatiṇ vā agatiṇ vā” ti (M. i. 334) ayaṇ nibbattigati nāma. “Evam pi kho te ahaṇ, Brahme, gatiṇ ca pajānāmi, mutiṇ⁴ ca pajānāmi” ti (M. i. 328) ayaṇ ajjhāsayagati nāma. “Vibhavo gati dhammānaṇ nibbānaṇ arahato gati” ti () ayaṇ vibhavagati nāma. “Dve eva gatiyo bhavanti, anañña” ti (D. ii. 16) ayaṇ nipphattigati nāma. Tāsu idha gatigati adhippetā.

¹ S. nibbattā abhinibbattā ti.

² B. S. anitṭhatṭhānān’ eva.

³ B. Koṇḍaputtā.

⁴ B. S. cutiṇ ca.

50. [73¹⁸] *Nirayo* ti ādisu niratīyaṭṭhena nirassādaṭṭhena *nirayo*. Tirīyaṇ aññhitā¹ tiracchānā. Tesāṇ yoni *tiracchānayoni*. Peccabhāvaṇ pattānaṇ visayo ti *Pettivisayo*. Manaso ussannattā *manussā*. Pañcahi kāmagaṇehi, attano attano ānubhāvehi ca dibbantī ti *devā*. *Nirayaṇ cāhaṇ*, *Sāriputtā* ti ādisu nirayo ti saddhiṇ okāseṇa khandhā. *Tiracchānayoniñ cā* ti ādisu pi es' eva nayo. *Maggaṇ paṭipadun* ti ubhayenāpi taṇ taṇ² gatisaṇvattanikaṇ kammam eva dasseti. *Yathāpaṭipanno* ti yena maggena yāya paṭipadāya paṭipanno ti ubhayam pi ekato katvā niddisati. *Apāyan* ti ādisu vaḍḍhisaññhātā, sukhasaññhātā vā ayā apetattā apāyo. Dukkhassa gati paṭisaraṇan ti duggati. Dukkatakārino ettha vinipatantī ti vinipāto. *Nibbānañ cāhan* ti idaṇ pana, na kevalaṇ gatim eva,³ gatinissaraṇaṇ nibbānam pi jānāmi ti dassanatthaṇ āha. Idha maggo⁴ paṭipadā ti ubhayenāpi ariyamaggo va vutto.

51. [74⁴] Idāni yathāvuttesu ṭhānesu attano ñāṇappavat-tākāraṇ dassento, *idhāhaṇ*, *Sāriputtā* ti ādim āha. Tattha *ekantaḍukkhā* ti niccaḍukkhā, nirantaradukkhā. *Tippā* ti bahalā. *Kaṭukā* ti kharā. *Seyyathā pi* ti ādīni opamma-dassanatthaṇ vuttāni. Tattha *kāsū* ti āvāto pi vuccati, rāsi pi.

“Kin nu santaramāno va kāsūṇ khaṇasi, sārathi
putṭho me, samma, akkhāhi, kiṇ kāsuyā karissasi” ti
(Jā. vi. 12)

ettha hi āvāto kāsū nāma.

“Añgārakāsūṇ apare phuṇanti⁵

narā rudantā paridaḍḍhagattā” ti (Jā. vi. 107)

ettha rāsi. Idha pana āvāto adhippeto. Ten' ev' āha: *Sādhikaporisaṇ pūr' añgārānan* ti. Tattha *sādhikaporisaṇ* pamāṇaṇ assā ti *sādhikaporisā*. Atirekapañcaratānā ti attho. *Vitaccikānaṇ vitadhūmānan* ti etaṇ parilāhassa balavabhāvadīpanatthaṇ vuttaṇ. Acciyā vā hi⁶ dhūme vā sati, vāto samuṭṭhāti; tena parilāho na balavā hoti. *Ghammapareto*

¹ S. aññchantī ti.

² B. S. vuttaṇ for taṇ taṇ.

³ B. S. gatigatim eva.

⁴ B. S. maggo ti.

⁵ S. bhunanti.

⁶ B. S. sati for hi.

ti ghammānugato. *Tasīto* ti jātatatto. *Pipāsīto* ti udakaṇ pātukāmo. *Ekāyanena maggenā* ti ekamaggen' eva¹ maggena anukkamanīyena ubhosu passesu niranterakaṇṭakarukkha-gahanena. *Paṇidhāyā* ti aṅgārakāsuyaṇ² hi patthanā nāma n' atthi. Aṅgārakāsuyaṇ ārabba pana iriyāpathassa ṭhapi-tattā evaṇ vuttaṇ.

52. [74²⁰] *Evam eva kho* ti ettha idaṇ opamasaṇsandanaṇ: Aṅgārakāsu viya hi nirayo daṭṭhabbo. Aṅgārakāsumaggo viya nirayūpagaṇ kammaṇ. Maggārūlho viya kammasaṁ-aṅgī puggalo. Cakkhumā puriso viya dibbacakkhuko Bhagavā. Yathā so puriso maggārūlhaṇ disvā va jānāti: ayaṇ iminā maggena gantvā aṅgārakāsuyaṇ patissati ti, evam eva Bhagavā paṇātipātādisu yaṇ kiñci kammaṇ āyū-hantaṇ evaṇ jānāti: ayaṇ imaṇ kammaṇ katvā niraye nibbattissati ti. Yathā so puriso aparabhāge taṇ aṅgārakāsuyā patitaṇ passati, evam eva Bhagavā aparabhāge so puriso taṇ kammaṇ katvā kuhiṇ nibbatta ti ālokaṇ vaḍḍhetvā dibbacakkhunā olokento niraye nibbattaṇ passati, pañcavidhabandhanādimaḥādukkhaṇ anubhavantaṇ. Tattha kiñ cāpi tassa kammāyūhanakāle añño vaṇṇo, niraye nibbattassa añño, atha khv' assa,³ so satto taṇ kammaṇ katvā tattha⁴ nibbatta ti olokentassa anekasahassānaṇ sattānaṇ majjhe ṭhito pi, ayaṇ so ti so yeva satto āpāthaṇ āgacchati. Dibbacakkhuphalāṇ nāma etan ti vadanti.

53. [75⁶] *Dutiya-upamāyaṇ yasmā aṅgārakāsuyaṇ viya gūthakūpe parilāho* n' atthi tasmā ekantadukkhā ti avatvā, *dukkhā* ti ādim āha. Etthāpi purimanayaṇ' eva opamasaṇsandanaṇ veditabbaṇ. Imam pi⁵ puggalaṇ Bhagavā hatthiyoni-ādisu yattha katthaci nibbattaṇ vadhabandhana-ākāḍḍhanavikaḍḍhanādīhi mahādukkhaṇ anubhavamaṇaṇ passati yeva.

54. [75¹³] *Tatiya-upamāyaṇ tanupattapālāso* ti na abba-pātalaṇ viya tanupannaṇ. Viralapannaṇaṇ pan' assa sandhāya idaṇ vuttaṇ. *Kabaracchāyo* ti viralacchāyo. *Dukkhabahulā*

¹ B. S. ekapathen' eva.

² B. S. °kāsumhi and omīti hi.

³ S. attha kho satto; B. athāpi so satto.

⁴ B. kattha.

⁵ B. S. pi hi.

ti¹ pettivisayasmiṇ hi dukkham eva bahulaṇ, sukhaṇ parittaṇ kadāci anubhavitabbaṇ hoti; tasmā evam āha. Idhāpi purimanayen' eva opammasaṇsandanaṇ veditabbaṇ.

55. [75²⁷] Catuttha-upamāyaṇ *bahalapattapalāso* ti niran-tarapaṇṇo, pattasañchanho. *Sandacchāyo*² ti pāsānacchat-taṇ viya ghanacchāyo. *Sukhabahulā vedanā* ti manussaloke khattiyakulādisu sukhabahulā vedanā vedayitabbā honti. Tā vediyamānaṇ nisinnaṇ vā nipannaṇ vā passāmī ti dasseti. Idhāpi opammasaṇsandanaṇ purimanayen' eva veditabbaṇ.

56. [76^b] Pañcama-upamāyaṇ *pāsādo* ti dīghapāsādo. *Ullittāvalittan* ti anto c' eva bahi ca littan.³ *Phussitaggalaṇ* ti dvārabāhāhi saddhiṇ supihitakavāṭaṇ. *Goṇakattthato* ti caturaṅgulādhikalomena kālakojavaṇa atthato. *Paṭikattthato* ti uṇṇāmayena setattharakena atthato. *Patalikattthato* ti ghanapupphena uṇṇāmayena attharakena atthato. *Kadalimigapavarapaccattharaṇo* ti kadalimigacammamayena ut-tamapaccattharaṇena atthato. Taṇ kira paccattharaṇaṇ setavatthassa upari kadalimigacammaṇ attharitvā sibbetvā karonti. *Sa-uttaracchado* ti saha uttaracchadena uparibad-dhena rattavitānena saddhin ti attho. *Ubhato lohita-kūpadhāno* ti sīsūpadhānaṇ ca pādūpadhānaṇ cā ti pallaṅkassa ubhato ṭhapitalohitakūpadhāno. Idhāpi upamāsaṇsandanaṇ purimanayen' eva veditabbaṇ.

57. Ayaṇ paṇ' ettha aparabhāge yojanā: Yathā so puriso maggārūlham eva jānāti, ayaṇ etena maggena gantvā pāsādaṇ āruya kūṭāgāraṇ pavisitvā pallaṅke nisīdissati vā nipajjissati vā ti, evam eva Bhagavā dānādisu puñṇakiriyavatthusu yaṇ kiñci kusalakammaṇ āyūhantaṇ yeva puggalaṇ dīsvā, ayaṇ imaṇ kammaṇ⁴ katvā devaloke nibbattissati ti jānāti. Yathā so puriso aparabhāge taṇ pāsādaṇ āruya kūṭāgāraṇ pavi-sitvā pallaṅke nisinnaṇ vā nipannaṇ va ekantasukhā niran-tarasukhā vedanā vediyamānaṇ passati, evam eva Bhagavā aparabhāge, so puriso taṇ kalyāṇakammaṇ katvā kuhiṇ nibbatto ti ālokaṇ vaḍḍhetvā dibbacakkhunā olovento deva-

¹ B. S. Dukkhabahulam ti.

² B. Santacchāyo; S. Saṇḍacchāyo.

³ B. S. c' eva ullittan bahi ca avalittan.

⁴ B. S. omī.

loke nibbattaṇ passati, Nandanavanādisu accharāsaṅgha-parivutaṇ, dibbasampattiṇ anubhavamaṇaṇ.

58. [76²³] Āsavakkhayavāre dibbena cakkhunā ti avatvā, *tam enaṇ passāmī* ti vuttaṇ; taṇ kasmā ti ce? Niyamābhāvā. Imaṇ hi puggalaṇ dibbacakkhunā pi passissati, ceṭtopariyañānena pi jānissati; sabbaññutañānena pi jānissati yeva. *Ekantasukhā vedanā* ti idaṇ kiṇ cāpi devalokasukhena saddhiṇ vyañjanato ekaṇ, atthato pana nānā hoti. Devalokasukhaṇ hi rāgaparilāhādīnaṇ atthitāya na ekanten' eva ekantasukhaṇ.¹ Nibbānasukhaṇ pana sabbaparilāhānaṇ vūpasamā sabbākārena ekantasukhaṇ. Upamāyam pi yaṇ² pāsāde ekantasukhā ti vuttaṇ, taṇ maggaparilāhassa avūpasantatāya, chātajjhattatāya, pipāsābhibhūtātāya ca, na ekanten' ekantasukhaṇ. Vanasaṇḍe pana pokkharaniyaṇ oruyha rajojallassa pavāhitattā, maggadārathassa vūpasantatāya, bhisamulālakhādanena³ c' eva madhurodakapānena ca khuppi-pāsānaṇ vinītātāya, udakasāṭikaṇ parivattetvā paṭṭadukūlaṇ⁴ nivāsetvā taṇḍulatthavikaṇ ussisake katvā udakasāṭikaṇ pīletvā hadaye ṭhapetvā mandamandena⁵ vātena vijayamānassa nipannattā sabbākārena ekantasukhaṇ hoti.

59. [77¹] *Evam eva kho* ti ettha idaṇ opammasaṇsandanaṇ: Pokkharani viya ariyamaggo datṭhabbo. Pokkharanimaggo viya pubbabhāgapatipadā. Maggārūlho viya paṭipadāsamaṅgī puggalo. Cakkhumā puriso viya vivatacakkhu⁶ Bhagavā. Vanasaṇḍo viya nibbānaṇ. Yathā so puriso maggārūlhaṇ disvā va jānāti: ayaṇ iminā maggena gantvā pokkharaniyaṇ nahātvā ramaṇiye vanasaṇḍe rukkhamūle nisīdissati vā nipajjissati vā ti, *evam eva Bhagavā* paṭipadaṇ pūrentam eva, nāmarūpaṇ paricchindantam eva, paccaya-pariggahaṇ karontam eva, lakkhaṇārammaṇāya vipassanāya kammaṇ karontam eva jānāti: ayaṇ imaṇ paṭipadaṇ pūretvā sabbāsava khepetvā, anāsavaṇ cetovimuttiṇ paññāvimuttiṇ ti evaṇ vuttaṇ phalasamāpatṭiṇ upasampajja viharissati ti

¹ B. *omits* ekanta°.

² B. *yathā*.

³ B. *bhisamūla*°; S. *bhisamūlāla*°.

⁴ B. S. *maṭṭhadukūlaṇ*.

⁵ B. S. *add* ca.

⁶ B. S. *dibbacakkhu*.

Yathā so puriso aparabhāge taṇ¹ pokkharaniyaṇ nahātvā vanasaṇḍaṇ pavisitvā nisinnaṇ vā nipannaṇ vā ekantasukkhā vedanā vediyamānaṇ passati, evam eva Bhagavā aparabhāge taṇ puggalaṇ paṭipadaṇ pūretvā maggaṇ bhāvetvā phalaṇ sacchikatvā nirodhasayanavaragataṇ nibbānārammaṇaṇ phalasamāpattiṇ appetvā ekantasukkhā vedanā vediyamānaṇ passati.

60. [77²³] *Abhiññāmi kho paṇāhaṇ, Sārīputta, caturaṅga-samannāgatan* ti idaṇ kasmā āradhaṇ? Pāṭiyekkaṇ anu-sandhivasena āradhaṇ. Ayaṇ kira Sunakkhatto, dukkarakārikāya suddhi hotī ti evaṇ laddhiko. Ath' assa Bhagavā, mayā² ekasmiṇ attabhāve ṭhatvā caturaṅgasamannāgataṇ dukkaraṇ kataṇ, dukkarakārako nāma mayā sadiso n' atthi, dukkarakārena suddhiyā sati aham eva suddho bhaveyyan ti dassetuṇ imaṇ desanaṇ ārabhi.

61. Api ca ayaṇ Sunakkhatto dukkarakārikāya pasanno. So c' assa pasannabhāvo, "Addasā kho, Bhaggava, Sunakkhatto Licchaviputto acelakaṇ Korakkhatvīyaṇ . . . catukūḍikaṇ chamānikinnaṇ bhakkhāsaṇ mukhen' eva khādantaṇ, mukhena bhuñjantaṇ. Disvān' assa etad ahoṣi: sādthurūpo vata bho arahaṇ³ samaṇo, catukūḍiko chamānikinnaṇ bhakkhāsaṇ mukhen' eva khādati, mukhena bhuñjati" ti (D. iii. 6) evam ādinā Pāṭikasutte āgatanayen' eva veditabbo. Atha Bhagavā, ayaṇ dukkarakārikāya pasanno, mayā ca ekasmiṇ attabhāve ṭhatvā caturaṅgasamannāgataṇ dukkaraṇ kataṇ, dukkarakāre paṣīdantenāpi anena mayi paṣīditabbaṇ siyā, so pi 'ssa paṣādo mayi n' atthi ti dassento pi⁴ imaṇ desanaṇ ārabhi.

62. [77²⁴] *Tattha brahmacariyaṇ* ti dānam pi, veyyāvaccaṃ pi, sikkhāpadam pi, brahmavihārā pi, dhammadesanā pi, methunavirati pi, sadārasantoso pi, uposatho pi, ariyamaggo pi, sakalasāsanam pi, ajjhāsaya pi, viriyam pi vuccati.

63. "Kin te vataṇ kiṇ pana brahmacariyaṇ
kissa sucinnassa ayaṇ vipāko
iddhī jutī balaviriyūpapatti
akkhāhi me, nāga, mahāvīmānaṇ.

¹ B. S. tāyaṇ. ² C. mayā ca. ³ B. S. ayaṇ. ⁴ B. S. omīti.

Ahañ ca bhariyā ca manussaloke
saddhā ubho dānapatī ahumha
opānabhūtaṃ me gharāṇaṃ tadā 'si
santappitā samaṇabrāhmaṇā ca. . . .

Taṇ me vataṇ taṇ pana brahmacariyaṇ
tassa sucinṇassa ayaṇ vipāko
iddhī juti balaviriyūpapatti

idaṇ ca me, dhīra, mahāvimānaṃ ” ti (Jā. vi. 316)

imasmiṇ hi Puṇṇakajātake dānaṇ brahmacariyaṇ ti vuttaṇ.

64. “ Kena pāṇi kāmadaḍḍo kena pāṇi madhussavo
kena te brahmacariyena puññaṇ pāṇimhi ijjhati. . . .
Tena pāṇi kāmadaḍḍo tena pāṇi madhussavo
tena me brahmacariyena puññaṇ pāṇimhi ijjhati ” ti

(Pv. 24)

imasmiṇ Añkurapetavatthumhi veyyāvaccaṇ brahmacariyaṇ
ti vuttaṇ.

65. “ Idaṇ kho taṇ, bhikkhave, Tittiriyaṇ nāma brahma-
cariyaṇ ahoṣī ” ti (Vin. ii. 162) imasmiṇ Tittirajātake pañca-
sikkhāpadaṇ brahmacariyaṇ ti vuttaṇ. “ Taṇ kho pana,
Pañcasikha, brahmacariyaṇ n' eva nibbidāya, na virāgāya . . .
yāvaḍ eva Brahmaloḍkūpapattiyā ” ti (D. ii. 251) imasmiṇ
Mahā-Govindasutte brahmavihārā brahmacariyaṇ ti vuttaṇ.

“ Etasmiṇ brahmacariyasmiṇ sahaṣsaṇ macchāyino ”
ti () ettha dhammadesanā brahmacariyaṇ ti vuttā.
“ Pare¹ abrahmacārī bhavissanti, mayam ettha brahmacārino-
bhavissāmā ” ti (M. i. 42) Sallekhasutte methunavirati
brahmacariyaṇ ti vuttā.

66. “ Mayañ ca bhariyā nātikkamāma,
amhe ca bhariyā nātikkamanti
aññaṭra tāhi brahmacariyaṇ carāma
tasmā ti² amhaṇ daharā na mīyare ” ti (Jā. iv. 53)

Mahā-Dhammapālaajātake sadārasantoso brahmacariyaṇ ti
vutto.

“ Hīnena brahmacariyena khattiye upapajjati
majjhimena ca devattaṇ³ uttamena visujjhati ” ti
(Jā. vi. 98)

¹ B. S. Apare.

² B. hi.

³ B. devesu.

evaṇ Nimijātake attadamanavasena kato aṭṭhaṅgiko uposatho brahmacariyan ti vutto.

67. “Idaṇ kho pana, Pañcasikha, brahmacariyaṇ ekanta-nibbidāya virāgāya—pe—ayaṃ eva ariyo aṭṭhaṅgiko maggo” ti (D. ii. 251) Mahā-Govindasuttasmiṇ yeva ariyamaggo brahmacariyan ti vutto. “Tayidaṇ brahmacariyaṇ iddhañ c’ eva phītañ ca vitthārikaṇ bāhujaññaṇ puthubhūtaṇ, yāvad eva manussehi¹ suppakāsitan” ti (D. iii. 126) Pāsādikasutte sikkhāttayasaṅgaṇ sakalasāsanaṇ brahmacariyan ti vuttaṇ.

“Api ataramānānaṇ phalāsā va samijjhati

vipakkabrahmacariyo ’smi evaṇ jānāhi Gāmaṇī” ti

(Jā. i. 136)

ettha ajjhāsayo brahmacariyan ti vutto.

68. Idha pana viriyaṇ *brahmacariyan* ti adhippetāṇ. Viriyabrahmacariyassa hi idam eva suttaṇ. Tad etaṇ ekasmiṇ attabhāve catubbidhassa dukkarassa katattā *caturaṅgasam-annāgatan* ti vuttaṇ.

69. [77²⁴] *Tapassī sudan homī* ti, sudan ti nipātamattaṇ. Tapanissitako homī ti attho. *Paramatapassī* ti paramo tapassī, tapanissitakānaṇ uttamo. *Lūkhasudan*² *homī* ti lūkho homi. *Jegucchī* ti pāpajigucchako. *Pavivittassudan*³ *homī* ti pavivitto ahaṇ homi.

70. [77²⁸] *Tatrassu me idaṇ, Sāriputtā* ti tatra caturaṅge brahmacariye idaṇ mama tapassitāya hoti. Tapanissitakabhāve mayhaṇ idaṇ acelakāditapanissitakattaṇ hoti ti dasseti. Tattha *acelako* ti niccelo,⁴ naggo. *Muttācāro* ti vissatṭhācāro; uccārakammādisu lokiya kulaputtācārena virahito; ṭhitako va uccāraṇ karomi, passāvaṇ karomi, khādāmi, bhuñjāmi. *Hatthāpalekhano* ti hatthe piṇḍamhi niṭṭhite⁵ jivhāya hatthaṇ apalikhāmi. Uccāraṇ vā katvā hatthasmiṇ yeva daṇḍakasaññī hutvā hatthena apalikhāmi ti dasseti. Te kira daṇḍakaṇ satto ti paññāpentī. Tasmā tesāṇ paṭipadaṇ pūrento evaṃ akāsi. Bhikkhāgahaṇatthaṇ, ehi bhādante ti vutto na eti ti na *ehibhadantiko*. Tena hi, tiṭṭha bhādante ti vutto pi na tiṭṭhati ti na *tiṭṭhabhadantiko*. Tadu-

¹ B. manussesu.

² B. S. Lūkho sudan.

³ B. S. pavivitto sudan.

⁴ B. niccolo.

⁵ B. ṭhite.

bhayam pi titthiyā, etassa vacanaṇ katan bhavissatī ti na karonti. Aham pi evaṇ akāsin ti dasseti. *Abhihaṭan* ti puretaraṇ gahetvā āhaṭabhikkhaṇ. *Uddissakataṇ*¹ ti, imaṇ tumhe uddissa katan ti evaṇ ārocitabhikkhaṇ. *Na nimantaṇan* ti asukaṇ nāma kulaṇ vā vīthiṇ vā gāmaṇ vā paviseyyā-thā ti evaṇ nimantitabhikkham pi na sādīyāmi, na gaṇhāmi.

71. [77³¹] *Na kumbhimukhā* ti kumbhito uddharitvā diyyamaṇaṇ bhikkhaṇ na gaṇhāmi. *Na kaḷopimukhā* ti kaḷopi ti ukkhali, pacchi vā. Tato pi na gaṇhāmi. Kasmā? Kumbhi-kaḷopiyo maṇ nissāya kaṭacchunā pahāraṇ labhanti ti. *Na eḷakamantaraṇ* ti ummāraṇ antaraṇ katvā diyyamaṇaṇ na gaṇhāmi. Kasmā? Ayaṇ maṇ nissāya antarakaṇaṇ labhati ti. Daṇḍamusalesu pi es' eva nayo. *Na dvinnan* ti dvīsu bhuñjamānesu ekasmiṇ utthāya dente na gaṇhāmi. Kasmā? Kabalantarāyo hotī ti. *Na gabbhiniyā* ti ādisu pana *gabbhiniyā* kucchiyaṇ dāraako kilamati; *pāyantiyā* dāraakassa khīrantarāyo hoti; *purisantaragatāya* rati-antarāyo hotī ti na gaṇhāmi. *Na saṅkittīsū* ti saṅkittetvā katabhattesu. Dubbhikkhasamaye kira acelakasāvakā acelakānaṇ atthāya tato tato taṇḍulādāni samādapetvā bhattaṇ pacanti. Ukkatthācelako tato na paṭigaṇhāti.

72. [77³⁵] *Na yattha sā* ti yattha sunakho piṇḍaṇ labhis-sāmi ti upatthito hoti, tattha tassa adatvā āhaṭaṇ na gaṇhāmi. Kasmā? Etassa piṇḍantarāyo hotī ti. *Sanḍasaṇḍacārini* ti samūhasamūhacārini. Sace hi acelakaṇ disvā, imāssa bhikkhaṇ dasāṇā ti mānusakā bhattagehaṇ pavisanti, tesu ca pavisantesu kaḷopimukhādisu nillā makkhikā utthāya² uppatitvā sanḍasaṇḍā caranti, tato āhaṭaṇ bhikkhaṇ na gaṇhāmi. Kasmā? Maṇ nissāya makkhikānaṇ gocarantarāyo jāto ti. Aham pi tathā akāsiṇ. *Thusodakan* ti sabbasassasambhārehi katan suvirakaṇ.³ Ettha ca surāpānam eva sāvajjaṇ. Ayaṇ pana sabbesu⁴ sāvajjasaṇṇi.

73. [77³⁷] *Ekāgāriko* ti yo ekasmiṇ yeva gehe bhikkhaṇ labhitvā nivattati. *Ekālopiko* ti yo eken' eva ālopena yāpeti. Dvāgārikādisu pi es' eva nayo. *Ekissā pi dattiyā* ti

¹ B. S. 'katan.

² B. S. omī.

³ B. S. loṇasovirakaṇ.

⁴ S. omīts ; B. adds pi.

ekāya dattiyā. Datti nāma ekā khuddakapāti hoti, yattha aggabhikkhaṇ pakkhipitvā ṭhapenti. *Ekāhikan* ti ekadivasantarikaṇ. *Addhamāsikan*¹ ti addhamāśantarikaṇ. *Pariyāyabhattachojanan* ti vāraḥbhattachojanaṇ; ekāhavārena dvīhavārena sattāhavārena addhamāśavārenā ti evaṇ divasavārena āgataṇ² bhattachojanaṇ.

74. [78⁸] *Sākhabhakkho* ti allasākhabhakkho. *Sāmāka-bhakkho* ti sāmākatandulabhakkho. Nivārādisu *nivārā* nāma tāva araṇṇe sayaṇjātavāhiyāti. *Daddulan* ti cammakārehi cammaṇ likhitvā chaḍḍitakasaṭaṇ. *Haṭaṇ* vuccati silesa pi sevālo pi, kaṇikārādirukkhanīyyāso pi. *Kaṇan* ti kuṇḍakaṇ. *Ācāmo* ti bhatta-ukkhalikāya laggo jhāma-odano. Taṇ chaṇḍitaṭṭhāne gaheṭvā khādāti. Odanakañjiyaṇ ti pi vadanti. Piṇṇākādayo pākataṭa va. *Pavattaphalabhojī* ti patitaphalabhojī.

75. [78¹⁰] *Sānānī* ti sāṇavākāni. *Masānānī* ti missakacolāni. *Chavādussānī* ti matasarīrato chaḍḍitavatthāni; erakatiṇādāni vā gantheṭvā katanivāsanāni. *Paṇsukūlānī* ti paṭhaviyaṇ chaḍḍitanantakāni. *Tirīṭānī* ti rukkhatavattāni. *Ajīnan* ti ajīnamigacammaṇ. *Ajīnakkhipan* ti tad eva majjhe phālitaṇ. *Sakhurakan*³ ti pi vadanti. *Kusa-cīran* ti kusatiṇāni⁴ gantheṭvā katacīraṇ. Vākacīra-phalakacīresu pi es' eva nayo. *Kesakambalan* ti manussakesehi katakambalaṇ; yaṇ sandhāya vuttaṇ: "Yāni kānici, bhikkhave, tantāvutāni vatthāni, kesakambalaṇ⁵ tesāṇ patikīṭṭhaṇ⁶; sītakāle sītaṇ,⁷ uṇhakāle uṇhaṇ,⁸ appaggho ca dukhasamphasso ca duggandho ca vāyati" ti (A. i. 286). *Vālakambalan* ti assavālādīhi katakambalaṇ. *Ulūkapaḥkhakan* ti ulūkapaḥkhāni⁹ gantheṭvā katanivāsaṇaṇ.

76. [78¹⁶] *Ubbāṭṭhako* ti uddhaṇ ṭhitako. *Ukkuṭṭikappadhānam anuyutto* ti ukkuṭṭikaviriyaṇ anuyutto; gacchanto pi ukkuṭṭiko va hutvā uppatitvā uppatitvā gacchati. *Kaṇṭā-*

¹ B. S. Aḍḍha°.

³ C. Sahakhurakan.

⁵ B. S. °lo.

⁷ B. S. sīto.

⁹ B. S. °pattāni.

² B. ābhataṇ.

⁴ B. S. °tiṇaṇ.

⁶ B. S. paṭikūṭṭho.

⁸ B. S. uṇho.

79. [79¹⁴] *Gotṭhā* ti govajā. *Paṭṭhitagāvo* ti nikkhantagāvo. *Tattha catukunḍiko* ti vanante yeva tṭhito gopālakānaṃ gāvīhi saddhiṃ apagatabbhāvaṃ disvā dve hatthe dve ca jaṇṇukāni bhūmiyaṃ tṭhapetvā evaṃ catukunḍiko upasaṅkamitvā ti attho. *Tāni sudaṇ āhāremī* ti mahallakavacchānaṃ¹ gomayāni ka-saṭṭāni nirojāni honti; tasmā tāni vajjetvā, yāni taruṇakānaṃ² khīrapānen' eva vaḍḍhantānaṃ sa-ojāni gomayāni kucchi-pūraṃ khāditvā puna vanasaṇḍam eva pavisati. Taṃ sandhāy' āha: *Tāni sudaṇ āhāremī* ti. *Yāvakiṃvaṇ ca me* ti yattakaṃ kālaṃ mama sakaṃ muttakarisaṃ aparikkhīnaṃ hoti. Yāva me dvāravalaṇḍo pavattittha, tāva tad eva āhāremī ti attho. Kāle pana gacchante gacchante parikkhīnamāṇsa-lohito upacchinnadvāravalaṇḍo vacchakānaṃ³ gomayāni āhā-resiṃ. *Mahāvikaṭabhojanasmin* ti mahante vikaṭabhojane. Apakatibhojane ti attho.

80. [79²¹] *Tatra sudaṇ, Sāriputta, bhīṇsanakassa vanasaṇḍassa bhīṇsanakatasmiṃ hoti* ti, *tatrā* ti purimavacanāpekkha-naṃ. *Sudan* ti padapūraṇamatte nipāto. *Sāriputtā* ti āla-panaṃ. Ayaṃ pan' ettha atthayojanā: *Tatrā* ti yaṃ vuttaṃ aññatarasmiṃ bhīṇsanake vanasaṇḍe ti tatra. Yo so bhīṇ-sanako vanasaṇḍo vutto, tassa *bhīṇsanakassa vanasaṇḍassa, bhīṇsanakatasmiṃ hoti*. Bhīṇsanakiriyāya hoti ti attho. Kiṃ hoti? Idaṃ hoti: *Yo koci avītarāgo tassa⁴ lomāni haṃsanti* ti. Atha vā, *tatrā* ti sāmi-atthe bhummaṃ. Su iti nipāto. "Kiṃ su nāma te bhonto samaṇabrāhmaṇā" ti (M. i. 307) ādisu viya. *Idan* ti adhippetāṃ atthaṃ paccakkhaṃ viya katvā dassanavacanaṃ. Su idan ti *sudaṇ*. Sandhivasena ikāralopo veditabbo. "Cakkhundriyaṃ, itthindriyaṃ, aññātaṃ āsāmitindriyaṃ" (Vbh. 122), "Kiṃ sūḍha vittaṃ" ti (Sn. 181) ādisu viya.

81. Ayaṃ pan' ettha atthayojanā: Tassa Sāriputta, bhīṇ-sanakassa vanasaṇḍassa bhīṇsanakatasmiṃ idaṃ su hoti. *Bhīṇsanakatasmin* ti bhīṇsanakabhāve ti attho. Ekassa takārassa lopo daṭṭhabbo. Bhīṇsanakattasmiṃ yeva vā

¹ B. S. °vacchakānaṃ.

² B. taruṇavacchakānaṃ.

³ C. vacchakāni.

⁴ B. S. avītarāgo . . . pe . . . lomāni.

pāṭho. Bhīṇsanakatāya iti vā vattabbe liṅgavipallāso kato. Nimittatthe c' ettha bhumma vacanaṇ. Tasmā evaṇ sambandho veditabbo: Bhīṇsanakabhāve idaṇ su hoti, bhīṇsanakabhāvanimittaṇ bhīṇsanakabhāvahetu, bhīṇsanakabhāvapaccayā idaṇ su hoti. *Yo koci avītarāgo taṇ vanasaṇḍaṇ pavisati, yebbhuyyena lomāni haṇsanti* ti bahutarāni lomāni haṇsanti, uddhamukhāni, sūcisadisāni, kaṇṭakasadisāni ca hutva titthanti; appāni na haṇsanti. Bahutarānaṇ vā sattānaṇ haṇsanti, appakānaṇ atisūrapurisānaṇ na haṇsanti.

82. [79²⁴] *Antaraṭṭhakā* ti Māghamāsassa avasāne catasso, Phaggunamāsassa ādimhi catasso ti evaṇ ubhinnaṃ antare aṭṭha ratti. *Abbhokāse* ti Mahāsatto himapātasamaye rattiṇ abbhokāse viharati. Ath' assa lomakūpesu āvutā muttā viya himabindūni titṭhanti, sarīraṇ¹ setadukūlapārutaṇ viya hoti. *Divā vanasaṇḍe* ti divā himabindusu suriyātapasamphassena vigatesu assāso pi bhavēyya; ayaṇ pana suriye uggacchante yeva vanasaṇḍaṇ pavisati. Tatrāpi 'ssa suriyātapena paggharantaṇ himaṇ sarīre yeva patati. *Divā abbhokāse viharāmi, rattiṇ vanasaṇḍe* ti gimhakāle kir' esa divā abbhokāse vihāsi; ten' assa kacchehi sedadhārā muccīṇsu. Rattiṇ assāso bhavēyya; ayaṇ pana suriye atthaṇ gacchante yeva vanasaṇḍaṇ pavisati. Ath' assa divā gahita-usme vanasaṇḍe aṅgārakāsuyaṇ pakkhitto viya attabhāvo paridayhittha.

83. [79²⁸] *Anacchariyā* ti anu acchariyā. *Paṭibhāsī* ti upaṭṭhahi.² *Sotatto* ti divā ātapena, rattiṇ vana-usmāya sutatto. *Sosino* ti rattiṇ himena divā himodakena sutinto.³ *Bhīṇsanake* ti bhayaṇjanake. *Naggo* ti niccelo. Nivāsanapārupane hi sati sītaṇ vā uṇhaṇ vā na atibādheyya; tam pi me n' atthi ti dasseti. *Na c' aggim āsīno* ti aggim pi na upagato. *Esanāpasuto* ti suddhi-esanattāya pasuto, payutto. *Munī* ti, tadā attānaṇ munī ti katvā katheti.

84. [79³¹] *Chavaṭṭhikāni* ti upaḍḍhaddhāni aṭṭhīni. *Upadhāyā*⁴ ti yathā sīsūpadhānaṇ ca pādūpadhānaṇ ca paññāyati, evaṇ saṇtharitvā tattha seyyaṇ kappemī ti dasseti. *Gomaṇ-*

¹ S. sakalasarīraṇ.

² B. S. upaṭṭhāsī.

³ B. S. suṭṭhu tintto.

⁴ B. S. Upanidhāyā.

ḍalā ti gopāladārakā. Te kira Bodhisattassa santikaṇ gantvā, Sumedha, tvaṇ imasmiṇ ṭhāne kasmā nisinno katheti ti vadanti. Bodhisatto adhomukho nisīdati, na katheti. Atha naṇ te, akathetuṇ na dassamā ti parivāretvā *oṭṭhubhanti*,¹ sarīre khelaṇ pātentī. Bodhisatto evam pi na katheti. Atha naṇ, tvaṇ na kathesi ti *omuttenti*, passāvam assa upari vissajjenti. Bodhisatto evam pi na katheti yeva. Tato naṇ, kathehi, kathehi ti paṇsukena okiranti. Bodhisatto evam pi na katheti yeva. Ath' assa, na kathesi ti daṇḍakasalākā gahetvā kaṇṇasotesu pavesanti. Bodhisatto dukkhā tippā katukā vedanā adhiṇvāsento, kassaci kiñci na kathessamī ti matako viya acchati. Ten' āha: *Na kho paṇāhaṇ, Sārīputta, abhiyānāmi tesu pāpakaṇ cittaṇ uppādetā* ti. Na mayā tesu pāpakaṇ cittaṇ² uppāditan ti attho.

85. [79³⁰] *Upekkhāvihārasmiṇ hoti* ti upekkhāvihāro hoti. Vihāro yeva hi vihārasmin ti vutto. Ten' eva ca idha *idaṇ su me* ti etthāpi ayaṇ su me ti evaṇ attho veditabbo. Iminā nayena aññāni pi evarūpāni padāni veditabbāni. Iminā ito ekanavutikappe pūritaṇ upekkhāvihāraṇ dasseti, yaṇ sandhāy' āha:

“Sukhe patte na rajjāmi, dukkhe homi na dummano

sabbattha tulito homi esā me upekkhāpāramī” ti ().

86. [80²] *Āhārena suddhī* ti kolādinā ekaccena parittaka-āhārena sakkā sujjhitaṇ ti evaṇditṭhino honti. *Evam āhaṇsū* ti evaṇ vadanti. *Kolehī* ti badarehi. *Kolodukan* ti kolāni madditvā katapānakaṇ. *Kolavikatin* ti kolasālava-kolapūva-kolagulādi-kolavikāraṇ. *Etaparamo* ti etaṇ pamāṇaṇ para-maṇ³ assā ti etaparamo. Tadā ekanavutikappamatthake pi⁴ na beluvapakka-tālapakkappamāṇo kolo hoti. Yaṇ etarahi kolassa pamāṇaṇ, ettako va hoti ti attho.

87. [80¹⁰] *Ādhimattakasimānaṇ* ti ativiya kisabhāvaṇ. *Āsītikapabbāni*⁵ vā *kālapabbāni* vā ti yathā āsītikavalliyā vā kālavalliyā vā sandhiṭṭhānesu milāyitvā majjhe unṇatunṇatāni⁶ honti, evaṇ mayhaṇ aṅgapaccaṅgāni honti ti dasseti.

¹ B. S. oṭṭhubhenti.

² B. S. cittam pi.

³ S. paraṇ.

⁴ B. S. pana.

⁵ B. S. Āsītika°.

⁶ B. unṇatunṇatāni.

Oṭṭhapadan ti yathā oṭṭhassa padaṇ majjhe gambhīraṇ hoti, evam eva Bodhisattassa milāte maṇsalohite vaccadvārassa anto pavitṭhattā ānisadaṇ majjhe gambhīraṇ hoti. Ath' assa bhūmiyaṇ nisinnatṭhānaṇ sarapoṇkhena akkantaṇ viya majjhe unnataṇ hoti. *Vatṭanāvalī* ti yathā rajjuyā¹ āvunitvā katā vatṭanāvalī vatṭanānaṇ antarantarā ninnā hoti, vatṭanatṭhānesu unnatā, evaṇ piṭṭhikaṇṭako unnatāvanato hoti. *Jarasālāya gopānasiyo* ti jīṇasālāya gopānasiyo. Tā vaṇsato muccitvā maṇḍale patitṭhahanti, maṇḍalato muccitvā bhūmiyaṇ tiṭṭhanti,² evaṇ ekā upari hoti, ekā heṭṭhā ti oluggaviluggā bhavanti. Bodhisattassa na³ evaṇ phāsuliyo. Tassa hi lohite chinne, maṇse milāte phāsulantarehi cammāni heṭṭhā otinnāni. Taṇ sandhāy' etaṇ vuttaṇ. *Okkhāyikā* ti heṭṭhā anupavitṭhā. Tassa kira lohite chinne, maṇse milāte akkhi-āvāṭakā matthaluṅgaṇ āhacca atṭhaṇsu. Ten' assa evarūpā akkhitārakā ahesuṇ. *Āmakacchinno* ti atitaruṇakāle chinno. So hi vātātapena samphuṭati⁴ c' eva milāyati ca.

88. [80²⁷] *Yāvassu me, Sāriputtā* ti, Sāriputta, mayhaṇ udaracchavi yāva piṭṭhikaṇṭakaṇ allinā hoti. Atha vā, yāvassu me, Sāriputta, bhāriyā ahosi dukkarakārikā, mayhaṇ udaracchavi⁵ piṭṭhikaṇṭakaṇ allinā ahosi ti evam ettha sambandho veditabbo. Piṭṭhikaṇṭakaṇ yeva parigaṇhāmi ti saha-udaracchaviṇ gaṇhāmi. Udaracchaviṇ yeva parigaṇhāmi ti sahapitṭhikaṇṭakaṇ gaṇhāmi. Avakujjo papatāmi ti tassa hi uccāravassāvattṭhāya nisinnassa passāvo n' eva nikkhamati; vaccaṇ pana ekadve-katakatṭhimattaṇ nikkhamati,⁶ balavadukkaṇ uppādeti; sarīrato sedā muccanti; tatth' eva avakujjo bhūmiyaṇ patati. Ten' āha: *Avakujjo papatāmi* ti. *Tam eva kāyaṇ* ti taṇ⁷ ekanavutikappamatthake kāyaṇ. Mahā-Saccakasutte pana pacchimabbhaviakāyaṇ⁷ sandhāya, "Imam eva kāyaṇ" ti (M. i. 246) āha. *Pūtimūlāni* ti maṇse vā lohite vā sati tiṭṭhanti; tassa pana abhāve cammakhaṇḍe lomāni viya hatthe veyya lagganti. Taṇ sandhāy' āha: *Pūtimūlāni lomāni kāyasmā papatānti* ti.

¹ S. yatṭhirajjuyā.

² B. S. bhūmiyaṇ ti evaṇ.

³ B. S. pana na.

⁴ B. S. samphusati.

⁵ B. S. add yāva.

⁶ B. S. omit.

⁷ B. S. °bhavakāyaṇ.

89. [81³²] *Alamariyañānadassanavisesan* ti ariyabhāvaṇ kātuṇ samatthaṇ lokuttaramaggaṇ. *Imissā yeva ariyāya paññāyā* ti vipassanāpaññāya anadhigamā. *Yā'yaṇ ariyā* ti yā ayaṇ maggapaññā adhigatā. Idaṇ vuttaṇ hoti: Yathā etarahi vipassanāpaññāya adhigatattā maggapaññā adhigatā, evaṇ ekanavutikappamatthake vipassanāpaññāya anadhigatattā lokuttaramaggapaññāṇ nādhigato 'smi ti. Thero¹ pan' āha: *Imissā yevā* ti vuttapaññā pi *yā'yaṇ ariyā* ti vuttapaññā pi maggapaññā yeva. Atha naṇ² bhikkhū āhaṇsu: Evaṇ sante maggassa anadhigatattā maggaṇ nādhigato 'smi ti idaṇ vuttaṇ hoti, bhante ti. Āvuso, kiñ cāpi dīpetuṇ na sakkomi, dve pi pana maggapaññā yevā ti. Etad eva c' ettha yuttaṇ. Itarathā hi *yā'ayan* ti niddeso ananurūpo siyā.

90. [81³⁶] *Sanṣārena suddhī* ti bahukaṇ saṇṣaritvā sujjhantī ti vadanti. *Upapattiyā suddhī* ti bahukaṇ upapajjitvā sujjhantī ti vadanti. *Āvāsena suddhī* ti bahusu ṭhānesu vasi tvā sujjhantī ti vadanti. Tīsu pi ṭhānesu saṇsaranakavasena *saṇsāro*, upapajjanakavasena *upapatti*, vasanakavasena *āvāso* ti khandhā yeva vuttā. *Yaññenā* ti bahuyāge yajitvā sujjhantī ti vadanti. *Muddhāvasittenā* ti tīhi saṅkhehi khattiyābhisekena muddhani³ abhisittena. *Aggiparicariyāyā* ti bahu-aggiparicaraneṇa sujjhantī ti vadanti.

91. [82²³] *Daharo* ti taruṇo. *Yuvā* ti yobbaññena⁴ samannāgato. *Susukālakeso* ti suṭṭhu kālakeso. *Paññāveyyattiyenā* ti paññāya vyattabhāvena.⁵ *Jiṇṇo* ti jarājiṇṇo. *Vuddho* ti vaḍḍhitvā ṭhita-aṅgapaccaṅgo. *Mahallako* ti jātimahallako. *Addhagato* ti bahuṇ addhānaṇ gato, cira-kālātikkanto. *Vayo anuppatto* ti vassasatassa tatiyaṇ koṭṭhāsaṇ pacchimavayaṇ anuppatto. *Asītiko me vayo vattatī* ti, imaṇ kira suttaṇ Bhagavā parinibbānasaṇvacchare kathesi. Tasmā evam āha. *Paramāyā* ti uttamāya. *Satiyā* ti ādisu padasatam pi, padasahassam pi vadantassa⁶ vadantass' eva

¹ S. Majjhimabhāṇakatthero; B. °bhāṇakattherā pan' āhu.

² B. ne.

³ B. S. omīti.

⁴ B. yobbanena; S. yubbanena.

⁵ B. S. paññāveyyattibhāvena.

⁶ B. omīti; S. vadanti yeva for vadantassa vadantass' eva.

uggaṇhanasamatthataṭṭhā *sati* nāma. Tad eva ādhāraṇa-upanibandhanasamatthataṭṭhā *gati* nāma. Evaṇ gahitaṇ, dhāritaṇ sajjhāyaṇ kātuṇ samatthaviriyaṇ *dhiti* nāma. Tassa atthañ ca kāraṇaṇ ca dassanasamatthataṭṭhā *paññāveyyattiyaṇ* nāma.

92. [82³⁷] *Daḷhadhammo dhanuggaho* ti daḷhaṇ dhanuṇ gahetvā *ṭhito* issāso. Daḷhadhanu nāma dvisahassatthāmaṇ vuccati. Dvisahassatthāmaṇ nāma, yassa aropitassa jiyābandho lohasisādīnaṇ bhāro daṇḍe gahetvā yāva kaṇṭhapamāṇā ukkhittassa paṭhavito muccati. *Sikkhito* ti dasadvādasavassāni ācariyakule uggahitasippo. *Katahattho* ti koci sippam eva uggahati, katahattho na hoti; ayaṇ pana katahattho, ciṇṇavasibhāvo. *Katūpāsano* ti rājakulādisu dassitasippo.¹ *Lahukena asanenā* ti anto susiraṇ katvā tūlādīni pūretvā katalākhāparikammena sallahukena kaṇḍena. Evaṇ kataṇ hi eka-usabhaḡāmī dve usabhāni gaḡchati, atṭha-usabhaḡāmī solasa usabhāni gaḡchati. *Appakasirenā* ti niddukkheṇa. *Atipāteyyā* ti atikkameyya. *Evaṇ adhimattasatimanto* ti yathā so dhanuggaho taṇ vidatthacaturaṅgulacchāyaṇ sīgham eva atikkameti, evaṇ padasatam pi padasahassam pi uggahetuṇ, upadhārituṇ, sajjhāyituṇ, atthakāraṇāni ca upaparikkhituṇ samatthā ti attho. *Aññaṭṭa asitapīṭakāhāyitasāyitā* ti asitapīṭādīni hi Bhagavatā pi kātabāni honti, bhikkhūhi pi; tasmā tesāṇ karaṇamattakāle² ṭhapetvā ti dasseti.

93. [83⁷] *Apariyādinnā yevā* ti aparikkhīṇā yeva. Sace hi eko bhikkhu kāyānupassanaṇ pucchati, añño vedanānupassanaṇ—pe—dhammānupassanaṇ; iminā puṭṭhe ahaṇ pucchissāmi ti eko ekan na oloketi; evaṇ sante pi tesāṇ vāro paññāyati. Evaṇ Buddhānaṇ pana vāro na paññāyati. Vidatthacaturaṅgulacchāyaṇ atikkamanto puretaṇ yeva Bhagavā cuddasavidhena kāyānupassanaṇ, navavidhena vedanānupassanaṇ, solasavidhena cittānupassanaṇ, pañcavidhena dhammānupassanaṇ katheti. Tiṭṭhantu³ tāva ete cattāro, sace hi aññe cattāro sammappadhāneṣu, aññe iddhipādesu, aññe pañca indriyesu, aññe pañca balesu, aññe satta bojhaṇgesu, aññe atṭha maggaṇgesu pañhe puccheyyuṇ, tam pi

¹ C. °sikkho.² B. S. °kālaṇ.³ B. *adds* vā.

Bhagavā tāvad eva katheyya. Tiṭṭhantu vā ete aṭṭha, sace aññe sattatiṇṣa janā bodhipakkhiyesu pañhe puccheyyūṇ, tam pi Bhagavā tāvad eva katheyya. Kasmā? Yāvatā hi lokiyamahājanā ekapadaṇ kathenti, tāva Ānandatthero aṭṭha padāni katheti. Ānandatthere pana ekapadaṇ kathente yeva Bhagavā solasapadāni katheti. Kasmā? Bhagavato hi jivhā mudukā, dantāvaraṇaṇ suphassitaṇ, vacanaṇ agalitaṇ, bhavaṇṅaparivāso lahuco. Ten' āha: *Apariyādinnā yev' assa, Sāriputta, Tathāgatassa dhammadesanā* ti.

94. [83⁹] Tattha *dhammadesanā* ti tantithapanā. *Dhammapadabyañjanan* ti pāliya padavyañjanaṇ, tassa tassa atthassa vyañjanaṇ akkharāṇ. *Pañhapatibhānan* ti pañhavyākaraṇaṇ. Iminā kiṇ dasseti? Pubbe Tathāgato daharakāle akkharāni sampiṇḍetvā padaṇ vattuṇ sakkoti; padāni sampiṇḍetvā gāthaṇ vattuṇ sakkoti; catu-akkharehi vā aṭṭha-akkharehi vā solasa-akkharehi vā padehi yuttāya gāthāya atthaṇ vattuṇ sakkoti; idāni pana mahallakakāle akkharāni sampiṇḍetvā padaṇ vā, padāni sampiṇḍetvā gāthaṇ vā, gāthāya atthaṇ vā vattuṇ na sakkoti ti evaṇ n' atthi. Daharakāle ca mahallakakāle ca sabbam etaṇ Tathāgatassa apariyādinnaṇ evā ti idaṇ dasseti. *Mañcakena ce pi man* ti idaṇ Buddhabaladīpanattham eva parikappetvā āha. Dasabalaṇ pana mañcakaṇ āropetvā gāmanigamarājadhāniyo pariharaṇakālo nāma n' atthi. Tathāgatā hi pañcame āyukoṭṭhāse khaṇḍiccādīhi anabhibhūtā suvaṇṇavaṇṇassa sarīrassa vevaṇṇiye ananuppatte devamanussānaṇ piyamanāpakāle yeva parinibbāyanti.

95. [83¹⁹] *Nāgasamālo* ti tassa therassa nāmaṇ. Paṭhamabodhiyaṇ hi vīsativassabbhantare Upavāna-Nāgita-Meghiyatherā viya ayam pi Bhagavato upatṭhāko ahosi. *Vijayamāno* ti mandamandena¹ tālavaṇṭavātena Bhagavato utusukhaṇ samutṭhāpayamāno. *Etad' avocā* ti sakalasuttantaṇ sutvā Bhagavato pubbacariṇaṇ dukkarakārikaṇ āgama pasanno etaṇ *acchariyaṇ bhante* ti ādivacanaṇ avoca. Tattha accharaṇ paharituṇ yuttan ti *acchariyaṇ*. Abhūta-pubbaṇ bhūtan ti *abbhutaṇ* Ubhayena pi attano vimhayam

¹ B. S. omit manda°.

eva dīpeti. *Konāmo ayaṇ, bhante* ti idaṇ, bhaddako vatāyaṇ dhammapariyāyo, hand' assa Bhagavantaṇ āyācitvā nāmaṇ gaṇhāpemi ti adhippāyena āhā. Ath' assa Bhagavā nāmaṇ gaṇhanto, *tasmātiha tvaṇ* ti ādim āhā. Tass' attho: Yasmā imaṇ suttaṇ sutvā tava lomāni haṭṭhāṇi, tasmātiha tvaṇ, Nāgasamāla, imaṇ dhammapariyāyaṇ Lomahaṇṣapariyāyo tv' eva naṇ dhārehi ti.

Mahā-Sīhanādasuttavaṇṇanā nīṭṭhitā.

13.

[Mahā-Dukkhaḥkhandhasuttavaṇṇanā]

1. [83²⁰] *Evam me sutan* ti Mahā-Dukkhaḥkhandhasuttaṇ. Tattha sambahulā ti¹ Vinayapariyāyena tayo janā sambahulā ti vuccanti, tato paraṇ saṅgho. Suttantapariyāyena tayo tayo eva, tato uddhaṇ sambahulā.² Idha Suttantapariyāyena sambahulā veditabbā. *Pinḍāya pavisiṇsū* ti pavitṭhā. Te pana na tāva pavitṭhā; pavississāmā ti nikkhantā pana pavisiṇsū ti vuttā. Yathā kiṇ?³ Yathā gāmaṇ gamissāmi ti nikkhantapuriso taṇ gāmaṇ appatto pi, kuhiṇ itthannāmo ti vutte, gāmaṇ gato ti vuccati, evaṇ. Paribbājakānaṇ ārāmo ti Jetavanato avidūre aññatitthiyānaṇ paribbājakānaṇ ārāmo atthi, taṇ sandhāya evam āhaṇsū. *Samaṇo, āvuso* ti āvuso tumhākaṇ satthā samaṇo Gotamo. *Kāmānaṇ pariññān* ti kāmānaṇ pahānaṇ, samatikkamaṇ paññāpeti. Rūpavedanādisu pi es' eva nayo.

2. [84¹⁵] Tattha titthiyā sakasamayaṇ jānantā kāmānaṇ pariññānaṇ paññāpeyyuṇ paṭhamajjhānaṇ vadamānā; rūpānaṇ pariññānaṇ paññāpeyyuṇ arūpabhavaṇ vadamānā; vedanānaṇ pariññānaṇ paññāpeyyuṇ asaṇṇābhavaṇ vadamānā. Te pana idaṇ nāma paṭhamajjhānaṇ, ayaṇ arūpabhavo,⁴ ayaṇ asaṇṇābhavo⁵ ti pi na jānanti. Te paññāpetuṇ asakkontā pi⁶ kevalaṇ paññāpemaṇ ti vadanti. Tathāgato pana kāmānaṇ pariññānaṇ anāgāmimaggena paññāpeti; rūpavedanānaṇ ara-

¹ B. S. *omit* sambahulā ti.

² B. S. *add* ti vuccanti.

³ B. S. *omit* Yathā kiṇ.

⁴ B. S. rūpabhavo.

⁵ B. S. arūpabhavo.

⁶ B. S. *omit*.

hattamaggena. Te evaṇ mahante visese vijjamāne pi, *idha no, āvuso, ko viseso* ti ādim āhaṇsu. Tattha *idhā* ti imasmiṇ paññāpane. *Dhammadesanāya vā dhammadesanan* ti yadidaṇ samaṇassa vā Gotamassa dhammadesanāya saddhiṇ amhākaṇ dhammadesanaṇ, amhākaṇ vā dhammadesanāya saddhiṇ samaṇassa Gotamassa dhammadesanaṇ ārabba nānākaṇaṇ vuccetha, taṇ kiṇ nāmā ti vadanti. Dutiyapade pi es' eva nayo. Iti te¹ majjihe bhinnasuvannaṇ viya sāsanaena saddhiṇ attano laddhiṇ vacanamattena samadhuraṇ ṭhapaṇsu.

3. [84¹⁹] *N' eva abhinandiṇsū* ti evam etan ti na sampatiṇchiṇsu. *Na paṭikkosiṇsū* ti nayidaṇ evan ti na paṭisedhesuṇ. Kasmā? Te kira, titthiyā nāma andhajātā² jānitvā vā ajānitvā vā katheyyun ti nābhinandiṇsu. *Pariññan* ti vacanena isakaṇ sāsana-gandho atthi ti na paṭikkosiṇsu. Janapadavāsino vā ete, sakasamayaparasa-mayesu na suṭṭhu kusalā ti pi ubhayaṇ nākaṇsu.

4. [85¹⁵] *Na c' eva sampāyissanti* ti sampādetvā kathetuṇ na sakkhissanti. *Uttariṇ ca vighātan* ti asampāyantā uttarim pi dukkhaṇ āpajjissanti. Sampādetvā kathetuṇ asakkontānaṇ³ hi dukkhaṇ uppajjati. *Yathā taṇ, bhikkhave, avisayas-min* ti ettha *tan* ti nipātamattaṇ. *Yathā* ti kāraṇavacanaṇ. Yasmā avisaye pañho pucchito hoti ti attho. *Sadevake* ti sāha devehi sadevake. Samāra-kādisu pi es' eva nayo. Evaṇ tīṇi ṭhānāni loke pakkhipitvā, dve pajāyā ti pañcahi sattalokam eva pariyādiyitvā etasmiṇ sadevakādibhede loke taṇ devaṇ vā manussaṇ vā na passamī ti dīpeti. *Ito vā pana sutvā* ti ito vā pana mama sāsana-to sutvā. Ito sutvā hi atathāgato pi atathāgatasāvako pi ārādheyya, paritoseyya; aññathā ārādhanā nāma n' atthi ti dasseti.

5. [85²²] Idāni attano tesā pañhānaṇ veyyākaraṇena cittārādhanāṇ dassento, *ko ca, bhikkhave* ti ādim āha. *Kāma-guṇā* ti kāmayitabbaṭṭhena kāmā va⁴ bandhanaṭṭhena guṇā. "Anujānāmi, bhikkhave, ahatānaṇ⁵ vatthānaṇ . . . dvigu-ṇaṇ saṅghātin" ti (Vin. i. 290) ettha hi paṭalaṭṭho guṇaṭṭho.

¹ B. ve°.² B. S. °sadiśā.³ B. *adds* nāma.⁴ B. S. *omit*.⁵ B. S. āhatāṇ.

“ Accenti kālā tarayanti rattiyo

vayogunā anupubban jāhanti ” ti (S. i. 3)

ettha rāsattḥo guṇattḥo. “ Sataguṇā dakkhiṇā pātikañ-
khitebbā ” ti (M. iii. 255) ettha ānisaṇsatḥo guṇattḥo.
“ Antaṇ, antaguṇan ” (M. i. 57), “ Kayirā mālāguṇe bahū ”
ti (Dh. 53) ettha bandhanattḥo guṇattḥo. Idha pi eso va
adhippeto. Tena vuttaṇ: Bandhanattḥena guṇā ti. *Cak-
khuviññeyyā* ti cakkhuviññānena passitabbā. Eten’ upāyena
sotaviññeyyādisu pi attho veditabbo. *Itthā* ti pariyitṭhā vā
hontu mā vā, itṭhārammanabhūtā ti attho. *Kantā* ti ka-
manīyā. *Manāpā* ti manavaḍḍhanakā. *Piyarūpā* ti piya-
jātikā. *Kāmaṭpasanhitā* ti ārammaṇaṇ katvā uppajjamānena
kāmena upasaṇhitā. *Rajanīyā* ti rajjanīyā. *Rāgupattikā-
raṇabhūtā* ti attho.

6. [85³¹] *Yadī muddāyā* ti ādisu *muddā* ti aṅgulipabbesu
saññaṇ ṭhapetvā hatthamuddā. *Gaṇanā* ti acchinnaṇaṇa.¹
*Saṅkhānanā*² ti piṇḍagaṇanā, yāya khettaṇ oloketvā idha
ettakā vīhi bhavissanti, rukkhaṇ oloketvā idha ettakāni
phalāni bhavissanti, ākāsaṇ oloketvā ime ākāse sakunā
ettakā nāma bhavissanti ti jānanti. *Kasī* ti kasikammaṇ.
Vaṇijjā ti jalavaṇijjā-thalavaṇijjādi-vaṇippatho.³ *Gorakkhan*
ti attano vā paresaṇ vā gāvo rakkhitvā pañcagorasavikkayena
jīvanakammaṇ. *Issattḥo* vuccati āvudhaṇ gahetvā upatṭhā-
nakammaṇ. *Rājaporisā* ti vinā⁴ āvudhena rājakammaṇ
katvā upatṭhānaṇ. *Sippaṇṇataraṇ* ti gahitāvasesaṇ hatthi-
assaṇsippādi: *Sītassa purakkhato* ti lakkhaṇ viya sarassa,
sītassa purato ṭhito. Sītēna bādhiyamāno ti attho. Uṇhe
pi es’ eva nayo. *Ḍaṇṣādisu ḍaṇṣā* ti piṇḍalamakkhikā.
Makasā ti sabbamakkhikā. *Siriṇṣapā* ti ye keci saritvā
gacchanti. *Rissamāno* ti ruppamāno,⁵ ghaṭṭiyamāno. *Māya-
māno* ti maramāno.

7. [85³²] *Ayaṇ bhikkhave* ti, bhikkhave, ayaṇ muddādīhi
jīvikākappaṇaṇ⁶ āgama sītādiṇpaccayo ābādho, kāmaṇaṇ
ādinavo, kāmesu upaddavo upasaggō ti attho. *Sandīṭṭhiko*

¹ C. acchiddagaṇanā.

² B. S. Saṅkhā.

³ S.-vaṇijjāpatho.

⁴ B. S. omī.

⁵ B. S. kammamāno.

⁶ B. S. jīvita°.

ti paccakkho, sāmaṇ passitabbo. *Dukkhakkhandho* ti dukkharāsi. *Kāmahetū* ti ādisu paccayatṭhena kāmā assa hetū ti *kāmahetu*. Mūlatṭhena kāmā nidānam assā ti *kāmanidāno*; liṅgavipallāsena pana *kāmanidānan* ti vutto. Kāraṇatṭhena kāmā adhikaraṇaṇ assā ti *kāmādhikaraṇo*; liṅgavipallāsen' eva pana *kāmādhikaraṇan* ti vutto. *Kāmānam eva hetū* ti idaṇṇaṇ niyamavacanaṇ. Kāmapaccayā uppajjati yevā ti attho.

8. [86²] *Uttahato* ti ājīvasamutṭhāpakaviriyena uttāhantassa. *Ghaṭato* ti taṇṇaṇ viriyaṇ pubbenāparaṇ ghaṭentassa. *Vāyamato* ti vāyāmaṇ, parakkamaṇ, payogaṇ karontassa. *Nābhinipphajjantī* ti na nipphajjanti, hatthaṇ nābhiruhati. *Socati* ti citte uppannabalavasokena socati. *Kilamati* ti kāye uppannadukkhena kilamati. *Paridevati* ti vācāhi paridevati. *Urattālin* ti uraṇ tāletvā. *Kandati* ti rodati. *Sammohaṇ āpajjati* ti visaññi viya sammūlho hoti. *Moghaṇ* ti tucchaṇ. *Aphalo* ti nipphalo. *Ārakkhādhikaraṇan* ti ārakkhakāraṇā. *Kin ti me ti*¹ kena nu kho upāyena. *Yam pi me* ti yam pi mayhaṇ kasikammādīni katvā uppāditaṇ dhaṇaṇ ahosi. *Tam pi no n' atthi* ti tam pi amhākaṇ idāni n' atthi.

9. [86^{1b}] *Puna ca paraṇ, bhikkhave, kāmahetū* ti ādinā pi kāraṇaṇ dassetvā va ādīnavaṇ dipeti. Tattha *kāmahetū* ti kāmapaccayā. Rājāno pi rājuhi vivadanti. *Kāmanidānan* ti bhāvanapuṇsaṇ. Kāme nidānaṇ katvā vivadanti ti attho. *Kāmādhikaraṇan* ti pi bhāvanapuṇsakam eva. Kāme adhikaraṇaṇ katvā vivadanti ti attho. *Kāmānam eva hetū* ti gāma-nigama²-senāpati-purohitatṭhanantarādīnaṇ yeva hetu vivadanti ti attho. *Upakkamanī* ti paharanti.

10. [86^{2b}] *Asicamman* ti asiñ c' eva khetakaphalakādīni ca. Dhanukalāpaṇ sannayhitvā ti dhaṇuṇ gahetvā sarakalāpaṇ sannayhitvā. *Ubhato viyūlhan* ti ubhato rāsibhūtaṇ. *Pakkhandanti* ti pavisanti. *Ususū* ti kaṇḍesu. *Vijjotalantesū* ti viparivattamānesu.³ *Te tathā* ti te tasmiṇ saṅgāme.

¹ C. Kin ti ti.

² B. nigama-nagara-senāpati°.

³ B. S. viparivattantesu.

*Addāvalepanā*¹ *upakāriyo* ti ettha² manussā pākārapādaṃ assakhurasanṭhānena itṭhakāhi cinitvā upari sudhāya lepen³. Evan katā pākārapādā *upakāriyo* ti vuccanti. Tā tattena⁴ kalalena sittā *addāvalepanā*¹ nāma honti. *Pakkhandantī* ti tassaṃ heṭṭhā nikhāta-ayasūla-rukkhasulādīhi⁵ vijjhiyamānā pi pākārassa picchilabhāvena ārohituṃ asakkontā pi upadhāvanti yeva. *Pakkatthiyā*⁶ ti kuthitagomayena.⁷ *Abhivaggenā* ti satadantena. Taṃ aṭṭhadantākārena katvā, nagaradvāraṃ bhinditvā pavisissāmā ti āgate uparidvāre tṭhitā tassa bandhanayottāni chinditvā tena abhivaggena omadanti.

11. [87⁸] *Sandhim pi chindantī* ti gharasandhiṃ⁸ chindanti. *Nillopan* ti gāme paharitvā mahāvilopaṃ karonti. *Ekāgārikan* ti paṇṇāsamattā pi satṭhimattā pi parivāretvā jīvagāhaṃ gahetvā dhaṇaṃ⁹ āharapenti. *Paripantho pi tiṭṭhantī* ti panthadūhanakammaṃ karonti.

12. [87¹⁰] *Addhaḍaḍakehi* ti muggarehi; pahārehi pi pahārasādhanatthaṃ vā catuhatthaṃ daṇḍaṃ dvedhā chetvā gahitādaḍakehi. *Bilaṅgathālīkan* ti kañjiya-ukkhālikam-makāraṇaṃ. Taṃ karontā sīsakapālaṃ uppāṭetvā tattāṃ ayogulaṃ saṇḍāsena gahetvā tattha pakkhipanti. Tena matthaluṅgaṃ pakkaṭṭhitvā¹⁰ upari uttarati. *Saṅkhamuṇḍīkan* ti saṅkhamuṇḍakakammakāraṇaṃ. Taṃ karontā uttarotṭha-ubhatokaṇṇacūlikagalavāṭakaparicchedena cammaṃ chinditvā sabbakese ekato gaṇṭhiṃ katvā daṇḍakena cāletvā¹¹ uppāṭenti; saha kesehi cammaṃ utthahati. Tato sīsakaṭṭhaṃ thūlasakkarāhi ghaṇsitvā dhovantā saṅkhavaṇṇaṃ karonti.

13. [87¹³] *Rāhumukhaṇ* ti rāhumukhakammakāraṇaṃ. Taṃ karontā saṅkunā mukhaṃ vivaritvā anto-mukhe dīpaṃ jā-

¹ B. S. *Attāvalepanā*.

² B. S. c' ettha.

³ B. *limpenti*; S. *lipanti*.

⁴ C. *tinnena*.

⁵ B. S. *tikhīṇa-ayasulādīhi*.

⁶ B. *Chakanaṭṭhiyā*; S. *Chakanaṭṭhiyā*.

⁷ C. *kaṭṭhita*^o; S. *kuṭṭhita*^o.

⁸ B. S. *add pi*.

⁹ B. S. *omit*.

¹⁰ B. *pakkuthitvā*; S. *pakkhipitvā*.

¹¹ B. *vellitvā*; S. *valitvā*.

lenti. Kannacūlikāhi vā paṭṭhāya mukhaṇ nikhādanena khaṇanti; lohitaṇ paggharitvā mukhaṇ pūreti. *Jotimālakan* ti sakalasarīraṇ telapilotikāya veṭhetvā ālimpanti. *Hattha-pajjotikan* ti hatthe telapilotikāya veṭhetvā dīpaṇ viya¹ pajjānti. *Erakavattikan* ti erakavattakammakāraṇaṇ. Taṇ karontā heṭṭhā¹ gīvāto paṭṭhāya cammavaṭṭe kantitvā gopphake pāṭenti. Atha naṇ yottehi bandhitvā kaḍḍhanti. So attano va¹ cammavaṭṭe akkamitvā akkamitvā patati. *Cīrakavāsikan* ti cīrakavāsikakammakāraṇaṇ. Taṇ karontā tath' eva cammavaṭṭe kantitvā kaṭiyaṇ ṭhapenti; kaṭito paṭṭhāya kantitvā gopphakesu ṭhapenti; uparimehi heṭṭhi-masarīraṇ cīrakanivāsananivatthaṇ viya hoti.

14. [87¹⁵] *Eṇeyyakan* ti eṇeyyakakammakāraṇaṇ. Taṇ karontā ubhesu kapparesu ca jaṇṇukesu ca ayasalākāni datvā ayasūlāni koṭṭenti. So catuhi ayasūlehi bhūmiyaṇ patitṭhāti. Atha naṇ parivāretvā aggiṇ karonti. “Eṇeyyako jotipariggaho yathā” ti () āgataṭṭhāne pi idam eva vuttaṇ. Taṇ sandhisandhito² sūlāni apanetvā catuhi aṭṭhikoṭṭhi yeva ṭhapenti. Evarūpā kāraṇā nāma n' atthi. *Baḷisamaṇsikan* ti ubhato mukhehi baḷisehi paharitvā camma-maṇsa-nahārūni uppāṭenti. *Kahāpaṇakan*³ ti sakalasarīraṇ tiṇhāhi vāsīhi kotito paṭṭhāya kahāpaṇamattaṇ⁴ pāpentā koṭṭenti. *Khārāpatacchikan*⁵ ti sarīraṇ tattha tattha āvudhehi paharitvā kocchehi khāraṇ ghaṇsenti⁶; camma-maṇsa-nahārūni paggharitvā⁷ aṭṭhikasaṅkhalikā va tiṭṭhati.

15. [87¹⁷] *Palīghaparivattikan* ti ekena passena nipajjāpetvā kaṇṇacchidde ayasūlaṇ koṭṭetvā paṭhaviyā ekābadhaṇ karonti. Atha naṇ pāde gahetvā āvijjhanti. *Palālapūṭhakan* ti cheko kāraṇiko⁸ chavicammaṇ acchinditvā nisadapotahehi aṭṭhīni bhinditvā kesesu gahetvā ukkhipati,⁹ maṇsarāsi yeva hoti. Atha naṇ keseh' eva pariyonandhitvā gaṇhanti; palālavatṭiṇ viya katvā paliveṭhenti. *Sunakhehi*

¹ B. S. omit.

² B. S. Taṇ kālena kālaṇ sūlāni.

³ B. Kahāpaṇikan.

⁴ C. *adds* kahāpaṇamattaṇ.

⁵ B. Kharāpaticchakan; S. °patacchikan.

⁶ B. S. ghaṇsanti.

⁷ B. S. *add* savanti.

⁸ B. S. chekā kāraṇikā.

⁹ B. S. ukkhipanti.

pi ti katipayāni divasāni āhāraṇ adatvā chātasunakhehi¹ khādāpenti. Te muhuttan' eva aṭṭhisaṅkhalikam eva karonti. *Samparāyiko* ti samparāye dutiyattabhāve vipāko ti attho.

16. [87³⁰] *Chandarāgavinayo chandarāgappahānan* ti nibbānaṇ. Nibbānaṇ hi āgamma kāmesu chandarāgo viniyati² c' eva pahiyati ca. Tasmā nibbānaṇ *chandarāgavinayo chandarāgappahānan* ti vuttaṇ. *Sāmaṇ vā kāme parijānissanti* ti sayan vā kāme tihi pariññāhi parijānissanti. *Tathatāyā* ti tathābhāvāya. *Yathāpaṭipanno* ti yāya paṭipadāya paṭipanno.

17. [88⁷] *Khattiyakaññā vā* ti ādi aparittena vipulena kusalena gahitapaṭisandhikaṇ vatthālaṅkāradīni labhanatṭhāne nibbattaṇ dassetuṇ vuttaṇ. *Pannarasavassuddesikā* ti pannarasavassavayā. Dutiyapadepe es' eva nayo. Vayapadesaṇ kasmā gaṇhāti ti? Vannasampattidassanattāṇ. Mātugāmassa hi duggatakule nibbattassa pi etasmiṇ kāle thokathokaṇ vaṇṇāyatanaṇ pasīdati. Purisānaṇ pana vīsativassapañcavīsativassakāle pasannaṇ hoti. *Nātidighā* ti ādīhi chadosavirahitaṇ sarīrasampattiṇ dīpeti. *Vannanibhā* ti vanna yeva.

18. [88¹⁶] *Jinṇan* ti jarājinnaṇ. *Gopānasivaṅkan* ti gopānasi viya vaṅkaṇ. *Bhoggan* ti bhaggaṇ. Iminā pi 'essa vaṅkabhāvam eva dīpeti. *Daṇḍaparāyanan* ti daṇḍapaṭisaraṇaṇ, daṇḍadutiyaṇ. *Pavedhamānan* ti kampamānaṇ. *Āturan* ti jarāturaṇ. *Khaṇḍadantan* ti jarānuhbāvena khaṇḍitadantaṇ. *Phalitakesan* ti paṇḍarakesaṇ. *Vilūnan* ti luñcitvā gahitakesaṇ viya, khallāṇ. *Khalitasiran* ti mahākhallāṭasisaṇ. *Valīnan* ti sañjātavaliṇ. *Tilakāhatagattan* ti setatilaka-kālatilakehi vikiṇṇasarīraṇ. *Ābādhikan* ti byādhitaṇ. *Dukkhītan* ti dukkhappattaṇ. *Bāḥagilānan* ti adhimattagilānaṇ. *Sivathikāya chaḍḍitan* ti āmakasusāne pātitaṇ. Sesam ettha Satipaṭṭhāne vuttam eva. Idhāpi nibbānaṇ yeva chandarāgavinayo.

19. [89³⁸] *N' eva tasmiṇ samaye attavyābādhāyā* ti tasmiṇ samaye attano pi dukkhatthāya na ceteti. *Avyābajjhaṇ yevā*

¹ B. S. chātakehi sunakhehi.

² C. vinayati; S. viniyyati.

ti niddukkhāṃ eva. *Yaṇ, bhikkhave, vedanā aniccā* ti bhikkhave, yasmā vedanā aniccā, tasmā. Ayaṇ aniccādi-ākāro¹ vedanāya ādinavo ti attho. Nissaraṇaṇ vuttappakāram evā ti.

Mahā-Dukkhakkhandhasuttavaṇṇanā niṭṭhitā.

14.

[*Cūla-Dukkhakkhandhasuttavaṇṇanā*]

1. [91¹] *Evam me sutaṃ* ti Cūla-Dukkhakkhandhasuttaṇ. Tattha *Sakkesū* ti evaṇṇāmake janapade. So hi janapado Sakyānaṇ rājakumārānaṇ vāsattḥānattā² Sakkā tv' eva saṅkhaṇ gato. Sakyānaṇ pana uppatti Ambaṭṭhasutte āgatā va. *Kapilavatthusmin* ti evaṇṇāmake nagare. Taṇ hi Kapilassa isino nivāsattḥāne³ katattā Kapilavatthū ti vuttaṇ. Taṇ gocaraḡāmaṇ katvā. *Nigrodhārāme* ti Nigrodho nāma Sakko. So nātisaṃāḡamakāle Kapilavatthuṇ āgate Bhagavati attano ārāme vihāraṇ kāretvā Bhagavato niyyātesi. Tasmiṇ viharatī ti attho.

2. [91²] *Mahānāmo* ti Anuruddhattherassa bhātā, Bhagavato cullapitu putto. Suddhodano, Sukkodano, Sakkodano, Dhotodano, Amitodano ti ime pañca janā bhātaro. Amitāvi nāma devī tesāṇ bhaginī. Tissatthero tassā putto. Tathāgato ca Nandatthero ca Suddhodanassa puttā. Mahānāmo ca Anuruddho ca Sukkodanassa; Ānandatthero Amitodanassa. Sa Bhagavato kaniṭṭho, Mahānāmo mahallakataro, sakadāgāmi ariyasāvako.

3. [91^o] *Dīgharattaṇ* ti mayhaṇ sakadāḡāmiḡhalappattito⁴ paṭṭhāya cirarattaṇ jānāmi ti dasseti. *Lobhadhammā* ti lobhasaṅkhatā dhammā. Nānappakāraṇ lobhaṇ yeva sandhāya vadati. Itaresu pi dvīsu es' eva nayo. *Pariyādāya tiṭṭhantī* ti khepetvā tiṭṭhanti. Idaṇ hi pariyādānaṇ nāma, "Sabbaṇ hatthikāyaṇ pariyādiyitvā, sabbaṇ assakāyaṇ, sabbaṇ rathakāyaṇ, sabbaṇ pattikāyaṇ pariyādiyitvā jīvantaṇ yeva naṇ aggahesi" ti (S. i. 84-85) ettha gahaṇe āgataṇ. "Aniccasaṅṇā, bhikkhave, bhāvitā bahulīkatā

¹ B. *adds* va; S. ca.

² B. S. *vasana*°.

³ B. S. *nivāsana*°.

⁴ B. S. °*phaluppattito*.

sabbaṇ kāmārāgaṇ pariyādiyatī” ti (S. iii. 155) ettha khepane. Idhāpi khepane adhippetāṇ.¹ Tena vuttaṇ: *Pariyādiyitvā* ti khepetvā ti.

4. [91¹⁴] *Yena me ekadā lobhadhammā pi* ti yena mayhaṇ ekasmiṇ kāle lobhadhammā pi cittaṇ pariyādāya tiṭṭhanti ti pucchati. Ayaṇ kira rājā, sakadāgāmimaggena lobhamohā niravasesā pahiyanti ti saññī ahoṣi. Ayaṇ, pahīnaṇ me atthi ti pi jānāti; appahīnakaṇ upādāya pahīnakam pi puna paccato vāvattati ti² saññī hoti. Ariyasāvakassa evaṇ sandeho uppajjati ti? Āma, uppajjati. Kasmā? Paṇṇattiyā akovidattā. Ayaṇ kilesa asukamaggavajjho ti imissā paṇṇattiyā akovidassa hi ariyasāvakassa pi evaṇ hoti. Kiṇ tassa paccavekkhaṇā n’ atthi ti? Atthi. Sā pana na sabbesaṇ paripunnā hoti. Eko hi pahīnakilesam eva paccavekkhati, eko avasiṭṭhakilesam eva, eko maggam eva, eko phalam eva, eko nibbānam eva. Imesu pana pañcasu paccavekkhaṇāsu ekaṇ vā dve vā no laddhuṇ vaṭṭati. Iti yassa paccavekkhaṇā na paripunnā, tassa maggavajjhakilesapaṇṇattiyaṇ akovidattā evaṇ hoti.

5. [91¹⁷] *So eva kho te* ti so yeva lobho, doso, moho ca tava santāne appahīno; tvaṇ pana pahīnasaññī ahoṣi ti dasseti. *So ca hi te* ti so tuyhaṇ, lobha-dosa-mohadhammo. *Kāme* ti duvidhe pi³ kāme na paribhuñjeyyāsi⁴; mayhaṇ viya pabbajeyyāsi ti dasseti. *Appassādā* ti parittasukhā. *Bahūdukkhā* ti diṭṭhadhammikasamparāyikadukkhā ev’ ettha bahukaṇ. *Bahūpāyāsā* ti diṭṭhadhammikasamparāyiko upāyāsakilesa yev’ ettha bahu. *Ādīnavo* ti diṭṭhadhammikasamparāyiko upaddavo. *Ettha bhiyyo* ti etesu kāmesu ayaṇ ādīnavo yeva bahu. Assādo pana Himavantaṇ upanidhāya sāsapo viya appo, parittako. *Iti ce pi, Mahānāmā* ti Mahānāma, evañ ce pi ariyasāvakassa *yathābhūtaṇ*⁵ yathāsa-bhāvaṇ *sammā* nayena kāraṇena *paññāya* suṭṭhu diṭṭhaṇ hoti ti dasseti. Tattha *paññāya* ti vipassanāpaññāya. Heṭṭhāmaggaadvayañānenā ti attho.

¹ S. adhippeto.

² B. puna pucchanto vaṭṭati ti.

³ B. S. omīti.

⁴ B. S. Na paribhuñjeyyāsi ti.

⁵ B. S. yathābhūtan ti.

6. [91²⁷] *So cā*¹ *ti so esa maggadavayena dīṭṭhakāmādīnavo ariyasāvako. Pītisukhaṇ ti iminā sappītikāni dve jhānāni dasseti. Aññaṇ vā tato santataran ti tato vā*² *jhānadavayato santataran aññaṇ upari jhānadavayaṇ c' eva maggadavayaṇ ca. N' eva tāva anāvattī kāmesu hotī ti atha kho so dve magge paṭivijjhivā tthito pi ariyasāvako upari jhānānaṇ vā maggānaṇ vā anadhigatattā n' eva tāva kāmesu anāvattī hoti; anāvattāno,*³ *anābhogo na hoti; sāvattāno*⁴ *sābhogo yeva hoti. Kasmā? Catuhi jhānehi vikkhambhanappahānassa, dvīhi maggehi samucchadappahānassa abhāvā.*

7. [91³⁵] *Mayham pi kho ti na kevalaṇ tuyh' eva, atha kho mayham pi. Pubbe va sambodhā ti maggasambodhato paṭhamataram eva. Paññāya sudīṭṭhaṇ ahoṣī ti ettha orodhanāṭaka*⁵ *-pajahanapañña adhippetā. Pītisukhaṇ nājjhagaman ti sappītikāni dve jhānāni na paṭilabhiṇ. Aññaṇ vā tato santataran ti idha upari jhānadavayaṇ c' eva cattāro ca maggā adhippetā. Paccaññāsī ti paṭi-aññāsīṇ.*⁶

8. [92²⁶] *Ekamidāhaṇ, Mahānāma, samayan ti kasmā āradhaṇ? Ayaṇ pāṭiyekko anusandhi. Heṭṭhā kāmānaṇ assādo pi ādīnavo pi kathito; nissaraṇaṇ na kathitaṇ. Taṇ kathetuṇ ayaṇ desanā āraddhā. Kāmasukhallikānuyogo vā*⁷ *eko anto, attakilamathānuyogo eko; imehi antehi muttaṇ mama sāsanaṇ ti upari phalasamāpattisīsena sakalasāsanaṇ dassetum pi ayaṇ desanā āraddhā.*

9. [92²⁷] *Gijjhakūṭe pabbate ti tassa pabbatassa gijjhasa-disaṇ kūṭaṇ atthi, tasmā Gijjhakūṭo ti vuccati. Gijjhā vā tassa kūṭesu nivasanti ti pi Gijjhakūṭo ti vuccati. Isigilipasse ti Isigilipabbatassa passe. Kālasīlāyan ti kālavaṇṇa-piṭṭhipāsāṇe.*⁸ *Ubbhaṭṭhakā honti ti ubbhaṇ*⁹ *yeva tthitakā honti, anisinnā. Opakkamikā ti ubbhaṭṭhakādīnā attano upakkamena nibbatitā. Nigaṇṭho, āvuso ti aññaṇ kāraṇaṇ vattuṇ asakkontā Nigaṇṭhassa upari khipiṇsu.*¹⁰ *Sabbaññū*

¹ B. S. vā.

³ B. S. anāvattīno.

⁵ B. S. -nāṭakā-.

⁷ B. S. hi.

⁹ S. ubbhā; B. uddhaṇ.

² B. S. omī.

⁴ S. sāvattīno; B. āvattīno.

⁶ C. paṭiññaṇ akāsīṇ.

⁸ B. S. kālavaṇṇe.

¹⁰ B. S. pakkhiṇsu.

sabbadassāvī ti, so amhākaṇ satthā atitānāgatapaccuppannaṇ sabbaṇ jānāti, passati ti dassenti. *Aparisesaṇ ñānadassanaṇ paṭijānāti* ti so amhākaṇ satthā aparisesaṇ dhammaṇ jānānto¹ aparisesasañkhātaṇ ñānadassanaṇ paṭijānāti. Paṭijānanto ca evaṇ² paṭijānāti: *Carato ca me tiṭṭhato ca—pe—paccupaṭṭhitan* ti. Tattha *satatan* ti niccaṇ. *Samītan* ti tass' eva vevacanaṇ.

10. [93¹⁰] *Kiṇ pana tumhe, āvuso, Nigaṇṭhā jānātha, ettakaṇ vā dukkhaṇ nijjīnnaṇ* ti idaṇ Bhagavā, puriso nāma yaṇ karoti, taṇ jānāti, vīsatikahāpaṇe iṇaṇ gahetvā dasa datvā dasa me dinnā, dasa ṭhitā³ ti jānāti; te pi datvā, sabbaṇ dinnan ti jānāti; khetṭassa tatiyabhāgaṇ lāyitvā, eko bhāgo lāyito, dve avasiṭṭhā ti jānāti; puna ekaṇ lāyitvā, dve lāyitā, eko avasiṭṭho ti; tasmim pi lāyite, sabbaṇ niṭṭhitan ti jānāti; evaṇ sabbakiccesu katañ ca akatañ ca jānāti; tumhe hi pi tathā ñātabbaṇ siyā ti dasseti. *Akusalānaṇ dhammānaṇ pahānaṇ* ti iminā, akusalaṇ pahāya kusalaṇ bhāvetvā sudhattaṇ⁴ patto Nigaṇṭho nāma tumhākaṇ sāsane atthī ti pucchati. *Evaṇ sante* ti tumhākaṇ evaṇ ajānanabhāve sati. *Luddā* ti luddācārā. *Lohitapāṇīno* ti pāṇe jīvītā oropentā lohiteṇa makkhitapāṇīno. Pāṇaṇ hiṇsantassa⁵ pi lohiteṇa pāṇi makkhiyati. So pi lohitapāṇi tv' eva vuccati. *Kuru-rakammantā* ti dāruṇakammā, mātari, pitari, dhammika-samaṇabrāhmaṇādisu ca katāparādhā; māgavikādayo vā kakkhalakammā.

11. [93¹⁶] *Na kho, āvuso, Gotamā* ti idaṇ Nigaṇṭhā, ayaṇ amhākaṇ vāde dosaṇ deti, mayam pi 'ssa dosaṇ aropemā ti maññamānā ārabhiṇsu. Tass' attho: Āvuso Gotama, yathā tumhe paṇītaśīvarāṇi dhārentā, sālīmaṇsodanaṇ bhuñjantā, devavimānavañṇāya Gandhakuṭiyā vasamānā sukhena sukhaṇ adhigacchatha, na evaṇ sukhena sukhaṇ adhigantabbaṇ. Yathā pana mayaṇ ukkuṭikappadhānādīhi nānappakāraṇ dukkhaṇ anubhavāma, evaṇ dukkhena sukhaṇ adhigantabban ti. *Sukhena ca h' āvuso* ti idaṇ, sace sukhena sukhaṇ adhigantabbaṇ siyā, rājā adhigaccheyyā ti dassanatthaṇ

¹ B. S. jānanato.

² B. eva ca; S. evañ ca.

³ B. avasiṭṭhā.

⁴ B. suddhantaṇ.

⁵ B. S. Pāṇaṇ hi hanantassa.

vuttaṇ. Tattha *Māgadho* ti Magadharatṭhassa issaro. *Seniyo* ti tassa nāmaṇ. *Bimbī* ti attabhāvassa nāmaṇ. So tassa sārabhūto dassaniyo pāsādiko ti attabhāvasamiddhiyā *Bimbisāro* ti vuccati. *Sukhavihāritaro* ti idaṇ te rañño tīsu pāsādesu tividhavayehi nātakehi saddhiṇ sampatti-anubhavanāṇ sandhāya vadanti.

12. [94°] *Addhā* ti ekaṇsena, *Schasā*, *appaṭisaṅkhā* ti sāhasaṇ katvā, apaccavekkhitvā; yathā ratto rāgavasena, dutṭho dosavasena, mūlho mohavasena bhāsati, evam eva vācā bhāsita ti dasseti. Tattha *paṭipucchissāmī* ti tasmiṇ atthe pucchissāmī. *Yathā vo khomeyyā* ti yathā tumhākaṇ ruceyya. *Pahotī* ti sakkoti. *Aniñjamāno* ti acalamāno. *Ekantasukkhapaṭisaṇvedī* ti nirantarasukkhapaṭisaṇvedī. *Ahaṇkho*, *āvuso Nigaṇṭhā*, *pahomi ekantasukkhapaṭisaṇvedī* ti idaṇ attano phalasamāpattisukhaṇ dassento āha. Ettha ca ka-thāpatitṭhāpanatthaṇ¹ rājavāre satta ādiṇ katvā pucchā katā. Satta rattindivāni nappahotī ti vutte, chappañca cattārī ti sukhaṇ pucchituṇ hoti. Buddhavāre pana, sattā ti vutte, puna chappañca cattārī ti vuccamānaṇ anacchariyaṇ hoti; tasmā ekaṇ ādiṇ katvā desanā katā. Sesaṇ sabbattha uttānattham evā ti.

Cūla-Dukkakkhandhasuttavaṇṇanā nīṭhitā.

15.

[*Anumānasuttavaṇṇanā*]

1. [95°] *Evam me sutaṇ* ti Anumānasuttaṇ. Tattha *Bhaggesū* ti evannāmake janapade. Vacanattho pan' ettha vut-tānusāren' eva veditabbo. *Suṇsumāragire* ti evannāmake nagare. Tassa kira nagarassa vatthupariggahadivase avidūre udakarahade suṇsumāro saddam akāsi, giraṇ nicchāresi. Atha nagare nimmite Suṇsumāragiraṇ tv' ev' assa nāmaṇ akaṇsu. *Bhesakalāvane* ti Bhesakalānāmake vane. Bhesakalavane² ti pi pātho. *Migadāye* ti taṇ vanaṇ migapak-khīnaṇ abhayaṇ dinnatṭhāne ṭhitaṇ; tasmā *Migadāyo* ti vuccati.

¹ C. °patitṭhānatthaṇ.

² S. Bhesaka°; B. Bhesagaḷā°.

2. [95¹²] *Pavāreṭi* ti icchāpeti. *Vadantū* ti ovādānusāsa-navasena vadantu. Ovadantu, anusāsantū ti attho. *Vacaniyo 'mhī* ti ahaṇ tumhehi vattabbo. Ovaditabbo, anusāsitabbo ti attho. *So ca hoti dubbaco* ti so ca dukkhena vattabbo hoti; vutto na sahati. *Dovacassakaraṇehi* ti dubbacabhāvakāraṇehi¹ upari āgatehi solāsahi dhammehi. *Appadakkhinaggāhī anusāsanin* ti yo hi vuccamāno, tumhe maṇ kasmā vadatha, ahaṇ attano kappiyākappiyaṇ, sāvajjānavajjaṇ, atthānatthaṇ jānāmī ti vadati, ayaṇ anusāsaniṇ padakkhiṇato na gaṇhāti, vāmato va² gaṇhāti, tasmā *appadakkhinaggāhī* ti vuccati.

3. [95¹⁹] *Pāpikānaṇ icchānaṇ* ti lāmakānaṇ asantasambhāvanapatthanānaṇ. *Paṭippharati* ti paṭiviruddho paccanīko hutvā tiṭṭhati. *Apasādeti* ti, kin nu³ kho tuyhaṇ bālassa abyattassa bhaṇitena, tvam pi nāma bhaṇitabbaṇ maññissasi ti evaṇ ghaṭṭeti.⁴ *Paccāropeti* ti, tvam pi kho 'si itthannāmaṇ āpattiṇ āpanno, tvaṇ tāva paṭikarohī ti evaṇ paṭi-āropeti. *Aññen' aññaṇ paṭicarati* ti aññena kāraṇena vacanena vā aññaṇ kāraṇaṇ, vacanaṇ vā paṭicchādeti. *Āpattiṇ āpanno 'si* ti vutte, ko āpanno, kiṇ āpanno, kismiṇ āpanno, kaṇ bhaṇatha, kiṇ bhaṇathā ti ca vadati. Evarūpaṇ kiñci tayā diṭṭhan ti vutte na suṇāmī ti sotaṇ vā upaneti. *Bahiddhā kathaṇ apañāmeti* ti itthannāmaṇ āpattiṇ āpanno 'si ti puttḥo, Pāṭaliputtaṇ gato 'mhī ti vatvā puna, na tava Pāṭaliputtagamanaṇ pucchāma, āpattiṇ pucchāmā ti vutto,⁵ tato Rājagahaṇ gato 'mhī ti, Rājagahaṇ vā yāhi brāhmaṇagahaṇ vā, āpattiṇ āpanno 'si ti, tattha sūkaramaṇsaṇ laddhan ti ādīni vadanto kathaṇ bahiddhā vikkhipati. *Apadāne* ti attano cariyāya. *Na sampāyati* ti, āvuso, tvaṇ kuhiṇ vasasi, kaṇ nissāya vasasi ti vā, yaṇ tvaṇ vadesi: mayā esa āpattiṇ āpajjanto⁶ diṭṭho ti, tvaṇ tasmiṇ samaye kiṇ karosi, ayaṇ kiṇ karoti, kattha ca tvaṇ ahosi,⁷ kattha ca⁸ ayan ti ādinā nayena cariyaṇ puttḥo sampādetvā kathetuṇ na sakkoti.

¹ S. dubbacakāraṇehi; B. °karaṇehi.

² B. S. omit.

³ C. omits.

⁴ B. S. ghaṭṭeti.

⁵ B. S. vutte.

⁶ B. S. āpanno.

⁷ B. S. hattha vā tvaṇ acchasi.

⁸ B. S. vā.

4. [97¹⁸] *Tatr' āvuso* ti āvuso, tesu soḷasasu dhammesu. *Attanā va attānaṇ evaṇ anuminitabban¹* ti evaṇ attanā va attā anumetabbo, tuletabbo, tīretabbo. *Paccavekkhitabban* ti paccavekkhitabbo. *Ahorattānusikkhinā* ti divā pi rattim pi sikkhantena. Rattiñ ca divā ca kusalesu dhammesu sikkhantena pītipāmojjam eva uppādetabban ti attho.

5. [100¹⁵] *Acche vā udapatte²* ti pasanne vā udakabhājane. *Mukhanimittan* ti mukhapatibimban. *Rajan* ti āgantukarajan. *Añṇanan* ti tattha jātaṇ tilaṇ vā pilakaṇ vā. *Sabbe p' ime pāpake akusale dhamme pahīne* ti iminā sabbaṇ pahānaṇ kathesi. Kathaṇ? Ettakā akusalā dhammā pabbajitassa nānucchavikā ti paṭisaṅkhānaṇ uppādayato hi paṭisaṅkhā-pahānaṇ kathitaṇ hoti. Sīlaṇ padaṭṭhānaṇ katvā kaṣiṇa-parikammaṇ ārabhitvā atṭha samāpattiyo nibbattentassa vikkhambhanappahānaṇ kathitaṇ. Samāpattipadaṭṭhānaṇ katvā vipassanaṇ vaḍḍhentassa tadaṅgappahānaṇ kathitaṇ. Vipassanaṇ vaḍḍhetvā maggaṇ bhāventassa samucchedapahānaṇ kathitaṇ. Phale āgate paṭipassaddhippahānaṇ, nibbāne āgate nissaraṇappahānaṇ ti evaṇ imasmiṇ sutte sabbaṇ pahānaṇ kathitaṇ³ hoti.

6. [100²³] Idaṇ hi suttaṇ, Bhikkhupātimokkhaṇ nāmā ti Porāṇā vadanti. Idaṇ divasassa tikkhattuṇ paccavekkhitabbaṇ. Pāto vasanaṭṭhānaṇ pavisitvā nisinnena, ime ettakā kilesā atthi nu kho mayhaṇ, n' atthi ti paccavekkhitabbā. Sace atthi ti passati, tesā *pahānāya vāyamitabbaṇ*; no ce passati, supabbajito . 'smi ti attamanena bhavitabbaṇ. Bhattakiccaṇ katvā rattiṭṭhāne divaṭṭhāne vā nisīditvā pi paccavekkhitabbaṇ. Sāyaṇ vasanaṭṭhāne nisīditvā pi paccavekkhitabbaṇ. Tikkhattuṇ asakkontena dve vāre paccavekkhitabbaṇ. Dve vāre asakkontena pana avassaṇ ekavāraṇ paccavekkhitabbaṇ. Apaccavekkhituṇ na vaṭṭatī ti vadanti. Sesā sabbattha uttānam⁴ evā ti.

Anumānasuttavannaṇā nitṭhitā.

¹ B. S. anumānitabban.

² B. S. udakapatte.

³ B. S. *add* va.

⁴ B. S. uttānattham.

16.

[Cetokhilasuttavaṇṇanā]

1. [101¹] *Evam me sutan ti* Cetokhilasuttaṇ. *Tattha ceto-khilā* ti cittassa thaddhabhāvā, kacavarabhāvā, khānuka-bhāvā. *Cetaso vinibandhā* ti cittaṇ bandhitvā mutṭhiyaṇ katvā viya gāhantī ti cetaso vinibandhā. *Vuddhin* ti ādisu sīlena *vuddhiṇ*, maggena *virūhiṇ*, nibbānena *vepullaṇ*. *Sīlasamādhīhi vā vuddhiṇ*, vipassanāmaggena *virūhiṇ*, phalanibbānehi *vepullaṇ*.

2. [101⁹] *Satthari kaṅkhatī* ti Satthu sarīre vā guṇe vā kaṅkhati. Sarīre kaṅkhamāno, dvattiṇṣavaraalakkaṇapāti-maṇḍitaṇ nāma sarīraṇ atthi nu kho, n' atthī ti kaṅkhati. Guṇe kaṅkhamāno, atītānāgatapaccuppannajānanasamatthaṇ sabbaññutaññaṇ atthi nu kho n' atthī ti kaṅkhati. *Vicikicchati* ti vicinanto kicchati, dukkhaṇ āpajjati, vinicchetuṇ na sakkoti. *Nādhimuccatī* ti evam etan ti adhimokkhaṇ na paṭilabhati. *Na sampasīdatī* ti guṇesu¹ otaritvā nibbīcīkicchabhāvena pasīdituṇ, anāyilo bhavituṇ na sakkoti. *Ātappāyā* ti kilesasantāpakaviriyakaraṇatthāya. *Anuyogāyā* ti punappunayogāya. *Padhānāyā* ti padahanatthāya. *Ayaṇ paṭhamo celokkhilo* ti ayaṇ Satthari vicikicchāsāṅkhāto paṭhamo cittassa thaddhabhāvo, evam etassa bhikkhuno appahīno hoti.

3. [101¹⁵] *Dhamme* ti pariyattidhamme ca paṭivedhadhamme ca. Pariyattidhamme kaṅkhamāno, Tepitaka-Buddhavacanaṇ caturāsīti dhammakkaṇḍhasahassānī ti vadanti, atthi nu kho etan, n' atthī ti kaṅkhati. Paṭivedhadhamme kaṅkhamāno, vipassanānissando maggo nāma, magganissando phalaṇ nāma, sabbasaṅkhārappaṭinissaggo nibbānaṇ nāmā ti vadanti, taṇ atthi nu kho n' atthī ti kaṅkhati. *Saṅghe kaṅkhatī* ti supaṭipanno ti (M. i. 37) ādīnaṇ padānaṇ vasena evarūpaṇ paṭipadaṇ paṭipanno, cattāro maggaṭṭhā, cattāro phalaṭṭhā ti atṭhannaṇ puggalānaṇ samūhabhūto Saṅgho nāma atthi nu kho n' atthī ti kaṅkhati. *Sikkhāya kaṅkhamāno*, adhisīlasikkhā nāma, adhicitṭa . . .

¹ C. guṇehi.

adhipaññāsikkhā nāmā ti vadanti, sā atthi nu kho n' atthi ti kañkhati. *Ayaṇ pañcamo* ti ayaṇ sabrahmacārisu kopa-saṅkhāto pañcamo cittassa thaddhabhāvo, kacavarabhāvo, khāṇukabhāvo.

4. [101²⁸] Vinibandhesu *kāme* ti vatthukāme pi kilesakāme pi. *Kāye* ti attano kāye. *Rūpe* ti bahiddhā rūpe. *Yāva-datthan* ti yattakaṇ icchati tattakaṇ. *Udarāvadehakan* ti udarapūraṇ. Taṇ hi udaraṇ avadehanato udarāvadehakan ti vuccati. *Seyyasukhan* ti mañcapīṭhasukhaṇ, utusukhañ ca.¹ *Passasukhan* ti yathāsamparivattakaṇ sayantassa dakkhiṇapassavāmapassānaṇ sukhaṇ hoti, evaṇ uppannasukhaṇ. *Middhasukhan* ti niddāsukhaṇ. *Anuyutto* ti yuttapayutto viharati. Paṇidhāyā ti patthayitvā. *Silenā* ti ādisu *sīlan* ti catupārisuddhisīlaṇ. *Vatan* ti vatasamādānaṇ. *Tapo* ti tapacaraṇaṇ. *Brahmacariyan* ti methunavirati. *Devo vā bhavissamī* ti mahesakkhadevo vā bhavissāmī. Devaññataro vā ti appesakkhadevesu vā aññataro.

5. [103³²] Iddhipādesu chandaṇ nissāya pavatto samādhī *chandasaṃmādhī*. Padhānabhūtā saṅkhārā *padhānasaṅkhārā samannāgatan* ti tehi dhammehi upetaṇ. Iddhiyā pādaṇ, iddhibhūtaṇ vā pādan ti *iddhipādaṇ*. Sesesu pi es' eva nayo. Ayam ettha saṅkhhepo. Vitthāro pana Iddhipādavibhaṅge āgato yeva. Visuddhimagge pan' assa attho dīpito. Iti imehi catuhi iddhipādehi vikkhambhanappahānaṇ kathitaṇ. *Ussolhiyeva pañcamī* ti tattha *ussolhī* ti sabbattha kattabba-viriyaṇ dasseti.

6. [103³⁷] *Ussolhipannarasaṅgusamannāgato* ti pañca cetokhilapahānāni, pañca vinibandhapahānāni, cattāro iddhipādā, *ussolhī* ti evaṇ *ussolhiyā* saddhiṇ pannarasahi aṅgehi² samannāgato. *Bhabbo* ti anurūpo, anucchaviko. *Abhinibbhidāyā* ti ñāṇena kilesabhedāya. *Sambodhāyā* ti catumaggasambodhāya. *Anuttarassā* ti seṭṭhassa. *Yogakkhemāpā* ti catuhi yogehi khemassa arahattassa. *Adhigamāyā* ti paṭilābhāya.

7. [104³] *Seyyathā* ti opammatthe nipāto. *Pī* ti sambhāvanatthe. Ubhayena pi seyyathā pi nāma, bhikkhave ti

¹ B. S. vā.² S. omits.

dasseti. *Kukkuṭiyā aṇḍāni, attha vā dasa vā dvādasa vā* ti ettha¹ kiñ cāpi kukkuṭiyā vuttappakārato ūnādhikāni pi aṇḍāni honti, vacanasiliṭṭhatāya pana etaṇ vuttaṇ. Evaṇ hi loke siliṭṭhaṇ vacanaṇ hoti. *Tān' assū* ti tāni assu. Bhaveyyun ti attho. *Kukkuṭiyā sammā adhisayitānī* ti tāya janettiyā kukkuṭiyā pakkhe pasāretvā tesaṇ upari sayantiyā sammā adhisayitāni. *Sammā pariseditānī* ti kālena kālaṇ utuṇ gaṇhāpentiyā² suṭṭhu samantato seditāni, usmīkatāni. *Sammā paribhāvitānī* ti kālena kālaṇ suṭṭhu samantato bhāvitāni. Kukkuṭagandhaṇ gāhāpitānī ti attho. *Kiñ cāpi tassā kukkuṭiyā* ti tassā kukkuṭiyā idha³ tividhakiriyākaraṇena appamādaṇ katvā kiñ cāpi na evaṇ icchā uppajjeyya. *Atha kho bhabbā va te* ti atha kho te kukkuṭapotakā vuttana-yena sotthinā abhinibbhijjituṇ bhabbā va. Te hi, yasmā tāya kukkuṭiyā evaṇ tīh' ākārehi tāni aṇḍāni paripāliyamānāni na pūṭini honti, yo pi nesaṇ allasineho so pi pariyādānaṇ gacchati, kapālaṇ tanukaṇ hoti, pādanakhasikhā ca mukha-tuṇḍakaṇ ca kharāṇ hoti, sayam pi⁴ paripākaṇ gacchanti kapālassa tanuttā bahi āloko anto paññāyati; tasmā, ciraṇ vata mayaṇ saṅkucitahatthapādā⁵ sambādhe sayimha, ayaṇ ca bahi āloko dissati, ettha dāni no sukhavihāro bhavissati ti nikkhamitukāmā hutvā kapālaṇ pādena paharanti, gīvaṇ pasārenti. Tato taṇ kapālaṇ dvedhā bhijjati. Atha ne⁶ pakkhe vidhunantā taṅkhaṇānuruṇaṇ viravantā nikkhamanti yeva; nikkhamitvā ca gāmakkhettaṇ upasobhayamānā vicaranti.

8. [104¹⁰] *Evam eva kho* ti idaṇ opammasamapaṭipādakaṇ. Taṇ evaṇ atthena saṇsandetvā veditabbaṇ: Tassā kukkuṭiyā aṇḍesu tividhakiriyākaraṇaṇ viya hi imassa bhikkhuno ussolhipannarasehi aṅgehi samannagātabhāvo. Kukkuṭiyā tividhakiriyāsampādanena aṇḍānaṇ apūtibhāvo viya panna-rasaṇgasamannāgatassa bhikkhuno ·tividhānupassanāsampādanena vipassanāñāṇassa aparihāni. Tassā tividhakiriyākaraṇena aṇḍānaṇ allasinehapariyādānaṇ viya tassa bhikkhuno tividhānupassanāsampādanena bhavattayānugatani-

¹ B. S. *add* pana.² B. S. gāhāpentiyā.³ B. S. imaṇ.⁴ B. S. *omit*.⁵ B. S. saṅkuṭita°.⁶ B. te; S. kho.

kantisinehapariyādānaṃ. Aṇḍakapālānaṃ tanubhāvo viya bhikkhuno avijjaṇḍakosassa tanubhāvo. Kukkuṭapotaḍānaṃ pāḍanakhatuṇḍakānaṃ¹ thaddhakharabhāvo viya bhikkhuno vipassanāñāṇassa tikkhakharavippasannabhāvo.² Kukkuṭapotaḍānaṃ pariṇāmakālo viya bhikkhuno vipassanāñāṇassa pariṇāmakālo, vaḍḍhitakālo, gabbhagahaṇakālo. Kukkuṭapotaḍānaṃ pāḍanakhasikhāya vā mukhatuṇḍakena vā aṇḍakosaṃ paḍāletvā pakkhe papphoṭetvā sotthinā abhinibbhidaḍālo viya tassa bhikkhuno vipassanāñāṇaṃ gabbhaṃ gaṇhāpetvā vicaraṇassa tajiṭṭikaṃ utusappāyaṃ vā bhojanasappāyaṃ vā puggalasappāyaṃ vā dhammasavanasappāyaṃ vā labhitvā ekāsane nisinnass' eva vipassanaṃ vaḍḍhentassa anupubbādhigatena arahattamaggena avijjaṇḍakosaṃ paḍāletvā abhiññāpakkhe pasāretvā papphoṭetvā sotthinā arahattappattakālo veditabbo.

9. Yathā pana kukkuṭapotaḍānaṃ pariṇatabhāvaṃ ñatvā mātā pi aṇḍakosaṃ bhindati, evaṃ tathārūpassa bhikkhuno ñānapariṇāṇaṃ ñatvā Satthā pi,

“Ucchinda sineham attano kumudaṃ sārādikaṃ va paṇinā santimaggam eva brūhaya nibbānaṃ Sugatena desitaṃ” ti
(Dh. 285)

ādinā nayaṇa obhāsapharaṇagāthāya³ avijjaṇḍakosaṃ paḥarati. So gāthāpariyosāṇe avijjaṇḍakosaṃ bhinditvā arahattaṃ pāpuṇāti. Tato paṭṭhāya yathā te kukkuṭapotaḍā gāmakkhettaṃ upasobhayamānā tatthā⁴ tattha caranti,⁵ evaṃ ayam pi mahākkhīṇāsavo nibbānārammaṇaṃ phalasamāpattiṃ appētvā saṅghārāmaṃ upasobhayamāno vicarati. Iti imasmiṃ sutte cattāri paḥānāni kathitāni. Kathaṃ? Cetokhīlānaṃ hi cetovinibandhānaṃ ca⁴ paḥānena paṭisaṅkhāpaḥānaṃ kathitaṃ; iddhipādehi vikkhambhanappahānaṃ⁶; magge āgate samucchēdappahānaṃ⁶; phale āgate paṭipassadhippaḥānaṃ.⁶ Sesaṃ sabbattha uttānattham evā ti.

Cetokhīlasuttavannanā nīṭṭhitā.

¹ B. °nakhamukhatuṇḍakānaṃ; S. °nakhasikhamukha°.

² B. S. °vipassannasūrabhāvo.

³ S. obhāsaṃ pharitvā gāthāya; B. pharetvā.

⁴ B. S. omit.

⁵ B. vicaranti.

⁶ B. S. add kathitaṃ.

17.

[Vanapatthasuttavaṇṇanā]

1. [104¹⁷] *Evam me sutan ti Vanapatthapariyāyaṇ.* Tattha *vanapatthapariyāyaṇ* ti vanapatthakāraṇaṇ, vanapatthadesanaṇ vā. *Vanapatthaṇ upanissāya viharatī* ti manussūpacārātikkantaṇ vanasaṇḍasenāsaṇaṇ nissāya samaṇadhammaṇ karonto viharati. *Anupatthitā* ti ādisu pana pubbe *anupatthitā sati*, taṇ upanissāya viharato pi na *upatthātī*; pubbe *asamāhitaṇ cittaṇ na samādhīyati*; pubbe *aparikkhīṇā āsavā na parikkhayaṇ gacchanti*; pubbe *ananupattaṇ anuttaraṇ yogakkhemasañkhātaṇ arahattaṇ ca na pāpuṇātī* ti attho. *Jīvitaparikkhārā* ti jīvitasambhārā. *Samudānetabbā* ti samāharitabbā. *Kasirena samudāgacchantī* ti dukkhena uppajjanti. *Rattibhāgaṇ vā divasabhāgaṇ vā* ti rattikoṭṭhāse vā divasakoṭṭhāse vā. Ettha ca rattibhāge paṭisañcikkhamānena ñatvā rattīṇ yeva pakkamitabbaṇ. Rattīṇ caṇḍavālādīnaṇ paripanthē¹ sati aruṇuggamaṇaṇ āgametabbaṇ. Divasabhāge ñatvā divā pakkamitabbaṇ. Divā paripanthē sati suriyatthaṅgamaṇaṇ āgametabbaṇ. *Saṅkhā pī* ti evaṇ samaṇadhammassa anipphajjanabhāvaṇ jānitvā. Anantara-vāre pana *saṅkhā pī* ti evaṇ samaṇadhammassa nipphajjanabhāvaṇ jānitvā. *Yāvajīvam pī* ti yāva jīvitaṇ pavattati, tāva vatthabbam eva.

2. [106²⁴] *So puggalo* ti padassa *nānubandhitabbo* ti iminā sambandho. *Anāpucchā* ti idha pana taṇ puggalaṇ anāpucchā *pakkamitabbaṇ* ti attho. *Saṅkhā pī* ti evaṇ samaṇadhammassa anipphajjanabhāvaṇ ñatvā *so puggalo nānubandhitabbo*. Taṇ *anāpucchā pakkamitabbaṇ*. Api panujjamānena pī ti api nikkadḍhiyamānena pi. Evarūpo hi puggalo sace pi dārukalāpasataṇ,² udakaghaṭasataṇ,² vālikammaṇasataṇ vā daṇḍaṇ āharāpeti, mā idha vasī ti nikkadḍhāpeti vā, taṇ khamāpetvā yāvajīvaṇ vatthabbam evā ti.

*Vanapatthasuttavaṇṇanā*³ *niṭṭhitā*.

¹ B. paribandhe.

² B. *adda* vā.

³ B. S. Vanapatthapariyāyasutta°.

18.

[*Madhupiṇḍikasuttavaṇṇanā*]

1. [108¹³] *Evam me sutaṇ ti Madhupiṇḍikasuttaṇ.* Tattha *Mahāvaṇaṇ* ti Himavantena saddhiṇ ekābaddhaṇ aropimaṇ¹ jātivanaṇ; na yathā Vesāliyaṇ ropitāropitamissakaṇ. Divā-vihārāyā ti divā paṭisallānatthāya. Beluvalatṭhikāyā ti taruṇabeluvarukkhaṇ. *Daṇḍapāṇī* ti na jarādubbalatāya daṇḍahattho. Ayaṇ hi taruṇo paṭhamavaye tṭhito daṇḍa-cittatāya pana suvaṇṇadaṇḍaṇ gahetvā vicarati; tasmā *Daṇḍapāṇī* ti vutto. *Jaṅghāvihāraṇ* ti jaṅghākilamathavino-danatthaṇ jaṅghācāraṇ. *Anuccāṇkamamāno anuvicaramāno* ti ārāmadassana-vanadassana-pabbatadassanādīnaṇ atthāya ito c' ito ca caramāno. Adhiccanikkhamanto kir' esa ka-dācid eva nikkhamitvā evaṇ vicarati. *Daṇḍam olubbhā* ti daṇḍaṇ olambitvā,² gopālādārako³ viya daṇḍaṇ purato tṭha-petvā daṇḍamatthake dve hatthe patitṭhapetvā piṭṭhipāṇiṇ hanukena uppiletvā ekam antaṇ atṭhāsi.

2. [109¹⁷] *Kiṇvādi* ti kiṇḍitṭhiko. *Kimakkhāyī* ti kiṇ katheti. Ayaṇ rājā Bhagavantaṇ avanditvā paṭisanthāra-mattakam eva katvā paṇhaṇ pucchati. Tam pi na aññā-tukāmatāya; acittikāren' eva pucchati. Kasmā? Devadat-tapakkhiko kir' esa. Devadatto attano santikaṇ āgacchamāne Tathāgate bhindati. So kira evaṇ vadati: Samaṇo Gotamo amhākaṇ kulena saddhiṇ verī, na no kulassa vadḍhiṇ⁴ icchati. Bhaginī pi me cakkavattiparibhogā. Taṇ pahāya, nassat' esā ti nikkhamitvā pabbaji. Bhāgineyyo pi me cakkavatti-bijaṇ ti ñatvā amhākaṇ kulassa vadḍhiyā atussanto, nassat' etan ti tam pi daharakāle yeva pabbājesi. Ahaṇ pan' etena vinā vattituṇ asakkonto anupabbajito. Evaṇ pabbajitam pi maṇ pabbajitadivasato paṭṭhāya na ujukehi akkhīhi oloketi. Parisamajjhe bhāsanto ca⁵ mahāpharasunā paharanto viya, apāyiko Devadatto ti ādīni bhāsati ti. Evaṇ ayam pi rājā Devadattena bhinno; tasmā evam akāsi.

¹ B. S. aropitaṇ.

² B. olumbhitvā; S. olumbitvā.

⁴ B. vuddhiṇ.

³ B. S. gopālaka^o

⁵ B. S. pi.

3. [109¹⁹] Atha Bhagavā, yathā ayaṇ rājā mayā pañhe pucchite na katheti ti vattuṇ na labhati, yathā ca bhāsitaṣa atthaṇ na ājānāti, evam assa kathessamī ti tassa anucchavikaṇ kathento, *yathāvādī kho* ti ādim āha. Tattha na kenaci loke viggayha tiṭṭhati ti loke kenaci saddhiṇ viggāhikakathaṇ na karoti, na vivadati. Tathāgato hi lokena saddhiṇ na vivadati. Loko pana Tathāgatena saddhiṇ, aniccan ti vutte niccan ti vadamāno, dukkhaṇ . . . anattā . . . asubhan ti vutte subhan ti vadamāno vivadati. Ten' eva āha: "Nāhaṇ, bhikkhave, lokena vivadāmi. Loko ca, bhikkhave, mayā vivadatī" ti (S. iii. 138). Tathā, "Na, bhikkhave, dhammavādī kenaci vivadati. Adhammavādī ca kho, bhikkhave, vivadatī" ti (). *Yathā* ti yena kāraṇena. *Kāmehi* ti vatthukāmehi pi kilesakāmehi pi. *Taṇ brāhmaṇaṇ* ti taṇ khīṇāsavabrāhmaṇaṇ. *Akathaṇkathin* ti nibbīkicchaṇ. *Chinnakukkuccan* ti vippaṭisārakukkuccassa c' eva hatthapādakukkuccassa ca chinnattā chinnakukkuccaṇ. *Bhavābhava* ti punappunabhava, hīnapaṇite vā bhava. Paṇito hi bhavo vuddhippatto abhavo ti vuccati. *Saññā* ti kilesasaññā. Kilesā yeva vā idha saññānāmena vuttā. Tasmā yena kāraṇena kāmehi viṣaṇyuttaṇ viharantaṇ taṇ loke nibbivādiṇ¹ khīṇāsavabrāhmaṇaṇ kilesasaññā nānusenti, taṇ ca kāraṇaṇ ahaṇ vadāmi ti ayaṇ ettha attho. Iti Bhagavā attano khīṇāsavabhāvaṇ dīpeti.

4. [109²⁵] *Nillāletvā* ti nīharitvā, kilāpetvā. *Tivisākhan* ti tisākhaṇ. *Nalāṭikan* ti valibhaṇṇaṇ.² Nalāte tisso rājiyo dassento valibhaṇṇaṇ² vuṭṭhāpetvā ti attho. *Daṇḍam olubbhā* ti daṇḍaṇ uppīletvā. Daṇḍam alubbhā ti pi pāṭho. Gahetvā pakkāmi ti attho.

5. [109²⁸] *Aññataro* ti nāmena apākaṭo eko bhikkhu. So kira anusandhikusalo; Bhagavatā, yathā Daṇḍapāṇi na jānāti tathā mayā kathitan ti vutte kin ti nu kho Bhagavatā aviññeyyaṇ katvā pañho kathito ti anusandhiṇ gahetvā Dasa-balaṇ yācitvā imaṇ pañhaṇ bhikkhusaṇghassa pākaṭaṇ karissāmi ti utṭhāy' āsanā ekaṇsaṇ uttarāsaṇṇaṇ katvā³

¹ C. °vādaṇ.

² B. valibhaṇṇe.

³ B. S. karitvā.

dasanakhasamujjalaṇ añjaliṇ paggayha, *kiṇvādī pana, bhante, Bhagavā* ti ādim āha.

6. [109³⁴] *Yatonidānaṇ* ti bhāvanapuṇsakam etaṇ. Yena kārāṇena, yasmiṇ kārāṇe satī ti attho. *Papañcasaññāsaṅkhā* ti ettha *saṅkhā* ti koṭṭhāso. *Papañcasaññā* ti taṇhādittḥi-papañcasampayuttā saññā. Saññānāmena vā papañcā yeva vuttā. Tasmā papañcakotṭhāsā ti ayam ettha attho. *Samudācarantī* ti pavattanti. *Ettha ce n' atthi abhinanditabbaṇ* ti yasmiṇ dvādasāyatanaśaṅkhāte kārāṇe satī papañcasaññāsaṅkhā samudācaranti, ettha ekāyatanam pi ce abhinanditabbaṇ, abhivaditabbaṇ, ajjhosetabbaṇ n' atthī ti attho. Tattha *abhinanditabbaṇ* ti ahaṇ mamā¹ ti abhinanditabbaṇ. *Abhivaditabbaṇ* ti ahaṇ mamā ti vattabbaṇ. *Ajjhosetabbaṇ* ti ajjhosetvā gilitvā pariniṭṭhapetvā gahetabbayuttaṇ. Eten' ettha taṇhādīnaṇ yeva appavattiṇ katheti.

7. [109³⁶] *Es' ev' anto* ti ayaṇ abhinandanādīnaṇ natthi-bhāvo va rāgānusayānaṇ anto. Es' eva nayo sabbattha. Daṇḍādānādisu pana yāya cetanāya daṇḍaṇ ādiyati, sā *daṇḍādānaṇ*; yāya satthaṇ ādiyati parāmasati, sā *satthā dīnaṇ*; matthakappattaṇ *kalahaṇ*; nānāgāhappattaṇ *vigahaṇ*; nānāvādappattaṇ *vivādaṇ*; tvaṇ tvaṇ² ti evaṇ pavattaṇ *tuvcntuwaṇ*³; piyasuññakaraṇaṇ *pesuññaṇ*; ayathā-sambhavaṇ musāvādaṇ karoti sā *musāvādo* ti veditabbā.

8. [110⁴] *Ett' ete* ti ettha dvādasasu āyatanesu ete. Kilesā hi uppajjamānā pi dvādasā āyatanāni nissāya uppajjanti; nirujjhamānā pi dvādasasu āyatanesu eva nirujjhanti. Evaṇ yatth' uppannā tatth' eva niruddhā honti. Svāyam attho samudayasaccapañhena dīpetabbo. “Sā kho pan' esā taṇhā kattha uppajjamānā uppajjati, kattha nivisaṃmānā nivisati” ti (D. ii. 308) hi vatvā, “Yaṇ loke piyarūpaṇ sātārūpaṇ, ettha sā taṇhā uppajjamānā uppajjati, ettha nivisaṃmānā nivisati. Kiñ ca loke piyarūpaṇ sātārūpaṇ? Cakkhuṇ loke piyarūpaṇ sātārūpan” ti (D. ii. 308) ādinā nayena dvādasasu yeva āyatanesu tassā uppatti ca nirodho ca vutto. Yath' eva ca taṇhā dvādasasu āyatanesu uppaj-

¹ B. S. maman.

² B. S. tuvaṇ tuvan.

³ B. S. *add* vācaṇ.

jitvā nibbānaṃ āgamma niruddhā pi āyatanesu puna samudācārassa abhāvato āyatanesu niruddhā ti vuttā, evam ime pi pāpakā akusalā dhammā āyatanesu nirujjhanti ti veditabbā.

9. Atha vā, yvāyaṃ abhinandanādīnaṃ abhāvo va rāgānusayādīnaṃ 'anto ti vutto, etth' ete rāgānusayādīnaṃ anto ti laddhavohāre nibbāne pāpakā akusalā dhammā aparisesā nirujjhanti. Yaṃ hi yattha n' atthi, taṃ tattha niruddhaṃ nāma hoti. Svāyam attho nirodhapañhena dīpetabbo. Vuttaṃ h' etaṃ: "Dutiyaññānaṃ samāpannassa vitakkavicārā, vacisañkhārā paṭipassaddhā honti" ti (S. iv. 217) ādi.

10. [110¹⁵] *Satthu c' eva saṃvannito* ti Satthārā ca pasattho. *Viññūnan* ti idam pi karaṇatthe sāmivacanaṃ. Paṇḍitehi sabrahmacārīhi ca sambhāvito ti attho. *Pahoṭi* ti sakkoti. *Atikkamm' eva mūlaṃ atikkamma khandhan* ti sāro nāma mūle vā khandhe vā bhaveyya, tam pi atikkamitvā ti attho. *Evaṃsāmpadam idan* ti evaṃsāmpattikaṃ. *Īdisan* ti attho. *Atisitvā* ti atikkamitvā. *Jānaṃ jānāti* ti jānitabbam eva jānāti. *Passaṃ passaṭi* ti passitabbam eva passati. Yathā vā ekacco viparitaṃ gaṇhanto pi na jānāti; passanto pi na passati; na evaṃ Bhagavā. Bhagavā pana jānanto jānāti,¹ passanto passati yeva. Svāyaṃ dassanaparīṇāyakatṭhena *cakkhubhūto*; viditakaraṇatṭhena *ñānabhūto*; aviparītasabhāvatṭhena pariyattidhammappavattanato vā hadayena cintetvā vācāya nicchāritadhammamayo ti *dhammabhūto*; seṭṭhatṭhena *brahmabhūto*. Atha vā, cakkhuṃ viya bhūto ti *cakkhubhūto*. Evam p' etesu padesu attho veditabbo. Svāyaṃ dhammassa vattanato *vattā*; pavattanato *pavattā*; atthaṃ nīharitvā nīharitvā dassanasamatthatāya atthassa ninnetā; amatādhigamāya paṭipattiṃ dadāti² ti amatassa dātā.

11. [111²⁶] *Agaraṇ karitvā* ti punappunaṃ yācāpento³ pi hi garaṇ karoti nāma; attano sāvaka-pāramiññaṃ ṭhatvā Sinerupādato vālikaṃ⁴ uddharamāno viya duviññeyyaṃ katvā kathento pi garaṇ karoti yeva nāma; evaṃ akatvā. Amhe punappunaṃ ayācāpetvā, suviññeyyam pi no katvā kathehi ti vuttaṃ hoti.

¹ B. *adds* yeva.

² C. *dassati*.

³ B. S. *āyācāpento*.

⁴ B. S. *vālukaṃ*.

12. [111³¹] *Yaṇ kho no, āvuso* ti ettha kiñ cāpi yaṇ kho vo ti vattabbaṇ siyā, te pana bhikkhū attanā saddhiṇ saṅgaṇhanto, *yaṇ kho no* ti āha. Yasmā vā uddeso ca tesañ uddiṭṭho, Bhagavā pana therassāpi tesam pi Bhagavā va, tasmā Bhagavā ti padaṇ sandhāya pi evam āha. Yaṇ kho amhākaṇ Bhagavā tumhākaṇ saṅkhittena uddesaṇ uddisitvā ti attho.

13. [111⁸⁵] *Cakkhuñ c' āvuso* ti ādisu ayam attho: Āvuso, nissayabhāvena cakkhuppasādañ ca, ārammaṇabhāvena catusamuṭṭhanikarūpe ca paṭicca cakkhuviññāṇaṇ nāma uppajjati. *Tiṇṇaṇ saṅgati phasso* ti tesañ tiṇṇaṇ saṅgatiyā phasso nāma uppajjati. Taṇ phassaṇ paṭicca sahaajātādivasena *phassapaccayā vedanā* uppajjati. Tāya vedanāya *yaṇ ārammaṇaṇ vedeti, tad* eva saññā *sañjānāti. Yaṇ saññā sañjānāti, tad* eva ārammaṇaṇ vitakko *vitakketi. Yaṇ vitakko vitakketi, tad* ev' ārammaṇaṇ papañco *papañceti. Tato nidānaṇ* ti etehi cakkhurūpādīhi kāraṇehi. *Purisaṇ papañcasaññāsaṅkhā samudācarantī* ti taṇ apariññātakāraṇaṇ purisaṇ papañcakotṭhāsā abhibhavanti. Tassa pavatantī ti attho.

14. Tattha phassa-vedanā-saññā cakkhuviññāṇena sahaajātā honti. Vitakko cakkhuviññāṇānantarādisu savitakkacittesu daṭṭhabbo. Papañcasaṅkhā javanena sahaajātā honti. Yadi evaṇ, kasmā atītānāgatagahaṇaṇ katan ti? Tattha uppajjanato. Yath' eva hi etarahi cakkhudvāriko papañco cakkhuñ ca rūpe ca phassa-vedanā-saññā-vitakke ca paṭicca uppanno, evam eva atītānāgatesu pi cakkhuviññeyyesu rūpesu tass' uppattiṇ dassento evam āha. *Sotañ c' āvuso* ti ādisu pi es' eva nayo.

15. [112⁸] Chatṭhavāre pana *manan* ti bhavaṅgacittaṇ. *Dhamme* ti tebhūmakadhammārammaṇaṇ. *Manoviññāṇan* ti āvajjanaṇ vā javanaṇ vā. Āvajjane gahite phassa-vedanā-saññā-vitakkā āvajjanasahaajātā honti; papañco javanasahaajāto. Javane gahite sahāvajjanaṇ bhavaṅgaṇ mano nāma hoti; tato phassādayo sabbe pi javanasahaajātā¹ va. Manodvāre pana yasmā atītādibhedan sabbam pi ārammaṇaṇ hoti, tasmā *atītānāgatapaccuppannesū* ti idaṇ yuttam eva.

¹ B. S. javanena.

16. [112¹⁴] Idāni vaṭṭaṇ dassento, so vat' āvuso ti desanaṇ ārabhi. Phassapaññattiṇ paññāpessatī ti phasso nāma eko dhammo uppajjati ti evaṇ phassapaññattiṇ paññāpessati. Dassessati ti attho. Esa nayo sabbattha.

17. [112²⁵] Evaṇ imasmiṇ sati idaṇ hoti ti dvādasāyatana-vasena sakalaṇ vaṭṭaṇ dassetvā idāni dvādasāyatana-paṭik-khepavasena vivaṭṭaṇ dassento, so vat' āvuso, cakkhusmiṇ asatī ti desanaṇ ārabhi. Tattha vuttanayen' eva attho veditabbo.

18. [113⁶] Evaṇ pañhaṇ vissajjetvā idāni, sāvakena pañho kathito ti mā nikkañkhā ahuvattha, ayaṇ Bhagavā sabbaññutaññanatulaṇ gahetvā nisinno, icchamānā tam eva upasañkamitvā nikkañkhā hothā ti uyyojento ākañkhamānā ca panā ti ādim āha.

19. [114²] Imehi ākārehi ti imehi kāraṇehi, papañcuppatiyā pātiyekkakāraṇehi c' eva vaṭṭavivaṭṭakāraṇehi ca. Imehi padehi ti imehi akkharasampiṇḍanehi. Byañjanehi ti pātiyekka-akkharehi. Paṇḍito ti paṇḍiccena samannāgato. Catuhi vā kāraṇehi paṇḍito: dhātukusalo, āyatanakusalo, paccayākāra-kusalo, kāraṇākāraṇakusalo ti. Muhāpañño ti mahante atthe, mahante dhamme, mahantā niruttiyo, mahantāni paṭibhānāni parigaṇhanasamatthāya mahāpaññāya samannāgato. Yathā taṇ Mahā-Kaccānenā ti yathā Mahā-Kaccānena vyākataṇ, taṇ sandhāya tan ti vuttaṇ. Yathā Mahā-Kaccānena taṇ vyākataṇ, aham pi taṇ¹ evam cya vyākareyyan ti attho.

20. [114⁹] Madhupiṇḍikaṇ ti mahantaṇ gulapūvaṇ; badhasattugulakaṇ vā. Asecanakaṇ ti aseditabbakaṇ. Sappi-phāṇita-madhu-sakkharādisu idaṇ nām' ettha mandaṇ, idaṇ bahukaṇ ti na vattabbaṇ, samayojitarasaṇ. Cetaso ti cinta-kajātiko. Dabbujātiko ti paṇḍitasabhāvo. Konāmo ayan ti idaṇ thero, atibhaddako ayaṇ dhammapariyāyo, Dasaballassa sabbaññutaññānen' ev' assa nāmaṇ gaṇhāpessāmī ti cintetvā āha. Tasmā ti yasmā madhupiṇḍikaṇ² viya madhuro, tasmā Madhupiṇḍikapariyāyo tv' eva raṇ dhūrehī ti vadati. Sesaṇ sabbattha uttānattham evā ti.

Madhupiṇḍikasuttavannanā nīṭṭhitā.

¹ B. S. omīl.

² B. S. °piṇḍiko.

19.

[Dvedhāvitakkasuttavaṇṇanā]

1. [114²⁰] *Evam me sutaṃ* ti Dvedhāvitakkasuttaṃ. Tattha *dvidhā katvā dvidhā katvā* ti dve dve bhāge katvā. *Kāma-vitakko* ti kāmapaṭisaṃyutto vitakko. *Byāpādavitakko* ti byāpāda-paṭisaṃyutto vitakko. *Vihīṃsāvitakko* ti vihiṃsā-paṭisaṃyutto vitakko. *Ekaṃ bhāgaṃ* ti ajjhattaṃ vā bahiddhā vā, olārikaṃ vā sukhumaṃ vā, sabbo pāyaṃ vitakko yeva, akusalapakkhiko yeva ti tayo pi kāma-byāpāda-vihīṃsā-vitakke ekaṃ koṭṭhāsam akāsiṃ. Kāmehi nissaṭṭo nekkhammapaṭisaṃyutto vitakko *nekkhammavitakko* nāma. So yāva paṭhamajjhānā vaṭṭati. Abyāpāda-paṭisaṃyutto vitakko *abyāpādavitakko*. So mettāpubbabhāgato paṭṭhāya yāva paṭhamajjhānā vaṭṭati. Avihīṃsā-paṭisaṃyutto vitakko *avihiṃsāvitakko*. So karuṇāpubbabhāgato paṭṭhāya yāva paṭhamajjhānā vaṭṭati. *Dutiyaṃ bhāgaṃ* ti sabbo pāyaṃ kusalapakkhiko yevā ti dutiyaṃ koṭṭhāsam akāsiṃ. Iminā Bodhisattassa vitakkaniggaṇhanakālo kathito.

2. Bodhisattassa hi chabbassāni padhānaṃ padahantassa nekkhammavitakkādayo puñjapuñjā, mahānadiyaṃ¹ oghā viya pavattiṃsu; satisammosena pana sahasā kāmavitakkādayo uppajjitvā kusalavāraṃ pacchinditvā sayāṃ akusalajavanavārā hutvā tiṭṭhanti. Tato Bodhisatto cintesi: Mayhaṃ ime kāmavitakkādayo kusalavāraṃ pacchinditvā tiṭṭhanti, handāhaṃ ime vitakke dve bhāge katvā viharāmi: kāmavitakkādayo akusalapakkhikā ti ekaṃ bhāgaṃ karomi, nekkhammavitakkādayo kusalapakkhikā ti ekaṃ. Atha akusalapakkhato āgatavitakkaṃ, mantena kaṇhasappaṃ uppīletvā gaṇhanto viya, amittaṃ gīvāya akkamanto viya ca niggahessāmi; nāssa vaddhituṃ dassāmi. Kusalapakkhato āgatavitakkaṃ, meghasamaye meghaṃ viya, sukhette sālakalyāṇapotakaṃ viya ca sīghasīghaṃ vaddhessāmī ti. So tathā katvā akusalavitakkhe niggaṇhi, kusalavitakke vaddhesi. Evaṃ iminā Bodhisattassa vitakkaniggaṇhanakālo kathito ti veditabbo.

¹ B. mahānadi; S. °nadī.

3. [114³⁰] Idāni yathā 'ssa te vitakkā uppajjīṇsu, yathā ca ne niggahesi, taṇ dassento, *tassa mayhaṇ, bhikkhave* ti ādim āha. Tattha *appamattassā* ti satiyā avippavāse ṭhitassa. *Ātāpino* ti ātāpaviriyavantassa. *Pahitattassā* ti pesitattassa.¹ *Uppajjati kāmavitakko* ti Bodhisattassa chabbassāni padhānaṇ padahato rajjasukhaṇ vā,² pāsāde vā, nāṭakāni vā, orodhe vā, kañcid eva vā sampattiṇ ārabbhā kāmavitakko nāma na uppannapubbo. Dukkarakārikāya pan' assa āhārūpacchedena adhimattakasimānaṇ pattassa etad ahosi: Na sakkā āhārūpacchedena visesaṇ nibbattetuṇ; yaṇ nūnāhaṇ olārikaṇ āhāraṇ āhāreyyan ti. So Uruvelaṇ piṇḍāya pāvīsi. Manussā, Mahāpuriso pubbe āharitvā dinnam pi na gaṇhi, addhā 'ssa manoratho matthakaṇ patto, tasmā sayam eva āgato ti paṇitapaṇitāhāraṇ upahariṇsu. Bodhisattassa attabhāvo na cirass' eva pākatiko ahosi. Jarājiṇṇattabhāvo hi sappāyabhojanaṇ labhitvā pi pākatiko na hoti. Bodhisatto pana daharo. Ten' assa sappāyabhojanaṇ bhuñjato attabhāvo na cirass' eva pākatiko jāto; vipassannāni indriyāni; parisuddho chavivaṇṇo; samuggatātārāgaṇaṇ viya nabhaṇ paripunṇadvattiṇsamahāpurisalakkhanapatimaṇḍitaṇ sarīraṇ ahosi. So taṇ oloketvā, tāva kilanto nāma attabhāvo evaṇ paṭipākatiko jāto ti cintetvā attano paññāmahantatāya evaṇ parittakam pi vitakkaṇ gahetvā *kāmavitakko* ti akāsi.

4. Pannasālāya purato nisinno vā pi³ ruru-pasada-gavaya-rohitamigādike migagaṇe, manuññapattaravane⁴ mora-vanakukkuṭādike pakkhigaṇe, nīluppala-kumuda-kamalādi-sañchannāni pallalāni, nānākusumasañchannaviṭapavanarājiyo, manikkhandhasadisanimmalajalāvahaṇ⁵ ca nadiṇ Nerañjaraṇ passati. Tassa evaṇ hoti: Sobhanā vat' ime migajātā, pakkhigaṇā, pallalāni, vanarājiyo, nadi Nerañjarā ti. So tam pi evaṇ parittakaṇ vitakkaṇ gahetvā kāmavitakkaṇ akāsi. Ten' āha: *Uppajjati kāmavitakko* ti.

¹ B. S. pesitacittassa.

² B. S. add ārabbhā.

³ S. camara° for vā pi; B. cāmara.

⁴ B. S. °sadda°.

⁵ B. S. omit °sadisa°.

5. [115²] *Attavyābādhāya* pi ti attadukkhāya pi. Esa nayo sabbattha. Kiṇ pana Mahāsattassa ubhayadukkhāya saṅvattanikavitakko nāma atthi ti? N' atthi. Apariññāya t̥hitassa pana vitakko yāva ubhayavyābādhāya saṅvattati ti etāni tīni nāmāni labhati; tasmā evam āha. *Paññāni-rodhiko* ti anuppannāya lokiyalokuttarāya paññāya uppajjitun na deti. Lokiyapaññaṇa pana aṭṭhasamāpatti-pañcābhiññāvasena uppannam pi samucchinditvā khipati ti paññāni-rodhiko. *Vighātapakkhiko* ti dukkhakoṭṭhāsiko. Asaṅkhaṭaṇa nibbānāmataṇa¹ paccakkhaṇa kātuṇa na deti ti anibbāna-saṅvattaniko. *Abbatthaṇa gacchati* ti khayaṇa natthibhāvaṇa gacchati, udakabubbulako viya nirujjhati. *Pajahām' evā* ti pajahim² eva. *Vinodem' evā* ti nīharim³ eva. *Vyanti' eva naṇa akāsin* ti vigatantaṇa nissesaṇa parivaṭumaṇa paricchinnam eva naṇa akāsiṇa.

6. [115¹⁴] *Byāpādavitaṅko* ti na Bodhisattassa parūpaghā-tapaṭisaṇyutto vitakko nāma citte uppajjati. Ath' assa ativassa-accunha-atisītādini pana paṭicca cittavipariṇāma-bhāvo hoti. Taṇa sandhāya byāpādavitaṅko ti āha.

7. [115¹⁵] *Vihīṇsāvitakko* ti na Mahāsattassa paresaṇa dukkhuppādanapaṭisaṇyutto vitakko uppajjati. Citte pana uddhatākāro anekaggatākāro hoti. Taṇa gahetvā vihiṇsāvitakkaṇa akāsi. Paṇṇasālādvāre nisinnā pi sīhavyagghādi-ke vālamige, sūkarādayo khuddakamige vihiṇsante passati. Atha Bodhisatto, imasmim pi nāma akutobhaye araṇṇe ime-saṇa tiracchānagatānaṇa paccatthikā uppajjanti; balavanto dubbale khādanti; dubbalakhādakā vattanti ti kāruṇṇaṇa uppādeti. Añṇe pi bilālādayo kukkuṭamūsikādini khādante passati; gāmaṇa piṇḍāya pavitṭho manusse rājakammikehi upaddute vadhabandhādini anubhavante, attano kasivaṇi-jādini kammāni katvā jīvitun na labhanti ti kāruṇṇaṇa uppādeti. Taṇa sandhāya *uppajjati vihiṇsāvitakko* ti āha.

8. [115²²] *Tathā tathā* ti tena tena ākārena. Idaṇa vuttaṇa hoti: Kāma-vitakkādisu yaṇa yaṇa vitakketi, yaṇa yaṇa vitakkaṇa pavatteti, tena ten' ev' ass⁴ ākārena kāma-vitakkādibhāvena

¹ B. S. nibbānaṇa nāma taṇa.

³ B. S. nīharitam.

² B. S. chaḍḍitam.

⁴ B. S. tena c' assa.

cetaso nati hoti. Pahāsi nekkhammavitakkan ti nekkhammavitakkaṇ pajahati. Bahulam akāsī ti bahulaṇ karoti. Tassa taṇ kāmavitakkāya cittaṇ ti tassa taṇ cittaṇ kāmavitakkatthāya. Yathā kāmavitakkasampayuttaṇ hoti evam eva namati ti attho. Sesapadesu pi es' eva nayo.

9. [115²⁹] *Idāni atthadīpikaṇ¹ upamaṇ dassento, seyyathā pī ti ādim āha. Tattha kiṭṭhasambādhe ti sassasambādhe. Akoteyyā ti ujukaṇ piṭṭhiyaṇ pahareyya. Patikoteyyā ti tiriyaṇ phāsukāsu pahareyya. Sannirundheyyā ti āvaritvā tiṭṭheyya. Sannivāreyyā ti ito c' ito gantuṇ na dadeyya. Tato nidānaṇ ti tena kāraṇena. Evaṇ arakkhitānaṇ gunnaṇ paresaṇ sassakhādanakāraṇenā ti attho. Bālo hi gopālako evaṇ gāvo arakkhamāno, ayaṇ amhākaṇ bhattavetanaṇ khādāti, ujuṇ gāvo rakkhitaṇ pi na sakkoti, kulehi saddhiṇ veraṇ gaṇhāpeti ti gosāmikānaṇ pi santikā vadhādīni pāpunāti; kiṭṭhasāmikānaṇ pi. Paṇḍito pana imāni cattāri bhayāni sampassanto gāvo sādhukaṇ rakkhati. Taṇ sandhāy' etaṇ vuttaṇ. Ādīnavaṇ ti upaddavaṇ. Okāraṇ ti lāmakabhāvaṇ; khandhesu vā okāraṇ. Saṅkilesaṇ ti kiliṭṭhabhāvaṇ. Nekkhamme ti nekkhammamhi. Ānisaṇsaṇ ti visuddhipakkhaṇ. Vodānapakkhaṇ ti imass' eva² vevacaṇaṇ. Kusalānaṇ dhammānaṇ nekkhammamhi visuddhipakkhaṇ addasaṇ ti attho. Nekkhammaṇ ti ca kāmehi nissaṭaṇ sabbaṇ kusalaṇ; ekadhamme gayhamāne nibbānaṇ eva.*

10. *Tatr' idaṇ opamasaṇsandanaṇ: Kiṭṭhasambādhaṇ viya 'hi rūpādi-ārammaṇaṇ. Kūṭagāvo viya kūṭacittaṇ. Paṇḍitagopālako viya Bodhisatto. Catubbidhaṇ bhayaṇ viya attaparūbhayaṇ vyābādhaṇ saṇvattanaṇ kavitakkā.³ Paṇḍitagopālakassa catubbidhabhayaṇ disvā kiṭṭhasambādhe appamādena gorakkhaṇaṇ viya Bodhisattassa chabbassāni padhānaṇ padahato attavyābādhadibhayaṇ disvā rūpādi⁴-ārammaṇesu yathā kāmavitakkādayo na uppajjanti, evaṇ cittaṇ rakkhanaṇ.*

11. [116⁵] *Paññāvuddhiko ti ādisu anuppannāya lokiya-lokuttaraṇ paññāya uppādāya, uppannāya ca vuddhiyā saṇ-*

¹ B. S. °dīpakaṇ.

² B. idaṇ tass' eva; S. idam ass' eva.

³ B. °vitakko.

⁴ B. S. rūpādisu.

vattatī ti *paññāvuddhiko*. Na dukkhakoṭṭhāsāya saṇvat-tatī ti *avighātapakkhiko*. Nibbānadhātusacchikiriyaṃ saṇ-vattatī ti *nibbānasaṇvattaniko*. *Rattiṇ ce pi naṇ, bhikkhave, anuvitakkeyyaṇ* ti sakalarattiṇ ce pi taṇ vitakkaṇ pavatteyyaṇ. *Tato nidānaṇ* ti tammūlakaṇ. *Uhaññeyyā* ti ugghā-tiyettha.¹ Uddhaccāya saṇvatteyyā ti attho. *Ārā* ti dūre. *Samādhimhā* ti upacārasamādhito pi appanāsamādhito pi.

12. [116¹⁴] *So kho ahaṇ, bhikkhave, ajjhātam eva cittaṇ* ti so ahaṇ, bhikkhave, mā me cittaṇ samādhimhā dūre hotū ti ajjhātam eva cittaṇ saṇṭhapemi. Gocarajjhāte ṭhapemi ti attho. *Sannisīdemī*² ti tatth' eva naṇ sannisīdāpemi. *Ekodiṇ karomī* ti ekaggaṇ karomī. *Samādhāmī* ti sammā ādahāmi. *Suṭṭhu āropemi* ti attho. *Mā me cittaṇ uhaññī* ti mā mayhaṇ cittaṇ ugghātiyittha. Mā uddhaccāya saṇvat-tatū ti attho.

13. [116¹⁸] *Uppajjati abyāpādavitaṅko* ti ettha yo so imāya heṭṭhāvuttataruṇavipassanāya saddhiṇ uppannavitaṅko kā-mapaccanīkaṭṭhena nekkhammavitaṅko ti vutto, so yeva byāpādapaccanīkaṭṭhena *abyāpādavitaṅko* ti ca vihiṇsāpac-canīkaṭṭhena *avihiṇsāvitaṅko* ti ca vutto.

14. Ettāvatā Bodhisattassa samāpattiṇ nissāya vipassanā-paṭṭhapanakālo kathito. Tassa hi samādhī pi taruṇo, vipas-sanā pi. Tassa vipassanaṇ paṭṭhapetvā aticiraṇ nisinnassa kāyo kilamati, anto aggi viya upaṭṭhahati,³ kacchehi sedā muccanti, matthakato usumavatti viya utṭhahati, cittaṇ haññati, vihaññati, vipphandati, uddhataṇ hoti. So puna samāpattiṇ samāpajjitvā taṇ paridametvā mudukaṇ katvā samassāsetvā puna vipassanaṇ paṭṭhapeti. Tassa puna aticiraṇ nisinnassa tath' eva hoti. So puna samāpattiṇ samāpajjitvā tath' eva karoti.

15. Vipassanāya hi bahukārā⁴ samāpatti. Yathā yodhassa phalakakoṭṭhako nāma bahukāro⁵ hoti. So taṇ nissāya saṅgāmaṇ pavisati. Tattha hatthīhi pi, assehi pi, yodhehi pi saddhiṇ kammaṇ katvā āvudhesu vā khīnesu, bhunjitukā-

¹ B. S. Ohaññeyyā ti ugghātiyeyya.

² B. S. Sannisīdemī.

³ B. S. utṭhahati.

⁴ B. S. bahūpakārā.

⁵ B. S. bahūpakāro.

mādhāve¹ vā sati nivattitvā phalakakotṭhakaṇ pavisitvā āvudhāni pi gaṇhāti, vissamati pi, bhuñjati pi, pāṇīyaṇ pivati pi, sannāham pi paṭisannayhati. Taṇ taṇ katvā puna saṅgāmaṇ pavisati. Tattha kammaṇ katvā puna uccārā-dipīlito vā, kenacid eva vā karaṇīyena phalakakotṭhakaṇ pavisati. Tattha santhambhitvā puna saṅgāmaṇ pavisati. Evaṇ yodhassa phalakakotṭhako viya vipassanāya bahu-kārā samāpatti. Samāpattiyā pana, saṅgāmanittharaṇaka-yodhassa phalakakotṭhakato pi vipassanā bahukāratarā.

16. Kiṇ cāpi hi² samāpattiṇ nissāya vipassanā pavattati,³ vipassanā pana thāmajātā samāpattim pi rakkhati; thāmajataṇ karoti. Yathā hi thale nāvam pi, nāvāya bhaṇḍam pi sakaṭabhāraṇ karonti. Udaṇaṇ patvā pana sakaṭam pi, sakaṭe bhaṇḍam pi, yuttaḡone pi nāvābhāraṇ karonti. Nāvā tiriyaṇ sotaṇ chinditvā sotthinā supaṭṭanaṇ gacchati. Evam eva kiṇ cāpi samāpattiṇ nissāya vipassanā pavattati, vipassanā pana thāmajātā samāpattim pi rakkhati, thāmajataṇ karoti. Thalaṇ patvā sakaṭaṇ viya hi samāpatti. Udaṇaṇ patvā nāvā viya vipassanā. Iti Bodhisattassa ettāvata samāpattiṇ nissāya vipassanāpaṭṭhapanakālo kathito ti veditabbo.

17. [116²⁷] *Yaṇ ñad evā* ti ādi kaṇhapakkhe vuttānusaren' eva veditabbaṇ. Idhāpi atthadīpikaṇ upamaṇ dassetuṇ, *seyyathā pi* ti ādim āha. Tattha *gāmantasambhatesū* ti gāmantan āhaṭesu. *Satikaraṇīyam eva hoti* ti *etā gāvo* ti sātī-uppādanamattam eva katabbaṇ hoti; ito c' ito ca gantvā ākoṭṭanādikiccaṇ n' atthi. *Ete dhammā* ti ete samathavipassanā dhammā ti satuppādamattam eva katabbaṇ hoti. Iminā Bodhisattassa samathavipassanānaṇ thāmajātakālo kathito. Tadā kir' assa samāpattiṇ appanattāya nisinnassa atṭha samāpattiyo ekāvajjana āpāthaṇ āgacchanti. Vipassanaṇ paṭṭhapetvā nisinno satta anupassanā ekappahārena ārūho hoti.

18. [117²³] *Seyyathā pi* ti idha kiṇ dasseti? Ayaṇ paṭīyekko anusandhi. Sattānaṇ hi hitūpacāraṇ, attano satthu-

¹ B. S. 'kamatādi'.

² S. *adds* tattha.

³ B. S. vipassanaṇ paṭṭhapeti.

bhāvasampadañ ca dassento Bhagavā imaṇṇaṇ desanaṇ ārabhi. Tattha *araññe* ti aṭaviyaṇ. *Pavane* ti vanasaṇḍe. Atthato hi idaṇ padadvayaṇ ekam eva. Paṭhamassa pana dutiyaṇ vevacanaṇ. *Ayogakkhemakāmo* ti catuhi yogehi khemaṇ nibbhayaṭṭhānaṇ anicchanto, bhayaṇ eva icchanto. *So-vatthiko* ti sotthibhāvāvaho. *Pīṭigamanīyo* ti tuṭṭhiṇ ga-manīyo. Pītagamanīyo ti vā patho. *Pidaheyyā* ti sākkhādhi thakeyya. *Vivareyyā* ti visadaṇ mukhaṇ katvā vivaṭaṇ kareyya. *Kummaggaṇ* ti udakavanapabbatādhi sanniruddhaṇ amaggaṇ. *Odaheyya okacaran* ti tesā oke caramānaṇ viya evaṇ dīpakamigaṇ ekasmiṇ ṭhāne ṭhapeyya. *Okacārikan* ti dīgharajjubaddhaṇ tass' eva migaṇ.¹

19. [117²⁸] Migaluddako hi araññe migānaṇ vasanaṭṭhānaṇ gantvā, idha vasanti, iminā maggena nikkhamanti, ettha caranti, ettha pivanti, iminā pavisanti ti sallakkhetvā maggaṇ pidhāya kummaggaṇ vivaritvā okacarañ ca okacārikañ ca ṭhapetvā sayāṇ paṭicchanne ṭhāne sattiṇ gahetvā tiṭṭhati. Atha sāyaṇhasamaye migā akutobhaye araññe caritvā pānīyaṇ pivitvā migapotakehi saddhiṇ kīlāmānā vasanaṭṭhānasantikaṇ āgantvā okacarañ ca okacārikañ ca disvā, sahāyakaṇ no ātagā bhavissanti ti nirāsaṅkā pavisanti. Te maggaṇ pihitaṇ disvā, nāyaṇ maggo, ayaṇ maggo bhavissati ti kummaggaṇ paṭipajjanti. Migaluddako na tāva kiñci karoti; pavitṭhesu pana sabbapacchimaṇ saṇikaṇ paharati. So uttasati. Tato sabbe uttasitvā, bhayaṇ uppannaṇ ti purato olokontā udakena vā vanaṇa vā pabbatena vā sanniruddhaṇ maggaṇ disvā ubhoṇi passehi aṅgulisaṅkhalikaṇ viya gahanavanaṇ pavisitūṇ asakkontā pavitṭhamaggaṇ' eva nikkhamitūṇ ārabhanti. Luddako tesā nivattanabhāvaṇ ṇatvā ādito paṭṭhāya tiṇsaṇ pi cattālisam pi mige ghātetī. Idaṇ sandhāya, *evaṇ hi so, bhikkhave, mahā migasaṅgho apareṇa samāyena anayabyasacceṇ tanutṭeṇ āpajjeyyā* ti vuttaṇ.

20. [118¹⁰] *Nandirāgass' etaṇ adhvacaṇaṇ, avijjāy' etaṇ adhvacaṇaṇ* ti ettha yasmā ime sattā avijjāya aññāṇā hutvā nandirāgena ābandhitvā rūpārammaṇādini upanīṭā vaṭṭa-

¹ B. S. °rajjuṇā bandhitaṇ migaṇ.

dukkhasattighātaṇ¹ labhanti, tasmā Bhagavā okacaraṇ nandirāgo ti, okacārikaṇ avijjā ti katvā dassesi.

21. Migaluddako hi ekadā tesañ sākḥābhāṅgena sarīraṇ puñchitvā manussagandhaṇ apanetvā okacaraṇ ṭhāne ṭhapetvā okacārikaṇ saha rajjuyā vissajjetvā attānaṇ paṭicchādetvā sattijj ādāya okacarassa santike tiṭṭhati. Okacārikā migagaṇassa caranaṭṭhānābhimukhī gacchati. Taṇ disvā migā sīsāni ukkhipitvā tiṭṭhanti. Sā pi sīsaṇ ukkhipitvā tiṭṭhati. Te, amhākaṇ samajātikā ayaṇ ti gocaraṇ gaṇhanti. Sā pi tināni khādanti viya saṇikaṇ upagacchati. Ārañṇako yūthapati migo tassā vātaṇ labhitvā sakaparisaṇ² vissajjetvā tadabhimukho hoti. Sattānaṇ hi navanavam eva piyaṇ hoti. Okacārikā ārañṇakassa migassa accāsannabhāvaṇ adatvā tadabhimukhī va pacchato paṭikkamitvā okacarassa santikaṇ gacchati. Yattha yatth' assā rajju laggati, tattha tattha khurena paharitvā moceti. Ārañṇako migo okacaraṇ disvā okacārikāya sammatto hutvā okacare usūyaṇ³ katvā piṭṭhiṇ nāmetvā sīsaṇ kampento tiṭṭhati. Tasmiṇ khane sattijj jivhāya lehanto pi kiṇ etan ti na jānāti. Okacaro pi sac' assa uparibhāgena taṇ migaṇ paharituṇ sukhaṇ hoti, piṭṭhiṇ nāmeti; sac' assa hetṭhimabhāgena paharituṇ sukhaṇ hoti, hadayaṇ unnāmeti. Atha luddako ārañṇakaṇ migaṇ migasattiyā paharitvā tatth' eva pātetvā⁴ maṇsaṇ ādāya gacchati. Evam eva yathā so migo okacārikāya sammatto okacare usūyaṇ katvā sattijj jivhāya lehanto pi kiñci na jānāti, tathā ime sattā avijjāya sammattā andhabhūtā kiñci ajānantā rūpādisu nandirāgaṇ upagamma vaṭṭadukkkhasattiyā bhayaṇ⁵ labhanti ti Bhagavā okacaraṇ nandirāgo ti, okacārikaṇ avijjā ti katvā dassesi.

22. [118¹⁸] *Iti kho, bhikkhave, vivaṭo maya khemo maggo* ti, *iti kho, bhikkhave, mayā imesaṇ sattānaṇ hitacarena sam-māsambodhiṇ patvā, ahaṇ Buddho 'smī ti tuṇḥibhūtena anisīditvā dhammacakkappavattanato paṭṭhāya dhammaṇ desentena vivaṭo khemo ariyo aṭṭhaṅgiko maggo, piḥito*

¹ B. S. °sattiyā ghātaṇ.

² B. sakabhariyaṇ.

³ B. ussuyaṇ.

⁴ B. S. ghāṭetvā.

⁵ B. S. vadhaṇ.

kummaggo Aññā¹-Koṇḍaññādīnaṃ bhabbapuggalānaṃ; *ūhato okacaro* nandirāgo, dvedhā chetvā pātito; *nāsitā okacārikā* avijjā, sabbena sabbaṃ samugghātītā ti attano hitūpacāraṃ dasseti. Sesaṃ sabbattha uttānattham evā ti.

Dvedhāvitakkasuttavaṇṇanā nīṭhitā.

20.

[*Vitakkasaṇṭhānasuttavaṇṇanā*]

1. [118²⁰] *Evam me sutaṃ* ti Vitakkasaṇṭhānasuttaṃ. Tattha *adhicittam anuyuttenā* ti, dasakusalakammāpathavāsena uppannaṃ cittaṃ cittaṃ eva; vipassanāpādakaṃ aṭṭha-samāpatticcittaṃ tato cittato adhikaṃ cittaṃ ti *adhicittaṃ*. *Anuyuttenā* ti taṃ adhicitthaṃ anuyuttena. Tattha yuttapayuttenā ti attho. Tatrāyaṃ bhikkhu purebhattaṃ piṇḍāya caritvā pacchābhattaṃ piṇḍapātaapaṭikkanto nisīdanaṃ ādāya asukasmiṃ rukkhamaṇḍale vā vanasaṇḍe vā pabbatapāde vā pabbhāre vā² samaṇadhammaṃ karissamī ti nikkhamanto pi tattha gantvā hatthehi vā pādehi vā nisajjaṭṭhānato ti-ṇapaṇṇāni apanento pi adhicitthaṃ ananuyutto³ yeva. Nisīditvā pana hatthapāde dhovitvā pallaṅkaṃ ābhujitvā mūlakammaṭṭhānaṃ gahetvā viharanto adhicitthaṃ anuyutto yeva.

2. [119³] *Nimittānī* ti kāraṇāni. *Kālena kālaṃ* ti samaye samaye.⁴ Na nu ca kammaṭṭhānaṃ nāma muhuttam pi achaddetvā nirantaraṃ manasikātabbaṃ? Kasmā Bhagavā *kālena kālaṃ* ti āhā ti? Pāliyaṃ hi aṭṭhatinṣa kammaṭṭhānāni vibhattāni. Tesu bhikkhunā attano cittarucitaṃ kammaṭṭhānaṃ gahetvā nisinnena yāva kocid eva upakkilesaṃ n' uppajjati tāva imesaṃ nimittānaṃ manasikāra-kiccaṃ n' atthi; yadā pana uppajjati, tadā imāni gahetvā citte uppannaṃ abbudaṃ nīharitabbaṃ ti dassento evam āha.

3. [119⁷] *Chandūpasanhitā* ti chandasahagatā, rāgasam-payuttā. Imesaṃ pana tiṇṇaṃ vitakkānaṃ khettaṃ ca ārammaṇaṃ ca jānitabbaṃ. Tattha chandūpasanhitānaṃ

¹ B. Aññāta-.

² B. *adds* vihāre pi.

³ B. S. anuyutto.

⁴ S. samayena samayaṃ.

aṭṭha lobhasahagatacittāni khettaṇ; dosūpasanhitānaṇ dve domanassasahagatāni; mohūpasanhitānaṇ dvādasa pi akusalacittāni. Vicikicchā-uddhaccasampayuttāni¹ pana dve etesaṇ pātipuggalikaṇ khettaṇ. Sabbesam pi sattā c' eva saṅkhārā ca ārammaṇaṇ. Itthāniṭṭha-asamapekkhitesu hi sattesu ca saṅkhāresu ca te uppajjanti.

4. [119^a] *Aññaṇ nimittaṇ manasikātabbaṇ kusalūpasanhitān* ti tato nimittato aññaṇ kusalanimittaṇ² manasikātabbaṇ. Tattha aññaṇ nimittaṇ nāma chandūpasanहितe vitakke sattesu uppanne asubhabhāvanā aññaṇ nimittaṇ nāma; saṅkhāresu uppanne aniccamanasikāro aññaṇ nimittaṇ nāma. Dosūpasanहितe sattesu uppanne mettābhāvanā aññaṇ nimittaṇ nāma; saṅkhāresu uppanne dhātumanasikāro aññaṇ nimittaṇ nāma. Mohūpasanहितe yattha katthaci uppanne pañcadhammūpanissayo aññaṇ nimittaṇ nāma.

5. Imassa hatthā vā sobhanā, pādā vā ti ādinā nayena hi sattesu lobhe uppanne asubhato upasanharitabbaṇ. Kamhi³ sāratto 'si? Kesesu sāratto 'si, lomesu — pe — mutte sāratto 'si? Ayaṇ attabhāvo nāma tīhi aṭṭhisatehi ussāpito, navahi nahārusatehi ābandho, navahi maṇsapesisatehi anulitto, allacammena pariyonaddho, chavirāgena paṭicchanno, navahi vaṇamukhehi navanavutilomakupasahasseehi ca asuci paggharati; kaṅkhalapūrito,⁴ duggandho, jeguccho, paṭikkūlo, dvattiṇsakunāpasaṅcayo; n' att' ettha sāraṇ vā varaṇ vā ti evaṇ asubhato upasanharantassa sattesu uppanno lobho pahiyati. Ten' assa asubhato upasanharanaṇ aññaṇ nimittaṇ nāma hoti. Pattacīvarādisu saṅkhāresu lobhe uppanne, dvīh' ākārehi saṅkhāramajjhataṇ samutṭhāpeti ti Satipatṭhānavanṇanāyaṇ vuttanayena assāmika-tāvakālikabhāvasena manasikaroto so pahiyati. Ten' assa aniccato manasikāro aññaṇ nimittaṇ nāma hoti.

6. Sattesu dose uppanne⁵ Āghātavinaya-Kakacopamovādādinaṇ vasena mettā bhāvetabbā. Taṇ bhāvayato so pahiyati. Ten' assa mettābhāvanā aññaṇ nimittaṇ nāma hoti.

¹ C. omits -uddhacca°.

² B. S. kusalanissitaṇ nimittaṇ.

⁴ S. kunāpapūrito.

³ B. S. Kimhi.

⁵ B. S. add pana.

Khāṇukaṇṭakatinapaṇṇādisu pana dose uppanne, tvaṇ kassa kuppasi, kiṇ paṭhavīdhātuyā, udāhu āpodhātuyā, ko vā paṇāyaṇ kuppati nāma, kiṇ paṭhavīdhātu, uhāhu āpodhātū ti ādinā nayena dhātumanasikāraṇ karontassa so pahīyati. Ten' assa dhātumanasikaro aññaṇ nimittaṇ nāma hoti.

7. Mohe pana yattha katthaci uppanne,

Garūpavāso¹ uddeso uddiṭṭhaparipucchanāṇ

kālena dhammasavanaṇ ṭhānāṭhānavinicchayo²

pañca dhammūpanissāya³ mohadhātu pahīyatī ti

ime pañca dhammā upanisātabbā. Garuṇ upanissāya viharanto hi bhikkhu, ācariyo gāmapavesanaṇ anāpucchantassa, pādadhovanaṭṭhānaṇ⁴ anāgacchantassa,⁴ vattakāle vattaṇ akarontassa ghaṭasata-udakaharaṇādidandaṇḍakammaṇ karotī ti yuttapaṭiyatto⁵ hoti. Ath' assa moho pahīyati. Uddesaṇ gaṇhanto pi, ācariyo uddesakāle uddesaṇ agaṇhantassa, na sādhuṇ sajjhāyantassa, asajjhāyantassa ca daṇḍakammaṇ karotī ti yuttapaṭiyatto hoti. Evam pi 'ssa moho pahīyati. Garubhāvaṇiye bhikkhū upasaṅkamitvā, idaṇ bhante kathaṇ, imassa ko attho ti paripucchanto⁶ kaṅkhaṇ vinodeti. Evam pi 'ssa moho pahīyati. Kālena dhammasavanaṭṭhānaṇ gantvā sakkaccaṇ dhammaṇ suṇato pi tesu tesu ṭhānesu attho pākaṇ hoti. Evam pi 'ssa moho pahīyati. Idam assa kāraṇaṇ, idaṇ na kāraṇaṇ ti ṭhānāṭhānavinicchaye cheko hoti. Evam pi 'ssa moho pahīyati. Ten' assa pañcadhammūpanissayo⁷ aññaṇ nimittaṇ nāma hoti.

8. Api ca aṭṭhatīṇsāya ārammaṇesu yaṇ kiñci bhāventassa pi ime vitakkā pahīyanti eva. Imāni pana nimittāni ujuvipaccanīkāni paṭipakkhabhūtāni. Imehi pahīnā rāgādayo supphānā honti. Yathā hi aggiṇ katṭhehi⁸ pi paṇsūhi pi sākāhi pi pothetvā nibbāpenti yeva. Udaṇaṇ pana aggissa ujuvipaccanīkaṇ. Tena nibbuto sunibbuto hoti. Evaṇ imehi nimittehi pahīnā rāgādayo supphānā honti. Tasmā etāni kathitāni ti veditabbāni.

¹ B. S. Garusaṇvāso.

³ B. S. dhamme upa°.

⁵ B. S. yattapaṭiyatto.

⁷ B. S. °dhamme upa°.

² B. S. add ti.

⁴ B. S. omīti.

⁶ B. S. add pi.

⁸ B. S. allakatṭhehi.

9. [119⁹] *Kusalūpasanḥitan* ti kusalanissitaṇ, kusalassa paccayabhūtaṇ. *Ajjhattam evā* ti gocarajjhattaṇ yeva. *Palagaṇḍo* ti vaḍḍhakī. *Sukhumāya āṇiyā* ti yaṇ āṇiṇ nīharitukāmo hoti, tato sukhumatarāya sārādāru-āṇiyā. *Olārikaṇ āṇin* ti candanaphalake sārāphalake vā ākoṭitaṇ visamāṇiṇ. *Abhinīhaneyyā* ti muggarena, ākoṭento haneyya. *Abhinīhareyyā* ti evaṇ abhinīhananto phalakato nīhareyya. *Abhinivajjeyyā*¹ ti idāni² bahu nikkhantā ti ñatvā hatthena cāletvā nikkadḍheyya. Tattha phalakaṇ viya cittaṇ. Phalake visamāṇi viya akusalavitakkā. Sukhumāṇi viya aññaṇ asubhabbhāvanādi-kusalanimittaṇ. Sukhumāṇiyā olārikāṇi-nīharaṇaṇ viya asubhabbhāvanādīhi kusalanimittehi tesāṇ vitakkānaṇ nīharaṇaṇ.

10. [119³⁷] *Ahikūṇapenā* ti ādi atijegucchapaṭikkūlakuṇapadassanatthaṇ vuttaṇ. *Kaṇṭhe āsattenā* ti kenacid³ eva paccatthikena ānetvā kaṇṭhe baddhena, paṭimukkena. *Atṭhiyeyyā* ti atṭho dukkhito bhaveyya. *Harāyeyyā* ti lajjeyya. *Jiguccheyyā* ti sañjātajiguccho bhaveyya. *Pahīyantī* ti evaṇ iminā pi kāraṇena ete akusalā dhammā sāvajjā dukkhavipākā ti attano paññābalena upaparikkhato ahikūṇapādīni viya jigucchantassa pahīyanti. Yo pana attano paññābalena upaparikkhituṇ na sakkoti, tena ācariyaṇ vā upajjhāyaṇ vā aññātaraṇ vā garuṭṭhānikaṇ sabrahmacāriṇ, saṅghattheraṇ vā upasaṅkamitvā, gaṇḍiṇ⁴ paharitvā bhikkhusaṅgham eva vā sannipātetvā ārocetabbaṇ. Bahunnaṇ hi sannipāte bhavissat' eva eko paṇḍitamanusso, yvāssa,⁵ evaṇ etesu ādīnavo datṭhabbo ti kathessati, kāyavicchandanīyakathādīhi⁶ vā te vitakke niggaṇhissatī ti.

11. [120⁷] *Asati-amanasikāro āpajjītabbo* ti n' eva te vitakkā⁷ saritabbā manasikātabbā, aññavihitakena⁸ bhavitabbaṇ. Yathā hi rūpaṇ apassitukāmo puriso akkhīni nimīleyya, evam eva mūlakammaṭṭhānaṇ gahetvā nisinnabhikkhunā

¹ B. Abhinivatteyyā; S. °nivaṭṭeyyā.

² B. S. add ime.

³ S. katthacid.

⁴ B. ghaṇḍiṇ.

⁵ B. S. svāyaṇ.

⁶ B. S. °vicchindanīya°.

⁷ B. S. so vitakko saritabbo manasikātabbo.

⁸ B. S. °vihiten' eva.

cittamhi vitakke uppanne aññavihitakena bhavitabbaṇ. Evam assa so vitakko pahīyati. Tasmiṇ pahīne puna kammaṭṭhānaṇ gahetvā nisīditabbaṇ. Sace na pahīyati, uggahito dhammakathāpabandho¹ hoti, so mahāsaddena sajjhāyitabbo. Evam pi ce aññavihitassa sato so na pahīyati, thavikāya muṭṭhipotthako hoti, yattha² Buddhavaṇṇā pi Dhammavaṇṇā pi likhitā honti, taṇ nīharitvā vācentena aññavihitakena bhavitabbaṇ. Evam pi ce nappahīyati, thavikato aranīsa hitādīni nīharitvā, ayaṇ uttarāraṇi, ayaṇ adharāraṇi ti āvajjentena aññavihitakena bhavitabbaṇ. Evam pi ce nappahīyati, sipāṭikaṇ nīharitvā, idaṇ ārakantakaṇ nāma, ayaṇ pipphalako nāma, ayaṇ nakhacchedanaṇ nāma, ayaṇ sūci nāmā ti parikkhāraṇ samannānentena aññavihitakena bhavitabbaṇ. Evam pi ce nappahīyati, sūciṇ gahetvā cīvare chinnaṭṭhānaṇ sibbentena aññavihitakena bhavitabbaṇ. Evaṇ yāva nappahīyati, tāva taṇ taṇ kusalakammaṇ karon-tena aññavihitakena bhavitabbaṇ. Pahīne puna mūlakammaṭṭhānaṇ gahetvā nisīditabbaṇ. Navakammaṇ pana na ṭhapetabbaṇ. Kasmā? Vitakke apacchinne³ kammaṭṭhānamanasikāraṇ okāso na hoti. Porāṇakapaṇḍitā pana navakammaṇ katvā pi vitakkaṇ pacchindaṇsu.

12. Tatr' idaṇ vatthu: Tissasāmaṇeraṇssa kira upajjhāyo Tissamahāvihāre paṭivasati.⁴ Tassa sāmaṇero, bhante, ukkaṇṭhito 'mhī ti āha. Atha naṇ thero, imasmiṇ vihāre na hānodakaṇ dullabhaṇ, maṇ gahetvā Cittalapabbataṇ gacchāhi ti āha. So tathā akāsi. Tattha naṇ thero āha: Ayaṇ vihāro accantasaṅghiko, ekaṇ puggalikaṭṭhānaṇ karohi ti. So, sādhu bhante ti ādito paṭṭhāya Saṇyuttanikāyaṇ, pabbhārasodhanaṇ, tejokasīnaparikammaṇ⁵ ti tīni pi ekato ārabhitvā kammaṭṭhānaṇ appanaṇ pāpesi; Saṇyuttanikāyaṇ pariyoṣāpesi; leṇakammaṇ niṭṭhāpesi; sabbaṇ katvā upajjhāyassa saññaṇ adāsi. Upajjhāyo, dukkhena te, sāmaṇera, kataṇ, ajja tāva tvaṇ yeva vasāhi ti. So taṇ rattīṇ leṇe vasanto utusappāyaṇ labhitvā vipassanaṇ vadḍhetvā arahat-

¹ S. °kathāpāṭho.

² B. S. add ca.

³ C. pacchinne.

⁴ B. S. vasati.

⁵ B. S. tejodhātukasīna°.

taṇ patvā tatth' eva parinibbāyi. Tassa dhātuyo gahetvā cetiyaṇ akanṣu; ajjāpi Tissattheracetiyaṇ¹ ti paññāyati.

13. [120¹⁵] Idaṇ pabbaṇ asatipabbaṇ nāma. Imasmiṇ ṭhatvā vitakke niggaṇhituṇ asakkonto idha ṭhatvā niggaṇhissatī ti vitakkamūlapabbaṇ dassento puna, *tassa ce, bhikkhave* ti ādim āha. Tattha *vitakkasaṅkhārāsanthānaṇ*² *manasikātabbaṇ* ti, saṅkharoti ti saṅkhāro. Paccayo, kāraṇaṇ, mūlaṇ ti attho. Santiṭṭhati etthā ti santhānaṇ. Vitakkasaṅkhārassa santhānaṇ vitakkasaṅkharāsanthānaṇ. Taṇ manasikātabbaṇ. Idaṇ vuttaṇ hoti: Ayaṇ vitakko kiṇhetu, kimpaccayā, kiṇkāraṇā uppanno ti vitakkānaṇ mūlaṇ ca mūlā mūlaṇ ca manasikātabbaṇ. *Kin nu kho ahaṇ sīghaṇ gacchāmi* ti kena nu kho kāraṇena ahaṇ sīghaṇ gacchāmi? *Yaṇ nūndhacṇ saṇikaṇ gaccheyyaṇ* ti, kim me iminā sīghagama-nena, saṇikaṇ gamissāmi ti cinteti. *So saṇikaṇ gaccheyyā* ti so evaṇ cintetvā saṇikaṇ gaccheyya. Es' eva nayo sabbattha.

14. Tattha tassa purisassa sīghagamanakālo viya imassa bhikkhuno vitakkasamārūlhakālo. Tassa saṇikaṇ gamana-kālo viya imassa vitakkacārapacchedanakālo. Tassa ṭhitakālo viya imassa vitakkacāre pacchinne mūlakammaṭṭhānaṇ cittotaraṇakālo.³ Tassa nisinnakālo viya imassa vipassanaṇ vaḍḍhetvā arahattaṇ pattakālo. Tassa nīpanakālo viya imassa nibbānārammaṇāya phalasamāpatiyā divasaṇ vītivattanakālo. Tattha, ime vitakkā kiṇhetukā, kimpaccayā ti vitakkānaṇ mūlā mūlaṇ gacchantassa vitakkacāro sithilo hoti. Tasmiṇ sithilībhūte matthakaṇ gacchante, vitakkā sabbaso nirujjhanti. Ayam attho Daddabhajāta-kena⁴ pi dīpetabbo.

15. Sasakassa kira beluvarukkkhamūle niddāyantassa belu-vapakaṇ vaṇṭato chijjitvā kaṇṇamūle pati.⁵ So tassa sad-dena, paṭhavī bhijjati ti saññāya utṭhahitvā vegena palāyi. Taṇ disvā purato aṇṇe pi catuppadā palāyiṇsu. Tadā Bodhisatto sīho hoti. So cintesi: Ayaṇ paṭhavī nāma kap-pavināse bhijjati, antarā paṭhavībhedo nāma n' atthi; yan

¹ B. S. °ttherassa cetiyaṇ.

² B. S. °saṇthānaṇ.

³ S. vitakkāharaṇakālo.

⁴ B. S. Duddubha° (*so always*).

⁵ B. S. patitaṇ.

nūnāhaṇ mūlā mūlaṇ¹ gantvā anuvijjeyyan² ti. So hatthinā-gato paṭṭhāya yāva sasakā pucchi: tayā, tāta,³ paṭhavi bhijjamānā diṭṭhā ti. Saso, āma devā ti āha. Sīho, ehi bho, dassēhi ti. Saso, na sakkomi sāmī ti. Ehi re, mā bhāyi ti thaddhamudukena⁴ gahetvā gato. Sato rukkhassa avi-dūre ṭhatvā,

“Daddabhāyati bhaddante yasmiṇ dese vasām’ ahaṇ
aham p’ etaṇ⁵ na jānāmi kim etaṇ daddabhāyati” ti

(Jā. iii. 77)

gātham āha.

16. Bodhisatto, tvaṇ etth’ eva tiṭṭhā ti rukkhāmūlaṇ gantvā sasakassa nipannaṭṭhānaṇ addasa; beluvapakkaṇ addasa; uddhaṇ ulloketvā vaṇṭaṇ addasa. Disvā, ayaṇ saso ettha nipanno niddāyamāno imassa kaṇṇamūle pati-tassa saddena paṭhavi bhijjati ti evaṇ saññī hutvā palāyi ti ṇatvā taṇ kāraṇaṇ sasaṇ pucchi. Saso, āma devā ti āha. Bodhisatto imaṇ gātham āha:

“Bellaṇ nipatitaṇ⁶ sutvā dabhakkaṇ⁷ ti saso javi
sasassa vacanaṇ sutvā santattā migavāhini” ti

(Jā. iii. 77).

Tato Bodhisatto, mā bhāyathā ti migagaṇe assāsesi. Evaṇ vitakkānaṇ mūlā mūlaṇ gacchantassa vitakkā pahīyanti.

17. [120³³] Imasmiṇ vitakkamūlabhedapabbe ṭhatvā vitakke niggaṇhituṇ asakkontena pana evaṇ niggaṇhitabbā ti aparam pi kāraṇaṇ dassento, puna tassa ce bhikkhave ti ādim āha. *Dantehi dantaṃ ādhāyā* ti heṭṭhādante uparidantaṇ ṭhapetvā. *Cetasā cittaṇ* ti kusalacittena akusalacittaṇ abhiniggaṇhitabbaṇ. *Balavā puriso* ti yathā thāmasampanno mahābalo puriso dubbalaṇ purisaṇ sīse vā khandhe vā gahetvā abhiniggaṇheyya, abhinippīleyya, abhisantāpeyya, santattaṇ kilantaṇ mucchāparetaṇ viya kareyya; evam eva bhikkhunā vitakkehi saddhiṇ patimallena hutvā, ke ca tumhe, ko cāhan ti abhibhavitvā, “Kāmaṇ taco ca nahāru ca aṭṭhi ca avasis-satu, upasussatu sarīre maṇsalohitaṇ” ti (A. i. 50) evaṇ

¹ B. S. mūlamūlaṇ.

² B. S. anuvajjeyyan.

³ S. tāva. ⁴ B. S. saṇha°.

⁵ B. S. ahaṇ etaṇ.

⁶ S. Beluvaṇ patitaṇ.

⁷ B. S. duddubhan.

mahāviriyaṇ paggayha vitakkā niggaṇhitabbā ti dassento imaṇ atthadīpakaṇ upamaṇ āha.¹

18. [121¹⁸] *Yato² kho, bhikkhave* ti idaṇ mariyādābhājanīyaṇ nāma. Taṇ uttānattham eva. Yathā pana satthācariyo tiro-raṭṭhā āgataṇ rājaputtaṇ pañcāvudhasippan uggaṇhāpetvā, gaccha, attano raṭṭhe rājjaṇ gaṇha; sace te antarāmagge corā utṭhahanti, dhanunā kammaṇ katvā gaccha; sace te dhanu nassati vā bhijjati vā, sattiya, asinā ti evaṇ pañcahi pi āvudhehi kattabbaṇ dassetvā uyyojeti. So tathā katvā sakaraṭṭhaṇ gantvā rājjaṇ gaṇetvā, rājjasiriṇ anubhoti. Evam eva Bhagavā adhiccittam anuyuttaṇ bhikkhuṇ arahattagahaṇat-thāya uyyojento, sac' assa antarā akusalavitakkā uppajjanti, aññaṇimittapabbe ṭhatvā te vitakke³ niggaṇhitvā vipassanaṇ vaḍḍhetvā arahattaṇ pāpunissati; tattha asakkonto ādīna-vapabbe ṭhatvā; tatrāpi asakkonto asatipabbe ṭhatvā; tatrāpi asakkonto vitakkamūlabhedapabbe ṭhatvā; tatrāpi asakkonto abhiniggaṇhanapabbe ṭhatvā vitakke niggaṇhitvā vipassanaṇ vaḍḍhetvā arahattaṇ pāpunissati ti imāni pañca pabbāni desesi.

19. [122¹⁹] *Vasī vitakka-pariyāyapathesū* ti vitakkacāra-pathesu⁴ cīṇṇavasī paguṇavasī ti vuccati. *Yaṇ vitakkaṇ ākañkhissati* ti idam assa vasībhāvākāradassanattaṇ vuttaṇ. Ayaṇ hi pubbe yaṇ vitakkaṇ vitakketukāmo hoti, taṇ na vitakketi, yaṇ na vitakketukāmo hoti, taṇ vitakketi. Idāni, pana vasībhūtattā yaṇ vitakkaṇ vitakketukāmo hoti, taṇ yeva vitakketi, yaṇ na vitakketukāmo, na taṇ vitakketi. Tena vuttaṇ: *Yaṇ vitakkaṇ ākañkhissati, taṇ vitakkaṇ vitak-kessati, yaṇ vitakkaṇ nākañkhissati, na taṇ vitakkaṇ vitakkes-sati* ti. *Acchecchi tanhan* ti ādi Sabbāsavasutte vuttam evā ti.

Vitakkasanthānasuttavannaṇā.

Dutiya-avaggavannaṇā nīṭṭhitā.

¹ B. āhari.

² B. S. add ca.

³ S. omits.

⁴ B. S. ⁵vārapathesu.

21.

[*Kakacûpamasuttavaṇṇanā*]

1. [122¹⁰] *Evam me sutan ti Kakacûpamasuttaṇ. Tattha Moliya-Phagguno ti molī ti cūla vuccati. Yath' āha:*

“Chetvāna moliṇ varagandhavāsitaṇ
vehāsayaṇ ukkhipi Sakyapuṅgavo
ratanassa¹ caṅgoṭavarena Vāsavo
Sahassanetto sirasā paṭiggahī” ti (Jā. i. 65).

Sā tassa gihikāle mahatī² ahosi. Ten' assa *Moliyu-Phagguno* ti saṅkhaṇ udapādi. Pabbajitam pi naṇ ten' eva nāmena saṅjānanti.

2. [122¹³] *Ativelan ti velaṇ atikkamitvā. Tattha kālavelā, sīmavelā, sīlavelā ti tividhā velā. “Tāyaṇ velāyaṇ imaṇ udānaṇ udānesī” ti (Ud. 1) ayaṇ kālavelā nāma. “Thita-dhammo velaṇ nātivattati” ti (A. iv. 198) ayaṇ sīmavelā nāma. “Velā-anatikkamo setughāto” ti (Vbh. 285) ca, “Velā c' esā avītikkamanatṭhenā” ti () ca, ayaṇ sīlavelā nāma. Taṇ tividham pi so atikkami³ yeva. Bhikkhuniyo hi ovaḍitūṇ kālo nāma atthi. So atthaṅgate pi suriye ovaḍanto taṇ kālavelam pi atikkami. Bhikkhunīnaṇ ovāde pamāṇaṇ nāma atthi, sīmā mariyādā. So uttariṇ chappañcavācāhi ovaḍanto taṇ sīmavelam pi atikkami. Kathento pana dasahagataṇ katvā duṭṭhullāpattipahonakaṇ katheti. Evaṇ sīlavelam pi atikkami. *Saṇsaṭṭho* ti missībhūto, samāna-sukhadukkho hutvā.*

3. [122¹⁶] *Sammukhā ti purato. Avannaṇaṇ bhāsati ti tā⁴ pacanakotṭānādīni karontiyo disvā n' atth' imāsaṇ anāpatti nāma; imā bhikkhuniyo anācārā dubbatā⁵ pagabbhā ti agunaṇ katheti. *Adhikaraṇam pi karoti* ti imesaṇ bhikkhūnaṇ imā bhikkhuniyo diṭṭhakālato paṭṭhāya akkhīni ḍayhanti, imasmiṇ vihare pupphapūjā vā āsanadhovana-paribhaṇḍa-karaṇādīni vā imāsaṇ vasena pavattanti⁶; kuladhītā⁷ etā,*

¹ B. S. Ratana°.

² C. mahantī.

³ B. S. atikkamati.

⁴ B. S. add pana.

⁵ B. S. dubbacā.

⁶ B. S. vattanti.

⁷ B. S. °dhītaro.

lajjiniyo; tumhe imā idaṇ c' idaṇ ca vadatha; ayaṇ nāma tumhākaṇ āpatti hoti; Vinayadharānaṇ santikaṇ āgantvā vinicchayaṇ me dethā ti adhikaraṇaṇ ākaḍḍhati.

4. [122¹⁸] *Moliya-Phaggunassa avannaṇ bhāsati* ti n' atth' imassa bhikkhuno anāpatti¹ nāma; niccakālaṇ imassa parivenadvāraṇ asuññaṇ bhikkhunhi ti agunaṇ katheti. *Adhikaraṇam pi karaṇi* ti imesaṇ bhikkhūnaṇ Moliya-Phaggunatherassa ditthakālate paṭṭhāya akkhini pariḍayhanti; imasmiṇ vihāre aññesaṇ vasaṇaṭṭhānaṇ oloketum pi na rakkā; vihāraṇ āgatabhikkhuniyo ovādaṇ vā paṭisanthāraṇ vā uddeśaṇ vā theram eva nissāya labhanti; kulaputtako, lajji, kukkuccako; evaṇ paṇaṇ nāma tumhe idaṇ c' idaṇ ca vadatha; etha Vinayadharānaṇ santike vinicchayaṇ dethā ti adhikaraṇaṇ ākaḍḍhanti.

5. [122²⁴] *So bhikkhu Bhagavantaṇ etaḍ cvocā* ti n' eva piyakamyatāya, na bhedādhippāyena; atthakāmatāya avoca. Evaṇ kir' assa ahosi: Imassa bhikkhussa evaṇ saṇsaṭṭhassa viharato ayaso uppajjissati. So sāsaṇassa pi avannaṇ yeva. Aññena pana kathito ayaṇ na oramissati. Bhagavatā dhammaṇ desetvā ovadito oramissati ti tassa atthakāmatāya Bhagavantaṇ etaṇ, *āyasmā, bhante* ti ādivacanaṇ avoca. *Āman-tehī* ti jānāpehi. *Āman-tehī* ti pakkosati.

6. [123²⁰] *Saddhā* ti saddhāya. *Tasmā* ti yasmā tvaṇ kulaputto c' eva saddhāpabbajito ca; yasmā vā te etāhi saddhiṇ saṇsaṭṭhassa viharato ye tā² akkosissanti vā paharissanti vā tesu domanassaṇ uppajjissati; saṇsagge pahīne n' uppajjissati; tasmā. *Tatrā* ti tasmiṇ avannaṇabhāsane. *Gehasiṭā* ti pañcakāmaguṇanissitā. *Chandā* ti taṇhāchandā pi paṭighachandā pi. *Viparinātan* ti rattam pi cittaṇ viparinātaṇ hoti, duṭṭham pi, mūlham pi cittaṇ viparinātaṇ. Idha pana taṇhāchandavasena rattan,³ paṭighachandavasena duṭṭham pi vaṭṭati. *Hitānukampī* ti hitena anukampamāno; hitena pharamāno. *Na dosantaro* ti dosacitto na bhavissāmi.

7. [124⁷] *Atha kho Bhagavā* ti kasmā ārabhi? Phaggunassa kira ettakaṇ ovādaṇ sutvā⁴ pi, bhikkhuni saṇsaggato ora-

¹ S. āpatti.

² B. S. vā.

³ B. S. rattam pi vaṭṭati.

⁴ B. S. katvā.

missāmi, viramissāmi ti cittam pi na uppannaṃ. Bhagavatā pana saddhiṃ paṭāni viya paṭiviruddho aṭṭhāsi. Atha Bhagavato, yathā nāma jighacchitassa bhojane, pipāsitassa pānīye, sītena phutṭhassa uphe, dukkhitassa sukhe patthanā uppajjati, evam eva imaṃ dubbacaṃ bhikkhuṃ divā paṭhamabodhiyaṃ subbacā pi bhikkhū āpāthaṃ āgamiṃsu. Atha tesāṃ vannaṃ kathetukāmo hutvā imaṃ desanaṃ ārabhi. Tattha *ārādhayaṃsū* ti gaṇhiṃsu pūrayiṃsu. *Ekaṃ samayan* ti ekasmiṃ samaye. *Ekāsanabhojanan* ti ekaṃ purebhattabhojanaṃ. Suriyuggamanato hi yāva majjhantikā¹ sattakkhattuṃ² bhuttabhojanam pi idha ekāsanabhojanaṃ tv' eva adhippetāṃ. *Appābādhatan* ti nirābādhatan. *Appātaṅkatan* ti niddukkhatan. *Lahutṭhānan* ti sarīrassa sallahukaṃ utṭhānaṃ. *Balan* ti kāyabalaṃ. *Phāsuvihāran* ti kāyassa sukhavihāraṃ.

8. Iminā kiṃ kathitaṃ? Divā vikālabhojanaṃ pajahāpitakālo kathito. Bhaddālisutte pana rattiṃ vikālabhojanaṃ pajahāpitakālo kathito. Imāni hi dve bhojanāni Bhagavā na ekappahārena pajahāpesi. Kasmā? Imān' eva hi dve bhojanāni vaṭṭe vasantānaṃ āciṇṇāni. Santi kulaputtā sukhumālā. Te ekato dve pi bhojanāni pajahantā kilamanti. Tasmā ekato apajahāpetvā ekasmiṃ kāle divā vikālabhojanaṃ, ekasmiṃ rattibhojanaṃ³ ti viṣuṃ pajahāpesi. Tesu idha divā vikālabhojanaṃ pajahāpitakālo kathito. Tattha yasmā Buddhā na bhayaṃ dassetvā tajjetvā pajahāpenti; ānisaṃsaṃ pana dassetvā pajahāpenti; evaṃ hi sattā sukhena pajahanti; tasmā ānisaṃsaṃ dassento ime pañca guṇe dassesi.

9. [124¹⁷] *Na anusāsani karamīyā* ti punappunaṃ sāsanena kātabbaṃ nāhosi; idaṃ karoṭha, idaṃ mā karoṭhā ti satupāḍakaraṇīyamattam eva ahosi. Tāvataken' eva te kat-tabbaṃ akaṃsu, pahātabbaṃ pajahiṃsu. Paṭhamabodhiyaṃ, bhikkhave, subbacā bhikkhū ahesuṃ, assavā ovādapāṭikarā ti.

10. [124¹⁰] Idāni nesaṃ subbacabhāvadīpakaṃ upamaṃ āharanto, *seyyathā pi* ti ādim āha. Tattha *subhūmiyaṃ* ti samabhūmiyaṃ. "Subhūme sukhette vigatakhāṇuke bījāni

¹ B. majjhanhikā.² C. sata°; S. dasa°.³ B. S. rattiṃ vikālabhojanan.

patitṭhāpeyyā ” ti () ettha pana maṇḍabhūmi subhūmi ti āgatā. *Cātummahāpathe*¹ ti dvinnaṇ mahāmaggānaṇ vinivijjhitaṇ gataṭṭhāne. *Ājaññaratho* ti vinīta-assaratho. *Odhasatapato* ti yathā rathaṇ abhiruhitvā ṭhiteṇa sakkā hoti gaṇhituṇ evaṇ ālambanaṇ nissāya tiriyato ṭhapitapatodo. *Yoggācariyo* ti assācariyo. Sv’ eva assadamme sāretī ti *assadammāsārathi*. *Yenicchakan* ti yena yena maggena icchatī. *Yadicchakan* ti yaṇ yaṇ gatiṇ icchatī. *Sāreyyā* ti ujukaṇ purato peseyya. *Paccāsāreyyā* ti paṭinivatteyya.

11. [124²³] *Evam eva kho* ti yathā² so yoggācariyo yena yena maggena gamanaṇ icchatī, taṇ taṇ assā ārūḷhā va honti, yāya yāya ca gatiyā icchatī, sā sā gati gahitā va hoti. Rathaṇ pesetvā assā n’ eva vāretabbā, na vijjhitaṇ honti. Kevalaṇ nesaṇ same bhūmibhāge khuresu nimittaṇ ṭhapetvā gamanam eva passitaṇ hoti. Evaṇ mayham pi tesu bhikkhusu punappunaṇ vattaṇ nāhosi. Idaṇ karoṭha, idaṇ mā karoṭhā ti satuppādanamattam eva kattaṇ hoti. Tehi pi tāvad eva kattaṇ katam eva hoti, akattaṇ jahitam eva. *Tasmā* ti yasmā subbacā yuttayānapaṭibhāgā hutvā satuppādanamatten’ eva pajahiṇsu, tasmā tumhe pi pajahathā ti attho.

12. [124³⁰] *Ēlaṇḍehī* ti ēlaṇḍā kira sāladūsanā honti; tasmā evam āha. *Visodheyyā* ti ēlaṇḍe ca aññā ca valliyo chinditvā bahi nīharaṇena sodheyya. *Sujātā* ti susaṇṭhitā. *Sammā parihareyyā* ti mariyādaṇ bandhitvā udakasiṇṇanena pi, kālena kālaṇ mūlaparikhaṇanena³ pi, valligumbādicchedanena pi, kipillakapūṭaka⁴-makkaṭakajāla-sukkhadaṇḍakahaṇanena pi sammā vadḍheyya,⁵ poseyya. *Vuddhi-ādini* uttattān’ eva.

13. [125³] *Idāni* akkhaṇṭiyā dosaṇ dassento, *bhūtapubban* ti ādim āha. *Tattha Vedehikā* ti Videharaṭṭhavāsikassa kulassa⁶ dhītā. Atha vā, vedo ti paññā vuccati. Vedena lhati, iriyatī ti Vedehikā. Paṇḍitā ti attho. *Gahapatānī* ti gharasāminī. *Kittisaddo* ti kittighosq. *Soratā* ti soraccena samannāgatā. *Nivātā* ti nivātavutti. *Upasantā* ti nibbutā.

¹ B. S. Catumahāpathe.

² B. S. add hi.

³ B. S. mūlamūle khaṇanena.

⁴ B. S. kipillapūṭaka-

⁵ B. vadḍhetvā.

⁶ B. omits.

Dakkhā ti bhattapacana-sayanattharaṇa-dīpujjalanādikam-mesu chekā. *Analasā* ti utthāhikā. *Susaṇvihitakammantā* ti suṭṭhapitakammantā.¹ Ekā analasā hoti, yaṇ yaṇ pana bhājanaṇ gaṇhāti, taṇ taṇ bhindati vā chiddaṇ vā karoti. Ayaṇ pana na tādisā ti dasseti.

14. [125¹⁷] *Divā utthāsī* ti pāto² kattabbāni dhenudohanā-dikammāni akatvā ussūre utthitā. *He je Kālī* ti are Kālī. *Kiṇ je divā utthāsī*, kiṇ kiñci aphāsukaṇ atthī ti. *No vata re kiñci* ti are yadi te na kiñci aphāsukaṇ atthi, n' eva sīsaṇ rujati, na piṭṭhi, atha kasmā, pāpadāsi, divā utthāsī ti kupitā anattamanā bhakuṭiṇ akāsi. *Divātaraṇ utthāsī* ti puna divase ussūratarāṇ utthāsī. *Anattamanavācan* ti are pāpadāsi, attano pamāṇaṇ jāna³; kiṇ aggiṇ sīto ti maññasi, idāni taṇ sikkhāpessāmī ti ādīni vadamānā kupitavacanaṇ nicchāresi. *Paṭivissakānan* ti sāmantagehavāsīnaṇ. *Ujjhāpesī* ti avajā-nāpesi. *Caṇḍī* ti asoratā, kibbisā. Iti yattakā guṇā tato dviguṇā dosā uppajjiṇsu. Guṇā nāma saṇikaṇ saṇikaṇ āgac-chanti; dosā ekadivasen' eva patthaṭā honti.

15. [126¹⁴] *Soratasorato* ti ativiya sorato; sotāpanno nu kho, sakadāgāmī, anāgāmī, arahā, nu kho ti vattabbataṇ āpajjati. *Phusantī* ti phusantā ghaṭṭentā āpāthaṇ āgacchanti. *Atha bhikkhu sorato ti veditabbo* ti atha adhivāsana-kkantiyaṇ ṭhito bhikkhu sorato ti veditabbo. Yo *cīvara—pe—parikkhārahetū* ti yo etāni cīvarādīni paṇitāni labhanto pādapari-kamma-piṭṭhiparikammādīni ekavacanen' eva karoti. *Ala-bhamāno* ti yathā pubbe labhati, evaṇ alabhanto. *Dhammañ ñeva sakkaronto* ti dhammass' eva sakkāraṇ sukatakāraṇ karonto. *Garukaronto* ti garu bhāriyaṇ karonto.⁴ *Apacā-yamāno* ti dhammass' eva apacitiṇ nīcavuttiṇ dassento.

16. [126³⁰] Evaṇ akkantiyā dosaṇ dassetvā idāni ye adhi-vāsenti, te evaṇ adhivāsenti ti pañca vacanapathe dassento, *pañc' ime, bhikkhave* ti ādim āha. Tattha *kālenā* ti yuttapat-takālena. *Bhūtenā* ti satā, vijjamānena. *Sanhenā* ti maṭ-

¹ S. suṭṭhu ṭhapita°; B. suṭṭhu saṇvihita°.

² B. S. add va.

³ B. S. na jānāsi.

⁴ B. S. add: *Mānento* ti manena piyaṇ karonto. *Pūjento* ti paccayapūjāya pūjento.

ṭhena. *Atthasanyhiṇā* ti atthanissitena, kāraṇanissitena. *Akālenā* ti ādīni tesañ yeva paṭipakkhavasena veditabbāni. *Mettacittā* ti uppannamettacittā hutvā. *Dosantarā* ti duṭṭhacittā, abbhantare uppannadosa hutvā. *Tatrā* ti tesu vacanapathesu. *Pharivā* ti adhimuccitvā. *Tadārammaṇā* cā ti, kathaṇ tadārammaṇaṇ sabbāvantaṇ lokaṇ karoti? Pañca vacanapathe gahetvā āgataṇ puggalaṇ mettacittassa ārammaṇaṇ katvā puna tass' eva mettacittassa avasese satte ārammaṇaṇ karonto sabbāvantaṇ lokaṇ tadārammaṇaṇ karoti nāma.

17. [127⁶] Tatrāyaṇ vacanattho: *Tadārammaṇā* cā ti tass' eva¹ mettacittassa ārammaṇaṇ katvā. *Sabbāvantaṇ* ti sabbasattavantaṇ. *Lokaṇ* ti sattalokaṇ. *Vipulenā* ti anekasattārammaṇena. *Mahaggatenā* ti mahaggatabhūmikenā. *Appamāṇenā* ti subhāvitena. *Averenā* ti niddosena. *Abyābajjhenā* ti niddukkhena. *Pharivā viharissāmā* ti evarūpena mettasaḥagatena cetasā tañ ca puggalaṇ sabbañ ca lokaṇ tassa cittassa ārammaṇaṇ katvā adhimuccitvā viharissāma.

18. [127¹⁰] Idāni 'tadatthadīpikā upamā'² āharanto *seyyathā* pi ti ādim āha. Tattha *apaṭṭhavin* ti nippaṭṭhaviṇ karissāmi. Abhāvaṇ gamessāmi ti attho. *Tatra tatrā* ti tasmiṇ tasmiṇ ṭhāne. *Vikireyyā* ti pacchiyā paṇsuṇ uddharitvā bijāni viya vikireyya. *Oṭṭhubheyyā* ti kheḷaṇ pāteyya. *Apaṭṭhaviṇ kareyyā* ti evaṇ kāyena ca vācāya ca payogaṇ katvā pi³ sakkuṇeyya apaṭṭhaviṇ kātun ti? *Gambhīrā* ti bahalattena yojanasatasahassāni cattāri ca nahutāni gambhīrā. *Appameyyā* ti tiriyaṇ pana aparicchinnā. *Evam eva kho* ti ettha idaṇ opammasaṇsandanaṇ: Paṭṭhavi viya hi mettacittaṇ daṭṭhabbaṇ. Kuddālapitakaṇ gahetvā āgatapuriso viya pañca vacanapathe gahetvā āgatapuggalo. Yathā so kuddālapitakena mahāpaṭṭhaviṇ apaṭṭhaviṇ kātun na sakkoti, evaṇ vo pañca vacanapathe gahetvā āgatapuggalo mettacittassa aññathattaṇ kātun na sakkhissati ti.

19. [127³¹] Dutiya-upamāyaṇ *haliddin* ti yaṇ kiñci pīta-kavaṇṇaṇ. *Nilan* ti kaṇsanīlaṇ vā palāsanīlaṇ vā. *Arūpī*

¹ B. S. *add* ca.

² B. S. °dīpakaṇ upamaṇ.

³ B. S. *add* na.

ti arūpo. Na nu ca, “Dvinnāṇ katthānaṇ vā rukkhānaṇ vā seyyānaṇ vā selānaṇ vā antaraṇ paricchinṇākāsarūpan” ti () āgataṇ? Kasmā idha arūpī ti vutto ti? Sanidasanabhāvapaṭikkhepatō. Ten’ ev’ āha: *Anidassano* ti. Tasmiṇ hi rūpaṇ likhituṇ, rūpapātubhāvaṇ dassetuṇ na sakkā; tasmā arūpī ti vutto. *Anidassano* ti dassanassa cakkhuviññānassa anāpātho. Upamāsaṇsandane pan’ ettha ākāso viya mettacittaṇ. Tūlikāpañcamā cattāro raṇḍajātā viya pañca vacanapathā. Tūlikāpañcame raṇḍe gahetvā āgatapuriso viya pañca vacanapathe gahetvā āgatapuggalo. Yathā so tūlikāpañcamehi raṇḍehi ākāse rūpapātubhāvaṇ kātuṇ na sakkoti, evaṇ vo pañca vacanapathe gahetvā āgatapuggalo mettacittassa aññathattaṇ katvā dosuppattiṇ dassetuṇ na sakkhissatī ti.

20. [128⁷] Tatiya-upamāyaṇ *ādittan* ti pajjalitaṇ. *Gambhīrā appameyyā* ti imissā Gaṇḍāya gambhīratthānaṇ gāvutam pi atthi, aḍḍhayaḍḍhanam pi, yojanam pi. Puthulattaṇ pan’ assa evarūpaṇ yeva. Dighato pana pañca yojanasatāni. Sā kathaṇ gambhīrā appameyyā ti? Etena payogena parivattetvā uddhane udakaṇ viya tāpetuṇ asakkuṇeyyato. Thitodakaṇ pana kenaci upāyena aṇḍulamattaṇ, aḍḍhaṇḍulamattaṇ vā evaṇ tāpetuṇ sakkā bhaveyya. Ayaṇ pana na sakkā. Tasmā evaṇ vuttaṇ. Upamāsaṇsandane pan’ ettha Gaṇḍā viya mettacittaṇ. Tiṇukkaṇ ādāya āgatapuriso viya pañca vacanapathe gahetvā āgatapuggalo. Yathā so¹ tiṇukkāya Gaṇḍaṇ tāpetuṇ na sakkoti, evaṇ vo pañca vacanapathe gahetvā āgatapuggalo mettacittassa aññathattaṇ kātuṇ na sakkhissatī ti.

21. [128²¹] Catuttha-upamāyaṇ *bilārabhastā* ti bilāracammapasibbako. *Sumadditā* ti suṭṭhu madditā. *Suparimadditā* ti anto ca bahi ca samantato susammadditā. *Tūlinī* ti simbalitūla-latātūlasamānā. *Chinnasassarā* ti chinnasas-sarasaddā. *Chinnabhabbharā* ti chinnabhabbharasaddā. Upamāsaṇsandane pan’ ettha bilārabhastā viya mettacittaṇ. Katthakathalaṇ ādāya āgatapuriso viya pañca vacanapathe gahetvā āgatapuggalo. Yathā so katthena vā kathalena

¹ B. *adda* ādittāya.

vā bilārabhastāṇ sarasaraṇ, bharabharāṇ kātūṇ na sakkoti, evaṇ vo pañca vacanapathe gahetvā āgata-puggalo metacittassa aññathattaṇ katvā dosānugatabhāvaṇ kātūṇ na sakkhissatī ti.

22. [129¹⁵] *Ocarakā* ti avacarakā, hetthācarakā. Nīcakam-makārakā ti attho. *Yo mano padoseyyā*¹ ti yo bhikkhu vā bhikkhuni vā cittaṇ padoseyya, taṇ kakacena okantaṇ nādhivāseyya. *Na me so tena sāsana-karo* ti so tena anadhi-vāsanena mayhaṇ ovāda-karo na hoti. *Āpatti pan' ettha n' atthi*. *Aṇuṇ vā thūlaṇ vā* ti appasāvajjaṇ vā mahāsāvajjaṇ vā. *Yaṇ tumhe nādhivāseyyāthā* ti yo tumhehi adhi-vāsetabbo na bhavēyyā ti attho. *No h' etaṇ, bhante* ti, bhante, anadhi-vāsetabbaṇ nāma vacanapathaṇ na passāmā ti adhippāyo. *Dīgharattaṇ hitāya sukhāyā* ti, iti Bhagavā arahattena kūṭaṇ gaṇhanto yathānusandhinā desanaṇ niṭṭhapesī ti.

Kakacūpamasuttaṇ paṭhamāṇ.

22.

[Alagaddasuttavaṇṇanā]

1. [130¹] *Evam me sutaṇ* ti Alagaddasuttaṇ.² Tattha gaddhe bādhayīṇsū ti gaddhabādhino. Gaddhabādhino pub-bapurisā assā ti Gaddhabādhipubbo; tassa *Gaddhabādhipub-bassa*. Gijjhaghātakakulappasutassā ti attho. Saggamok-khānaṇ antarāyaṇ karontī ti *antarāyikā*. Te kamma-kilesa-vipāka-upavāda - āṇāvītikkamavasena pañcavidhā. Tattha pañcānantariyadhammā kammantarāyikā nāma; tathā bhikkhunīdūsanakammaṇ. Taṇ pana mokkhass' eva antarāyaṇ karoti, na saggassa. Niyatamicchādītṭhidhammā kilesantarāyikā nāma. Paṇḍaka-tiracchānagata-ubhatobyañjanakānaṇ paṭisandhidhammā vipākantarāyikā nāma. Ariyūpavāda-dhammā upavādantarāyikā nāma. Te pana yāva ariye na khamāpentī, tāvad eva, na tato paraṇ. Sañcicca vītikkantā satta āpattikkhandhā āṇāvītikkamantarāyikā nāma. Te pi yāva bhikkhubhāvaṇ vā paṭijānāti, na vuṭṭhāti vā, na deseti vā, tāvad eva, na tato paraṇ.

¹ B. padūseyyā.

² B. S. Alagaddūpamasuttaṇ.

2. Tatrāyaṇ bhikkhu bahuso dhammakathiko sesantarāyike jānāti; Vinaye pana akovidattā paṇṇattivītikkamantarāyike na jānāti; tasmā rahogato evaṇ cintesi: Ime agārino pañca kāmagine paribhuñjantā sotāpannā pi sakadāgāmino pi anāgāmino pi honti. Bhikkhū pi manāpikāni cakkhuviññeyyāni rūpāni passanti, kāyaviññeyye phoṭṭhabbe phusanti, mudukāni attharaṇapāpuraṇādīni¹ paribhuñjanti. Etaṇ sabbaṇ vaṭṭati. Kasmā itthinaṇ yeva rūpa-sadda-gandha-phoṭṭhabbā na vaṭṭanti? Ete pi vaṭṭanti ti.

3. [130⁵] Evaṇ rasena rasaṇ saṇsandetvā sacchandarāgaparibhogaṇ ca nicchandarāgaparibhogaṇ ca ekaṇ katvā, thūlavākehi saddhiṇ atisukhumasuttaṇ ghaṭento² viya, sāsapena saddhiṇ Sineruṇ upasaṇharanto viya, pāpakaṇ diṭṭhigataṇ uppādetvā, kiṇ Bhagavatā mahāsamuddaṇ bandhantena viya mahatā ussāhena paṭhamapārājikaṇ paññattaṇ, n' atthi ettha doso ti sabbaññutaññāpena saddhiṇ paṭivirujjhanto vesārajjāññaṇ paṭibāhanto ariyamagge khānukaṇṭakādīni pakkhipanto, methunadhamme doso n' atthi ti Jinassa āṇācakke pahāram adāsi. Tena āha: *Tathā 'haṇ Bhagavatā dhammaṇ desitaṇ ājānāmī* ti ādi.

4. [130¹⁶] *Evaṇ byā kho* ti evaṇ viya kho. *Samanuyuñjanti* ti ādisu, kiṇladdhiko, tvaṇ, laddhiṇ vadehī ti pucchamānā *samanuyuñjanti* nāma. Laddhiṇ³ patitṭhāpentā *samanugāhanti* nāma. Kena kāraṇena evaṇ vadesī ti kāraṇaṇ pucchantaṇ samanubhāsanti nāma. *Atṭhikaṇkhalūpamā* kāmā ti ādisu, atṭhikaṇkhalūpamā apassādatṭhena. *Maṇsapesūpamā* bahusādhāraṇatṭhena. *Tinukkulūpamā* anudahanatṭhena. *Aṅgārakāsūpamā* mahābhitāpatṭhena. *Supinakūpamā* ittarapaccupatṭhānatṭhena. *Yācutakūpamā* tāvakālikatṭhena. *Rukkhaphalūpamā* sabbaṅgapaccaṅgapalibhañjanatṭhena. *Asisūnūpamā* adhikutṭhanatṭhena. *Sattisūlūpamā* vinivijjhanatṭhena. *Sappasirūpamā* sāsāṇkasappaṭibhayaṭṭhena. *Thāmasā* ti diṭṭhithāmena. *Parāmāsā* ti diṭṭhiparāmāsena. *Abhinivissa voharati* ti adhiṭṭhahitvā⁴ voharati, dīpeti vā. *Yato kho te bhikkhū* ti yadā te bhikkhū.

¹ B. °pāvuraṇādīni; S. °pāpuraṇāni.

² B. upanento.

³ B. S. Diṭṭhiṇ.

⁴ C. adhiṭṭhitvā.

5. [132¹¹] *Evay byā kho ahaṇ, bhante, Bhagavatā* ti idaṇ esa attano ajjhāsayena n' atthī ti vattukāmo pi Bhagavato ānubhāvena sampatīcchati. Buddhānaṇ kira sammukhā dve kathā kathetuṇ samattho nāma n' atthi. *Kassa kho nāma tvaṇ, moghapurisā* ti, tvaṇ, moghapurisa, kassa khatti-yassa vā brāhmaṇassa vā, vessassa vā, suddassa vā, gahaṭṭhassa vā, pabbajitassa vā, devassa vā, manussassa vā mayā evaṇ dhammaṇ desitaṇ ājānāsi ?

6. [132²⁴] *Atha kho Bhagavā bhikkhū amantesī* ti¹ paṭi-yekko anusandhi. Ariṭṭho kira cintesi: Bhagavā maṇ moghapuriso ti vadati. Na kho pana moghapuriso ti vuttamattakena maggaphalānaṇ upanissayo na hoti. Upasenam pi hi Vaṅgantaputtaṇ. “Atilahuṇ kho tvaṇ, moghapurisa, bāhullāya āvatto” ti (Vin. i. 59) Bhagavā moghapurisa-vādena ovadi. Thero aparabhāge ghaṭento vāyamanto cha abhiññā sacchakāsi. Aham pi tathārūpaṇ viriyaṇ pagganhitvā maggaphalāni nibbattessāmī ti. Ath' assa Bhagavā bandhanā muttapaṇḍupalāsassa viya avirūḷhibhāvaṇ dassento imaṇ desanaṇ ārabhi.

7. [132²⁶] *Usmīkato pī* ti, bhikkhave, tumhe kin ti maññatha, ayaṇ Ariṭṭho evaṇladdhiko sabbaññutañānena paṭi-virujjhivā vesārajjañānaṇ paṭibāhitvā Tathāgatassa ānācakke pahāraṇ dadamāno, api nu imasmiṇ dhammavinaye usmīkato pi ? Yathā nibbute pi mahante aggikkhandhe khajjūpanakamattā pi aggipappaṭikā² hoti yeva, yaṇ nissāya pūna mahā aggikkhandho bhaveyya. Kin nu kho evaṇ imassa appamattikā pi ñāṇusmā atthi, yaṇ nissāya vāyamanto maggaphalāni nibbatteyyā ti ? *No h' etaṇ, bhante* ti bhante, evaṇ laddhikassa kuto evarūpā ñāṇusmā ? Maggaphalānaṇ paccayasamatthāya ñāṇusmāya usmīkatabhāvaṇ paṭikkhipantā, vadanti. *Mañkubhūto* ti nittejabhūto. *Pattakkhandho* ti patitakkhandho. *Appaṭibhāno* ti kiñci paṭibhānaṇ apassanto, chinna-paṭibhāno. Evarūpam pi nāma niyyānikasāsaṇaṇ labhivā avirūḷhidhammo kir' amhi, samugghātita-paccayo jāto ti attano abhabbatāṇ paccavekkhanto pādaṇḍuṭṭhena bhūmiṇ khaṇamāno nisīdi.

¹ B. *addā* ayaṇ.

² C. °papaṭikā.

8. [132³⁴] *Paññāyissasi kho* ti ayam pi pāṭiyekko anusandhi. Aritṭho kira cintesi: Bhagavā mayhaṇ maggaphalānaṇ upanissayo pacchinno ti vadati. Na kho pana Buddhā sa-upanissayānaṇ yeva dhammaṇ desenti, anupanissayānam pi desenti. Ahaṇ Satthu santikā Sugatovādaṇ labhitvā attano sampat-tūpagaṇ kusalaṇ karissamī ti. Ath' assa Satthā ovādaṇ¹ paṭippassambhento, *paññāyissasi* ti ādim āha. Tass' attho: Tvaṇ yeva, moghapurisa, iminā *pāpakena ditthigatena* nira-yādisu paññāyissasi. Mama santikā tuyhaṇ Sugatovādo nāma n' atthi; na me tayā attho; *idhāhaṇ bhikkhū paṭipucchissāmī* ti.

9. [132³⁷] *Atha kho Bhagavā* ti ayam pi pāṭiyekko anusandhi. Imasmiṇ hi ṭhāne Bhagavā parisaṇ sodheti; Aritṭhaṇ gaṇato nissāreti. Sace hi parisagatānaṇ kassaci evaṇ bhaveyya: Ayaṇ Aritṭho Bhagavatā akathitaṇ kathetuṇ kiṇ sakkhissati, kacci nu kho parisamajjhe Bhagavatā kathāya samāraddhāya sahasā kathitaṇ ti? Evaṇ kathitaṇ pana na Aritṭho yeva sunāti; aññena pi suttaṇ bhavissati. Athāpi 'ssa siyā: Yathā Satthā Aritṭhaṇ niggaṇhāti, mam pi evaṇ niggaṇheyyā ti sutvā pi tuṇhībhaṇ āpajjeyyā ti. Taṇ sabbaṇ na karissanti,² mayā pi na kathitaṇ, aññena pi suttaṇ n' atthi ti *tumhe pi me, bhikkhave* ti ādinā parisāya laddhiṇ sodheti. Parisāya pana laddhisodhanen' eva Aritṭho gaṇato nissārito nāma hoti.

10. [133²⁰] Idāni Aritṭhassa laddhiṇ pakāsento, *so vata, bhikkhave* ti ādim āha. 'Tattha aññatr' eva *kāmehi* ti ādisu yo so, bhikkhave, bhikkhu te paṭisevato nālaṇ antarāyāyā ti evaṇ laddhiko, so vata kilesakāmehi c' eva kilesakāmasam-payuttehi saññāvitakkehi ca aññatra ete dhamme pahāya, vinā etehi dhammehi vatthukāme paṭisevissati methunasam-ācāraṇ samācarissati ti, n' *etaṇ ṭhānaṇ vijjati*, idaṇ kāraṇaṇ nāma n' atthi, atṭhānam etaṇ anavakāso ti.

11. [133²³] Evaṇ Bhagavā, ayaṇ Aritṭho yathā nāma rajako sugandhāni pi, duggandhāni pi, jīṇṇāni pi, navāni pi, suddhāni pi, asuddhāni pi vatthāni ekato bhaṇḍikaṇ karoti,

¹ B. Ath' ssa Bhagavā etaṇ vādaṇ; S. Atha Bhagavā ovādaṇ.

² B. °tī ti; S. karissati.

evam eva bhikkhūnaṃ nicchandaraḡapaṇītacīvarādi-paribhogaṃ ca anibaddhasīlānaṃ¹ anantarāyakaṃ sacchandaraḡa-paribhogaṃ ca nibaddhasīlānaṃ bhikkhūnaṃ āvaraṇakaṃ sacchandaraḡa-paribhogaṃ ta satthaṃ ekasadiṣaṃ karoti ti Ariṭṭhassa laddhiṃ pakāsetvā idāni duggahītāya pariyaṭṭiyā dosaṃ dassento, *idha, bhikkhave, ekacce* ti ādim āha. Tattha *pariyāpuṇaṇī* ti uggaṇhanti.

12. [133²⁴] *Suttan* ti ādisu ubhato-Vibhaṅga-Niddeṣa-Khandhaka-Parivārā Suttanipāte Maṅgalasutta-Ratanasutta-Nālakasutta-Tuvaṭṭakasuttāni, aññaṃ pi ca suttanāmaṃ Tathāgatavacaṇaṃ *suttan* ti veditabbaṃ. Sabbam pi sa-gāthakaṃ suttan *geyyan* ti veditabbaṃ; visesena Saṃyuttake sakalo pi Sagāthāvaggo.² Sakalam pi Abhidhammapiṭakaṃ, niggāthakaṃ suttan, yaṃ ca aññaṃ pi atṭhahi aṅgehi asaṅga-hitaṃ Buddhavacaṇaṃ, taṃ *veyyākaraṇaṃ* ti veditabbaṃ. Dhammapada-Theragāthā-Therīgāthā, Suttanipāte nosutta-nāmikā suddhikagāthā ca *gāthā* ti veditabbā. Somanassañā-ṇamayikagāthāpaṭisaṃyuttā dve-asīti suttantā *Udānaṃ* ti veditabbā. “Vuttam idaṃ Bhagavatā” ti (It. 1) ādinayap-pavattā dasuttarasatasuttantā *Itivuttakaṃ* ti veditabbā. Apaṇṇakajātakādāni Paññāsādhikāni pañca jātakasatāni *Jātaṃ* ti veditabbāni. “Cattāro me, bhikkhave, acchariyā abbhutā dhammā Ānande” ti (D. ii. 145) ādinayappavattā sabbe pi acchariyabbhutadhammapaṭisaṃyuttā suttantā *Abbhutadhammaṃ* ti veditabbā. Culla-Vedalla-Mahā-Vedalla-Sammādiṭṭhi-Sakkapañha-Saṅkhārabbhājanīya-Mahā-Puṇ-namasuttādayo sabbe pi vedaṇ ca tuṭṭhiṇ ca laddhā laddhā pucchitasuttantā *Vedallaṃ* ti veditabbā.

13. [133²⁶] *Atthaṃ na upaparikkhaṇī* ti atthattthaṃ³ kā-
raṇattthaṃ na tulayanti,⁴ na parigaṇhanti. *Anupapcrik-*
khaṇaṃ ti anupaparikkhaṇānaṃ. *Na nijjhānaṃ khaṇaṇī*
ti na upaṭṭhahanti, na āpāthaṃ āgacchanti. Imasmiṃ
ṭhāne sīlaṃ, samādhi, vipassanā, maggo, phalaṃ, vaṭṭaṃ,
vivaṭṭaṃ vā⁵ kathitaṃ ti evaṃ jānituṃ na sakkā honti ti attho.
Te upārambhānissā c’ evā ti te paresaṃ vāde dosāropanā-

¹ B. *adds* gahaṭṭhānaṃ.

² C. Sagāthaka°.

³ S. suttattthaṃ.

⁴ B. S. passanti.

⁵ B. *omits*.

nisaṇṣā hutvā pariyāpuṇantī ti attho. *Itivādapamokkhā-nisaṇṣā* cā ti evaṇ vādappamokkhānisaṇṣā. Parehi saka-vāde dose āropite, taṇ dosaṇ evañ ca evañ ca mocessāmā¹ ti iminā ca kāraṇena pariyāpuṇantī ti attho. *Tañ c' assa atthaṇ nānubhontī* ti yassa ca maggassa vā phalassa vā atthāya kulaputtā dhammaṇ pariyāpuṇanti, tañ ca assa dhammassa atthaṇ ete duggahitagāhino nānubhonti. Api ca parassa vāde upārambhaṇ āropetuṇ, attano vādā taṇ mocetuṇ² asakkontā pi tañ ca atthaṇ nānubhonti yeva. *Alagaddatthiko* ti āsivisatthiko.. Gado ti hi visassa nāmaṇ. Taṇ tassa alaṇ paripuṇṇaṇ atthī ti *alagaddo*. *Bhoge* ti sarīre.

14. [134⁵] *Idha pana, bhikkhave, ekacce kulaputtā dhammaṇ pariyāpuṇantī* ti nittharaṇapariyattivasena uggaṇhanti. Tisso hi pariyattiyo: alagaddapariyatti, nittharaṇapariyatti, baṇḍāgārikapariyatti ti.

15. Tattha yo Buddhavacanaṇ, evaṇ cīvarādīni vā labhis-sāmi, catuparisamajjhe vā maṇ jānissantī ti lābhasakkāra-hetu pariyāpuṇāti, tassa sā pariyatti alagaddapariyatti nāma. Evaṇ pariyāpuṇato hi Buddhavacanaṇ apariyāpuṇtvā niddokkamaṇaṇ varataṇaṇ.

16. Yo pana Buddhavacanaṇ uggaṇhitvā sīlassa āgataṭṭhāne sīlaṇ pūretvā, samādhissa³ āgataṭṭhāne samādhiṇ gabbhaṇ gaṇhāpetvā, vipassanāya āgataṭṭhāne vipassanaṇ paṭṭhapetvā, maggaphalānaṇ āgataṭṭhāne maggaṇ bhāves-sāmi, phalaṇ sacchikarissāmī ti uggaṇhāti, tassa sā pariyatti nissaraṇapariyatti nāma. hoti. Khīṇāsavassa pana pariyatti bhaṇḍāgārikapariyatti nāma. Tassa hi apariññātaṇ, appa-hīnaṇ, abhāvitaṇ, asacchikataṇ vā n' atthi. So hi pariñ-ñātakkhandho, pahīnakilesa, bhāvitamaggo, sacchikataphalo; tasmā Buddhavacanaṇ pariyāpuṇanto tantidhārako, pave-nipālako, vaṇṣānurakkhako va hutvā uggaṇhāti. Iti 'ssa sā pariyatti bhaṇḍāgārikapariyatti nāma hoti.⁴

17. Yo pana puthujjano chātakabhayādisu, ganthadharesu ekasmiṇ ṭhāne vasituṇ asakkontesu sayāṇ bhikkhācārena

¹ B. S. dosaṇ evaṇ mocessāmā.

² B. S. vādaṇ mocetuṇ.

³ C. samādhino.

⁴ S. omīts.

akilamamāno¹ atimadhuraṇ Buddhavacanaṇ mā nassatu, tantin dhāressāmi, vaṇsaṇ ṭhapessāmi, pavenin pālessāmi ti pariyāpunāti, tassa pariyatti bhaṇḍāgārikapariyatti hoti na hoti ti? Na hoti. Kasmā? Na attano ṭhāne ṭhatvā pariyāputattā.² Puthujjanassa hi pariyatti nāma alagaddā vā hoti, nittharaṇā vā. Sattannaṇ sekhānaṇ nittharaṇā va. Khināsavassa bhaṇḍāgārikapariyatti yeva. Imasminṇ pana ṭhāne nittharaṇapariyatti adhippetā.

18. [134¹⁰] *Nijjhānaṇ khamantī* ti sīlādīnaṇ āgatatṭhānesu idha sīlaṇ kathitaṇ, idha samādhi, idha vipassanā, idha maggo, idha phalaṇ, idha vaṭṭaṇ, idha vivattaṇ ti āpāthaṇ āgacchanti. *Taṇ c' assa atthaṇ anubhonti* ti yesaṇ magga-phalānaṇ atthāya pariyāpunanti, suggahitapariyattinṇ nis-sāya maggaṇ bhāvetvā phalaṇ sacchikarontā taṇ c' assa dhammassa atthaṇ anubhavanti. Paravāde upārambhaṇ āropituṇ sakkontā pi, sakavāde āropitadosaṇ icchiticchitaṭṭhānaṇ gahetvā mocetuṇ sakkontā pi anubhonti yeva. *Dīgharattaṇ hitāya sukhāya saṇvattanti* ti sīlādīnaṇ āgatatṭhāne sīlādīni pūrentānam pi, paresaṇ vāde sahadhammena upārambhaṇ aropentānam pi, sakavādato dosaṇ harantānam pi, arahattaṇ patvā parisamajjhe dhammaṇ desetvā dhamma-desanāya pasannehi upanīte cattāro paccaye paribhuñjantānam pi dīgharattaṇ hitāya sukhāya saṇvattanti.

19. [134²⁰] Evaṇ suggahite Buddhavacane ānisaṇsaṇ dāsetvā, idāni tatth' eva niyojento, *tasmātiha, bhikkhave* ti ādim āha. Tattha *tasmā* ti yasmā duggahitā pariyatti duggahita-alagaddo viya dīgharattaṇ ahitāya dukkhāya saṇvattati, suggahitā pariyatti suggahita-alagaddo viya hitāya sukhāya saṇvattati, tasmā ti attho. *Tathā naṇ dhāreyyātha* ti tath' eva naṇ dhāreyyātha, ten' eva atthena gaṇheyyātha. *Ye vā paṇ' assu vyattā bhikkhū* ti ye vā pana aññe Sāriputta-Moggallāna-Mahā-Kassapa-Mahā-Kaccānādikā vyattā paṇḍitā bhikkhū assu, te pucchitabbā; na Ariṭṭhena viya mama sāsane kalalaṇ vā kacavaraṇ vā pakkhipitabbaṇ.

20. [134³⁰] *Kullūpaman* ti kullasadiṣaṇ. *Nittharaṇat-thāyā* ti caturoghanittharaṇatthāya. *Udakannaṇ* ti yaṇ

¹ C. anikīlamāno.

² B. S. pariyāpunattā.

hi udakaṇ gambhīraṇ na puthulaṇ, puthulaṇ vā pana na gambhīraṇ, na taṇ aṇṇavo ti vuccati. Yaṇ pana gambhīraṇ c' eva puthulaṇ ca taṇ aṇṇavo ti vuccati. Tasmā mahantaṇ udakaṇṇavan ti mahantaṇ puthulaṇ gambhīraṇ udakan ti ayam ettha attho. *Sāsaṅkaṇ* nāma yattha corānaṇ vutthokāso dissati, ṭhitokāro, nisinnokāso, nipannokāso, dissati. Sappaṭibhayaṇ nāma yattha corehi manussā hatā dissanti, viluttā dissanti, ākoṭitā dissanti. *Uttarasetū* ti udakaṇṇavassa upari baddho setu. *Kullaṇ bandhītvā* ti kullo nāma nittharaṇatthāya¹ kalāpaṇ katvā baddho; pattharītvā baddho pana pataracāti-ādi,² yo uḷumpo ti vuccati. *Ussādetvā*³ ti utṭhapetvā.⁴ *Kiccakārī* ti kattabbakārī.⁵ Yuttakārī, patirūpakārī ti attho.

21. [135²⁵] *Dhammā pi vo pahātabbā* ti ettha dhammā ti samathavipassanā. Bhagavā hi samathe pi chandarāgaṇ pajahāpeti, vipassanāya pi. Samathe chandarāgaṇ kattha pajahāpesi? “Iti kho, Udāyi, nevasaṇṇānāsaṇṇāyatanassa pi pahānaṇ vadāmi. Passasi no tvaṇ, Udāyi, taṇ saṇyojanaṇ aṇuṇ vā thūlaṇ vā yassāhaṇ no pahānaṇ vadāmi” ti (M. i. 456) ettha samathe chandarāgaṇ pajahāpesi. “Imaṇ ce tumhe, bhikkhave, diṭṭhiṇ evaṇ parisuddhaṇ, evaṇ pariyodātaṇ na alliyetha, na keḷāyetha, na dhanāyethā” ti (M. i. 260) ettha vipassanāya chandarāgaṇ pajahāpesi. Idha pana ubhayattha pajahāpento *dhammā pi vo pahātabbā, pag eva adhammā* ti āha.

22. Tatrāyaṇ adhippāyo: Bhikkhave, ahaṇ evarūpesu pi⁶ santapaṇītesu dhammesu chandarāgappahānaṇ vadāmi, kiṇ pana imasmiṇ asaddhamme gāmadhamme vasaladhamme dutṭhulle odakantike, yattha ayaṇ Ariṭṭho moghapuriso niddosasaṇṇī pañcasu kāmāgunesu chandarāgaṇ nālaṇ antarāyāyā ti vadati. Ariṭṭhena viya na tumhehi mayhaṇ sāsane kalalaṇ vā kacavaro vā pakkhipitabbo⁷ ti evaṇ Bhagavā iminā pi ovādena Ariṭṭhaṇ yeve nigganḥāti.

¹ B. S. taranāthāya.

² B. padaracāti-ādayo uḷumpo; S. dārucāti-ādayo.

³ S. Ussāpetvā; B. Uccopetvā.

⁴ B. S. ṭhapetvā.

⁵ B. S. pattakārī.

⁶ B. S. omī.

⁷ B. kacavaraṇ vā pakkhipitabban.

23. [135²⁷] Idāni, yo pañcasu sukhesu tividhagāha-vasena ahaṇ mamā ti gaṇhāti, so mayhaṇ sāsane ayaṇ Aritṭho viya kalalaṇ kacavaraṇ pakkipatī ti dassento, *cha imāni, bhikkhave* ti ādim āha. Tattha *ditṭhitṭhānāni* ti ditṭhi pi ditṭhitṭhānaṇ; ditṭhiyā ārammaṇam pi ditṭhitṭhānaṇ, ditṭhiyā paccayo pi. *Rūpaṇ, etaṇ mamā¹* ti ādisu *etaṇ mamā¹* ti taṇhāgāho; *eso 'ham asmī* ti mānagāho; *eso me attā* ti ditṭhigāho. Evaṇ rūpārammaṇā taṇhā-māna-ditṭhiyo kathitā honti. Rūpaṇ pana attā ti na vattabbaṇ. Vedanādisu pi es' eva nayo. *Ditṭhaṇ* rūpāyatanaṇ. *Sutaṇ* saddāyatanaṇ. *Mutaṇ* gandhāyatanaṇ, rasāyatanaṇ, phoṭṭhabbāyatanaṇ. Taṇ hi patvā gahetabbato *mutaṇ* ti vuttaṇ. Avasesāni satṭāyatanaṇi *viññātaṇ* nāma.

24. [135³⁵] *Pattaṇ* ti pariyesitvā vā apariyesitvā vā pattaṇ. *Pariyesitaṇ* ti pattaṇ vā apattaṇ pariyesitaṇ. *Anuvicaritaṇ manasā* ti cittena anusañcaritaṇ. Lokasmiṇ hi pariyesitvā pattam pi atthi, pariyesitvā nopattam pi; apariyesitvā pattam pi, apariyesitvā nopattam pi. Tattha pariyesitvā pattaṇ *pattaṇ* nāma. Pariyesitvā nopattaṇ *pariyesitaṇ* nāma. Apariyesitvā pattaṇ ca apariyesitvā nopattaṇ ca *manasā 'nuvicaritaṇ* nāma. Atha vā, pariyesitvā pattam pi apariyesitvā pattam pi pattaṭṭhena *pattaṇ* nāma. Pariyesitvā nopattaṇ² *pariyesitaṇ* nāma. Apariyesitvā nopattaṇ *manasā 'nuvicaritaṇ* nāma. Sabbaṇ vā etaṇ manasā anuvicaritattā manasā 'nuvicaritam eva. Iminā viññānārammaṇā taṇhā-māna-ditṭhiyo kathitā. Desanāvilāsena h' ettha ditṭhādi-ārammaṇavasena viññānaṇ dassitaṇ.

25. [135³⁶] *Yam p' idaṇ³ ditṭhitṭhānaṇ* ti yam pi etaṇ *so loko* ti ādinā nayena pavattaṇ ditṭhitṭhānaṇ. *So loko so attā* ti yā esā,⁴ "Rūpaṇ attato samanupassatī" ti (M. iii. 17) ādinā nayena pavattā ditṭhi, loko ca attā cā ti gaṇhāti, taṇ sandhāy' etaṇ vuttaṇ. *So pecca bhavissāmi* ti so ahaṇ paralokaṇ gantvā *nicco* bhavissāmi, *dhuvo, sassato, avipariṇāma-dhammo* bhavissāmi; Sineru-mahāpaṭṭhavi-mahāsamūḍḍādīhi sassatīhi samaṇ *tath' eva ṭhassāmi*. *Tam pi etaṇ mamā* ti tam

¹ B. S. maman.

² B. S. nopattam eva.

³ B. S. pi taṇ.

⁴ B. yaṇ etaṇ; S. only yaṇ.

pi dassanaṇ, etaṇ mama, eso 'ham asmi, eso me attā ti samanupassati. Iminā diṭṭhārammaṇā taṇhā-māna-diṭṭhiyo kathitā. Vipassanāya paṭivipassanākāle¹ viya hi pacchima-diṭṭhiyā purimadiṭṭhigahanākāle¹ evaṇ² hoti. Sukkapakkhe, rūpaṇ n' etaṇ mamā ti rūpe taṇhā-māna-diṭṭhigāhā paṭik-khittā. Vedanādisu pi es' eva nayo.

26. [136⁷] *Samanupassatī* ti imassa pana padassa taṇhā-samanupassanā, mānasamanupassanā, diṭṭhisamanupassanā, nāpasamanupassanā ti catasso samanupassanā ti attho. Tā³ kaṇhapakkhe tissannaṇ samanupassanānaṇ, sukkapakkhe nāpasamanupassanāya vasena veditabbā. *Asatī na paritassatī* ti aviijamāne bhayaparitassanāya taṇhāparitaṣṣanāya vā na paritassati. Iminā Bhagavā ajjhatakkhandhavināse aparitassamānaṇ khīṇāsavaṇ dassento desanaṇ matthakaṇ pāpesi.

27. [136¹⁷] *Evaṇ vutte aññataro bhikkhū* ti evaṇ Bhagavatā vutte aññataro anusandhikusalo bhikkhu, Bhagavatā ajjhat-takhandhavināse aparitassantaṇ khīṇāsavaṇ dassetvā desanā niṭṭhāpitā, ajjhattaṇ aparitassake⁴ kho pana sati ajjhattaṇ paritassakena, bahiddhā parikkhāravinaṇse paritassakena, aparitassakena cāpi bhavitabbaṇ, iti imehi catuhi kāraṇehi ayaṇ pañho pucchitabbo ti cintetvā ekaṇsaṇ cīvaraṇ katvā añjalin paggayha Bhagavantaṇ etad avoca. *Bahiddhā asatī* ti bahiddhā parikkhāravinaṇse. *Ahu vata me* ti ahosi vata me; bhaddakaṇ yānaṇ vāhanaṇ hiraññaṇ suvaṇṇaṇ ti attho. *Taṇ vata me n' atthī* ti taṇ. vata idāni mayhaṇ n' atthi; rājūhi vā corehi vā haṭaṇ, agginā vā daḍḍhaṇ, udakena vā vūḷhaṇ, paribhogena vā jinnaṇ. *Siyā vata me* ti bhaveyya vata mayhaṇ; yānaṇ vāhanaṇ hiraññaṇ suvaṇṇaṇ sāli vīhi yavo godhūmo. *Taṇ vatāhaṇ na labhāmī* ti tam ahaṇ alabhamāno tadanucchavikaṇ kammaṇ akatvā nisinnattā idāni na labhāmī ti socati. Ayaṇ agāriyasocanā.⁵ Anagāriyassa⁶ pattacīva-rādīnaṇ vasena veditabbā. Aparitassanāvāre, *na evaṇ hotī* ti yehi kilesehi evaṇ bhaveyya, tesāṇ pahīnattā na evaṇ hoti.

¹ B. S. °kālo.² B. S. eva.³ S. Tāsaṇ.⁴ B. °tassante.⁵ S. āgāriya°.⁶ S. Anāgāriyassa.

28. [136³⁴] *Diṭṭhiṭṭhānādhīṭṭhāna-pariyuṭṭhānābhinivesānusa-*
yānan ti diṭṭhīnaṇ ca diṭṭhiṭṭhānānaṇ ca diṭṭhādhīṭṭhā-
 nānaṇ ca diṭṭhipariyuṭṭhānānaṇ ca abhinivesānusaṇṇaṇ
 ca. *Sabbasaṅkhārasamāthāyā* ti nibbānatthāya. Nibbānaṇ
 hi āgama sabbasaṅkhāra-iñjitāni, sabbasaṅkhāracalanāni,
 sabbasaṅkhāravipphanditāni sammanti, vūpasammanti; tas-
 mā taṇ sabbasaṅkhārasamātho ti vuccati. Tad eva āgam-
 ma khandhūpadhi, kilesūpadhi, abhisaṅkhārūpadhi, pañca-
 kāmāguṇūpadhi ti ime upadhayo paṭinissajjīyanti, taṇhā
 khīyati, virajjati, nirujjhati; tasmā *sabbūpadhipaṭinissaggo*,
taṇhakkhāyō, *virāgo*, *nirodho* ti vuccati. *Nibbānāyā* ti ayaṇ
 pan' assa sarūpaniddeso. Iti sabbeḥ' eva imehi padehi nib-
 bānassa sacchikiriyatthāya dhammaṇ desentassā ti ayam
 attho dīpito. *Tass' evaṇ hoti* ti tassa diṭṭhigatikassa, *ucchi-*
jissāmi nāma su, *vinassissāmi nāma su*, *nā su nāma bhavissāmi*
 ti evaṇ hoti. Diṭṭhigatikassa hi tilakkhaṇaṇ āropetvā suñ-
 ñātāpaṭisaṇyuttaṇ katvā desiyamānaṇ dhammaṇ suṇantassa
 tāso uppajjati. Vuttam pi h' etaṇ: "Tāso h' eso, bhikkhave,
 assutavato puthujjanassa, yadidaṇ ho e' assaṇ¹ no ca me siyā"
 ti ().

29. [137¹⁷] *Ettāvatā bahiddhāparikkhāravināse tassana-*
kassa ca notassanakassa ca, *ajjhatakkhandhavināse tassana-*
kassa ca notassanakassa ca ti imesaṇ vasena catukoṭikā suñ-
 ñatā kathitā. Idāni bahiddhāparikkhāraṇ pariggahaṇ nāma
 katvā vīsativatthukaṇ sakkāyadīṭṭhiṇ attavādupādānaṇ nā-
 ma katvā sakkāyadīṭṭhippamukhā dvāsaṭṭhi diṭṭhiyo diṭ-
 ṭhinissayaṇ nāma katvā tikoṭikaṇ suññataṇ dassetuṇ, *taṇ*;
bhikkhave, *pariggahan* ti ādim āha. Tattha *pariggahan* ti
 bahiddhāparikkhāraṇ. *Parigaṇheyyāthā* ti yaṭhā² viññu-
 manusso parigaṇheyya. *Aham pi kho taṇ, bhikkhave* ti, bhik-
 khave, tumhe pi na passatha, aham pi na passāmi. Iti
 evarūpo pariggaho n' atthi ti dasseti. Evaṇ sabbattha attho
 veditaḥbo.

30. [138³] *Evaṇ tikoṭikaṇ suññataṇ dassetvā*, idāni aj-
 jhattakkhandhe attā ti bahiddhāparikkhāre attaniyaṇ ti
 katvā dvikoṭikaṇ dassento, *attani vā, bhikkhave, satī* ti ādim

¹ B. S. assa.

² B. S. omī.

āha. Tattha ayaṇ saṅkhepattho: Bhikkhave, attani vā sati idaṇ me parikkhārajātaṇ attaniyaṇ ti assa; attaniye vā parikkhāre sati ayaṇ me attā, imassa parikkhārassa sāmī ti. Evaṇ ahaṇ ti sati mamā ti, mamā ti sati ahaṇ ti yuttaṇ bhaveyya. *Saccato* ti bhūtato. *Thetato* ti tathato, *thitato*¹ vā.

31. [138¹⁰] Idāni, ime pañcakkhandhe aniccaṇ dukkhaṇ anattā ti evaṇ tiparivaṭṭavasena agaṇhanto ayaṇ Arittho viya mayhaṇ sāsane kalalaṇ kacavaraṇ pakkhipatī ti dassento, *taṇ kiṇ maññatha, bhikkhave, rūpaṇ niccaṇ vā* ti ādim āha. *Aniccaṇ, bhante* ti, bhante, yasmā hutvā na hoti, tasmā aniccaṇ. Uppādavayatta-tāvakālīka-nicca-paṭikkhepatthēna cā ti² catuhi kāraṇehi aniccaṇ. *Dukkhaṇ, bhante* ti, bhante, paṭipīṇānākāreṇa dukkhaṇ. Santāpa-dukkhama-dukkhavatthuka-sukhapatīpakkaṭṭhēna cā ti catuhi kāraṇehi dukkhaṇ. *Vipariṇāmadhammaṇ* ti bhava-saṅkanti-agamanasabhāvaṇ,³ pakatibhāvajahanasabhāvaṇ.⁴ *Kallaṇ nu taṇ samanupassitū, etaṇ mama, eso'ham asmi, eso me attā* ti yuttaṇ nu kho taṇ imesaṇ tiṇṇaṇ taṇhā-māna-ditthigāhānaṇ vasena ahaṇ mamaṇ ti evaṇ gahetun ti.⁵ *No h' etaṇ, bhante* ti iminā te bhikkhū avasavattanākāreṇa rūpaṇ bhante, anattā ti pati-jānanti. Suññata⁶-assāmīka-anissara-attapaṭipakkaṭṭhēna cā ti catuhi kāraṇehi anattā.

32. Bhagavā hi katthaci aniccavasena anattataṇ dasseti; katthaci dukkhavasena, katthaci ubhayavasena. “Cakkaṇ attā ti yo vadeyya taṇ na upapajjati. Cakkaṇ kho pana⁷ uppādo pi vayo pi paññāyati. Yassa kho pana uppādo pi vayo pi paññāyati, attā me upapajjati ca veti ca icc' assa evaṇ āgataṇ hoti. Tasmā taṇ na upapajjati: cakkaṇ attā⁸ ti yo vadeyya. Iti cakkaṇ anattā” ti (M. iii. 282) imasmiṇ hi

¹ B. S. thirato.

² B. S. Uppādavayavattito vipariṇāma-tāvakālīka-nicca-paṭikkhepatthēna vā ti.

³ B. S. -upagamanasabhāvaṇ.

⁴ B. S. °vijahana°.

⁵ B. S. omī.

⁶ B. S. Suñña-.

⁷ All omī kho pana.

⁸ B. S. anattā.

Chachakkasutte aniccavasena anattataṇ dasseti. “Rūpaṇ ca h’idaṇ, bhikkhave, attā abhavissa, nayidaṇ rūpaṇ ābādhāya saṇvatteyya; labhetha ca rūpe evaṇ me rūpaṇ hotu, evaṇ me rūpaṇ mā ahoṣī ti. Yasmā ca kho, bhikkhave, rūpaṇ anattā, tasmā rūpaṇ ābādhāya saṇvattati, na ca labbhati rūpe evaṇ me rūpaṇ hotu, evaṇ me rūpaṇ mā ahoṣī ” ti (Vin. i. 13) imasmiṇ Anattalakkaṇasutte dukkhavasena anattataṇ dasseti. “Rūpaṇ bhikkhave, aniccaṇ, yad aniccaṇ taṇ dukkhaṇ, yaṇ dukkhaṇ tad anattā, yad anattā taṇ n’ etaṇ mama n’ eso ’ham asmi, na me ’so attā ti evam etaṇ yathābhūtaṇ sammappaññāya daṭṭhabban ” ti (S. iii. 82-3) imasmiṇ Arahattasutte ubhayavasena anattataṇ dasseti.

33. Kasmā? Aniccaṇ dukkhaṇ ca pākaṇ, anattā ti apākaṇ. Paribhogabhājanādisu pi hi bhinnesu, aho aniccaṇ ti vadanti; anattā ti vattā nāma n’ atthi. Sarīre gaṇḍapīlākādisu vā uṭṭhitāsu, kaṇṭakena vā viddhā, aho dukkhaṇ ti vadanti; aho anattā ti pana vattā nāma n’ atthi. Kasmā? Idaṇ hi anattalakkaṇaṇ nāma avibhūtaṇ, duddasaṇ, duppaññāpanaṇ. Tena taṇ Bhagavā aniccavasena vā dukkhavasena vā ubhayavasena vā dasseti. Tayidaṇ imasmiṇ pi teparivaṭṭe aniccadukkhavasena eva dassitaṇ. Vedanādisu pi es’ eva nayo.

34. [138³⁶] *Tasmātiha*, bhikkhave ti, bhikkhave, yasmā etarahi pi aññadā pi rūpaṇ aniccaṇ, dukkhaṇ anattā, tasmā ti attho. *Yaṇ kiñci rūpaṇ* ti ādini Visuddhimagge Khandhaniddese vitthāritān’ eva. *Nibbindatī* ti ukkaṇṭhati. Ettha ca nibbidā ti vuṭṭhānagāminī vipassanā adhippetā. Vuṭṭhānagāminīvipassanāya hi bahūni nāmāni. Esā hi katthaci saññaggaṇ ti vuttā; katthaci dhammaṭṭhitiñānaṇ ti; katthaci pārisuddhipadhāniyaṇgaṇ ti; katthaci paṭipadāññānadassana-visuddhī ti; katthaci tammayatā¹-pariyādānaṇ ti; katthaci tīhi nāmehi. katthaci dvīhi ti.

35. [139¹²] Tattha Poṭṭhapādasutte tāva, “Saññā kho, Poṭṭhapāda, paṭhamaṇ uppajjati, pacchā ñānaṇ ” ti (D. i. 185) evaṇ saññaggaṇ ti vuttā. Susīmasutte, “Pubbe kho, Susīma, dhammaṭṭhitiñānaṇ, pacchā nibbāne ñānaṇ ” ti (S. ii. 124)

¹ C. tammaya°; S. tammayaṇ pari°.

evaṇ dhammaṭṭhitiñāṇan ti vuttā. Dasuttarasutte, “Paṭipadāñānadassanavisuddhi pārisuddhipadhāniyaṅgan” ti (D. iii. 288) evaṇ pārisuddhipadhāniyaṅgan ti vuttā. Rathavinīte, “Kin nu kho, āvuso, paṭipadāñānadassanavisuddhatthaṇ Bhagavati brahmacariyaṇ vussatī” ti (M. i. 147) evaṇ paṭipadāñānadassanavisuddhī ti vuttā. Saḷāyatanavi-bhaṅge, “Atammayataṇ, bhikkhave, nissāya, atammayataṇ āgamma yā 'yaṇ upekkhā nānattā nānattasitā, taṇ abhini-vajjetvā, yā 'yaṇ upekkhā ekattā ekattasitā, taṇ nissāya taṇ āgamma evaṃ etissā pahānaṇ hoti, evaṃ etissā samatik-kamo hoti” ti (M. iii. 220) evaṇ tammayatāpariyādānan ti vuttā. Paṭisambhidāmagge, “Yā ca muñcitukamyatā, yā ca paṭisañkhānupassanā, yā ca sañkhārupekkhā, ime dhammā ekatṭhā, byañjanam eva nāṇan” ti (Ps. ii. 64) evaṇ tīhi nāmehi vuttā. Paṭṭhāne, “Anulomaṇ gotrabhussa ananta-rapaccayena paccayo; anulomaṇ vodānassa anantarapaccayena paccayo” ti (Ptn. i. 92) evaṇ dvīhi nāmehi vuttā. Imasmiṇ pana Alagaddasutte *nibbindatī* ti nibbidānāmena āgatā.

36. [139¹³] *Nibbindaṇ*¹ *virajjaṭī* ti ettha virāgo ti maggo *Virāgā vimuccatī* ti ettha virāgena maggena vimuccatī ti phalaṇ kathitaṇ. *Vimuttasmiṇ vimuttam iti nāṇaṇ hoti* ti idha paccavekkhaṇā kathitā.

37. [139¹⁶] Evaṇ vimuttacittaṇ mahākhīṇāsavaṇ dassetvā, idāni tassa yathābhūtehi pañcahi kāraṇehi nāmaṇ gaṇhanto, *ayaṇ vuccatī, bhikkhave* ti ādim āha. *Avijjā* ti vaṭṭamūlikā avijjā. Ayaṇ hi durukkipanattṭhena paligho ti vuccatī. Ten' esa tassā ukkhittattā *ukkhittapaligho* ti vutto. *Tālāvat-thukatā* ti sisacchinnatālo viya katā. Samūlaṇ vā tālaṇ ud-dharitvā tālassa vatthu viya katā. Yathā tasmiṇ vatthusmiṇ puna so tālo na paññāyati, evaṇ puna apaññattibhāvaṇ nītā ti attho. *Ponobhaviko* ti punabbhavadāyako. *Jāṭisaṇsāro* ti jāyanavasena c' eva saṇsaraṇavasena ca evaṇ laddhanāmā-naṇ punabbhava-kkhandhānaṇ paccayo kammābhisañkhāro. So hi punappunaṇ upapattikaraṇavasena parikkhipitvā ṭhitattā parikhā ti vuccatī. Ten' esa tassā sañkinṇattā vikiṇ-ṇattā² *sañkinṇaparikho* ti vutto.

¹ S. Nibbindanto.² S. omits.

38. [139^{2a}] *Taṇhā* ti vaṭṭamūlikā taṇhā. Ayaṇ hi gambhīrānugataṭṭhena esikā ti vuccati. Ten' esa tassā abbūlhataṭṭhā luñcivā chinditattā¹ *abbūlhesiko* ti vutto. *Orambhāgiyānī* ti orambhajanakāni; kāmabhava upapattipaccayāni. Etāni hi, kavāṭaṇ viya nagaradvāraṇ, cittaṇ pidahitvā ṭhitattā aggaḷā ti vuccanti. Ten' esa tesaṇ niraṇkatattā bhinnattā *niraggaḷo* ti vutto. *Ariyo* ti nikkilesa parisuddho. *Pannad-dhajo* ti patitamānaddhajo. *Pannabhāro* ti khandhabhārā-kilesabhāra-abhisāṇkhārābhāra-pañcakāmaguṇabharā pannā oropitā assā ti pannabhāro. Api ca idha mānabhārass' eva oropitattā *pannabhāro* ti adhippeto. *Visaṇyutto* ti catuhi yogehi sabbakilesehi ca visaṇyutto. Idha pana mānayogen'² eva visaṇyuttattā *visaṇyutto* ti adhippeto. *Asmimāno* ti rūpe asmī ti māno, vedanāya . . . saññāya . . . saṅkhāresu . . . viññāne asmī ti māno.

39. Ettāvatā Bhagavatā maggena kilese khepetvā nirodhasayanavaragatassa nibbānārammaṇaṇ phalasamāpattiṇ appetvā viharato khīṇāsavassa kālo dassito. Yathā hi dve nagarāni: ekaṇ coranagaraṇ, ekaṇ khemanagaraṇ. Atha ekassa mahāyodhassa evaṇ bhaveyya: Yāv' imaṇ coranagaraṇ tiṭṭhati, tāva khemanagaraṇ bhayato na muccati; coranagaraṇ anagaraṇ karissāmi ti. Sannāhaṇ katvā khaggaṇ gahetvā coranagaraṇ upasaṇkamtivā nagaradvāre ussāpīte esikāṭṭhambhe khaggena chinditvā saddhiṇ dvārabāhāhi kavāṭaṇ bhinditvā palighaṇ ukkhipitvā pākāraṇ bhindanto parikhaṇ saṅkiritvā nagarasobhatthāya ussite dhaje pātetvā nagaraṇ agginā jhāpetvā kemaṇagaraṇ pavisitvā pāsādaṇ āruya³ nātigaṇaparivuto surasabhojanaṇ bhuñjeyya.

40. Evaṇ coranagaraṇ viya sakkāyo. Khemanagaraṇ viya nibbānaṇ. Mahāyodho viya yogāvacaro. Tass' evaṇ hoti: Yāva sakkāyavaṭṭaṇ vaṭṭati, tāva dvattiṇsakammakārana-⁴ aṭṭhanavutiroga-pañcaviśatimahābhayehi parimuccanaṇ n' atthī ti. So, mahāyodho viya sannāhaṇ, sīlasannāhaṇ katvā paññākhaggaṇ gahetvā, khaggena esikāṭṭhambhe viya, arahattamaggena taṇhesikaṇ luñcivā, so yodho sadvārabāhaṇ

¹ B. S. chaḍḍitattā.

² B. S. °mānasaṇyogen.

³ B. S. abhiruya.

⁴ B. S. °karāṇa-.

nagarakavāṭaṇ viya, pañcorambhāgiyasanyojanaggaḷaṇ ugghāṭetvā, so yodho palighaṇ viya, avijjāpalighaṇ ukkhipitvā, so yodho pākāraṇ bhindanto parikham viya, kammābhisañkhāraṇ bhindanto jātisaṇsāraparikhaṇ sañkiritvā, so yodho nagarasobhatthāya ussāpite dhaje viya, mānadhaje pāṭetva sakkāyanagaraṇ jhāpetvā, so yodho khemanagare uparipāsāde surasabhojanaṇ viya, nikkilesanibbānanagaraṇ¹ pavisitvā amatanirodhārammaṇaṇ phalasamāpattisukhaṇ anubhavamāno kālaṇ vītināmeti.

41. [140^o] Idāni evaṇ vimuttacittassa khīṇāsavassa parehi anadhigamaṇiyaṇ viññānaṇ dassento, *evaṇ vimuttacittaṇ kho ti ādim āha*. Tattha *anvesan* ti anvesantā, gavesantā. *Idaṇ nissitaṇ* ti idaṇ nāma nissitaṇ. *Tathāgataṇ* ti ettha satto pi tathāgato ti adhippeto, uttamaṇapuggalo khīṇāsavo pi. *Ananuvejjo*² ti asaṇvijjamāno vā avindeyyo vā. Tathāgato ti hi satte gahite asaṇvijjamāno ti attho vaṭṭati; khīṇāsave gahite avindeyyo ti attho vaṭṭati.

42. Tattha purimanaye ayam adhippāyo: Bhikkhave, ahaṇ diṭṭhe va dhamme dharamānakaṇ yeva khīṇāsavaṇ, tathāgato satto puggalo ti na paññāpemi; appaṭisaṇdhikaṇ pana parinibbutaṇ khīṇāsavaṇ satto ti vā puggalo ti vā kiṇ paññāpesāmi? Ananuvejjo tathāgato. Na hi paramatthato satto nāma koci atthi. Tassa avijjamānassa idaṇ nissitaṇ viññānaṇ ti anvesantā pi kiṇ adhigacchissanti? Kathaṇ paṭilābhissanti ti attho. Dutīyanaye ayam adhippāyo: Bhikkhave, ahaṇ diṭṭhe va dhamme dharamānakaṇ yeva khīṇāsavaṇ viññānavasena Indādīhi avindiyaṇ vadāmi. Na hi sa-Indā devā sa-Brahmakā sa-Pajāpatikā anvesantā pi khīṇāsavassa vipassanācittaṇ vā maggacittaṇ vā phalacittaṇ vā, idaṇ nāma ārammaṇaṇ nissāya vattatī ti jānituṇ sakkonti. Te appaṭisaṇdhikassa parinibbutassa kiṇ jānissanti ti?

43. [140^o] *Asatā* ti asantena. *Tucchā* ti tucchakena. *Musā* ti musāvādena. *Abhūtenā* ti yaṇ n' atthi, tena. *Abbhācikkhanti* ti abhi-ācikkhanti, abhibhavitvā vadanti. *Venayiko* ti vinayatī vināsetī ti vinayo. So yeva venayiko.

¹ B. S. kilesa°.

² B. Ananuvijjo; S. Ananuvajjo.

Sattavināsako ti adhippāyo. *Yathā vā 'haṇṇ¹ bhikkhave, na iti, bhikkhave, yena v' ākārena² ahaṇṇ na sattavināsako. Yathā vā 'haṇṇ¹ na vadāmī* ti yena v' ākārena³ ahaṇṇ *sattavināsaṇṇ na paññāpemi. Idaṇ vuttaṇṇ hoti: Yathā 'haṇṇ na sattavināsako, yathā ca na sattavināsaṇṇ paññāpemi, tathā maṇ te bhonto samaṇabrāhmaṇā, venayiko samaṇo Gotamo ti vadantā, sattavināsako samaṇo Gotamo ti ca, sato sattassa ucchedaṇṇ vināsaṇṇ vibhavaṇṇ paññāpeti* ti vadantā *sattavināsaṇṇ paññāpentī* ti ca asatā tucchā musā abhūtena abbhācikkhantī ti.

44. [140¹⁴] *Pubbe cā* ti pubbe Mahābodhimaṇḍamhi yeva ca. *Etarahi cā* ti etarahi dhammadesanāya ca. *Dukkhaṇṇ c' eva paññāpemi, dukkhassa ca nirodhaṇṇ* ti dhammacakkaṇṇ appavattetvā Bodhimaṇḍe viharanto pi, dhammacakkapavattanato paṭṭhāya dhammaṇṇ desento pi catusaccam eva paññāpemi ti attho. Ettha hi dukkhagahaṇena tassa mūlabhūto samudayo, nirodhagahaṇena ca taṇsappāpako maggo gahito va hoti ti veditabbo. *Tatra ce* ti tasmiṇṇ catusaccappakāsane. *Pare* ti catusaccāni jānituṇṇ paṭivijjhituṇṇ asamatthapuggalā. *Akkosanti* ti dasahi akkosavattūhi akkosanti. *Paribhāsanti* ti vācāya paribhāsanti. *Rosenti, vihesanti* ti rosessāma, vihesessāmā ti adhippāyena ghaṭṭenti, dukkhāpentī. *Tatrā* ti tesu akkosādisu, tesu vā parapuggalesu. *Aghāto* ti kopu. *Appaccayo* ti domanassaṇṇ anabhiraddhī ti atutṭhi.

45. [140¹⁸] *Tatra ce* ti catusaccappakāsane yeva. *Pare* ti catusaccappakāsanaṇṇ jānituṇṇ paṭivijjhituṇṇ samatthapuggalā. *Ānando* ti ānandapīti. *Ubbilāvitattan* ti ubbilāpanapīti. *Tatra ce* ti catusaccappakāsanaṇṇ yeva. *Tatrā* ti sakkārādisu. *Yaṇ kho idaṇṇ pubbe pariññātan* ti yaṇ idaṇṇ khandhapañcakaṇṇ pubbe Bodhimaṇḍe tīhi pariññāhi pariññātaṇṇ. *Tattha 'me* ti tasmiṇṇ khandhapañcake ime. Kiṇ vuttaṇṇ hoti? *Tatrāpi* Tathāgatassa, ime sakkārā mayi kariyanti vā, ahaṇṇ ete anubhavāmi ti vā na hoti; pubbe pariññātakhandhapañcakass' eva ete sakkārā, khandhapañcakaṇṇ yeva ca ete sakkāre anubhoti ti ettakam eva hoti ti.

¹ B. S. cāhaṇṇ.

² B. S. yena kāraṇena.

³ B. S. vā kāraṇena.

Tasmā ti yasmā saccāni paṭivijjhituṇ asaṃmatthā Tathāgataṃ pi akkosanti.¹ Sesaṇ vuttanayen' eva veditaḃbaṇ.

46. [140³³] *Tasmātiha, bhikkhave, yaṇ na tumhākaṇ ti yasmā anattaniye pi chandarāgappahānaṇ dīgharattaṇ hitāya sukhāya saṇvattati, tasmā yaṇ na tumhākaṇ taṇ pajahathā ti attho. Yathāpaccayaṇ vā kareyyā ti yathā yathā iccheyya tathā tathā kareyya. Na hi no etaṇ, bhante ti, bhante, etaṇ tiṇakattḥasākhāpalāsaṇ amhākaṇ n' eva attā, na amhākaṇ rūpaṇ, na viññānaṇ ti vadanti. Attaniyaṇ vā ti amhākaṇ cīvarādi-parikkhāro pi na hoti ti attho. Evaṃ eva kho, bhikkhave, yaṇ na tumhākaṇ taṇ pajahathā ti Bhagavā, khandha-paṇcakaṇ yeva na tumhākaṇ ti dassetvā pajahāpeti; taṇ ca kho na uppāṭetvā, luṇcivā vā. Chandarāgavinayena paṇ' etaṇ pajahāpeti. Evaṇ svākkhāto ti ettha tiparivaṭṭato paṭṭhāya yāva imaṇ ṭhānaṇ āharitum pi vaṭṭati; paṭilomena pemamattakena saggapaṛāyaṇato paṭṭhāya yāva imaṇ ṭhānaṇ āharitum pi vaṭṭati.*

47. [141²⁰] *Svākkhāto ti sukathito. Sukathitattā va² uttāno vivaṭo paḃāsito. Pilotikā ti chinnabhinnaṇ, tattha tattha sibbitagaṇṭhikaṇaṇ jīṇṇavatthaṇ. Taṇ yassa n' atthi, aṭṭhahatthaṇ vā navahatthaṇ vā ahaṭasāṭakaṇ³ nivattho, so chinnapilotiko nāma. Ayam pi dhammo tādiso. Na h' ettha kohaṇṇādivasena chinnabhinnasibbitagaṇṭhikata-bhāvo atthi. Api ca kacavaro pi pilotikā ti vuccati. Imasmiṇ ca sāsane samaṇakacavaṛaṇ nāma paṭiṭṭhātuṇ na labbhati. Ten' ev' āha:*

“Kāraṇḃavaṇ⁴ niddhamatha kasambuṇ cāpakaḃḃhatha⁵ tato palāpe⁶ vāhetha assamaṇe samaṇamānine.

Niddhametvāna pāpicche pāpa-ācāragocare

suddhā suddhehi saṇvāsaṇ kappayavho paṭissatā,

tato samaggā nipakā dukkhass' antaṇ karissathā” ti
(Sn. 281-83).

Iti samaṇakacavarassa chinnattā pi ayaṇ dhammo *chinnapilotiko* nāma hoti.

¹ B. S. *add* tasmā.

² B. eva; S. ca.

³ B. S. āhaṭa°.

⁴ B. S. Kāraṇḃaṇ va.

⁵ B. S. cāvakaṣṣatha.

⁶ B. S. palāse.

48. [141²⁶] *Vatṭaṇ tesañ n' atthi paññāpanāyā* ti tesañ vatṭaṇ appaññattikabhāvaṇ gataṇ, nippaññattikaṇ jātaṇ. Evarūpo mahākhīṇāsavo evaṇ svākkhāte sāsane yeva uppajjati. Yathā ca khīṇāsavo, evaṇ anāgāmi-ādayo pi. Tattha *dhammānusārino, saddhānusārino* ti ime dve sotāpattimaggaṭṭhā honti. Yath' āha: "Katamo ca puggalo dhammānusārī? Yassa puggalassa sotāpattiphalasacchikiriyāya paṭipannassa paññindriyaṇ adhimattaṇ hoti paññāvāhī, paññāpubbaṅgamaṇ ariyamaggaṇ bhāveti, ayaṇ vuccati puggalo dhammānusārī. Sotāpattiphalasacchikiriyāya paṭipanno puggalo dhammānusārī; phale tṭhito diṭṭhippatto. Katamo ca puggalo saddhānusārī? Yassa puggalassa sotāpattiphalasacchikiriyāya paṭipannassa saddhindriyaṇ adhimattaṇ hoti saddhāvāhī, saddhāpubbaṅgamaṇ ariyamaggaṇ bhāveti, ayaṇ vuccati puggalo saddhānusārī. Sotāpattiphalasacchikiriyāya paṭipanno puggalo saddhānusārī, phale tṭhito saddhāvimutto" ti (Pug. 15).

49. [142⁷] *Yesañ mayi saddhāmatṭaṇ pemamattaṇ* ti Iminā yesañ añño ariyadhammo n' atthi, Tathāgate pana saddhāmatṭaṇ pemamattam eva hoti, te vipassakapuggalā adhippetā. Vipassakabhikkhūnaṇ hi vipassanaṇ paṭṭhapetvā nisinnānaṇ Dasabale ekā saddhā, ekaṇ pemaṇ uppajjati; tāya saddhāya, tena pemena hatthe gahetvā sagge tṭhapitā viya honti. Niyatagatikā kir' ete. Porāṇakatherā pana evarūpaṇ bhikkhuṇ cūlasotāpanno ti vadanti. Sesañ sabbattha uttānattham evā ti.

Alagaddasuttaṇ dutiyaṇ.

23.

[Vammīkasuttavaṇṇanā]

1. [142¹²] *Evam me sutaṇ* ti Vammīkasuttaṇ. Tattha *āyasmā* ti piyavacanam etaṇ. *Kumārakassapo* ti tassa nāmaṇ. Kumārakāle pabbajitattā pana Bhagavatā, Kassapaṇ pakkosatha, idaṇ phalaṇ vā khādanīyaṇ vā Kassapassa dethā ti vutte, katara-Kassapassā ti, Kumāra-Kassapassā ti evaṇ gahitanāmattā tato paṭṭhāya vuḍḍhakāle pi Kumāra-Kassapo

tv' eva vuccati. Api ca rañño posāvanikaputtattā pi taṇ Kumāra-Kassapo ti sañjāṇiṇsu.

2. Ayaṇ pan' assa pubbayogato paṭṭhāya āvibhāvakathā: Thero kira¹ Padumuttarassa Bhagavato kāle seṭṭhiputto ahosi. Ath' ekadivasaṇ Bhagavantaṇ citrakathīṇ ekaṇ attano sāvakaṇ ṭhānantare ṭhapentaṇ disvā Bhagavato sattāhaṇ dānaṇ datvā, aham pi Bhagavā, anāgate ekassa Buddhassa ayaṇ thero viya citrakathī sāvako bhaveyyan ti patthanaṇ katvā puññāni karonto Kassapassa Bhagavato sāsane pabbajitvā visesaṇ nibbattituṇ nāsakkhi. Tadā kira parinibbutassa Bhagavato sāsane osakkante pañca bhikkhu nisseṇiṇ bandhitvā pabbataṇ āruya² samaṇadhammaṇ akaṇsu. Saṅghatthero tatiyadivase arahattaṇ patto. Anuthero catutthadivase anāgāmī ahosi. Itare tayo visesaṇ nibbattetuṇ asakkontā devaloke nibbattā.

3. Tesaṇ ekaṇ Buddhantaṇ devesu ca manussesu ca sampattiṇ anubhavantānaṇ eko Takkaśilāyaṇ rājakule nibbattitvā Pukkusaṭi nāma rājā hutvā Bhagavantaṇ uddissa pabbajitvā Rājagahaṇ āgacchanto kumbhakārasālāyaṇ Bhagavato dhammadesanaṇ sutvā anāgāmiphalāṇ patto. Eko ekasmiṇ samuddapaṭṭane kulaghare nibbattitvā nāvaṇ āruya bhinnanāvo dāruclāni nivāsetvā lābhasampattiṇ patto, ahaṇ arahā ti cittaṇ uppādetvā, na tvaṇ arahā, gaccha, Satthāraṇ pañhaṇ pucchā ti atthakāmāya devatāya codito tathā katvā arahattaphalaṇ patto. Eko Rājagahe ekissā kuladārikāya kucchimhi uppanno.

4. Sā ca paṭhamaṇ mātāpitāro yācitvā pabbajjaṇ alabhamānā kulagharaṇ gatā gabbhaṇ saṇṭhitam pi ajānanti sāmikaṇ ārādhettvā tena anuññātā bhikkhunīsu pabbajitā. Tassa gabhhanimittaṇ³ disvā bhikkhuniyo Devadattaṇ pucchīṇsu. So assamaṇī ti āha. Dasabalaṇ pucchīṇsu. Satthā Upālitttheraṇ paṭicchāpesi. Thero Sāvattthinagaravāsīni kulāni Visākhaṇ ca upāsikaṇ pakkosāpetvā sodhento, pure laddho gabbho, pabbajjā arogā ti āha. Satthā, suvinicchitaṇ adhikaraṇan ti therassa sādhu-kāraṇ adāsi. Sā bhik-

¹ C. pana.

² B. S. abhiruya.

³ B. S. gabbhinimittaṇ.

khunī suvaṇṇabimbasadisaṇ puttāṇ vijāyi. Taṇ gahetvā rājā Pasenadi Kosalo posāpesi; Kassapo ti c' assa nāmaṇ katvā aparabhāge alaṅkaritvā Satthu santikaṇ netvā pabbājesi. Iti taṇ rañño posāvanikaputtattā pi Kumāra-Kassapo ti sañjāniṇsū ti.

5. [142¹⁴] *Andhavane* ti evannāmake vane. Taṇ kira vanaṇ dvinnaṇ Buddhānaṇ kāle avijahitanāmaṇ Andhavanā tv' eva paññāyati. Tatrāyaṇ paññattivibhāvanā: Appāyuka-Buddhānaṇ hi sarīradhātu na ekaghanā hoti, adhiṭṭhānānubhāvena vipakiriyati. Ten' eva amhākam pi Bhagavā, ahaṇ na ciraṭṭhitiko appakehi sattehi ahaṇ diṭṭho, yehi na diṭṭho, te va bahutarā, te me dhātuyo ādāya tattha tattha pūjentā sagga-parāyanā bhavissanti ti parinibbānakāle attano sarīraṇ vipakiriyatū ti adhiṭṭhāsi. Dīghāyuka-Buddhānaṇ pana suvaṇṇakkhandho viya ekaghanāṇ dhātu-sarīraṇ tiṭṭhati. Kassapassāpi Bhagavato tath' eva aṭṭhāsi.

6. Tato mahājano sannipatitvā, dhātu ekaghanā, na sakkā viyojetuṇ, kiṇ karissāmā ti sammantayitvā, ekaghanam eva cetiyaṇ karissāma, kittakaṇ pana hotū ti, eke sattayojanikaṇ ti āhaṇsu. Etaṇ atimahantaṇ, anāgate jaggituṇ na sakkā, chayojanaṇ hotu, pañcayojanaṇ . . . catuyojanaṇ . . . tiyojanaṇ . . . dviyojanaṇ . . . ekayojanaṇ hotū ti sannitṭhānaṇ katvā, iṭṭhakā kīdisā hotū ti, bāhirante iṭṭhakā rattasuvaṇṇamayā ekaghanā¹ satasahassagghanakā hotu, abbhantarimante paññāsahasahassagghanakā, haritālamānosilāhi mattikākiccaṇ kayiratu,² telena udakakiccaṇ ti niṭṭhaṇ gantvā cattāri mukhāni catudhā vibhajiṇsu. Rājā ekaṇ mukhaṇ gaṇhi; rājaputto Paṭhavindharakumāro ekaṇ; amaccānaṇ jeṭṭhako hutvā senāpati ekaṇ; janapadānaṇ jeṭṭho hutvā seṭṭhī ekaṇ. Tattha dhanasampannatāya rājā³ suvaṇṇaṇ nīharāpetvā attanā gahitamukhe kammaṇ ārabhi, uparājā pi, senāpati pi. Seṭṭhinā gahitamukhe pana kammaṇ oliyati.

7. Tato Sorato nāma eko upāsako tepitako bhāṇako anāgāmi ariyasāvako, so kammaṇ oliyati ti ñatvā pañca sakāṭa-

¹ B. C. ekaghanā.

² B. S. kariyatu.

³ B. S. *add* pi.

satāni yojāpetvā janapadaṇ gantvā, Kassapa-Sammāsambuddho vīsati vassasahassāni tthatvā parinibbuto, tassa yojanikaṇ ratanacetiyaṇ kayirati, yo yaṇ dātuṇ ussahati, suvaṇṇaṇ vā hiraṇṇaṇ vā sattavidharatanaṇ¹ vā haritālaṇ vā manosilaṇ vā, so taṇ detū ti samādapesi. Manussā attano attano thāmena hiraṇṇasuvaṇṇādīni adaṇsu. Asakkontā telataṇḍulādīni denti yeva. Upāsako telataṇḍulādīni kammakārānaṇ bhattavetanatthaṇ pahināti; avasesehi suvaṇṇaṇ cetāpetvā pahināti; evaṇ sakala-Jambudīpaṇ acari. Cetiye kammaṇ niṭṭhitaṇ. Cetiyaṭṭhānato paṇṇaṇ pahinīsu: Niṭṭhitaṇ kammaṇ, ācariyo āgantvā cetiyaṇ vandatū ti. So pi paṇṇaṇ pahinī: Mayā sakala-Jambudīpo samādapito, yaṇ atthi taṇ gahetvā kammaṇ niṭṭhāpentū² ti. Dve pi paṇṇāni antarāmagge samāgacchiṇsu.³ Ācariyassa paṇṇato pana cetiyaṭṭhānato paṇṇaṇ paṭhamatarāṇ ācariyassa hatthaṇ agamāsi.

8. So paṇṇaṇ vācetvā cetiyaṇ vandissāmī ti ekako va nikkhami. Antarāmagge aṭaviyaṇ pañca corasatāni utṭhaṇsu. Tatr' ekacce taṇ disvā, iminā sakala-Jambudīpato hiraṇṇasuvaṇṇaṇ sampiṇḍitaṇ, nidhikumbhī no pavatṭamānā āgatā ti avasesānaṇ ārocetvā taṇ aggahesuṇ. 'Kasmā, tātā, maṇ gaṇhathā' ti? 'Tayā sakala-Jambudīpato sabbaṇ hiraṇṇasuvaṇṇaṇ sampiṇḍitaṇ, amhākam pi thokaṇ dehi' ti. 'Kiṇ tumhe na jānātha, Kassapo Bhagavā parinibbuto, tassa yojanikaṇ ratanacetiyaṇ kayirati, tadatthāya mayā samādapitaṇ, no attano atthāya; taṇ laddhaladdhaṭṭhānato tatth' eva pesitaṇ; mayhaṇ pana nivatthasātakamattaṇ tṭhapetvā aññaṇ vittaṇ⁴ kākaṇikam pi n' atthi' ti. Eke, eva etaṇ, vissajetha ācariyaṇ ti āhaṇsu. Eke, ayaṇ rāja-pūjito amaccapūjito, amhesu kañcid eva nagaravīthiyaṇ disvā rājarājamahāmattādīnaṇ ārocetvā anayavyasanaṇ pāpunāpeyyā ti āhaṇsu. Upāsako, tātā, nāhaṇ evaṇ karissāmī ti āha. Tañ ca kho tesu kāruṇṇena, na attano jīvitānikantiyā.

9. Atha tesu, gahetabbo, vissajjetabbo ti vivadantesu gahetabbo ti laddhikā eva bahutarā hutvā jīvitā voropayiṇsu.

¹ B. S. sattaratanaṇ.

² B. S. niṭṭhapetū.

³ B. S. samāgamiṇsu.

⁴ S. kiñci.

Tesaṇ balavagune ariyasāwake aparādhena nibbutadīpasikhā viya akkhini antaradhāyīsu. Te, kahaṇ bho¹ cakkhuṇ, kahaṇ bho¹ cakkhun ti vippalapantā ekacce nātakehi gehaṇ nītā. Ekacce, no nātakā anāthā ti tatth' eva aṭaviyaṇ rukkhamūle paṇṇasālāyaṇ vasiṇsu. Aṭaviṇ gatamanussā² kāruṇṇena tesaṇ taṇḍulaṇ vā puṭabhattaṇ vā paribbayaṇ vā denti. Dārupaṇṇādīnaṇ atthāya gantvā āgatamanussā, kuhiṇ gat' atthā ti vutte, Andhavanaṇ gat' amhā ti vadanti.

10. Evaṇ dvinnam pi Buddhānaṇ kāle taṇ vanaṇ Andhavanana tv' eva paññāyati. Kassapa-Buddhakāle pan' etaṇ chaḍḍitajanapade aṭavi ahosi. Amhākaṇ Bhagavato kāle Savatthiyā avidūre Jetavanassa piṭṭhibhāge pavivekakāmānaṇ kulaputtānaṇ vasanaṭṭhānaṇ padhānagharaṇ ahosi. Tatth' āyasmā Kumāra-Kassapo tena samayena sekhapatipadaṇ pūrayamāno viharati. Tena vuttaṇ: *Andhavane viharatī* ti.

11. [142¹⁵] *Aññatarā devatā* ti nāmagottavasena apākaṭā ekā devatā ti attho. “Abhiṇānāti no, bhante, Bhagavā, ahunaṇ yeva aññatarassa mahesakkhassa yakkhassa saṅkhittena taṇhāsaṅkhayavimuttiṇ abhāsithā” ti (M. i. 255) ettha pana abhiññāto Sakko pi devarājā aññataro ti vutto. *Devatā* ti ca idaṇ devānam pi devadhītānam pi sādharmaṇa vacanaṇ. Imasmiṇ pan' atthe devo adhippeto.

12. *Abhikkantāya rattiya* ti ettha³ abhikkantasaddo khayasundarābhīrūpa-abbhānumodanādisu dissati. Tattha, “Abhikkantā, bhante, ratti, nikkhanto paṭhamo yāmo, ciranisinno bhikkhusaṅgho; uddisitu, bhante, Bhagavā bhikkhūnaṇ pātimokkhaṇ” ti (A. iv. 204) evam ādisu khaye dissati. “Ayaṇ imesaṇ catunnaṇ puggalānaṇ abhikkantataro ca paṇitataro cā” ti (A. ii. 95) evam ādisu sundare.

“Ko me vandati pādāni iddhiyā yasasā jalaṇ
abhikkantena vaṇṇena sabbā obhāsayaṇ disā” ti

(Vv. 49)

evam ādisu abhirūpe. “Abhikkantaṇ, bho Gotama, abhikkantaṇ, bho Gotamā” ti (M. i. 24) evam ādisu abbhānumodane. Idha pana khaye. Tena abhikkantāya rattiya,

¹ haṇ bho.

² B. S. āgata°.

³ C. S. omit.

parikkhīnāya rattiya ti vuttaṇ hoti. Tatthāyaṇ devaputto majjhimayāmasamanantare āgato ti veditabbo.

13. [142¹⁵] *Abhikkantavaṇṇā* ti idha abhikkantasaddo abhirūpe; vaṇṇasaddo pana chavi-thuti-kulavagga-kāraṇa-saṇṭhāna-ppamāṇa-rūpāyatanaḍḍisū dissati. Tattha, “Suvanṇavaṇṇo ‘si Bhagavā” ti (Sn. 548) evam ādisū chaviyā. “Kadā saṇyūlhā¹ pana te, gahapati, samaṇassa Gotamassa vaṇṇā” ti (M. i. 386) evam ādisū thutiyaṇ. “Cattāro ‘me bho Gotama, vaṇṇā” ti (D. i. 91) evam ādisū kulavagge. “Atha kena nu vaṇṇena gandhattheno ti vuccati” ti (S. i. 204) evam ādisū kāraṇe. “Mahantaṇ hatthirājavaṇṇaṇ abhinimminivā” ti (S. i. 104) evam ādisū saṇṭhāne. “Tayo pattassa vaṇṇā” ti (Vin. iii. 243) evam ādisū pamāṇe. “Vaṇṇo gandho raso ojā” ti () evam ādisū rūpāyatane. So idha chaviyā daṭṭhabbo. Tena abhikkantavaṇṇā, abhirūpacchavi, itṭhavaṇṇā manāpavaṇṇā ti vuttaṇ hoti. Devatā hi manussalokaṇ āgacchamānā pakativāṇaṇ pakati-iddhiṇ pajahitvā olārikaṇ attabhāvaṇ katvā atirekavaṇṇaṇ atireka-iddhiṇ māpetvā naṭasamajjāḍḍini gacchantā manussā viya abhisāṇkhatena kāyena āgacchanti. Ayam pi devaputto tath’ eva āgato. Tena vuttaṇ: *Abhikkantavaṇṇā* ti.

14. [142¹⁶] *Kevalakappaṇ* ti ettha kevalasaddo anavasesa-yebbhuyya-avyāmissānatireka-dalhattha-visaṇyogādi - anekattho. Tathā hi ‘ssa, “Kevalaparipunṇaṇ parisuddhaṇ brahmacariyaṇ” ti (M. i. 401) evam ādisū anavasesattaṇ attho. “Kevalakappā ca Aṅga-Magadhā pahūtaṇ khādanīyaṇ bhōjanīyaṇ ādāya upasāṇkamissanti” ti (Vin. i. 27) evam ādisū yebbhuyyātā. “Kevalassa dukkhakkhandhassa samudayo hoti” ti (Vin. i. 1) evam ādisū avyāmissatā. “Kevalaṇ saddhāmatṭakaṇ nūna ayam āyasmā” ti () evam ādisū anatiṛekatā. “Āyasmato Anuruddhassa Bāhiyo nāma saddhivihāriko kevalakappaṇ saṅghabhedāya tṭhito” ti (A. ii. 239) evam ādisū dalhatthātā. “Kevali vusitavā uttamapuriso ti vuccati” ti (A. v. 16) evam ādisū visaṇyogo. Idha pan’ assa anavasesattam attho ti adhippeto.

15. Kappasaddo panāyaṇ abhisaddhahana - ohāra - kāla-

¹ S. saṇyulhā.

paññatti-chedana-vikappa-lesa-samantabhāvādi-anekattho. Tathā hi 'ssa, "Okappaniyam etaṇ bhoto Gotamassa, yathā taṇ arahato Sammāsambuddhassā" ti (M. i. 249) evaṃ ādisu abhisaddahanam attho. "Anujānāmi, bhikkhave, pañcahi samaṇakappehi phalaṇ paribhuñjitun" ti (Vin. ii. 109) evaṃ ādisu vohāro. "Yena sudaṇ niccakappaṇ viharāmi" ti () evaṃ ādisu kālo. "Icc' āyasmā Kappo" ti (Sn. 1092) evaṃ ādisu paññatti. "Alaṅkatā kappitakeṣamassū" ti () evaṃ ādisu chedanaṇ. "Kappati dvaṅgulakappo" ti (Vin. ii. 294) evaṃ ādisu vikappo. "Atthi kappo nipaj-jitun" ti () evaṃ ādisu leso. "Kevalakappaṇ Ve-luvanaṇ obhāsetvā" ti (S. i. 52) evaṃ ādisu samantabhāvo. Idha paṇ' assa samantabhāvo attho adhippeto. Tasmā, *kevalakappaṇ Andhavanaṇ* ti ettha anavasesaṇ samantato Andhavanaṇ ti evaṃ attho daṭṭhabbo.

16. [142¹⁶] *Obhāsetvā* ti vatthālaṅkārasarīrasamuṭṭhitāya ābhāya pharivā. Candimā viya ca suriyo viya ca ekobhāsaṇ ekapajjotaṇ karitvā ti attho. *Ekam antaṇ atṭhāsī* ti ekasmiṇ ante, ekasmiṇ okāse atṭhāsī. *Etad avocā* ti etaṇ, *bhikkhu bhikkhū* ti ādivacanam avoca. Kasmā paṇāyaṇ avanditvā samaṇavohāren' eva kathetī ti? Samaṇasaññāsamudācā-rena. Evaṇ kir' assa ahoṣi: Ayaṇ antarā kāmāvacare avasi; ahaṇ paṇ' asmi¹ tato kālato paṭṭhāya brahmacārī ti sama-ṇasaññā v' assa samudācarati. Tasmā avanditvā samaṇa-vohāren' eva katheti.

17. Pubbasahāyo kir' eso devaputto therassa. Kuto paṭṭhāyā ti? Kassapa-Sammāsambuddhakālato. Yo hi so pubbayoge āgatesu pañcasu sahāyesu anuthero catuttha-divase anāgāmi ahoṣi ti vutto, ayaṇ so. Tadā kira tesu saṅghattherassa arahatten' eva saddhiṇ abhiññā āgamiṇsu. So, mayhaṇ kiccaṇ matthakaṇ pattan ti vehāsaṇ uppatitvā Anotattadahe mukhaṇ dvovitvā Uttarakuruto piṇḍapātaṇ ādāya āgantvā, āvuso, imaṇ piṇḍapātaṇ bhuñjitvā appe-mattā samaṇadhammaṇ karoṭhā ti āha. Itare āhaṇsu: Na, āvuso, amhākaṇ evaṇ katikā atthi: yo paṭhamaṇ visesaṇ nibbattetvā piṇḍapātaṇ āharati, ten' āhaṇ² bhuñjitvā

¹ B. S. pana tasmiṇ.

² B. ābhaṇ.

sesehi samaṇadhammo kātabbo ti. Tumhe attano upanissayena kiccaṇ matthakaṇ pāpayittha. Mayam pi, sace no upanissayo bhavissati, kiccaṇ matthakaṇ pāpessāma. Papañco esa amhākaṇ. Gacchatha tumhe ti. So yathāphāsukaṇ gantvā āyupariyosāne parinibbāyi.

18. Punadivase anuthero anāgāmiphalaṇ sacchakāsi. Tassa pi¹ abhiññā āgamiṃsu. So pi tath' eva piṇḍapātaṇ āharitvā tehi paṭikkhitto yathāphāsukaṇ gantvā āyupariyosāne Suddhāvāse nibbatti. So Suddhāvāse tthatvā te saḥāye olokento, eko tadā va parinibbuto, eko adhunā Bhagavato santike ariyabhūmiṇ patto, eko lābhasakkāraṇ nissāya, ahaṇ arahā ti cittaṇ uppādetvā Suppārakapaṭṭane vasatī ti disvā taṇ upasaṅkamitvā, na tvaṇ arahā, na arahattamaggaṇ paṭipanno, gaccha Bhagavantaṇ upasaṅkamitvā dhammaṇ sunāhi ti uyyojesi. So pi antaraghare Bhagavantaṇ ovādaṇ yācitvā, "Tasmātiha te, Bāhiya, diṭṭhe diṭṭhamattaṇ hotū " ti (Ud. 8) Bhagavatā saṅkhittena ovadito ariyabhūmiṇ pāpuṇi.²

19. Tato, añño ēko atthi, so kuhin ti olokento Andhavane sekhapatipadaṇ pūrayamāno viharatī ti disvā cintesi: Saḥāyakassa santikaṇ gamissāmi; gacchanto pana tucchahatthena agantvā kiñci paṇṇākāraṇ gahetvā gantuṇ vaṭṭati. Saḥāyo kḥo pana me nirāmiso, pabbatamatthake vasanto³ mayā ākāse tthatvā dinnaṇ piṇḍapātāma pi aparibhuñjitvā samaṇadhammaṇ akāsi; idāni āmisapaṇṇākāraṇ kiṇ gaṇhisati? dhammapaṇṇākāraṇ gahetvā gamissamī ti Brahma-loke tḥito va ratanāvaliṇ ganthento viya pannarasa pañhe vibhajitvā taṇ dhammapaṇṇākāraṇ ādāyā āgantvā saḥāyassa avidūre tthatvā attano samaṇasaññāsamudācāravasena taṇ anabhivādetvā va, *bhikkhu bhikkhū* ti ālapitvā, *ayaṇ vammīko* ti ādim āha.

20. [142¹⁹] Tattha turitālapanavasena *bhikkhu bhikkhū* ti āmenditaṇ veditabbaṇ. Yathā vā eken' eva tilakena nalātaṇ na sobhati; taṇ parivāretvā aññesu pi dinnesu phullitamaṇḍitaṇ viya sobhati; evaṇ eken' eva padena vacanaṇ na

¹ B. S. *omit.*

² B. S. *sampāpuṇi.*

³ S. *adds* so hi.

sobhati, parivārapadena saddhiṃ phullitaṃ maṇḍitaṃ viya sobhati¹ ti¹ parivārapadavasena vacanaṃ phullitamaṇḍitaṃ viya karonto pi² evam āha.

21. [142¹⁹] *Ayaṇ vammiko* ti purato t̥hito vammiko nāma n' atthi, desanāvasena pana purato t̥hitaṃ dassento viya *ayan* ti āha. *Laṅgiṇ* ti satthaṃ ādāya khananto palighaṃ addasa. *Ukkhipa laṅgiṇ*, *abhikkhaṇa*, *sumedhā* ti, tāta paṇḍita, na laṅgi nāma rattiṃ dhūmayati, divā pajjalati, ukkhip' etaṃ,³ parato khaṇā ti evaṃ sabbapadesu attho datṭhabbo. *Uddhumāyikan* ti maṇḍukaṃ. *Caṅgavāraṇ*⁴ ti khārapariessāvanaṃ. *Kumman* ti kacchapaṃ. *Asisūnan* ti maṃsacchedana-siṇ c' eva adhikutṭhanaṃ ca. *Maṃsapesin* ti nisadapotap-pamāna-allamaṃsapinḍaṃ. *Nāgan* ti sumanapupphakalāpasadisamahāphaṇaṃ tividhasovatthikaparikkhittaṃ ahināgaṃ addasa. *Mā nāgaṃ ghaṭṭesi* ti daṇḍakotiyaṃ vā vallikotiyaṃ vā puṇsucuṇṇaṃ vā pana khipamāno mā nāgaṃ ghaṭṭayi. *Namo karohi nāgassā* ti uparivātato apagamma suddhaṃ vatthaṃ nivāsetvā nāgassa namakkāraṃ karohi. Nāgena adhisayitaṃ dhaṇaṃ nāma yāvasattamā kulaparivaṭṭā khādato na khiyati; nāgo te adhisayitaṃ dhaṇaṃ dassati; namo⁵ karohi nāgassā ti. *Ito vā pana sutvā* ti yathā Dukkha-kkhandhe ito ti sāsane nissakkaṃ, na tathā idha. Idha pana devaputte⁶ nissakkaṃ. Tasmā *ito vā panā* ti mama vā pana santikā sutvā ti ayam ettha attho.

22. [144¹] *Cātummahābhūtikassā* ti catumahābhūtama-yassa. *Kāyassa adhivacanan* ti sarīrassa nāmaṃ. Yath' eva hi bāhirako vammiko, vamatī ti vantako ti vantussayo ti vantasinehasambandho ti catuhi kāraṇehi vammiko ti vuccati. So hi ahi-nakula⁷-undūra-gharagolīkādayo nānappakārake pāṇake vamatī ti vammiko; upacikāhi vanto ti vammiko; upacikāhi vamtivā mukhatuṇḍakena ukkhittapaṇsucuṇṇena kaṭippamāṇena pi purisappamāṇena pi ussito ti vammiko;

¹ B. S. *add* taṃ.

² S. *omits*.

³ B. S. *add* paraṃ.

⁴ B. Caṅkavāraṇ; S. Paṅkavāraṇ.

⁵ B. S. tasmā namo.

⁶ C. devaputto.

⁷ B. -maṅkula-.

upacikāhi vantakheḷasinehena ābandhatāya sattāhaṇ¹ deve vassante pi na vippakiriyaṭi, nidāghe pi tato paṇsumuṭṭhiṇ gahetvā tasmiṇ muṭṭhinā pīlayamāne sineho nikkhamati, evaṇ vantasinehasambandho ti vammīko. Evam ayaṇ kāyo pi, “Akkhimhā akkhigūthako” ti (Sn. 197) ādinā nayena nānappakāraṇ asucikalimalaṇ vamaṭi ti vammīko; Buddha-Pacceka-buddha-khīnāsavā imasmiṇ attabhāve nikanti-pari-yādānena attabhāvaṇ chaḍḍetvā gatā ti ariyehi vantako ti pi vammīko. Yehi cāyaṇ tīhi aṭṭhisatehi ussito nahā-rusambandho maṇsāvalepano allacamma-pariyanaddho chavirañjito satte vañceti, taṇ sabbaṇ ariyehi vantam evā ti vantussayo ti pi vammīko. “Taṇhā janeti purisaṇ cittaṃ assa vidhāvati” ti (S. i. 37) evaṇ taṇhāya janitattā ariyehi vanten’ eva taṇhāsinehena sambandho ayaṇ ti vantasinehasambandho ti pi vammīko.

23. Yathā ca vammīkassa anto nānappakārā paṇakā tatth’ eva jāyanti, uccārapassāvaṇ karonti, gilānā sayanti, matā patanti; iti so tesāṇ sūtiḡharaṇ, vaccaḡuṭi, gilānasālā, susānaṇ ca hoti, evaṇ khattiyamahāsālādīnam pi kāyo, ayaṇ gopitarak-khito maṇḍitapasādhito mahānubhāvānaṇ kāyo ti acintetvā chavinissitā paṇā, cammanissitā, maṇsanissitā, nahārunissitā, aṭṭhinissitā, aṭṭhimiñjanissitā paṇā ti evaṇ kulagaṇanāya asītimattāni kimikulasahassāni antokāyasmiṇ yeva jāyanti, uccārapassāvaṇ karonti, gelaññena āturitāni sayanti, matāni patanti; iti ayam pi tesāṇ paṇānaṇ sūtiḡharaṇ, vaccaḡuṭi, gilānasālā, susānaṇ ca hoti ti vammīko tv’ eva saṅkhaṇ gato. Ten’ āha Bhagavā: *Vammīko ti kho, bhikkhu, imass’ etaṇ cātummahābhūtikassa kāyassa adhivaccanaṇ* ti.

24. [144²] *Mātāpettikasambhavassā* ti mātito ca pitito ca nibbattena mātāpettikena sukkasonitena sambhūtaṇ. *Odanakummāsāpacayassā* ti odanena c’ eva kummāsena ca upacitassa, vadḍhitassa. *Aniccucchādana-parimaddana-bhedanuviddhaṇsanadhammassā* ti ettha ayaṇ kāyo hutvā abhāvaṭṭhena aniccadhammo; duggandhavighātanatthāya tanuvilepanena ucchādanadhammo; aṅgapaccaṅgābhādhavinodanatthāya khuddakasambāhanena parimaddanadhammo; da-

¹ B. S. sattasattāhaṇ.

harakāle vā ūrusu sayāpetvā, gabbhavasena vā dussanṭhi-tānaṇ tesan tesan añgānaṇ sanṭhānasampādanatthaṇ añjanapīlanādivasena parimaddanadhammo; evaṇ pariharato pi ca bhedana-viddhaṇsanadhammo. Bhijjati c' eva vikirati ca, evaṇ sabhāvo ti attho. Tattha mātāpettikasambhavadanakummāsūpacaya-ucchādana-parimaddanapadehi samudayo kathito; anicca-bhedana-viddhaṇsanapadehi atthañgamo. Evaṇ sattahi pi padehi catumahābhūtikassa kāyassa uccāvacabhāvo, vaddhiparihāni, samudayatthañgamo kathito ti veditabbo.

25. [144⁴] *Divākammante* ti divā kattabbakammante. *Dhūmāyanā*¹ ti ettha ayaṇ dhūmasaddo kodhe, taṇhāya, vitakke, pañcasu kāmagaṇesu, dhammadesanāya pakatidhūme ti imesu atthesu vattati. “Kodho dhūmo bhasmani mosavajjan” ti (S. i. 169) ettha hi kodhe vattati. “Icchā dhūmayitā sadā” ti (S. i. 40) ettha taṇhāya. “Tena kho pana samayena aññataro bhikkhu Bhagavato avidūre dhūmayanto² nisinno hoti” ti () ettha vitakke.

“Paṇko ca kāmā palipā ca kāmā

bhayaṇ ca metan timūlan pavuttan

rajo ca dhūmo ca mayā pakāsītā

hitvā tuvaṇ pabbaja, Brahmadaṭṭā” ti (Jā. iii. 241).

ettha pañcasu kāmagaṇesu. “Dhūmaṇ kattā hoti” ti (M. i. 222) ettha dhammadesanāya. “Dhaḷo rathassa paññānaṇ dhūmo paññānam aggino” ti (S. i. 42) ettha pakatidhūme. Idha pañāyaṇ vitakke adhippeto. Ten' āha: *Ayaṇ rattin dhūmāyanā* ti.

26. [144⁸] *Tathāgatass' etaṇ adbhivacanan* ti Tathāgato hi sattannaṇ dhammānaṇ bāhitattā brāhmaṇo nāma. Yath' āha: “Sattannaṇ kho, bhikkhu, dhammānaṇ bāhitattā brāhmaṇo hoti. Katamesaṇ sattannaṇ? Rāgo bāhito hoti; doso, moho, māno, sakkāyaditṭhi, vicikicchā, sīlabbataparāmāso bāhito hoti. Imesaṇ kho, bhikkhu, sattannaṇ dhammānaṇ bāhitattā brāhmaṇo hoti” ti (A. iv. 144).

27. [144⁹] *Sumedho* ti supañño.³ *Sekhassā* ti ettha sik-

¹ C. Dhūpāyanā.

² C. dhūpāyanto.

³ B. S. sundarapañño.

khatī ti sekho. Yath' āha: "Sikkhati sikkhatī ti kho, bhikkhu, tasmā sekho ti vuccati. Kiñ ca sikkhati? Adhisīlam pi sikkhati; adhiccittam pi sikkhati; adhipaññam pi sikkhatī" ti (A. i. 231). *Paññāy' etan* ti lokiyalokuttarāya paññāya etaṇ adhivacanaṇ, na āvudhasatthassa. *Viriyaḍrambhassā* ti kāyikacetasikaviriyassa. Taṇ paññāgatikam eva hoti; lokiyāya paññāya lokiyaṇ, lokuttarāya¹ lokuttaraṇ.

28. Ettha pana ayaṇ atthadīpanā: Eko kira jānapado brāhmaṇo pāto va māṇavakehi saddhiṇ gāmato nikhamma divasaṇ araṇṇe maṇṭe vācetvā sāyaṇ gāmaṇ āgacchati. Antarāmagge ca eko vammīko atthi. So rattiṇ dhūmayati,² divā pajjalati. Brāhmaṇo antevasiṇ Sumedhamāṇavakaṇ āha: Tāta, ayaṇ vammīko rattiṇ dhūmayati, divā pajjalati; vikāram assa passissāma; bhinditvā naṇ cattāro koṭṭhāse katvā khipāhī ti. So sādhu ti kuddālaṇ³ gahetvā samehi pādehi paṭhaviyaṇ patitṭhāya tathā akāsi.

29. Tattha ācariyabrāhmaṇo viya Bhagavā. Sumedhamāṇavako viya sekho bhikkhu. Vammīko viya kāyo. Tāta, ayaṇ vammīko rattiṇ dhūmayati, divā pajjalati, vikāram assa passissāma; bhinditvā naṇ cattāro koṭṭhāse katvā khipāhī ti brāhmaṇena vuttakālo viya, bhikkhu, catumahābhūtikaṇ kāyaṇ cattāro koṭṭhāse katvā parigaṇhāhī ti Bhagavatā vuttakālo. Tassa sādhu ti kuddālaṇ³ gahetvā tathākaraṇaṇ viya sekhassa bhikkhuno, yo vīsatiyā koṭṭhāsesu thaddhabhāvo, ayaṇ paṭhavīdhātu, yo dvādasasu koṭṭhāsesu ābandhanabhāvo, ayaṇ āpodhātu, yo catusu koṭṭhāsesu paripācanabhāvo, ayaṇ tejodhātu, yo chasu koṭṭhāsesu vitthambhanabhāvo, ayaṇ vāyodhātū ti evaṇ catudhātuvavatthānavasena kāyapariggaho veditabbo.

30. [144¹³] *Laṅgī ti kho, bhikkhū* ti kasmā Bhagavā avijaṇ laṅgī ti katvā dassesī ti? Yathā hi nagarassa dvāraṇ pidhāya palighe yojite mahājanassa gamanaṇ pacchijjati; ye nagarassa anto, te anto va honti, ye bahi, te bahi yeva; evam eva yassa ṇāṇamukhe avijjālaṅgī patati, tassa nibbāna-sampāpakaṇ ṇāṇagamanaṇ pacchijjati. Tasmā avijjaṇ laṅgī

¹ B. *adds* paññāya; S. lokuttarapaññāya.

² C. dhūpāyati.

³ B. kudālaṇ.

ti katvā dassesi. *Pajaha avijjan* ti ettha kammaṭṭhāna-
uggaha-paripucchāvasena avijjāpahānaṃ kathitaṃ.

31. [144¹⁵] *Uddhumāyikā ti kho, bhikkhū* ti ettha uddhumā-
yikamaṇḍūko nāma no mahanto; nakhapitṭhippamāṇo hoti;
purāṇapaṇṇantare vā gacchantare vā valli-antare vā vasati.
So daṇḍakoṭiyā vā vallikoṭiyā vā paṇsucunnakena vā ghaṭ-
ṭito āyamitvā mahanto parimaṇḍalo beluvapakappamāṇo
hutvā cattāro pāde ākāse katvā pacchinnagamano hutvā
amittavaśaṃ yāti; kākakulalādīnaṃ bhattam eva hoti. Evam
eva ayaṃ kodho pi paṭhamāṃ uppajjanto cittāvilamattako va
hoti. Taṃ iṃ khāṇe aniggahito vaḍḍhitvā mukhāvikuñca-
naṃ¹ pāpeti. Tadā aniggahito hanusañcōpanaṃ pāpeti. Tadā
aniggahito pharusavācānicchāraṇaṃ pāpeti. Tadā anigga-
hito disāvīlokaṇaṃ pāpeti. Tadā aniggahito ākaḍḍhanapari-
kaḍḍhanaṃ pāpeti. Tadā aniggahito pāṇi-leddu-daṇḍa-sa-
thaparāmāsaṃ pāpeti. Tadā aniggahito daṇḍasatthābhini-
pātaṃ pāpeti. Tadā aniggahito paraḡhātanaṃ pi attaghāta-
naṃ pi pāpeti. Vuttam pi h' etaṃ²: “Yato ayaṃ kodho paraṃ
ghātetvā attānaṃ ghāteti, ettāvata 'yaṃ kodho paramussa-
dagaṭo hoti, paramavepullappatto” ti ().

32. Tattha yathā uddhumāyikāya catusu pādesu ākāsa-
tesu gamanaṃ pacchijjati; uddhumāyikā amittavaśaṃ gantvā
kākādiḡbhattaṃ hoti; evam eva kodhasamaṅgī puggalo kam-
maṭṭhānaṃ gahetvā vaḍḍhetuṃ na sakkoti, amittavaśaṃ yāti,
sabbesaṃ mārānaṃ yathākāmakaraṇiyo hoti. Ten' āha Bha-
gavā: *Uddhumāyikā ti kho, bhikkhu, kodhūpāyāsass' etaṃ*
adhivacanaṃ ti. Tattha balappatto kodho va *kodhūpāyāso*.
Pajaha kodhūpāyāsaṃ ti ettha paṭisaṅkhāpahānaṃ³ kathitaṃ.

33. [144¹⁸] *Dvedhāpatho* ti ettha yathā puriso sadhano
sabhogo kantāramaggaṇipanno⁴ dvedhāpathaṃ patvā iminā
nu kho gantabbaṃ, iminā gantabbaṃ ti nicchetuṃ asakkoṇto
tatth' eva tiṭṭhati. Atha naṃ corā utṭhahitvā anayavyasa-
naṃ pāpenti. Evam eva mūlakammaṭṭhānaṃ gahetvā ni-
sinno bhikkhu Buddhādisu kaṅkhāya uppannāya kammaṭ-

¹ B. S. °vikulanaṃ.

² S. c' etaṃ.

³ B. paṭisaṅkhānappahānaṃ.

⁴ B. S. kantāraddhānamagga°.

ṭhānaṃ vaḍḍhetuṃ na sakkoti. Atha naṃ kilesamārādayo sabbe mārā anayavyasanaṃ pāpenti. Iti vicikicchā dvedhā-pathasamā hoti. Ten' āha Bhagavā: *Dvedhāpatho ti kho, bhikkhu, vicikicchā' etaṃ adhiṇvācānaṃ ti. Pajaha vicikicchānaṃ ti ettha kammaṭṭhāna-uggaha-paripucchāvasena vicikicchā-pahānaṃ kathitaṃ.*

34. [144²¹] *Caṅgavāraṇa*¹ ti ettha, yathā rajakehi khāra-parissāvanamhi udake pakkhitte eko pi² udakaghaṭo, dve pi, dasa pi, vīsati pi, ghaṭasatam pi paggharati yeva; pasatamat-tam pi udakaṃ na tiṭṭhati. Evam eva nīvaraṇasamaṅgino puggalassa abbhantare kusaladhammo na tiṭṭhati. Ten' āha Bhagavā: *caṅgavāraṇa ti kho, bhikkhu, pañcānaṃ etaṃ nīvaraṇānaṃ adhiṇvācānaṃ ti. Pajaha pañca nīvaraṇaṃ ti ettha vik-khambhana-tadaṅgavasena nīvaraṇappahānaṃ kathitaṃ.*

35. [144²⁰] *Kummo* ti ettha, yathā kacchapassa³ cattāro pādā sīsaṃ ti pañc' eva aṅgāni honti, evam eva sabbe pi saṅkhatā dhammā saṅgayhamānā pañc' eva khandhā bhavanti. Ten' āha Bhagavā: *Kummo ti kho, bhikkhu, pañcānaṃ etaṃ upādānakkhandhānaṃ adhiṇvācānaṃ ti. Pajaha pañcu-pādānakkhandhe ti ettha pañcasu khandhesu chandarāgappahānaṃ kathitaṃ.*

36. [144³¹] *Asisūnā* ti ettha yathā sūnāya upari maṇsaṃ ṭhapetvā asinā koṭṭenti, evam ime sattā vatthukāmatthāya kilesakāmehi ghātiyamānā vatthukāmaṇaṃ uparikatvā kilesakāmehi kantitā koṭṭitā ca honti. Ten' āha Bhagavā: *Asisūnā ti kho, bhikkhu, pañcānaṃ etaṃ kāmaguṇānaṃ adhi-vācānaṃ ti. Pajaha pañca kāmaguṇaṃ ti ettha pañcasu kāmaguṇesu chandarāgappahānaṃ kathitaṃ.*

37. [145³] *Maṇsapesi* ti kho, *bhikkhū* ti ettha ayaṃ maṇsapesi nāma bahujanapatthitā. Khattiyādayo manussā pi naṃ patthenti, kākādayo tiracchānā pi. Ime hi sattā avijjāsam-mattā⁴ nandirāgaṃ upagamma vaṭṭaṃ patthenti.⁵ Yathā vā maṇsapesi ṭhapitaṭṭhapitaṭṭhāne laggati, evam ime sattā nandirāgabandhā vaṭṭe lagganti; dukkhaṃ patvā pi na

¹ B. Caṅkavāraṇa; S. Paṅkavāraṇa.

² B. S. omī.

³ C. kummassa.

⁴ S. °samannāgatā.

⁵ B. vaḍḍhenti.

ukkaṇṭhanti. Iti nandirāgo maṇsapesisadiso hoti. Ten' āha Bhagavā: *Maṇsapeṣī ti kho, bhikkhu, nandirāgass' etaṇ adhi-vacanan ti. Pajaha nandirāgan ti ettha catutthamaggena nandirāgappahānaṇ kathitaṇ.*

38. [145⁵] *Nāgo ti kho, bhikkhu, khīṇāsavass' etaṇ bhikkhuno adhi-vacanan ti ettha yen' atthena khīṇāsavo nāgo ti vuccati, so Anaṅgaṇasutte pakāsito va. Namokaroḥi nāgassā ti khīṇāsavassa Buddhanāgassa, "Buddho so Bhagavā bodhāya dhammaṇ deseti. Danto so Bhagavā damathāya dhammaṇ deseti. Santo so Bhagavā samathāya dhammaṇ deseti. Tiṇṇo so Bhagavā taraṇāya dhammaṇ deseti. Parinibbuto so Bhagavā parinibbānāya dhammaṇ deseti"* ti () evaṇ namakkāraṇ karohi ti ayam ettha attho.

39. [145⁶] Iti idaṇ suttaṇ therassa kammaṭṭhānaṇ ahosi. Thero pi idam eva suttaṇ kammaṭṭhānaṇ katvā vipassanaṇ vaḍḍhetvā arahattaṇ patto. *Ayam etassa attho ti ayaṇ etassa pañhassa attho. Iti Bhagavā ratanarāsīmhi kūṭaṇ gaṇhanto viya yathānusandhinā va desanaṇ niṭṭhāpesi ti.*

Vammīkasuttaṇ tatiyaṇ.

24.

[Rathavinītasuttavaṇṇanā]

1. [145¹²] *Evam me sutan ti Rathavinītasuttaṇ. Tattha Rājagahe ti evannāmake nagare. Taṇ hi Mandhātu-Mahāgovindādīhi pariggahītattā Rājagahan ti vuccati. Aññe p' ettha nānappakāre vaṇṇayanti. Kiṇ tehi? Nāmam etaṇ tassa nagarassa. Taṇ pan' etaṇ Buddhakāle ca cakkavattikāle ca nagaraṇ hoti; sesakāle suññaṇ hoti, yakkhapariggahitaṇ; tesāṇ vasantavanaṇ¹ hutvā tiṭṭhati. Veluvane Kalandakanivāpe ti Veluvanan ti tassa uyyānassa nāmaṇ. Taṇ kira velūhi parikkhittaṇ ahosi, aṭṭhārasahatthena ca pākārena; gopuraṭṭālakayuttaṇ, nīlobhāsaṇ, manoramaṇ; tena Veluvanan ti vuccati. Kalandakānañ c' ettha nivāpaṇ adaṇsu; tena Kalandakanivāpo ti vuccati.*

2. Pubbe kira aññataro rājā tattha uyyānakīlanatthaṇ

¹ B. S. vasanavanaṇ.

āgato surāmadena matto divāseyyaṇ upagato supi. Parijano pi 'ssa, sutto rājā ti pupphaphalādīhi palobhiyamāno ito c' ito ca pakkāmi. Atha surāgandhena aññatarasmā susirarukkhā kaṇhasappo nikkhamitvā rañño abhimukho āgacchati. Taṇ disvā rukkhadevatā, rañño jīvitaṇ dammī ti kaḷakavesena āgantvā kaṇṇamūle saddam akāsi. Rājā paṭibujji. Kaṇhasappo nivatto. So taṇ disvā, imāya kālakāya¹ mama jīvitaṇ dinnan ti kālakānaṇ tattha nivāpaṇ paṭṭhapesi, abhayaḡhosanaṇ ca ḡhosāpesi. Tasmā taṇ tato pabhuti Kalandakanivāpan ti saṅkhaṇ gataṇ. Kalandakā ti hi kaḷakānaṇ nāmaṇ.

3. [145¹⁴] *Jātibhūmikā* ti Jātibhūminivāsino. Tattha Jātibhūmī ti jātaṭṭhānaṇ. Taṇ kho pan' etaṇ n' eva Kosalamahārājādīnaṇ, na Caṅkibrāhmaṇādīnaṇ, na Sakka-Suyāma-Santusitādīnaṇ, na asītimahāsāvakādīnaṇ, na aññesaṇ sattānaṇ jātaṭṭhānaṇ Jātibhūmī ti vuccati. Yassa pana jātadivase dasasahassī lokadhātu ekaddhajamālā vipakīṇṇakusumavāsacunṇagandhasugandhā, sabbaphāliphullam iva Nandanavanaṇ virocamānā, paduminipaṇṇe udakabindu viya akampittha; jaccandhādīnaṇ ca rūpadassanādīni anekāni pāṭihāriyāni pavattiṇsu; tassa sabbaññu-Bodhisattassa jātaṭṭhānaṇ Sākiyajanapade Kapilavatthāḡāro² Jātibhūmī ti vuccati. *Vassaṇ vutthā* ti temāsaṇ vassaṇ vutthā pavāritapavāraṇā hutvā.

4. [145¹⁷] *Bhagavā etad avocā* ti, kacci, bhikkhave, khamaniyaṇ ti ādīhi vacanehi āgantukapaṭisanthāraṇ katvā etaṇ, *ko nu kho, bhikkhave* ti ādivacanam avoca. Te kira bhikkhu, kacci, bhikkhave, khamaniyaṇ, kacci 'ttha appakilamathena addhānaṇ āgatā, na ca piṇḡakena kilamittha, kuto ca tumhe, bhikkhave, āgacchathā ti paṭisanthāravasena pucchitā Bhagavā, Sākiyajanapade Kapilavatthāḡārato Jātibhūmito āgacchāmā ti āhaṇsu. Atha Bhagavā n' eva Suddhodanamahārājassa, na Sukkodanassa, na Sakkodanassa, na Dhotodanassa, na Amitodanassa, na Amitāya deviyā, na Mahāpajāpatiyā, na sakalassa Sākiyamaṇḡdalassa ārogyaṇ pucchi. Atha kho attanā ca dasakathāvatthulābhīṇ paraṇ ca tattha samāda-

¹ B. S. *omit.*² B. S. °vatthahāro.

petāraṇ paṭipattisampannaṇ bhikkhuṇ pucchanto idaṇ, *ko nu kho, bhikkhave* ti ādivacanaṇ avoca.

5. Kasmā pana Bhagavā Suddhodaṇādīnaṇ ārogyaṇ apuc-chitvā evarūpaṇ bhikkhum eva pucchati? Piyatāya. Bud-dhānaṇ hi paṭipannakā bhikkhū bhikkhuniyo, upāsakā upāsikāyo ca piyā honti manāpā. Kiṇ kāraṇā? Dham-magarutāya. Dhammagaruno hi Tathāgatā. So ca nesaṇ dhammagarubhāvo, “Dukkhaṇ kho agāravo viharati, appa-tisso” ti (A. ii. 20) iminā Ajapālanigrodhamūle uppanna-jhāsayena veditabbo.

6. Dhammagarutāy’ eva hi Bhagavā Mahā-Kassapaṭṭheras-sa abhinikkhamanadivase paccuggamaṇaṇ karonto tigāvutaṇ maggaṇ agamāsi. Atirekatīyojanasataṇ¹ gantvā Gaṅgātīre dhammaṇ desetvā Mahā-Kappinaṇ sapariṣaṇ arahatte paṭiṭṭhāpesi. Ekasmiṇ pacchābhatte pañcaccattālisayojanamaggaṇ gantvā kumbhakāranivesane tiyāmarattiṇ dhammakathaṇ katvā Pukkusāti-kulaputtaṇ anāgāmiphale paṭiṭṭhāpesi. Vi-saṇyojanasataṇ gantvā Vanavāsisaṇerassa anuggahaṇ akāsi. Satthīyojanamaggaṇ gantvā Khadiravanīyatherassa dhammaṇ desesi. Anuruddhatthero Pācīnavaṇsamigadāye nisinno mahāpurisavittakkaṇ vitakketi ti ñatvā ākāseṇa gantvā therassa purato oruyha sādhu-kāraṇ adāsi. Kuṭikanṇa-Soṇattherassa ekagandhakūṭiyaṇ senāsaṇaṇ paññāpetvā paccūsakāle dhammadesanaṇ ajjhesitvā sarabhaññāpariyosāne sādhu-kāraṇ adāsi. Tigāvutaṇ maggaṇ gantvā tiṇṇaṇ kula-puttānaṇ vasaṇatṭhāne Gosīṅgaśālavane sāmaggirasānisaṇsaṇ kathesi.

7. Kassaṇ pi Bhagavā, anāgāmiphale paṭiṭṭhito ariyaśā-vako ayan ti vissāsaṇ uppādetvā Ghaṭikāraṇsa kumbhakā-rassa nivesanaṇ gantvā sahatthā āmiṣaṇ gahetvā paribhuñji. Amhākaṇ yeva Bhagavā upakaṭṭhāya vassūpanāyikāya Jetavanato bhikkhusaṅghaparivuto cārikaṇ nikkhami. Ko-salamahārāja-Anāthapiṇḍikādayo nivattetuṇ nāsa-kkhiṇsu. Anāthapiṇḍiko gharaṇ āgantvā domanassappatto nisīdi. Atha naṇ Puṇṇā nāma dāsi, domanassappatto ’si sāmī ti āha. ‘Āma je, Satthāraṇ nivattetuṇ nāsa-kkhiṇ; atha me,

¹ B. *cadd*s maggaṇ.

imaṇ temāsaṇ dhammaṇ vā sotuṇ, yathādhippāyaṇ vā dānaṇ dātuṇ na labhissāmi ti cintā uppannā' ti. 'Ahaṇ, sāmi, Satthāraṇ nivattessāmi' ti. 'Sace nivattetuṇ sakkosi, bhujissā yeva tvaṇ' ti. Sā gantvā Dasabalassa pādamūle nipajjitvā, nivattatha Bhagavā ti āha. 'Puṇṇe, tvaṇ para-paṭibaddhajivikā, kiṇ me karissasi' ti. 'Bhagavā, mayhaṇ deyyadhammo n' atthi ti tumhe pi jānātha. Tumhākaṇ nivattanapaccayā panāhaṇ tīsu saraṇesu pañcasu sīlesu paṭiṭṭhahissāmi' ti. Bhagavā, sādhu¹ Puṇṇe ti sādhu-kāraṇ datvā nivattitvā Jetavanam eva pavatṭho. Ayaṇ kathā pākataḥ ahoṣi. Setṭhi sutvā, Puṇṇāya kira Bhagavā nivattito ti taṇ bhujissaṇ katvā dhītiṭṭhāne² ṭhapesi. Sā pabbajjaṇ yācitvā pabbaji; pabbajitvā vipassanaṇ ārabhi. Ath' assā Satthā āradhavipassakabhāvaṇ ṇatvā imaṇ obhāsagāthaṇ vissajjesi:

“Puṇṇe pūresi saddhammaṇ cando pannaraso yathā
paripuṇṇāya paṇṇāya dukkhass' antaṇ karissasi” ti
(Th. ii. 123).

Sā gāthāpariyosāne arahattaṇ patvā abhiññatā sāvikaḥ ahoṣi. Evaṇ dhammagaruno Tathāgatā.

8. Nandakatthere³ upaṭṭhānasālāyaṇ dhammaṇ desente pi Bhagavā anahāto va gantvā tiyāmarattiṇ ṭhitako va dhammakathaṇ sutvā desanāpariyosāne sādhu-kāraṇ adāsi. Thero āgantvā vanditvā, kāya velāya, bhante, āgat' atthā ti pucchi. 'Tayā suttante āradddhamatte' ti. 'Dukkarāṇ karittha, bhante; Buddhasukhumalā tumhe' ti. Sace tvaṇ, Nandaka, kappāṇ desetūṇ sakkuṇeyyāsi, kappamattam p' ahaṇ ṭhitako va suṇeyyan ti Bhagavā avoca. Evaṇ dhammagaruno Tathāgatā. Tesāṇ dhammagarutāya paṭipannakā piyā honti; tasmā paṭipannake pucchanti.⁴

9. Paṭipannako ca nāma, attahitāya paṭipanno no parahitāya, parahitāya paṭipanno no attahitāya, attahitāya ca paṭipanno parahitāya ca, n' eva attahitāya paṭipanno no parahitāyā ti catubbidho hoti. Tattha, yo sayāṇ dasaka-thāvatthulābhī hoti, paraṇ tattha na ovadati, āyasmā Bak-

¹ B. *adds* sādhu.

³ B. S. Nandatthere.

² B. S. dhītu°.

⁴ B. S. pucchi.

kulo viya, ayaṇ attahitāya paṭipanno nāma no parahitāya. Evarūpaṇ bhikkhuṇ Bhagavā na pucchati. Kasmā? Na mayhaṇ sāsanaṇa vaddhipakkhe ṭhito ti. Yo pana dasannaṇ kathāvatthūnaṇ alābhī paraṇ tehi ovaḍati, tena katavatta-sādiyanatthaṇ, Upanando Sakyaputto viya, ayaṇ parahitāya paṭipanno nāma no attahitāya. Evarūpam pi na pucchati. Kasmā? Assa taṇhā mahāpacchi viya appahīnā ti. Yo attanā pi dasannaṇ kathāvatthūnaṇ alābhī, param pi tehi na ovaḍati, Lāḷudāyī viya, ayaṇ n' eva attahitāya paṭipanno no parahitāya. Evarūpam pi na pucchati. Kasmā? Assa anto kilesā pharasucchejjā viya mahantā ti. Yo pana sayāṇ dasannaṇ kathāvatthūnaṇ lābhī param pi tehi ovaḍati, ayaṇ attahitāya c' eva parahitāya ca paṭipanno nāma, Sāriputta-Moggallāna-Mahā-Kassapādayo asīti mahātherā viya. Evarūpaṇ bhikkhuṇ pucchati. Kasmā? Mayhaṇ sāsanaṇa vaddhipakkhe¹ ṭhito ti. Idhāpi evarūpam eva pucchanto, *ko nu kho, bhikkhave* ti ādim āha.

10. Evaṇ Bhagavatā puṭṭhānaṇ² pana tesāṇ bhikkhūnaṇ, Bhagavā attano jātibhūmiyaṇ ubhayahitāya paṭipannaṇ dasakathāvatthulābhīṇ bhikkhuṇ pucchati, ko nu kho tattha evarūpo ti na aññamaññaṇ cintanā vā sammantaṇā vā ahosi. Kasmā? Āyasmā hi Mantāniputto tasmiṇ janapade ākāsa-majjhe ṭhito cando viya suriyo viya ca pākato paññāto. Tasmā te bhikkhū meghasaddaṇ sutvā ekajjhaṇ sannipātita-moraghaṭā viya, ganasajjhāyaṇ kātuṇ āraddhabhikkhū viya ca attano ācariyaṇ Punnattheraṇ Bhagavato ārocentā therassa guṇaṇ bhāsituṇ appahontena mukhena ekappahāren' eva, *Punno nāma, bhante, āyasmā* ti ādim āhaṇsu.

11. [146¹] Tattha *Punno* ti tassa therassa nāmaṇ. Mantāniya pana so putto; tasmā *Mantāniputto* ti vuccati. *Sambhāvito* ti guṇasambhāvanāya sambhāvito. *Appiccho* ti icchā-virahito, niccho, nittanho. Ettha hi byañjanaṇ sāvasesaṇ viya, attho pana niravaseso. Na hi tassa anto anumattā pi appikā icchā nāma atthi. Khīṇāsavo h' esa sabbaso pahīnatanho. Api c' ettha atricchatā, pāpicchatā, mahicchatā, appicchatā ti ayaṇ bhedo veditabbo.

¹ B. S. vuddhi°.² C. *adds* hi.

12. Tattha sakalābhe atittassa paralābhapatthanā atricchatā nāma. Tāya samannāgatassa ekabhājane pakkapūvesu attano patte patito na supakko viya khuddako viya khāyati. Sv' eva parassa patte pakkhitto supakko viya mahanto viya ca khāyati.

13. Asantagunapabhāvanatā¹ pana, paṭiggahane ca amattaññutā pāpicchatā nāma. Sā, "Idh' ekacco assaddho samāno saddho ti maṇ jano jānātū" ti (Vbh. 351) ādinā nayena Abhidhamme āgatā yeva. Tāya samannāgato puggalo kohaṇṇe patiṭṭhāti.

14. Santagunapabhāvanatā² pana paṭiggahane ca amattaññutā mahicchatā nāma. Sā pi, "Idh' ekacco saddho samāno saddho ti maṇ jano jānātū ti icchati, sīlavā samāno sīlavā ti maṇ jano jānātū" ti () iminā nayena āgatā yeva. Tāya samannāgato puggalo dussantappiyo hoti. Vijātamātā pi 'ssa cittaṇ gaheṭṭuṇ na sakkoti. Ten' ev' etaṇ vuccati:

"Aggikkhandho samuddo ca mahiccho cāpi puggalo sakatena paccayaṇ dentu³ tayo p' ete atappiyā" ti ().

15. Santagunagūhanatā pana paṭiggahane ca mattaññutā appicchatā nāma. Tāya samannāgato puggalo attani vijjāmānam pi guṇaṇ paṭicchādetukāmatāya saddho samāno saddho ti maṇ jano jānātū ti na icchati, sīlavā . . . pavivitto . . . bahussuto . . . āradhaviṛiyo . . . samādhissampanno . . . pañṇavā . . . khīṇāsavo samāno khīṇāsavo ti maṇ jano jānātū ti na icchati. Seyyathā pi Majjhantikatthero.⁴ Thero kira mahākhīṇāsavo ahosi. Pattacīvaraṇ pan' assa pādamattam eva agghati. So Asokassa dhammaraṇṇo vihāramahadivase saṅghatthero ahosi. Ath' assa atilūkhabhāvaṇ disvā manussā, bhante, thokaṇ bahi hothā ti āhaṇsu. Thero, mādisse khīṇāsavo raṇṇo saṅghaṇ akaronte aṇṇo ko karissatī ti paṭhaviyaṇ nimujjitvā saṅghattherassa ukkhitapindaṇ gaṇhanto yeva ummujji. Evaṇ khīṇāsavo samāno khīṇāsavo ti maṇ jano jānātū ti na icchati. Evaṇ appiccho pana bhikkhu anuppannaṇ lābhaṇ uppādeti, uppannaṇ thāvaraṇ karoti, dāyakānaṇ cittaṇ ārādheti. Yathā yathā

¹ B. S. °sambhāvanatā.

² B. S. °sambhāvanā.

³ B. S. detu.

⁴ B. S. add viya.

hi so attano appicchatāya appaṇ gaṇhāti, tathā tathā 'ssa vatte pasannā manussā bahuṇ denti.

16. Aparo pi catubbidho appiccho: paccayappiccho, dhutaṅgappiccho, pariyatti-appiccho, adhigamappiccho ti. Tattha catusu paccayesu appiccho paccayappiccho nāma. So dāyakassa vasaṇ jānāti, deyyadhammassa vasaṇ jānāti, attano thāmaṇ jānāti. Yadi hi deyyadhammo bahu hoti, dāyako appaṇ dātukāmo, dāyakassa vasena appaṇ gaṇhāti. Deyyadhammo appo, dāyako bahuṇ dātukāmo, deyyadhammassa vasena appaṇ gaṇhāti. Deyyadhammo pi bahu, dāyako pi bahuṇ dātukāmo, attano thāmaṇ fiatvā pamānen' eva gaṇhāti. Dhutaṅgasamādānassa attani atthibhāvaṇ ajānāpetukāmo¹ dhutaṅgappiccho.

17. Tassa vibhāvanatthaṇ² imāni vatthūni. Sosānika-Mahā-Kumāratthero³ kira saṭṭhi vassāni susāne vasi. Añño ekabhikkhu pi na aññasi. Ten' ev' āha:

“Susāne saṭṭhi vassāni abbokiṇṇaṇ vasām' ahaṇ

dutiyo maṇ na jāneyya aho sosānikuttamo” ti ().

Cetiyapabbate dve bhātikatherā vasiṇsu. Kaniṭṭho upatṭhākena pesitā ucchukhaṇḍikā gahetvā jeṭṭhassa santikaṇ agamāsi, paribhogaṇ, bhante, karoṭhā ti. Therassa ca bhat-takiccaṇ katvā mukhavikkhālanakālo ahosi. So, alaṇ āvuso ti āha. ‘Kacci, bhante, ekāsanik’ atthā’ ti? ‘Āhar’ āvuso, ucchukhaṇḍikā’ ti paññāsa vassāni ekāsaniko samāno pi dhutaṅgaṇ nigūhamāno paribhogaṇ katvā mukhaṇ vikkhāletvā puna dhutaṅgaṇ adhiṭṭhāya gato.

18. Yo pana Sāketaka-Tissatthero viya bahussutabhāvaṇ jānāpetuṇ na icchatī, ayaṇ pariyatti-appiccho nāma. Thero kira, khaṇo n' atthī ti uddesaparipucchāsu okāsaṇ akaronto, maraṇakkhaṇaṇ, bhante, labhissathā ti codito gaṇaṇ vissaj-jetvā Kaṇikāravālikasamuddavihāraṇ gato. Tattha anto-vassaṇ thera-nava-majjhimānaṇ upakāro hutvā mahāpa-vāraṇāya uposathadivase dhammakathāya janapadaṇ⁴ kho-bhetvā gato. Yo pana sotāpannādisu aññataro hutvā sotāpannādhivāvaṇ jānāpetuṇ na icchatī, ayaṇ adhigama-

¹ B. S. na jānāpetu°.

² C. vibhāvatthaṇ.

³ B. S. -Mahā-Sumatthero.

⁴ B. S. janataṇ.

piccho nāma. Tayo kulaputtā viya, Ghaṭṭikara¹-kumbhakāro viya ca.

19. Āyasmā pana Puṇṇo atricchataṇ, pāpicchataṇ, mahicchataṇ ca pahāya sabbaso icchāya paṭipakkhabhūtāya alobhasaṅkhātāya parisuddhāya appicchatāya samannāgatattā appiccho nāma ahosi. Bhikkhūnam pi, āvuso, atricchatā, pāpicchatā, mahicchatā ti ime dhammā pahātābbā ti tesu ādīnavaṇ dassetvā, evarūpaṇ appicchataṇ samādāya vattitabban ti appicchakathaṇ kathesi. Tena vuttaṇ: *Attanā ca appiccho, appicchakathaṇ ca bhikkhūnaṇ kattā* ti.

20. [145²⁰] Idāni *attanā ca santuṭṭho* ti ādisu visesattham eva dīpayissāma. Yojanā pana vuttanayen' eva veditābbā. *Santuṭṭho* ti itaritarapaccayasantosa samannāgato. So pan' esa santoso dvādasavidhō hoti. Seyyathīdaṇ: cīvare² yathālābhasantoso, yathābalasantoso, yathasārappasantoso ti tividhō. Evaṇ piṇḍapātādisu.

21. Tassāyaṇ pabhedasaṇvannanā: Idha bhikkhu cīvaraṇ labhati, sundaraṇ vā asundaraṇ vā. So ten' eva yāpeti, aññaṇ na pattheti, labhanto pi na gaṇhāti. Ayam assa cīvare yathālābhasantoso. Atha yo³ pakatidubbalo vā hoti, ābādhajarābhibhūto vā, garucīvaraṇ pārupanto kilamati, so sabhāgena bhikkhunā saddhiṇ taṇ parivattetvā lahukena yāpento pi santuṭṭho va hoti. Ayam assa cīvare yathābalasantoso. Aparo paṇītapaccayaalābhī hoti. So paṭṭacīvarādīnaṇ⁴ aññataṇ mahagghaṇ cīvaraṇ, bahūni vā pana cīvarāni labhitvā, idaṇ therānaṇ cirapabbajitānaṇ,⁵ idaṇ bahusutānaṇ anurūpaṇ, idaṇ gilānānaṇ, idaṇ appalābhānaṇ hotū ti datvā tesāṇ purāṇacīvaraṇ vā saṅkārakūṭādīto vā pana nantakāni uccinitvā tehi saṅghāṭiṇ katvā dhārento pi santuṭṭho va hoti. Ayam assa cīvare yathāsārappasantoso.

22. Idha pana bhikkhu piṇḍapātaṇ labhati, lūkhaṇ vā paṇītaṇ vā. So ten' eva yāpeti, aññaṇ na pattheti, labhanto pi na gaṇhāti. Ayam assa piṇḍapāte yathālābhasantoso. Yo pana attano pakativiruddhaṇ vā byādhiviruddhaṇ vā

¹ B. S. Ghaṭṭikāra°.

² B. S. *add* tāva.

³ B. so.

⁴ B. paṭṭuṇṇa°; S. pattuṇṇa°.

⁵ S. *adds* anurūpaṇ.

piṇḍapātaṇ labhati, yen' assa paribhuttana aphāsu hoti, so sabhāgassa bhikkhuno taṇ datvā tassa hatthato sappāyabhojanaṇ bhuñjitvā samaṇadhammaṇ karonto pi santuṭṭho va hoti. Ayam assa piṇḍapāte yathābalasantoso. Aparo bahuṇ paṇītapīṇḍapātaṇ labhati. So taṇ cīvaraṇ viya cirapabbajita-bahussuta-appalābhi-gilānānaṇ datvā tesāṇ vā santaṇ, piṇḍāya vā caritvā missakāhāraṇ bhuñjanto pi santuṭṭho va hoti. Ayam assa piṇḍapāte yathāsārūppasantoso.

23. Idha pana bhikkhu senāsanaṇ labhati, manāpaṇ vā amanāpaṇ vā. So tena n' eva somanassaṇ, na paṭighaṇ uppādeti; antamaso tiṇasanthārakenāpi yathāladdhen' eva tussati. Ayam assa senāsane yathālābhasantoso. Yo pana attano pakativiruddhaṇ vā byādhiviruddhaṇ vā senāsanaṇ labhati, yatth' assa vasato aphāsu hoti, so taṇ sabhāgassa bhikkhuno datvā tassa santake sappāyaseṇāsane vasanto pi santuṭṭho va hoti. Ayam assa senāsane yathābalasantoso. Aparo mahāpuñño leṇa-maṇḍapa-kūṭāgārādīni bahūni paṇītasenāsānāni labhati. So tāni cīvarādīni viya cirapabbajita-bahussuta-appalābha-gilānānaṇ datvā yattha katthaci vasanto pi santuṭṭho va hoti. Ayam assa senāsane yathāsārūppasantoso. Yo pi, uttamasenāsanaṇ nāma pamādaṭṭhānaṇ, tattha nisinnassa thīnamiddhaṇ okkamati, niddābhibhūtassa puna paṭibujjhato pāpavitakkā pātubhavantī ti paṭisañcikkhitvā tādisaṇ senāsanaṇ pattam pi na sampaticchati, so taṇ paṭikhipitvā abbhokāsa-rukkhamūlādisu vasanto pi santuṭṭho va hoti. Ayam pi senāsane yathāsārūppasantoso.

24. Idha pana bhikkhu bhesajjaṇ labhati, lūkhaṇ vā paṇītaṇ vā. So yaṇ labhati, ten' eva tussati,¹ aññaṇ na pattheti; labhanto pi na gaṇhāti. Ayam assa gilānapaccaye yathālābhasantoso. Yo pana telen' atthiko phāṇitaṇ labhati, so taṇ sabhāgassa bhikkhuno datvā tassa hatthato telaṇ gahetvā, aññad eva vā pariyesitvā² bhesajjaṇ karonto pi santuṭṭho va hoti. Ayam assa gilānapaccaye yathābalasantoso. Aparo mahāpuñño bahuṇ telamadhuphāṇitādīpaṇītabhesajjaṇ labhati. So taṇ cīvaraṇ viya cirapabbajita-bahussuta-appalābha-gilānānaṇ datvā tesāṇ ābhatakena yena kenaci

¹ B. S. santussati.

² B. S. add tehi.

yāpento pi santutṭho va hoti. Yo pana ekasmiṇ bhājane muttahaṛīṭakaṇ ṭhapetvā ekasmiṇ catumadhuraṇ, gaṇha, bhante, yad icchasi ti vuccamāno sac' assa tesu aññatarena pi rogo upasammati, atha muttahaṛīṭakaṇ nāma Buddhādīhi vaṇṇitan ti catumadhuraṇ paṭikkhipitvā muttahaṛīṭakena bhesajjaṇ karonto paramasantutṭho va hoti. Ayam assa¹ gilānapaccaye yathāsārappasantoso.

25. [145²⁰] Imesaṇ pana paccekapaccayesu tinnaṇ tinnaṇ² santosaṇaṇ yathāsārappasantoso va aggo. Āyasmā Puṇṇo ekasmiṇ paccaye imehi tīhi pi santosehi santutṭho va ahosi. *Santutṭhikathacā* ti bhikkhūnam pi imaṇ santutṭhikathaṇ kattā va³ ahosi.

26. [145²¹] *Pavivitto* ti kāyapaviveko, cittaṭṭhapaviveko, upadhipaviveko ti imehi tīhi pavivekehi samannāgato. Tattha, “Eko gacchati, eko tiṭṭhati, eko nisīdati, eko seyyaṇ kappeti, eko gāmaṇ piṇḍāya pavisati, eko paṭikkamati, eko caṅkamaṇ adhiṭṭhāti, eko carati, eko viharatī” ti (Nd. i. 26) ayaṇ kāyaviveko nāma. Aṭṭha samāpattiyo pana cittaṭṭhapaviveko nāma. Nibbānaṇ upadhiviveko nāma. Vuttam pi h' etaṇ: “Kāyapaviveko ca vavakaṭṭhākāyānaṇ⁴ nekkhammābhiraṭānaṇ, cittaṭṭhapaviveko ca parisuddhacittānaṇ paramavodānaṇ, upadhiviveko ca nirupadhīnaṇ puggalānaṇ visaṅkhāragatānaṇ” ti (Nd. i. 27). *Pavivekakathan* ti bhikkhūnam pi ca imaṇ pavivekakathaṇ kattā.

27. [145²²] *Asaṇscatṭho* ti pañcavidhena saṇsaggera virahito. Savanaṇsaṇsaggo, dassaṇasaṇsaggo, samullāpaṇsaṇsaggo, sambhogasaṇsaggo, kāyasaṇsaggo ti⁵ pañcavidho saṇsaggo.

28. Tesu, “idha bhikkhu suṇāti, asukasmiṇ gāme vā nigame vā itthī vā kumārī va abhirūpā dassanīyā pāsādikā paramāya vaṇṇapokkharatāya samannāgatā ti. So taṇ sutvā saṇsīdati, visīdati, na sakkoti brahmacariyaṇ santānetuṇ,⁶ sikkhādubbalyaṇ anāvikatvā hīnāy' āvattatī” ti (A. iii. 90) evaṇ parehi vā kathiyamānaṇ rūpādisampattiṇ, attanā vā hasita-lapita-gītasaddaṇ⁷ suṇantassa sotaviññāna-

¹ S. omits.² C. omits.³ S. ca.⁴ S. vūpakaṭṭha°; B. vivekaṭṭha°.⁵ C. adds hi.⁶ B. sandhāretuṇ.⁷ S. hasitasaddaṇ.

vīthivasena uppanno rāgo savanasaṅsaggo nāma. So Anitthigandha-Paccekabodhisattassa ca Pañcaggaḷalenavāsi-Tissa-daharassa ca vasena veditabbo. Daharo kira ākāsenā gacchanto Girigāmaṇvāsi-kammāradhītāya pañcahi kumārīhi saddhiṃ padumasaṇaṃ gantvā nahatvā padumāni piḷandhitvā madhurassareṇa gāyantiyā saddaṃ sutvā kāmarāgena viddho viśeṣa pariḥāyitvā anayavyasanaṃ pāpuṇi.

29. “Idha bhikkhu na h’ eva kho suṇāti . . . api ca kho sāmaṇ passati, itthiṃ vā kumārīṃ vā abhirūpaṃ dassaniyaṃ pāsādikaṃ paramāya vaṇṇapokkharatāya samannāgataṃ. So taṃ disvā saṅsīdati, visīdati, na sakkoti brahmacariyaṃ santānetuṃ, sikkhādubbalyaṃ anāvikatvā hīnāy’ āvattati” ti (A. iii. 90-91) evaṃ visabhāgarūpaṃ olokentassa pana cak-khuviññāṇavīthivasena uppanno rāgo dassanaṅsaggo nāma.

30. So evaṃ veditabbo: Eko kira daharo Kālādīghavāpi-dvāravihāraṃ uddesatthāya gato. Ācariyo tass’ antarāyaṃ disvā okāsaṃ na karoti. So punappunaṃ anubandhati. Ācariyo, sace antogāme na carissasi, dassāmi te uddesaṃ ti āha. So sādhu ti sampatichchitvā uddese niṭṭhite ācariyaṃ vanditvā gacchanto, ācariyo me imasmiṃ gāme carituṃ na deti, kiṃ nu kho kāraṇaṃ ti cīvaraṃ pārupitvā gāmaṃ pāvīsi. Ekā kuladhītā pītakavatthaṃ nivāsetvā gehe tthitā daharaṃ disvā sañjātarāgā uluṅkena yāguṃ āharitvā tassa patte pak-hipitvā nivattitvā mañcake nipajji. Aṭṭha naṃ mātāpitara, kiṃ amma pi pucchīṃsu. ‘Dvāreṇa gataṃ daharaṃ labha-mānā jīviṣṣāmi, alabhamānā marissāmi’ ti. Mātāpitara ve-gena gantvā gāmadvāre taṃ daharaṃ patvā vanditvā, nivatta, bhante, bhikkhaṃ gaṇhāhi ti āhaṃsu. Daharo, alaṃ gacchāmi ti. Te, idaṃ nāma, bhante, kāraṇaṃ ti yācitvā, amhākaṃ bhante gehe, ettakaṃ nāma dhanaṃ atthi, ekā yeva no dhītā, tvaṃ no jeṭṭhaputtatṭhāne tṭhassasi, sukhena sakkā jīvituṃ ti āhaṃsu. Daharo, na mayhaṃ iminā palibodhena attho ti anādiyitvā va pakkanto.

31. Mātāpitara gantvā, amma, nāsakkhimha daharaṃ nivattetuṃ, yaṃ añaṇaṃ sāmikaṃ icchasi, taṃ labhissasi, utṭhehi; khāda ca piva cā ti āhaṃsu. Sā anicchanti sattāhaṃ nirāhārā hutvā kalam akāsi. Mātāpitara tassā sarīrakiccaṃ katvā taṃ pītakavatthaṃ dhuravihāre bhikkhusaṅghassa adaṃsu.

Bhikkhū vatthaṅ¹ khaṇḍākhaṇḍaṅ katvā bhājayiṃsu. Eko mahallako attano koṭṭhāsaṅ gahetvā Kalyāṇivihāraṅ āgato. So pi daharo, cetiyaṅ vandissāmi ti tatth' eva gantvā divāṭṭhāne nisīdi. Mahallako taṅ vatthakhaṇḍaṅ gahetvā, iminā me, bhante,² parissāvanaṅ vicārethā ti daharaṅ avoca Daharo, mahāthera, kuhiṅ laddhan ti āha. So sabbaṅ pavattiṅ kathesi. So taṅ sutvā va, evarūpāya nāma saddhiṅ saṅvāsaṅ nālatthan ti rāgagginā daḍḍho tatth' eva kālam akāsi.

32. Aññamaññaṅ allāpasallāpavasena uppanno rāgo pana samullāpasasaggo nāma. Bhikkhuno bhikkhuniyā santa-kaṅ, bhikkhuniyā vā bhikkhussa santakaṅ gahetvā paribhogakaraṇavasena uppannarāgo sambhogasasaggo nāma.

33. So evaṅ veditabbo: Marīcavattīvihāramahe³ kira bhikkhūnaṅ satasahassaṅ, bhikkhūnīnaṅ navuti sahasāni ahesuṅ. Eko sāmaṇero unhayāguṅ gahetvā gacchanto sakiṅ cīvarakaṇṇe ṭhapeti, sakiṅ bhūmiyaṅ. Ekā sāmaṇerī disvā, ettha pattaṅ ṭhapetvā yāhi ti thālakaṅ adāsi. Te aparabhāge ekasmiṅ bhaye uppanne parasamuddaṅ agamaṃsu. Tesu bhikkhuni puretaraṅ agamaṃsi. Sā eko kira Sīhalabhikkhu āgato ti sutvā therassa santikaṅ gantvā paṭisanthāraṅ katvā nisinnā, bhante, Marīcavattīvihāramahakāle tumhe kativassā ti pucchi. 'Tadā 'haṅ sattavassikasāmaṇero; tvaṅ pana kativassā' ti? 'Aham pi sattavassikā sāmaṇerī yeva, ekassa sāmaṇerassa unhayāguṅ gahetvā gacchantassa pattatṭhapanatthaṅ thālakaṅ adāsin' ti. Thero, ahaṅ so ti vatvā thālakaṅ nīharitvā dassesi. Te ettaken' eva saṅsaggena brahmacariyaṅ santānetuṅ asakkontā dve pi saṭṭhivassikakāle vibbhamiṃsu.

34. Hatthagāhādivasena uppanno rāgo pana kāyasaṅsaggo nāma. Tatr' idaṅ vatthu: Mahācetiyaṅgaṇe kira daharabhikkhū sajjhāyaṅ gaṇhanti. Tesāṅ piṭṭhipasse daharabhikkhuniyo dhammaṅ sunanti. Tatr' eko daharo hatthaṅ pasārento ekissā daharabhikkhuniyā kāyaṅ chupi. Sā taṅ hatthaṅ gahetvā attano urasmiṅ ṭhapesi. Ettakena saṅsaggena dve pi vibbhamitvā gihibhāvaṅ pattā.

¹ B. *omits*; S. Bhikkhū khaṇḍaṅ katvā.

² B. *omits*. ³ B. Marīcavattīya°; S. Marīcivattīya°.

35. Imesu pana pañcasu saṅsaggesu bhikkhuno bhikkhūhi saddhiṇ savana-dassana-samullāpa-sambhoga-kāyapaṇāmasā niccam pi honti yeva. Bhikkhunīhi saddhiṇ ṭhapetvā kāya-saṅsaggaṇ sesā kālena kālaṇ honti; tathā upāsikāhi. Upāsakehi saddhiṇ sabbe pi kālena kālaṇ honti. Tesu kilesupattito cittaṇ rakkhitabbaṇ.

36. Eko hi¹ bhikkhu gāhagāhako hoti, eko gāhamuttako, eko muttagāhako, eko muttamuttako. Tattha yaṇ bhikkhuṇ manussā pi āmisena upalāpetvā gaṇhanavasena upasaṅkamanti; bhikkhu pi pupphaphalādīhi upalāpetvā gahaṇavasena upasaṅkamati, ayaṇ gāhagāhako nāma. Yaṇ pana manussā vuttanayena upasaṅkamanti; bhikkhu dakkhiṇeyyavasena upasaṅkamati, ayaṇ gāhamuttako nāma. Yassa manussā dakkhiṇeyyavasena cattāro paccaye denti; bhikkhu pupphaphalādīhi upalāpetvā gaṇhanavasena upasaṅkamati, ayaṇ muttagāhako nāma. Yassa manussā pi dakkhiṇeyyavasena cattāro paccaye denti; bhikkhu pi Cullapiṇḍapātiya-Tissatthero viya dakkhiṇeyyavasena² eva paribhuñjati, ayaṇ muttamuttako nāma.

37. Therāṇ kira ekā upāsikā dvādasavassāni upatṭhāsi. Ekadivasaṇ² tasmiṇ gāme aggi utthahitvā gehāni jhāpesi. Aññesaṇ kulūpakabhikkhū āgantvā, kiṇ upāsike, api kiñci bhaṇḍaṇ arogaṇ kātuṇ asakkhitthā ti paṭisanthāraṇ akaṇsu. Manussā, amhākaṇ mātu kulūpakatthero bhuñjanavelāyam eva āgamissatī ti āhaṇsu. Thero pi punadivase bhikkhācāraṇaṇ sallakkhetvā va āgato. Upāsikā kuḍḍacchāyāya³ nisīdāpetvā bhikkhaṇ sampādetvā adāsi. Thero bhattakiccaṇ katvā pakkanto. Manussā āhaṇsu: Amhākaṇ mātu kulūpakatthero bhuñjanavelāyam eva āgato ti. Upāsikā, tumhākaṇ kulūpakā tumhākaṇ yeva anucchavikā, mayhaṇ thero mayh⁴ eva anucchaviko ti āha.

38. Āyasmā pana Mantāniputto imehi pañcahi saṅsaggehi catuhi pi¹ parisāhi saddhiṇ asaṇsatṭho gāhamuttako c² eva muttamuttako ca ahosi. Yathā ca sayaṇ asaṇsatṭho evaṇ bhikkhūnam pi⁴ asaṇsaggakathaṇ kattā ahosi.

¹ S. omits.

³ B. S. koṭṭha°.

² B. S. °divase.

⁴ B. S. add taṇ.

39. [145²³] *Āraddhaviṛiyo* ti paggaḥitaviṛiyo. Paripunnakāyikacetasikaviṛiyo ti attho. Yo hi bhikkhu gamane uppannakilesaṇ ṭhānaṇ pāpunituṇ na deti, ṭhāne uppannakilesaṇ nisajjaṇ, nisajjāya uppannakilesaṇ sayanaṇ vā¹ pāpunituṇ na deti, mantena kaṇhasappaṇ uppīletvā gaṇhanto viya, amittaṇ gīvāya akkamanto viya vicarati, ayaṇ āradhaviṛiyo nāma. Thero ca tādiso ahoṣi. Bhikkhūnam pi tath' eva viriyārambhakathaṇ kattā ahoṣi.

40. [145²⁴] *Sīlasampanno* ti ādisu *sīlan* ti catupārisuddhisīlaṇ. *Samādhī* ti vipassanāpādaḥ atṭha samāpattiyo. *Paññā* ti lokiyalokuttaraññaṇ.² *Vimuttī* ti ariyaphalaṇ. *Vimuttiñāṇadassanaṇ* ti ekūnavīsatividhaṇ paccavekkhaṇaṇ. Thero sayam pi sīlādīhi sampanno ahoṣi; bhikkhūnam pi sīlādikathaṇ kattā.

41. [145³¹] Svāyaṇ dasahi kathāvatthūhi ovadatī ti *ovāḍako*. Yathā pana eko ovadati yeva, sukhumaṇ atthaṇ parivattetvā jānāpetuṇ na sakkoti, na evaṇ thero. Thero pana tāni dasa kathāvatthūni viññāpetī ti *viññāpako*. Eko viññāpetuṇ sakkoti, kāraṇaṇ dassetuṇ na sakkoti. Thero kāraṇam pi dassetī ti *sandassako*. Eko vijjamānaṇ kāraṇaṇ dasseti, gāhetuṇ pana na sakkoti. Thero gāhetum pi sakkoti ti *samāḍapako*. Evam samāḍapetvā pana tesu kathāvatthusu ussāhajananavasena bhikkhū samuttejetī ti *samuttejako*. Ussāhajāte vaṇṇaṇ vatvā sampahaṇsetī ti *sampahaṇsako*.

42. [146⁸] *Suladdhalābhā* ti aññesaṇ pi manussattabhāvapabbajjādiguṇā lābhā nāma honti; āyasmato pana Punṇassa suladdhalābhā ete, yassa Satthu sammukhā evaṇ vaṇṇo abbhuggato ti attho. Api ca apaṇḍitehi vaṇṇakathanaṇ nāma na tathā lābho; paṇḍitehi vaṇṇakathanaṇ pana lābho. Gihīhi vā vaṇṇakathanaṇ na tathā lābho. Gihīhi, vaṇṇaṇ kathessāmī ti, amhākaṇ ayyo saṇho sakhilo, sukhasambhāso, vihāraṇ āgatānaṇ yāgubhatta-phāṇitādīhi saṅgahaṇ karotī ti kathento avañnam eva katheti; avañnaṇ kathessāmī ti, ayaṇ thero mandamando viya abala-abalo viya bhākuṭīkabhākuṭīko viya, n' atthi iminā saddhiṇ viśāso ti kathento vaṇṇam eva katheti. Sabrahmacārihi pi Satthu

¹ B. S. omit.² S. °lokuttaravasena ñanaṇ.

parammukhā vaṇṇakathanāṇaṃ na tathā lābho; Satthu sammukhā pana atilābho ti imam pi atthavaṣaṇaṃ paṭicca suladdhalābhā ti āha. *Anumassa anumassā* ti dasakathāvatthūni anupavāsītva anupavāsītva.

43. [146¹¹] *Taṃ ca Satthā abbhanumodati* ti taṃ o' assa vaṇṇaṇaṃ Satthā evaṃ etaṇaṃ appiccho va¹ so bhikkhu, santuṭṭho va¹ so bhikkhū ti anumodati. Iti viññūhi vaṇṇabhāsaṇaṇaṃ eko lābho, sabrahmacārīhi eko,² Satthu sammukhā eko,² anumassa anumassa eko,² Satthārā anumodanaṇaṃ eko² ti ime pañca lābhe sandhāya *suladdhalābhā* ti āha.

44. [146¹²] *Kadāci* ti kismicid³ eva kāle. Karaha⁴ci ti tass' eva vevacanaṇaṃ. *App' eva nāma siyā kociḍ eva kathāsallāpo* ti api nāma koci kathāsamudācāro pi bhaveyya. Therena kira āyasmatā Puṇṇo n' eva diṭṭhapubbo, nāssa dhammakathā sutapubbā. Iti so tassa dasannam pi dhammakatham pi patthayamāno evaṃ āha.

45. [146¹⁵] *Yathābhirantaṃ* ti yathājjhāsaṇaṇaṃ viharitvā. Buddhānaṇaṃ hi ekasmiṇ ṭhāne vasantānaṇaṃ chāyūdakādivipattiṇaṃ vā aphāsukasenaṣaṇaṇaṃ vā, manussaṇaṇaṃ assaddhādibhāvaṇaṃ vā āgamma anabhirati nāma n' atthi; tesaṇaṃ sampattiyaṃ idha phāsuṇaṃ⁴ viharāmā ti abhiramitvā ciravihāro pi n' atthi. Yattha pana Tathāgate viharante sattā saraṇesu vā patitṭhahanti, sīlāni vā samādiyanti, pabbajanti vā,⁵ sotāpattimaggādiṇaṇaṃ vā pan' esaṇaṃ⁶ upanissayo hoti, tattha Buddhā sette tesu sampattisu patitṭhāpanajjhāsayena vāsanti; tāsaṇaṃ⁷ abhāve pakkamanti. Tena vuttaṇaṃ: Yathājjhāsaṇaṇaṃ viharitvā ti.

46. [146¹⁶] *Cārikaṇaṃ caramāno* ti addhānagamaṇaṇaṃ gacchanto. Cārikā ca nāma' esā Bhagavato duvidhā hoti: turitacārikā ca aturitacārikā ca. Tattha dūre pi bodhaneyyapuggalaṇaṃ disvā tassa bodhatthāya sahasā gamaṇaṇaṃ turitacārikā nāma. Sā Mahā-Kassapaṇaṃ puccuggacchanto muhuttanaṃ tigāvutam agamāsi. Ālavakass' atthāya tiṇsaṃyojanaṇaṃ, tathā Aṅguli-

¹ B. S. ca. ² S. *add* lābho.

⁴ B. phāsu; S. phāsukaṇaṇaṃ.

⁶ B. S. pana tesaṇaṃ.

³ B. S. kismiñcid.

⁵ B. S. *add* tato.

⁷ B. S. tesaṇaṃ.

mālassa; Pukkusātissa pana pañcacattāḷṣayojanaṇ; Mahā-Kappinassa vīsaṇ yojanasatāni; Khadiravaniyass' atthāya satta yojanasatāni agamāsi; Dhammasenāpatino saddhivīhārikassa Vanavāsi¹-Tissasāmaṇerassa tigāvutādhikaṇ vīsaṇ yojanasataṇ.

47. Ekadivasaṇ kira thero, Tissasāmaṇerassa santikaṇ, bhante, gacchāmi ti āha. Bhagavā, aham pi gamissāmi ti vatvā āyasmantaṇ Ānandaṇ amantesi: Ānanda, vīsatisahassānaṇ chaḷabhiññānaṇ ārocehi: Bhagavā Vanavāsi¹-Tissasāmaṇerassa santikaṇ gamissatī ti. Tato dutiyadivase vīsatisahassa-khīṇāsavaparivāro² ākāse uppatitvā vīsaṇyojanasatamatthake tassa gocaragāmadvāre otaritvā civaṇaṇ pūrupi. Kammantaṇ gacchantā³ manussā disvā, Satthā, bho, āgato, mā kammantaṇ agamatthā⁴ ti vatvā āsanāni paññāpetvā yāguṇ datvā pādavattaṇ⁵ karontā, kuhiṇ, bhante, Bhagavā gacchatī ti daharabhikkhū pucchiṇsu. Upāsakā, na Bhagavā aññattha gacchatī, idh' eva Tissasāmaṇerassa dassanatthāya āgato ti. Te, amhākaṇ kira kulūpagattherassa dassanatthāya Satthā āgato, na vata no thero oramattako ti somanassajātā ahesuṇ.

48. Atha Bhagavato bhattakiccapariyosāne sāmaṇero gāmaṇ piṇḍāya caritvā, upāsakā, mahā bhikkhusaṅgho ti pucchi. Ath' assa te, Satthā, bhante, āgato ti ārocesuṇ. So Bhagavantaṇ upasaṅkamitvā piṇḍapātena āpucchi. Satthā tassa pattaṇ hatthena gahetvā, alaṇ, Tissa, niṭṭhitaṇ bhattakiccaṇ ti āha. Tato upajjhāyaṇ āpucchitvā attano pattāsane nialditvā bhattakiccaṇ akāsi. Ath' assa bhattakiccapariyosāne Satthā maṅgalaṇ vatvā nikkhamitvā gāmadvāre ṭhatvā, kataro te, Tissa, vasanatthānagamanaṇ maggo ti āha. 'Ayaṇ Bhagavā' ti. 'Maggaṇ desayamāno purato yāhi tissā' ti.

49. Bhagavā kira sadevakassa lokassa maggadesako samāno pi sakalatigāvute magge sāmaṇeraṇ datṭhuṇ lacchāmi ti taṇ maggadesakaṇ akāsi. So attano vasanatthānaṇ gantvā Bhagavato vattam akāsi. Atha naṇ Bhagavā, kataro te, Tissa,

¹ C. Vanavāsiya-.

² B. S. °parivuto.

³ B. S. gacchamānā.

⁴ B. S. agamitthā.

⁵ B. pānavattaṇ; S. dānavattaṇ.

caṅkamo ti pucchitvā tattha gantvā sāmaṇerassa nisīdana-
pāsāne nisīditvā, Tissa, imasmiṇ thāne sukhaṇ vasaṁ ti pucchi.
So āha: Āma bhante, imasmiṇ me thāne vasantassa sīha-
byagga-hatthi-miga-morādīnaṇ saddaṇ suṇato araṇṇasaṇṇā
uppajjati, tāya sukhaṇ vasāmi ti. Atha naṇ Bhagavā, Tissā
bhikkhusaṅghaṇ sannipātehi, Buddhadāyajjaṇ te dassāmi ti
vatvā¹ sannipatite bhikkhusaṅghe upasampādetvā attano
vasanaṭṭhānam eva agamāsi ti. Ayaṇ turitacārikā nāma.

50. Yaṇ pana gāmanigamapaṭipātiyā devasikaṇ yojanaḍ-
dhayojanavasena piṇḍapātacariyādīhi lokaṇ anugaṇhantassa
gamaṇaṇ, ayaṇ aturitacārikā nāma. Imaṇ pana cārikaṇ
caranto Bhagavā, mahāmaṇḍalaṇ, majjhimaṇḍalaṇ, anto-
maṇḍalaṇ² ti imesaṇ tiṇṇaṇ maṇḍalānaṇ aññatarasmiṇ carati.
Tattha mahāmaṇḍalaṇ navayojanasatikaṇ, majjhimaṇḍala-
ṇ chayojanasatikaṇ, antomaṇḍalaṇ² tiyojanasatikaṇ. Yādā
mahāmaṇḍale cārikaṇ caritukāmo hoti, mahāpavāraṇāya
pavāretvā pāṭipadadivase mahābhikkhusaṅghaparivāro nik-
khamati. Samantā yojanasataṇ ekakolāhalaṇ hoti.³ Puri-
mapurimaṇ āgatā nimantetuṇ labbhanti. Itaresu dvīsu
maṇḍalesu sakkāro mahāmaṇḍale osarati. Tatra Bhagavā
tesu tesu gāmanigamesu ekāhaṇ dvīhaṇ vasanto mahājanaṇ
āmisapaṭiggahena anugaṇhanto dhammādānena c' assa vivat-
tūpanissitaṇ kusalaṇ vaḍḍhento navahi māsehi cārikaṇ pari-
yosāpeti.

51. Sace pana antovasse bhikkhūnaṇ samathavipassanā
taruṇā hoti, mahāpavāraṇāya apavāretvā pavāraṇāsaṅghaṇ
datvā Kattikapunnamāya pavāretvā Maggasirassa⁴ paṭha-
madivase mahābhikkhusaṅghaparivāro nikkhamitvā majjhi-
maṇḍalaṇ otarati. Aññena pi kāraṇena majjhimaṇḍa-
le cārikaṇ caritukāmo catumāsāṇ vasitvā va nikkhamati.
Vuttanayen' eva itaresu dvīsu maṇḍalesu sakkāro majjhima-
maṇḍale osarati. Bhagavā purimanayen' eva lokaṇ anugaṇ-
hanto atṭhahi māsehi cārikaṇ pariyosāpeti.

52. Sace pana catumāsāṇ vutthassāpi Bhagavato veney-
yasattā aparipakkindriyā honti, tesaṇ indriyaparipākaṇ āga-

¹ S. *adda* adḍhayojanaṇ.

² B. S. *ahosi*.

³ B. S. *antimamaṇḍal°*.

⁴ B. S. *Migasirassa*.

mayamāno aparam pi ekaṇ māsaṇ vā dvatticatumāsaṇ¹ vā tatth' eva vasitvā mahābhikkhusaṅghaparivāro nikkhamati. Vuttanayen' eva itaresu dvīsu maṇḍalesu sakkāro antomaṇḍale osarati. Bhagavā purimanayen' eva lokaṇ anugaṇhanto sattahi vā chahi vā pañcahi vā catuhi vā māsehi cārikaṇ pariyosāpeti.

53. Iti imesu tīsu maṇḍalesu yattha katthaci cārikaṇ caranto na oīvarādi hetu carati, atha kho ye duggatā bālā jinnā byādhitā, te kadā Tathāgataṇ āgantvā passissanti? mayi pana cārikaṇ carante mahājano Tathāgatadassanaṇ labhissati, tattha keci cittāni pasādessanti, keci mālādīhi pūjessanti, keci kaṭacchubhikkhaṇ dassanti, keci micchādassanaṇ pahāya sammādiṭṭhikā bhavissanti, taṇ tesaṇ bhavissati dīgharattaṇ hitāya sukhāyā ti evaṇ lokānukampāya² cārikaṇ carati.

54. Api ca catuhi kāraṇehi Buddhā Bhagavanto cārikaṇ caranti: jaṅghāvihāravasena, sarīraphāsukatthāya, aṭṭhupattikālaṇ abhikaṇkhanatthāya, bhikkhūnaṇ sikkhāpadapaññāpanatthāya, tattha tattha paripākagatindriye bodhaneyyasatte bodhanatthāyā ti. Aparehi pi catuhi kāraṇehi Buddhā Bhagavanto cārikaṇ caranti: Buddhaṇ saraṇaṇ gacchissanti ti vā, Dhammaṇ saraṇaṇ gacchissanti vā, Saṅghaṇ saraṇaṇ gacchissanti ti vā, mahatā dhammavassena³ catasso parisā santappessāmā ti⁴ vā ti. Aparehi pañcahi kāraṇehi Buddhā Bhagavanto cārikaṇ caranti: pāpātipātā viramissanti ti vā, adinnādānā . . . kāmesu micchācārā . . . musāvādā . . . surāmerayamajjapamādatṭhānā viramissanti ti vā ti. Aparehi aṭṭhahi kāraṇehi Buddhā Bhagavanto cārikaṇ caranti: paṭhamajjhānaṇ paṭilabhissanti ti vā, dutiyajjhānaṇ —pe— nevasaññānāsaññāyatana samāpattiṇ paṭilabhissanti ti vā ti. Aparehi pi aṭṭhahi kāraṇehi Buddhā Bhagavanto cārikaṇ caranti: sotāpattimaggaṇ adhigamissanti ti vā, sotāpattiphalāṇ —pe— arahattaphalaṇ sacchikarissanti ti vā ti. Ayaṇ aturita cārikā⁵ idha adhippetā.

55. Sā pan' esā duvidhā hoti: nibandha cārikā, anibandha-

¹ B. dvitti°; S. dviti.

² C. °kampakāya.

³ B. S. dhammassavanena.

⁴ C. °mī ti.

⁵ B. S. add sā.

cārikā ca. Tattha yaṇ ekass' eva bodhaneyyasattassa atthāya gacchati, ayaṇ nibar dhacārikā nāma. Yaṇ pana gāma-nigama-nagarapaṭipāṭivasena carati, ayaṇ anibar dhacārikā nāma. Esā idha adhippetā.

56. [146²²] *Senāsanaṇ saṇsāmetvā* ti senāsanaṇ paṭisāmetvā. Taṇ pana paṭisāmento thero na cullapatta-mahāpatta-cullathālaka-mahāthālaka-paṭṭacīvara¹-dukūlacīvarādīnaṇ² bhaṇḍikaṇ katvā sappitelādīnaṇ vā pana ghaṭe pūrāpetvā gabbhe nidahitvā dvāraṇ pidhāya kuṇḍikamuddikādīni yojaṇesi. "Sace na hoti bhikkhu vā sāmaṇero vā ārāmiko vā vihārasāmiko vā catusu pāsānesu mañce mañcaṇ āropetvā pīṭhe pīṭhaṇ āropetvā cīvaravaṇse vā cīvararajjuyā vā upari puñjaṇ katvā dvāravāṭapānaṇ thaketvā pakkamitabban" ti (Vin. ii. 211) vacanato pana nevāsikabhikkhuṇ āpucchanaṃ mattaken' eva paṭisāmesi.

57. [146²²] *Yena Sāvatti tena cārikaṇ pakkāmi* ti Satthudassanakāmo hutvā yena disābhāgena Sāvatti tena pakkāmi. Pakkamanto pi³ na Suddhodanamahārājassa ārocāpetvā sappitelanavanīṭaphāṇitādīni gahāpetvā pakkanto. Yūṭhaṇ pahāya nikkhanto pana mattahatthī viya, asahāyakicco siho viya paṭṭacīvaramattaṇ ādāya ekako va pakkāmi.

58. Kasmā pan' esa pañcasatehi attano antevāsikehi saddhiṇ Rājagahaṇ agantvā, idāni nikkhanto ti? Rājagahaṇ Kapilavatthuto dūraṇ saṭṭhiyojanāni, Sāvatti pana pañcadasa. Satthā Rājagahato pañcacattālisayojanaṇ āgantvā Sāvattiyaṇ viharati, idāni āsanno jāto ti sutvā nikkhamī ti. Akāraṇaṇ etaṇ. Buddhānaṇ santikaṇ gacchanto hi esa yojanasahassam pi gaccheyya; tadā pana kāyaviveko na sakkā laddhun ti. Bahūhi saddhiṇ gamanakāle hi⁴ ekasmiṇ gacchāmā ti vadante eko idh' eva vasāmā ti vadati; ekasmiṇ vasāmā ti vadante eko gacchāmā ti vadati. Tasmā icchiticchitakkhaṇe samāpattiṇ appetvā nisidituṇ vā phāsukasenaṇ sāne kāyavivekaṇ laddhun vā na sakkā hoti. Ekakassa pana taṇ sabbaṇ sulabhaṇ hoti ti tadā agantvā⁵ idāni pakkāmi.

¹ B. -paṭṭuṇṇa-; S. -pattuṇṇa-.

² B. °dīni.

³ B. ca; S. pana for pi na.

⁴ S. gamanakāmehi.

⁵ C. āgantvā.

59. [146²³] *Cārikaṇ caramāno* ti ettha kiñ cāpi ayaṇ cārikā nāma mahājanasaṅghatthaṇ Buddhānaṇ yeva labbhati; Buddhhe upādāya pana rūḷhisaddena sāvakānam pi vuccati, kilāñjādīhi kataṇ vījanam¹ pi tālavaṇṇaṇ² viya. Yena Bhagavā ti Sāvattihiyā avidūre ekasmiṇ gāmake³ piṇḍāya caritvā katabhattakicco Jetavanaṇ pavisitvā Sāriputtattherassa vā Mahā-Moggallānattherassa vā vasaṇatthānaṇ gantvā pāde dhovitvā makkhetvā pānakaṇ vā pāṇiyaṇ vā pivitvā thokaṇ vissamitvā Satthāraṇ passissāmi ti⁴ cittaṇ pi anuppādetvā ujukaṇ Gandhakuṭiparivenaṇ eva agamāsi.

60. [146²⁴] Therassa hi Satthāraṇ datṭhukāmaṇsa aṇṇena bhikkhuna kiccaṇ n' atthi. Tasmā Rāhulaṇ vā Ānandaṇ vā gahetvā okāsaṇ kāretvā Satthāraṇ passissāmi ti evaṇ pi cittaṇ na uppādesi. Thero hi sayam eva Buddhasāsane vallabho, rañño saṅgāmaṇvījayamahāyodho viya. Yathā hi tādisassa yodhassa rājānaṇ datṭhukāmaṇsa aṇṇaṇ sevitvā dassanakammaṇ nāma n' atthi; vallabhatāya sayam eva passati. Evaṇ thero pi Buddhasāsane vallabho. Tassa aṇṇaṇ sevitvā Satthudassanakiccaṇ n' atthi ti pāde dhovitvā pādapuñchanamhi⁵ puñchitvā, *yena Bhagavā ten' upasaṅkami*. Bhagavā pi paccūsakāle yeva Mantāniputto āgamissati ti addasa; tasmā Gandhakuṭiṇ pavisitvā sūcighatikaṇ adatvā va darathaṇ paṭippassambhetvā utthāya nisīdi. Thero kavāṇaṇ paṇāmetvā Gandhakuṭiṇ pavisitvā, *Bhagavantaṇ abhivādetvā ekam antaṇ nisīdi*.

61. [146²⁷] *Dhammiyā kathāyā* ti Bhagavā dhammakathaṇ⁶ kathento Culla-Gosiṅgasutte tiṇṇaṇ kulaputtānaṇ sāmaggirasānisaṇsaṇ kathesi; Sekhasutte āvasathānisaṇsaṇ; Ghaṭṭikārasutte sutipaṭilābhikaṇ pubbenivāsaṇapaṭisaṇyutta-kathaṇ; Raṭṭhapālasutte cattāro dhammuddese; Selasutte pānakānisaṇsakathaṇ; Kilesiyasutte⁷ Bhaguttherassa dhammakathaṇ kathento ekibhāve ānisaṇsaṇ kathesi. Imasmiṇ pana Rathavinīte āyasmato Puṇṇassa kathento dasakathā-

¹ S. vījanim.² S. tālavaṇṇaṇ.³ B. S. gāme.⁴ S. passissamā ti evaṇ.⁵ C. *adds* pāde.⁶ C. S. dhammiṇ kathaṇ.⁷ B. S. Saṅkilesiya°.

vatthunissayaṇ anantanayaṇ nāma dassesi, Puṇṇa, ayam pi appicchakathā yeva, santosakathā yevā ti. Paṭisambhīdāppattassa sāvakassa velante ṭhatvā mahāsamudde hatthapasāraṇaṇ viya ahosi.

62. [146³²] *Yen' Andhavanana* ti tadā kira pacchābhatte Jetavanaṇ ākiṇṇaṇ hoti, bahū khattiyabrāhmaṇādayo Jetavanaṇ osaranti; rañño cakkavattissa khandhāvāraṭṭhānaṇ viya hoti; na sakkā pavivekaṇ labhituṇ. Andhavanaṇ pana padhānagharasadiṣaṇ pavivittaṇ. Tasmā yen' Andhanavanaṇ ten' upasaṅkami. Kasmā pana mahāthere na addasa? Evaṇ kir' assa ahosi: Sāyaṇhasamaye āgantvā mahāthere disvā puna Dasabalaṇ passissāmi, evaṇ mahātherānaṇ ekaṇ upaṭṭhānaṇ bhavissati, Satthu dve bhavissanti; tato Satthāraṇ vanditvā mama vasanaṭṭhānam eva gamissāmī ti.

63. [146³⁷] *Abhiṇhaṇ kittayamāno ahoṣi* ti punappunaṇ vaṇṇaṇ kittayamāno vihāsi. Thero kira tato paṭṭhāya divase divase saṅghamajjhe, Puṇṇo kira nāma Mantāniputto catuhi parisāhi saddhiṇ asaṇsatṭho; so Dasabalassa dassanattthāya āgamissati; kacci nu kho maṇ adisvā va gamissatī ti theranava-majjhimanāṇ satikaraṇatthaṇ āyasmato Puṇṇassa guṇaṇ bhāsaṭi. Evaṇ kir' assa ahosi: Mahallakabhikkhū nāma na sabbakālaṇ antovihāre honti; guṇakathāya pan' assa kathitāya yo va¹ naṇ bhikkhu passissati, so va² āgantvā ārocessatī ti. Athāyaṇ³ therass' eva saddhivihāriko taṇ āyasmantaṇ patta-cīvaram ādāya Gandhakuṭiṇ pavisaṇtaṇ addasa. Kathaṇ pana naṇ eṣa aññāsī ti? Puṇṇa Puṇṇā ti vatvā kathentassa Bhagavato dhammakathāya aññāsī: ayaṇ so thero, yassa me upajjhāyo abhiṇhaṇ kittayamāno hotī ti. Iti so āgantvā therassa ārocesi.

64. [147⁵] *Nisīdanaṇ ādāyā* ti nisīdanaṇ nāma sadasaṇ vuccati avāyimaṇ. Thero pana cammakhaṇḍaṇ gahetvā agamāsi. *Piṭṭhito piṭṭhito* ti pacchato pacchato. *Sīsānulokī* ti yo unnatattthāne piṭṭhiṇ passanto ninnaṭṭhāne sīsaṇ passanto gacchati, ayaṇ sīsānulokī ti vuccati. Tādiso hutvā anubandhi. Thero hi² kiṇ cāpi saṇyatapādasaddatāya accāsanno hutvā gacchanto pi pādasaddena na bādhati, nāyaṇ

¹ B. S. ca.² B. S. omit.³ S. Athāyasmā.

sammodanakālo ti ñatvā pana na accāsanno; Andhavanāṇaṃ nāma mahantaṇ, ekasmiṇ ṭhāṇe nilinaṇ apassantena, āvuso Puṇṇa Puṇṇā ti aphāsukasaddo kātabbo hoti ti nisinnatṭhānaṇ jānanatthaṇ nātidūre hutvā sisānuloki agamāsi.

65. [147⁹] *Divāvihāraṇaṇ nisīdī* ti divāvihāratthāya nisīdi. Tattha āyasmā pi Puṇṇo Udicabrahmaṇajacco, Sāriputto pi. Puṇṇatthero pi suvaṇṇavanno, Sāriputtatthero pi. Puṇṇatthero pi arahattaphalasamāpattiṇ samāpanno, Sāriputtatthero pi. Puṇṇatthero¹ kappasatasahassaṇ abhinīhārasampanno, Sāriputtatthero¹ kappasatasahassādhikaṇ ekam asaṇkheyyaṇ. Puṇṇatthero pi paṭisambhidāppatto mahākhīṇāsavo, Sāriputtatthero pi. Iti ekaṇ kanakaguhaṇ pavitṭhā dve sīhā viya, ekaṇ vijambhanabhūmiṇ otiṇṇā dve byagghā viya, ekaṇ supupphitasālavanaṇ pavitṭhā dve chaddantagarājāno² viya, ekaṇ simbalivanaṇ pavitṭhā dve supaṇṇarājāno viya, ekaṇ naravāhanayānaṇ abhirūlhā dve Vessavaṇā viya, ekaṇ paṇḍukambasilaṇ abhinisinnā dve Sakkā viya, ekavimānabbhantaragatā dve Haritamahābrahmāno viya ca te dve pi brahmaṇajaccā, dve pi suvaṇṇavannā, dve pi samāpattilābhino, dve pi abhinīhārasampannā, dve pi paṭisambhidāppattā mahākhīṇāsavā ekaṇ vanasaṇḍaṇ anupavitṭhā, taṇ vanasaṇḍaṇ sobhayaṇsu.

66. [147¹⁶] *Bhagavati no āvuso brahmacariyaṇ vussatī* ti, āvuso, kiṇ amhākaṇ Bhagavato santike āyasmatā brahmacariyaṇ vussatī ti? Idaṇ āyasmā Sāriputto tassa Bhagavati brahmacariyavāsaṇ jānanto pi kathāsamutṭhāpanatthaṇ pucchi. Purimakathāya hi appatitṭhitāya pacchimakathā na jāyati; tasmā evaṇ pucchi. Thero anujānanto *evam āvuso* ti āha. Ath' assa pañhavissajjanaṇ sotukāmo āyasmā Sāriputto, *kin nu kho āvuso sīlavisuddhatthaṇ Bhagavati brahmacariyaṇ vussatī* ti paṭipāṭiyā sattavisuddhiyo pucchi. Tāsaṇ vitthārakathā Visuddhimagge vuttā. Āyasmā pana Puṇṇo yasmā catupārisuddhisīlādisu ṭhitassāpi brahmacariyavāso matthakaṇ na pāpuṇāti, tasmā, no h' idaṇ āvuso ti sabbaṇ paṭikkhipi.

¹ B. S. *add* pi.² B. S. *nāga for gaja*.

67. [147⁸⁷] *Kimatthaṇ carah' āvuso ti yadi sīlavisuddhi-ādīnaṇ atthāya brahmacariyaṇ na vussati, atha kimatthaṇ vussatī ti pucchati. Anupādā parinibbānatthaṇ kho āvuso ti ettha anupādā parinibbānaṇ nāma apaccayaparinibbānaṇ. Dve va¹ upādānāni: gahaṇūpādānaṇ ca paccayūpādānaṇ ca. Gahaṇūpādānaṇ nāma kāmūpādānādi catubbidhaṇ. Paccayūpādānaṇ nāma, avijjā paccayā saṅkhārā ti evaṇ vuttā paccayā. Tattha gahaṇūpādānavādino ācariyā, anupādā parinibbānaṇ ti catusu upādānesu aññatarena pi kañci² dhammaṇ agahetvā pavattaṇ arahattaphalaṇ anupādā parinibbānaṇ ti kathenti. Taṇ hi na ca upādānasampayuttaṇ hutvā kañci dhammaṇ upādiyati, kilesānaṇ ca parinibbutante jātattā parinibbānaṇ ti vuccati. Paccayūpādānavādino pana, anupādā parinibbānaṇ ti apaccayaparinibbānaṇ, paccayavasena anuppannaṇ asaṅkhataṇ amatadhātum eva, anupādā parinibbānaṇ ti kathenti. Ayam anto ayaṇ koṭi, ayaṇ niṭṭhānaṇ.³ Apaccayaparinibbānaṇ pattassa hi brahmacariyavāso matthakaṇ patto nāma hoti. Tasmā thero, anupādā parinibbānaṇ ti āha.*

68. [148²] *Atha naṇ anuyuñjanto āyasmā Sāriputto, kin nu kho āvuso sīlavisuddhi anupādā parinibbānaṇ ti puna pucchāṇ ārabhi. Thero pi sabbaparivattesu tath' eva paṭikhipitvā pariyosāne dosaṇ dassento, sīlavisuddhiṇ ce, āvuso ti ādim āha. Tattha paññāpessā ti yadi paññāpeyya. Sa-upādānaṇ yeva samānaṇ anupādā parinibbānaṇ paññāpessā ti sagahaṇadhammam eva niggahaṇadhammaṇ, sappaccaya-dhammam eva appaccayadhammaṇ, saṅkhatadhammam eva asaṅkhatadhammaṇ ti paññāpeyyā ti attho. Nānadassana-visuddhiyaṇ pana sappaccayadhammam eva appaccayadhammaṇ, saṅkhatadhammam eva asaṅkhatadhammaṇ ti paññāpeyyā ti ayam ev' attho gahetabbo. Puthujjano h' āvuso ti ettha vaṭṭānugato lokiyabālaputhujjano daṭṭhabbo. So hi catupārisuddhisīlamattassāpi abhāvato sabbaso va cññatra imehi dhammehi.*

69. [148³⁵] *Tena hī ti yena kāraṇena ekacce paṇḍitā upamāva atthaṇ ājānanti tena kāraṇena upamaṇ te karissāmī*

¹ B. S. Dvedhā.² B. S. kiñci.³ B. S. niṭṭhā.

ti attho. Satta rathavinītāni ti vinītassājānīyayutte satta rathe. *Yāvad eva cittavisuddhatthā* ti āvuso, ayaṇ sīlavisuddhi nāma yāvad eva cittavisuddhatthā. *Cittavisuddhatthā* ti nissakkavacanam etaṇ. Ayaṇ pan' ettha attho: Yāvad eva cittavisuddhisāṅkhāto attho, tāva ayaṇ sīlavisuddhi nāma icchitabbā. Yā pana ayaṇ cittavisuddhi, esa sīlavisuddhiyā attho, ayaṇ koṭi, idaṇ pariyosānaṇ. Cittavisuddhiyaṇ ṭhitassa hi sīlavisuddhikiccaṇ kattaṇ nāma hoti ti. Esa nayo sabbapadesu.

70. Idaṇ pan' ettha opamasaṇsandanaṇ: Rājā Pasenadi Kosalo viya hi jarāmaranabhīruko yogāvacarō daṭṭhabbo. Sāvatthinagaraṇ viya sakkāyanagaraṇ. Sāketanagaraṇ viya nibbānanagaraṇ. Rañño Sāketevaddhi-āvahassasīghaṇgantvā pāpūṇitabbassa accāyikassa kiccassa uppādakālo viya yogino anabhisametānaṇ catunnaṇ ariyasaccānaṇ abhisamayakiccassa uppādakālo. Satta rathavinītāni viya satta visuddhiyo. Paṭhamāṇ rathavinītaṇ ārūḥhakālo viya sīlavisuddhiyaṇ ṭhitakālo. Paṭhamarathavinītādīhi dutiyādīnaṇ ārūḥhakālo viya sīlavisuddhi-ādīhi cittavisuddhi-ādisu ṭhitakālo. Sattamena rathavinītena Sākate antepuradvāre oruyha uparipāsāde nātimittagaṇaparivutassa surasabhojanaparibhogakālo viya yogino nānadassanavisuddhiyā sabbakilese kṛpetvā dhammavarapāsādaṇ āruyha paropaññāsa-kusaladhammaparivārassa nibbānārammaṇaṇ phalasamāpattiṇ appetvā nirodhasayane nisinnassa lokuttarasukhānubhavanakālo daṭṭhabbo.

71. Iti āyasmantaṇ Puṇṇaṇ dasakathāvatthulābhiṇ Dhammasenāpati Sāriputtatthero satta visuddhiyo pucchi. Āyasmā Puṇṇo dasa kathāvatthūni vissajjesi. Evaṇ pucchanto pana taṇ¹ Dhammasenāpati kiṇ jānitvā pucchi, udāhu ajānitvā? Titthakusalo va pana hutvā visayasmiṇ pucchi, udāhu atitthakusalo hutvā avisayasmiṇ? Puṇṇatthero pi kiṇ jānitvā vissajjesi, udāhu ajānitvā? Titthakusalo vā pana hutvā visaye vissajjesi, udāhu atitthakusalo hutvā avisaye ti? Jānitvā titthakusalo hutvā visaye pucchati ti hi vadamāno Dhammasenāpatiṇ yeva vadeyya. Jānitvā titthakusalo

¹ B. S. omit.

hutvā vissajjetī ti vadamāno pi Puṇṇattheraṇ yeva vadeyya. Yaṇ hi visuddhisu saṅkhittaṇ, taṇ kathāvatthusu vitthiṇṇaṇ. Yaṇ kathāvatthusu saṅkhittaṇ, taṇ visuddhisu vitthiṇṇaṇ.

72. Tad iminā nayena veditabbaṇ: Visuddhisu hi ekā sīlavisuddhi cattāri kathāvatthūni hutvā āgatā: appiccha-kathā, santuṭṭhikathā, asaṇsaggakathā, sīlakathā ti. Ekā cit-tavisuddhi tīṇi kathāvatthūni hutvā āgatā: pavivekakathā, viriyārambhakathā, samādhikathā ti. Evaṇ tāva yaṇ vi-suddhisu saṅkhittaṇ, taṇ kathāvatthusu vitthiṇṇaṇ. Kathā-vatthusu pana ekā paññākathā pañcavisuddhiyo hutvā āgatā: diṭṭhivisuddhi, kaṅkhāvitaraṇavisuddhi, maggāmaggañāṇa-dassanavisuddhi, paṭipadāñāṇadassanavisuddhi, ñāṇadassana-visuddhi ti. Evaṇ yaṇ kathāvatthusu saṅkhittaṇ, taṇ visuddhisu vitthiṇṇaṇ. Tasmā Sāriputtatthero satta visud-dhiyo pucchanto na aññaṇ pucchi; dasa kathāvatthūni yeva pucchi. Puṇṇatthero pi satta visuddhiyo vissajjento na aññaṇ vissajjesi; dasa kathāvatthūni yeva vissajjesi. Iti ubho p' ete jānitvā titthakusalā hutvā visaye yeva pañhaṇ pucchiṇsu c' eva vissajjesuṇ cā ti veditabbā.¹

73. [150⁸] *Konāmo āyasmā* ti na thero tassa nāmaṇ na jānāti; jānanto yeva pana sammodituṇ labhissāmī ti pucchi. *Kathaṇ cu pana āyasmantaṇ* ti idaṇ pana thero sammodamāno āha. *Mantāṇiputto* ti Mantāṇiyā brāhmaṇiyā putto. *Yathā tan* ti ettha *tan* ti nipātamattaṇ. *Yathā sutavatā sāvakeṇa byākātabbā*, evam eva byakatā ti, ayam ettha saṅkhepattho. *Anumāssa anumāssā*² ti dasa kathāvatthūni ogahetvā anupa-visitvā.

74. [150¹⁷] *Celaṇḍukenā*³ ti ettha celaṇ⁴ vuccati vatthaṇ, aṇḍukaṇ⁵ cumbaṭakaṇ. Vatthacumbaṭakaṇ sīse katvā āyas-mantaṇ tattha nisīdāpetvā pariharantā pi sabrahmacārī sace dassanāya labheyyuṇ; evaṇ laddhadassanam pi nesaṇ lābhā yevā ti aṭṭhānaparikappena abhinhadassanassa upāyaṇ das-sesi. Evaṇ apariharantena hi pañhaṇ vā pucchitukāmena, dhammaṇ vā sotukāmena, thero kattha ṭhito kattha nisinno

¹ C. veditabbo.

² B. S. Anumassa anumassā.

³ B. Celaṇḍakenā; S. Velaṇḍakenā.

⁴ S. velaṇ.

⁵ B. S. aṇḍakaṇ.

ti pariyesantena caritabbaṇ hoti. Evaṇ pariharantena pana icchiticchitakkhaṇe yeva sīsato oropetvā mahārahe āsane nisīdāpetvā sakkā hoti pañhaṇ vā pucchituṇ, dhammaṇ vā sotuṇ. Iti atthānaparikappena abhiñhadassanassa upāyaṇ dassesi.

75. [150²⁶] *Sāriputto ti ca pana man ti Sāriyā brāhmaṇiyā* putto ti ca pana evaṇ maṇ sabrahmacārī jānanti. *Satthukappenā* ti Satthusadisena. Iti ekapaden' eva āyasmā Puṇṇo Sāriputtattheraṇ candamaṇḍalaṇ āhacca ṭhapento viya ukkhipi. Therassa hi imasmiṇ ṭhāne ekantadhammakathikabhāvo pākaṭo ahosi. Amaccaṇ hi mahanto ti vadamāno rājasadiso ti vedeyya; goṇo hatthippamāno ti; vāpiṇ samudappamānā ti; ālokaṇ candasuriyālokappamāno ti. Ito paraṇ etesaṇ mahantabhāvakathā nāma n' atthi. Sāvakam pi mahā ti vadanto satthupaṭibhāgo ti vadeyya. Ito paraṇ tassa mahantatā nāma n' atthi. Icc' āyasmā Puṇṇo ekapaden' eva therāṇ candamaṇḍalaṇ āhacca ṭhapento viya ukkhipi.

76. [150²⁹] *Ettakam pi no nappaṭibhāseyyā* ti paṭisambhidāppattassa appaṭibhānaṇ nāma n' atthi. Yā panāyaṇ upamā āhaṭā, taṇ na āhareyyāma; attham eva katheyyāma. Upamā hi ajānantānaṇ āhariyatī ti ayam ettha adhippāyo. Atthakathāyaṇ pana idam pi paṭikkhipitvā, upamā nāma Buddhānam pi santike āhariyatī ti, therāṇ pan' esa apacāyamāno evam āhā ti.

77. [150³³] *Anumāssa anumāssa pucchitā* ti dasa katbāvatthūni ogāhetvā ogāhetvā pucchitā. Kiṇ pana pañhassa pucchanaṇ bhāriyaṇ udāhu vissajjanaṇ ti? Uggahetvā pucchanaṇ no bhāriyaṇ. Vissajjanaṇ pana bhāriyaṇ. Sahetukaṇ katvā¹ sakāraṇaṇ katvā pucchanaṇ pi vissajjanaṇ pi bhāriyam eva. *Samanumodiṇsū* ti samānacittā² hutvā anumodiṇsu. Iti yathānusandhinā va desanā niṭṭhitā ti.

Rathavinītasuttaṇ catutthaṇ.

25.

[Nivāpasuttavaṇṇanā]

1. [151⁷] *Evam me sutaṇ* ti Nivāpasuttaṇ. Tattha nevāpiko ti yo migānaṇ gahaṇatthāya araṇṇe tiṇabijāni vapati, idaṇ

¹ B. S. vā.

² B. S. samacittā.

tiṇaṇ khādituṇ āgate mige sukhaṇ gaṇhissāmī ti. *Nivāpan* ti vappaṇ. *Nivuttan* ti nivāpitaṇ. *Migajātā* ti migaghaṭā. *Anupakhajjā* ti anupavisitvā. *Mucchitā* ti taṇhāmucchāya mucchitā. Taṇhāya hadayaṇ pavisitvā mucchanākāraṇ pāpitā ti attho. *Madan āpajjissanti* ti mānamadaṇ āpajjissanti. *Pamādan* ti vissatṭhasatibhāvaṇ.¹ *Yathākāmakaraṇiṇyā bhavissanti* ti yathā icchissāmi,² tathā kātabbā bhavissanti. *Amusmiṇ nivāpe* ti imasmiṇ nivāpaṭṭhāne.

2. Ekaṇ kira nivāpatiṇaṇ nāma atthi, nidāghabhaddakaṇ. Taṇ yathā yathā nidāgho hoti, tathā tathā nīvāravanaṇ viya, meghamālā viya ca ekaghanaṇ hoti. Taṇ luddakā ekasmiṇ udakaphāsukaṭṭhāne kasitvā vapitvā vatiṇ katvā dvāraṇ yojetvā rakkhanti. Atha yadā mahānidāghe subbatinaṇi sukkhāni honti, jivhātemanamattam pi udakaṇ dullabhaṇ hoti, tadā migajātā sukkhatinaṇi c' eva purāṇapaṇṇāni ca khādantā kampamānā viya vicarantā nivāpatiṇassa gandhaṇ ghāyitvā vadhabandhanādīni agaṇayitvā vatiṇ ajjhotṭharantā pavisanti. Tesāṇ hi nivāpatiṇaṇ ativiya piyaṇ hoti manāpaṇ. Nevāpiko te disvā dve tīṇi divasāni pamatto viya hoti, dvāraṇ vivaritvā titṭhati. Anto nivāpaṭṭhāne tahiṇ tahiṇ udaka-āvāṭakā pi honti. Migā vivaṭadvārena pavisitvā khāditamattakaṇ pītamattakam eva katvā pakkamanti. Punadivase, kiñci na karontī ti kaṇṇe cālayamānā khāditvā pivitvā ataramānā gacchanti. Punadivase, koṇi kiñci kattā n' atthī ti yāvadatthaṇ khāditvā pivitvā maṇḍalagumbaṇ pavisitvā nipajjanti. Luddako tesāṇ pamat-tabhāvaṇ ṇatvā³ dvāraṇ pidhāya samparivāretvā koṭito paṭṭhāya koṭṭento gacchati. Evaṇ te tasmiṇ nivāpe nevāpikassa yathākāmakaraṇiṇyā bhavanti.

3. [151²⁰] *Tatra, bhikkhave* ti, bhikkhave, tesu migajātesu. *Paṭhamā migajātā* ti, migajātā paṭhamā, dutiyā nāma n' atthi. Bhagavā pana āgatapaṭipāṭivasena kappetvā paṭhamā, dutiyā, tatiyā, catutthā ti nāmaṇ āropeṭvā dassesi. *Iddhānubhāvā* ti yathākāmaṇ kattabbabhāvato. Vasībhāvo yeva hi ettha iddhī ti ca ānubhāvo ti ca adhippeto. *Bhayaabhogā*

¹ S. mutṭhassatibhāvaṇ.

² B. S. icchissāma.

³ B. S. jānitvā.

ti bhāyena bhogato. *Balaviriyaṇ* ti aparāparaṇ sañcaraṇa-kavāyodhātu. *Sā parihāyī* ti attho.

4. [153¹] *Upanissāya āsayaṇ kappeyyāmā* ti anto nippajjitvā khādantānaṇ bhayaṃ eva; bāhirato āgantvā khādantānam pi bhayaṃ eva; mayaṇ pana amuṇ nivāpaṭṭhānaṇ nissāya yaṇ nūna¹ ekamante āsayaṇ kappeyyāmā ti cintayīṇsu. *Upanissāya āsayaṇ kappayīṇsū* ti luddakā nāma na sabbakālaṇ appamattā honti; mayaṇ tattha tattha maṇḍalagumbesu c' eva vatipādesu ca nipajjitvā etesu mukhadhovanatthaṇ vā āhārakiccekaraṇatthaṇ vā pakkantesu nivāpavatthuṇ pavisitvā khāditamattaṇ pītamattaṇ² katvā amhākaṇ vasanaṭṭhānaṇ pavississāmā ti nivāpavatthuṇ upanissāya gahanesu gumbavatipādādīsu āsayaṇ kappayīṇsu. *Bhūñjīṇsū* ti vuttanayena luddakānaṇ pamādakālaṇ ñatvā sīgha-sīghaṇ pavisitvā bhūñjīṇsu.

5. [153¹⁵] *Keṭubhīno* ti sikkhitakerāṭikā. *Iddhimantā* ti iddhimantā viya. *Parajanā* ti yakkhā; ime na migajātā.³ *Āgatiṇ vā* ti iminā nāma ṭhānena āgacchanti, amutra gacchanti ti idaṇ nesaṇ na jānāma. *Daṇḍavākarāhī*⁴ ti daṇḍavākarajālehi.⁵ *Samantā sappadesaṇ anuparivāresuṇ* ti atimāyāvino ete, na dūraṇ gamissanti, santike yeva nipannā bhavissanti ti nivāpakhattassa samantā sappadesaṇ mahantaṇ okāsaṇ anuparivāresuṇ. *Addasaṇsū* ti evaṇ parivāretvā vākarajālaṇ samantato cāletvā oloketā addasaṇsu. *Yattha te* ti yasmiṇ ṭhāne te gāhaṇ agamaṇsu, taṇ ṭhānaṇ addasaṇsū ti attho.

6. [154³²] *Yaṇ nūna mayaṇ yattha agatī* ti te kira evaṇ cintayīṇsu: Anto nipajjitvā anto khādantānam pi bhayaṇ, bāhirato āgantvā khādantānam pi, santike vasitvā khādantānam pi bhayaṃ eva. Te pi hi vākarajālena parikkhipitvā gahitā yevā.⁶ Tena tesā etad ahoṣi: Yaṇ nūna mayaṇ yattha nevāpikassa ca nevāpikaparisāya ca agatī avisayo, tatth' āsayaṇ⁷ kappeyyāmā ti. *Aññe ghaṭṭessanti* ti tato⁸ dūrataravāsino aññe ghaṭṭessanti. *Te ghaṭṭitā aññe* ti te pi ghaṭṭitā aññe

¹ B. S. *omit* yaṇ nūna.

³ B. S. *add* ti.

⁵ B. S. °vāgura°.

⁷ B. S. tattha tattha seyyaṇ.

² B. *omits*; C. *adds* pi.

⁴ B. S. °vāgurāhī.

⁶ B. S. yevā ti.

⁸ B. S. *add* tato.

tato dūravāsino ghaṭṭessanti. *Evaṇ imaṇ nivāpaṇ nivuttaṇ sabbaso migajātā riñcissantī* ti evaṇ imaṇ amhehi nivuttaṇ nivāpaṇ sabbe migaghaṭā migasañghā vissajjessanti, paricajjissanti. *Ajjhupekkheyyāmā* ti tesaṇ gahaṇe abyāvaṭā bhaveyyāma. Yathā tathā āgacchantesu hi taruṇapotako vā mahallako vā dubbalo vā yūthaparihīno vā sakkā hoti laddhuṇ. Anāgacchantesu kiñci n' atthi. *Ajjhupekkhīṇsu kho, bhikkhave* ti evaṇ cintetvā abyāvaṭā ahesuṇ.

7. [155¹⁶] *Amuṇ nivāpaṇ nivuttaṇ Mārassa, amūni ca lokāmisānī* ti ettha nivāpo ti vā lokāmisānī ti vā vaṭṭāmisabhūtānaṇ pañcannaṇ kāmagaṇānam ev¹ etaṇ adhivacanaṇ. Māro na ca bijāni viya kāmagaṇe vapanto āhiṇḍati; kāmagaṇe giddhānaṇ pana upari vasaṇ vatteti. Tasmā kāmagaṇā Mārassa nivāpā nāma honti. Tena vuttaṇ: *Amuṇ nivāpaṇ nivuttaṇ Mārassā* ti. Na *parimuccīṇsu Mārassa iddhānubhāvā* ti Mārassa vasaṇ gatā ahesuṇ, yathākāmakaraṇīyā. Ayaṇ saputtabhariyapabbajjāya āgatā upamā.

8. [156²⁰] *Cetovimutti parihāyī* ti ettha *cetovimutti* nāma araññe vasissāmā ti uppanna-ajjhāsayo. So parihāyī ti attho. *Tathūpame ahaṇ, bhikkhave, ime dutiye* ti ayaṇ brāhmaṇadhammikapabbajjāya upamā. Brāhmaṇā hi atṭha-cattālīsaṇ vassāni komāraṇ brahmacariyaṇ caritvā vaṭṭupacchedabhayena paveṇiṇ ghaṭayissāmā ti dhaṇaṇ pariyesitvā bhariyaṇ gahetvā agāramajjhe vasantā ekasmiṇ putte jāte amhe sampatvā² vaṭṭaṇ na ucchinnāṇ, paveṇi ghaṭitā ti puna nikkhamitvā pabbajanti vā, tam eva vā sakalattavāsaṇ³ vasanti.

9. [158¹] *Evaṇ hi te, bhikkhave, tatiyā samanabrāhmaṇā na parimuccīṇsū* ti purimā viya te pi Mārassa iddhānubhāvā na muccīṇsu, yathākāmakaraṇīyā va ahesuṇ. Kiṇ pana te akaṇsū ti? Gāmanigamarājadhāniyo osaritvā tesu tesu āramuyyānaṭṭhānesu assamaṇ māpetvā nivasantā kuladārake hatthi-assa-rathasippādīni nānappakārāni sippāni sikkhāpesuṇ. Iti te, vākarajālena⁴ tatiyā migajātā viya, Mārassa

¹ B. S. omī.

² S. amhākaṇ putto jāto.

³ B. S. sakalantaṇ vā.

⁴ B. S. vāgura°.

pāpimato diṭṭhiajālena parikkhittā¹ yathākāmakaraṇīyā ahesuṇ.

10. [159⁸] *Tathūpame ahaṇ, bhikkhave, ime catutthe* ti ayaṇ imassa sāsanassa upamā āhaṭā. *Andham akāsi Māraṇ* ti na Mārassa akkhini bhindi. Vipassanāpādakajjhānaṇ samāpannassa pana bhikkhuno imaṇ nāma ārammaṇaṇ nissāya cittaṇ vattatī ti Māro passituṇ na sakkoti. Tena vuttaṇ: *Andham akāsi Māraṇ* ti. *Apadaṇ vadhitvā Māracakkhun* ti ten' eva pariyāyena yathā Mārassa cakkhuṇ apadaṇ hoti nip-padaṇ, appatitṭhaṇ, nirārammaṇaṇ, evaṇ² vadhitvā ti attho. Adassanaṇ gato pāpimato ti ten' eva pariyāyena Mārassa pāpimato adassanaṇ gato. Na hi so attano maṇsacakkhunā³ vipassanāpādakajjhānaṇ samāpannassa bhikkhuno ñāṇasari-ṇaṇ daṭṭhuṇ sakkoti.

11. [160⁹] *Paññāya c' assa disvā*⁴ ti maggapaññāya cattāri ariyasaccāni disvā cattāro āsavā parikkhīṇā honti. *Tiṇṇo loke visattikaṇ* ti loke sattavisattaḥhāvena visattikā ti evaṇ saṅkhaṇ gataṇ, atha vā, “Visattikā ti ken' atṭhena visattikā? Visatā ti visattikā . . . visamulā ti visattikā; visaphalā ti visattikā; visaparibhogā ti visattikā; visālā vā pana sā taṇhā rūpe, sadde, gandhe, rase, phoṭṭhabbe” ti (Nd. i. 9) evaṇ vā saṅkhaṇ gataṇ taṇhaṇ tiṇṇo nittiṇṇo uttiṇṇo, tena vuccati, *tiṇṇo loke visattikaṇ* ti.

Nivāpasuttaṇ pañcamaṇ.

26.

[Pāsarāsisuttavaṇṇanā]

1. [160^{1a}] *Evam me sutan* ti Pāsarāsisuttaṇ. Tattha *sādhū mayaṇ, āvuso* ti āyācantā bhaṇanti. Ete kira pañcasatā bhikkhū janapadavāsino Dasabalaṇ passissamā ti Sāvatthiṇ anuppattā. Satthudassanaṇ pana etehi laddhaṇ, dhamma-katṭhaṇ na tāva suṇanti. Te Satthugāravena amhākaṇ

¹ B. S. parikkhipitvā.

² C. *adds* ca.

³ B. S. *add* tassa.

⁴ B. S. *add* āsavā parikkhīṇā hontī.

bhante dhammakathaṇ¹ kathethā ti vattuṇ na sakkonti. Buddhā hi garū honti; ekacāriko siho migarājā viya, pabhinakuñjaro viya, phaṇākata-āsiviso viya, aggikkhandho² viya ca durāsadā. Vuttam pi c' etaṇ:

“ Āsiviso yathā ghorō migarājā ca³ kesari

nāgo ca³ kuñjaro danti evaṇ Buddhā durāsadā ” ti ().

Evaṇ durāsadaṇ Satthāraṇ te bhikkhū sayaṇ yācituṇ asak-kontā āyasmantaṇ Ānandaṇ yācamānā, *sādhu mayaṇ, āvuso* ti āhaṇsu.

2. [160²⁵] *App' eva nāmā* ti api nāma labheyyātha.⁴ Kasmā pana thero te bhikkhū Rammakassa brāhmaṇassa assamaṇ upasaṅkameyyāthā ti āha? Pākāṭikiriyaṭāya. Dasabalassa hi kiriya therassa pākāṭā hoti. Jānāti thero,⁵ ajja Satthā Jetavane vasitvā Pubbārāme divāvihāraṇ karissati; ajja Pubbārāme vasitvā Jetavane divāvihāraṇ karissati; ajja ekako va⁶ piṇḍāya pavississati, ajja bhikkhusaṅghaparivuto; imasmiṇ kāle janapadacārikaṇ nikkhamissati ti. Kiṇ pan' assa evaṇ jānanatthaṇ cetopariyaññaṇ atthi ti? N' atthi. Anumānabuddhiyā pana katakiriyaṇa nayaggāhena jānāti.

3. Yaṇ hi divasaṇ Bhagavā Jetavane vasitvā Pubbārāme divāvihāraṇ kātukāmo hoti, tadā senāsanaparikkhārabanḍaṇaṇ paṭisāmanākāraṇ dasseti. Thero sammajjani-saṅkārachaddanakādini paṭisāmeti. Pubbārāme vasitvā Jetavanaṇ divāvihārāya āgamanakāle pi es' eva nayo. Yadā pana ekako piṇḍāya pavisitukāmo hoti, tadā pāto va sarīraṇ paṭijaggitvā⁷ Gandhakuṭiṇ pavisitvā dvāraṇ pidhāya phala-samāpattiṇ appetvā nisīdati. Thero, ajja Bhagavā bodhaneyyabandhavaṇ disvā nisinno ti tāya saññāya ñatvā, āvuso, ajja Bhagavā ekako va pavisitukāmo; tumhe bhikkhacārasajjā hothā ti bhikkhūnaṇ saññaṇ deti. Yadā pana bhikkhusaṅghaparivāro pavisitukāmo hoti, tadā Gandhakuṭiṇ upaḍḍhapihitaṇ katvā phalasamāpattiṇ appetvā nisīdati. Thero tāya saññāya ñatvā pattacīvaragahaṇatthāya bhikkhū-

¹ B. S. dhammiṇ kathaṇ.

² B. S. mahā-aggi°.

³ B. S. va.

⁴ B. S. labheyyāma.

⁵ C. adds va.

⁶ B. S. omit.

⁷ B. S. sarīrapaṭijagganaṇ katvā.

naṃ saññaṃ deti. Yadā pana janapadacārikaṃ nikkhamitu-kāmo hoti, tadā ekaṃ, dve ālope atirekaṃ bhuñjati; sabbakālaṃ caṅkamaṇaṃ¹ āruya aparāparaṃ caṅkamati. Thero tāya saññāya ñatvā, āvuso, Bhagavā janapadacārikaṃ caritukāmo, tumhākaṃ kattabbaṃ karoṭhā ti bhikkhūnaṃ saññaṃ deti.

4. Bhagavā paṭhamabodhiyaṃ vīsati vassāni anibaddhavāso ahoṣi; pacchā pañcavīsati vassāni abbokiṇṇaṃ Sāvatthiṃ yeva upanissāya vasanto ekadivasaṃ dve tñānāni paribhuñjati; Jetavane rattinṃ vasitvā punadivase bhikkhusaṅghaparivuto dakkhiṇadvārena Sāvatthiṃ piṇḍāya pavisitvā pācīnadvārena nikkhamitvā Pubbārāme divāvihāraṃ karoti. Pubbārāme rattinṃ vasitvā punadivase pācīnadvārena Sāvatthiṃ piṇḍāya pavisitvā dakkhiṇadvārena nikkhamitvā Jetavane divāvihāraṃ karoti. Kasmā? Dvinnāṃ kulānaṃ anukampāya. Manussattabhāve tñitena hi Anāthapiṇḍikena viya aññaṇa kenaci, mātugāmattabhāve tñitāya ca Visākhāya viya aññāya itthiyā Tathāgataṃ uddissa dhanapariccago kato nāma n' atthi. Tasmā Bhagavā tesāṃ anukampāya ekadivase imāni dve tñānāni paribhuñjati. Tasmiṃ pana divase Jetavane vasi. Tasmā thero, ajja Bhagavā Sāvatthiyaṃ piṇḍāya caritvā sāyaṇhakāle gattāni parisiñcanattāya Pubbakotṭhakaṃ gamissati, athāhaṃ gattāni parisiñcitvā tñitaṃ Bhagavantaṃ yācitvā Rammakassa brāhmaṇassa assamaṃ ga-hetvā gamissāmi, evaṃ ime bhikkhū Bhagavato sammukhā labhissanti dhammiṃ kathaṃ savanāyā ti cintetvā te bhikkhū evaṃ āha.

5. [160³¹] *Migāramātu pāsādo* ti Visākhāya pāsādo. Sā hi Migārena setṭhinā mātutṭhāne tñapitattā Migāramatā ti vuccati. *Paṭisallānā vutṭhito* ti tasmiṃ kira pāsāde dvinnan mahāsāvakaṇaṃ sirigabbhānaṃ majjhe Bhagavato sirigabbho ahoṣi. Thero dvāraṃ vivaritvā antogabbhaṃ sammajjitvā mālākacavaraṃ niharitvā mañcapīṭhaṃ paññāpetvā Sattu saññaṃ adāsi. Satthā sirigabbhaṃ pavisitvā dakkhiṇena passena sato sampajāno sihaseyyaṃ upagamma darathaṃ paṭipassambhetvā utṭhāya phalasamāpattiṃ appetvā nisīdi-

¹ B. S. *add* ca.

tvā, sāyanhasamaye tato vutṭhāsi. Taṇ sandhāya vuttaṇ: *Paṭisallānā vutṭhito* ti. *Parisiñcitun* ti yo hi cunṇamattikā-dīhi gattāni ubbaṭṭento mallakamūlādīhi¹ ghaṇsento nahāyati, so nahāyati ti vuccati. Yo tathā akatvā pakatiyā va nahāyati, so parisīcatī ti vuccati. Bhagavato ca² sarīre tathāharitabbaṇ rajojallaṇ nāma n' upalimpati. Utugahanatthaṇ pana Bhagavā kevalaṇ udakaṇ otarati. Ten' āha: *Gattāni parisīcitun* ti.

6. [161⁴] *Pubbakoṭṭhako* ti pācīnakotṭhako. Sāvattiyaṇ kira vihāro kadāci mahā hoti, kadāci khuddako. Tathā hi, so Vipassissa Bhagavato kāle yojaniko ahosi; Sikhissa tigāvutappamāno; Vessabhussa aḍḍhayaohaniko; Kakusandhassa gāvutappamāno; Konāgamanassa³ aḍḍhagāvutappamāno; Kassapassa vīsati-usabhappamāno; amhākaṇ Bhagavato kāle aṭṭhakarīsappamāno jāto. Tam pi nagaraṇ tassa vihārassa kadāci pācīnato hoti, kadāci dakkhiṇato, kadāci pacchimato, kadāci uttarato. Jetavana-Gandhakuṭiyaṇ pana catunnaṇ mañcapādānaṇ patitṭhitatṭhānaṇ acalam eva. Cattāri hi acalacetiyatṭhānāni nāma: Mahābodhipallaṇkatṭhānaṇ, Isipatane Dhammacakkappavattanaṭṭhānaṇ, Saṅkassanagara-dvāre⁴ devorohanakāle sopānassa patitṭhānatṭhānaṇ, mañcapādatṭhānan ti.

7. Ayaṇ pana Pubbakotṭhako Kassapadasabalassa vīsati-usabhiyavihārakāle⁵ pācīnadvāre⁶ ahosi. So idāni pi Pubba-koṭṭhako tv' eva paññāyati. Kassapadasabalassa kāle Aci-ravati nagaraṇ parikkhipitvā sandamānā Pubbakotṭhakaṇ patvā udakena bhinditvā mahantaṇ udakadahaṇ māpesi, samatitthaṇ anupubbagamabbhiraṇ. Tattha ekaṇ rañño nahānatitthaṇ, ekaṇ nāgarānaṇ, ekaṇ bhikkhusaṅghassa, ekaṇ Buddhānaṇ ti evaṇ paṭiyekkāni⁷ nahānatitṭhāni honti, ramaṇiyāni vippakiṇṇarajatapaṭṭasadisavālikāni.⁸

8. [161⁶] Iti Bhagavā āyasmatā Ānandena saddhiṇ yena ayaṇ evarūpo Pubbakotṭhako ten' upasaṅkami, gattāni

¹ B. °mutṭhādīhi.

² B. S. pi.

³ B. Konāgamanassa.

⁴ B. S. nagare, and omit dvāre.

⁵ B. S. -usabha°.

⁶ B. S. add koṭṭhako.

⁷ B. paṭipāṭiyā.

⁸ C. °vālukāni.

parisiñcituṇ. Atha āyasmā Ānando udakasāṭikaṇ upanāmesi.¹ Bhagavā rattadupattaṇ apanetvā udakasāṭikaṇ nivāsesi. Thero dupattaṇena saddhiṇ mahācīvaraṇ attano hatthagataṇ akāsi. Bhagavā udakaṇ otari. Sah' otaraṇen' ev' assa uduke macchakacchapā sabbe suvaṇṇavaṇṇā ahesuṇ; yantanālikāhi suvaṇṇarasadhārāvissajjanakālo² viya, suvaṇṇapaṭapasaṇakālo³ viya ca ahosi. Atha Bhagavato nahānavatthaṇ dassetvā nahatvā paccuttiṇṇassa thero rattadupattaṇ upanesi. Bhagavā taṇ nivāsetvā vijjullatāsadisāṇ kāyabandhanaṇ bandhitvā mahācīvaraṇ antantena saṇharitvā padumagabbhasadisāṇ katvā upanītaṇ dvisu kaṇṇesu gahetvā aṭṭhāsi. Tena vuttaṇ: *Pubbakoṭṭhake gattāni pari-siñcivā paccuttarivā ekacīvaro aṭṭhāsī ti.*

9. Evaṇ ṭhitassa pana Bhagavato sarīraṇ vikaṣitakamaluppalasaraṇ,⁴ sabbaphāliphullapāricchattakaṇ, tārāmarīcivikacagaganatalaṇ,⁵ siriya avahasamānaṇ viya virocittha. Byā-mappabhāparikkhepavilāsini c' assa dvattiṇsavaraḷakkhaṇamālā, ganthitvā ṭhapitadvattiṇsacandamālā viya, dvattiṇsasuriyamālā viya, paṭipāṭiyaṇ ṭhapitā dvattiṇsa cakka-vattī, dvattiṇsa devarājā, dvattiṇsa Mahābrahmāno viya ca ativiya virocittha. Vaṇṇanā bhūmi nām' esā. Evarūpesu ṭhānesu Buddhānaṇ sarīravaṇṇaṇ vā guṇavaṇṇaṇ vā cunṇiyapadehi vā gāthāhi vā atthañ ca upamāyo ca kāraṇāni ca āharitvā paṭibalena dhammakathikena pūretvā kathetuṇ vaṭṭati.⁶ Evarūpesu hi ṭhānesu dhammakathikassa thāmo veditabbo.

10. [161¹⁰] *Gattāni pubbāpayamāno* ti pubbabhāvaṇ pakatibhāvaṇ gamayamāno. Nirudakāni kurumāno, sukkhāpayamāno ti attho. Sodake gatte cīvaraṇ pārupantassa hi cīvare kaṇṇikā utṭhahanti, parikkhārabhaṇḍaṇ dussati. Buddhānaṇ pana sarīre rajojallaṇ na upalippati; padumapatte pakkhitta-udakabindu⁷ viya udakaṇ vinivattitvā gacchati.

¹ C. S. upanesi.

² B. S. °nisiñcamānakālo.

³ S. °paṭṭa°.

⁴ S. °vanaṇ.

⁵ B. °vikasitaṇ ca gaganatalaṇ; S. °vikasitam iva.

⁶ B. S. vaṭṭatī ti.

⁷ C. -udabindu.

Evaṇ sante pi sikkhāgāravatāya Bhagavā, pabbajitavattan nām' etan ti mahācīvaraṇ ubhosu kaṇṇesu gahetvā purato kāyaṇ paṭicchādetvā atṭhāsi.

11. [161¹⁰] Tasmiṇ khane thero cintesi: Bhagavā mahācīvaraṇ pārupitvā Migāramātupāsādaṇ ārabba gamanābhinihārato paṭṭhāya dunnivattiyo bhavissati. Buddhānaṇ hi adhippāyakopanaṇ nāma ekacārīkaśīhassa gahaṇatthaṇ hatthappasāraṇaṇ viya, pabhinnavaravāraṇassa soṇḍāya parāmasanaṇ viya, uggatejassa āsivisassa gīvāya gahaṇaṇ viya ca bhāriyaṇ hoti. Idh' eva Rammakassa brāhmaṇassa assamassa vaṇṇaṇ kathetvā tattha gamanatṭhāya Bhagavan-taṇ yāciissāmi ti. So tathā akāsi. Tena vuttaṇ: *Atha kho āyasmā Anando—pe—anukampaṇ upādāyā* ti. Tattha anukampaṇ upādāyā ti Bhagavato sammukhā dhammiṇ kathaṇ soṇḍāyā ti taṇ assamaṇ gatānaṇ pañcannaṇ bhikkhusatānaṇ anukampaṇ paṭicca. Tesu kāruṇṇaṇ katvā ti attho.

12. [161¹⁹] *Dhammiyā kathāyā* ti dasasu pāramitāsu añña-tarāya pāramiyā c' eva mahābhinikkhamanassa ca vaṇṇaṇ kathayamānā sannissinnā honti. *Āgamayamāno* ti olokayamāno. Ahaṇ Buddho ti sahasā apavisitvā yāva sā kathā na niṭṭhāsi, tāva atṭhāsi ti attho. *Aggaṇ ākoṇesi* ti aggana-khena kavāṇe saññaṇ adāsi. *Vivariṇsū* ti sotaṇ odahitvā va nisinnattā taṇ khaṇaṇ yeva gantvā vivariṇsu. *Paññatte āsane* ti Buddhakāle kira yattha yattha eko pi bhikkhu viharati, sabbattha¹ Buddhāsaṇaṇ paññattam eva hoti.

13. Kasma? Bhagavā kira attano santike kammaṭṭhānaṇ gahetvā phāsukaṭṭhāne viharante manasikaroti: asuko mayhaṇ santike kammaṭṭhānaṇ gahetvā gato; asakkihi nu kho visesaṇ nibbattetuṇ, no ti. Atha naṇ passati, kammaṭṭhānaṇ vissajjetvā akusalavitakkaṇ vitakkayamānaṇ. Tato, kathaṇ hi nāma mādisassa satthu santike kammaṭṭhānaṇ gahetvā viharantaṇ imaṇ kulaputtaṇ akusalavitakkā abhi-bhavitvā anamatagge vaṭṭadukkhe saṇṇādessanti² ti tassa anuggahatthaṇ tatth' eva attānaṇ dassetvā taṇ kulaputtaṇ ovaditvā ākāsaṇ uppatitvā puna attano vasanaṭṭhānam eva gacchati. Ath' evaṇ ovadiyamānā te bhikkhū cintayaṇsu:

¹ S. tattha tattha.

² B. S. saṇṇādentī.

Satthā ambhākaṇ manañ jānitvā āgantvā ambhākaṇ samīpe
 ̥hitaṇ yeva attānaṇ dasseti; tasmiṇ khane,¹ bhante, idha
 nisīdatha, idha nisīdathā ti āsanapariyesanaṇ nāma bhāro
 ti te² āsanaṇ paññāpetvā viharanti. Yassa piṭhaṇ atthi, so
 taṇ paññāpeti. Yassa n' atthi, so mañcaṇ vā phalakaṇ
 vā kaṭṭhaṇ vā pāsānaṇ vā vālikapuñjaṇ vā paññāpeti. Taṇ
 alabhamānā³ purāṇapaṇṇāni pi sañkaḍḍhitvā tattha paṇsu-
 kūlaṇ pattharitvā ̥hapenti. Idha pana pakatipaññattam
 eva āsanaṇ ahosi. Taṇ sandhāya vuttaṇ: *Paññatte āsane
 nisīdā* ti.

14. [161²⁵] *Kāya nu 'utthā* ti katamāya nu kathāya sanni-
 sinnā bhavathā ti attho. *Kāya* nv' etthā ti pi pāṭho. Tassa
 katamāya nu etthā ti attho. *Kāya* no 'tthā ti pi pāḷi. Tassa
 purimo yev' attho. *Antarākathā* ti kammaṭṭhānamasikāra-
 uddesa-paripucchādīnaṇ antarā aññā ekā kathā. *Vippakatā*
 ti mama āgamanapaccayā apariniṭṭhitā⁴ sikaṇ appattā.
Atha bhagavā anuppatto ti atha etasmiṇ kāle Bhagavā āgato.
Dhammī vā kathā ti dasakathāvattahunissitā vā dhamma-
 kathā.⁵ *Ariyo vā tunhībhāvo* ti ettha pana dutiyajjhānam
 pi ariyo tunhībhāvo, mūlakammaṭṭhānam pi. Tasmā taṇ
 jhānaṇ appetvā nisinno pi mūlakammaṭṭhānaṇ gahetvā ni-
 sinno pi bhikkhu ariyena tunhībhāvena nisinno ti veditabbo.

15. [161³⁴] *Dve 'mā, bhikkhave, pariyesanā* ti ko⁶ anusandhi?
 Te bhikkhū sammukhā dhammakathaṇ⁷ sossāmā ti therassa
 bhāram akaṇsu. Thero tesā assamagamaṇaṇ akāsi. Te
 tattha nisīditvā atiracchānakathikā hutvā dhammiyā ka-
 thāya nisīdiṇsu. Atha Bhagavā, ayaṇ tumhākaṇ pariyesanā
 ariyā pariyesanā nāmā ti dassetuṇ imaṇ desanaṇ ārabhi.
 Tattha *katamā ca, bhikkhave, anariyā pariyesanā* ti ettha
 yathā maggakusalo puriso paṭhamaṇ vajjetabbaṇ apāya-
 maggaṇ dassento, vāmaṇ muñcitvā dakkhiṇaṇ gaṇhā ti
 vadati, evaṇ Bhagavā desanākusalatāya paṭhamaṇ vajje-
 tabbaṇ anariyapariyesanaṇ ācikkhitvā pacchā itaraṇ ācik-
 khissāmi ti uddesānukkamaṇ bhinditvā evam āha.

¹ S. *adda* ca.² B. S. *omit*.³ B. S. alabhamāno.⁴ B. anitṭhitā.⁵ B. S. dhammī kathā.⁶ S. ekā.⁷ B. S. dhammiṇ kathaṇ.

16. [161³⁶] *Jātidhammo* ti jāyanasabhāvo. *Jarādhammo* ti jīraṇasabhāvo. *Byādhidhammo* ti byādhisabhāvo. *Maraṇadhammo* ti maraṇasabhāvo. *Sokadhammo* ti socanaka-sabhāvo. *Saṅkilesadhammo* ti saṅkilissanasabhāvo. *Puttabhariyan* ti puttā ca bhariyā ca. Esa nayo sabbattha. *Jātarūparajatan* ti ettha pana *jātarūpan* ti suvaṇṇaṇ. *Rajtan* ti yaṇ kiñci vohārūpagaṇ lohamāsakādi. *Jātidhammā h' ete, bhikkhave, upadhayo* ti ete pañcakāmaguṇā upadhayo nāma honti; te sabbe pi jātidhammā ti dasseti. Byādhidhammavārādisu jātarūparajataṇ na gahitaṇ. Na h' etassa sīsarogādayo byādhayo nāma honti; na sattānaṇ viya cuti-saṅkhātaṇ maraṇaṇ, na soko uppajjati. Ayādīhi¹ pana saṅkilesehi saṅkilissatī ti saṅkilesadhammavāre² gahitaṇ; tathā utusamuṭṭhānattā jātidhammavāre; malaṇ gahetvā jīraṇato jarādhammavāre ca. *Ayaṇ, bhikkhave, ariyā pariyesanā* ti bhikkhave, ayaṇ sayāṇ³ niddosatāya pi, ariyehi pariyesitabatāya pi ariyapariyesanā ti veditabbā.

17. [163⁹] *Aham pi sudaṇ, bhikkhave* ti kasmā ārabhi? Mūlato paṭṭhāya mahābhinikkhamanaṇ dassetuṇ. Evaṇ kir' assa ahosi: Bhikkhave, aham pi pubbe anariyapariyesanaṇ pariyesiṇ. Svāhaṇ taṇ pahāya ariyapariyesanaṇ pariyesitvā sabbaññutaṇ patto. Pañcavaggiyā pi anagāriyapariyesanaṇ pariyesiṇsu. Te taṇ pahāya ariyapariyesanaṇ pariyesitvā khīṇāsavabhūmiṇ patṭā. Tumhe pi mamañ c' eva pañcavaggiyānañ ca maggaṇ ārūhā. Ariyapariyesanā tumhākaṇ pariyesanā ti mūlato paṭṭhāya attano mahābhinikkhamanaṇ dassetuṇ imaṇ desanaṇ ārabhi.

18. [163²⁷] Tattha *daharo va samāno* ti taruṇo va samāno. *Susukāḷakeso* ti suṭṭhu kāḷakeso. Añjanavaṇṇakeso hutvā ti attho. *Bhaddenā* ti laddhakena.⁴ *Paṭhamena vayasā* ti tiṇṇaṇ vayānaṇ paṭhamavayena. *Akāmakānan* ti anicchamānānaṇ. Anādaratthe sāmivacanaṇ. Assūni mukhe etesan ti assumukhā; tesāṇ assumukhānaṇ. Assukilinnamukhānaṇ ti attho. *Rudantānan* ti kanditvā rodamānānaṇ.⁵

¹ S. Jarādīhi.

² B. S. saṅkilesika°.

³ B. omits.

⁴ B. S. bhaddakena.

⁵ B. S. rudamānānaṇ.

19. [163³²] *Kiṅkusalaḡavesī* ti kiṅ kusalan ti ḡavesamāno. *Anuttaraṇ santivarapadan* ti uttamaṇ santisaṅkhātaṇ vara-padaṇ. Nibbānaṇ pariyesamāno ti attho. *Yena Ālāro* ti ettha Ālāro ti tassa nāmaṇ. *Dīghapīṅgalo* kira so. Ten' assa Ālāro ti nāmaṇ ahosi. *Kālāmo* ti gottaṇ. *Viharaṭ' āyasmā* ti viharatu āyasmā. *Yattha viññū puriso* ti yasmiṇ dhamme paṇḍito puriso. *Sakaṇ ācariyakan* ti attano ācariyasamayaṇ. *Upasampajja vihareyyā* ti paṭilabhitvā vihareyya. Ettāvata 'nena okāso kato hoti.

20. [164³] *Taṇ dhamman* ti taṇ nesaṇ samayatantiṇ. *Pariyūpunin* ti sutvā va uggaṇhiṇ. *Oṭṭhapahataṃmattenā* ti tena vuttassa paṭiggahaṇatthaṇ oṭṭhapaharaṇamattena. *Apārāparaṇ katvā oṭṭhasaṅcaraṇamattenā* ti attho. *Lapitālāpanamattenā* ti tena lapitassa paṭilāpanamattakena. *Ñāṇavādan* ti jānāmī ti vādaṇ. *Theravādan* ti thirabhāvavādaṇ; thero aham etthā ti etaṇ vacanaṇ. *Ahañ c' eva aññe cā* ti na kevalaṇ ahaṇ, aññe pi bahū evaṇ vadanti. *Kevalaṇ saddhāṃmattakenā* ti paññāya asacchikatvā suddhena saddhāṃmattaken' eva. Bodhisatto kira vācāya dhammaṇ uggaṇhanto yeva, na Kālāmassa vācāya pariyattamattam¹ eva asmiṇ dhamme, addhā esa sattannaṇ samāpattiṇaṇ lābhī ti aññāsi. Ten' assa etad ahosi. *Ākiñcaññāyatanaṇ pavedesī* ti ākiñcaññāyatanaṇ pariyosānā satta samāpattiyo maṇ jānāpesi. *Saddhā* ti imāsaṇ sattannaṇ samāpattiṇaṇ nibbattaṇatthāya saddhā. Viriyādisu pi es' eva nayo. *Padaheyyan* ti payogaṇ kareyyaṇ.

21. [164²⁵] *Na cirass' eva taṇ dhammaṇ sayāṇ abhiññā sacchikatvā upasampajja vihāsin* ti Bodhisatto² viriyaṇ paggaḡhetvā katipāḡhass' eva satta suvaṇṇanisseniyo saṅghāḡento³ viya satta samāpattiyo nibbattesī. Tasmā evaṃ āha. *Lābhā no, āvuso* ti anusuyyako kir' esa Kālāmo. Tasmā, ayaṇ adhunā 'gato, kin ti katvā imaṇ dhammaṇ nibbattesī ti usūyaṇ akatvā pasanno pasādaṇ pavedento evaṃ āha. *Ubho va santā imaṇ gaṇaṇ pariharāmā* ti mahā ayaṇ gaṇo, dve pi janā pariharāmā ti vatvā gaṇassa saṅṇaṇ adāsi; Aham pi sattannaṇ samāpattiṇaṇ lābhī, Mahāpuriso pi sattannam

¹ B. S. pariyatti°.² B. S. add kira.³ B. pasārento; S. sampādentto.

eva; ettakā nāma¹ Mahāpurisassa santike parikammaṇ ugaṇhatha, ettakā mayhaṇ ti majjhe bhinditvā adāsi.

22. [165⁹] *Uḷārāyā* ti uttamāya. *Pūjāyā* ti Kālāmassa kira upaṭṭhākā itthiyo pi purisā pi gandhamālādīni gaheṭvā āgacchanti. Kālāmo, gacchatha, Mahāpurisaṇ pūjethā ti vadati. Te taṇ² pūjetvā yaṇ avasiṭṭhaṇ hoti, tena Kālāmaṇ pūjenti; mahagghāni mañcapīṭhāni āharanti; tāni pi Mahāpurisassa dāpetvā yadi avasiṭṭhaṇ hoti, attanā gaṇhāti; gaṭagataṭṭhāne varasenāsaṇaṇ Bodhisattassa jaggāpetvā ssaṇkaṇ attanā gaṇhāti. Evaṇ uḷārāya pūjāya pūjesi.

23. [165¹⁰] *Nāyaṇ dhammo nibbidāyā* ti ādisu ayaṇ sat-tasamāpattidhammo n' eva vaṭṭe nibbindanattahāya, na virajjanattahāya, na rāgādīnaṇ nirodhattahāya, na upasamatthāya, na abhiññeyyadhammaṇ abhiññananattahāya, na catumaggasambhodhāya, na nibbānasacchikiriyaṇaṇ saṇvattatī ti attho. *Yāvad eva ākiñcaññāyatanūpapattiyaṇ* ti yāva satthikappasahassāyuparimāṇe ākiñcaññāyatanabhava upapatti, tāvad eva saṇvattati, na tato uddhaṇ. Evam ayaṇ punarāvattanaka-dhammo eva; yaṇ ca ṭhānaṇ pāpeti, taṇ jātijarāmarañehi aparimuttam eva, maccupāsapaṇikkhittam evā ti.

24. [165¹³] Tato paṭṭhāya ca pana Mahāsatto yathā nāma chātājjhappurisa manuññaṇ bhojanaṇ labhitvā sampiyāya-māno pi bhuñjitvā pittavasena vā semhavasena vā makkhikāvasena vā chaḍḍetvā puna ekapiṇḍam pi bhuñjissāmi ti manāṇ na uppādeti; evam eva imā satta samāpattiyo mahantena ussāhena nibbattetvā pi, tāsū imaṇ punarāvattana-kādibhedāṇ ādīnaṇaṇ disvā, puna imaṇ dhammaṇ āvajjissāmi vā samāpajjissāmi vā adhiṭṭhahissāmi vā vuṭṭhahissāmi vā paccavekkhissāmi vā ti cittam eva na uppādesi. *Analaṇkaritvā* ti alaṇ iminā, alaṇ iminā ti punappunaṇ alaṇ³ karitvā. *Nibbijjā* ti nibbinditvā. *Apakkamīṇ* ti agamāsiṇ.

25. [165²⁷] *Na kho Rāmo imaṇ dhammaṇ* ti idhāpi Bodhisatto taṇ dhammaṇ ugaṇhanto yeva aññāsi: Ayaṇ aṭṭhasamāpattidhammo na Uddakassa vācāya uggahitamatto va,⁴ addhā

¹ B. S. janā.

² B. maṇ.

³ B. S. analaṇ.

⁴ S. adds ṭhapito; B. ṭhapito for va.

pan' esa aṭṭhasamāpattilābhi ti. Ten' assa etad ahosi: *Na kho Rāmo—pe—jānaṇ passaṇ vihāsi* ti. Sesam ettha purimavāre vuttanayen' eva veditabbaṇ.

26. [166³⁷] *Yena Uruvelā Senānigamo* ti ettha *Uruvelā* ti mahāvelā. Mahāvālikārāsī ti attho. Atha vā, urū ti vālikā vuccati; velā ti mariyādā. Velātikkamanahetu āhaṭṭa uru Uruvelā ti evam p' ettha attho daṭṭhabbo. Atīte kira anuppanne Buddhe dasasahassakulaputtā tāpasapabbajjaṇ pabbajitvā tasmiṇ padese viharantā ekadivasaṇ sannipatitvā katikavattaṇ akaṇsu: Kāyakamma-vacikammāni nāma paresam pi pākāṭāni honti; manokammaṇ pana apākāṭaṇ; tasmā yo kāmavitakkaṇ vā byāpādavitakkaṇ vā vihiṇsāvitakkaṇ vā vitakketi, tassa añño codako nāma n' atthi; so attanā va attānaṇ codetvā pattapuṭena vālikaṇ āharitvā imasmiṇ ṭhāne ākiratu; idam assa daṇḍakamman ti. Tato paṭṭhāya yo tādisaṇ vitakkaṇ vitakketi, so tattha pattapuṭena vālikaṇ ākirati. Evaṇ tattha anukkamena mahā vālikārāsī jāto. Tato naṇ pacchimā janatā parikkhipitvā cetiyatṭhānam akāsi. Taṇ sandhāya vuttaṇ: *Uruvelā* ti mahāvelā. Mahāvālikārāsī ti attho ti. Tam eva sandhāya vuttan: Atha vā uru ti vālikā vuccati; velā ti mariyādā. Velātikkamanahetu āhaṭṭa uru Uruvelā ti evam p' ettha¹ attho daṭṭhabbo ti.

27. [166³⁷] *Senānigamo* ti senāya nigamo. Paṭhamakapikānaṇ kira tasmiṇ ṭhāne senānivāso ahosi; tasmā so padeso Senānigamo ti vuccati. Senānigamo ti pi pāṭho. Senānī nāma Sujātāya pitā, tassa gāmo ti attho. *Tad avasarin* ti tattha osariṇ. *Ramanīyaṇ bhūmibhāgan* ti supupphitanā-nappakārathalajapupphavicittaṇ² manoramaṇ bhūmibhāgaṇ. *Pāsādikaṇ ca vanasaṇḍaṇ* ti morapiṇṇjakalāpasadisāṇ³ pāsādajananaṇ vanasaṇḍaṇ ca addasaṇ. *Nadiṇ ca sandantīn* ti sandamānaṇ ca maṇikkhandhasadisavimalanīlasītalasālilaṇ Nerañjaraṇ nadiṇ addasaṇ. *Setakan* ti suparisuddhaṇ, nik-kaddamaṇ. *Suppatitṭhan* ti anupubbagamabhīrehi sundarehi titthehi upetaṇ. *Ramanīyan* ti rajatapattasadisavippa-

¹ B. S. evam ettha.

² B. S. °jalajathalaja°.

³ B. S. omit °piṇṇja°.

kinṇavālikaṇ pahūtamacchakacchapaṇ abhirāmadassanaṇ. *Samantā ca gocaragāmaṇ* ti tassa padesassa samantā avidūre gamanāgamanasampannaṇ sampattapabbajitānaṇ sulabha-piṇḍaṇ gocaragāmaṇ ca addasaṇ. *Alaṇ vatā* ti samatthaṇ vata. *Tatth' eva nisīdin* ti Bodhipallaṇke nisajjaṇ saṇdhāya āha. Uparisuttasmiṇ hi tatth' evā ti dukkarakārikatṭhānaṇ adhippetanaṇ; idha pana Bodhipallaṇko. Ten' āha: Tatth' eva nisīdin ti. Alam idaṇ padhānāyā ti idaṇ ṭhānaṇ padhānatthāya samatthan ti evaṇ cintetvā nisīdin ti attho.

28. [167¹²] *Ajjhagamaṇ* ti adhigacchiṇ, paṭilabhiṇ. *Ñāṇaṇ ca pana me dussanaṇ* ti sabbadhammadassanasamatthaṇ ca me sabbaññutaññaṇ udapādi. *Akuppā me vimuttī* ti mayhaṇ arahattaphalavimutti akuppatāya ca akuppārammaṇatāya ca akuppā. Sā hi rāgādīhi na kuppatī ti akuppatāya pi akuppā; akuppaṇ nibbānaṇ assā ārammaṇaṇ ti akuppārammaṇatāya pi akuppā. *Ayaṇ antimā jātī* ti ayaṇ sabbapacchimā jāti. *N' atthi dāni punabhavo* ti idāni me puna paṭisandhi nāma n' atthi ti evaṇ paccavekkhaṇaṇaṇam pi me uppannaṇ ti dasseti.

29. [167³⁰] *Adhigato* ti paṭividdho. *Dhammo* ti catusaccadhammo. *Gambhīro* ti uttānabhāvapaṭikkhepavacanamaṇ. *Duddaso* ti gambhīrattā va duddaso, dukkhena daṭṭhabbo, na sakkā sukhena daṭṭhuṇ. *Duddasattā* va *durānubodho*, dukkhena avabujjhitabbo, na sakkā sukhena avabujjhituṇ. *Santo* ti nibbuto. *Paṇīto* ti atappako. Idaṇ dvayaṇ lokuttaram eva sandhāya vuttaṇ. *Atakkāvacarō* ti takkena avacaritabbo, ogāhitabbo na hoti; ñāṇeṇ' eva avacaritabbo. *Nipuno* ti saṇho. *Paṇḍitavedanīyo* ti sammāpaṭipadaṇ paṭipannehi paṇḍitehi veditabbo.

30. [167³²] *Ālayārāmā* ti sattā pañcasu kāmagaṇesu¹ ālayanti²; tasmā te ālayā ti vuccanti; atṭhasatatanhāvicaritāni ālayanti; tasmā ālayā ti vuccanti; tehi ālayehi ramantī ti ālayārāmā. *Ālayesu ratā* ti *ālayaratā*. *Ālayesu suṭṭhu muditā* ti *ālayasammudditā*. *Yath' eva* hi susajjitaṇ puppha-phalabharitarukkhādisampannaṇ uyyānaṇ pavitṭho rājā tāya tāya sampattiyā ramati, sammuditō āmoditaṇamodito hoti,

¹ B. S. pañcakāmaguṇe.

² C. āliyanti.

na ukkaṇṭhati, sayam pi nikkhamituṇa na icchati; evam imehi pi¹ kāmālaya-taṇhālayehi sattā ramanti, saṅsāravatṭe sam-muditā anukkaṇṭhitā vasanti; tena tesañ Bhagavā duvidham pi ālayaṇ uyyānabhūmiṇ viya dassento *ālayārāmā* ti ādim āha.

31. [167³⁵] *Yadidan* ti nipāto. Tassa, tṭhānaṇ sandhāya yaṇ idan ti, paṭiccasamuppādaṇ sandhāya yo ayan ti ayam² attho daṭṭhabbo. *Idappaccayatā-paṭiccasamuppādo* ti imesaṇ paccayā idappaccayā; idappaccayā eva idappaccayatā; idappaccayatā ca sā, paṭiccasamuppādo cā ti idappaccayatā-paṭiccasamuppādo. Saṅkhārādipaccayānaṇ etaṇ adhivacanaṇ. *Sabbasaṅkhārāsamatho* ti ādi sabbaṇ nibbānam eva. Yasmā hi taṇ āgama sabbasaṅkhāravipphanditāni sammanti, upasammanti, tasmā *sabbasaṅkhārāsamatho* ti vuccati. Yasma ca taṇ āgama sabbe upadhayo paṭinissatṭhā honti, sabbā taṇhā khīyanti, sabbe kilesarāgā virajjanti, sabbaṇ dukkhaṇ nirujjhati, tasmā *sabbūpadhipaṭinissaggo*, *taṇhakkhaya*, *virāgo*, *nirodho* ti vuccati. Sā pan' esā taṇhā bhavena bhavaṇ, phalena vā saddhiṇ kammaṇ vinati, saṅsibbatī ti katvā vānaṇ ti vuccati. Tato nikkhantaṇ vānato ti *nibbānaṇ*.

32. [168²] *So mam' assa kilamatho* ti yā ajānantānaṇ de-saṇā nāma, so mama kilamatho assa. Sā mama vihesā assā ti attho. Kāyakilamatho c' eva kāyavihesā ca assā ti vuttaṇ hoti. Citte pana ubhayam p' etaṇ Buddhānaṇ n' atthi. *Api 'ssū* ti anubrūhanatthe nipāto. So, na kevalaṇ etad ahosi, imā pi gāthā paṭibhaṇsū ti dipeti. *Man* ti mama *Anacchariyā* ti anu acchariyā. *Paṭibhaṇsū* ti paṭibhānasaṅkhātassa ṇāṇassa gocarā ahesuṇ; parivitakkayitabbataṇ pāpuṇiṇsu.

33. [168⁵] *Kicchena* ti dukkhena¹; na dukkhāpaṭipadāya. Buddhānaṇ hi cattāro maggā sukhāpaṭipadā va honti. Pāramipūraṇakāle pana sarāga-sadosa-samohass' eva sato āgātāgātānaṇ yācakānaṇ, alaṅkatapaṭiyattaṇ sīsaṇ kantitvā, galalohitaṇ nīharitvā, su-añjitāni akkhīni uppāṭetvā, kula-vaṇsapadīpaṇ puttaṇ, manāpacāriniṇ bhariyaṇ ti evam ādīni dentassa, aññāni ca Khantivādisadisessu attabhāvesu chejja-bhejjādīni pāpuṇantassa āgamanīyapaṭipadaṇ sandhāy' etaṇ

¹ B. S. omit.² B. S. evam.

vuttaṇ. *H' alan* ti ettha hakāro nipātamatto. Alan ti attho. *Pakāsituṇ* ti desituṇ. Evaṇ kicchena adhigatassa dhammassa alaṇ desituṇ,¹ pariyattaṇ desituṇ. Ko attho desitenā ti vuttaṇ hoti. *Rāgadosaparetehi* ti rāgadosaphuṭṭhehi, rāgadosānugatehi vā.

34. [168⁷] *Paṭisotagāmin* ti niccādīnaṇ paṭisotaṇ aniccaṇ, dukkham anattā asubhan ti evaṇ gataṇ catusaccadhammaṇ. *Rāgarattā* ti kāmarāgena bhavarāgena ditṭhirāgena ca rattā. Na *dakkhīnī* ti aniccaṇ dukkham anattā asubhan ti iminā sabhāvena na passissanti. Te apassante ko sakkhissati evaṇ gāhāpetuṇ? *Tamokkhandhena āvaṭā* ti avijjārāsina. ajjhotthaṭā.²

35. [168⁹] *Appossukkatāyā* ti nirussukkabhāvena. Ade-setukāmatāyā ti attho. *Kasmā pan' assa* evaṇ cittaṇ nami? Na nu esa, mutto mocessāmi, tinno tāressāmi,³

“Kim me aññāta vesena dhammaṇ sacchikaten' idha sabbaññutaṇ pāpuṇitvā tārayissaṇ sadevakan” ti

(Jā. i. 14)

patthanaṇ katvā pāramiyo pūretvā sabbaññutaṇ patto ti? Saccam etaṇ.⁴ Paccavekkhaṇānubhāvena pan' assa evaṇ cittaṇ nami. Tassa hi sabbaññutaṇ patvā sattānaṇ kilesagahanataṇ, dhammassa ca gambhīrataṇ paccavekkhantassa sattānaṇ kilesagahanatā ca dhammagambhīratā ca sabbākārena pākāṭā jātā. Ath' assa, ime sattā kaññiyapunnālābu viya, takkabharitacāṭi viya, vasātelapīta⁵-pilotikā viya, añjanamakkhita hattho viya kilesabharitā atisaṅkiliṭṭhā rāgarattā dosaduṭṭhā mohamūḷhā, te kiṇ nāma paṭivijjhissanti ti cintayato kilesagahanapaccavekkhaṇānubhāvenāpi evaṇ cittaṇ nami.

36. Ayaṇ ca⁶ dhammo paṭhavīsandhāraka-udakakkhandho viya gambhīro, pabbatena paṭicchādetvā ṭhapitasāsapo viya duddaso, satadhā bhinnassa vālassa koṭiyā⁷ koṭipaṭipādanāṇ viya duranubodho. Na nu mayā hi imaṇ dhammaṇ paṭivijjhituṇ vāyamantena adinnaṇ dānaṇ nāma n' atthi, arakkhitaṇ

¹ B. S. vibhajituṇ.

² B. S. ajjhotthatā.

³ B. S. °mī ti.

⁴ S. eva; B. S. *add* tad evaṇ.

⁵ S. vasātemita-.

⁶ B. S. *omit*.

⁷ B. S. koṭi viya.

silāṇ nāma . . . apūritā kāci pāramī nāma n' atthi ? Tassa me nirussāhaṇ viya Mārābalaṇ vidhamantassāpi paṭhavi na kampittha; pathamayāme pubbenivāsaṇ anussarantassāpi na kampittha; majjhimayāme dibbacakkhuṇ sodhentassāpi na kampittha; pacchimayāme paṭiccasamuppādaṇ paṭivijjhaṇtass' eva me dasasahassī lokadhātu kampittha. Iti mādisenāpi tikkhañāṇena kicchen' evāyaṇ dhammo paṭividdho. Taṇ lokiyamahājanā kaṭhaṇ paṭivijjhiṇsaṇti ti dhammagambhīratāpaccavekkhaṇānubhāvenāpi¹ evaṇ cittaṇ namī ti veditabbaṇ.

37. Api ca Brahmūnā yācite desetukāmatāya pi 'ssa evaṇ cittaṇ nami. Jānāti hi Bhagavā: mama appossukkatāya citte namamāne Mahābrahmā dhammadesanaṇ yācissati²; ime ca sattā Brahmagarukā, te, Satthā kira dhammaṇ na desetukāmo ahosi, atha naṇ Mahābrahmā yācitvā desāpesi; santo vata, bho, dhammo paṇīto ti maññamānā sussūsissanti ti. Idam pi 'ssa kāraṇaṇ paṭicca appossukkatāya cittaṇ nami; no dhammadesanāya ti veditabbaṇ.

38. [168¹¹] *Sahampatissā* ti so kira Kassapassa Bhagavato sāsane Sahako nāma thero paṭhamajjhānaṇ nibbattetvā paṭhamajjhānabhūmiyaṇ kappāyuka-Mahābrahmā³ hutvā nibbatto. Tatra naṇ Sahampati Brahmā ti sañjānanti. Taṇ sandhāy' āha: *Brahmuno Sahampatissā* ti. *Nassati vatā* ti so kira imaṇ saddaṇ tathā nicchāresi, yathā dasasahassilokadhātubrahmāno sutvā sabbe sannipatiṇsu. *Yatra hi nāmā* ti yasmiṇ nāma loke. *Purato pāturahosī* ti tehi dasahi Brahmahasassehi saddhiṇ pāturahosī. *Appurajakkhajātikā* ti paññāmaye akkhiṇhi appaṇ parittaṇ rāgadosamoharaṇaṇ etesaṇ, evaṇsabhāvā ti apparajakkhajātikā. *Assavanatā* ti assavanatāya. *Bhavissanti* ti purima-Buddhesu dasapuññakiriya-vasena katādhikārā paripākagatapadumāni viya suriyarasamisamphassaṇ, dhammadesanaṇ yeva akañkhamānā catuppadikagāthāvasāne ariyabhūmiṇ okkamanārahā na eko, na dve, anekasatasahassā dhammassa aññātāro bhavissanti ti dasseti.

¹ B. S. °gambhīratāya.

² B. S. °tī ti.

³ B. S. omit Mahā.

39. [168²⁵] *Pāturahosī* ti pātubhavi. *Samalehi cintito* ti samalehi chahi satthārehi cintito. Te hi puretaraṇ uppajjitvā sakala-Jambudīpe kaṇṭake pattharamānā viya, viṣaṇ siñcamānā viya ca samalaṇ micchādittḥidhammaṇ desayiṇsu. *Apāpur' etan* ti vivara etaṇ. *Amatassa dvāraṇ* ti amatassa nibbānassa dvārabhūtaṇ ariyamaggaṇ. *Suṇantu dhammaṇ vimalenānubuddhaṇ* ti ime sattā, rāgādimalānaṇ abhāvato vimalena Sammāsambuddhena anubuddhaṇ catusaccadhammaṇ suṇantu tāva, Bhagavā ti yācati. *Sele yathā pabbatamuddhani tḥito* ti selamaye ekaghane pabbatamuddhani yathā tḥito va. Na hi tattha tḥitassa dassanatthaṇ gīvukkhipanapasāraṇādikiccaṇ atthi. *Tathūpaman* ti tappaṭibhāgaṇ, selapabbatūpamaṇ.

40. Ayaṇ pan' ettha saṅkhepattho: Yathā selapabbatamuddhani tḥito va cakkhumā puriso samantato janataṇ passeyya, tathā¹ tvam pi, sumedha sundarapañña, sabbaññutaññaṇena samantacakkhu Bhagavā dhammamayaṇ paññamayaṇ pāsādam āruya sayāṇ apetasoko sokāvatinnaṇ jāti-jarābhībhūtañ ca janataṇ avekkhassu, upadhāraya, upaparikkha.

41. Ayaṇ pan' ettha adhippāyo: Yathā hi pabbatapāde samantā mahantaṇ khettaṇ katvā tattha kedārapālisu kuṭikāyo katvā rattiṇ aggiṇ jāleyyuṇ. Caturaṅgasamannāgatañ ca andhakāraṇ assa. Atha tassa pabbatassa matthake tḥatvā cakkhumato purisassa bhūmiṇ olokayato n' eva khettaṇ, na kedārapāliyo, na kuṭiyo, na tattha sayitamanussā paññāyeyyuṇ; kuṭikāsu pana aggijālāmattam² eva paññāyeyya. Evaṇ dhammapāsādaṇ āruya sattakāyaṇ³ olokayato Tathāgatassa, ye te akatakalyāṇā sattā, te ekavihāre dakkhiṇajāṇupasse nisinnā pi Buddhacakkhussa āpāthaṇ n' āgacchanti; rattikhittā sarā viya honti. Ye pana katakalyāṇā veneyyapuggalā, te ev' assa dūre pi tḥitā āpāthaṇ āgacchanti, so⁴ aggi viya, Himavantapabbato viya ca. Vuttam pi c' etaṇ:

¹ B. S. omit.

² B. S. °mattakam.

³ B. S. sattanikāyaṇ.

⁴ C. te.

“Dūre santo pakāśenti Himavanto va pabbato
asat’ ettha na dissanti rattikhittā yathā sarā” ti
(Dh. 304).

42. [169¹] *Utthehī* ti Bhagavato dhammadesanatthaṇ cā-
rikācaraṇaṇ¹ yācanto bhaṇati. *Vīrā* ti ādisu Bhagavā viri-
yavantatāya *vīro*; devaputta-maccu-kilesamārānaṇ vijitattā
vijitasāṅgāmo; jātikantārādinittharaṇattāya veneyyasat-
thavāhanasamatthattāya satthavāho; kāmaccchanda-īṇassa
abhāvato *anano* ti veditabbo.

43. [169⁵] *Ajjhesanan* ti yācanaṇ. *Buddhacakkhunā* ti
indriyaparopariyattañāṇena² ca āsayānusayañāṇena ca.
Imesaṇ hi dvinnaṇ ñāṇānaṇ Buddhacakkhū ti nāmaṇ; sab-
baññutañāṇassa samantacakkhū ti; tiṇṇaṇ maggañāṇānaṇ
dhammacakkhū ti. *Apparajakkhe* ti ādisu yesaṇ vuttanayen’
eva paññācakkhumhi rāgādirajaṇ appaṇ, te *apparajakkhā*.
Yesāṇ taṇ mahantaṇ, te *mahārajakkhā*. Yesāṇ saddhādini
indriyāni tikkhāni te *tikkhindriyā*. Yesāṇ tāni mudūni te
mudindriyā. Yesāṇ te yeva saddhādayo ākāraṇ suṇḍarā te
svākārā. Ye kathitakāraṇaṇ sallakkhenti, sukhena sakkā
honti viññāpetuṇ, te *suviññāpayā*. Ye paralokaṇ c’eva vajjaṇ
ca bhayato passanti, te *paralokavajjabhayadassāvino* nāma.

44. Ayaṇ pan’ ettha pāḷi: “Saddho puggalo apparajakkho,
assaddho puggalo mahārajakkho. Āraddhaviriyo . . . ku-
sīto . . . Upatṭhitassati . . . muṭṭhassati . . . Samāhito
. . . asamāhito . . . Paññavā . . . duppañño puggalo ma-
hārajakkho.” Tathā, “Saddho puggalo tikkhindriyo—pe—
Paññavā puggalo paralokavajjabhayadassāvī, duppañño pug-
galo na paralokavajjabhayadassāvī. Loko ti khandhaloko,
dhātuloko, āyatanaloko, sampattibhavaloko, sampattisam-
bhavaloko, vipattibhavaloko, vipattisambhavaloko. Eko
loko: sabbe sattā āhāraṭṭhitikā. Dve lokā: nāmaṇ ca rūpaṇ
ca. Tayo lokā: tisso vedanā. Cattāro lokā: cattāro āhārā.
Pañca lokā: pañcupādānakkhandhā. Cha lokā: cha ajjhatti-
kāni āyatanāni. Satta lokā: satta viññāṇaṭṭhitiyo. Aṭṭha
lokā: aṭṭha lokadhammā. Nava lokā nava sattāvāsā. Dasa
lokā: das’ āyatanāni. Dvādasa lokā: dvādas’ āyatanāni.

¹ S. cārikaṇ caraṇaṇ.

² B. S. °pariyatti°.

Atthārassa lokā: atthārassa dhātuyo. Vajjan ti sabbe kilesā vajjā, sabbe duccharitā vajjā, sabbe abhisañkhārā vajjā, sabbe bhavagāmikammā vajjā. Iti imasmiñ ca loka imasmiñ ca vajje tibbā bhayasaññā paccupaṭṭhitā hoti, seyyathā pi ukkhittāsike vadhake. Imehi paññāsāya ākārehi imāni pañc' indriyāni jānāti, passati, aññāti paṭivijjhati. Idaṃ Tathāgatassa indriyaparopariyatte ñānan " ti (Ps. i. 122).

45. [169¹¹] *Uppaliniyan* ti uppalavane. Itaresu pi es' eva nayo. *Antonimuggaposīnī* ti yāni anto nimuggāni yeva posiyanti. *Udakaṇ accuggamma tiṭṭhanti* ti udakaṇ atikkamitvā tiṭṭhanti. Tattha yāni accuggamma ṭhitāni, tāni suriyarasmisamphassaṇ āgamayamānā ṭhitāni ajjapupphanakāni. Yāni samodakaṇ ṭhitāni, tāni sve pupphanakāni. Yāni udakā anuggatāni antonimuggaposīni, tāni tatiyadivase pupphanakāni. Udakā pana anuggatāni aññāni pi saroga-uppalāni¹ nāma atthi, yāni n' eva pupphissanti, macchakacchapabhakkhān' eva bhavissanti, tāni pāliṇ n' ārūḥhāni; āharitvā pana dīpetabbāni ti dīpitāni.

46. Yath' eva hi tāni catubbidhāni pupphāni evam eva ugghaṭitaññū, vipacitaññū, neyyo, padaparamo ti cattāro puggalā. Tattha yassa puggalassa saha udāhaṭavelāya dhammābhisamayo hoti, ayaṇ vuccati puggalo ugghaṭitaññū. Yassa puggalassa sañkhittena bhāsitassa vitthārena atthe vibhajiyamāne dhammābhisamayo hoti, ayaṇ vuccati puggalo vipacitaññū. Yassa puggalassa uddesato² paripucchato³ yoniso manasikaroto kalyāṇamitte sevato bhajato payirupāsato³ dhammābhisamayo hoti, ayaṇ vuccati puggalo neyyo. Yassa puggalassa bahum pi suṇato bahum pi bhaṇato bahum pi dhārayato bahum pi vācayato na tāya jātiyā dhammābhisamayo hoti, ayaṇ vuccati puggalo padaparamo.

47. Tattha Bhagavā uppalavanādisadisaṇ dasasahassilokadhātuṇ olokento ajjapupphanakāni viya ugghaṭitaññū,⁴ svecupphanakāni viya vipacitaññū, tatiyadivase pupphanakāni viya neyye,⁵ macchakacchapabhakkhāni pupphāni viya

¹ B. S. -uppalādīni.

² B. S. *add* pi.

³ B. *adds* anupubbena.

⁴ B. ugghaṭitaññū.

⁵ B. S. neyyo.

padaparama ca¹ addasa. Passanto ca, ettakā apparajakkhā, ettakā mahārajakkhā, tatrāpi ettakā ugghaṭitaññū ti evaṇ sabbākārato va addasa. Tattha tinnaṇ puggalānaṇ imasmiṇ yeva attabhāve Bhagavato dhammadesanā atthaṇ sādheti; padaparamānaṇ anāgatattāya vāsanā hoti.

48. Atha Bhagavā imesaṇ catunnaṇ puggalānaṇ atthāva-
haṇ dhammadesanaṇ viditvā desetukamyataṇ uppādetvā
puna sabbe pi tīsu bhavesu satte bhabbābhabbavasena dve
koṭṭhāse akāsi, ye sandhāya vuttaṇ: “Ye te sattā kammā-
varaṇena samannāgatā, vipākāvaraṇena samannāgatā, kile-
sāvaraṇena samannāgatā, assaddhā, acchandikā, duppaññā
abhabbā niyāmaṇ okkamituṇ kusalesu dhammesu sammattaṇ,
ime te sattā abhabbā. Katame te sattā bhabbā? Ye te
sattā na kammāvaraṇena—pe—ime te sattā bhabbā” ti
(Ps. i. 124). Tattha sabbe pi abhabbapuggale pahāya bhab-
bapuggale yeva ñāṇena pariggahetvā ettakā rāgacaritā,
ettakā dosa — pe — moha . . . vitakka . . . saddhā . . .
buddhicaritā ti cha koṭṭhāse akāsi; evaṇ katvā dhammaṇ
desissāmī ti cintesi.

49. [169²³] *Paccabhāsin* ti paṭiabhāsiṇ. *Apārutā* ti vivaṭā.
Amatassa dvārā ti ariyamaggo. So hi amatasañkhātassa nib-
bānassa dvāraṇ. So mayā vivaritvā ṭhapito ti dasseti.
Pamuñcantu saddhaṇ ti sabbe attano saddhaṇ pamuñcantu,²
vissajjentu. Pacchimapādadvaye³ ayam attho: Ahaṇ hi
attano *paguṇaṇ* suppvattitam pi imaṇ *pañītaṇ* uttama-
dhammaṇ kāyavācākīlamathasaññī hutvā *na bhāsiṇ*; idāni
pana sabbo jano saddhābhājanaṇ upanetu: puressāmi nesaṇ
sañkappaṇ ti.

50. [169³¹] *Tassa mayhaṇ, bhikkhave, etad ahoṣī* ti etaṇ
ahoṣi: *Kassa nu kho ahaṇ paṭhamaṇ dhammaṇ deseyyaṇ* ti ayaṇ
dhammadesanāpaṭisaṇyutto vitakko udapādi ti attho. Kadā
pan’ esa udapādi ti? Buddhabhūtaṇ aṭṭhame sattāhe.

51. Tatrāyaṇ ānupubbikathā: Bodhisatto kira mahābhini-
khamanadivase vivaṭaṇ itthāgāraṇ disvā saṇviggahadayo,
Kanthakaṇ⁴ āharā ti Channaṇ āmantetvā Channasahāyo as-

¹ B. S. °mo ti. ² B. S. muñcantu. ³ B. S. °padadvaye.

⁴ B. Kanṭakaṇ; S. Kanṭhakaṇ (*so always*).

sarājapitṭhigato nagarato nikkhamitvā Kanthakanivattana-cetiyatṭhānaṃ nāma dassetvā tīṇi rajjāni atikkamma Anomanadītīre pabbajitvā anupubbena cārikaṃ caramāno Rājagahe piṇḍāya caritvā Paṇḍavapabbate nisinno, Magadhissarena¹ nāmagottaṃ pucchitvā, imaṃ rajjaṃ paṭicchahī ti vutto, alaṃ, mahārāja, na mayhaṃ rajjen' attho, ahaṃ rajjaṃ pahāya lokahitattāya padhānam anuyuñjitvā loke vivattachado² Buddho bhavissāmī ti nikkhanto ti vatvā, tena hi Buddho hutvā paṭhamaṃ mayhaṃ vijitaṃ osareyyāsī ti paṭiññaṃ gahito Kālāmaṃ ca Uddakaṃ ca upasaṅkamitvā tesāṃ dhammadesanāya sāraṃ avindanto tato pakkamitvā Uruvelāya chabbassāni dukkarakārikaṃ karonto pi amataṃ paṭivijjhituṃ asakkonto oḷārikāhārapaṭisevanena kāyaṃ santappesi.

52. Tadā ca Uruvelagāme Sujātā nāma kuṭumbiyadhītā ekasmiṃ nigrodharukkhe patthanaṃ akāsi: sacāhaṃ samajātikaṃ kulagharāṃ gantvā paṭhamagabbhe puttaṃ labhissāmī, balikammaṃ karissāmī ti. Tassā sā patthanā samijjhi. Sā Visākhapuṇṇamadivase pāto va balikammaṃ karissāmī ti rattiyaṃ paccūsasamaye eva³ pāyasaṃ paṭiyādesi. Tasmiṃ pāyāse paccamāne mahantā mahantā bubbulā utṭahitvā dakkhiṇāvattā hutvā sañcaranti; ekaphusitam pi bahi na gacchati; Mahābrahmā chattaṃ dhāresi; cattāro Lokapālā khaggahatthā ārakkhaṃ gaṇhiṃsu; Sakko alātāni samānento aggiṃ jālesi; devatā catusu dīpesu ojaṃ saṅharitvā tattha pakkhipiṃsu.

53. Bodhisatto bhikkhācārakālaṃ āgamayamāno pāto va gantvā rukkhāmūle nisīdi. Rukkhāmūlasodhanatṭhāya⁴ gatā⁵ dhātī āgantvā Sujātāya ārocesi: devatā rukkhāmūle nisinnā ti. Sujātā sabbaṃ pasādhanaṃ pasādhetvā satasahassagghanake suvaṇṇathāle pāyasaṃ vadḍhetvā aparāya suvaṇṇapātiyaṃ pidahitvā ukkhipitvā gatā Mahāpurisaṃ disvā sah' eva pātiyaṃ hatthe ṭhapitvā vanditvā, yathā mayhaṃ manoratho nippanno, evaṃ tumhākaṃ pi nipphajjatū ti vatvā pakkāmi.

¹ S. Bimbisārena; B. Magadhissarena raññā.

² S. vivaṭa°; B. vivaṭṭa°.

³ S. evaṃ; B. evarūpaṃ.

⁴ B. °mūle; S. °mūlaṃ.

⁵ B. S. āgatā.

54. Bodhisatto Nerañjarāya tīraṇ gantvā suvaṇṇathālaṇ tīre t̐apetvā nahātvā paccuttaritvā ekūnapaṇṇāsa piṇḍe karonto pāyasaṇ paribhuñjitvā sacāhaṇ ajja Buddho bhavis-sāmi, thālaṇ paṭisotaṇ gacchatū ti khipi. Thālaṇ paṭisotaṇ gantvā thokaṇ t̐atvā Kālaṇāgarājassa bhavanaṇ pavisitvā tiṇṇaṇ Buddhānaṇ thālāni ukkhipitvā aṭṭhāsi.

55. Mahāsatto vanasaṇḍe divāvihāraṇ katvā sāyaṇhasam-aye Sotthikena dinnā aṭṭha tiṇamutṭhiyo gahetvā Bodhi-maṇḍalaṇ āruya dakkhiṇadisābhāge aṭṭhāsi. So padeso paduminipatte udabindu viya akampittha. Mahāsatto, ayaṇ mama guṇaṇ dhāretuṇ na sakkotī ti pacchimadisābhāgaṇ agamāsi. So pi tath' eva kampittha. Uttaradisābhāgaṇ agamāsi. So pi tath' eva kampittha. Puratthimadisābhāgaṇ agamāsi. Tattha pallaṅkapamānaṭṭhānaṇ sunikhāta-indakhīlo viya niccalam ahosi. Mahāsatto, idaṇ thānaṇ sabba-Buddhānaṇ kilesapañjaravidhaṇsaṇaṭṭhānaṇ ti tāni tiṇāni agge gahetvā cālesi. Tāni cittakārena tūlikaggena paricchinnāni viya ahesuṇ. Bodhisatto, bodhiṇ appatvā imaṇ pallankaṇ na bhindissāmi ti caturaṅgaviriyaṇ adhiṭṭhahitvā pallaṅkaṇ ābhujitvā nisīdi.

56. Taṇ khaṇaṇ yeva Māro bāhusahassaṇ māpetvā diyaḍḍhayaोजनासतिकाṇ Girimekhalaṇ nāma hatthiṇ āruya nava-joyanaṇ Mārabaḷaṇ gahetvā addhakkhikena olokayamāno pabbato viya ajjhottharanto upasaṅkami. Mahāsatto, mayhaṇ dasa pāramiyo purentassa añño samaṇo vā brāhmaṇo vā devo vā Māro vā Brahmā vā sakkhī n' atthi; Vessantarattabhāve pana mayhaṇ sattasu thānesu¹ mahāpaṭhavi sakkhī ahosi; idāni pi me ayam eva acetanā kaṭṭhakaliṅgarū-pamā mahāpaṭhavi sakkhī ti hatthaṇ pasāresi. Mahāpaṭhavi tāvad eva ayadaṇḍena paṭaṭakaṇsaṭhālaṇ viya ravasataṇ ravasahassaṇ muñcamānā viravitvā parivattamānā Mārabaḷaṇ cakkavāḷamukhavatṭiyaṇ puñjaṇ akāsi.

57. Mahāsatto suriye dharamāne yeva Mārabaḷaṇ vidha-mitvā paṭhamayāme pubbenivāsaññaṇaṇ majjhimayāme dib-bacakkuṇ visodhetvā pacchimayāme paṭiccasamuppāde ṇaṇaṇ otāretvā vaṭṭavivaṭṭaṇ sammāsanto aruṇodaye Buddho

¹ B. vāresu.

huvā, mayā anekakappakotīsatasaḥassaṇ addhānaṇ imassa pallaṅkassa atthāya vāyāmo kato ti sattāhaṇ ekapallaṅkena nisīdi.

58. Atha ekaccānaṇ devatānaṇ, kin nu kho aññe pi Bud-dhattakarā dhammā atthī ti kaṅkhā udapādi. Atha Bhagavā atthame divase samāpattito utthāya devatānaṇ kaṅkhaṇ ūtvā kaṅkhāvidhamanatthaṇ ākāse uppattitvā yamakapā-ṭihāriyaṇ dassetvā tāsaṇ kaṅkhaṇ vidhamitvā pallaṅkato Isakaṇ pācīnanissite uttaradisābhāge tthatvā cattāri asaṅkheyyāni kappasatasahassaṇ ca pūritānaṇ pāramīnaṇ phalādhi-gamaṭṭhānaṇ pallaṅkaṇ c' eva Bodhirukkhaṇ ca animisehi akkhihi olokayamāno sattāhaṇ vītināmesi. Taṇ ṭhānaṇ Animisacetiyaṇ nāma jātaṇ.

59. Atha pallaṅkassa ca tthatṭṭhānassa ca antarā purat-thimapacchimato āyate Ratanacaṅkame caṅkamanto sat-tāhaṇ vītināmesi. Taṇ ṭhānaṇ Ratanacaṅkamacetiyaṇ nāma jātaṇ. Tato pacchimadisābhāge devatā ratanagharaṇ māpa-yiṇsu. Tattha pallaṅkena nisīditvā Abhidhammapiṭakaṇ, vīse-sato c' ettha anantanayaṇ samanta-Paṭṭhānaṇ vicinanto sattā-haṇ vītināmesi. Taṇ ṭhānaṇ Ratanagharacetiyaṇ nāma jātaṇ.

60. Evaṇ Bodhisamīpe yeva cattāri sattāhāni vītināmetvā pañcame sattāhe Bodhirukkhamulā yena Ajapālanigrodho ten' upasaṅkami. Tatrāpi dhammaṇ vicinanto yeva vimūti-sukhaṇ ca paṭisaṇvedento nisīdi. Dhammaṇ vicinanto c' ettha evaṇ Abhidhamme nayamaggaṇ sammasi: Paṭhamāṇ Dhammasaṅgaṇippakaraṇaṇ nāma; tato Vibhaṅgappakaraṇaṇ, Dhātukathāpakaraṇaṇ, Puggalapaññattippakaraṇaṇ, Kathāvatthupakaraṇaṇ nāma, Yamakaṇ nāma, tato Mahā-pakaraṇaṇ Paṭṭhānaṇ nāmā ti.

61. Tatth' assa saṇhasukhuma-Paṭṭhānamhi citte otiṇṇe pīti uppajji. Pītiyā uppannāya lohitaṇ pasīdi. Lohite pa-sanne chavi pasīdi. Chaviyā pasannāya puratthimakāyato kūtāgārādippamānā rasmiyo utthahitvā ākāse pakkhanna-chaddantanāgakulaṇ viya pācīnadisāya anantāni cakka-vālāni pakkhannā.¹ Pacchimakāyato utthahitvā pacchima-disāya, dakkhiṇaṇsakūṭato utthahitvā dakkhiṇadisāya, vā-

¹ B. pakkhandā.

maṇṣakūṭato uttṭhahitvā uttaradisāya anantāni cakkavālāni pakkhannā.¹ Pādatalehi pavāḷaṅkuravaṇṇā rasmiyo nikkhamitvā mahāpaṭṭhaṇṇaṃ vinibbhijja² udakaṃ dvidhā bhinditvā vātakkhandhaṃ padāletvā ajatākāsaṃ pakkhannā. Sīsaṃ samparivattiyamāṇaṃ maṇidāmaṃ viya nīlavaṇṇā rasmivattī uttṭhahitvā cha devaloke vinivijjhivā nava Brahmaloḷe³ atikkamma ajatākāsaṃ pakkhannā. Tasmiṃ divase aparimāṇesu cakkavāḷesu aparimāṇā satta sabbe suvaṇṇavaṇṇā va ahesuṇ. Taṃ divasaṃ ca pana Bhagavato sarīraṃ nikkhantaṃ yāv' ajja-divasā pi tā rasmiyo anantalokadhātuyo gacchanti yeva.

62. Evaṃ Bhagavā Ajapālanigrodhe sattāhaṃ vītināmetvā tato aparāṃ sattāhaṃ Mucalinde nisīdi. Nisinnamattass' eva o' assa sakalaṃ cakkavāḷagabbhaṃ pūrento mahā akā-lameggho udapādi. Evarūpo kira mahāmeggho dvīsu yeva kālesu vassati: cakkavattimhi vā uppanne, Buddhhe vā. Idha Buddhakāle udapādi.

63. Tasmiṃ ca⁴ pana uppanne Mucalindo nāma⁴ nāgarājā cintesi: Ayaṃ meggho Satthari mayhaṃ bhavanaṃ pavittṭhamatte⁵ uppanno, vāsāgāraṃ assa laddhuṃ vaṭṭatī ti. So sattaratanamayaṃ pāsādaṃ nimminituṃ⁶ sakkonto pi, evaṃ kate mayhaṃ mahapphalaṃ na bhavissati, Dasabalassa kāyaveyyāvaccāṃ karissāmi ti mahantaṃ attabhāvaṃ katvā Satthāraṃ sattakkhattuṃ bhogehi parikkhipitvā upariphaṇaṃ dhāresi. Parikkhepassa anto okāso heṭṭhā Lohapāsādapamāṇo ahosi. Icchiticchitena iriyāpathena Satthā viharissati ti hi⁴ nāgarājassa ajjhāsayo ahosi. Tasmā evaṃ mahantaṃ okāsaṃ parikkhipi. Majjhe ratanapallaṅko paññatto hoti. Upari suvaṇṇatāraḥkaviccittaṃ samosaritaḥkumagandhadāmaṃ celavitāṇaṃ ahosi. Catusu koṇesu gandhatelena dipā jālitā.⁷ Catusu disāsu vivaritvā candanakaṇḍakā ṭhapitā.

64. Evaṃ Bhagavā taṃ sattāhaṃ tattha vītināmetvā, tato aparāṃ sattāhaṃ rājāyatane nisīdi. Rājāyatanato aṭṭhame sattāhe Sakkena devānaṃ indena ābhataṃ dantakattṭhaṃ ca

¹ B. pakkhandā.

² B. S. vinivijjhivā.

³ B. *adds* Vehapphale pañca Suddhāvāse ca.

⁴ B. S. *omit*.

⁵ B. S. *add* va.

⁶ S. nimminituṃ.

⁷ B. S. jālitā.

osadhaharītakañ¹ ca khāditvā mukhaṇ dhovitvā catuhi Loka-pālehi upanīte paccagghe selamaye patte Tapussa²-Bhallikānaṇ piṇḍapātaṇ paribhuñjitvā puna paccāgantvā Ajapālanigrodhe nisinnassa sabba-Buddhānaṇ āciṇṇo ayaṇ vitakko udapādi.

65. [169³⁴] Tattha paṇḍito ti paṇḍiccena samannāgato. Vyatto ti veyyattiyena samannāgato. Medhāvī ti ṭhānupattiyā³ paññāya samannāgato. Apparajakkhajātiko ti samāpattiyā vikkhambhitattā nikkilesajātiko visuddhasatto. Ajānissatī ti sallakkhessati, paṭivijjhissati. Nānañ ca pana me ti mayham pi sabbaññutañānaṇ uppajji. Bhagavā kira devatāya kathiten' eva niṭṭhaṇ agantvā sayam pi sabbaññutañānena olokento ito sattadivasamatthake kālaṇ katvā Ākiñcaññāyatane nibbatto ti addasa. Taṇ sandhāy' āha: Nānañ ca pana me dassanaṇ udapādi ti. Mahājāniyo ti satta-divasabbhantare pattabbamaggaphalato parihīnattā mahatī jāni assā ti mahājāniyo. Akkhaṇe nibbatto. Gantvā desiyamānam pi 'ssa sotuṇ sotappasādo n' atthi; idha⁴ dhamma-desanaṭṭhānaṇ āgamanapādo pi n' atthi. Evaṇ mahājāniyo jāto ti dasseti.

66. [170¹⁵] Abhidosa-kālakato ti aḍḍharatte kālakato. Nānañ ca pana me ti mayhaṇ sabbaññutañānaṇ udapādi. Idhāpi kira Bhagavā devatāya vacanena sannīṭṭhānaṇ akatvā sabbaññutañānena olokento hiyyo aḍḍharatte kālaṇ katvā Uddako Rāmaputto Nevasaññānāsaññāyatane nibbatto, ti addasa; tasmā evam āha. Sesaṇ purimanaysadisam eva.

67. [170²³] Bahukārā ti bahūpakārā. Padhānapahiluttar upaṭṭhahiṇsū ti padhānatthāya pesitattabhāvaṇ vasanaṭṭhāne pariveṇasammajjanena pattacīvaraṇ gaḥetvā anubandhanena mukhodaka-dantakaṭṭhadānādīnā ca upaṭṭhahiṇsu. Ke pan' ete⁵ Pañcavaggiyā nāma? Ye te,

“ Rāmo Dhajo Lakkhaṇo cāpi⁶ Mantī

Yañño ca⁷ Bhojo Suyāmo Sudatto

ete tadā aṭṭha ahesuṇ brāhmaṇā

chalaṅgavā mantaṇ viyākariṇsū ” ti (Jā. i. 56).

¹ B. osatṭha°; S. osatha°.

² C. Tapassu-.

³ B. S. ṭhānuppattikāya.

⁴ S. idaṇ.

⁵ B. S. pana te.

⁶ B. S. Joti.

⁷ B. S. Subhojo.

Bodhisattassa jātakāle supinapaṭiggāhakā c' eva lakkhana-paṭiggāhakā ca aṭṭha brāhmaṇā, tesu tayo dvedhā byākariṇsu : imehi lakkhaṇehi samannāgato agāraṇ ajjhāvasamāno rājā hoti cakkavattī, pabbajjamāno Buddho ti. Pañca brāhmaṇā ekabyākaraṇā¹ ahesuṇ : imehi lakkhaṇehi samannāgato agāre na tiṭṭhati, Buddho va hotī ti. Tesu purimā tayo yathā-mantapadaṇ gatā. Ime pana pañca mantapadaṇ atikkantā. Te attanā laddhaṇ punnapattaṇ ñātakānaṇ vissajetvā, ayaṇ Mahāpuriso agāraṇ nājjhāvasissati, ekantena Buddho bhavissati ti nibbitakkā Bodhisattaṇ uddissa samaṇapabbajjaṇ pabbajitā. Tesāṇ puttā ti pi vadanti. Taṇ aṭṭhakathāyaṇ paṭikkhittaṇ.

68. Ete kira daharakāle yeva bahū mante jāniṇsu. Tasmā te brāhmaṇā ācariyaṭṭhāne ṭhapayaṇsu. Te, pacchā amhehi puttadārajaṭaṇ bhinditvā² na sakkā bhavissati pabbajitun ti daharakāle yeva pabbajitvā ramaṇīyāni senāsanāni paribhuñjantā vicariṇsu ; kālena kālaṇ pana, kiṇ bho, Mahāpuriso mahābhinikkhamanaṇ nikkhanto ti pucchanti. Manussā, kuhiṇ tumhe Mahāpurisaṇ passissatha, tīsu pāsādesu tividhanāṭa-kamajjhe devo viya sampattiṇ anubhotī ti vadanti. Te sutvā, na tāva Mahāpurisassa ñāṇaṇ paripākaṇ gacchatī ti appossukkā vihariṇsu yeva.

69. Kasmā pan' ettha Bhagavā, *bahukārā kho Pañcavaggiyā* ti āha ? Kiṇ upakārakānaṇ yeva esa dhammaṇ deseti, anupakārakānaṇ na deseti ti ? No na deseti. Paricayavasena h' esa Ālāraṇ c' eva Kālāmaṇ, Uddakaṇ ca Rāmaputtaṇ olokesi. Etasmiṇ pana Buddhakkhette, ṭhapetvā Añña³-Koṇḍaññaṇ, paṭhamaṇ dhammaṇ sacchikātuṇ samattho nāma n' atthi. Kasmā ? Tathāvidha-upanissayattā.

70. Pubbe kira puñṇakaranakāle dve bhātaro ahesuṇ. Te ekaṭo sassaṇ akaṇsu.⁴ Tattha jeṭṭhassa, ekaṣmiṇ sasse navavāre aggasaṇsadānaṇ mayā dātabban ti ahosi. So vappakāle bijaggaṇ nāma datvā gabbhakāle kaniṭṭhena saddhiṇ mantesi. Kaniṭṭho, gabbhakāle gabbhaṇ phāletvā dassāmī ti tarunasassaṇ nāsetukāmo 'sī ti āha. Jeṭṭho kaniṭṭhassa ananu-

¹ B. S. ekaṇ.² S. chinditvā ; B. chaḍḍitvā.³ B. Aññaṭa°.⁴ B. S. omī Te . . . akaṇsu.

vattanabhāvaṇ ñatvā khettaṇ vibhajitvā attano koṭṭhāsato gabbhaṇ phāletvā khīraṇ nīharitvā sappipphāṇitena¹ yojetvā adāsi. Puthukakāle puthukā² kāretvā adāsi. Dāyane³ dāyanaggaṇ,⁴ veṇikaraṇe veṇaggaṇ, kalāpādisu kalāpaggaṇ, khalaggaṇ, khalabhaṇḍaggaṇ,⁵ koṭṭhaggaṇ ti evaṇ ekasasse navavāre aggadānaṇ adāsi. Kanitṭho pana⁶ uddharitvā adāsi. Tesu jetṭhako Aññā-Keṇḍaṇṇathero jāto; kanitṭho Subhadaparibbājako. Iti ekasmiṇ sasse navannaṇ aggadānaṇaṇ dinnattā, ṭhapetvā therāṇ, añño paṭhamaṇ dhammaṇ sacchikātuṇ samattho nāma n' atthi. *Bahukārā kho me⁷ Pañcavaggiyā* ti idaṇ pana upakārānussaraṇamattaken' eva vuttaṇ.

71. [17⁽³⁰⁾] *Isipatane Migadāye* ti taṣmiṇ kira padese anuppanne Buddhuppāde⁸ Paccekasambuddhā Gandhamādanapabbate sattāhaṇ nirodhasamāpattiyā vītināmetvā nirodhā vuṭṭhāya nāgalatādantakaṭṭhaṇ khādītva Anotatta-dahe mukhaṇ dhovitvā pattacīvaraṇ ādāya ākāseṇa āgantvā nipatanti. Tattha cīvaraṇ pārupitvā nagare piṇḍāya caritvā katabhattakiccā gamanakāle pi tato yeva uppatitvā gacchanti. Iti isayo ettha nipatanti, uppatanti cā ti taṇ ṭhānaṇ Isipatanaṇ ti sañkhaṇ gataṇ. Migānaṇ pana abhayatṭhāya dinnattā Migadāyo ti vuccati. Tena vuttaṇ: *Isipatane Migadāye* ti.

72. [17⁽³³⁾] *Antarā ca Gayāṇ antarā ca Bodhin* ti Gayāya ca Bodhissa ca vivare tigāvutantare ṭhāne. Bodhimaṇḍato hi Gayā tīni gāvutāni; Bārāṇasī atṭhārāsa yojanāni. Upāko Bodhimaṇḍassa ca Gayāya ca antare Bhagavantaṇ addasa. Antarāsaddena pana yuttattā upayogavacanaṇ kataṇ. Īdisesu hi ṭhānesu akkharacintakā, antarā gāmaṇ ca nadiṇ ca yāti ti evaṇ ekam eva antarāsaddaṇ payujjanti. So dutiyapadena pi yojetabbo hoti. Ayojiyamāne upayogavacanaṇ na pāpuṇāti. Idha pana yojetvā eva vutto ti. *Addhānamagga-paṭipannaṇ* ti addhānaśāṅkhātaṇ maggaṇ paṭipannaṇ. Dīgha-maggaṇ ti attho. Addhānagamanaśāṅkhamāyassa hi Vibhaṅge, “addhayojanaṇ gacchissāmī ti bhuñjītabban ” ti (Vin. iv. 75)

¹ B. S. °tehi.

² B. puthukaṇ; S. puthukaggaṇ.

³ B. Lāyane; S. Lāyanakāle.

⁴ B. S. lāyana°.

⁵ S. maddaggaṇ; B. bhaṇḍaggaṇ.

⁶ B. S. pan' assa.

⁷ B. ime.

⁸ B. Buddhē.

ādivacanato addhayojanam pi addhānamaggo hoti. Bodhi-
maṇḍato pana Gayā tigāvutaṇ.

73. [171³] *Sabbābhībhū* ti sabbaṇ tebhūmakadhammaṇ
abhibhavitvā t̥hito. *Sabbavidū* ti sabbaṇ catubhūmaka-
dhammaṇ avediṇ, aññasiṇ.¹ Sabbesu dhammesu *anūpalitto*
ti sabbesu tebhūmakadhammesu kilesalepanena alitto.² *Sab-
bañjaho* ti sabbaṇ tebhūmakadhammaṇ jahitvā t̥hito. *Taṇ-
hakkhaye vimutto* ti taṇhakkhaye nibbāne ārammaṇato
vimutto. *Sayaṇ abhiññāyā* ti sabbaṇ catubhūmakadhammaṇ
attanā va jānitvā. *Kam uddiseyyan* ti kaṇ aññaṇ, ayaṇ
me ācariyo ti uddiseyyaṇ. *Na me ācariyo atthi* ti lokuttara-
dhamme mayhaṇ ācariyo nāma n' atthi. *N' atthi me paṭi-
puggalo* ti mayhaṇ paṭibhāgapuggalo nāma n' atthi. *Sam-
māsambuddho* ti sammā hetunā³ nayena cattāri saccāni sayaṇ
buddho. *Sītibhūto* ti sabbakilesagginibbānena sītibhūto.
Kilesānaṇ yeva nibbutattā nibbuto. *Kāsinuṇ puran* ti Kāsi-
raṭṭhe nagaraṇ. *Āhañchaṇ*⁴ *amatadundubhin* ti dhamma-
cakkapaṭilābhāya amatabheriṇ paharissāmī ti gacchāmi.

74. [171¹³] *Arahasi Anantaṇino* ti Anantaṇino pi⁵ bhavituṇ
yutto. *Huveyya p' āvuso* ti, āvuso, evam pi nāma bhaveyya.
Pakkāmī ti Vaṅkahārajanapadaṇ nāma agamāsi.

75. Tatth' ekaṇ migaluddakagāmakaṇ nissāya vasaṇ kap-
pesi. Jeṭṭhakaluddako taṇ upaṭṭhāsi. Tasmiṇ janapade
caṇḍā makkhikā honti. Atha naṇ ekāya cātiyā vasāpesuṇ.
Migaluddako dūre migavaṇ gacchanto, amhākaṇ arahante
mā pamajjī ti Chavaṇ⁶ nāma dhītarāṇ ānāpetvā agamāsi, sad-
dhiṇ puttabhātuhehi. Sā c' assa dhītā dassaniyā hoti, koṭ-
ṭhāsasampannā. Dutiyadivase Upako gharaṇ āgato taṇ
dārikaṇ sabbaṇ upacāraṇ katvā parivisituṇ upagataṇ disvā
rāgena abhibhūto bhuñjitum pi asakkonto bhājanena bhattaṇ
ādāya vasanaṭṭhānaṇ gantvā bhattaṇ ekamante nikkhipitvā,
sace Chavaṇ labhāmi, jīvāmi, no ce marāmī ti nirāhāro sayi.

¹ B. S. avedi aññāsi.

² B. kilesena anupalitto; S. kilesakhepanena anupalitto.

³ B. omits sammā, and reads sahetunā.

⁴ B. S. Āhaññiṇ.

⁵ C. ti; S. si.

⁶ B. S. Chāvaṇ (so always).

Sattame divase māgaviko āgantvā dhītaṇṇaṃ Upakassa pavattiṃ pucchi. Sā, ekadivasam eva āgantvā puna nāgatapubbo ti āha.

76. Māgaviko āgatavesen' eva, naṃ upasaṅkamitvā pucchissāmi ti taṃ khaṇaṃ yeva gantvā, kiṃ, bhante, aphāsukaṃ ti pāde parāmasanto pucchi. Upako nitthunanto¹ parivat-tati yeva. So vadatha bhante, yaṃ mayā sakkā kātuṃ, sabbaṃ karissāmi ti āha. Upako, sace Chavaṇaṃ labhāmi, jīvāmi, no ce idh' eva maraṇaṃ seyyo ti āha. 'Jānāsi pana, bhante, kiñci sippaṃ' ti? 'Na jānāmi' ti. 'Na, bhante, kiñci sippaṃ ajānantaṃ sakkā gharāvāsaṃ adhiṭṭhātun' ti. So āha: Nāhaṃ kiñci sippaṃ jānāmi, api ca tumhākaṃ maṇsa-hārako bhavissāmi, maṇsaṃ ca vikkīṇissāmi ti. Māgaviko, amhākaṃ ca etad eva ruccati ti uttarisāṭakaṃ datvā ghaṇaṃ ānetvā dhītaṇṇaṃ adāsi.

77. Tesāṃ saṃvāsam anvāya putto vijāyi. Subhaddo ti 'ssa nāmaṃ akaṅsu. Chavā tassa rodanakāle maṇsa-hārakassa putta, migaluddakassa putta, mā rodi,² mā rodi ti ādini vadamānā puttatosanagītena Upakaṃ uppaṇesi. Bhadde, tvaṃ maṃ anātho ti maññasi, atthi me Anantaṃ nāma sahāyo, tassāhaṃ santikaṃ gamissāmi ti āha. Chavā, evaṃ ayaṃ aṭṭiyati ti ñatvā punappunaṃ katheti. So ekadivaṇaṃ anārocetvā va Majjhimadesābhimukho pakkāmi.

78. Bhagavā ca tena samayena Sāvattiyaṃ viharati, Jeta-vanamahāvihāre. Atha kho Bhagavā paṭigacce' eva bhikkhū ānāpesi: Yo bhikkhave, Anantaṃ ti pucchamāno āgacchati, tassa maṃ dasseyyāthā ti. Upako pi kho, kuhiṃ Anantaṃ vasaṃ ti pucchanto anupubbena Sāvattiyaṃ āgantvā vihāra-majjhe tathā, kuhiṃ Anantaṃ ti pucchi. Taṃ bhikkhū Bhagavato santikaṃ nayiṃsu. So³ Bhagavantaṃ disvā, saṃjānātha maṃ, Bhagavā ti āha. 'Āma Upaka, saṃjānāmi, kuhiṃ pana tvaṃ vasiṭṭhā' ti. 'Vaṇkahārajanapade, bhante' ti. 'Upaka, mahallako 'si jāto, pabbajituṃ sakkhissasi' ti? 'Pabbajissāmi, bhante' ti. Bhagavā pabbajetvā tassa kammatṭhānaṃ adāsi. So kammattṭhāne kammaṃ karonto anā-

¹ C. nitthananto.

² B. S. omīti mā rodi.

³ C. adds ca.

gāmiphale patitṭhāya kālaṇ katvā Avihesu nibbatto; nibbattakkhaṇe yeva ca¹ arahattaṇ pāpunī.

79. Avihesu nibbattamattā hi satta janā arahattaṇ pāpunīṇsu. Tesāṇ so aññataro. Vuttaṇ h' etaṇ:

“Avihaṇ upapannāse vimuttā satta bhikkhavo
rāgadosaparikkhīṇā tiṇṇā loke visattikaṇ.

Upako, Palagaṇḍo² ca Pukkusāti ca te tayo

Bhaddiyo, Khaṇḍadevo ca Bāhudattī³ ca Piṅgiyo

te hitvā mānusaṇ dehaṇ dibbaṇ yogaṇ upaccagun⁴” ti

(S. i. 35 and 60).

80. [171²²] *Sanṭhapesun* ti katikaṇ akaṇsu. *Bāhuliko*⁵ ti cīvarabāhullādīnaṇ atthāya paṭipanno. *Padhānavibbhanto* ti padhānato vibbhanto, bhaṭṭho, parihīno. *Āvatto bāhullāyā* ti cīvarādīnaṇ bahulabhāvattāya avatto. *Api ca kho āsanaṇ ṭhapetabbun* ti api ca kho pan' assa uccākule nibbattassa āsanamattaṇ ṭhapetabbān ti vadiṇsu. *Nāsakkhiṇsu* ti Buddhānubhāvena Buddhatejena⁶ abhibhūtā attano katikāya ṭhātuṇ nāsakkhiṇsu. *Nāmena ca āvusovādena ca samudācarantī* ti Gotamā ti vadanti, āvuso ti vadanti. *Āvuso* Gotama, ma-yaṇ Uruvelāyaṇ padhānakāle tuyhaṇ pattacīvaraṇ gahetvā vicarimha; mukhodakaṇ dantakatṭhaṇ ādamha; vutthapari-venaṇ sammajjimha; pacchā te ko vattapaṭivattaṇ akāsi, kacci⁷ amhesu apakkantesu na⁸ cintayitthā ti evarūpiṇ kathaṇ kathenti ti attho.

81. [172⁸] *Iriyāyā* ti dukkara-iriyāya. *Paṭipadāyā* ti dukkarapaṭipattiyā. *Dukkarakārikāyā* ti pasataṇ pasataṇ muggayūsādi-āharaṇādīnā⁹ dukkarakaraṇena. *Abhijānātha me no* ti abhijānātha nu mama.¹⁰ *Vabbhācitam*¹¹ *etan* ti etaṇ evarūpaṇ vākyabhedan ti attho. Api nu ahaṇ Uruvelāpadhāne tumhākaṇ saṅgaṇhanatthaṇ anukkaṇṭhanatthaṇ rattin vā

¹ B. S. *omit*.

² C. Phalagaṇḍo; B. palabhaṇḍo.

³ B. Bahuraggi.

⁴ B. S. upajjhagun.

⁵ B. S. Bāhulliko.

⁶ B. °tejasā.

⁷ B. kiñ ca.

⁸ B. *omits*.

⁹ S. pasata-aḍḍhapasatamuggayūsādi-āhārakaraṇādīrā.

¹⁰ B. maṇ.

¹¹ B. Pabhāvitam; S. Bhāsitam.

divā vā āgantvā, āvuso, mā vitakkayittha, mayhaṇ obhāso vā nimittaṇ vā paññāyatī ti evarūpaṇ kañci vacanabhedaṇ akāsin ti adhippāyo. Te ekapaden' eva satīṇ labhitvā uppannagāravā,¹ addhā esa Buddho jāto ti saddahitvā, *no h' etan, bhante* ti āhaṇsu.

82. [173¹] *Asakkhiṇ kho ahaṇ, bhikkhave, Pañcavaggiye bhikkhū saññāpetun* ti ahaṇ, bhikkhave, Pañcavaggiye bhikkhū, Buddho ahan ti jānāpetuṇ asakkhiṇ. Tadā pana Bhagavā uposathadivase yeva āgañchi.² Ath' attano Buddhānubhāvaṇ jānāpetvā Koṇḍaññatheraṇ kāyasakkhiṇ katvā Dhammacakkapavattanasuttaṇ kathesi. Suttapariyosāne therō aṭṭhārasahi Brahmakoṭīhi saddhiṇ sotāpattiphale patitṭhāsi. Surive dharamāne yeva desanā nitṭhāsi. Bhagavā tatth' eva vassaṇ upagañchi.³

83. [173²] *Dve pi sudaṇ, bhikkhave, bhikkhū ovaḍāmī* ti ādi pāṭipadadivasato patṭhāya piṇḍapātattathāya pi gāmaṇ apavisanadīpanatthaṇ vuttaṇ. Tesā⁴ bhikkhūnaṇ kammaṭṭhānesu uppannamalavisodhanatthaṇ Bhagavā antovihāre yeva ahosi. Uppanne uppanne kammaṭṭhānamale te pi bhikkhū Bhagavato santikaṇ gantvā pucchanti. Bhagavā pi tesāṇ nisinnatṭhānaṇ gantvā malaṇ vinodeti.

84. [173⁷] *Atha nesaṇ Bhagavatā evaṇ nīhaṭabhattena ovaḍiyamānaṇ Vappatthero pāṭipadadivase sotāpanno ahosi, Bhaddiyatthero dutiyāyaṇ, Mahānāmatthero tatiyāyaṇ, Assājittthero catutthiyaṇ. Pakkhasa pana pañcamiyaṇ sabbe va te ekato sannipātetvā Anattalakkhaṇasuttaṇ kathesi. Suttapariyosāne sabbe pi arahattaphale patitṭhahiṇsu. Ten' āha: Atha kho, bhikkhave, Pañcavaggiyā bhikkhū mayā evaṇ ovaḍiyamānā—pe—anullaraṇ yogakkhemaṇ nibbānaṇ ujja-gamiṇsu—pe—n' atthi dāni punabbuvo* ti. Ettakaṇ kathāmaggaṇ Bhagavā, yaṇ pubbe avaca: tumhe pi mamañ c' eva Pañcavaggiyānañ ca maggaṇ ārūḷhā, ariyapariyesanā tumhākaṇ pariyesanā ti imaṇ ekam eva anusandhiṇ dassento āhari.

85. [173²¹] *Idāni yasmā na⁵ agāriyānaṇ yeva pañcakā-*

¹ B. S. *add* handa.

² B. S. āgacchi.

³ B. S. upagacchi.

⁴ B. S. *add* hi.

⁵ S. pana.

maguṇapariyesanā hoti, anagāriyānam pi cattāro paccaye apaccavekkhitvā paribhuñjantānaṃ pañcakāmaguṇavasena anariyapariyesanā hoti, tasmā taṃ dassetuṃ, *pañc' ime, bhikkhave kāmaguṇā* ti ādim āha. Tattha navarattesu pattacīvarādisu, *cakkhuvinñeyyā rūpā* ti ādayo cattāro kāmaguṇā labbhanti. Raso pan' ettha paribhogaraso hoti. Manuññe piṇḍapāte bhesajje ca pañca pi labbhanti. Senāsanamhi¹ cīvare viya cattāro. Raso pana etthāpi paribhogaraso yeva.

86. [173²⁶] *Ye hi keci, bhikkhave* ti kasmā ārabhi? Evaṃ pañcakāmaguṇe dassetvā idāni ye evaṃ vadeyyuṃ, pabbajitakālato patthāya anariyapariyesanā nāma kuto, ariyapariyesanā va pabbajitānaṃ ti, tesu paṭisedhanatthaṃ² pabbajitānam pi catusu paccayesu apaccavekkhaṇaparibhogo anariyapariyesanā evā ti dassetuṃ imaṃ desanaṃ ārabhi. Tattha *gathitā*³ ti taṇhāganthena⁴ ganthitā.³ *Mucchitā* ti taṇhāmucchāya mucchitā. *Ajjhāpannā* ti taṇhāya ajjhogālā. *Anādinavadassāvino* ti ādīnavaṃ apassantā. *Anissaraṇupaññā* ti, nissaraṇaṃ vuccati paccavekkhaṇānānaṃ; tena virahitā.

87. [173³⁰] Idāni tass' atthassa sādhaṇaṃ upamaṃ dassento, *seyyathā pi, bhikkhave* ti ādim āha. Tatr' evaṃ opamasaṇsandanaṃ veditabbaṃ: Āraññakamigo viya hi samaṇabrāhmaṇā. Luddakena araññe ṭhapitapāso viya cattāro paccayā. Tassa luddassa pāsaraṇiṃ ajjhottharitvā sayanakālo viya tesu cattāro paccaye apaccavekkhitvā paribhogakālo. Luddake āgacchante migassa yena kāmaṃ agamanakālo viya samaṇabrāhmaṇānaṃ Mārassa yathākāmakaraṇīyakālo. Māravaṇaṃ upagatabhāvo ti attho. Migassa pana abaddhassa pāsaraṇiṃ adhisayitakālo viya samaṇabrāhmaṇānaṃ catusu paccayesu paccavekkhaṇaparibhogo. Ludde āgacchante migassa yena kāmaṃ gamanaṃ viya samaṇabrāhmaṇānaṃ Māravaṇaṃ anupagamanaṃ veditabbaṃ. *Vissattho* ti nibbhayo, nirāsaṅko. Sesaṃ sabbattha uttānattham evā ti.

Pāsarāsisuttaṃ chaṭṭhaṃ.

*Ariyapariyesano*⁵ ti pi etassa' eva nāmaṃ.

¹ S. Senāsanam pi.

² B. S. °atthāya.

³ B. S. gadhitā.

⁴ B. S. °gedhena.

⁵ B. S. °nā.

27.

[Cūḷa-Hatthipadopamasuttavaṇṇanā]

1. [175¹³] *Evam me sutan ti Cūḷa-Hatthipadopamaṇ.* Tattha sabbasetena vaḷabhīrathenā¹ ti, “Setā sudaṇ assā yuttā honti, setālaṅkāra, seto raṭho, seto parivāro, setā rasmiyo, setā patodalatṭhi, setaṇ chattaṇ, setaṇ uṇhisaṇ, setāni vatthāni, setā upāhanā, setāya sudaṇ vālavijaniyā vijiyatī” ti (S. v. 4) evaṇ vuttana sakalasetena catuhi vaḷavāhi yuttarathena.

2. Ratho ca nām’ eso duvidho hoti: yodharatho, alaṅkāraratho ti. Tattha yodharatho caturassasaṇṭhāno hoti, nāti-mahā, dvinnaṇ tiṇṇaṇ vā janānaṇ gaṇhanasamattho. Alaṅkāraratho mahā hoti, dīghato ca² dīgho, puthulato ca² puthulo. Tattha chattaḡāhako, vālavijaniḡāhako, tālavaṇṭaḡāhako ti evaṇ aṭṭha vā dasa vā sukhen’ eva ṭhātuṇ vā nisīdituṇ vā nipajjitūṇ vā sakkonti. Ayam pi alaṅkāraratho yeva. So sabbo sacakkapaṇṇarakubbaro rajataparikkhato³ aḡosi. Vaḷavā pakatiyā setavaṇṇā va. Pasādhanaṇ pi tāsaṇ rajatamaṇaṇ aḡosi. Rasmiyo pi rajatapaṇālīsu pakkhittā.⁴ Patodalatṭhi pi rajataparikkhatā.⁵ Brāhmaṇo pi setavatthaṇ nivāsetvā setaṇ yeva uttarāsaṇṇaṇ akāsi; setavilepanaṇ vilimpi; setaṇ mālaṇ piḷandhi; dasasu aṇḡulīsu aṇḡulimuddikā kaṇṇesu kuṇḍalādīni ti evamādi-alaṅkāro pi ’ssa rajatamayo va aḡosi. Parivārabrāhmaṇā pi ’ssa dasasahassamattā tath’ eva setavattha-vilepana-mālālaṅkāra ahesuṇ. Tena vuttaṇ: *Sabbasetena vaḷabhīrathenā* ti.

3. [175¹⁶] *Sāvatthiyā niyyatī* ti, so kira channaṇ channaṇ māsānaṇ ekavāraṇ nagaṇaṇ padakkhiṇaṇ karoti. Ito ettakehi divasehi nagaṇaṇ padakkhiṇaṇ karissatī ti puretaraṇ eva ḡhosanā kayirati.⁶ Taṇ sutvā ye nagaṇato na pakkantā, te na pakkamanti; ye pakkantā, te pi, puṇṇavato sirisampattiṇ passissāmā ti āgacchanti. Yaṇ divasaṇ brāhmaṇo nagaṇaṇ anuvicarati, tadā pāto va nagaṇavīthīyo sammajjitvā vālikaṇ okiritvā lājapaṇcamehi pupphehi abhippakiritvā puṇṇaḡaṭe

¹ B. S. vaḷavābhi°.² B. S. omit.³ B. S. °parikkhitto.⁴ B. S. parikkhittā.⁵ B. S. °parikkhittā.⁶ B. S. kariyati.

ṭhapetvā kadaliyo ca dhaje ca ussāpetvā sakalanagaraṇ
dhūpitavāsitaṇ karonti. Brāhmaṇo pāto va sīsaṇ nahāyitvā
purebhattaṇ bhuñjitvā vuttanayen' eva setavattthādīhi attānaṇ
alañkaritvā pāsādā oruyha rathaṇ abhiruhati. Atha naṇ te
brāhmaṇā sabbasetavattthavilepanamālālañkāra setacchattāni
gahetvā parivārenti. Tato mahājanassa sannipātanaṭṭhaṇ
paṭhamanṇ yeva taruṇadārakānaṇ phalāphalāni vikiranti¹;
tadanantaraṇ māsakāni²; tadanantaraṇ kahāpaṇe vikiranti.
Mahājano sannipatati.³ Ukkuṭṭhiyo c' eva celukkhepā ca
vattanti.⁴ Atha brāhmaṇo maṅgalika-sovatthikādisu maṅ-
galanic' eva suvatthiyo ca karontesu mahāsampattiyaṇ nagaraṇ
anuvicarati. Puññavantā manussā ekabhūmakādipāsāde
āruyha sukapattasadisāni vātapānakavāṭāni vivaritvā olo-
kenti. Brāhmaṇo pi attano yasasirisampattiyaṇ nagaraṇ
ajjhottharanto viya dakkhiṇadvārābhimukho hoti. Tena
vuttaṇ *Sāvatthiyaṇ niyyāti* ti.

4. [175¹⁶] *Divādivassā* ti divasassa pi divā. Majjhanha-
kāle⁵ ti attho. *Pilotikaṇ paribbājakaṇ* ti Pilotikā ti evaṇ
itthiliṅgavohāravasena laddhanāmaṇ paribbājakaṇ. So kira
paribbājako daharo paṭhamavaye ṭhito suvaṇṇavaṇṇo Bud-
dhupaṭṭhāko, pāto va Tathāgatassa ca mahātherānaṇ ca
upaṭṭhānaṇ katvā tidaṇḍakuṇḍikādiparikkhāraṇ ādaya Jeta-
vanā nikkhamitvā nagarābhimukho pāyāsi. Taṇ esa dūrato
va āgacchantaṇ addasa.

5. [175¹⁸] *Etad avocā* ti anukkamena santikaṇ āgataṇ
sañjānitvā etaṇ, handa kuto nu bhavaṇ Vacchāyano āgacchatī
ti gottaṇ kittento vacanaṇ avoca. *Paṇḍito maññe* ti bhavaṇ
Vacchāyano samaṇaṇ Gotamaṇ paṇḍito ti maññati, udāhu no
ti, ayam ettha attho.

6. [175²²] *Ko cāham bho* ti bho samaṇassa Gotamassa pañ-
ñāveyyattiyaṇ jānane ahaṇ ko nāma? *Ko ca samaṇassa*
Gotamassa paññāveyyattiyaṇ jānissāmī ti kuto cāhaṇ samaṇassa
Gotamassa paññāveyyattiyaṇ jānissāmī; kena kāraṇena
jānissāmī ti? Evaṇ sabbathā pi attano ajānanabhāvaṇ

1 B. S. vikiritvā.

2 B. S. māsakarūpakāni.

3 B. S. Mahājanā sannipatanti.

4 B. S. pavattanti.

5 S. Majjhante kāle.

dīpeti. *So pi nūn' assa tādiso vā* ti yo samaṇassa Gotamassa paññāveyyattiyaṇ jāneyya, so pi nūna dasa pāramiyo pūretvā sabbaññutaṇ patto tādiso Buddho yeva bhaveyya. Sineruṇ va Himavantaṇ vā paṭhaviṇ vā ākāsaṇ vā metukāmena¹ tap-pamaṇo va daṇḍo vā rajju vā laddhuṇ vaṭṭati. Samaṇassa Gotamassa paññaṇ jānantenāpi tassa ñāṇasadisam eva sabbaññutaññaṇ laddhuṇ vaṭṭatī ti dīpeti. Ādaravasena pan' ettha āmeṇḍitaṇ² kataṇ.

7. [175²⁶] *Uḷārāyā* ti uttamāya, seṭṭhāya. *Ko cāham bho* ti bho, ahaṇ samaṇassa Gotamassa pasaṇsane ko nāma ? *Ko ca samaṇaṇ Gotamaṇ pasaṇsis-sāmī* ti kena kāraṇena pasaṇsis-sāmī ? *Pasatthapasattho*³ ti sabbaguṇānaṇ uparicarehi⁴ sabbalokapasatthehi attano guṇeh' eva pasattho, na tassa aññehi pasaṇsanakiccaṇ atthi. Yathā hi campakapupphaṇ vā nīluppalaṇ vā padumaṇ vā lohita-candanaṇ vā attano vaṇṇa-gandhasiriyā vā⁵ pāsādikaṇ c' eva sugandhañ ca, na tassa āgan-tukehi vaṇṇagandhehi thomanakiccaṇ atthi. Yathā ca maṇi-ratanaṇ vā candamaṇḍalaṇ vā attano āloken' eva obhāsati, na tassa aññena obhāsanakiccaṇ atthi. Evaṇ samaṇo Gotamo sabbalokapasatthehi attano guṇeh' eva pasattho thomi-to sabbalokassa seṭṭhataṇ pāpito, na tassa aññena pasaṇsanakiccaṇ atthi.

8. [175²⁷] Pasatthehi pasattho ti pi *pasatthapasattho*. Ke pana pasatthā nāma ? Rājā Pasenadi Kosalo Kāsi-Kosala-vāsikehi pasattho ; Bimbisāro Aṅga-Magadhavāsīhi. Vesālīkā Licchavī Vajjirattavāsīhi pasatthā. Pāveyyakā Mallā, Kusinārakā Mallā, aññe pi te te khattiyā tehi tehi janapadehi pasatthā. Caṅki-ādayo brāhmaṇā brāhmaṇehi, Anāthapiṇḍikādayo upāsakā⁶ upāsakagaṇehi, Visākhādayo upāsikā anekasatāhi upāsikāhi, Sakuladāyī-ādayo paribbājakā anekehi paribbājakasatehi, Uppalavaṇṇātheri-ādikā mahāsāvikā anekehi bhikkhunīsatehi, Sāriputtattherādayo mahātherā⁷ ane-

¹ B. S. pametu°.

² B. āmeḍitaṇ.

³ B. S. Pasatṭha for pasattha (so always).

⁴ B. uttaritarehi ; S. upariparehi.

⁵ S. omits.

⁶ B. adds anekasatehi.

⁷ B. mahāsāvakā.

kasatehi bhikkhūhi, Sakkādayo devā anekasahasseehi devehi, Mahābrahmādayo Brahmāno anekasahasseehi Brahmehi pasatthā. Te sabbe pi Dasabalaṇ thomenti, vaṇṇenti, pasansanti ti Bhagavā pasatthapasattho ti vuccati.

9. [175²⁹] *Atthavasan* ti atthānisaṇsaṇ. Ath' assa paribbājako attanā ditṭhakāraṇaṇ ācikkhanto, *seyyathā pi, bho, kusalo nāgavaniko* ti ādim āha. Tattha *nāgavaniko* ti nāgavanavāsiko anuggahitasippo puriso. Parato pana ugghahitasippo puriso nāgavaniko ti āgato. *Cattāri padānī* ti cattāri nānapadāni, nānavalaṇje. Nānena akkantatṭhānānī ti attho.

10. [176⁷] *Khattiyapaṇḍite* ti ādisu *paṇḍite* ti paṇḍiccena samannāgate. Nipune ti saṇhe, sukhumbuddhino, sukhuma-atthantarapaṭivijjhanasamatthe. *Kataparappavāde* ti viññātaparappavāde c' eva parehi saddhiṇ katavādaparicaye ca. *Vāavedhirūpe* ti vāavedhidhanuggāhasadise. *Vobbindantā, maññe, carantī* ti, vāavedhi viya vālaṇ, sukhumāni pi paresaṇ ditṭhigatāni attano paññāgatena bhindantā viya carantī ti attho. *Pañhaṇ abhisañkharontī* ti dupadam pi ti-padam pi catuppadam pi pañhaṇ¹ karontī. *Vādaṇ āropessāmā* ti dosaṇ āropessāma.

11. [176²⁰] *Na c' eva samaṇaṇ Gotamaṇ pañhaṇ pucchantī* ti, kasmā na pucchanti? Bhagavā kira parisamajjhe dhammaṇ desento parisāya ajjhāsayaṇ oloketi; tato passati: ime khattiyapaṇḍitā gūlhaṇ rahassaṇ pañhaṇ ovaṭṭikasāraṇ katvā āgatā ti. So tehi aputṭho yeva, evarūpe pañhe pucchāya ettakā dosā, vissajjane ettakā, atthe, pade, akkhare ettakā ti, ime pañhe pucchānto evaṇ puccheyya, vissajjento evaṇ vissajjeyyā ti, iti ovaṭṭikasāraṇ katvā ānīte pañhe dhammakathāya antare pakkipitvā viddhaṇseti.² *Khattiyapaṇḍitā, seyyo vata no, ye mayaṇ ime pañhe na pucchimha, sace hi mayaṇ puccheyyāma appatitṭhe va no katvā samaṇo Gotamo khippeyyā ti attamanā bhavanti.*

12. Api ca Buddhā nāma dhammaṇ desentā parisaṇ metāya pharanti. Mettāpharaṇena Dasabale mahājanassa cittāṇ pasīdati. Buddhā ca nāma rūpaggappattā honti, dassana-sampannā, madhurassarā, mudujivhā, suphassitadantāva-

¹ C. pañhe.

² C. viddhaṇseti.

raṇā,¹ amatena hadayaṇ siñcantā viya dhammaṇ kathenti. Tatra tesañ mettāpharaṇena pasannacittānaṇ evañ hoti: Evarūpaṇ advejḥhakathaṇ, amoghakathaṇ, niyyānikakathaṇ kathentena Bhagavatā saddhiṇ na sakkhissāma paccanī-kagāhaṇ gaṇhituṇ ti attano pasannabhāven' eva na pucchanti.

13. [176²²] *Aññadatthū* ti ekaṇsena. Sāvakā sampajjanti ti saraṇagamanavasena sāvakā honti. *Tadanuttaraṇ* ti taṇ anuttaraṇ. *Brahmacariyapariyosānaṇ* ti maggabrahmacariyassa pariyosānabhūtaṇ arahattaphalaṇ. Tadattthāya hi te pabbajanti. *Manañ vata, bho, anassāmā* ti bho, sace mayañ na upasaṅkameyyāma, iminā thokena anupasaṅkamana-mattena apayirupāsanamatten' eva natṭhā bhaveyyāma. Upasaṅkamanamattakena pan' amha na natṭhā ti attho. Dutiyapadaṇ purimass' eva vevacanaṇ. *Assamaṇā va samānā* ti ādisu pāpānaṇ asamitattā *assamaṇā va*, abāhitattā ca² pana *abrāhmaṇā va*, kilesārīnaṇ ahatattā *anarahanto yeva ca samānā* ti attho.

14. [177³⁴] *Udānaṇ udānesī* ti udāhāraṇ udāhari. Yathā hi yaṇ telaṇ mānaṇ gaḥetuṇ na sakkoti, vissanditvā gacchati, taṇ avaseko ti vuccati; yañ ca jalaṇ taḷakaṇ gaḥetuṇ na sakkoti, ajjhottharitvā gacchati, taṇ ogho ti vuccati. Evam eva yaṇ pītimayavacanaṇ hadayaṇ gaḥetuṇ na sakkoti, adhi-kaṇ hutvā anto asaṇṭhahitvā bahi nikkhamati, taṇ udānaṇ ti vuccati. Evarupaṇ pītimayavacanaṇ nicchāresī ti attho.

15. [178⁹] *Hatthipadopamo* ti hatthipadaṇ upamā assa dhammassā ti hatthipadopamo. So na *ettāvata vitthārena paripūro hoti* ti dasseti. *Nāgavaniko* ti uggahitahatthisippo, hatthi-vanacāriko. Atha kasmā kusalo ti na vutto ti? Parato *yo hoti kusalo* ti vibhāgadassanatthaṇ. Yo hi koci pavisati. Yo pana kusalo hoti, so n' eva tāva niṭṭhaṇ gacchati; tasmā idha kusalo ti avatvā parato vutto. *Vāmanikā* ti rassā, āyā-mato pi na dīghā mahākucchi-hatthiniyo. *Uccā ca nisevītan* ti sattatṭharatanubbedhe vaṭarukkhādīnaṇ khandhapadese ghaṇsitatṭhānaṇ. *Uccākalārikā* ti uccā ca yaṭṭhisadisapādā hutvā kalārikā ca dantānaṇ kalāratāya. Tāsaṇ kira eko danto unnato hoti, eko onato. Ubho pi ca viralā honti na āsannā.

¹ B. suphussita°; S. suphusita°.

² B. S. omit.

16. [178²⁸] *Uccā ca dantehi ārañjitānī* ti sattaṭṭharatanubbedhe vaṭarukkhādīnaṃ khandhapadese pharasunā pahaṭaṭṭhānaṃ viya dāṭhāhi chinnaṭṭhānaṃ. *Uccākaṇerukā nāmā* ti uccā ca yaṭṭhisadisapādā hutvā kaṇerukā ca dantānaṃ kaṇerutāya. Tā kira makuladāṭhā honti; tasma kaṇerukā ti vuccanti.

17. [178³⁷] *So nitṭhaṇ gacchatī* ti so nāgavaniko, yassa vaṭāhaṇ¹ nāgassa anupadaṇ āgato, ayaṇ va so, na añño; yaṇ hi ahaṇ paṭhamaṇ padaṇ disvā vāmanikānaṇ padaṇ bhavissatī ti nitṭhaṇ na gato, yaṃ pi tato orabhāge disvā kaḷārikānaṇ bhavissati, kaṇerukānaṇ bhavissatī ti nitṭhaṇ na gato, sabbaṇ taṇ imass' eva mahāhatthino padaṇ ti mahāhatthiṇ disvā va nitṭhaṇ gacchatī.

18. [178³⁷] *Evam eva kho* ti ettha idaṇ opammasaṇsandanaṇ: Nāgavanaṇ viya hi ādito paṭṭhāya yāva nīvaraṇappahānā dhammadesanā veditabbā. Kusalo nāgavaniko viya yogāvacaro. Mahānāgo viya Sammāsambuddho. Mahantaṇ hatthipadaṇ viya jhānābhiññā. Nāgavanikassa tattha tattha hatthipadaṇ disvā pi vāmanikānaṇ padaṇ bhavissati, kaḷārikānaṇ, kaṇerukānaṇ padaṇ bhavissatī ti anitṭhaṇgatabhāvo² viya yogino, imā jhānābhiññā nāma bāhiraka-paribhājakānaṃ pi santi ti anitṭhaṇgatabhāvo.² Nāgavanikassa, tattha tattha mayā diṭṭhaṇ padaṇ imass' eva mahāhatthino, na aññassā ti mahāhatthiṇ disvā nitṭhaṇgamaṇaṇ³ viya ariya-sāvakassa arahattaṇ patvā va nitṭhaṇgamaṇaṇ.³ Idaṇ ca pana opammasaṇsandanaṇ matthake ṭhatvā pi kātuṇ vaṭṭati; imasmim pi ṭhāne vaṭṭati yeva. Anukkamagataṇ pana taṇ pālīpadaṇ gahetvā idh' eva kataṇ.

19. [179¹] Tattha *idhā* ti desāpadese nipāto. Svāyaṇ katthaci lokaṇ upādāya vuccati. Yath' āha: "Idha Tathāgato loka uppajjati" ti (M. iii. 134). Katthaci sāsanaṇ. Yath' āha: "Idh' eva, bhikkhave, samaṇo, idha dutiyo samaṇo" ti (A. ii. 238). Katthaci okāsaṇ Yath' āha:

"Idh' eva tiṭṭhamānassa devabhūtassa me sato punarāyu ca me laddho evaṇ jānāhi mārīsā" ti

(D. ii. 285).

¹ S. panāhaṇ.

² C. anitṭhāgata°.

³ C. nitṭhā°.

Katthaci padapūraṇamattam eva. Yath' āha: "Idhāhaṇ, bhikkhave, bhuttāvī assaṇ pavārito" ti (M. i. 12). Idha pana lokaṇ upādāya vutto ti veditabbo. Idaṇ vuttaṇ hoti: Brāhmaṇa, imasmiṇ loke Tathāgato uppajjeti arahaṇ—pe—Buddho Bhagavā ti.

20. [171¹] Tattha Tathāgatasaddo Mūlapariyāye, *arahan* ti ādayo Visuddhimagge vitthāritā. *Loke uppajjati* ti ettha pana *loko* ti, okāsaloko, sattaloko, saṅkhāraloko ti tividho. Idha pana sattaloko adhippeto. Sattaloke uppajjamāno pi Tathāgato na devaloke, na Brahmaloce, manussaloke yeva uppajjati. Manussaloke pi na aññasmiṇ cakkavāle, imasmiṇ yeva cakkavāle. Tatrāpi na sabbatṭhānesu. "Puratthimāya disāya Kajaṅgalaṇ¹ nāma nigamo. Tassāparena mahāsālā. Tato paraṇ paccantimā janapadā. Orato majjhe. Puratthimadakkhiṇāya disāya Sallaṇavati² nāma nadī. Tato paraṇ paccantimā janapadā. Orato majjhe. Dakkhiṇāya disāya Setakaṇṇikaṇ nāma nigamo. Tato paraṇ paccantimā janapadā. Orato majjhe. Pacchimāya disāya Thūṇaṇ³ nāma brāhmaṇagāmo. Tato paraṇ paccantimā janapadā. Orato majjhe. Uttarāya disāya Usīraddhajo nāma pabbato. Tato paraṇ paccantimā janapadā. Orato majjhe" ti (Vin. i. 197) evaṇ paricchinne āyāmato tiyojanasate, vitthārato aḍḍhatiyayojanasate,⁴ parikkhepato navayojanasate Majjhima-padeso uppajjati. Na kevalaṇ ca Tathāgato,⁵ Paccekabuddhā, aggasāvaka, asīti mahātherā, Buddhamātā, Buddhapitā, cakkavattirājā, añṇe ca sārappattā brāhmaṇagahapatikā etth' eva uppajjanti.

21. Tattha Tathāgato Sujātāya dinnamadhupāyāsabhojanato paṭṭhāya yāva arahattamaggo,⁶ tāva uppajjati nāma; arahattaphale uppanno nāma. Mahābhinikkhamanato vā yāva arahattamaggo,⁶ Tusitabhavanato vā yāva arahattamaggo,⁶ Dīpaṅkarapādamūlato vā yāva arahattamaggo,⁶ tāva uppajjati nāma; arahattaphale uppanno nāma. Idha sabbapaṭhamāṇ uppānabhāvaṇ sandhāya uppajjati ti

¹ B. S. Gajaṅgalaṇ.

² B. S. Sallaṇavati.

³ B. Thūṇaṇ; S. Thūṇaṇ.

⁴ B. aḍḍhatēyya°.

⁵ B. *adds* va.

⁶ C. °maggā.

vuttaṇ. Tathāgato loka uppanno hotī ti ayaṇ hi ettha attho.

22. [179³] *So imaṇ lokaṇ* ti so Bhagavā imaṇ lokaṇ. Idāni vattabbaṇ niddasseti.¹ *Sadevakaṇ* ti saha devahi sadevakaṇ. Evaṇ saha Mārena *samāraṇ*. Saha Brahmunā *sabrahmaṇ*. Saha samaṇabrāhmaṇehi *sassamaṇabrāhmaṇiṇ*. Pajātattā pajā; taṇ *pajaṇ*. Saha devamanussehi *sadevamanussan*. Tattha sadevakavacanena pañca-kāmāvacaradevagahaṇaṇ veditabbaṇ. Samārakavacanena chaṭṭhakāmāvacaradevagahaṇaṇ. Sabrahmakavacanena Brahmakāyikādi-Brahmagahaṇaṇ. Sassamaṇabrāhmaṇivacanena sāsanaṇ paccatthika-paccāmitta-samaṇabrāhmaṇagahaṇaṇ, samitapāpabāhitapāpa-samaṇabrāhmaṇagahaṇaṇ ca. Pajāvacanena sattalokagahaṇaṇ. Sadevamanussavacanena sammutideva-avasesamanussagahaṇaṇ. Evam ettha tīhi padehi okāsakena saddhiṇ sattaloka, dvīhi pajāvasena sattaloka va gahito ti veditabbo.

23. Aparo nayo: Sadevakagahaṇena arūpāvacaraloka gahito; samārakagahaṇena chakāmāvacaradevaloka; sabrahmagahaṇena rūpibrahmaloka; sassamaṇabrāhmaṇādigahaṇena catuparisavasena sammutidevehi vā saha manussaloka, avasesasabbasattaloka vā. Api c' ettha sadevakavacanena ukkaṭṭhaparicchedato sabbassa lokassa sacchikatabhāvam āha. Tato yesaṇ ahosi: Māro mahānubhāvo chakāmāvacarissaro vasavattī ti so pi etena sacchikato ti? tesāṇ vimatiṇ vidhamanto *samāraṇ* ti āha. Yesāṇ pana ahosi: Brahmā mahānubhāvo ekaṅguliyā ekasmiṇ cakkavālasahassee ālokaṇ pharati; dvīhi—pe—dasahi aṅgulīhi dasasu cakkavālasahassee ālokaṇ pharati; anuttaraṇ ca jhānasamāpattisukhaṇ patisaṇvedeti; kiṇ so pi sacchikato ti? tesāṇ vimatiṇ vidhamanto *sabrahmaṇ* ti āha. Tato ye² cintesuṇ: puthū samaṇabrāhmaṇā sāsanaṇ paccatthikā; kiṇ te pi sacchikatā ti? tesāṇ vimatiṇ vidhamanto *sassamaṇabrāhmaṇiṇ pajaṇ* ti āha. Evaṇ ukkaṭṭhānaṇ³ sacchikatabhāvaṇ pakāsetvā, atha sammutideve avasesamanusse ca upādāya ukkaṭṭhapariccheda-

¹ S. dasseti.

² B. adds evaṇ.

³ B. ukkaṭṭhukkaṭṭhānaṇ.

nogadhaṇ hi, āvuso, Visākha, brahmacāriyaṇ vussati, nibbāna-parāyaṇaṇ nibbānapariyosānaṇ ” ti (M. i. 304) ettha nibbānaṇ pariyosānaṇ ti vuttaṇ.

28. Idha desanāya ādi-majjha-pariyosānaṇ adhippettaṇ. Bhagavā hi dhammaṇ desento ādimhi silaṇ dassetvā majjhe maggaṇ pariyosāne nibbānaṇ dasseti. Tena vuttaṇ: *So dhammaṇ deseti ādikalyāṇaṇ, majjhekalyāṇaṇ, pariyosānakalyāṇaṇ* ti. Tasmā añño pi dhammakathiko dhammaṇ kathento,

Ādimhi silaṇ dasseyya majjhe maggaṇ vibhāvaye
pariyosānamhi¹ nibbānaṇ esā kathikasaṇṭhiti ti.

29. [1797] *Sātthaṇ sabyañjanaṇ* ti yassa hi yāgu-bhatta-itthi-purisādivaṇṇanānissitā desanā hoti, na so sātthaṇ deseti. Bhagavā pana tathārūpaṇ desanaṇ pahāya catusatipaṭṭhānādinissitaṇ deseti, tasmā sātthaṇ deseti ti vuccati. Yassa pana desanā ekabyañjanādiyuttā vā sabbaniroṭṭhabyañjanā vā sabhavissaṭṭha-sabbaniggahitabyañjanā vā, tassa Damila-Kirāta-Yavanādimilakkhānaṇ² bhāsā viya byañjanapāripūriyā abhāvato abyañjanā nāma desanā hoti. Bhagavā pana.³

“ Sithiladhanitaṇ ca dīgharassaṇ

garukalahukaṇ ca niggahitaṇ

sambandhaṇ vavatthitaṇ vimuttaṇ

dasadhā byañjanabuddhiyā pabhedo ” ti ()

evaṇ vuttaṇ dasavidhabyañjanaṇ amakkhetvā paripunṇa-byañjanam eva katvā dhammaṇ deseti; tasmā sabyañjanaṇ deseti ti vuccati.

30. [1797] *Kevalaparipunṇaṇ* ti ettha *kevalaṇ* ti sakalādhi-vacanaṇ. *Paripunṇaṇ* ti anūnādhikavacanaṇ. Idaṇ vuttaṇ hoti: Sakalaparipunṇam eva deseti,⁴ ekā desanā pi aparipūrā n’ atthi ti. *Parisuddhaṇ* ti nirupakkilesaṇ. Yo hi imaṇ dhammadesanaṇ nissāya lābhaṇ vā sakkāraṇ vā labhissāmi ti deseti, tassa aparisuddhā desanā hoti. Bhagavā pana lokā-

¹ S. pariyosāne ca.

² B. -Kirāta-Savara-Milakkhūnaṇ; S. -Kirāta-Savanādimilakkhūnaṇ.

³ B. S. *add* tathārūpaṇ desanaṇ pahāya.

⁴ B. *adds* na aparipunṇaṇ.

misanirapekkho¹ hitapharaṇena mettābhāvanāya muduhasayo ullumpanasabhāvasaṅghitena cittena deseti; tasmā parisuddhaṇ deseti ti vuccati.

31. [179⁸] *Brahmacariyaṇ pakāseti* ti ettha *brahmacariyaṇ* ti sikkhāttayasaṅgahaṇ sakalasāsaṇaṇ. Tasmā *brahmacariyaṇ pakāseti* ti, so dhammaṇ deseti, ādikalyāṇaṇ—pe—parisuddhaṇ, evaṇ desento ca sikkhāttayasaṅgahītaṇ sakalasāsanabrahmacariyaṇ pakāseti ti evam ettha attho daṭṭhabbo. *Brahmacariyaṇ* ti seṭṭhaṭṭhena brahmabhūtaṇ cariyaṇ. Brahmabhūtānaṇ vā Buddhādīnaṇ cariyaṇ ti vuttaṇ hoti.

32. [179⁸] *Taṇ dhammaṇ* ti taṇ vuttappakārasampadaṇ dhammaṇ. *Sunāti gahapati vā* ti kasmā paṭhamaṇ gahapatiṇ niddisati? Nihatamānattā, ussannattā ca. Yebhuyyena hi khattiyakulato pabbajitā jātiṇ nissāya mānaṇ karonti. Brāhmaṇakulā pabbajitā mante nissāya mānaṇ karonti. Hīnajaçcakulā pabbajitā attano vijātītāya paṭiṭṭhātuṇ na sakkonti. Gahapatidārakā pana kacchehi sedaṇ muñcantehi, piṭṭhiyā loṇaṇ pupphamānāya bhūmiṇ kasitvā nihatamānadappā honti. Te pabbajitvā mānaṇ vā dappaṇ vā akatvā yathābalaṇ Buddhavacanaṇ uggahetvā vipassanāya kammaṇ karontā sakkonti arahatte paṭiṭṭhātuṇ. Itarehi ca kulehi nikkamitvā pabbajitā nāma na bahukā; gahapatikā va bahukā. Iti nihatamānattā ussannattā ca paṭhamaṇ gahapatiṇ niddisati. *Aññatarasmiṇ vā* ti itaresaṇ vā kulānaṇ aññatarasmiṇ. *Paccājāto* ti jāto.²

33. [179¹⁰] *Tathāgate saddhaṇ paṭilabhati* ti parisuddhaṇ dhammaṇ sutvā dhammassāmimhi Tathāgate, Sammāsam-buddho vata Bhagavā ti saddhaṇ paṭilabhati. *Iti paṭisañ-cikkhati* ti evaṇ paccavekkhati. *Sambādho gharāvāso* ti sace pi saṭṭhihatthe ghare yojanasatantare pi vā dve jāyampatikā vasanti, tathā pi nesaṇ sakiñcana-sapalibodhaṭṭhena gharāvāso sambādho va. *Rajāpatho* ti rāgarajādīnaṇ utṭhānaṭṭhānaṇ ti Mahā-atṭhakathāyaṇ vuttaṇ. Āgamanapatho ti pi vattati. Alaggaṇaṭṭhena abbhokāso viyā ti *abbhokāso*. Pabbajito hi kūtāgāra-ratanapāsāda-devavimānādisu pihi-tadvāravātapānesu paṭicchannesu vasanto pi n' eva laggati

¹ S. adds dhammaṇ deseti.

² B. S. paṭijāto.

na sajjati, na bajjhati. Tena vuttaṇ: *Abbhokāso pabbajā* ti. Api ca *sambādho gharāvāso* kusalakiriyāya okāsābhāvato; *rajjāpatho*, asaṇvutaṇ saṅkārādhānaṇ viya rajānaṇ, kilesarajānaṇ sannipātataṭṭhānato; *abbhokāso pabbajjā* kusalakiriyāya yathāsukhaṇ okāsasabhāvato.

34. [179¹³] *Na yidaṇ sukaraṇ—pe—pabbajeyyan* ti ettha ayaṇ saṅkhepakathā: Yad etaṇ sikkhāttayaṇ brahmacariyaṇ ekam pi divasaṇ akhaṇḍaṇ katvā carimakacittaṇ pāpetabbatāya *ekantaparipunṇaṇ*, ekadivasam pi ca saṅkilesamalena¹ amalinaṇ katvā carimacittaṇ pāpetabbatāya *ekanta-parisuddhaṇ*, *saṅkhalikkhilaṇ* likhitasāṅkhasadisāṇ dhotasāṅkhasappaṭibhāgaṇ caritabbaṇ idaṇ *na sukaraṇ agāraṇ ajjhāvasatā* agāramajjhe vasantena *ekantaparipunṇaṇ—pe—carituṇ*; yan nūnāhaṇ *kese* ca *massuṇ* ca ohāretvā kasāyarasapītātāya *kāsāyāni*, brahmacariyaṇ carantānaṇ anucchavikāni *vatthāni ucchādetvā* paridahitvā *agārasmā* nikkhamitvā *anagāriyaṇ pabbajeyyaṇ*. Ettha ca yasmā agārassa hitaṇ kasivaṇijjādikammaṇ agāriyaṇ ti vuccati, taṇ ca pabbajjāya n' atthi, tasmā pabbajjā anagāriyā ti nātābbā² ti² taṇ *anagāriyaṇ*. *Pabbajeyyan* ti paṭipajjeyyaṇ. *Appaṇ vā* ti sahaṣṣato heṭṭhā bhogakkhandho appo nāma hoti; sahaṣṣato paṭṭhāya mahā. Ābandhanaṭṭhena nāti eva *nātiparivaṭṭo*. So vīsatiyā heṭṭhā appo hoti; vīsatiyā paṭṭhāya mahā.

35. [179²²] *Bhikkhūnaṇ sikkhāsājīvasamāpanno* ti yā bhikkhūnaṇ adhisīlasaṅkhātā sikkhā, taṇ ca³; yattha c' ete saha-jīvanti, ekajīvikāsabhāgavuttino honti, taṇ Bhagavatā paññattasikkhāpadasaṅkhātāṇ sājīvaṇ ca; tattha sikkhanabhāvena samāpanno ti *bhikkhūnaṇ sikkhāsājīvasamāpanno*. *Samāpanno* ti sikkhaṇ paripūrento sājīvaṇ ca avitikkamanto hutvā tadubhayaṇ upagato ti attho.

36. [179²³] *Pānātipātaṇ pahāyā* ti ādisu pānātipātādikathā heṭṭhā vitthāritā eva. *Pahāyā* ti imaṇ pānātipātacetanāsaṅkhātāṇ dussīlyaṇ pajahitvā. *Paṭivirato hoti* ti pahīnakā-lato paṭṭhāya tato dussīlyato orato virato va hoti. *Nihitadāṇḍo nihitasattho* ti parūpaghātattāya dāṇḍaṇ vā satthaṇ vā ādāya avattanato nikkhattadāṇḍo c' eva nikkhattasattho

¹ B. S. kilesa°.² B. S. omī.³ B. omīts.

cā ti attho. Ettha ca ṭhapetvā daṇḍaṇ sabbam pi avasesaṇ upakaraṇaṇ sattānaṇ vihesanabhāvato¹ satthan ti veditabbaṇ. Yaṇ pana bhikkhu² kattaradaṇḍaṇ vā dantakaṭṭhavāsiṇ vā pipphalakaṇ vā gahetvā vicarati,³ na taṇ parūpaghātataṭhāya; tasmā nihitadaṇḍo nihitasattho tv' eva saṅkhaṇ gacchati.⁴ *Lajjī* ti pāpajigucchanaḷakkhaṇāya lajjāya samannāgato. *Dayāpanno* ti dayaṇ mettacittataṇ āpanno. *Sabba-pāṇabhūtahitānukampī* ti sabbe pāṇabhūte hitena anukampako. Tāya dayāpannatāya⁵ sabbesaṇ pāṇabhūtānaṇ hitacintako⁶ ti attho. *Viharaṭī* ti iriyati, pāleti.

37. [179²⁶] Dinnam⁷ eva ādiyaṭī ti *dinnādāyī*. Cittena pi dinnam eva paṭikaṅkhaṭī ti *dinnapaṭikaṅkhī*. Thenetī ti theno. Na thenena *athenena*. Athenattā yeva *sucibhūtena*. *Attanā* ti attabhāvena. Athenāṇ sucibhūtaṇ attabhāvaṇ katvā viharatī ti vuttaṇ hoti.

38. [179²⁷] *Abrahmacariyaṇ* ti asetṭhacariyaṇ. Brahmaṇ seṭṭhaṇ ācāraṇ caratī ti *brahmacārī*. *Ārācārī* ti abrahmacariyato dūracārī. *Methunā* ti rāgapariyuṭṭhānavasena sadi-sattā methunakā ti laddhavohārehi paṭisevitabbato methuno ti saṅkhaṇ gatā asaddhammā. *Gāmadhammā* ti gāma-vāsīnaṇ dhammā.

39. [179²⁹] Saccāṇ vadatī ti *saccavādī*. Saccena saceṇ sandahatī ghaṭetī ti *saccasandho*. Na antarantarā musā vadatī ti attho. Yo hi puriso kadāci musā vadati, kadāci saccāṇ, tassa musāvādena antaritattā saccāṇ saccena na ghaṭīyati. Tasmā na so saccasandho. Ayaṇ pana na tādiso, jīvitahetu pi musā avatvā saccena saccāṇ sandahatī yevā ti *saccasandho*. *Theto* ti thiro. Thitakatho ti attho. Eko hi⁸ puggalo haliddirāgo viya, thusarāsimhi nikhātakhāṇu viya, assapiṭṭhe ṭhapitakumbhaṇḍam iva ca na ṭhitakatho hoti. Eko pāsāṇalekhā viya indakhīlo viya ca ṭhitakatho hoti, asinā sīse chijjante pi dve kathā na katheti. Ayaṇ vuccati

¹ B. S. vihiṇsana°.

² B. S. bhikkhū.

³ B. S. vicaranti.

⁴ B. S. gacchanti.

⁵ B. *adds* evaṇ; S. dayāya sampannattāya.

⁶ B. S. °cittako.

⁷ B. Kāyena dinnam.

⁸ B. *omits*.

theto. *Paccayiko* ti pattiyāyitabbako. *Saddhāyiko* ti attho. Ekacco hi puggalo na paccayiko hoti, idaṇṇ kena vuttaṇṇ, asukenā ti vutte, mā tassa vacanaṇṇ saddahathā ti vattabbataṇṇ āpajjati. Eko paccayiko hoti, idaṇṇ kena vuttaṇṇ, asukenā ti vutte, yadi tena vuttaṇṇ, idam eva pamāṇaṇṇ, idāni upaparikkhitabbaṇṇ¹ n' atthi, evam eva idan ti vattabbataṇṇ āpajjati. Ayaṇṇ vuccati *paccayiko*. *Avisaṇṇvāḍako lokassa* ti tāya saccavāditāya lokaṇṇ na visaṇṇvādeti ti attho.

40. [179³²] *Imesaṇṇ bhedāyā* ti yesaṇṇ ito² ti vuttānaṇṇ santike suttaṇṇ tesaṇṇ bhedāya. *Bhinnānaṇṇ vā sandhātā* ti dvinnaṇṇ³ mittānaṇṇ vā samānupajjhāyakādīnaṇṇ vā kenacid eva kāraṇena bhinnānaṇṇ ekam ekaṇṇ upasaṅkhamitvā, tumhākaṇṇ īdisa kule jātānaṇṇ, evaṇṇ bahussutānaṇṇ vā⁴ idaṇṇ na yuttan ti ādīni vatvā sandhānaṇṇ kattā. *Anuppcādātā* ti sandhānānuppadātā. Dve jane samagge disvā,⁵ tumhākaṇṇ evarūpe kule jātānaṇṇ, evarūpehi guṇehi samannāgatānaṇṇ anucchavikam etan ti ādīni vatvā dalhikanmaṇṇ⁶ kattā ti attho. Samaggo⁷ ārāmo asā ti *samaggārāmo*. Yattha samaggā n' atthi, tattha vasitum pi na icchatī ti attho. Samaggarāmo ti pi pāḷi. Ayam ev' attho. *Samaggarato* ti samaggesu rato. Te pahāya aññatra gantum pi na icchatī ti attho. Samagge disvā pi sutvā pi nandatī ti samagganandī. Samaggakaraṇṇiṇṇ vācaṇṇ bhāsītā ti yā vācā satte samagge yeva karoti, taṇṇ sāmaggiguṇaparidīpakam eva vācaṇṇ bhāsati, na itaran ti.

41. [179³⁶] *Nelā* ti elanaṇṇ vuccati doso, nāssa elan ti nelā. Niddosā ti attho. “*Ṅelaṅgo setapacchādo*” ti (S. iv. 291) ettha vuttasīlaṇṇ⁸ viya. *Kaṇṇusukhā* ti byañjana madhuratāya kaṇṇānaṇṇ sukhā; sucivijjhaṇṇ viya kaṇṇasūlaṇṇ na janeti. Atthamadhuratāya sakalasarīre kopaṇṇ ajanetvā pemaṇṇ janeti ti *pemaṇṇiyā*. Hadayaṇṇ gacchatī, apatihaññamānā sukhena cittaṇṇ pavisatī ti *hadayaṇṇgamā*. Guṇaparipuṇṇatāya pure bhavā ti *porī*. Pure saṇṇvaddhaṇārī viya sukumārā ti pi *porī*. Purassa esā ti pi *porī*. Purassa esā ti nagaravāsīnaṇṇ kathā ti

¹ C. parikkhitabbaṇṇ; B. paṭivekkhitabbaṇṇ.

² B. S. *add* sutvā.

³ B. S. *add* pi.

⁴ B. S. *omit*.

⁵ S. *adds* pi.

⁶ C. *dalha*°.

⁷ B. *Samagge*.

⁸ B. S. *°nelap*.

attho. Nagaravāsino hi yuttakathā honti, pitimattaṃ pitā ti,¹ bhātimattaṃ bhātā ti vadanti. Evarūpī kathā bahuno janassa kantā hotī ti *bahujanakantā*. Kantabhāven' eva bahuno janassa manāpā, cittavuddhikarā ti *bahujanamanāpā*.

42. [180²] Kāle² vadatī ti *kālavādī*. Vattabbayuttaṃ kālaṃ sallakkhetvā vadatī ti attho. Bhūtaṃ tacchaṃ saḥhāvam eva vadatī ti *bhūtavādī*. Diṭṭhadhammikasamparāyika-atthasannissitam eva katvā vadatī ti *atthavādī*. Navalokuttara-dhammasannissitaṃ katvā vadatī ti *dhammavādī*. Saṃvaravinaya-pahānavinayasannissitaṃ katvā vadatī ti *vinayavādī*. Nidhānaṃ vuccati ṭhapanokāso. Nidhānam assā' atthī ti *nidhānavatī*. Hadaye nidhetabbayuttaṃ vācaṃ bhāsitaṃ ti attho. *Kālenā* ti evarūpiṃ bhāsamāno pi ahaṃ nidhānavatiṃ vācaṃ bhāsāmī³ ti na akālena bhāsati, yuttakālaṃ pana avekkhitvā bhāsati ti attho. *Sāpadesan* ti sa-upamaṃ. Sakāraṇaṃ ti attho. *Pariyaṇuvatin* ti paricchedaṃ dassetvā yathā'ssa paricchedo paññāyati evaṃ bhāsati ti attho. *Attha-saṃhitā* ti anekehi pi nayehi vibhajantena pariyādātuṃ asakkuneyyatāya atthasampannaṃ. Yaṃ vā so atthavādī atthaṃ vadati, tena atthena saṃhitattā atthasaṃhitaṃ vācaṃ bhāsati. Na aññaṃ nikkhipitvā aññaṃ bhāsati ti vuttaṃ hoti.

43. [180⁴] *Bījaḡāmbhūtagāmasamārambhā* ti mūlabījaṃ, khandhabījaṃ, phalubījaṃ, aggabījaṃ, bījabījaṃ ti pañcavi-dhassa bījaḡāmassa c' eva yassa kassaci nilatiṇa-rukkhādikassa bhūtagāmassa ca samārambhā. Chedana-paṇanādhāvena⁴ vikopanaṃ paṭivirato ti attho.

44. [180⁵] *Ekabhattiko* ti, pātarāsabhattaṃ sāyamāsabhattaṃ ti dve bhattāni. Tesu pātarāsabhattaṃ anto majjhantikena paricchinnaṃ, itaraṃ majjhantikato uddhaṃ anto-aruṇena. Tasmā antomajjhantike dasakkhattuṃ bhuñjamāno pi ekabhattiko hoti. Taṃ sandhāya vuttaṃ: *Ekabhattiko* ti. Rattibhojanaṃ ratti; tato uparato ti *rattūparato*. Atikkante majjhantike yāva suriyatthaṅgamanā bhojanaṃ vikālabhojanaṃ nāma; tato viratattā *virato vikālabhojanā*.

¹ B. S. *add* mātīmattaṃ mātā ti.

² S. Kālena.

³ B. S. bhāsissāmī.

⁴ B. -bhedanādi°.

45. [180⁶] *Sāsanassa ananulomattā visūkaṇ patāṇibhūtaṇ dassanan ti visūkadassanaṇ. Attanā naccana-naccāpanādivasena naccā ca gītā ca vādītā ca, antamaso mayūranaccanādivasenāpi pavattānaṇ naccādīnaṇ visūkabhūtā dassanā cā ti nacca-gīta-vādita-visūkadassanā. Naccādīni hi attanā payojetuṇ vā parehi payojāpetuṇ vā,¹ payuttāni passituṇ vā n' eva bhikkhūnaṇ na bhikkhunīnaṇ vaṭṭanti.*

46. [180⁷] *Mālādisu mālā ti yaṇ kiñci pupphaṇ. Gundhan ti yaṇ kiñci gandhajātaṇ. Vilepanun ti chavirāgakaranaṇ. Tattha pilandhanto dhāreti nāma. Ūnaṭṭhānaṇ pūrento maṇḍeti nāma. Gandhavasena chavirāgavasena ca sādīyanto vibhūseti nāma. Thānaṇ vuccati kāraṇaṇ, tasmā. Yāya dussilyacetanāya tāni mālādhāraṇādīni mahājano karoti, tato paṭivirato ti attho.*

47. [180⁸] *Uccāsayaṇaṇ vuccati pamāṇātikantaṇ. Mahāsayaṇaṇ² akappiyatthataṇ.³ Tato paṭivirato ti attho. Jāturūpan ti suvaṇṇaṇ. Rajatan ti kahāpaṇo, lohamāsako, jatumāsako, dārumāsako ti ye vohāraṇ gacchanti. Tassa ubhayaṇ sādīyanti paṭiggahaṇā paṭivirato. N' eva naṇ uggaṇhāti, na uggaṇhāpeti, na¹ upanikkhittaṇ sādīyatī ti attho.*

48. [180¹⁰] *Āmakadhaññaṇ paṭiggahaṇā ti sāli-vīhi-yava-godhūma-kaṅgu-varaka-kudrūsakasaṅkhātassa sattavidhasāpi āmakadhaññaṇ paṭiggahaṇā. Na kelvalaṇ ca etesaṇ paṭiggahaṇam eva āmasanam pi bhikkhūnaṇ na vaṭṭati yeva. Āmakamaṇsaṇ paṭiggahaṇā ti ettha aññatra odissa-anuññātā, āmakamaṇsamacchānaṇ paṭiggahaṇam eva bhikkhūnaṇ na vaṭṭati, no āmasanaṇ.*

49. [180¹¹] *Itthikumārikaṇ paṭiggahaṇā ti ettha itthi ti purisantaragatā. Itarā kumārikā nāma. Tāsaṇ paṭiggahaṇam pi āmasanam pi akappiyam eva. Dāsīdāsapaṭiggahaṇā ti ettha dāsīdāsavasena¹ eva tesāṇ paṭiggahaṇaṇ na vaṭṭati; kappiyakāraṇaṇ dammi, ārāmikaṇ dammī ti evaṇ vutte pana vaṭṭati. Ajelakādisu pi khattavattupariyosānesu kappiyākappiyanayo Vinayavasena upaparikkhitabbo. Tattha khettaṇ nāma yasmiṇ pubbannaṇ rūhati. Vatthu nāma yasmiṇ*

¹ S. *adds* parehi.

² S. *adds* nāma.

³ B. S. °attharaṇaṇ.

aparannaṇ rūhati. Yattha vā ubhayam pi rūhati, taṇ *khettaṇ*. Tadatthāya akatabhūmibhāgo *vatthu*. Khetta¹vatthusīsenā c' ettha vāpita²lākādīni saṅgahītān' eva.

50. [180¹⁶] *Dūteyyaṇ* vuccati dutakammaṇ, gihīnaṇ paṇṇaṇ vā sāsanaṇ vā gahe³tvā tattha tattha gamanaṇ. *Pahīṇa-gamaṇaṇ* vuccati gharā gharāṇ pesitassa khuddakagamaṇaṇ. *Anuyogo* nāma tadubhayakaraṇaṇ. Tasmā dūteyya-pahīṇa-gamaṇānaṇ anuyogā ti evam ettha attho veditabbo.¹ *Kaya-vikkayā* ti kayā ta vikkayā ca.

51. [180¹⁷] Tulākūtādisu *kūtaṇ* ti vañcanaṇ. Tattha *tulā-kūtaṇ* tāva rūpakūtaṇ, āṅgakūtaṇ, gahaṇakūtaṇ, paṭicchana-kūtaṇ ti catubbidhaṇ hoti. Tattha rūpakūtaṇ nāma dve tulā sarūpā² katvā gaṇhanto mahatiyā gaṇhati, dadanto khuddikāya deti. Āṅgakūtaṇ nāma gaṇhanto pacchābhāge hatthena tulaṇ akkamati, dadanto pubbabhāge. Gahaṇakūtaṇ nāma gaṇhanto mūle rajjuṇ gaṇhati, dadanto agge. Paṭicchannakūtaṇ nāma tulaṇ susīraṇ katvā anto ayacunṇaṇ pakkhipitvā gaṇhanto taṇ pacchābhāge karoti, dadanto aggabhāge.

52. [180¹⁷] Kaṇso vuccati suvaṇṇapāti. Tāya vañcanaṇ *kaṇsakūtaṇ*. Kathaṇ? Ekaṇ suvaṇṇapātiṇ katvā aññā dve tisso lohapātiyo suvaṇṇavaṇṇā karonti. Tato janapadaṇ gantvā kiñcid eva aḍḍhakulaṇ pavisitvā suvaṇṇabhājanāni kīṇathā ti vatvā agghe pucchite samagghataṇaṇ dātukāmā honti. Tato tehi, kathaṇ imesaṇ suvaṇṇabhāvo jānitabbo ti vutte, vīmaṇsitvā gaṇhathā ti suvaṇṇapātiṇ pāsāṇe ghaṇsitvā sabbā pātiyo datvā gacchanti.

53. [180¹⁷] *Mānakūtaṇ* hadayabheda - sikhābheda - rajjubhedavasena tividaṇ hoti. Tattha hadayabhedo sappitelā-dimīnanakāle labbhati. Tāni hi gaṇhanto heṭṭhā chiddena mānena, saṇikaṇ āsīṇcā ti vatvā antobhājane bahuṇ paggharāpetvā gaṇhati. Dadanto chiddaṇ pidhāya sīghaṇ pūretvā deti. Sikhābhedo tila-taṇḍulādimīnanakāle labbhati. Tāni hi gaṇhanto saṇikaṇ sikhāṇ ussāpetvā gaṇhati. Dento vegena pūretvā sikhāṇ chindanto³ deti. Rajjubhedo khetta-vatthu-

¹ S. datṭhabbo.

² S. samarūpā.

³ B. S. bhindanto.

minanakāle labbhati. Lañcaṇ alabhantā hi khettaṇ amahantam pi mahantaṇ katvā minanti.

54. [180¹⁷] Ukkotaṇādisu *ukkotanan* ti sāmike assāmike kātuṇ lañcagahaṇaṇ. *Vañcanan* ti tehi tehi upāyehi paresaṇ vañcanaṇ. Tatr' idam ekaṇ vatthu: Eko kira luddako migañ ca migapotakañ ca gahetvā āgacchati. Tam eko dhutto, kiṇ bho, migo agghati, kiṇ migapotako ti āha. Migo dve kahāpaṇe, migapotako ekan ti ca vutte, kahāpaṇaṇ datvā migapotakaṇ gahetvā thokaṇ gantvā nivatto, na me, bho, migapotakena attho, migaṇ me dehī ti āha. 'Tena hi dve kahāpaṇe dehī' ti. So āha: Nā nu bho, mayā paṭhamāṇ eko kahāpaṇo dinno ti. 'Āma, dinno' ti. 'Imam pi migapotakaṇ gaṇha, evaṇ so ca kahāpaṇo, ayañ ca kahāpaṇagghanaṇko migapotako ti dve kahāpaṇā bhavissanti' ti. So, kāraṇaṇ vadatī ti sallakkhetvā migapotakaṇ gahetvā migaṇ adāsī ti.

55. [180¹⁸] *Nikatī* ti yogavasena vā māyāvasena vā apāmaṇgaṇ pāmaṇgaṇ ti amaṇiṇ maṇin ti asuvaṇṇaṇ suvaṇṇan ti katvā patirūpakena vañcanaṇ. *Sāciyogo*¹ ti kuṭilayogo. Etesaṇ yeva ukkotaṇādīnam etaṇ nāmaṇ. Tasmā ukkotaṇasāciyogo, vañcanasāciyogo, nikatisāciyogo ti evam ettha attho datṭhabbo. Keci, aññaṇ dassetvā aññaṇssa parivattanaṇ *sāciyogo* ti vadanti. Taṇ pana vañcanen' eva saṅgahītaṇ.

56. [180¹⁸] Chedanādisu *chedanan* ti hatthacchedanādi. *Vadho* ti maraṇaṇ. *Bandho* ti rajjubandhanādihi bandhanaṇ. *Viparāmoso* ti himaviparāmoso, gumbaviparāmoso ti duvidho. Yaṇ² himapātasamaye himena paṭicchannā hutvā maggapaṭipannaṇ janaṇ musanti, ayaṇ himaparāmoso. Yaṇ gumbādīhi paṭicchannā musanti, ayaṇ gumbaparāmoso. *Ālopo* vuccati gāmanigamādīnaṇ vilopakaraṇaṇ. *Sahasākāro* ti sāhasakiriya.³ Gehaṇ pavisitvā manussānaṇ ure satthaṇ ṭhapetvā icchitabhaṇḍagahaṇaṇ. Evam etasmā *cheduna*—pe—*sahasākārā paṭivirato hoti*.

57. [180¹⁹] *So santutṭho hotī* ti svāyaṇ bhikkhu hetṭhāvuttena catusu paccayesu dvādasavidhena itaritarapaccayasantosenā samannāgato hoti. Iminā pana dvādasavidhena itarī-

¹ B. S. Sāviyogo (*so always*).

² S. Tattha yaṇ.

³ B. S. sāhasika°.

tarapaccayasantosa samannāgatassa bhikkhuno attha parikkhārā vaṭṭanti: tīṇi cīvarāṇi, patto, dantakattāccheda-navāsi, ekā sūci, kāyabandhanaṇ, parissāvanan ti. Vuttam pi c' etaṇ:

“Ticīvaraṇ ca patto ca vāsi sūci ca bandhanaṇ
parissāvanena atth' ete yuttayogassa bhikkhuno ” ti
() .

Te sabbe pi kāyaparihāriyā pi honti, kucchiparihāriyā pi.

58. Kathaṇ? Ticīvaraṇ tāva nivāsetvā pārūpitvā ca vicaraṇakāle kāyaṇ pariharati, posetī ti kāyaparihāriyaṇ hoti; cīvarakaṇṇena udakaṇ parissāvetvā pivana-kāle, khāditabba-phalāphalagahaṇakāle ca kucchiṇ pariharati, posetī ti kucchiparihāriyaṇ hoti. Patto pi tena udakaṇ uddharitvā nahānakāle, kuṭiparibhaṇḍakaraṇakāle ca kāyaparihāriyo hoti; āharaṇ gahetvā valaṇṇana-kāle¹ kucchiparihāriyo. Vāsi pi tāya dantakattācchedana-kāle, mañcapīṭhānaṇ ātanipāda²-cīvarakuṭidaṇḍakasajjana-kāle³ ca kāyaparihāriyā hoti; ucchucchadana-nāḷikerāditacchanakāle kucchiparihāriyā. Sūci cīvarasibbanakāle kāyaparihāriyā hoti; pūvaṇ vā phalaṇ vā vijjhivā khādanakāle kucchiparihāriyā. Kāyabandhanaṇ bandhitvā vicaraṇakāle kāyaparihāriyaṇ; ucchu-ādīni bandhitvā gahaṇakāle kucchiparihāriyaṇ. Parissāvaṇaṇ tena udakaṇ parissāvetvā nahānakāle, senāsanaparibhaṇḍakaraṇakāle ca kāyaparihāriyaṇ; pāṇiyapāna-kaparissāvanakāle, ten' eva tilataṇḍulaputhukādīni gahetvā khādanakāle ca kucchiparihāriyaṇ. Ayaṇ tāva atthaparikkhārikassa parikkhāramattā.

59. Navaparikkhārikassa pana seyyaṇ pavisaṇtassa tatratthakapaccattharaṇaṇ vā kuṇḍikā⁴ vā vaṭṭati. Dasaparikkhārikassa nisīdanacammakhaṇḍaṇ vaṭṭati. Ekādasaparikkhārikassa kattarayaṭṭhi vā telanāḷi vā vaṭṭati. Dvādasaparikkhārikassa chattaṇ vā upāhanā vā vaṭṭati. Etesu ca⁵ atthaparikkhāriko va santuṭṭho, itare asantuṭṭhā, mahicchā mahā-ejā⁶ ti na vattabbā. Ete pi' appicchā va, santuṭṭhā

¹ S. bhuṇṇana-kāle.

² B. S. aṇḍapāda°.

³ B. S. °chedana-kāle.

⁴ B. S. kuṇḍikā.

⁵ S. pana.

⁶ B. mahābhārā; S. mahārāgā.

va, subharā va, sallahukavuttino va. Bhagavā pana na yimaṇ suttan tesan vasena kathesi; aṭṭhaparikkhārikassa vasena kathesi. So hi khuddakavāsiṇ ca sūciṇ ca parissā-vane pakkhipitvā pattassa anto ṭhapetvā pattan aṇsakūṭe laggetvā ticīvaran kāyapaṭibandhan¹ katvā yenicchakan sukhan pakkamati. Paṭinivattitvā gahetabban nām' assa na hoti.

60. [180²⁰] Iti imassa bhikkhuno sallahukavuttitan dassento Bhagavā, *santuttho hoti kāyaparihārikena cīvarenā* ti ādim āha. Tattha *kāyaparihārikenā* ti kāyapariharanamattakena. *Kucchiparihārikenā* ti kucchipariharanamattakena. *Samādāy' eva pakkamatī* ti tan aṭṭhaparikkhāramattakan sabban gahetvā kāyapaṭibandhan katvā va gacchati; mama vihāro, parivenan, upaṭṭhākā ti 'ssa saṅgo vā bandho vā na hoti. So, jiyā mutto saro viya, yūthā apakkanto mattahatthī viya, icchiticchitan senāsanān, vanasaṇḍan, rukkhamūlan navaṇ navaṇ² pabbhāran paribhuñjanto eko tiṭṭhati, eko nisīdati, sabbiriyāpathesu eko adutiyo,

“Cātuddiso appaṭigho ca hoti
santussamāno itaritarena
parissayānan sahitā achambhī
eko care khaggavisāṇakappo ” ti (Sn. 42)

evaṇ vaṇṇitan khaggavisāṇakappatan āpajjati.

61. [180²²] Idāni tam atthan upamāya sādhento, *seyyathā pī* ti ādim āha. Tattha *pakkhisakuno* ti pakkhayutto sakuno. Deṭī ti uppatati. Ayaṇ pan' ettha saṅkhepattho: Sakunā nāma asukasmiṇ padese rukkho paripakkaphalo ti ñatvā nānādisāhi āgantvā nakhapakkhatuṇḍādīhi tassa phalāni vijjhantā vidhunanā khādanti. Idaṇ ajjatanāya, idaṇ svātanāya bhavissatī ti nesaṇ na hoti. Phale pana khīne³ n' eva rukkhassa ārakkhan ṭhapenti, na tattha pakkhan vā pattan vā nakhan vā tuṇḍan vā ṭhapenti; atha kho tasmiṇ rukkhe anapekkhā⁴ hutvā, yo yaṇ disābhāgan icchati, so tena sahapat-tabhāro va uppatitvā gacchati. Evam eva ayaṇ bhikkhu nis-

¹ C. kāyabaddhan.

² B. vanappatthan for navaṇ navaṇ; S. vana°.

³ B. S. parikkhīne.

⁴ B. S. °kho.

saṅgo nirapekkho yeva pakkamati, samādāy' eva pakkamati ti.

62. [180²⁶] *Ariyenā* ti niddosena. *Ajjhattan* ti sake attabhāve. *Anavajjasukhan* ti niddosasukhaṇ. *So cakkhunā rūpaṇ disvā* ti so iminā ariyena silakkhandhena samannāgato bhikkhu cakkhuviññāṇena rūpaṇ passitvā ti attho. Sesapa-desu yaṇ vattabbaṇ siyā, taṇ sabbaṇ Visuddhimagge vuttaṇ. *Abyāsekasukhan* ti kilesehi anavasittasukhaṇ; avikiṇṇasukhan ti pi vuttaṇ. Indriyasaṇvarasukhaṇ hi diṭṭhādisu diṭṭhamattādivasena pavattatāya avikiṇṇaṇ hoti. *So abhikkante paṭikkante* ti so manacchatṭhānaṇ indriyānaṇ saṇvarena samannāgato bhikkhu imesu abhikkanta-paṭikkantādisu sattasu ṭhānesu satisampajaññavasena *sampajānakārī hoti*. Tattha yaṇ vattabbaṇ siyā, taṇ Satipaṭṭhāne vuttam eva.

63. [181⁹] *So iminā cā* ti ādinā kiṇ dasseti? Araññavāsassa paccayasampattiṇ dasseti. Yassa hi ime cattāro paccayā n' atthi, tassa araññavāso na ijjhati; tiracchānagatehi vā vanacarakehi vā saddhiṇ vattabbataṇ āpajjati. Araññe adhivatthā devatā, kiṇ evarūpassa pāpabhikkhuno araññavāsenā ti bheravasaddaṇ sāventi; hatthehi sīsaṇ paharitvā palāyanākāraṇ karonti. Asuko bhikkhu araññaṇ pavisitvā idaṇ c' idaṇ ca pāpakammaṇ akāsi ti ayaso pattharati. Yassa pan' ete cattāro paccayā atthi, tassa araññavāso ijjhati. So hi attano sīlaṇ paccavekkhanto kiñci kālakaṇ vā tilakaṇ vā apassanto pītiṇ uppādetvā taṇ khayato vayato sammasanto ariyabhūmiṇ okkamati. Araññe adhivatthā devatā attamanā vaṇṇaṇ bhāsanti. Iti tassa,¹ udaye pakkhittatelabindu viya, yaso vitthāriko hoti.

64. [181¹¹] Tattha *vivittan* ti suññaṇ. Appasaddaṇ appanighosan ti attho. Etad eva hi sandhāya Vibhaṅge, “Vivittan ti santike ce pi senāsanaṇ hoti, taṇ ca anākiṇṇaṇ gahatṭhehi, pabbajitehi, tena taṇ vivittan” ti (Vbh. 251) vuttaṇ. Seti c' eva āsati ca etthā ti senāsanaṇ. Mañcapīṭhādīnam etaṇ adhivacanaṇ. Ten' āha: “Senāsanaṇ ti mañco pi senāsanaṇ, pīṭham pi bhisi pi bimbohanam pi vihāro pi aḍḍhayogo pi pāsādo pi hammiyam pi guhā pi atṭo pi mālo pi leṇam pi

veḷugumbo pi rukkkhamūlam pi maṇḍapo pi senāsanaṇ. Yattha vā pana bhikkhu paṭikkamati, sabbam etaṇ senāsanaṇ ” ti (Vbh. 251). Api ca vihāro, aḍḍhayogo, pāsādo, hammiyaṇ, guhā ti idaṇ vihārasenāsanaṇ nāma. Mañco, pīṭhaṇ, bhisī, bimbohanan ti idaṇ mañcapīṭhasenāsanaṇ nāma. Cilimikā, cammakhaṇḍo, tiṇasanthāro, paṇṇasanthāro ti idaṇ santhasenaśanaṇ nāma. Yattha vā pana bhikkhū paṭikkamanti ti idaṇ okāśasenāsanaṇ nāmā ti evaṇ catubbidhaṇ senāsanaṇ hoti. Taṇ sabbam pi senāsanagahaṇena gahitam eva.

65. [181¹²] Imassa pana saḷaṇasadisassa cātuddisassa bhikkhuno anucchavikaṇ dassento, *araññaṇ rukkkhamūlan* ti ādim āha. Tattha, “ Araññaṇ ti nikkhamitvā bahi indakhilā sabbam etaṇ araññaṇ ” ti (Vbh. 251) idaṇ bhikkhunīnaṇ vasena āgataṇ araññaṇ. “ Āraññaṇ nāma senāsanaṇ pañcadhanusatikaṇ pacchiman ” ti (Vin. iv. 183) idaṇ pana imassa bhikkhuno anurūpaṇ. Tassa lakkhanaṇ Visuddhimagge Dhutaṅganiddese vuttaṇ.

66. [181¹²] *Rukkkhamūlan* ti yaṇ kiñci sandacchāyaṇ¹ vivittaṇ rukkkhamūlaṇ. *Pabbatan* ti selaṇ. Tattha hi udakaśoḍḍisu udakakiccaṇ katvā sītāya rukkhacchāyāya nisinnassa nānādisāsu khāyamānāsu sītena vātena vijiyamānassa cittaṇ ekaggaṇ hoti. *Kandaran* ti kaṇ vuccati udakaṇ, tena dāritaṇ; udakena bhinnaṇ pabbatapadesaṇ; yaṇ nitamban ti pi nadīkuñjan ti pi vadanti. Tattha hi rajatapapṭasadisā vālikā honti, matthake maṇivitānaṇ viya vanagahanaṇ, maṇikkhandhasadisā udakaṇ sandati. Evarūpaṇ kandaraṇ oruyha pānīyaṇ pivitvā gattāni sītikatvā vālikaṇ ussāpetvā paṇsukūlacīvaraṇ paññāpetvā nisinnassa samaṇadhammaṇ karoto cittaṇ ekaggaṇ hoti. *Giriguhaṇ* ti dvinnaṇ pabbatānaṇ antarā, ekasmiṇ yeva vā ummaggasadisā mahāvivaraṇ. Susānalakkhanaṇ Visuddhimagge vuttaṇ.

67. [181¹³] *Vanapatthan* ti atikkamitvā manussānaṇ upacāraṭṭhānaṇ, yattha na kasanti, na vapanti. Ten’ ev’ āha: “ Vanapatthan ti dūrānam etaṇ senāsanaṇaṇ adhivacanan ” ti (Vbh. 251) ādiṇ. *Abbhokāsan* ti acchannaṇ. Ākañkhamāno pan’ ettha cīvarakuṭiṇ katvā vasati. *Palāluṇṇan* ti palā-

larāsiṇ. Mahāpalālapuñjato hi palālaṇ nikkaddhitvā pabbhāraṇasadiṣe ālaye karonti. Gacchagumbādīnam pi upari palālaṇ pakkhipivtā hetthā nisinnā samaṇadhammaṇ karonti. Taṇ sandhāy' etaṇ vuttaṇ.

68. [181¹³] *Pacchābhattaṇ* ti bhattassa pacchato. *Pinḍa-pāṭapaṭikkanto* ti pinḍapāṭapariyesanato paṭikkanto. *Palaṇkan* ti samantato ūrubaddhāsanaṇ. *Ābhujitvā* ti bandhitvā. *Ujjaṇ kāyaṇ paṇidhāyā* ti uparimaṇ sariraṇ ujjaṇ ṭhapetvā; aṭṭhārassa piṭṭhikaṇtake koṭiyā koṭiṇ paṭipādetvā. Evaṇ hi nisinnassa cammamāṇsaṇahārūni na paṇamanti. Ath' assa yā tesāṇ paṇamanapaccayā khaṇe khaṇe vedanā uppajjeyyaṇ tā na uppajjanti; tāsu anuppajjamānāsu cittaṇ ekaggaṇ hoti, kammaṭṭhānaṇ na paripatati, vuddhiṇ phātiṇ upagacchati.

69. [181¹⁵] *Parimukhaṇ satiṇ upaṭṭhapetvā* ti kammaṭṭhānābhimukhaṇ satiṇ ṭhapayitvā. Mukhasamīpe vā katvā ti attho. Ten' eva Vibhaṅge vuttaṇ: "Ayaṇ sati upaṭṭhitā hoti, supaṭṭhitā, nāsikagge vā mukhanimitte vā, tena vuccati parimukhaṇ satiṇ upaṭṭhapetvā" ti (252). Atha vā, "Parī ti pariggahaṭṭho; mukhaṇ ti niyyānaṭṭho; satī ti upaṭṭhānaṭṭho; tena vuccati parimukhaṇ satin" ti (Ps. i. 176) evaṇ Paṭisambhidāya vuttanayena p' ettha attho daṭṭhabbo. Tatrāyaṇ saṅkhepo: Pariggahitaniyyānaṇ satiṇ katvā ti.

70. [181¹⁶] *Abhiṇṇaṇ loke* ti ettha lujjanaṭṭhena¹ pañcupādānakkhandhā loko. Tasmā pañcasu upādānakkhandhesu rāgaṇ pahāya, kāmaccandaṇ vikkhambetvā ti ayam ettha attho. *Vigatābhijjhena* ti vikkhambhanavasena pahīnattā vigatābhijjhena. Na cakkhuviññānasadisena ti attho. Abhiṇṇhāya cittaṇ parisodheti ti abhiṇṇhāto cittaṇ parimoceti. Yathā naṇ sā muñcati c' eva, muñcivā ca na puna gaṇhati, evaṇ karotī ti attho. *Byāpādapadosaṇ pahāyā* ti ādisu pi es' eva nayo.

71. [181¹⁷] *Byāpajjati iminā cittaṇ pūtikammāsādayo viya purimapakatiṇ jahatī ti byāpādo*. Vikārāpattiyā padussati, paraṇ vā padūseti vināseti ti *padoso*. Ubhayam etaṇ kodhass' evādhivacanaṇ. Thīnaṇ cittagelaṇṇaṇ. Middhaṇ cetasi-kagelaṇṇaṇ. Thīnaṇ ca middhaṇ ca thīnamiddhaṇ. *Ālo-*

¹ B. S. lujjanapalujjanaṭṭhera.

kasaññī ti rattim pi divādiṭṭha-ālokasañjānanasamattāya vigatanīvaranāya parisuddhāya saññāya samannāgato. *Sato sampajāno* ti satiyā ca ñāṇena ca samannāgato. Idaṃ ubhayaṃ ālokasaññāya upakārakattā vuttaṃ. Uddhaccaṃ ca kukkuccaṃ ca *uddhaccakukkuccaṃ*. *Tinnavicikiccho* ti vicikicchā taritvā atikkamitvā tṭhito. Katham idaṃ, katham idaṃ ti evaṃ nappavattatī ti *akathañkathī*. *Kusalesu dhammesū* ti anavajjesu dhammesu. Ime nu kho kusalā, katham ime kusalā ti evaṃ na vicikicchati, na kañkhatī ti attho. Ayam ettha sañkhepo. Imesu pana nīvaraṇesu vacanatthalakkhaṇādibhedato yaṃ vattabbaṃ siyā, taṃ sabbaṃ Visuddhimagge vuttaṃ.

72. [181²⁵] *Paññāya dubbalīkarane* ti ime pañca nīvaranā uppajjamānā anuppannāya lokiya-lokuttarāya paññāya uppajjitūṃ na denti; uppannā pi aṭṭha samāpattiyo, pañca vā abhiññā ucchinditvā pāṇenti; tasmā paññāya dubbalīkaranā ti vuccanti.

73. [181²⁹] *Tathāgatapadaṃ iti pī* ti idam pi Tathāgatassa ñāṇapadaṃ, ñāṇavalaññaṃ, ñāṇena akkantatṭhānaṃ ti vuccati. *Tathāgatanisevitan* ti Tathāgā²²ssa ñāṇaphāsukāya nighaṇsitatṭhānaṃ. *Tathāgatārañjitan* ti Tathāgatassa ñāṇadāṭhāya ārañjitatṭhānaṃ.

74. [183²⁰] *Yathābhūtaṃ pajānāti* ti yathāsabhāvaṃ pajānāti. *Na tv' eva tāva ariyasāvako nīṭṭhaṃ gato hotī* ti imā jhānābhiññā bahirakehi pi sādharmaṇā ti na tāva nīṭṭhaṃ gato hoti; maggakkhaṇe pi apariyositakiccatāya na tāva nīṭṭhaṃ gato hoti. *Api ca kho nīṭṭhaṃ gacchatī* ti api ca kho pana maggakkhaṇe, mahāhatthiṃ passanto nāgavaniko viya, Sammā-sambuddho Bhagavā ti iminā ākārena tīsu Ratanesu nīṭṭhaṃ gacchati. *Nīṭṭhaṃ gato hotī* ti evaṃ maggakkhaṇe nīṭṭhaṃ gacchanto arahattaphalakkhaṇe pariyoṣitasabbakiccatāya sabbākārena tīsu Ratanesu nīṭṭhaṃ gato¹ hoti. Sesaṃ sabbattha uttānattham evā ti.

Cūḷa-Hatthipadopamaṃ sattamaṃ.

¹ S. nīṭṭhāgato.

28.

[Mahā-Hatthipadopamasuttavaṇṇanā]

1. [184²¹] *Evam me sutan ti Mahā-Hatthipadopamaṇ. Tattha jaṅgamānaṇ ti paṭhavītalacārīnaṇ.¹ Pāṇānaṇ ti sapādakānaṇ pāṇānaṇ. Padajātānī ti padāni. Samodhānaṇ gacchantī ti odhānaṇ, pakkhepaṇ gacchanti. Aggam akkhāyati ti seṭṭhaṇ akkhāyati. Yadiḍaṇ mahantattenā ti mahantabhāvena aggaṇ akkhāyati. Na guṇavasena ti attho. Ye keci kusalā dhammā ti ye keci lokiyā vā lokuttarā vā kusalā dhammā.*

2. [184³⁰] *Saṅghaṇ gacchantī ti ettha catubbidho saṅgho: sajjātisaṅgho, sañjātisaṅgho, kiriyaṇsaṅgho, gahaṇasaṅgho² ti. Tattha, “Sabbe khattiyā āgacchantu, sabbe brāhmaṇā” ti () evaṇ samānajātivāsena saṅgho sajjātisaṅgho nāma. “Sabbe Kosalakā, sabbe Māgadhakā” ti evaṇ sañjātadesavasena saṅgho sañjātisaṅgho nāma. “Sabbe rathikā, sabbe dhanuggahā” ti () evaṇ kiriyaṇsaṇsaṅgho kiriyaṇsaṅgho nāma. “Cakkhāyatanaṇ katamaṇ khandhagahaṇaṇ gacchatī ti? Cakkhāyatanaṇ rūpakkhandhagahaṇaṇ gacchatī. Hañci cakkhāyatanaṇ rūpakkhandhagahaṇaṇ gacchatī, tena vata re vattabbe cakkhāyatanaṇ rūpakkhandhena saṅghāṭitaṇ” ti (Kvu. 335) ayaṇ gahaṇasaṅgho² nāma. Imasmim pi ṭhāne ayaṇ eva adhippeto.*

3. Na nu ca,³ “Catunnaṇ ariyasaccānaṇ kati kusalā, kati akusalā, kati abyākatā” ti (Vbh. 112) pañhassa vissajjane, “Samudayasaccaṇ akusalaṇ, maggasaccaṇ kusalaṇ, nirodhasaccaṇ abyākataṇ, dukkhasaccaṇ siyā kusalaṇ, siyā akusalaṇ, siyā abyākataṇ” ti (Vbh. 112) āgatattā catubhūmakam pi kusalaṇ diyaḍḍham eva saccaṇ bhajati, atha kasmā mahāthero, catusu ariyasaccesu gahaṇaṇ⁴ gacchatī ti āhā ti? Saccānaṇ antogadhattā.

4. Yathā hi, “Sādhikam idaṇ, bhikkhave, diyaḍḍhaṇ sikkhāpadasataṇ anvaddhamāsaṇ uddesaṇ āgacchatī, yattha

¹ S. °vāsīnaṇ.² B. S. gaṇana°.³ B. omits.⁴ B. gaṇanaṇ; S. saṅghaṇ.

attakāmā kulaputtā sikkhanti. Tisso imā, bhikkhave, sikkhā . . . Adhisīlasikkhā, adhicitasikkhā, adhipaññāsikkhā” ti (A. i. 231) ettha sādhiṇaṃ diyaddhasikkhāpadasaṇaṃ ekā adhisīlasikkhā va hoti. Taṃ sikkhanta pi tisso sikkhā sikkhatī ti dassito, sikkhānaṃ antogadhattā. Yathā ca ekassa hatthipadassa catusu koṭṭhāsesu ekasmiṃ koṭṭhāse otiṇṇāni pi dvīsu, tīsu catusu koṭṭhāsesu otiṇṇāni pi sigāla-sasa-migādīnaṃ padāni hatthipade samodhānaṃ gatān’ eva honti, hatthipadato amuñcitvā tass’ eva antogadhattā. Evam eva ekasmim pi, dvīsu pi tīsu pi, catusu pi saccesu gahaṇaṃ gatā dhammā catusu saccesu gahaṇaṃ gatā va honti, saccānaṃ antogadhattā ti. Diyaddhasaccagahaṇaṃ gate pi kusala-dhamme, *sabbe te catusu ariyasaccesu saṅgahaṇaṃ gacchantī* ti āha.

5. [184³⁰] *Dukkhe ariyasacce* ti ādisu uddesapadesu c’ eva, *jāti pi dukkhā* ti ādisu niddesapadesu ca yaṃ vattabbaṃ, taṃ sabbaṃ Visuddhimagge vuttam eva. Kevalaṃ pan’ ettha desanānukkamo veditabbo.

6. Yathā hi cheko vilivakāro¹ sujātaṃ veḷuṇ labhitvā catudhā chetvā, tato tayo koṭṭhāse ṭhapetvā ekaṃ gaṇhitvā pañcadhā chindeyya. Tato pi cattāro ṭhapetvā ekaṃ gaṇhitvā phārento pañca pesiyo kareyya. Tato catasso ṭhapetvā ekaṃ gaṇhitvā, kucchibhāgaṃ piṭṭhibhāgaṃ ti dvedhā phāletvā piṭṭhibhāgaṃ ṭhapetvā kucchibhāgaṃ ādāya, tato samugga-vijani-tālavantaṭṭādinānappakāraṃ veḷuvikaṭiṇ kareyya. So piṭṭhibhāgaṃ ca itarā ca catasso pesiyo itare ca cattāro koṭṭhāse, itare ca tayo koṭṭhāse kammāya na upanessati² ti na vattabbo. Ekappahārena pana upanetuṃ na sakkā. Anupubbenā upanessati.

7. [185¹⁰] Evam eva ayaṃ mahāthero pi, vilivakāro sujātaṃ veḷuṇ³ labhitvā cattāro koṭṭhāse viya, imaṃ mahantaṃ suttantaṃ ārabhitvā catu-ariyasaccavasena mātikaṃ ṭhapesi. Vilivakārassa tayo koṭṭhāse ṭhapetvā ekaṃ gahetvā tasse pañcadhākarāṇaṃ viya therassa tīni ariyasaccāni ṭhapetvā ekaṃ dukkhasaccaṃ gahetvā bhājentassa khandhavasena pañcadhākarāṇaṃ. Tato, yathā so vilivakāro cattāro koṭ-

¹ S. vilibbakāro.

² S. upaneti

³ C. veṇuṇ

ṭhāse ṭhapetvā ekaṇ bhāgaṇ gahetvā¹ pañcadhā phālesi, evaṇ thero cattāro arūpakkhandhe ṭhapetvā rūpakkhandhaṇ vi-bhajanto, *cattāro ca mahābhūtā, catunnañ ca mahābhūtānaṇ upādāya rūpaṇ* ti pañcadhā akāsi. Tato, yathā so vilivakāro catasso pesiyo ṭhapetvā ekaṇ gahetvā, kucchibhāgaṇ piṭṭhi-bhāgaṇ ti dvedhā phālesi, evaṇ thero upādāya rūpaṇ ca tisso ca dhātuyo ṭhapetvā ekaṇ paṭhavīdhātuṇ vibhajanto, ajjhatti-kabāhiravasena dvedhā dassesi.

8. [185¹⁵] Yathā ca so vilivakāro piṭṭhibhāgaṇ ṭhapetvā kucchibhāgaṇ ādāya nānappakāraṇ vilivavikaṭiṇ akāsi,² evaṇ thero bāhiraṇ paṭhavīdhātuṇ ṭhapetvā ajjhattikaṇ paṭhavīdhātuṇ vīsatiyā ākārehi vibhajitvā dassetuṇ, *katamā c' āvuso ajjhattikā paṭhavīdhātū* ti ādim āha.

9. Yathā pana vilivakāro piṭṭhibhāgaṇ ca itare ca cattāro koṭṭhāse, itare ca tayo koṭṭhāse anupubbena kammāya upanes-sati, na hi sakkā ekappahārena upanetuṇ, evaṇ thero³ bāhiraṇ ca paṭhavīdhātuṇ, itarā ca tisso dhātuyo, upādārūpaṇ ca, itare ca cattāro arūpino khandhe, itarāni ca tīṇi ariyasaccāni anupubbena vibhajitvā dassessati.⁴ Na hi sakkā ekappahā-rena dassetuṇ.

10. Api ca rāja-puttūpamāya pi ayaṇ kamo vibhāvetabbo. Eko kira mahārājā. Tassa parosahassaṇ puttā. So tesāṇ piḷandhanaparikkhāraṇ catusu pelāsu ṭhapetvā jeṭṭhaput-tassa appesi: tāta, idaṇ te bhātikānaṇ piḷandhanabhaṇḍaṇ, tathārūpe chaṇe sampatte, piḷandhanaṇ no dehī ti yācantānaṇ dadeyyāsī ti. So, sādhu devā ti sāragaḃbhe paṭisāmesi.

11. Tathārūpe chaṇadivase rāja-puttā rañño santikaṇ gantvā, tāta, piḷandhanaṇ no detha, nakkhattaṇ kilissāmā ti ahaṇsu. 'Tātā, jeṭṭhabhātikassa vo hatthe mayā piḷandhanaṇ ṭhapitaṇ, taṇ āharāpetvā piḷandhathā' ti. Te sādhu ti paṭisunitvā tassa santikaṇ gantvā, tumhākaṇ kira no hatthe piḷandhana-bhaṇḍaṇ, taṇ dethā ti ahaṇsu.

12. So, evaṇ karissāmī ti gabbhaṇ vivaritvā,⁵ catasso pelā nīharitvā tisso ṭhapetvā ekaṇ vivaritvā, tato pañca samugge nīharitvā cattāro ṭhapetvā ekaṇ vivaritvā, tato pañca ka-

¹ S. omits bhāgaṇ gahetvā.

² B. S. karoti.

³ B. S. add pi.

⁴ B. S. dasseti

⁵ S. pavisitvā.

raṇḍe nīharitvā tesu¹ pi cattāro ṭhapetvā ekaṇ vivaritvā pidhānaṇ passe ṭhapetvā, tato hatthūpaga-pādūpagādīni nānappakārāni piḷandhanāni nīharitvā adāsi. So kiṇ cāpi itarehi catuhi karaṇḍakehi, itarehi catuhi samuggehi, itarāhi ca tīhi peḷāhi na tāva bhājetvā deti; anupubbena pana dassati. Na hi sakkā ekappahārena dātuṇ.

13. Tattha mahārājā viya Bhagavā daṭṭhabbo. Vuttam pi c' etaṇ: "Rājā 'ham asmi Selā ti Bhagavā, dhammarājā anuttaro" ti (Sn. 554). Jeṭṭhaputto viya Sāriputtatthero. Vuttam pi c' etaṇ: "Yaṇ kho taṇ, bhikkhave, sammā vadamāno vadeyya, Bhagavato putto oraso mukhato jāto dhammajo dhammanimmito, dhammadāyādo, no āmisadāyādo ti, Sāriputtam eva taṇ sammā vadamāno vadeyya, Bhagavato putto—pe—no āmisadāyādo" ti (M. iii. 29). Parosahassaṇ rāja-puttā viya bhikkhusaṅgho daṭṭhabbo. Vuttam pi c' etaṇ:

"Parosahassaṇ bhikkhūnaṇ Sugataṇ payirupāsati
desentaṇ virajaṇ dhammaṇ nibbānaṇ akutobhayan" ti
(S. i. 192).

14. Rañño tesāṇ puttānaṇ piḷandhanaṇ catusu peḷāsu pakkhipitvā jeṭṭhaputtassa hatthe ṭhapitakālo viya Bhagavatā Dhammasenāpatissa hatthe catusaccappakāsanāya ṭhapitakālo. Ten' ev' āha: "Sāriputto, bhikkhave, pahoti cattāri ariyasaccāni vitthārena ācikkhituṇ, desetūṇ paññāpetuṇ paṭṭhapetuṇ vivarituṇ vibhajituṇ uttānikātūṇ" ti (M. iii. 248).

15. Tathārūpe chaṇe tesāṇ rāja-puttānaṇ rājānaṇ upasaṅkamitvā piḷandhanayācaṇakālo viya bhikkhusaṅghassa vassūpanāyikasamaye āgantvā dhammadesanāya āyācitakālo. Upakaṭṭhāya kira vassūpanāyikāya idaṇ suttaṇ desitaṇ. Rañño, tātā, jeṭṭhabhātikassa vo hatthe mayā piḷandhanaṇ ṭhapitaṇ, taṇ āharāpetvā piḷandhathā ti vuttakālo viya Sammāsambuddhenāpi, "Sevetha, bhikkhave, Sāriputta-Moggallāne, bhajatha, bhikkhave, Sāriputta-Moggallāne, paṇḍitā bhikkhū anuggāhakā sabrahmacārīnaṇ" ti (M. iii. 248) evaṇ Dhammasenāpatino santikaṇ bhikkhūnaṇ pesitakālo. Rāja-puttehi rañño kathaṇ sutvā jeṭṭhabhātikassa santikaṇ gantvā piḷandhanassa yācitakālo viya bhikkhūhi Satthu kathaṇ

¹ B. S. pañcasu karaṇḍesu nīharitesu; B. omits pi.

sutvā Dhammasenāpatiṇ upasaṅkamitvā dhammadesanaṇ āyācitakālo.

16. Jetṭhabhātikassa gabbhaṇ vivaritvā catasso pelā niharitvā ṭhapanāṇ viya Dhammasenāpatissā imaṇ suttantaṇ ārabhitvā catunnaṇ ariyasaccānaṇ vasena mātikāya ṭhapanāṇ. Tisso pelā ṭhapetvā ekaṇ vivaritvā, tato pañcasamuggaṇharanaṇ viya tīṇi ariyasaccāni ṭhapetvā dukkhaṇ ariyasaccaṇ vibhajato pañcakkhandhadassanaṇ. Cattāro samugge ṭhapetvā ekaṇ vivaritvā tato pañcakaṇḍaṇharanaṇ¹ viya cattāro arūpakkhandhe ṭhapetvā ekaṇ rūpakkhandhaṇ vibhajantassa catumahābhūta - upādārūpavasena pañcakotṭhāsadassanaṇ. Cattāro kaṇḍe ṭhapetvā ekaṇ vivaritvā pidhānaṇ passe ṭhapetvā hatthūpaga-pādūpagādipilaṇdhanaḍānaṇ viya tīṇi mahābhūtāni upādārūpaṇ ca ṭhapetvā ekaṇ paṭhavīdhātuṇ vibhajantassa bāhiraṇ tāva pidhānaṇ viya ṭhapetvā ajjhattikāya paṭhavīdhātuyā nānāsabhāvato visatiyā ākārehi dassanaṭṭhaṇ, *katamā c' āvuso, ajjhattikā paṭhavīdhātū ti ādivacanaṇ.*

17. Tassa pana rājaputtassa tehi catuhi kaṇḍehi catuhi samuggehi tīhi ca pelāhi pacchā anupubbena niharitvā pilaṇdhanadānaṇ viya therassāpi itaresaṇ ca tiṇṇaṇ mahābhūtānaṇ upādārūpānaṇ ca, catunnaṇ arūpakkhandhānaṇ ca, tiṇṇaṇ ariyasaccānaṇ ca pacchā anupubbena bhājetvā dassanaṇ veditabbaṇ.

18. [185¹⁵] Yam pan' etaṇ, *katamā c' āvuso, ajjhattikā paṭhavīdhātū ti ādi vuttaṇ, tattha, ajjhattaṇ paccattaṇ ti ubhayaṇ p' etaṇ niyakādhivacanaṇ eva. Kakkhaḷaṇ ti thaddhaṇ. Kharigataṇ ti pharusāṇ. Upādinnaṇ ti na kammaṇ samutṭhānaṇ eva, avisesena pana sarīraṭṭhakass' etaṇ gahaṇaṇ. Sarīraṭṭhakaṇ hi upādinnaṇ vā hotu, anupādinnaṇ vā, ādinnaḡaḡita-parāmaṭṭhavasena sabbaṇ upādinnaṇ eva nāma.*

19. [185¹⁷] *Seyyathidaṇ: kesā, lomā—pe—udaraiyaṇ, karisaṇ ti idaṇ dhātukaṇmaṭṭhānikaṇssa kulaputtassa ajjhattikapaṭhavīdhātuvasena tāva kammaṭṭhānaṇ vibhattaṇ. Ettha pana manasikāraṇ ārabhitvā vipassanaṇ vaḡḡhetvā arahattaṇ*

¹ S. pañca kaṇḍe.

gahetukāmena yaṇ kātabbāṇ taṇ sabbaṇ Visuddhimagge vitthāritam eva. Matthaluṅgaṇ pana na idha pāliṇ ārūlhaṇ. Tam pi āharitvā, Visuddhimagge vuttanayen' eva vaṇṇa-saṇṭhānādivasena vavatthapetvā, ayam pi acetanā abyākatā suññā paṭhavīdhātu evā ti manasikātabbāṇ. *Yaṇ vā pc.n' aññam* pi ti idaṇ itaresu tisu koṭṭhāsesu anugatāya paṭhavīdhātuyā gahaṇatthaṇ vuttaṇ.

20. [185²²] *Yā c' eva kko pana ajjhattikā paṭhavīdhātū* ti yā ca ayaṇ vuttappakārā ajjhattikā paṭhavīdhātu. *Yā ca bāhirā* ti yā ca Vibhaṅge, “Ayo lohaṇ tipu sīsan” ti (Vbh. 82) ādinā nayena āgatā bāhirā paṭhavīdhātu. Ettāvatā therena ajjhattikā paṭhavīdhātu nānāsabhāvato vīcetiya ākārehi vitthārena dassitā; bāhirā saṅkhepena.

21. Kasmā? Yasmiṇ hi ṭhāne sattānaṇ ālayo nikanti patthanā pariyutṭhānaṇ gahaṇaṇ parāmāso balavā hoti, tattha tesāṇ ālayādināṇ uddharaṇatthaṇ Buddhā vā Buddhasāvakā vā vitthārakathaṇ kathenti; yattha pana na balavā, tattha kattabbakiccābhāvato saṅkhepena kathenti. Yathā hi kas-sako khettaṇ kasanto¹ yattha mūlasantānakānaṇ balavatāya naṅgalaṇ laggati, tattha goṇe ṭhapetvā paṇsuṇ viyūhitvā mūlasantānakāni chetvā² uddharanto bahuṇ vāyāmaṇ ka-roti; yatha tāni n' atthi, tattha balavapayogaṇ³ akatvā goṇe piṭṭhiyaṇ paharamāno kasati yeva. Evaṇsampadam idaṇ veditabbāṇ.

22. [185²³] *Pathavīdhātur ev' esā* ti duvidhā p' esā thad-dhatṭhena⁴ kakkhaḷaṭṭhena pharusatṭhena ekalakkhaṇā paṭhavīdhātu yeva, āvuso ti ajjhattikaṇ bāhirāya saddhiṇ yojetvā dasseti. Kasmā⁵? Bāhirāya hi paṭhavīdhātuyā acetanabhāvo pākaṭo, na ajjhattikāya. Tasmā sā bāhirāya saddhiṇ ekasadisā acetanā yevā ti gaṇhantassa sukha-parig-gaho hoti. Yathā kiṇ? Yathā dantena goṇena saddhiṇ yojito⁶ adanto katipāham eva visūkāyati, vipphandati, atha na cirass' eva damathaṇ upeti. Evaṇ ajjhattikā pi bāhirāya saddhiṇ ekasadisā ti gaṇhantassa katipāham eva acetanā-

¹ B. S. kasamāno.

² C. repeats.

³ B. S. balavaṇ.

⁴ B. bandhatṭhena.

⁵ B. S. Yasmā.

⁶ R. S. yojetvā.

bhāvena na upatthāti, atha na ciren' ev' assā acetanābhāvo pākaṭo hoti.

23. [185²³] *Taṇ n' etaṇ mamā ti taṇ ubhayam pi na etaṇ mama, na eso 'ham asmi, na eso me attā ti evaṇ yathābhūtaṇ sammappaññāya daṭṭhabbaṇ. Yathābhūtaṇ ti yathāsabhāvaṇ. Taṇ hi aniccādisabhāvaṇ; tasmā aniccaṇ, dukkham anattā ti evaṇ daṭṭhabban ti attho.*

24. [185²⁷] *Hoti kho so, āvuso ti kasmā ārabhi? Bāhira-āpodhātuvasena bāhirāya paṭhavīdhātuyā vināsaṇ dassetvā tato visesatarena upādinṇāya sarīratthaka-paṭhavīdhātuyā vināsadassanattaṇ. Pakuppati ti āposañvattavasena vaḍḍhamānā kuppati. Antarahitā tasmiṇ samaye bāhirā paṭhavīdhātu hoti ti tasmiṇ samaye koṭisatasahassacakkavāle khārodakena vilīyamānā udakānugatā hutvā sabbā pabbatādivasena saññhitā paṭhavīdhātu antarahitā hoti, vilīyitvā udakam eva hoti.*

25. [185³⁰] *Tāva mahallikāyā ti tāva mahantiyā¹;*

Duve² satasahassāni cattāri nahutāni ca

ettakaṇ bahalattena sañkhātā 'yaṇ vasundharā ti evaṇ bahalattena mahantiyā³; vitthārato pana koṭisatasahassacakkavālaparimāṇāya.⁴ Aniccataṇ ti hutvā abhāvata. Khayadhammatā ti khayaṇ gamanasabhāvata. Vayadhammatā ti vayaṇ gamanasabhāvata. Vipariṇāmadhammatā ti pakativijahanasabhāvata. Iti sabbehi pi imehi padehi aniccalakkhaṇam eva vuttaṇ. Yaṇ pana aniccaṇ, taṇ dukkhaṇ, yaṇ dukkhaṇ taṇ anattā ti tīpi pi lakkhaṇāni āgatān' eva honti.

26. [185³³] *Mattaṭṭhakassā ti parittatthitikassa. Tattha dvīh' ākārehi imassa kāyassa parittatthitā veditabbā: tthitiparittatāya ca sarasaparittatāya ca. Ayaṇ hi, "Atīte citta-kkhaṇe jīvittha, na jīvati, na jīvissati; anāgate citta-kkhaṇe jīvissati, na jīvati, na jīvittha; paccuppanne citta-kkhaṇe jīvati, na jīvittha, na jīvissati" ti (Nd. i. 42) vuccati.*

"Jīvitaṇ attabhāvo ca sukhadukkhā ca kevalā

ekacittasamāyuttā lahuso vattate khaṇo" ti (Nd. i. 42)

¹ B. S. mahantāya.

² S. Dve ca.

³ B. S. mahantāya.

⁴ B. S. °pamāṇāya.

idam pi etass' eva parittatṭhitidassanattāṇ vuttaṇ. Evaṇ ṭhitiparittatāya parittatṭhititā veditabbā. Assāsūpanibandhādibhāvena¹ pan' assa sarasaparittatā veditabbā. Sattānaṇ hi assāsūpanibandhaṇ jīvitaṇ, passāsūpanibandhaṇ jīvitaṇ, assāsapassāsūpanibandhaṇ jīvitaṇ, mahābhūtūpanibandhaṇ jīvitaṇ kabalīṅkārāhārūpanibandhaṇ jīvi⁺taṇ, viññāṇūpanibandhaṇ jīvitaṇ ti Visuddhimagge vitthāritaṇ etaṇ.²

27. [185³³] *Taṇhupādinnassā* ti taṇhāya ādiṇṇa-gahita-parāmatṭhassa. *Ahan ti vā maman ti vā asmī ti vā*, atha khvassa no t'³ ev' ettha hoti ti atha kho assa bhikkhuno evaṇ tīṇi lakkhaṇāni āropetvā passantassa ettha ajjhattikāya paṭhavīdhātuyā ayaṇ ahan ti vā ti ādi tividho taṇhā-mānaditṭhigāho na tv' eva⁴ hoti. Na hoti yevā ti attho. Yathā ca āpodhātuvasena, evaṇ tejodhātu-vāyodhātuvasena pi bāhirāya paṭhavīdhātuyā antaradhānaṇ hoti. Idha pana ekaṇ yeva āgataṇ. Itarāni pi atthato veditabbāni.

28. [185³⁴] *Taṇ ce, āvuso*, ti idha tassa dhātukammaṭṭhānikassa bhikkhuno sotadvāre pariggahaṇ paṭṭhapento balaṇ dasseti. *Akkosantī* ti dasahi akkosavatthūhi akkosanti. *Paribhāsantī* ti, tayā idaṇ c' idaṇ ca kataṇ, evaṇ ca evaṇ ca taṇ karissāmā ti vācāya paribhāsanti. *Rosentī* ti ghaṭṭenti. *Vihesentī* ti dukkhāpenti. Sabbaṇ vācāya ghaṭṭanam eva vuttaṇ. *So evan* ti so dhātukammaṭṭhāniko evaṇ pajānāti. *Uppannā kho me ayan* ti sampati vattamānuppannabhāvena ca samudācāruppannabhāvena ca uppannā. *Sotasamphassa-jā* ti upanissayavasena sotasamphassato jātā sotadvārajavanavedanā. *Phasso anicco* ti sotasamphasso, hutvā abhāvattṭhena anicco ti passati. Vedanādayo pi sotasamphassa-sampayuttā va veditabbā.

29. [186³] *Dhātārammaṇam evā* ti dhātusaṅkhātā eva ārammaṇaṇ. *Pakkhandatī* ti otarati. *Pasīdatī* ti tasmiṇ ārammaṇe pasīdati. Bhummavacanā eva vā etaṇ byañjanasandhivasena *dhātārammaṇam evā* ti vuttaṇ. Dhātārammaṇe yevā ti ayam ettha attho. *Adhimuccatī* ti dhātuvasena evaṇ⁵ ti adhimokkhaṇ labhati; na rajjati, na dussati.

¹ B. S. Assāsapassāsūpa°.² B. omits.³ C. c'.⁴ B. S. no t' eva.⁵ B. etaṇ; S. etaṇ and omits ti.

Ayaṇ hi sotadvāramhi ārammaṇe āpāthagate mūlapariññā-
āgantuka-tāvakālikavasena pariggahaṇ karoti. Tassa vit-
thārakathā Satipaṭṭhāne catusampajjannapabbe¹ vuttā.
Sā pana tattha cakkhudvāravasena vuttā, idha sotadvārava-
sena veditabbā.

30. Evaṇ katapariggahassa hi dhātukammaṭṭhānikassa
balavavipassakassa sace pi cakkhudvārādisu ārammaṇe āpā-
thagate ayoniso āvajjanaṇ uppajjati, voṭṭhapaṇaṇ² āpajjati,
voṭṭhapaṇaṇ² patvā ekadve vāre āsevanaṇ labhivā cittaṇ
bhavaṇgam eva otarati, na rāgādivasena uppajjati. Ayaṇ
koṭippatto tikkhavipassako. Aparassa rāgādivasena eka-
vāraṇ javanaṇ javati, javanapariyosāne pana, rāgādivasena
me javanaṇ javitaṇ ti āvajjato ārammaṇaṇ pariggahitaṇ eva
hoti, punavāraṇ tathā na javati. Aparassa ekavāraṇ³ āvaj-
jato puna dutiyavāraṇ rāgādivasena javati yeva. Dutiya-
vārāvasāne pana,⁴ evaṇ me javanaṇ javitaṇ ti āvajjato āram-
maṇaṇ pariggahitaṇ eva hoti, tatiyavāre tathā na uppajjati.
Ettha pana paṭhamo atitikkho; tatiyo atimando. Dutiyassa
pana vasena imasmiṇ sutte, Laṭukikopame, Indriyabhāvane
ca⁵ ayam attho veditabbo.

31. [186⁵] Evaṇ sotadvāre pariggahavasena⁶ dhātukammaṭ-
ṭhānikassa balaṇ dīpetvā⁷ idāni kāyadvāre dīpento, *tañ ce,*
āvuso, ti ādim āha. Anitṭhārammaṇaṇ hi patvā dvīsu dvā-
resu kilamati: sotadvāre ca kāyadvāre ca. Tasmā yathā
nāma khetasānipuriso kuddālaṇ⁸ gahetvā khettaṇ anusañ-
caranto yattha⁹ tattha vā mattikapīṇaṇ adavā dubbalaṭ-
ṭhānesu yeva kuddālena¹⁰ bhūmiṇ bhinditvā satīṇamattika-
pīṇaṇ deti. Evam eva mahāthero, anāgate sikkhākāmā
padhānakammikā kulaputtā imesu dvīsu dvāresu saṇvaraṇ
paṭṭhapetvā khippam eva jātijarāmarāṇassa antaṇ karissanti
ti imesu yeva dvīsu dvāresu gāḷhaṇ katvā saṇvaraṇ desento
imaṇ desanaṇ ārabhi. Tattha *samudācaranti* ti upakkamanti.

¹ B. S. sati°.

³ B. *adds* evaṇ.

⁵ S. 'bhāven' eva.

⁷ B. S. dassetvā.

⁹ B. S. *add* vā.

² B. S. voṭṭhabbanāṇ.

⁴ S. ca.

⁶ B. S. pariggahita°.

⁸ B. kudālaṇ.

¹⁰ B. kudālena.

Pāṇisamphassenā ti pāṇippahārena. Itaresu pi es' eva nayo. *Tathābhūto* ti tathāsabhāvo. *Yathābhūtasmin* ti yathāsa-bhāve. Kamantī ti pavattanti.

32. [186²⁰] *Evaṇ Buddhāṇ anussarato* ti ādisu, "Iti pi so Bhagavā" ti (M. i. 69) ādinā nayena anussaranto pi Buddhāṇ anussarati; *vuttaṇ kho paṇ' etaṇ Bhagavatā* ti anussaranto pi anussarati yeva. "Svākkhāto Bhagavatā Dhammo" ti (S. i. 220) ādinā nayena anussaranto pi Dhammāṇ anussarati; Kakacūpamovādaṇ anussaranto pi anussarati yeva. "Su-paṭipanno" ti (S. i. 220) ādinā nayena anussaranto pi Saṅghāṇ anussarati; kakacokkantanaṇ adhivāsayaṃmānassa bhikkhuno guṇaṇ anussaramāno pi anussarati yeva.

33. [186²¹] *Upekkhā kusalanissitā na saṇṭhātī* ti idha vi-passanūpekkhā adippetā; *upekkhā kusalanissitā saṇṭhātī* ti idha chaḷaṅgupekkhā. Sā paṇ' esā kiṇ cāpi khīṇāsavassa iṭṭhāniṭṭhesu ārammaṇesu arajjanādivasena pavattati, ayaṇ pana bhikkhu viriyabalena bhāvanāsiddhiyā attano vipas-sanaṇ khīṇāsavassa chaḷaṅgupekkhatṭhāne ṭhapetī ti vipas-sanā chaḷaṅgupekkhā nāma jātā.

34. [187⁵] *Āpodhātuniddese āpogatan* ti sabbaṇ āpesugataṇ allayūsabhāvalakkhaṇaṇ. *Pittaṇ semhaṇ* ti ādisu pana yaṇ vattabbaṇ taṇ sabbaṇ saddhiṇ bhāvanānayaṇa Visuddhimagge vuttaṇ. *Pakuppati* ti oghavasena vaddhati; samuddato vā udakaṇ uttarati. Ayam assā pākatiko pakopo. Āposañ-vatṭakāle pana koṭisatasahassacakkavāḷaṇ udakapūram eva hoti. *Ogacchantī* ti heṭṭhā gacchanti; uddhane āropita-udakaṇ viya khayaṇ vināsaṇ pāpuṇanti. Sesaṇ purimanayaṇ' eva veditabbaṇ.

35. [188⁶] *Tejodhātuniddese tejogatan* ti sabbaṇ tejesu gataṇ uṇhattalakkaṇaṇ; tejo eva vā. Tejabhāvaṇ gatan ti tejogataṇ. Purime āpogate pi pacchime vāyogate pi es' eva nayo. *Yena cā* ti yena tejogatena kupitena¹ ayaṇ kāyo san-tappati, ekāhikajarādibhāvena usumajāto hoti. Yena ca jiriyatī ti yena ayaṇ kāyo jīratī, indriyavekallataṇ balaparikhayaṇ valitapalitādibhāvaṇ ca pāpuṇatī. *Yena ca pari-dayhatī* ti yena kupitena ayaṇ kāyo dayhati²; so ca puggalo,

¹ B. S. tasmiṇ kupite.

² B. dahati.

dayhāmi, dayhāmi ti kandanto satadhotasappi-gosisacanda-nādilepaṇi c' eva tālavantaṭavātāṇi ca paccāsisaṇṇasati. Yena ca asitaṭpūṭakkhāyitasāyitaṇ sammā pariṇāmaṇ gacchati ti yen' etaṇ asitaṇ vā odanādi, pītaṇ vā pānakādi, khāyitaṇ vā piṭṭhakhajjakādi, sāyitaṇ vā ambapakkamadhuphānitādi¹ sammā paripākaṇ gacchati. Rasādibhāvena vivekaṇ gacchati ti attho. Ayam ettha saṅkhepo. Vitthārato pana yaṇ vattabbaṇ siyā, taṇ sabbaṇ saddhiṇ bhāvanānayaena Visuddhimagge vuttaṇ.

36. [188¹⁹] *Haritantaṇ* ti haritam eva. Allatipāṇi² āgama nibbāyati ti attho. *Panthantaṇ* ti mahāmaggaṇ.³ *Selantaṇ* ti pabbataṇ. *Udakantaṇ* ti udakaṇ. *Ramaṇiyaṇ* vā bhūmibhāgaṇ ti tiṇagumbādirahitaṇ vivittaṇ ajjhokāsaṇ bhūmibhāgaṇ. *Anāhārā* ti appaccayā,⁴ nirupādānā. Ayam pi pakatiyā va tejavikāro vutto. Tejosaṇvaṭṭakāle pana koṭisatasahassacakkavālaṇ jhāpetvā chārikāmattam pi na tiṭṭhati. *Nahārudaddhulena* ti cammanillekhanena. *Aggaṇ gavesanti* ti évarūpaṇ sukhumaṇ upādānaṇ gahetvā⁵ pariyesanti, yaṇ appamattakam pi usumaṇ labhivā pajjalati. Sesam idhāpi purimanayaṇ' eva veditabbaṇ.

37. [188²⁰] Vāyodhātuniddese *uddhaṇṅamā vātā* ti uggārahikkādipavattakā uddhaṇ ārohanā vātā. *Adhogamā vātā* ti uccāra-passāvādinīharanākā adho⁶ orohanā vātā. *Kucchisayā vātā* ti antānaṇ bahi vātā. *Koṭṭhāsasayā vātā* ti antānaṇ anto vātā. *Aṇṅamaṇṅānūsārino* ti dhamanijālānūsārena sakalasārīre aṇṅamaṇṅāni anusatā sammiṇjana⁷ pasāraṇādinibbattakā vātā. *Assāso* ti antopavisana-nāsikavāto. *Passāso* ti bahinikkhamana-nāsikavāto. Ayam ettha saṅkhepo. Vitthārato pana yaṇ vattabbaṇ siyā, taṇ sabbaṇ saddhiṇ bhāvanānayaena Visuddhimagge vuttaṇ.

38. [189²] *Gāmaṇ pi vahaṭi* ti sakalagāmaṇ pi cunṇavicunṇaṇ kurumānā ādāya gacchati. Nigamādisu pi es' eva nayo. Idha vāyosaṇvaṭṭakāle koṭisatasahassacakkavāla-

¹ C. apakka°.

³ B. S. °maggaṇ eva.

⁵ B. S. add aggaṇ.

⁷ B. samañcana-.

² B. S. °tiṇādiṇ.

⁴ B. S. nirāhārā.

⁶ B. heṭṭhā.

viddhaṇṣanavasena vāyodhātuvikāro dassito. *Vidhūpanenā* ti aggivijjanakena. *Ossāvane*¹ ti chadanagge. Tena hi udakaṇ savati, tasmā taṇ ossāvanan ti vuccati. Sesam idhāpi purimanayen' eva veditabbaṇ.

39. [190¹⁵] *Seyyathā pi, āvuso* ti idha² kiṇ dasseti? Heṭṭhākathitānaṇ mahābhūtānaṇ nissattabhāvaṇ. *Kaṭṭhan* ti dabbasambhāraṇ. *Vallin* ti ābandhanavallin. *Tiṇan* ti chaddatīnaṇ.³ *Mattikan* ti anulepanamattikaṇ. *Ākāso parivārīto* ti etāni kaṭṭhādīni anto ca bahi ca parivāretvā ākāso ṭhito ti attho. *Agāran tv' eva saṅkhaṇ gacchati* ti agāran ti paṇṇattimattaṇ hoti. Kaṭṭhādisu pana visuṇ visuṇ rāsika-tesu, kaṭṭharāsi vallirāsi tv' eva vuccati. *Evam eva kho* ti evam eva aṭṭhi-ādīni anto ca bahi ca parivāretvā ṭhito ākāso, tān' eva aṭṭhī-ādīni paṭicca rūpan tv' eva saṅkhaṇ gacchati; sarīran ti vohāraṇ gacchati. Yathā kaṭṭhādīni paṭicca, gehan ti saṅkhaṇ gataṇ agāraṇ khattiyagehaṇ, brāhmaṇagehan ti vuccati, evam idam pi khattiyasarīraṇ, brāhmaṇasarīran ti vuccati. N' atth' ettha koci satto vā jīvo vā ti.⁴

40. [190²⁰] *Ajjhattikaṇ ce, āvuso cakkhun* ti idaṇ kasmā āradhaṇ? Heṭṭhā upādārūpaṇ, cattāro ca arūpino khandhā, tīni ca ariyasaccāni na kathitāni, idāni tāni kathetuṇ ayaṇ desanā āraddhā. Tattha *cakkhuṇ aparibhinnan* ti cakkhup-pasāde niruddhe pi upahate pi pittasemhalohitehi palibuddhe pi cakkhuṇ cakkhuviññāṇassa paccayo bhavituṇ na sakkoti ti paribhinnam eva hoti. Cakkhuviññāṇassa pana paccayo bhavituṇ samatthaṇ aparibhinnan nāma.

41. [190²⁰] *Bāhirā ca rūpā* ti bāhirā catusamutṭhānikā rūpā. *Tajjo samannāhāro* ti cakkhuṇ ca rūpe ca paṭicca bhavaṇṇaṇ āvaṭṭetvā uppajjamāna-manasikāro. Bhavaṇṇāvaṭṭaṇasamatthaṇ⁵ cakkhudvāre kiriya-manodhātucittan ti attho. Taṇ rūpānaṇ anāpāthagatattā pi aññavihitassāpi na hoti. *Tajjassā* ti tandanurūpassa. *Viññāṇabhāgassā* ti viññāṇa-koṭṭhāsassa.

42. [190²⁸] *Tathābhūtassā* ti ādisu pi⁶ dvāravasena cattāri

¹ B. Osavane; S. Ossavane.

² B. omits.

³ B. S. chadana°.

⁴ S. vijjati.

⁵ S. °vajjana°.

⁶ B. S. omīl.

saccāni dasseti. Tattha *tathābhūḍassā* ti cakkhuviññāṇena sahabhūḍassa. Cakkhuviññāṇasamaṅgino ti attho. *Rūpan* ti cakkhuviññāṇassa na¹ rūpajanakattā cakkhuviññāṇakhaṇe tisamuṭṭhānarūpaṇ. Tadanantaracittakkhaṇe catusamuṭṭhānam pi labbhati. *Saṅgahaṇ* gacchaṭi ti gaṇanaṇ gacchati. Vedanādayo cakkhuviññāṇasampayuttā va. Viññāṇaṇ cakkhuviññāṇam eva. Ettha ca saṅkhārā ti cetanā va vuttā.

43. [190²⁶] *Saṅgaho* ti ekato saṅgaho. *Sannipāto* ti samāgamo. *Samavāyo* ti rāsi. *Yo paṭiccasamuppādaṇ passaṭi* ti yo paccaye passati. *So dhammaṇ passaṭi* ti so paṭiccasamuppanne dhamme passati. *Chando* ti ādi sabbaṇ taṇhāya² vevacanam eva. Taṇhā hi chandakaraṇavasena *chando*, ālayakaraṇavasena *ālayo*, anunayakaraṇavasena *anunayo*, ajjhogāhitvā gilitvā gahaṇavasena *ajjhosaṇan* ti vuccati. *Chandarāgavinayo chandarāgappahānan* ti nibbānass' eva addivacanaṇ. Iti tiṇi saccāni pāliyaṇ āgatān' eva. Maggasaccaṇ āharitvā gahetabbaṇ. Yā imesu tīsu ṭhānesu diṭṭhi, saṅkappo, vācā, kammanto, ājīvo, vāyāmo, sati, samādhi, bhāvanāpaṭivedho, ayaṇ maggo ti. *Bahu ktaṇ hoti* ti ettāvatā pi bahuṇ Bhagavato sāsanaṇ ktaṇ hoti. *Ajjhattikaṇ ce, āvuso sotan* ti ādivāresu pi es' eva nayo.

44. [191¹²] Manodvāre pana *ajjhattiko mano* nāma bhavaṇṇ-gacittaṇ. Taṇ niruddham pi, āvajjanacittassa paccayo bhavituṇ asamatthaṇ mandaṇ tamagatam³ eva pavattamānam pi paribhinnaṇ nāma hoti. Āvajjanassa paccayo bhavituṇ samatthaṇ *aparibhinnaṇ* nāma. *Bāhirā ca dhammā* ti dhammārammaṇaṇ.⁴ *N' eva tāva tajjassā* ti idaṇ bhavaṇṇgasamāyena' eva kathitaṇ. Dutiyavāro paṇaṇajjhānapaccavekkhaṇena vā, paṇanakammaṭṭhānamanasikārena vā, paṇa-Buddhavacanasajjhāyakaraṇādinā vā aññavihitataṇ sandhāya vutto. Imasmiṇ vāre *rūpan* ti catusamuṭṭhānam pi labbhati. Manoviññāṇaṇ hi rūpaṇ samuṭṭhāpeti. Vedanādayo ma-

¹ S. omits.

² B. S. taṇhā°.

³ B. mandathāmagatam.

⁴ B. S. Bāhirā ca dhammā . . . pe . . . N' eva tāva tajjassā ti.

noviññānasampayuttā. Viññānaṃ manoviññānam eva. Sañkhārā pan' ettha phassacetanāvasen' eva gahitā. Sesaṃ vuttanayen' eva veditabbaṃ.

45. Iti mahāthero heṭṭhā ekadesam eva sammasanto āgantvā imasmiṃ thāne thatvā heṭṭhā parihīnadesanaṃ sabbaṃ taṇṭaṇḍvāravasena bhājetvā dassento yathānusan-dhinā va suddantaṃ niṭṭhāpesī ti.

Mahā-Hatthipadopamasuttaṃ aṭṭhamāṇaṃ.

29.

[Mahā-Sāropamasuttavaṇṇanā]

1. [192¹] *Evam me sutan ti Mahā-Sāropamaṇaṃ.*¹ Tattha acirapakkante ti saṅghaṃ bhinditvā ruhiruppādakammaṃ katvā na cirapakkante, salīṅgen' eva pāṭiyekke jāte. *Idha, bhikkhave, ekacco kulaputto* ti kiñ cāpi asukakulaputto ti na niyāmito, Devadattaṃ yeva pana sandhāya idaṃ vuttan ti veditabbaṃ. So hi asambhinnāya Mahāsammatapaveniyā Okkākavaṇse jātattā jātikulaputto. *Otiṇṇo* ti yassa jāti anto pavitṭhā, so jātiyā otiṇṇo nāma. Jārādisu pi es' eva nayo.

2. [192⁹] Lābhasakkārādisu *lābho* ti cattāro paccayā. *Sakkāro* ti tesāṃ yeva sukatabhāvo. *Siloko* ti vaṇṇabhāṇaṇaṃ. *Abhinibbatteti* ti uppādeti. *Appuññūtā* ti dvinnāṃ janānaṃ thitaṭṭhāne na paññāyanti; ghāsacchādanamattam pi na labhanti. *Appesukkhā* ti appaparivārā; purato pacchato vā gacchantāṃ na labhanti. *Sārena sarakaraṇīyaṃ* ti rukkhasārena kattabbaṃ akkhacakka-yuganaṅgalādikaṃ yaṃ kiñci. *Sākhāpalāsaṃ aggahesi brahmucariyassā* ti magga-phalasārassa² sāsanabrahmacariyassa cattāro paccayā sākhāpalāsaṃ nāma; taṃ aggahesi. *Tena ca vosānaṃ āpādi* ti ten' eva ca, alam ettāvatā sāro me patto ti vosānaṃ āpanno.

3. [195²¹] *Ñānadassanaṃ ārādhetī* ti Devadatto pañcābhiñño; dibbacakkhu ca pañcannaṃ abhiññānaṃ matthake thitaṃ; taṃ imasmiṃ sutte *ñānadassanaṃ* ti vuttaṃ. *Ajānaṃ apassaṃ*

¹ B. S. °pamasuttaṃ.

² B. agga°.

viharantī ti kiñci sukhumarūpaṇ aṇānantā, antamaso paṇsu-pisācakaṃ pi aṇassantā viharanti.

4. [197²⁷] *Asamayavimokkhaṇ ārādheti* ti, “Katamo asamayavimokkha? Cattāro ariyamaggā, cattāri ca sāmāñña-phalāni, nibbānaṇ ca, ayaṇ asamayavimokkha” ti (Ps. ii. 40) evaṇ vutte nava lokuttaradhamme ārādheti, sampādeti, paṭilabhati. Lokiyasamāpattiyo hi appitappitakkhaṇe yeva paccaṇikadhammehi vimuccanti, tasmā, “Katamo samayavimokkha? Cattāri jhānāni,¹ catasso ca arūpasamāpattiyo,² ayaṇ samayavimokkha” ti (Ps. ii. 40) evaṇ *samayavimokkha* ti vuttā. Lokuttaradhammā pana na kālena kālaṇ vimuccanti. Sakiṇ vimuttāni hi maggaphalāni vimuttān’ eva honti. Nibbānaṇ sabbakilesehi accantavimuttam evā ti ime nava dhammā *asamayavimokkha* ti vuttā.

5. [197³²] *Akuppā cetovimuttī* ti arahattaphalavimutti. Ayam attho etassā ti *etadatthaṇ*. Arahattaphalatthaṇ idaṇ brahmacariyaṇ. Ayaṇ hi etassa attho ti vuttaṇ hoti. *Etaṇsāraṇ* ti etaṇ arahattaphalaṇ brahmacariyassa sāraṇ. *Etaṇpariyosānaṇ* ti etaṇ arahattaphalaṇ brahmacariyassa pariyosānaṇ, esā koṭi, na ito paraṇ pattabbaṇ atthī ti yathānusandhinā va desanaṇ niṭṭhāpesi ti.

Muhā-Sāropamasuttaṇ navamaṇ.

30.

[Cūḷa-Sāropamasuttavaṇṇanā]

1. [198¹] *Evam me sutan* ti Cūḷa-Sāropamaṇ.³ Tattha *Piṇḡala-Koccho* ti so brāhmaṇo piṇḡaladhātuko. Koccho ti paṇ’ assa nāmaṇ; tasmā Piṇḡala-Koccho ti vuccati. *Saṇghino* ti ādisu pabbajitasamūhasaṇkhāto saṇgho etesaṇ atthī ti *saṇghino*. Sv’ eva gaṇo etesaṇ atthī ti *gaṇino*. Ācāra-sikkhāpanavasena tassa gaṇassa ācariyā ti *gaṇācariyā*. *Ñātā* ti paññātā pākātā. Appicchā, santuṭṭhā, appicchatāya vattham pi na nivāsenti ti ādinā nayena samuggato yaso

¹ B. S. Catasso rūpāvacarasamāpattiyo.

² B. S. arūpāvacara°.

³ B. S. °pamasuttaṇ.

etesaṇ atthī ti yasassino. *Tiṭṭhakarā* ti laddhikarā. *Sādhusammata* ti, ime sādhu, sundarā, sappurisā ti evaṇ sammata. *Bahujanassā* ti assutavato andhabālaputhujjanassa.

2. [198⁹] Idāni te dassento, *seyyathīdaṇ*: *Pūraṇo* ti ādim āha. Tattha *Pūraṇo* ti tassa satthupaṭiñṇassa nāmaṇ. *Kassapo* ti gottaṇ. So kira aññatarassa kulassa ekūnadāsasataṇ pūrayamāno jāto. Ten' assa *Pūraṇo* ti nāmaṇ akaṇsu. Maṅgaladāsattā c' assa kataṇ dukkatan ti vattā n' atthi, akataṇ vā na katan ti. So, kim ahaṇ ettha vasāmi¹ ti palāyi. Ath' assa corā vatthāni acchindiṇsu. So paṇṇena vā tiṇena vā paṭicchādetum pi ajānanto jātārūpen² eva ekaṇ gāmaṇ pāvisi. Manussā taṇ disvā, ayaṇ samaṇo arahā, appiccho, n' atthi iminā sadiso ti pūvabhaddhāni gahetvā upasaṅkantā.³ So, mayhaṇ sātakaṇ anivatthabhāvena idaṇ uppannaṇ ti tato paṭṭhāya sātakaṇ labhitvā pi na nivāseti; tad eva pabbajjaṇ aggahesi. Tassa santike aññe, aññe pī ti pañcasatā manussā pabbajiṇsu. Taṇ sandhāy' āha: *Pūraṇo Kassapo* ti.

3. [198⁹] Makkhalī ti tassa nāmaṇ. Gosālāya jātattā *Gosālo* ti dutiyaṇ nāmaṇ. Taṇ kira sakaddamāya bhūmiyā telaghaṭaṇ gahetvā gacchantaṇ, tāta, mā khalī ti sāmiko āha. So pamādena khalitvā patitvā sāmikassa bhayena palāyituṇ āraddho. Sāmiko upadhāvitvā dasākaṇṇe⁴ aggahesi. So sātakaṇ chaḍḍetvā acelako hutvā palāyi. Sesaṇ *Pūraṇasa-disam* eva.

4. [198¹⁰] *Ajito* ti tassa nāmaṇ. Kesakambalaṇ dhāretī ti *Kesakambalī*. Iti⁵ nāmadvayaṇ saṇsandetvā *Ajito Kesakambalī* ti vuccati. Tattha kesakambalo nāma manussakesehi katakambalo. Tato paṭikiṭṭhataṇ vatthaṇ nāma n' atthi. Yath' āha: "Seyyathā pi, bhikkhave, yāni kānici tantāvutānaṇ vatthānaṇ, kesakambalo tesaṇ paṭikiṭṭho akkhāyati. Kesakambalo, bhikkhave, site sito uṇhe uṇho, dubbaṇṇo, duggandho, dukkhasamphasso" ti (A. i. 286).

5. [198¹⁰] *Pakudho* ti tassa nāmaṇ. *Kaccāyano* ti gottaṇ.

¹ B. S. vasissamī.

² B. jātavesen'; S. naggarūpen'.

³ B. upasaṅkamanti; S. upasaṅkamantā.

⁴ B. S. sātakakaṇṇe.

⁵ B. S. °kambalo ti.

Iti nāmagottaṇ saṅsandetvā *Pakudho Kaccāyano* ti vuccati. Sītūdakapaṭikkhittako esa; vaccaṇ katvā udakakiccaṇ na karoti; uṇhodakaṇ vā kañjiyaṇ vā labhitvā karoti; nadiṇ vā maggodakaṇ vā atikkamma, sīlaṇ me bhinnan ti vālika-thūpaṇ katvā sīlaṇ adhiṭṭhāya gacchati. Evarūpanissirīkaladdhiko¹ esa.

6. [198¹⁰] *Sañjāyo* ti tassa nāmaṇ. Belaṭṭhassa putto ti *Belaṭṭhaputto*. Amhākaṇ ganthanakilesa, palibujjanakilesa² n' atthi, kilesagaṇṭhirahitā mayan ti evaṇvāditāya laddha-nāmavasena Nigaṇṭho. Nāthassa putto ti Nāthaputto.

7. [198¹¹] *Abbhaññaṇsu* ti yathā tesā paṭiññā, 'tath' eva jāniṇsu, na jāniṇsu? Idaṇ vuttaṇ hoti: Sace nesaṇ sā paṭiññā niyyānikā, sabbe abbhaññaṇsu; no ce na abbhaññaṇsu. Tasmā, kiṇ tesā paṭiññā niyyānikā, na niyyānikā ti ayam etassa pañhassa attho.

8. [198¹⁶] Atha Bhagavā, nesaṇ aniyyānikabhāvakathānena atthābhāvato alaṇ ti paṭikkhipitvā upamāya atthaṇ parivārento³ dhammaṇ eva desetū, *dhammaṇ te, brāhmaṇa, desessāmī* ti ādim āha. Tattha *sacchikiriyaṇ* ti sacchikarānatthaṇ. Na chandaṇ janeti ti kattukamyatāchandaṇ na janeti. *Na vāyamaṇ* ti vāyāmaṇ, parakkamaṇ na karoti. *Oṭṭinavuttiko ca hoti* ti hīnajiḥāsaya⁴ hoti. *Sāthaliko*⁵ ti siṭhīlaggāhī; sāsanaṇ siṭhilaṇ katvā gaṇhati, daḥaṇ na gaṇhati.

9. [203²⁵] *Idha, brāhmaṇa, bhikkhu vivicca* eva *kāmehe* ti kathaṇ ime paṭhamajjhānādidhammā nānadassanena uttaritarā jātā ti? Nirodhapāḍakattā. Heṭṭhā paṭhamajjhānādidhammā hi vipassanāpāḍakā, ime nirodhapāḍakā, tasmā *uttaritarā* ti veditabbā. Iti Bhagavā idam pi suttaṇ yathānūsandhinā va niṭṭhāpesi. Desanāvasāne brāhmaṇo saraṇesu paṭiṭṭhito ti.

Cūḷa-Sāropamasuttaṇ dasamaṇ.

Tatiyavaggavannanā niṭṭhitā.

¹ B. S. Evarūpo.

² S. palibandhana°.

³ B. pavedento; S. atthapadaṇ vedento.

⁴ B. S. lina°.

⁵ S. Sāthiliko.

31.

[Cūḷa-Gosiṅgasuttavaṇṇanā]

1. [205¹⁵] *Evam me sutaṃ ti Cūḷa-Gosiṅgasuttaṃ. Tattha Nāḍike viharatī ti Nāḍikā nāma ekaṃ taḷākaṃ nissāya dvinnaṃ cullapitī-mahāpitiputtānaṃ dve gāmā, tesu ekasmiṃ gāme. Giṇḍakāvasathe ti itthakamaye āvasathe. Ekasmiṃ kira samaye Bhagavā mahājanasaṅgahaṃ karonto Vajjiratthe cārikaṃ caramāno Nāḍikaṃ anuppatto. Nāḍikavāsino manussā Bhagavato mahādānaṃ dātvā dhammakathaṃ sutvā pasannahadayā, Satthu vasaṇatthānaṃ karissāmā ti mantetvā itthakāh'eva bhitti-sopāna-tthambha-vāḷarūpādīni dassentā pāsādaṃ katvā sudhāya limpītvā mālākamma-latākammādīni niṭṭhāpetvā bhummatttharaṇa-mañcapīṭhādīni paññāpetvā Satthu niyyātesuṃ. Aparāparaṃ paṇ' ettha manussā bhikkhusaṅghassa rattitthāna-divātthāna-maṇḍapa-caṅkamādīni kārayiṃsu. Iti so vihāro mahā ahoṣi. Taṃ sandhāya vuttaṃ: Giṇḍakāvasathe ti.*

2. [205¹⁷] *Gosiṅgasālavanadāye ti, tattha kira¹ ekassa jeṭṭhakarukkhassa khandhato gosiṅgasanṭhānaṃ hutvā viṭapaṃ utṭhahi. Taṃ rukkhaṃ upādāya sabbam pi taṃ vanaṃ Gosiṅgasālavananaṃ ti saṅkhaṃ gataṃ. Dāyo ti avisesena araṇṇass' etaṃ nāmaṃ. Tasmā Gosiṅgasālavanadāye ti Gosiṅgasālavana-araṇṇe ti attho. Viharantī ti sāmaggiraṇaṃ anubhavamānā viharanti. Imesaṃ hi kulaputtānaṃ Uparipaṇṇāsake puthujjanakālo kathito; idha khīṇāsavakālo. Tadā hi te laddhassādā laddhapatitthā adhigatapaṭisambhidā khīṇāsavā hutvā sāmaggiraṇaṃ anubhavamānā tattha vihariṃsu. Taṃ sandhāy' etaṃ vuttaṃ.*

3. [205¹⁹] *Yena Gosiṅgasālavanadāyo ten' upasaṅkamī ti, Dhammasenāpati-Mahā-Moggallānattheresu vā asītimahāsāvakesu vā, antamaso Dhammabhaṇḍāgārikaṃ Ānandattheraṃ pi kañci anāmantetvā sayam eva pattacīvaraṃ ādāya anikā nissaṭṭo hatthī viya, yūthā nissaṭṭo kāḷasīho² viya, vātacchinno valāhako viya ca ekako va upasaṅkami.*

4. *Kasmā paṇ' ettha Bhagavā sayāṃ agamāsī ti? Tayo*

¹ B. S. *omit.*

² S. *kesarasīho.*

kulaputtā sāmaggirasañ anubhavantā viharanti, tesañ paggaṇhanato, pacchimañ janatañ anukampanato, dhammagarubhāvato ca. Evañ kir' assa ahosi: Ahañ ime kulaputte paggaṇhitvā ukkaṇṣitvā paṭisanthārañ katvā dhammañ¹ desesāmi ti. Evañ tāva paggaṇhanato agamāsi. Aparam pi 'ssa ahosi: Anāgate kulaputtā Sammāsambuddho samaggavāsañ vasantānañ santikañ sayañ gantvā paṭisanthārañ katvā dhammañ kathetvā tayo kulaputte paggaṇhi, ko nāma samaggavāsañ na vaseyyā ti samaggavāsañ vasitabbañ mañña-mānā khippam eva dukkhass' antañ karissanti ti. Evañ pacchimañ janatañ anukampanato pi agamāsi. Buddhā ca nāma dhammagaruno honti. So ca nesañ dhammagarubhāvo Rathavinīte āvikato² va. Iti imasmā dhammagarubhāvato pi dhammañ paggaṇhissāmi ti agamāsi.

5. [205²⁰] *Dāyapālo* ti arañña-pālo. So tañ araññañ yathā icchiticchitapadesena manussā pavisitvā tattha pupphañ vā phalañ vā niyyāsañ vā dabbasambhārañ vā na haranti, evañ vatiyā parikkhittassa tassa araññaassa yojite dvāre nisīditvā tañ araññañ rakkhati, pāleti, tasmā *dāyapālo* ti vutto.

6. [205²²] *Attakāmarūpā* ti attano hitaṇ kāmayamāna-sabhāvā hutvā viharanti. Yo hi imasmiṇ sāsane pabbajitvā pi vejjakamma-dūtakamma-pahīṇagamanādīnañ vasena ekavīsati-anesanāhi jīvikañ kappeti, ayañ na attakāmarūpo nāma. Yo pana imasmiṇ sāsane pabbajitvā ekavīsati anesanā³ pahāya catupārisuddhisile patitṭhāya Buddhavacanañ uggaṇhitvā sappāyadhutaṅgañ adhiṭṭhāya aṭṭhatiṇsāya ārammaṇesu cittaruciyañ kammaṭṭhānañ gahetvā gāmantañ pahāya araññañ pavisitvā samāpattiyo nibbattetvā vipassanāya kammañ kurumāno viharati,⁴ ayañ attakāmarūpo⁵ nāma. Te pi tayo kulaputtā evarūpā ahesuṇ. Tena vuttaṇ: *Attakāmarūpā viharanti* ti.

7. [205²³] *Mā tesañ aphāsum akāsi* ti tesañ mā aphāsukañ akāsi ti Bhagavantañ vāresi. Evañ kir' assa ahosi: Ime ku-

¹ B. S. *add* nesañ.

³ B. S. anesanañ.

⁵ B. S. attakāmo.

² B. S. āgato.

⁴ B. S. vicarati.

laputtā samaggā viharanti. Ekaccassa ca gataṭṭhāne bhaṇḍana-kalaha-vivādā vattanti. Tikhīṇasiṅgo caṇḍagoṇo viya ovijjhanto vicarati. Ath' ekamaggena dvinnāṇaṇaṇaṇa gamanaṇaṇa na hoti. Kadāci ayam pi evaṇ karonto imesaṇ kulaputtānaṇaṇa samaggavāsaṇaṇa bhindeyya. Pāsādiko ca pan' esa, suvaṇṇa-vaṇṇo. Rasagiddho maññe. Gatakālato paṭṭhāya paṇṇādaḍḍakānaṇaṇa attano upaṭṭhākānaṇaṇa ca vaṇṇakathanādīhi imesaṇ kulaputtānaṇaṇa appamādaḍḍavihāraṇaṇa bhindeyya. Vasa-naṭṭhānāni cāpi¹ etesaṇ kulaputtānaṇaṇa nibaddhāni, paricchinnāni; tisso ca paṇṇasālā, tayo caṇṇakamā, tīni divaṭṭhānāni, tīni mañcapīṭhāni. Ayaṇaṇa pana samaṇo mahākāyo, vuḍḍha-taro maññe bhavissati. So akāle ime kulaputte senāsanaṇa vuṭṭhāpessati. Evaṇ sabbathā pi etesaṇ aphaṇṇasu bhavissati ti. Taṇaṇa anicchanto, *mā tesāṇa aphaṇṇasum akāsi* ti Bhagavantaṇaṇa vāresi.

8. Kiṇaṇa pan' esa jānanto vāresi, ajānanto ti? Ajānanto. Kiṇaṇa cāpi hi Tathāgatassa paṭisaṇḍhigahaṇato paṭṭhāya dasasahassacakkavāḷakampanādīni pāṭihāriyāni pavattiṇṇasu, araṇṇavāsino pana dubbalamanussā kammaapasutā tāni sallakkhetuṇaṇa na sakkonti. Sammāsambuddho ca nāma yadā anekabhikkhusahassaparivāro byāmapabbhāya, asīti-anubyañjanehi, dvattiṇṇasamaḥāpurisalakkhaṇasiriyaṇa ca Buddhānubhāvaṇaṇa dassento vicarati, tadā, ko eso ti apucchitvā va jānitabbo hoti. Tadā pana Bhagavā sabbam pi taṇaṇa Buddhānubhāvaṇaṇa cīvaragabbhena paṭicchādetvā valāhakagabbheṇa paṭicchanno punnacando² viya sayam eva pattacīvaram ādāya aññātakavesena agamāsi. Iti taṇaṇa ajānanto va dāyapālo nivāresi.

9. [205²⁵] *Etadavocā* ti thero kira, *mā samaṇā* ti dāyapālassa kathaṇaṇa sutvā va cintesi: Mayaṇaṇa tayo janā idha viharāma; añño pabbajito nāma n' atthi; ayaṇaṇa ca dāyapālo pabbajitena viya saddhiṇaṇa katheti; ko nu kho bhavissati ti divaṭṭhānato utṭhāya dvāre ṭhatvā maggaṇaṇa olovento Bhagavantaṇaṇa addasa. Bhagavā pi therassa sahadassanen' eva sarīrobhāsaṇaṇa muñci; asīti-anubyañjanavirājitaṇaṇa byāmapabbhā pasāritasuvaṇṇapaṭo viya virocittha. Thero, ayaṇaṇa dāyapālo phaṇakataṇaṇa

¹ S. °ni pi.² C. cando.

āsivisaṇ gīvāya gahetuṇ hatthaṇ pasārento viya loke agga-puggalena saddhiṇ kathento va na jānāti, aññatarabhikkhunā viya saddhiṇ kathetī ti nivārento etaṇ, *mā āvuso dāyapālā* ti ādivacanaṇ avoca.

10. [205²⁸] *Ten' upascñkamī* ti kasmā Bhagavato paccug-gamanaṇ akatvā va upasañkami? Evaṇ kir' assa ahosi: Mayaṇ tayo janā samaggavāsaṇ vasāma; sacāhaṇ ekako va paccuggamanaṇ karissāmi, samaggavāso nāma na bhavissati; piyamitte gahetvā va paccuggamanaṇ karissāmi; yathā ca Bhagavā mayhaṇ piyo evaṇ sahāyānam pi me piyo ti tehi saddhiṇ paccuggamanaṇ kātukāmo sayāṇ akatvā va upasañkami. Keci pana, tesāṇ therānaṇ paṇṇasāladvāre cañkamakotiya¹ Bhagavato āgamanamaggo hoti, tasmā thero tesāṇ saññaṇ dadamāno va gato ti.

11. [205²⁹] *Abhikkamathā* ti ito āgacchatha. *Pāde pakkhālesī* ti vikasitapadumasaññibhehi jālahatthehi mañivaṇṇaṇ udakaṇ gahetvā suvaṇṇavanneṣu piṭṭhipādesu udakaṇ āsiñcitvā² pādena pādaṇ ghaṇsanto pakkhālesi. Buddhānaṇ kāye rajojallaṇ nāma na upalippati, kasmā pakkhālesī ti? Sarīrassa utugahaṇatthaṇ, tesāṇ ca cittasampahaṇsanatthaṇ. Amhehi abhihaṭeṇa udakena Bhagavā pāde pakkhālesi, paribhogaṇ akāsī ti hi tesāṇ bhikkhūnaṇ balavasomanassavasena cittaṇ pīṇitaṇ³ hcti; tasmā pakkhālesi.

12. [206⁷] *Āyasmantaṇ Anuruddhaṇ Bhagavā etad avocā* ti so kira tesāṇ vuddhataro; tassa saṅgahe kate sesānaṇ kato va hotī ti therāṇ ñeva etaṇ, *kacci vo, Anuruddhā* ti ādivacanaṇ avoca. Tattha *kaccī* ti pucchanatthe nipāto. *Vo* ti sāmi-vacanaṇ. Idaṇ vuttaṇ hoti: Kacci Anuruddhā, tumhākaṇ *khamanīyaṇ*, iriyāpatho vo khamati? Kacci *yāpanīyaṇ*, kacci vo jīvitaṇ yāpeti, ghaṭiyati? Kacci *piṇḍakena na kilamatha*, kacci tumhākaṇ piṇḍaṇ sulabhaṇ? Sampatte vo disvā manussā uluṅkayāguṇ vā kaṭacchubhikkhaṇ vā dātabbaṇ maññaṇtī ti bhikkhācāravattaṇ pucchati. Kasmā? Paccayena ākilamantena hi sakkā samaṇadhammo kātuṇ: vattam eva vā etaṇ pabbajitānaṇ.

¹ B. S. cañkamana°.

² S. abhisīñcitvā.

³ C. pañītaṇ.

13. [206¹²] Atha tena paṭivacane dinne, Anuruddhā, tumhe rājababbajitā, mahāpuññā, manussā tumhākaṇ araṇṇe va-santānaṇ adatvā kaṣṣ' aññassa dātabbaṇ maññissanti, tumhe pana etaṇ bhuñjitvā kin nu kho migapotakā viya aññamaññaṇ saṅghaṭṭentā¹ viharatha, udāhu sāmaggiaṇ² vo atthi ti sāmaggiraṇaṇ pucchanto, *kacci pana vo, Anuruddhā, samaggā* ti ādim āha. Tattha khīrodakābhūtā ti yathā khīraṇ ca udakaṇ ca aññamaññaṇ saṇsandati, viṣuṇ na hoti, ekattaṇ viya upeti, kacci evaṇ sāmaggivasena ekattūpagata-cittuppādā viya viharathā ti pucchati. *Piyacakkhūhi* ti mettacittaṇ paccupaṭṭhapetvā olokaṇacakkhūni piyacakkhūni nāma. Kacci tathārūpehi cakkhūhi aññamaññaṇ sampassantā viharathā ti pucchati. *Tugghā* ti ekaṇsatthe nipāto. Ekaṇsena mayaṇ, bhante ti vuttaṇ hoti.

14. [206¹⁶] *Yathā kathaṇ panā* ti ettha yathā ti nipāta-mattaṇ. *Kathan* ti kāraṇapucchā. Kathaṇ pana tumhe evaṇ viharatha, kena kāraṇena viharatha, taṇ me kāraṇaṇ brūthā ti vuttaṇ hoti. *Mettaṇ kāyakammaṇ* ti mettacittavasena pavattaṇ kāyakammaṇ. *Āvi c' eva raho cā* ti sammukhā c' eva parammukhā ca. Itaresu pi es' eva nayo.

15. Tattha sammukhā kāyavacīkammāni saḥavāse labbhanti; itarāni vippavāse. Manokammaṇ sabbattha labbhati. Yaṇ hi saḥavasantesu ekena mañcapīṭhaṇ vā dārubbhaṇḍaṇ vā mattikābhhaṇḍaṇ vā bahi dunnikkhittaṇ hoti, taṇ disvā, ken' idaṇ vaḷaṇḍitaṇ ti avaññaṇ akatvā attanā dunnikkhittaṇ viya gahetvā paṭisāmentassa, paṭijaggitabbayuttaṇ vā pana ṭhānaṇ paṭijaggantaṣsa sammukhā mettaṇ kāyakammaṇ nāma hoti. Ekasmiṇ pakkante tena dunnikkhittaṇ senāsanaparikkhāraṇ tath' eva nikkhipantassa paṭijaggitabbayuttatṭhānaṇ vā pana paṭijaggantassa parammukhā mettaṇ kāyakammaṇ nāma hoti.

16. Saḥavasantassa pana therehi³ saddhiṇ madhuraṇ sammodanīyakathaṇ paṭisanthāraṇ sārāṇīyakathaṇ⁴ dhammakathaṇ sarabhaññaṇ⁵ pañhāpucchanaṇ⁶ pañhāvissajjanaṇ⁶ ti

¹ B. S. ghaṭṭentā.

³ B. tehi.

⁵ B. *adds* sākacchaṇ.

² B. sāmaggibhāvo.

⁴ S. sārāṇīyaṇ.

⁶ C. pañha°.

evamādikaraṇe sammukhā mettaṇ vacīkammaṇ nāma hoti. Theresu pana pakkantesu, mayhaṇ piyasahāyo Nandiyatthero Kimbilatthero evaṇ sīlasampanno, evaṇ ācārasampanno ti ādi-guṇakathanaṇ¹ parammukhā mettaṇ vacīkammaṇ nāma hoti. Mayhaṇ piyamitto Nandiyatthero Kimbilatthero avero hotu abyāpajjho sukhi² ti evaṇ samannāharato pana sammukhā pi parammukhā pi mettaṇ manokammaṇ hoti yeva.

17. [206²⁸] *Nānā hi kho no. bhante, kāyā* ti kāyaṇ hi piṭṭhaṇ viya mattikā viya ca omadditvā ekato kātuṇ na sakkā. *Ekāñ ca pana maññe cittaṇ* ti cittaṇ pana no sahitaṭṭhena niranantaraṭṭhena aviggahitaṭṭhena³ samaggaṭṭhena ekam evā ti dasseti. Kathaṇ pan' ete sakaṇ cittaṇ nikkhipitvā itaresaṇ cittavasena vattiṇsū ti? Ekassa patte malaṇ utṭhahati, ekassa cīvaraṇ kiliṭṭhaṇ hoti, ekassa paribhaṇḍakammaṇ hoti. Tattha yassa patte malaṇ utṭhitaṇ tena mam' āvuso patte malaṇ utṭhitaṇ, pacituṇ vaṭṭati ti vutte, itare mayhaṇ cīvaraṇ kiliṭṭhaṇ, taṇ dhovitaḍḍhaṇ, mayhaṇ paribhaṇḍaṇ kātaḍḍhaṇ ti avatvā araṇṇaṇ pavasiṭvā dārūni āharitvā chinditvā pat-takaṭāhe paribhaṇḍaṇ katvā pattaṇ pacitvā tato paraṇ cīvaraṇ vā dhovanti, paribhaṇḍaṇ vā karonti. Mam' āvuso, cīvaraṇ kiliṭṭhaṇ, dhovituṇ vaṭṭati, mama paṇṇasālā uklāpā, paribhaṇḍaṇ kātuṇ vaṭṭati ti paṭhamataraṇ ārocite pi es' eva nayo.

18. [207⁸] *Sādhū sādhū, Anuruddhā* ti, Bhagavā hetṭhā, na ca mayaṇ, bhante, piṇḍakena kilamimhā ti vutte, na sādhu-kāram adāsi. Kasmā? Ayaṇ hi kabaḷiṇkārāhāro nāma imesaṇ sattānaṇ apāyaloke pi deva-manussaloke pi ācinṇa-samāciṇṇo va. Ayaṇ pana lokasannivāso yebhuyyena vivādapakkhanno.⁴ Apāyaloke pi hi⁵ deva-manussaloke pi ime sattā paṭiviruddhā eva. Etesaṇ sāmaggikālo dullabho; ka-dācid eva hoti ti samaggavāsassa dullabhattā idha Bhagavā sādhu-kāram adāsi.

19. [207⁸] *Idāni tesāṇ appamādalakkhaṇaṇ* pucchanto,

¹ S. °kathaṇ.

² B. S. *add* hotū.

³ B. *aviggaha*°; S. *avigata*°.

⁴ B. *vivādaṇ* pakkhando.

⁵ S. *omīte* hi; B. *omīte* pi hi.

kacci pana vo Anuruddhā ti ādim āha. Tattha vo ti nipāta-mattaṇ; paccattavacanaṇ vā. Kacci tumhe ti attho. *Amhākan* ti amhesu tīsu janesu. *Pinḍāya paṭikkamaṭi* ti gāme pinḍāya caritvā paccāgacchati. *Avakkārapātin* ti atireka-pinḍapātaṇ apanetvā ṭhapanatthāya ekaṇ samuggapātiṇ dhovitvā ṭhabeti.

20. [207¹⁵] *Yo pacchā* ti, te kira therā na ekato va bhikkhācāraṇ pavisanti. Phalasamāpattiratā h' ete. Pāto va sarīrapaṭijaggaṇaṇ katvā vattapaṭipattiṇ¹ pūretvā senāsanaṇ pavisitvā kālāparicchedaṇ katvā phalasamāpattiṇ appetvā nisīdanti. Tesu yo paṭhamataṇaṇ nisinno attano kālāparicchedavasena paṭhamataṇaṇ utthāti, so pinḍāya caritvā paṭinivatto bhattakiccatṭhānaṇ āgantvā jānāti: dve bhikkhū pacchato,² ahaṇ paṭhamataṇaṇ āgato ti. Atha pattaṇ pida-hitvā³ āsanapaññāpanādīni katvā, yadi patte paṭivisaṇattam⁴ eva hoti, nisīditvā bhuñjati; yadi atirekaṇ hoti, avakkārapātiyaṇ pakkhipitvā pātiṇ pidhāya bhuñjati. Katabhattakicco pattaṇ dhovitvā vodaṇaṇ⁵ katvā thavikāya osāpetvā āsanāni ukkhipitvā pattaṇcīvaraṇ gahetvā attano vasaṇaṭṭhānaṇ pavisati.

21. Duttiyo pi āgantvā va jānāti: eko paṭhamāṇ āgato, eko pacchato ti. So, sace patte bhattaṇ paṇāṇam eva hoti, bhuñjati; sace mandaṇ avakkārapātito gahetvā bhuñjati; sace atirekaṇ hoti, avakkārapātiyaṇ pakkhipitvā paṇāṇam eva bhuñjitvā purimathero viya vasaṇaṭṭhānaṇ pavisati.

22. Tatiyo pi āgantvā va jānāti: dve paṭhamāṇ āgatā, ahaṇ pacchato⁶ ti. So pi duttiyathero viya bhuñjitvā katabhattakicco pattaṇ dhovitvā vodaṇaṇ⁵ katvā thavikāya osāpetvā āsanāni ukkhipitvā paṭisaṇmeti. Pāṇiyaghaṭe vā pari-bhojaṇiyaghaṭe vā avasesaṇ udakaṇ chaḍḍetvā ghaṭe nikkujjitvā avakkārapātiyaṇ sace avasesabhattaṇ hoti, taṇ vuttanayena haritvā⁷ pātiṇ dhovitvā paṭisaṇmeti; bhattaggaṇ sammajjati. Tato kacavaṇaṇ chaḍḍetvā sammajjanaṇ ukkhi-

¹ S. omits vatta°.

³ S. B. saṇvidahitvā.

⁵ S. nirodakaṇ.

⁷ B. jahitvā.

² B. S. pacchā.

⁴ C. paṭivisa°.

⁶ B. pacchimo.

pitvā upacikāhi muttatṭhāne ṭhapetvā pattacivaraṇaṃ ādāya vasaṇatṭhānaṃ pavisati. Idaṃ therānaṃ bahivihāre araṇṇiṃ bhattakiccakaraṇatṭhāne bhojanasālāya vattaṇaṃ. Idaṃ sandhāya, *yo pacchā* ti ādi vuttaṇaṃ.

23. [207¹⁹] *Yo passatī* ti ādi pana nesaṃ antovihāre vattan ti veditabbaṇaṃ. Tattha *vaccaghaṭaṇaṃ* ti ācamanakumbhiṇaṃ. *Rittanaṃ* ti rittakaṇaṃ. *Tucchanā* ti tass' eva vevacanaṇaṃ. *Avi-sayhaṇaṃ* ti ukkhipitūṇaṃ asakkuṇeyyaṇaṃ, atibhāriyaṇaṃ. *Hatthavikārena* ti hatthasaññāya. Te kira pāṇiyaghaṭādisu yaṇaṃ kiñci tucchaṇaṃ, taṇaṃ gahetvā pokkharanaṃ gantvā anto ca bahi ca dhovitvā udakaṇaṃ parissāvetvā tīre ṭhapetvā aññaṇaṃ bhikkhuṇaṃ hatthavikārena āmantenti; odissa vā anodissa vā saddaṇaṃ na karonti.

24. [207²²] Kasmā odissa saddaṇaṃ¹ na karonti? Taṇaṃ bhikkhuṇaṃ saddo bādheyyā ti. Kasmā anodissa saddaṇaṃ¹ na karonti? Anodissa sadde dinne, ahaṇaṃ pure, ahaṇaṃ pure ti dve pi nikkhameyyuṇaṃ; tato dvīhi kattabbakamme tatiyassa kammacchedo bhaveyya. Saṇyatapadasaddo pana hutvā aparassa bhikkhuno divātṭhānasantikaṇaṃ gantvā tena ditṭhabhāvaṇaṃ ñatvā hatthasaññaṇaṃ karoti. Tāya saññāya itaro āgacchati. Tato dve janā hatthena hatthaṇaṃ saṇsibbantā dvisu hatthesu ṭhapetvā upatṭhapenti. Taṇaṃ sandhāya' āha: *Hatthavikārena dutiyaṃ āmantetvā hatthavilaṅghakena upatṭhapemā* ti.

25. [207²⁴] *Pañcāhikaṇaṃ kho panā* ti, cātuddase pannarase aṭṭhamiyaṇaṃ ti idaṇaṃ tāva pakatidhammasavanam eva. Taṇaṃ akhaṇḍaṇaṃ katvā pañcame pañcame divase dve therā nātivikāle nahāyitvā Anuruddhattherassa vasaṇatṭhānaṃ gacchanti. Tattha tayo pi nisīditvā tippaṇaṃ piṭakānaṃ aññatarasmiṇaṃ aññamaññaṇaṃ pañhaṇaṃ pucchanti; aññamaññaṇaṃ vissajjenti. Tesāṃ evaṇaṃ karontanaṇaṃ yeva aruṇaṇaṃ uggacchati. Taṇaṃ sandhāya' etaṇaṃ vuttaṇaṃ.

26. Ettāvatā therena Bhagavatā appamādalakkhaṇaṇaṃ pucchitena pamādatṭhānesu yeva appamādalakkhaṇaṇaṃ vissajjitaṇaṃ hoti. Aññesaṇaṃ hi bhikkhūnaṃ bhikkhācāraṇaṃ pavisaṇakālo, nikkhamanaṇakālo, nivāsanaparivattanaṇaṃ, oīvarapāruṇaṇaṃ, antogāme piṇḍāya caraṇaṇaṃ, dhammakathanaṇaṃ, anu-

modanaṇ, gāmato nikkhamitvā bhattakiccakaraṇaṇ, pat-tadhovanaṇ, patta-osāpanaṇ, pattacīvaraapaṭisāmanan ti pa-paṇcakarattḥānāni etāni. Tasmā thero, amhākaṇ ettakaṇ ṭhānaṇ muṇcitvā pamādakālo nāma n' atthi ti dassento pamādatṭhānesu yeva appamādalakkhanaṇ vissajjesi.

27. [207²⁷] Ath' assa Bhagavā sādḥukāraṇ datvā paṭha-majjhānaṇ pucchanto puna, *atthi pana vo ti ādim āha*. Tattha *uttarimanussadhammā* ti manussadhammato uttari. *Alamariyañānadassanaviseso*¹ ti ariyabhāvakaranaṇasamattho viseso. *Kiṇ hi no siyā, bhante ti*, bhante, kasmā nādhigato bhavissati; adhigato yevā ti. *Yāvad evā ti yāva eva*.

28. [207³⁷] Evaṇ paṭhamajjhānādhigame byākate dutiyaj-jhānādini pucchanto, *etassa pana vo ti ādim āha*. Tattha *satatikkamāyā* ti samatikkamatthāya. *Paṭipassaddhiyā* ti paṭipassaddhatthāya. Sesaṇ sabbattha uttanayen' eva ve-ditabbaṇ. Pacchimapañhe pana lokuttarañānadassanava-sena adhigataṇ nirodhasamāpattiṇ pucchanto, *alamariya-ñānadassanaviseso* ti āha. Thero pi² pucchānurūpen' eva byākāsi. Tattha yasmā vedayitasukhato avedayitasukhaṇ santataraṇ hoti,³ tasmā, *aññaṇ phāsuvihāraṇ uttaritaraṇ vā paññataraṇ vā na samanupassāmī* ti āha.

29. [209³²] *Dhammiyā kathāyā* ti sāmaggirasānisaṇsa-paṭisaṇyuttāya dhammakathāya. Sabbe pi te² catusu saccesu pariniṭṭhitakiccā. Tena tesāṇ paṭivedhatthāya kiñci ka-thetabbaṇ n' atthi. Sāmaggirase pana, ayañ ca ayañ ca ānisaṇso ti sāmaggirasānisaṇsam eva nesaṇ Bhagavā kathesi.

30. [209³⁵] *Bhagavantaṇ anusāṇsāvetvā*⁴ ti anugantvā. Te kira Bhagavato pattacīvaraṇ gahetvā thokaṇ agamaṇsu. Atha Bhagavā viharūpavanapariyantaṇ⁵ gatakāle, āharatha me pattacīvaraṇ, tumhe idh' eva tiṭṭhathā⁶ ti pakkami. *Tato paṭinivattitvā* ti tato ṭhitatṭhānato nivattitvā. *Kin nu kho*⁷ *mayā āyasmato* ti Bhagavantaṇ nissāya pabbaj-

¹ C. Alamariyaviseso.

² S. omits.

³ S. adds paññataraṇ hoti.

⁴ S. anusāretvā; text anusāṇyāyitvā.

⁵ B. viharassa parivenapariyantaṇ; S. viharapariveṇa°.

⁶ S. vasathā.

⁷ C. omits.

jādini adhigantvā pi attano guṇakathāya aṭṭhiyamānā adhigamappicchatāya āhaṇsu. *Imāsaṇ ca imāsaṇ cā* ti paṭhamajjhānādinaṇ lokiya-lokuttarānaṇ.

31. [210⁷] *Cetasā ceto paricca viditā* ti, ajja 'me āyasmanto lokiyasamāpattiyā vitināmesuṇ, ajja lokuttarāyā ti evaṇ cittena cittaṇ paricchinditvā viditaṇ. *Devatā pi me* ti, bhante Anuruddha, ajja ayyo Nandiyatthero, ajja ayyo Kimbilatthero imāya ca imāya ca samāpattiyā vitināmesī ti evam ārocesun ti attho. *Pañhābhipuṭṭhenā* ti, tam pi mayā sayāṇ viditaṇ ti vā devatāhi ārocitaṇ ti vā ettaken' eva mukhaṇ me sajjan ti kathaṇ samuṭṭhāpetvā apuṭṭhen' eva me na kaṭṭhitaṇ; Bhagavatā pana pañhābhipuṭṭhena pañhaṇ abhipucchantaṇa satā byākataṇ; tatra me kiṇ na rocathā ti āha.

32. [210¹³] *Dīgho* ti, "Maṇi Māṇicarō Dīgho atho Serissako saḥā" ti (D. iii. 205) evaṇ āgato¹ aṭṭhavāsatiyā yakkhasenāpatinaṇ abbhantaro eko devarājā. *Parajano* ti tass' eva yakkhassa nāmaṇ. Yena Bhagavā ten' upasaṅkamī ti so kira Ves-savaṇena pesito ekaṇ ṭhānaṇ gacchanto Bhagavantaṇ sayāṇ pattacīvaraṇ gahetvā Giṇṇakāvasathā Gosiṅgasālavanassa antare disvā, Bhagavā attanā pattacīvaraṇ gahetvā Gosiṅgasālavane tiṇṇaṇ kulaputtānaṇ santikaṇ gacchati, ajja mahatī dhammadesanā bhavissati, mayā pi tassa desanāya bhāgiṇā bhavitabban ti adissamānena kāyena Satthu padānupadiko gantvā avidūre ṭhatvā dhammaṇ sutvā Satthari gacchante pi na gato; ime therā kiṇ karissanti ti dassanatthaṇ pana tatth' eva ṭhito. Atha te dve there Anuruddhattheraṇ paliveṭhente² disvā, ime dve therā Bhagavantaṇ nissāya pabbajjādayo sabbaguṇe adhigantvā pi Bhagavato va maccharāyanti, na saḥanti, ativiya niliyanti, paṭicchādentī, na dāni nesaṇ paṭicchādetuṇ dassāmi, paṭhavito yāva Brahmaloḁā etesaṇ guṇe pakāsessāmi ti cintetvā yena Bhagavā ten' upasaṅkami.

33. [210¹⁶] *Lābhā*, bhante ti ye, bhante, Vajjiraṭṭhavāsino Bhagavantaṇ ca ime ca tayo kulaputte passituṇ labhanti, vandituṇ labhanti, deyyadhammaṇ dātuṇ labhanti, dhammaṇ sotuṇ labhanti, tesāṇ lābhā, bhante, Vajjinaṇ ti attho. *Saddaṇ*

¹ S. āgatānaṇ; B. S. *add* pañhābhipuṭṭhānaṇ.

² B. palivedhente; S. palibodhente.

sutvā ti so kira attano yakkhānubhāvena mahantaṇ saddaṇ katvā sakalaṇ Vajjiraṭṭhaṇ ajjhottharanto taṇ vācaṇ nicchāresi. Ten' assa tesu tesu rukkhapabbatādisu adhivatthā bhum-mā devatā saddaṇ assosuṇ. Taṇ sandhāya vuttaṇ: *Saddaṇ sutvā* ti. *Anussāvesun* ti mahantaṇ saddaṇ katvā sāvesuṇ. Esa nayo sabbattha. *Yāva Brahmāloka* ti yāva Akaniṭṭha-Brahmaloka.

34. [210³⁵] *Tañ ce pi kulaṇ* ti, amhākaṇ kulato nikkhamitvā ime kulaputtā pabbajitā evaṇ sīlavanto guṇavanto ācārasampannā kalyāṇadhammā ti evaṇ *tañ ce pi kulaṇ ete tayo kulaputte paṇinacittaṇ anussareyyā* ti evaṇ sabbattha attho daṭṭhabo. Iti Bhagavā yathānusandhinā va desanaṇ niṭṭhāpesi ti.

Cūḷa-Gosiṅgasuttaṇ paṭhamāṇ.

32.

[*Mahā-Gosiṅgasuttavaṇṇanā*]

1. [212¹] *Evam me sutan* ti Mahā-Gosiṅgasuttaṇ. Tattha *Gosiṅgasāḷavanadāye* ti idaṇ vasanaṭṭhānadassanaṭṭhaṇ vuttaṇ. Aññesu hi suttesu, Sāvattiyaṇ viharati, Jetavane Anāthapiṇḍikassa ārāme ti evaṇ paṭhamāṇ gocaragāmaṇ dassetvā pacchā vasanaṭṭhānaṇ dasseti.¹ Imasmiṇ pana Mahā-Gosiṅgasutte Bhagavato gocaragāmo anibandho; kocid eva gocaragāmo bhavissati; tasmā vasanaṭṭhānam eva paridipitaṇ. Araññanidānakaṇ nām' etaṇ suttan ti.

2. [212²] *Sambahulehī* ti bahukehi. *Abhiññātehi abhiññātehi* ti sabbattha vissutehi pākātehi. *Therehi sāvakehi saddhin* ti pātimokkhasaṇvarādihi thirakārakehi dhammehi samannāgatattā therehi, savanante jātattā sāvakehi, saddhin² ekato.

3. [212³] Idāni te there sarūpato dassento, *āyasmatā ca Sāriputtenā* ti ādim āha. Tattha āyasmā Sāriputto attano sīlādihi guṇehi Buddhasāsane abhiññāto, cakkhumantānaṇ gaganamajjhe ṭhito suriyo viya cando viya, samuddatire

¹ S. dassesi.

² B. S. *add* ti.

ṭhitānaṃ sāgaro viya ca pākato paññāto. Na kevalaṃ c' assa imasmiṃ sutte āgataḡaṇavasena' eva mahantatā vedittabbā; ito aññesaṃ Dhammadāyādaṃ¹ (M. i. 12), Anaṅgaṇaṃ¹ (M. i. 24), Sammādiṭṭhi¹ (M. i. 46), Sihanādasuttaṃ (A. iv. 373), Mahā-Sihanādaṃ¹ (M. i. 68), Rathavinītaṃ (M. i. 145), Mahā-Hatthipadopamaṃ (M. i. 184), Mahā-Vedallaṃ (M. i. 292), Cātumasuttaṃ² (M. i. 456), Dighanakkhaṃ (M. i. 497), Anupadasuttaṃ (M. iii. 25), Sevitabbāsevitabbaṃ (M. iii. 45), Saccavibhaṅgasuttaṃ (M. iii. 248), Piṇḍapātapārisuddhiṃ (M. iii. 293), Sampasādaniyaṃ (D. iii. 99), Saṅgītiṃ (D. iii. 207), Dasuttaraṃ (D. iii. 272), Pavāraṇāsuttaṃ (S. i. 190), Susimasuttaṃ (S. i. 63), Therapañhasuttaṃ (), Mahā-Niddeso, Paṭisambhidāmaggo, Therasihanādasuttaṃ (A. iv. 373), Abhinikkhamaṇaṃ (), Etadaggaṃ ti (A. i. 23) imesam pi suttānaṃ vasena therassa mahantatā vedittabbā. Etadaggaṃ hi, "Etadaggaṃ, bhikkhave, mama sāvakānaṃ bhikkhūnaṃ mahāpaññānaṃ yadidaṃ Sāriputto" ti (A. i. 23) vuttaṃ.

4. Mahā-Moggallāno pi silādiguṇehi c' eva imasmiṃ sutte agataḡuṇehi ca thero viya abhiññāto pākato mahā. Api c' assa Anumānasuttaṃ (M. i. 95), Culla-Taṇhāsaṅkhaya-suttaṃ (M. i. 251), Māratajjaniyaṃ (M. i. 332), Pāsādakammaṇaṃ (S. v. 270), sakalaṃ Iddhipāda-Saṃyuttaṃ (S. v. 254-93), Nandopanandadamaṇaṃ (), yamaka-pāṭihāriyakkāle deva-loka-gamaṇaṃ, Vimānavatthu, Petavatthu, therassa abhinikkhamaṇaṃ (), Etadaggaṃ ti (A. i. 23) imesam pi vasena mahantatā vedittabbā. Etadaggaṃ hi, "Etadaggaṃ, bhikkhave, mama sāvakānaṃ bhikkhūnaṃ iddhi-mantānaṃ yadidaṃ Mahā-Moggallāno" ti (A. i. 23) vuttaṃ.

5. Mahā-Kassapo pi silādiguṇehi c' eva imasmiṃ sutte āgataḡuṇehi ca thero viya abhiññāto pākato mahā. Api c' assa Civaraparivattanasuttaṃ (S. ii. 217), Jīṇnacīvarasuttaṃ (S. ii. 202), Candopamaṃ (S. ii. 197), sakalaṃ Kassapa-Saṃyuttaṃ (S. ii. 194-225), Mahā-ariya-vaṇsasuttaṃ (A. ii. 27), therassa abhinikkhamaṇaṃ (), Etadaggaṃ ti (A. i. 23) imesam pi vasena mahantabhāvo vedittabbo. Etadaggaṃ hi,

¹ B. S. *add* suttaṃ and *omit the final* ṇ.

² B. Tuvataṇ; S. Vatthūpamasuttaṃ.

“Etadaggaṇ, bhikkhave, mama sāvakānaṇ bhikkhūnaṇ dhu-tavādānaṇ yadidaṇ Mahā-Kassapo” ti (A. i. 23) vuttaṇ.

6. Anuruddhatthero pi sīlādiguṇehi c’ eva imasmiṇ sutte āgataguṇehi ca thero viya abhiññāto pākaṭo mahā. Api c’ assa Culla-Gosiṅgasuttaṇ (M. i. 205), Naḷakapānasuttaṇ (M. i. 462), Anuttariyasuttaṇ (), Upakkilesasuttaṇ (M. iii. 152), Anuruddhasuttaṇ (M. iii. 144), Mahāpurisavittak-suttaṇ (A. iv. 228), therassa abhinikkhamanaṇ (), Etadaggaṇ ti (A. i. 23) imesam pi vasena mahantabhāvo veditabbo. Etadaggasmiṇ hi, “Etadaggaṇ, bhikkhave, mama sāvakānaṇ bhikkhūnaṇ dibbacakkhukānaṇ yadidaṇ Anurud-dho” ti (A. i. 23) vuttaṇ.

7. [212^o] *Āyasmatā ca Revatenā* ti ettha pana dve Revatā: Khadiravaniya-Revato ca Kaṅkhā-Revato ca. Tattha Kha-diravaniya-Revato Dhammasenāpatittherassa kaniṭṭhabhā-tiko; na so idha adhippeto. Akappiyo guḷo, akappiyā muggā ti evaṇ kaṅkhābahulo pana thero idha Revato ti adhippeto. So pi sīlādiguṇehi c’ eva imasmiṇ sutte āgataguṇehi ca thero viya abhiññāto pākaṭo mahā. Api c’ assa abhinikkhamana-pi Etadaggena pi mahantabhāvo veditabbo. Etadag-gasmiṇ hi, “Etadaggaṇ, bhikkhave, mama sāvakānaṇ bhik-khūnaṇ jhāyinaṇ yadidaṇ Kaṅkhā-Revato” ti (A. i. 24) vuttaṇ.

8. Ānandatthero pi sīlādiguṇehi c’ eva imasmiṇ sutte āga-taguṇehi ca thero viya abhiññāto pākaṭo mahā. Api c’ assa Sekhasuttaṇ (M. i. 353), Bāhitiyasuttaṇ (M. ii. 112), Ānañja-sappāyaṇ (M. ii. 261), Ġopaka-Moggallānaṇ (M. iii. 7), Bahu-dhātukaṇ (M. iii. 61), Culla-Suññataṇ (M. iii. 104), Mahā-Suñ-ñataṇ (M. iii. 109), Acchariyabbhutasuttaṇ (M. iii. 118), Bhaddekarattaṇ (M. iii. 189), Mahānidānaṇ (D. ii. 55), Mahā-parinibbānaṇ (D. ii. 72), Subhasuttaṇ (D. i. 204), Cūḷaniyalokadhātusuttaṇ (A. i. 226), Abhinikkhamanaṇ (), Eta-daggaṇ ti (A. i. 24) imesam pi vasena mahantabhāvo veditabbo. Etadaggasmiṇ hi, “Etadaggaṇ, bhikkhave, mama sāvakānaṇ bhikkhūnaṇ bahussutānaṇ yadidaṇ Ānando” ti (A. i. 24) vuttaṇ.

9. [212^o] *Aññehi ca abhiññātehi abhiññātehi* ti na kevalaṇ ete’ eva, aññehi ca mahāgūṇatāya pākaṭehi abhiññāte’.

bahūhi therehi sāvakehi saddhiṃ Bhagavā Gosīṅgasālavana-dāye viharatī ti attho. Āyasmā hi Sāriputto sayaṃ mahāpañño, aññe pi bahū mahāpaññe bhikkhū gahetvā tadā Dasabalaṃ parivāretvā vihāsi. Āyasmā Mahā-Moggallāno sayaṃ iddhimā . . . Āyasmā Mahā-Kassapo sayaṃ dhutavādo . . . Āyasmā Anuruddho sayaṃ dibbacakkhuko. . . Āyasmā Revato sayaṃ jhānābhīrato . . . Āyasmā Ānando sayaṃ bahussuto aññe pi bahū bahussute bhikkhū gahetvā tadā Dasabalaṃ parivāretvā vihāsi. Evaṃ tadā ete ca aññe ca abhiññātā mahātherā tiṇṣasahassamattā bhikkhū Dasabalaṃ parivāretvā vihariṃsū ti veditabbā.

10. [212^a] *Paṭisallānā vuṭṭhito* ti phalasamāpattivivekato vuṭṭhito. *Yen' āyasmā Mahā-Kassapo ten' upasaṅkamī* ti thero kira paṭisallānā vuṭṭhito pacchimaṃ lokadhātun olo-kento, vanante kilantassa¹ mattakhattiyassa kaṇṇato pata-mānaṃ kuṇḍalaṃ viya, saṃharitvā samugge pakkhipamānaṃ rattakambalaṃ viya, maṇināgadantato patamānaṃ satasahas-sagghanikaṃ suvaṇṇapātiṃ viya ca atthaṃ gacchamānaṃ pari-puṇṇapaṇṇāsayaṃjanaṃ suriyamaṇḍalaṃ addasa. Tadanantaraṃ pācīnalokadhātun olo-kento, nemiyaṃ gahetvā parivattaya-mānaṃ rajatacakkaṃ viya, rajatakūṭato nikkhamantaṃ khī-radhārāmaṇḍalaṃ viya, pakkhe papphotetvā gaganatale pak-khandamānaṃ setahaṃsaṃ viya ca meghavaṇṇāya samud-dakucchito uggantvā pācīnacakkavāla-pabbatamatthake sa-salakkhaṇapaṭimaṇḍitaṃ ekūnapaṇṇāsayaṃjanaṃ candamaṇ-ḍalaṃ addassa. Tato sālavanaṃ olokesi.

11. Tasmiṃ hi samaye sālaruḁkhā mūlato paṭṭhāya yāva aggā sabbaphāliphullā, dukūlapāvārapārutā viya, mut-tākalāpavinaddhā viya ca virocīṃsu. Bhūmitalaṃ puppha-santharapūjāya paṭimaṇḍitaṃ viya tattha tattha nipatantena pupphareṇunā,² lākhārasena siṅcamanaṃ viya ca ahosi. Bhamara³-madhukaragaṇā kusumareṇumadamattā upagā-yamānā viya vanantaresu vicaranti. Tadā ca uposathadivaso va hoti. Atha thero, kāya nu kho ajja ratiyā vītināmessāmi ti cintesi. Ariyasāvaka ca nāma piyadhammasavanaṃ honti.

¹ S. kilantassa.

² S. nipatante pupphareṇumhi.

³ S. omits Bhamara-.

Ath' assa etad ahosi: Ajja mayhaṇ jeṭṭhabhātikassa Dhammasenāpatittherassa santikaṇ gantvā dhammaratiyā vītina-messāmi ti. Gacchanto pana ekako va agantvā mayhaṇ piyasahāyaṇ Mahā-Kassapatheraṇ gahetvā gamissāmi ti nisinnatṭhānato vuṭṭhāya cammakhaṇḍaṇ papphotetvā yen' āyasmā Mahā-Kassapo ten' upasaṅkami.

12. [212¹¹] *Evam āvuso ti kho āyasmā Mahā-Kassapo ti* thero pi yasmā piyadhammasavano va ariyasāvako, tasmā tassa vacanaṇ sutvā, gaccha āvuso tvaṇ, mayhaṇ sīsaṇ vā rujati, piṭṭhī vā ti kañci lesāpadesaṇ akatvā tuṭṭhahadayo va *evam āvuso* ti ādim āha. Paṭissutvā ca nisinnatṭhānato vuṭṭhāya cammakhaṇḍaṇ papphotetvā Mahā-Moggallānaṇ anubandhi. Tasmiṇ samaye dve mahātherā paṭipāṭiyā tṭhitāni dve candamaṇḍalāni viya, dve suriyamaṇḍalāni viya, dve chaddantanāgarājāno viya, dve sīhā viya, dve byagghā viya ca virocīṇsu.

13. [212¹³] Anuruddhatthero pi tasmiṇ samaye divātṭhāne nisinno dve mahāthere Sāriputtattherassa santikaṇ gacchante disvā pacchimalokadhātuṇ olokento suriyaṇ vanantaṇ pavisaṇtaṇ viya, pācīnalokadhātuṇ olokento candaṇ vanantato uggacchantaṇ viya sālavanaṇ olokento sabbaphāliphullaṇ sālavanaṇ ca disvā, ajja uposathadivaso, ime ca me jeṭṭhabhātikā Dhammasenāpatissa santikaṇ gacchanti, mahantena dhammasavanena bhavitabbaṇ, ahaṇ ca¹ dhammasavanassa bhāgī bhavissāmi ti nisinnatṭhānato vuṭṭhāya cammakhaṇḍaṇ papphotetvā mahātherānaṇ padānupadiko hutvā nikkhami. Tena vuttaṇ: *Atha kho āyasmā ca Mahā-Moggallāno, āyasmā ca Mahā-Kassapo, āyasmā ca Anuruddho* ti.

14. [212¹⁴] *Yen' āyasmā Sāriputto ten' upasaṅkamiṇsū* ti paṭipāṭiyā tṭhitā tayo candā viya, suriyā viya, sīhā viya ca virocāmānā upasaṅkamiṇsu. Evaṇ upasaṅkamante pana te mahāthere āyasmā Ānando attano divātṭhāne nisinno yeva disvā, ajja mahantaṇ dhammasavanaṇ bhavissati, mayā pi tassa bhāginā bhavitabbaṇ, na kho pana ekako va gamissāmi, mayhaṇ piyasahāyaṇ Revatattheraṇ gahetvā gamissāmi ti sabbaṇ Mahā-Moggallānassa Mahā-Kassapūpasaṅkamane

vuttanayen' eva vitthārato veditabbaṇ. Iti te pi¹ dve janā paṭipāṭiyā ṭhitā dve candā viya, suriyā viya, sīhā viya ca virocamaṇā upasaṅkaminṇsu. Tena vuttaṇ: *Addasā kho āyasmā Ānando*² ti ādi.

15. [212²⁸] *Disvāna āyasmantaṇ Ānandaṇ etad avocā* ti durato va disvā anukkamena kathā-upacāraṇ sampattaṇ etaṇ, *etu kho āyasmā* ti ādi-vacanaṇ avoca. *Ramaṇīyaṇ, āvuso* ti ettha duvidhaṇ rāmaṇeyyaṇ: vanarāmaṇeyyaṇ ca puggalarāmaṇeyyaṇ ca. Tattha vanaṇ nāma nāga-salala-sāla-campakādīhi sañchannaṇ hoti bahalacchāyaṇ puppha-phalūpaga-vividharukkhaṇ udakasampannaṇ, gāmato nissaṭṭhaṇ, idaṇ vanarāmaṇeyyaṇ nāma, yaṇ sandhāya vuttaṇ:

“Ramaṇīyāni araṇṇāni yattha na ramatī jano
vitarāgā ramissanti na te kāmagavesino” ti (Dh. 99).

16. Vanaṇ pana sace pi ujaṅgalaṇ hoti nirudakaṇ viralacchāyaṇ kaṇṭakasamākiṇṇaṇ,³ Buddhādayo c' ettha ariyā viharanti, idaṇ puggalarāmaṇeyyaṇ nāma, yaṇ sandhāya vuttaṇ:

“Gāme vā yadi vā 'raṇṇe ninne vā yadi vā thale
yattha arahanto viharanti taṇ bhūmiṇ rāmaṇeyyaṇ” ti
(Dh. 98).

17. Idha pana duvidham pi labbhati. Tadā hi Gosīṅga-sālavanaṇ sabbaphāliphullaṇ hoti kusumagandhasugandhaṇ, sadevake c' ettha loke aggapuggalo Sammāsambuddho tiṇ-sasahassamattehi abhiññātābhikkhuhi saddhiṇ viharati. Taṇ sandhāya vuttaṇ: *Ramaṇīyaṇ, āvuso Ānanda, Gosīṅgasāla-vanaṇ* ti.

18. [212³²] *Dosinā* ti dosāpagatā. Abbhaṇ, mahikā, dhūmo, rajo, Rāhū ti imehi upakkilesehi virahitā ti vuttaṇ hoti. *Sabbaphāliphullā* ti sabbattha phāliphullā; mūlato paṭṭhāya yāva aggā apupphitaṇ ṭhānaṇ nāma n' atthi. *Dibbā maṇṇe gandhā sampavanti* ti dibbā mandāravapuppha-koviḷāra-pāricchattaka-candanacuṇṇagandhā viya samantato pavāyanti. Sakka-Suyāma-Santusita-Sunimmita⁴-Paranimmita-Mahābrahmānaṇ otiṇṇaṭṭhānaṇ viya vāyanti ti vuttaṇ hoti.

¹ B. S. omī.

² B. S. Sāriputto.

³ B. S. °samokiṇṇaṇ.

⁴ B. S. -Nimmāṇarati-.

19. [212³³] *Kathaṅrūpena, āvuso, Ānandā* ti, Ānandatthero tesañ pañcannaṅ therānaṅ saṅghanavako; kasmā therō taṅ yeva paṭhamañ pucchatī ti? Mamāyitattā. Te hi dve pi¹ therā aññamaññaṅ mamāyiṃsu. Sāriputtatthero, mayā kat-tabbaṅ Satthu upaṭṭhānaṅ karotī ti Ānandattheraṅ mamāyi. Ānandatthero, Bhagavato sāvakānaṅ aggo ti Sāriputtattheraṅ mamāyi; kuladārake pabbājetvā Sāriputtattherassa santike upajjhaṅ gaṇhāpesi. Sāriputtatthero pi tath'eva akāsi. Evaṅ ekanekena attano pattacīvaraṅ datvā pabbājetvā upajjhaṅ gaṇhāpitāni pañca bhikkhusatāni ahesuṅ. Āyasmā Ānando paṇitāni cīvarādini² labhivā therassa'eva deti.

20. Eko kira brāhmaṇo cintesi: Buddharatanassa ca Saṅgharatanassa ca pūjā paññāyati, kathaṅ nu kho Dhammaratanāṅ pūjitaṅ nāma hotī ti? So Bhagavantaṅ upasaṅkamitvā etam atthaṅ pucchi. Bhagavā āha: Sace 'si,³ brāhmaṇa Dhammaratanaṅ pūjetukāmo, ekaṅ bahussutaṅ pūjehī ti. 'Bahussutaṅ, bhante, ācikkhathā' ti. 'Bhikkhusaṅghaṅ pucchā' ti. So bhikkhū upasaṅkamitvā, bahussutaṅ, bhante, ācikkhathā ti āha. 'Ānandatthero, brāhmaṇā' ti. Brāhmaṇo therāṅ saḥassagghanikena cīvarena⁴ pūjesi. Thero taṅ gahetvā Bhagavato santikaṅ agamāsi. Bhagavā, kuto, Ānanda, laddhan ti āha. 'Ekena, bhante, brāhmaṇena dinnaṅ; idaṅ panāhaṅ āyasmato Sāriputtassa dātukāmo' ti. 'Dehi, Ānandā' ti. 'Cārikaṅ pakkanto, bhante' ti. 'Āgata-kāle dehi' ti. 'Sikkhāpadaṅ, bhante, paññattan' ti. 'Kadā pana Sāriputto āgamissati' ti. 'Dasāhamattena, bhante' ti. "Anujānāmi, Ānanda, dasāhaparamaṅ atirekacīvaraṅ nikkipitun" ti (Vin. iii. 196) sikkhāpadaṅ paññāpesi. Sāriputtatthero pi tath'eva yaṅ kiñci manāpaṅ labhati, taṅ Ānandattherassa deti. Evaṅ te therā aññamaññaṅ mamāyiṃsu. Iti mamāyitattā paṭhamañ pucchi.

21. Api ca anumatipucchā nām' esā khuddakato paṭṭhāya pucchitabbā hoti. Tasmā therō cintesi: Ahaṅ paṭhamañ Ānandaṅ pucchissāmi. Ānando attano paṭibhānaṅ byākarissati. Tato Revataṅ, Anuruddhaṅ, Mahā-Kassapaṅ,

¹ B. S. omīti.² B. adds pi.³ B. pi.⁴ S. ticīvarena.

Mahā-Moggallānaṃ pucchissāmi. Mahā-Moggallāno attano paṭibhānaṃ byākarissati. Tato pañca pi therā maṃ pucchissanti. Aham pi attano paṭibhānaṃ byākarissāmi. Ettāvatā pi ayaṃ dhammadesanā sikhāppattā vepullappattā na bhavissati. Atha mayaṃ sabbe pi Dasabalaṃ upasaṅkamitvā pucchissāma. Satthā sabbaññutañānena byākarissati. Ettāvatā ayaṃ dhammadesanā sikhāppattā vepullappattā bhavissati. Yathā hi janapade uppanno aṭṭo¹ gāmahojakaṃ pāpuṇāti. Tasmiṃ nicchetuṃ asakkonte janapadabhojakaṃ; tasmiṃ asakkonte mahāvinicchaya-amaccaṃ; tasmiṃ asakkonte senāpatiṃ; tasmiṃ asakkonte uparājaṃ; tasmiṃ vinicchituṃ asakkonte rājānaṃ pāpuṇāti. Raññā vinicchitakālate paṭṭhāya aṭṭo aparāparaṃ na sañcarati; rājavacanena eva chijjati. Evam eva ahaṃ paṭhamaṃ Ānandaṃ pucchissāmi—pe—Atha mayaṃ sabbe pi Dasabalaṃ upasaṅkamitvā pucchissāma. Satthā sabbaññutañānena byākarissati. Ettāvatā ayaṃ dhammadesanā sikhāppattā vepullappattā bhavissati ti evaṃ anumatipucchaṃ pucchanto therō paṭhamaṃ Ānandattheraṃ pucchi.

22. [213¹] *Bahussuto hoti* ti bahu assa sutāṃ hoti. Navaṅgaṃ Satthusāsanaṃ pāli-anusandhi-pubbāparavāsena uggahitaṃ hoti ti attho. *Sutadharo* ti sutassa ādhārabhūto. Yassa hi ito gahitaṃ, ito palāyati, chiddaghaṭe udakaṃ viya na tiṭṭhati, parisamajjhe ekaṃ suttaṃ vā jātakaṃ vā kathetuṃ vā vācetuṃ vā na sakkoti, ayaṃ na sutadharo nāma. Yassa pana uggahitaṃ Buddhavacanaṃ uggahitakālasadisam eva hoti, dasa pi vīsatiṃ pi vassāni sajjhāyaṃ akarontassa na nassati, ayaṃ sutadharo nāma. *Sutasannicayo* ti sutassa sannicayabhūto. Yassa hi sutāṃ hadayamañjūsāya sannicitaṃ² silāya lekhā viya, suvaṇṇaghaṭe pakkhitta-sīhavasā viya ca tiṭṭhati, ayaṃ sutasannicayo nāma.

23. [213⁴] *Dhatā* ti ṭhitā³ paṇṇā. Ekaccassa hi uggahita-Buddhavacanaṃ dhataṃ paṇṇaṃ niccalitaṃ⁴ na hoti, asukasuttaṃ vā jātakaṃ vā kathehi ti vutte sajjhāyitvā saṃsandetvā samanugāhitvā jānissāmi ti vadati. Ekaccassa dhataṃ pa-

¹ B. S. janapadamhi aṭṭe uppanne.

² B. S. *cdd* viya.

³ C. dhatā.

⁴ C. niccalikaṃ.

guṇaṇ bhavaṅgasotasadisāṇ hoti, asuka-suttaṇ vā jātaṇ vā kathēhi ti vutte, uddharitvā tam eva katheti. Taṇ sandhāya vuttaṇ: Dhatā ti. *Vacasā paricīṭā* ti suddadasaka-vagga-dasaka-pannāsadasaka¹-vasena vācāya sajjhāyitā. *Manasā 'nupekkhitā* ti cittaṇa anupekkhitā. Yassa vācāya sajjhāyitaṇ Buddhavacanaṇ manasā cintentassa tattha tattha pākaṇ hoti, mahādīpaṇ jāletvā t̥hitassa rūpagataṇ viya paññāyati, taṇ sandhāy' etaṇ vuttaṇ. *Diṭṭhiyā suppaṭṭividdhā* ti atthato ca kārānato ca paññāya suppaṭṭividdhā.

24. [213⁶] *Parimaṇḍalehi padabyañjanehi* ti ettha padam eva atthassa byañjanato padabyañjanaṇ. Taṇ akkharapāripūriṇ katvā dasavidha-byañjanabuddhiyo² aparihāpetvā vuttaṇ parimaṇḍalaṇ nāma hoti. Evarūpehi padabyañjanehi ti attho. Api ca yo bhikkhu parisatiṇ³ dhammaṇ desento suttaṇ vā jātaṇ vā nikkhipitvā aññaṇ upārambhakaraṇ suttaṇ āharati, tassa upamaṇ katheti, vatthuṇ⁴ otāreti, evaṇ idaṇ gahetvā ettha khipanto ekapassen' eva pariharanto kālaṇ ñatvā vuṭṭhahati; nikkhittaṇ suttaṇ pana nikkhittamattam eva hoti; tassa kathā aparimaṇḍalā nāma hoti. Yo pana suttaṇ vā jātaṇ vā nikkhipitvā bahi ekapadam pi agantvā pāliyaṇ anusandhiṇ ca pubbāparaṇ ca amakkhento ācariyehe dinnanaye t̥hatvā, tūlikāya paricchindanto viya, gambhīramātikāya udakaṇ pesento viya, padaṇ koṭṭento sindhavājāniyo viya gacchati, tassa kathā parimaṇḍalā nāma hoti. Evarūpiṇ kathaṇ sandhāya, *parimaṇḍalehi padabyañjanehi* ti vuttaṇ.

25. [213⁷] *Appabaddhehi*⁵ ti ettha, yo bhikkhu dhammaṇ kathento suttaṇ vā jātaṇ vā ārabhitvā, āraddhakālato paṭṭhāya turitaturito, araṇiṇ manthento viya, uṇhakhādaniyaṇ khādanto viya, pāliyaṇ anusandhi-pubbāparesu gahitaṇ gahitam eva, agahitaṇ agahitam eva ca katvā purāṇapaṇṇan-taresu caramānaṇ godhaṇ uṭṭhapento viya tattha tattha paharanto osāpetvā⁶ uṭṭhāya⁷ gacchati; yo pi dhammaṇ

¹ B. S. °dasakānaṇ.

³ B. S. parisati.

⁵ B. S. Anuppabandhehi.

⁷ B. ohāya.

² S. °vuḍḍhiyo.

⁴ B. S. tadatthaṇ.

⁶ B. S. osāpento.

kathento kālena sīghaṇ kālena mandaṇ, kālena mahāsaddaṇ, kālena khuddakasaddaṇ karoti, yathā petaggi kālena jalati, kālena nibbāyati, evaṇ petadhammakathiko nāma hoti, parisāya utthātukāmāya punappunaṇ ārabhati; yo pi kathento tattha tattha vitthāyati, nitthananto¹ viya, kandaṇto viya katheti; imesaṇ sabbesam pi kathā pabaddhā² nāma hoti. Yo pana suttaṇ ārabhitvā ācariyehi dinnanaye tthitc avicchinnadhāraṇ katvā nadīsotaṇ viya pavatteti, ākāsa-Gaṅgato bhassamānaṇ udakaṇ viya nirantarakathaṇ pavatteti, tassa kathā appabaddhā³ hoti. Taṇ sandhāya vuttaṇ appabad-dhehi ti.

26. [213⁷] *Anusayasamugghātāyā* ti sattannaṇ anusayānaṇ samugghātattāyā. *Evarūpenā* ti evarūpena bahussutena bhikkhuna. 'Tathārūpen' eva bhikkhusatena bhikkhusahas-sena vā, saṅghātikaṇṇena vā saṅghātikaṇṇaṇ, pallaṅkena vā pallaṅkaṇ āhacca nisinnena Gosiṅgasālavanaṇ sobheyya. Iminā nayena sabbavāresu attho veditabbo.

27. [213¹⁶] *Paṭisallānaṇ* assa ārāmo ti *paṭisallānārāmo*. *Paṭisallāne* rato ti *paṭisallānarato*. *Sahassaṇ lokānaṇ* ti sa-hassaṇ lokadhātūnaṇ. Ettakaṇ hi therassa dhuvāsevanaṇ āvajjanapaṭibaddhaṇ. Ākaṅkhamāno pana thero anekāni pi cakkavālasatasahasāni oloketi yeva. *Upaṇipāsāda-varagato* ti sattabhūmaksasa vā navabhūmakassa vā pāsā-davarassa upari gato. *Sahassaṇ nemimaṇḍalānaṇ olokeyyā* ti pāsādapariveṇe nābhiyā patitthitānaṇ nemivaṭṭhiyā nemivaṭṭhiṇ āhacca tthitānaṇ nemimaṇḍalānaṇ sahassaṇ, vātapānaṇ vivaritvā olokeyya. Tassa nābhiyo pi pākātā honti, arā pi arantarāni pi nemiyo pi. Evam eva kho, āvuso ti evaṇ ayam pi dibbacakkhuko bhikkhu dibbena cakkhuna atik-kantamānusakena sahassaṇ lokānaṇ oloketi. Tassa, pāsāde tthitapurisassa cakkanābhiyo viya, cakkavālasahas⁴ Sineru-sahassaṇ pākataṇ hoti; arā viya dīpā pākātā honti; arantarāni viya dīpaṭṭhakamanussā pākātā honti; nemiyo viya cakka-vālapabbatā pākātā honti.

28. [214²] *Ārañṇako* ti samādiṇṇa-ārañṇakadhutaṅgo.

¹ B. S. nitthunanto.

² B. S. appabandhā.

³ B. S. anuppabandhā.

⁴ S. °sahasseehi.

Sesapadesu pi es' eva nayo. *No ca saṃsādentī* ti na osādentī. Sahetukaṇ hi sakāraṇaṇ katvā pañhaṇ pucchitum pi vissaj-jetum pi asakkonto saṃsādeti nāma. Evaṇ na karontī¹ ti attho. *Pavattanī hotī* ti nadisota-udakaṇ viya pavattati. *Yāya vihārasamāpattiya* ti yāya lokiyāya vā lokuttarāya vā vihārasamāpattiya.

29. [216¹⁶] *Sādhū sādhu*, *Sāriputtā* ti ayaṇ sādhu-kāro Ānandattherassa dinno. Sāriputtattherena pana saddhiṇ Bhagavā ālapati. Esa nayo sabbattha. *Yathā taṇ Ānando vā* ti yathā² ca sammā byākaramāno byākareyya, evaṇ byā-kataṇ Ānandena. Attano anucchavikam eva, ajjhāsayaṇurū-pam eva byākatan ti attho. Thero³ hi attanā pi bahussuto; ajjhāsayo pi 'ssa evaṇ tthito⁴: Aho vata sāsane sabrahmacārī bahussutā bhaveyyun ti.

30. Kasmā? Bahussutassa hi kappiyākappiyaṇ, sāvaj-jānavajjaṇ, garukalahukaṇ, satekiccha-atekicchaṇ pākaṭaṇ hoti. Bahussuto ca uggahita-Buddhavacanaṇ āvajjitvā, imasmiṇ tthāne sīlaṇ kathitaṇ, imasmiṇ samādhi, imasmiṇ vipassanā, imasmiṇ magga-phala-nibbānāni ti sīlassa āgataṭ-thāne sīlaṇ pūretvā, samādhissa tthāne⁵ samādhiṇ pūretvā, vipassanāṭṭhāne vipassanaṇ gabbhaṇ gaṇhāpetvā maggaṇ bhāvetvā phalaṇ sacchikaroti. Tasmā therassa evaṇ ajjhā-sayo hoti: Aho vata⁶ sabrahmacārī ekaṇ vā dve vā tayo vā cattāro vā pañca va nikāye uggahetvā āvajjantā sīlādīnaṇ āgataṭṭhānesu sīlādīni pūrentā⁷ anukkamena magga-phala-nibbānāni sacchikareyyun ti. Sesavāresu pi es' eva nayo.

31. Āyasmā hi Revato jhānajjhāsayo jhānābhīrato. Tassa⁸ evaṇ hoti: Aho vata sabrahmacārī ekakā⁹ nisīditvā kaṣiṇa-parikammaṇ katvā aṭṭha samāpattiyo nibbattetvā jhānapa-daṭṭhānaṇ vipassanaṇ vadḍhetvā lokuttaradhammaṇ sac-chikareyyun ti. Tasmā evaṇ byākāsi.

¹ S. kathentī.

² B. S. *add* Ānando; B. *va for* ca.

³ B. S. Ānandatthero.

⁴ B. hoti.

⁵ B. S. āgataṭṭhāne.

⁶ S. *adds* me.

⁷ B. S. paripūretvā.

⁸ B. Tasmā 'ssa; S. Tasmā tassa.

⁹ B. S. ekikā.

32. Āyasmā Anuruddho dibbacakkhuko. Tassa evaṇ hoti: Aho vata sabrahmacārī ālokaṇ vaḍḍhetvā dibbena cakkhunā anekesu cakkavālasahassesu cavamāne ca uppajjamāne ca satte disvā vaṭṭabhayena cittaṇ saṇvejētvā vipassanaṇ vaḍḍhetvā lokuttaradhammaṇ sacchikareyyun ti. Tasmā evaṇ byākāsi.

33. Āyasmā Mahā-Kassapo dhutavādo. Tassa evaṇ hoti: Aho vata sabrahmacārī dhutavādā hutvā dhutaṅgānubhāvena paccayataṇhaṇ¹ milāpetvā apare pi nānappakāre kilese dhunitvā vipassanaṇ vaḍḍhetvā lokuttaradhammaṇ sacchikareyyun ti. Tasmā evaṇ byākāsi.

34. Āyasmā Mahā-Moggallāno samādhīpāramiyā² matthakaṇ patto. Sukhumaṇ pana cittantaṇaṇ khandhantaṇaṇ dhātantaṇaṇ āyatanantaṇaṇ, jhānakkantaṇaṇ, ārammaṇokkantaṇaṇ, aṅgavavatthānaṇ, ārammaṇavavatthānaṇ, aṅgasaṅkanti,³ ārammaṇasaṅkanti,³ ekatovaḍḍhanaṇ, ubhatovaḍḍhanaṇ ti Abhidhammikadhammakathikass' eva pākaṇaṇ. Ana-bhidhammiko hi dhammaṇ kathento, ayaṇ sakavādo, ayaṇ paravādo ti na jānāti; sakavādaṇ dīpessāmī ti paravādaṇ dīpeti; paravādaṇ dīpessāmī ti sakavādaṇ dīpeti; dhammantaraṇ visaṇvādeti. Abhidhammiko sakavādaṇ sakavādaniyāmen' eva, paravādaṇ paravādaniyāmen' eva dīpeti; dhammantaraṇ na visaṇvādeti. Tasmā therassa evaṇ hoti: Aho vata sabrahmacārī Abhidhammikā hutvā sukhumesu ṭhānesu ṇānaṇ otāretvā vipassanaṇ vaḍḍhetvā lokuttaradhammaṇ sacchikareyyun ti. Tasmā evaṇ byākāsi.

35. Āyasmā Sāriputto paññāpāramiyā matthakaṇ patto. Paññāvā yeva ca cittaṇ attano vase vattetuṇ sakkoti, na duppañño. Duppañño hi uppānuppānassa cittaṇaṇ vase vatitvā⁴ ito c' ito ca vipphanditvā pi katipāhen' eva gihibhāvaṇ patvā anayabyasanaṇ pāpunāti. Tasmā therassa evaṇ hoti: Aho vata sabrahmacārī acittavasikā hutvā cittaṇ attano vase vattetvā⁵ sabbān' assa visevita-visūkāyita-vipphanditāni bhañjitvā isakam pi bahi nikkhamituṇ adentā vipassanaṇ

¹ B. S. sappaccaya°.

² B. S. °pāripūriyā.

³ C. S. °saṅkantaṇ.

⁴ S. vattetvā.

⁵ B. ṭhapetvā.

vaddhetvā lokuttaradhammaṃ sacchikareyyun ti. Tasmā evaṃ byākāsi.

36. [219²⁸] *Sabbesaṃ vo, Sāriputtā, subhāsitaṃ pariyāyena* ti, Sāriputtā, yasmā saṅghārāmaṣṣa nāma bahussutabhikkhūhi pi sobhanakāraṇaṃ atthi, jhānābhiratehi pi, dibbacakkhukehi pi, dhutavādehi pi, Abhidhammikehi pi, acittavasikehi pi sobhanakāraṇaṃ atthi, tasmā sabbesaṃ vo subhāsitaṃ pariyāyena, tena¹ tena kāraṇena subhāsitaṃ eva, no dubbhāsitaṃ. *Api ca mamāpi suṇāthā* ti api ca mamāpi vacanaṃ suṇātha. *Na tāvāhaṃ imaṃ pallaṅkaṃ bhindissāmī* ti na tāva ahaṃ imaṃ caturaṅgaviriyaṃ adhiṭṭhāya ābhūñjitapallaṅkaṃ bhindissāmī. Na mocessāmī ti attho.

37. Idaṃ kira Bhagavā paripākagate ñāṇe² rajjasiriṃ paḥāya katābhinikkhamano anupubbena Bodhimaṇḍaṃ āruyha caturaṅgaviriyaṃ adhiṭṭhāya yaṃ aparājitaṃ pallaṅkaṃ ābhūjitvā daḥhasamādāno hutvā nisinno tiṇṇaṃ mārānaṃ matthakaṃ bhinditvā paccūsasamaye dasasahassalokadhātunā unnādentā sabbaññutañānaṃ paṭivijjhi, taṃ attano Mahābodhipallaṅkaṃ sandhāya evaṃ āha.

38. [219²⁸] *Api ca pacchimaṃ janataṃ anukampamāno* pi paṭipattisāraṃ puthujjanakalyāṇakaṃ dassento evam āha. Passati hi Bhagavā anāgate evaṃ-ajjhāsayaṃ kulaputtā iti paṭisañcikkhissanti: Bhagavā Mahā-Gosīṅgasuttaṃ kathento, *idha, Sāriputta, bhikkhu pacchābhattaṃ—pe—evarūpena kho, Sāriputta, bhikkhunā Gosīṅgasālavanaṃ sobheyyā* ti āha; mayaṃ Bhagavato ajjhāsayaṃ gaṇhissāmā ti pacchābhattaṃ piṇḍapāṭapaṭikkantā caturaṅgaviriyaṃ adhiṭṭhāya daḥhasamādānā hutvā arahattaṃ appatvā imaṃ pallaṅkaṃ na bhindissāmā ti samaṇadhammaṃ kātappaṃ maññissanti; te evaṃ paṭipannā katipāhen' eva jātijaṃ mārānaṃ antaṃ karissanti ti. Imaṃ³ pacchimaṃ janataṃ anukampamāno paṭipattisāraṃ puthujjanakalyāṇakaṃ dassento evam āha.

39. [219³²] *Evarūpena kho, Sāriputta, bhikkhunā Gosīṅgasālavanaṃ sobheyyā* ti, Sāriputta, evarūpena bhikkhunā nippariyāyen' eva Gosīṅgasālavanaṃ sobheyyā ti yathānu-sandhinā va desanaṃ niṭṭhāpesi ti.

Mahā-Gosīṅgasuttaṃ dutiyaṃ.

¹ S. omits.

² B. S. °gatena ñāṇena.

³ C. Iti.

33.

[Mahā-Gopālakasuttavaṇṇanā]

1. [220¹] *Evam me sutaṃ* ti Mahā-Gopālakasuttaṃ.¹ Tattha tisso kathā: ekanālikā, caturassā, nisinnavattikā ti. Tattha pāliṃ vatvā ekekapadassa atthakathanāṃ ekanālikā nāma. Apaṇḍitagopālakaṃ dassetvā apaṇḍitabhikkhuṃ dassetvā, paṇḍitagopālakaṃ dassetvā, paṇḍitabhikkhuṃ dassetvā ti cattukkaṃ bandhitvā kathanāṃ caturassā nāma. Apaṇḍitagopālakaṃ dassetvā pariyosānagamanaṃ, apaṇḍitabhikkhuṃ dassetvā pariyosānagamanaṃ, paṇḍitagopālakaṃ dassetvā pariyosānagamanaṃ, paṇḍitabhikkhuṃ dassetvā pariyosānagamanaṃ ti ayaṃ nisinnavattikā nāma. Ayaṃ idha sabbācariyānaṃ āciṇṇā.

2. [220⁵] *Ekādasahi, bhikkhave, añgehī* ti ekādasahi agga-kotṭhāsehi. *Gogaṇaṃ* ti gomaṇḍalaṃ. *Pariharitun* ti gahetvā vicaritun. *Phātikātun* ti vaḍḍhiṃ āpādetun.

3. [220⁷] *Idhā* ti imasmiṃ loke. *Na rupaññū hotī* ti gaṇanato vā vaṇṇato vā rūpaṃ na jānāti. Gaṇanato na jānāti nāma attano gunnaṃ sataṃ vā sahaṣsaṃ vā ti saṅkhaṃ na jānāti. So, gāvīsu haṭṭasu vā palātāsu vā gogaṇaṃ gaṇetvā, ajja ettikā na dissanti ti dve tiṇi gāmantarāni vā aṭṭaviṇ vā vicaranto na pariyesati; aññesaṃ gāvīsu attano gogaṇaṃ pavitṭhāsu pi gogaṇaṃ gaṇetvā, imā ettikā gāvo na amhākaṃ ti yaṭṭhiyā pothetvā na niharati. Tassa naṭṭhā gāviyo naṭṭhā va honti. Paragāviyo gahetvā vicarantaṃ gosāmikā disvā, ayaṃ ettaṃ kālāṃ amhākaṃ dhenun duhī ti tajjetvā attano gāviyo gahetvā gacchanti. Tassa gogaṇo pi parihāyati; pañcagorasaparibhogato pi paribāhiro hoti. Vaṇṇato na jānāti nāma, ettikā² gāvo setā, ettikā rattā, ettikā kālā, ettikā pāṭalā³ ti na jānāti. So, gāvīsu haṭṭasu vā, palātāsu vā—pe—pañcagorasaparibhogato pi paribāhiro hoti.

4. [220⁷] *Na lukkhanakusalo* ti gāvīnaṃ sarīre kataṃ dhanu-satti-tisūlādibuedalakkhaṇaṃ na jānāti. So, gāvīsu haṭṭasu vā, palātāsu vā, ajja asukalakkhaṇā ca asukalakkhaṇā ca

¹ B. S. -Gopālasuttaṃ.² B. S. ettakā (so always).³ B. S. kaṭṭarā, and add ettakā nilā.

gāvo na dissantī ti—pe—pañcagorasaparibhogato pi paribāhiro hoti.

5. [220⁸] *Na āsāṭikaṃ sāṭetā* ti gunnaṃ khāṇukaṇṭakādihi pahaṭṭhānesu vaṇo hoti; tattha nīlamakkhikā aṇḍāni ṭhapenti; tesaṃ āsāṭikā ti nāmaṃ. Tāni daṇḍakena apanetvā bhesajjaṃ dātabbaṃ hoti. Bālagopālako tathā na karoti. Tena vuttaṃ: *Nu āsāṭikaṃ sāṭetā hoti* ti. Tassa gunnaṃ vaṇā vadḍhanti, gambhīrā honti, pāṇakā kucchiṃ pavisanti. Gāvo gelaññābhībhūtā n' eva yāvadatthaṃ tiṇāni khādituṃ, na pāṇiyaṃ pātuṃ sakḍanti. Tathā gunnaṃ khīraṃ chijjati. Goṇānaṃ javo hāyati. Ubhayesaṃ jīvitantarāyo pi hoti. Evam assa gogaṇo pi parihāyati; pañcagorasato pi paribāhiro hoti.

6. [220⁸] *Na vaṇaṃ paṭicchādetā hoti* ti gunnaṃ vuttanayen' eva sañjāto vaṇo bhesajjaṃ datvā vākena vā cirena vā bandhitvā paṭicchādetabbo hoti. Bālo gopālako tatth' eva¹ na karoti. Avassaṃ² gunnaṃ vaṇehi yūsā paggharanti. Tā aññamaññaṃ nighaṇsenti. Tena aññesam pi vaṇā jāyanti. Evaṃ gāvo gelaññābhībhūtā n' eva yāvadatthaṃ tiṇāni khādituṃ—pe—paribāhiro hoti.

7. [220⁹] *Nu dhūmaṃ kuttā hoti* ti antovasse daṇṣa-maka-sādinaṃ uppannakāle³ gogaṇe vajaṃ pavitṭhe tattha tattha dhūmo katabbo hoti. Apaṇḍito gopālako taṃ na karoti. Gogaṇo sabbarattiṃ daṇṣādihi upadduto niddaṃ alabhitvā puna divase araṇṇe tattha tattha rukkhamūlādisu nipajjitvā niddāyati; n' eva yāvadatthaṃ tiṇāni khādituṃ—pe—paribāhiro hoti.

8. [220⁹] *Na titthaṃ jānāti* ti titthaṃ samaṃ ti vā visamaṃ ti vā sagāhaṃ ti vā niggāhaṃ ti vā na jānāti. So atitthena gāviyo otāreti. Tāsaṃ visamatitthe pāsāṇādini akkaman-tīnaṃ pādā bhijjanti. Sagāhaṃ gambhīraṃ titthaṃ otiṇṇā kumbhilādayo gāhā gaṇhanti; ajja ettikā gāvo natṭhā, ajja ettikā ti vattabbataṃ āpajjanti.⁴ Evam assa gogaṇo pi parihāyati; pañcagorasato pi paribāhiro hoti.

9. [220⁹] *Na pītaṃ jānāti* ti gopālakena hi imāya gāviyā pītaṃ, imāya na pītaṃ, imāya pāṇiyatitthe okāso laddho, imāya

¹ B. S. tathā na.

² B. S. Ath' assa.

³ B. S. ussanna°.

⁴ B. S. āpajjati.

na laddho ti evaṇ pītaṇ jānitabbaṇ hoti. Ayaṇ pana divasa-bhāgaṇ araṇṇe gogaṇaṇ rakkhitvā pāṇiyaṇ pāyessāmī ti naḍiṇ vā taḷākaṇ vā gahetvā gacchati. Tattha mahā-usabha ca balavagāviyo ca dubbalāni c' eva mahallakāni ca gorūpāni siṅgehi vā phāsukāhi vā paharitvā attano okāsaṇ katvā urupamānaṇ udakaṇ pavisitvā yathākāmaṇ pivanti. Avasesā okāsaṇ alabhamānā tīre tthatvā kalalamissakaṇ udakaṇ pivanti vā, apītā eva vā honti. Atha so gopālako piṭṭhiyaṇ paharitvā puna araṇṇaṇ paveseti. Tattha apītagāviyo pipāsāya sukkhamānā yāvadatthaṇ tiṇāni khādituṇ na sakkonti. Tattha gunnaṇ khīraṇ chijjati. Gogaṇanaṇ¹ javo hāyati—pe—paribāhiro hoti.

10. [220¹⁰] *Na vūthiṇ jānāti* ti ayaṇ maggo samo khemo,² ayaṇ visamə sāsāṅko sappatibhaya ti na jānāti. So samaṇ khemaṇ maggaṇ vajjetvā gogaṇaṇ itaraṇ maggaṇ paṭipādeti. Tattha gāvo siḥabyagghādinaṇ gandhena, coraparissayena vā abhibhūtā bhantamigasappatibhāgā gīvaṇ ukkhipitvā tiṭṭhanti; n' eva yāvadatthaṇ tiṇāni khādanti, na pāṇiyaṇ pivanti. Tattha gunnaṇ khīraṇ chijjati—pe—paribāhiro hoti.

11. [220¹⁰] *Na gocarakusalo hoti* ti gopālakena hi gocarakusaleṇa bhavitabbaṇ; pañcāhikavāro vā sattāhikavāro vā jānitabbo; ekadisāya gogaṇaṇ cāretvā puna divase tattha na cāretabbo. Mahatā hi gogaṇena cinnatṭhānaṇ bheritalaṇ viya suddhaṇ hoti, nittiṇaṇ; udakam pi āluḷiyati. Tasmā pañcame vā sattame vā divase puna tattha cāretuṇ vaṭṭati. Ettakena hi tiṇam pi paṭivirūhati, udakam pi pasidati. Ayaṇ pana imaṇ pañcāhikavāraṇ vā sattāhikavāraṇ vā na jānāti; divase divase rakkhitatṭhāne yeva rakkhati. Ath' assa gogaṇo haritatiṇaṇ na labhati; sukkhatiṇaṇ khādento kalalamissakaṇ udakaṇ pivati. Tattha gunnaṇ khīraṇ chijjati—pe—paribāhiro hoti.

12. [220¹⁰] *Anavasesadohī ca hoti* ti paṇḍitagopālakena yāva vacchakassa maṇsalohitaṇ saṇṭhāti tāva ekaṇ dve thane tḥa—petvā sāvasesadohinā bhavitabbaṇ. Ayaṇ vacchakassa kiñci asesetvā duhati. Khīrapako vaccho khīrapipāsāya sukkhati;

¹ C. Gogaṇaṇ.

² C. omits.

saṅṭhātuṇ asakkonto kampamāno mātu purato patitvā kālaṇ karoti. Mātā puttakaṇ disvā, mayhaṇ puttako attano mātu pī khīraṇ pātuṇ na labhati ti puttasokena na yāvadatthaṇ tiṇāni khādituṇ, na pāṇiyaṇ pātuṇ sakkoti; thanesu khīraṇ chijjati. Evam assa gogaṇo pi parihāyati; pañcagorasato pi paribāhiro hoti.

13. [220¹¹] Gunnaṇ pitutṭhānaṇ karontī ti *gopitaro*. Gāvo parināyanti, yathāruciṇ gahetvā gacchantī ti *goparināyakā*. *Na atirekapūjāyā* ti paṇḍito hi *gopālako* evarūpe usabhe atirekapūjāya pūjeti: paṇītaṇ gobhattaṇ deti; gandhapañcaṅgulikehi maṇḍeti; mālaṇ pīlandheti; siṅgesu suvaṇṇarajatakosake ṭhapeti; rattiṇ padīpaṇ jāletvā celavitānassa heṭṭhā sayāpeti. Ayaṇ pana tato ekasakkāram pi na karoti. Usabhā atirekapūjaṇ alabhamānā gogaṇaṇ na rakkhanti, parissayaṇ na vārenti. Evam assa gogaṇo pi parihāyati; pañcagorasato pi paribāhiro hoti.

14. [220²³] *Idhā* ti imasmiṇ sāsane. *Na rūpaññū* hotī ti, “Cattāri mahābhūtāni catunnaṇ ca mahābhūtānaṇ upādāya rūpan”¹ ti (M. i. 185) evaṇ vuttarūpaṇ dvīh’ ākārehi na jānāti; gaṇanato vā samutṭhānato vā. Gaṇanato na jānāti nāma, cakkhāyatanaṇ, sota-ghāna-jivhā-kāya-rūpa-sadda-gandha-rasa-phoṭṭhabbāyatanaṇ, itthindriyaṇ, purisindriyaṇ, jīvitindriyaṇ, kāyaviññatti, vaciviññatti, ākāsadhātu, āpodhātu, rūpassa lahutā mudutā kammaññatā upacayo santati jaratā, rūpassa aniccatā, kabaḷiñkāro āhāro ti evaṇ pāliyaṇ āgatā pañcavīsati rūpakotṭhāsā ti na jānāti.

15. Seyyathā pi so *gopālako* gaṇanato gunnaṇ rūpaṇ na jānāti tathūpamo ayaṇ bhikkhu² gaṇanato rūpaṇ ajānanto rūpaṇ pariggahetvā³ arūpaṇ vavatthapetvā rūpārūpaṇ pariggahetvā paccayaṇ sallakkhetvā lakkhaṇaṇ āropetvā kammatṭhānaṇ matthakaṇ pāpetuṇ na sakkoti. So yathā tassa *gopālakassa* gogaṇo na vaḍḍhati, evaṇ imasmiṇ sāsane sīla-samādhi-vipassanā-magga-phala-nibbānehi na vaḍḍhati. Ya-

¹ B. S. *omī* catunnaṇ ca mahābhūtānaṇ upādāya rūpan.

² B. S. *add* so.

³ S. vavatthapetvā, and *omits* arūpaṇ vavatthapetvā rūpārūpaṇ.

thā ca so gopālako pañcahi gorasehi paribāhiro hoti, evaṇ asekhena sīlakkhandhena, asekhena samādhi-paññā-vimutti-vimuttiñāṇadassanakkhandhenā ti pañcahi dhammakkhandhehi paribāhiro hoti.

16. Samuṭṭhānato na jānāti nāma, ettakaṇ rūpaṇ ekasamuṭṭhānaṇ, ettakaṇ dvisamuṭṭhānaṇ, ettakaṇ tisamuṭṭhānaṇ, ettakaṇ catusamuṭṭhānaṇ, ettakaṇ na kutoci samuṭṭhātī ti na jānāti. Seyyathā pi so gopālako vaṇṇato gunnaṇ rūpaṇ na jānāti, tathūpamo ayaṇ bhikkhu samuṭṭhānato rūpaṇ ajānanto rūpaṇ pariggahetvā arūpaṇ vavatthapetvā—pe—paribāhiro hoti.

17. [220²⁷] *Na lakkhaṇakusalo hoti* ti “Kammalakkhaṇo bālo, kammalakkhaṇo paṇḍito” ti (A. i. 102) evaṇ vuttaṇ kusalākusalakammaṇ paṇḍita-bālalakkhaṇan ti na jānāti. So evaṇ ajānanto na bāle vajjetvā paṇḍite sevati; bāle vajjetvā paṇḍite asevento kappiyākappiyaṇ, kusalākusalaṇ, sāvajjānavajjaṇ, garukalahukaṇ, satekicchātekiecchaṇ, kāraṇākāraṇaṇ na jānāti. Taṇ ajānanto kammaṭṭhānaṇ gahetvā vaḍḍhetuṇ na sakkoti. So yathā tassa gopālakassa gogaṇo na vaḍḍhati, evaṇ imasmiṇ sāsane yathāvuttehi sīlādihi na vaḍḍhati; gopālako viya pañcahi gorasehi, pañcahi yathāvuttehi dhammakkhandhehi paribāhiro hoti.

18. [220³¹] *Na āsātikaṇ sātetā hoti* ti, “Uppannaṇ kāmavitakkaṇ” ti (M. i. 11) evaṇ vutte kāmavitakkādayo na vinodeti. So imaṇ akusalavitakkaṇ āsātikaṇ asāṭetvā vitakka-vasiko hutvā vicaranto kammaṭṭhānaṇ gahetvā vaḍḍhetuṇ na sakkoti. So, yathā tassa gopālakassa—pe—paribāhiro hoti.

19. [221³] *Na vaṇaṇ paṭicchādetā hoti* ti, “Cakkhunā rūpaṇ disvā nimittaggāhī hoti” ti (Vbh. 372) ādinā nayena sabbārammaṇesu nimittaṇ gaṇhanto, yathā so gopālako vaṇaṇ na paṭicchādeti, evaṇ saṇvaraṇ na sampādeti. So vivaṭa-dvāro vicaranto kammaṭṭhānaṇ gahetvā vaḍḍhetuṇ na sakkoti—pe—paribāhiro hoti.

20. [221¹⁷] *Na dhūmaṇ kattā hoti* ti so gopālako dhūmaṇ viya dhammadesanādhūmaṇ na karoti; dhammakathaṇ vā sarabhaññaṇ vā upanissinnakathaṇ vā anumodanaṇ vā na

karoti. Tato nañ manussā, bahussuto gunavā ti na jānanti. Te gunāgunañ ajānantā catuhi paccayehi saṅgahanā na karonti. So paccayehi kilamamāno Buddhavacanañ sajjhāyañ kātuñ, vattapaṭipattiñ pūretuñ, kammaṭṭhānañ gahetvā vaḍḍhetuñ na sakkoti—pe—paribāhiro hoti.

21. [221²⁰] *Na tittḥaṇ jānāti* ti tittḥabbhūte bahussutabbhikkhū na upasaṅkamati. Anupasaṅkamanto, idaṇ, bhante, byañjanañ kathaṇ ropetabbañ, imassa bhāsitaṣṣa ko attho, imasmiṇ ṭhāne pāli kiṇ vadati, imasmiṇ ṭhāne attho kiṇ dipetī ti evaṇ na paripucchati, na paripaṇhāti. Na jānāpetī ti attho. Tassa te evaṇ aparipucchato avivaṭaṇ c' eva na vivaranti, bhājetvā na dassenti; anuttānikataṇ ca na uttānikaronti, apākaṭaṇ pākaṭaṇ na karonti. *Anekavihītesu ca kaṅkhāṭṭhāniyesu dhammesu* ti anekavidhāsu kaṅkhāsu ekaṇ kaṅkham pi na paṭivinodenti. Kaṅkhā eva hi kaṅkhāṭṭhāniyā dhammā nāma. Tattha ekaṇ kaṅkham pi na nīharanti ti attho. So evaṇ bahussutatittḥaṇ anupasaṅkamitvā sakaṅkho kammaṭṭhānañ gahetvā vaḍḍhetuñ na sakkoti. Yathā ca so gopālako tittḥaṇ na jānāti evaṇ ayam pi bhikkhu dhammatittḥaṇ na jānāti. Ajānanto avisaye paṇhañ pucchati; Abhidhammikaṇ upasaṅkamitvā kappiyākappiyañ pucchati; Vinayadharāṇ upasaṅkamitvā rūpārūpaparicchedaṇ pucchati. Te avisaye puṭṭhā kathetuñ na sakkonti. So attanā sakaṅkho kammaṭṭhānañ gahetvā vaḍḍhetuñ na sakkoti—pe—paribāhiro hoti.

22. [221²²] *Na pītaṇ jānāti* ti yathā so gopālako pītāpītaṇ na jānāti, evaṇ dhammūpasaṅhitaṇ pāmujjaṇ na jānāti, na labhati; savanamayaṇ puñṇakiriyavatthuñ nissāya ānisaṇsaṇ na vindati; dhammasavanaggaṇ gantvā sakkaccaṇ na suṇāti; nisinno niddāyati; kathaṇ katheti; añṇavihitako hoti. So sakkaccaṇ dhammaṇ asuṇanto kammaṭṭhānañ gahetvā vaḍḍhetuñ na sakkoti—pe—paribāhiro hoti.

23. [221²³] *Na vūhiṇ jānāti* ti so gopālako maggāmaggaṇ viya, ayaṇ lokiyo, ayaṇ lokuttaro ti ariyaṇ atṭhaṅgikaṇ maggaṇ yathābhūtaṇ nappajānāti. Ajānanto lokiyamagge abhinivisitvā lokuttaraṇ nibbattetuñ na sakkoti—pe—paribāhiro hoti.

24. [221²⁴] *Na gocarakusalo hoti* ti so gopālako pañcāhasat-

tāhavāre¹ viya, cattāro satipaṭṭhāne, ime lokiya, ime lokuttarā ti yathābhūtaṃ nappajānāti. Ajānanto sukhumaṭṭhānesu attano ñaṇaṃ carāpetvā lokiyasatipaṭṭhānesu abhinivisitvā lokuttaraṃ nibbattetuṃ na sakkoti—pe—paribāhiro hoti.

25. [222²] *Anavasesadohī ca hoti* ti paṭiggahane mattaṃ ajānanto anavasesaṃ duhati. Niddesaṃvāre paṇ' assa, *abhihaṭṭhuṃ pavārenti* ti abhiharitvā pavārenti. Ettha dve abhihārā: vācābhihāro, paccayābhihāro ca. Vācābhihāro nāma manussā bhikkhussa santikaṃ gantvā, vadeyyātha, bhante, yeṇ' attho ti pavārenti. Paccayābhihāro nāma vatthādini vā telaphāṇitādini vā gahetvā bhikkhussa santikaṃ gantvā, gaṇhatha, bhante, yāvatakena attho ti vadanti. *Tatra bhikkhu mattaṃ na jānāti* ti bhikkhu tesu paccayesu pamāṇaṃ na jānāti. “Dāyakassa vaso veditabbo, deyyadhammassa vaso veditabbo, attano thāmo veditabbo” ti Rathavinīte vuttanayena pamāṇayuttaṃ agahetvā yaṃ āharanti taṃ sabbaṃ gaṇhāti ti attho. Manussā vippaṭṭisārino na puna abhiharitvā pavārenti. So paccayehi kilamanto kammaṭṭhānaṃ gahetvā vaḍḍhetuṃ na sakkoti—pe—paribāhiro hoti.

26. [222³] *Te na atirekapūjāya pūjetā hoti* ti so gopālako mahā-usabhe viya, there bhikkhū imāya āvi c' eva raho ca mettakāyakammādikāya atirekapūjāya na pūjeti. Tato therā, ime amhesu garucittikāraṃ na karonti ti navake bhikkhū dvīhi saṅgahehi na saṅgaṇhanti; n' eva dhammasaṅgaheṇa saṅgaṇhanti; na āmisasaṅgaheṇa, cīvareṇa vā, pātṭeṇa vā, pattapariyāpanneṇa vā, vasaṇaṭṭhāneṇa vā; kilamante milāyante pi na paṭijagganti; pāliṃ vā aṭṭhakathaṃ vā dhammakathābandhaṃ vā gūḷhaganthaṃ² vā na sikkhāpenti. Navakā therānaṃ santikā sabbaso ime dve saṅgahe alabhamānā imasmiṃ sāsane paṭiṭṭhātuṃ na sakkonti; yathā tassa gopālakassa gogaṇo na vaḍḍhati, evaṃ silādihi na vaḍḍhanti; yathā ca so gopālako pañcahi gorasehi, evaṃ pañcahi dhammakhandhehi paribāhirā honti. Sukkapakkho kaṇhapakkhe vuttavipallāsavasena yojetvā veditabbo ti.³

Mahā-Gopālakasuttaṃ tatiyaṃ.

¹ B. pañcāhikavāre sattāhikavāre viya.

² S. guyha°; B. guyhaṇ.

³ S. omits.

34.

[Cūḷa-Gopālakasuttavaṇṇanā]

1. [225²] *Evam me sutan ti Cūḷa-Gopālakasuttaṇ.* Tattha *Ukkācelāyaṇ* ti evannāmake nagare. Tasmiṇ kira māpiya-māne rattiṇ Gaṅgāsotato maccho thalaṇ patto. Manussā celāni telacāṭiyaṇ¹ temetvā ukkā katvā macchaṇ gaṇhiṇsu. Nagare niṭṭhite tassa nāmaṇ karontā, amhehi nagaraṭṭhā-nassa gahitadivase celukkāhi maccho gahito ti Ukkācelā tv' ev' assa nāmaṇ akaṇsu.

2. [225³] *Bhikkhū āmantesī* ti yasmiṇ ṭhāne nisinnassa sabbā pi Gaṅgā pākataḥ hutvā paññāyati, tādise vālikussade Gaṅgāya tīre² sāyaṇhasamaye mahābhikkhusaṅghaparivuto nisīditvā mahā-Gaṅgaṇ paripuṇṇaṇ sandamānaṇ olokento, atthi nu kho imaṇ Gaṅgaṇ nissāya koci pubbe vaddhi-parihā-niṇ³ patto ti āvajjitvā, pubbe ekaṇ bālagopālakaṇ nissāya anekasahasso gogaṇo⁴ imissā Gaṅgāya āvaṭṭe patitvā samuddam eva pavitṭho, aparāṇ pana paṇḍitagopālakaṇ nissāya anekasahassassa⁵ gogaṇassa sotthi jātā, vaddhi jātā, ārogyaṇ jātaṇ ti addasa. Disvā imaṇ kāraṇaṇ nissāya bhikkhūnaṇ dhammaṇ desessāmi ti cintetvā bhikkhū āmantesi.

3. [225⁶] *Māgadhaḥ* ti Magadharatṭhavāsī. *Duppañña-jātiko* ti nippaññasabhāvo dandho⁶ mahājaḥ.⁷ *Asamapek-khivā* ti asallakkhetvā anupadhāretvā. *Patāresī* ti tāretuṇ ārabhi. *Uttaraṇ tīraṇ Suvidehānaṇ* ti Gaṅgāya orime tīre Magadharatṭhaṇ, pārime⁸ Videharatṭhaṇ; gāvo Magadharatṭhato Videharatṭhaṇ netvā rakkhissāmi ti uttaraṇ tīraṇ patāresi. Taṇ sandhāya vuttaṇ: *Uttaraṇ tīraṇ Suvidehānaṇ* ti. *Āmaṇḍaliyaṇ*⁹ karitvā ti maṇḍalaṇ¹⁰ katvā. *Anayabyasaṇaṇ āpaṇṇiṇsū* ti avaddhiṇ vināsaṇ pāpuṇiṇsu; mahāsamuddam eva pavisiṇsu.

4. Tena hi gopālakena gāvo otārentena Gaṅgāya orimatīre

¹ B. S. °pātiyaṇ.

² C. -pāraṇ.

³ B. S. °satasahassa°.

⁷ B. S. mahājano.

⁹ B. S. Āmaṇḍalikaṇ.

² B. S. Gaṅgātitthe.

⁴ B. S. °sahassā gogaṇā.

⁶ B. S. andho.

⁸ B. S. add tīre.

¹⁰ B. S. maṇḍalikaṇ.

samatitthaṇ ca visamatitthaṇ ca oloketabbaṇ assa; majjhe Gaṅgāya gunnaṇ vissamatṭhānatthaṇ dve tīni vālikatthalāni sallakkhetabbāni assu; tathā pārimatīre tīni cattāri titthāni, imasmā titthā bhaṭṭhā imaṇ titthaṇ gahessanti, imasmā bhaṭṭhā iman ti. Ayaṇ pana bālagopālako orimatīre gunnaṇ otaraṇatitthaṇ, samaṇ vā visamaṇ vā ti anoloketvā va majjhe Gaṅgāya gunnaṇ vissamatṭhānatthaṇ dve tīni vālikatthalāni pi asallakkhetvā va paratīre cattāri pañca uttaraṇatitthāni pi asamapekkhitvā va atitthen' eva gāvo otāresi.

5. Ath' assa mahāvasabho jvasampannatāya c' eva thāmasampannatāya ca tiriyaṇ Gaṅgāya sotaṇ chetvā pārimaṇ tīraṇ patvā chinnataṭaṇ c' eva kaṇṭakagumbagahanaṇ ca disvā dubbinivṭṭhaṇ¹ etan ti ñatvā khuraggapatitṭhānokāsam² pi alabhitvā paṭinivatti. Gāvo, mahāvasabho nivatto, mayam pi nivattissāmā ti nivattā. Mahato gogaṇassa nivattatṭhāne udakaṇ chijjitvā majjhe Gaṅgāya āvaṭṭaṇ utṭhāpesi. Gogaṇo āvaṭṭe³ pavisitvā samuddam eva patto. Ekam pi golomaṇ arogaṇ⁴ nāma nāhosi. Ten' āha: *Tatth' eva anayabyasanaṇ āpajjīṇsū* ti.

6. [225¹⁶] *Akusalā imassa lokassā* ti idha loke khandha-dhātāyatanesu akusalā, accekā. Paraloke pi es' eva nayo. *Māradheyyaṇ* vuccati tebhūmakadhammā. *Amāradheyyaṇ* nava lokuttaradhammā. *Maccudheyyam* pi tebhūmakadhammā va. *Amaccudheyyaṇ* nava lokuttaradhammā. *Tattha akusalā*, accekā. *Vacanatthato* pana Mārassa dheyyaṇ Māradheyyaṇ. Dheyyaṇ ti ṭhānaṇ, vatthu, nivāso, gocaro. *Maccudheyye* pi es' eva nayo. *Tesan* ti tesā evarūpānaṇ samaṇabrāhmaṇānaṇ. Iminā cha satthāro dassitā ti vedittabbā.⁵

7. [225²¹] Evaṇ kaṇhapakkhaṇ niṭṭhāpetvā sukkapakkhaṇ dassento, *bhūtapubbaṇ bhikkhave* ti ādim āha. *Tattha balavagāvo* ti dantaḡe c' eva dhenuyo ca. *Dammagāvo* ti dame-tabbagone c' eva avijātagāvo ca. *Vacchatare* ti vaccha-bhāvaṇ taritvā ṭhite balavavacche. *Vacchake* ti dhenupake,

¹ B. S. °vijjhaṇ.

² B. dhuragga°; S. uttara°.

³ B. āvaṭṭaṇ.

⁴ S. Eko pi goṇo arogo.

⁵ C. vedittabbo.

taruṇavacchake. *Kisabalake* ti appamaṇsalohite, manda-thāme. *Tāvaḍ eva jātako* ti taṇṇa divasaṇṇa jātako. *Mātu goravakena vuyhamāno* ti mātā purato purato huṇṇa huṇṇa ti goravaṇṇa katvā saṇṇaṇṇa dadamānā, urena¹ udakaṇṇa chin-damānā gacchati; vacchako tāya goravasaṇṇāya ten' eva gāvi-urena² chinnodakena gacchamāno mātū goravakena vuyhamāno ti vuccati.

8. [226¹⁵] *Mārassa sotaṇ chetvā* ti arahattamaggena Mārassa taṇhāsotaṇ chetvā. *Pāraṇ gatā* ti, mahā-usabhā nadipāraṇ viya, saṇsārapāraṇ nibbānaṇ gatā. *Pāraṇ agamaṇsū* ti mahā-usabhānaṇ pāraṇ gatakkhaṇe Gaṇgāsotassa tayo koṭṭhāse atikkamma ṭhitā mahā-usabhe pārappatte disvā tesāṇ ga-tamaggaṇ paṭipajjitvā pāraṇ agamaṇsu. *Pāraṇ gamissanti* ti catummaggaṇvājjhānaṇ kilesānaṇ tayo koṭṭhāse khepetvā ṭhitā idāni arahattamaggena avasesaṇ taṇhāsotaṇ chetvā bala-vagāvo viya nadipāraṇ, saṇsārapāraṇ nibbānaṇ gamissanti.³ Iminā nayeṇa sabbavāresu attho veditabbo.

9. [226³⁵] *Dhammānusārino saddhānusārino* ti ime dve paṭhamamaggasamaṇṇino. *Jānatā* ti sabbadhamme jānanta Buddhena. *Suppakāsito* ti sukathito. *Vivataṇ* ti vivaritaṇ. *Amataadvāraṇ* ti ariyamaggo. *Nibbānapattiya* ti nibbānapatti-atthāya.⁴ *Vinaḷikatan* ti vigatamānaṇaṇ ka-taṇ. *Khemaṇ patthethā* ti kattukamyatā-chandena arahattaṇ patthetha. Kattukāmā nibbattetukāmā hothā ti attho. Pattatthā ti pi pātho. Evarūpaṇ satthāraṇ labhitvā tumhe pattā yeva nāmā ti attho. Sesāṇ sabbattha uttānam eva. Bhagavā pana yathānusandhinā va desanaṇ niṭṭhāpesi ti.

Cūḷa-Gopālakasuttaṇ catutthaṇ.

35.

[Cūḷa-Saccakasuttavaṇṇanā]

1. [227¹⁵] *Evam me sutan* ti Cūḷa-Saccakaṇ. Tattha *Mahāvane Kūḷāgārasālāyaṇ* ti Mahāvanaṇ nāma sayañjātaṇ aropimaṇ saparicchedaṇ mahantaṇ vanaṇ. Kapilavatthu-

¹ B. S. omit.

² S. -khurena; B. dhenuyā va urena.

³ B. S. °ti ti.

⁴ B. S. tadatthāya vivaṭaṇ.

sāmantā pana Mahāvanaṇ Himavantena saha ekābaddhaṇ aparicchedaṇ hutvā mahāsamuddaṇ āhacca ṭhitaṇ. Idaṇ tādisaṇ na hoti. Saparicchedaṇ mahantaṇ vanan ti Mahāvanaṇ. Kūṭāgārasālā pana Mahāvanaṇ nissāya kate ārāme kūṭāgāraṇ anto katvā haṇsavatṭakachannena¹ katā sabbākārasampannā Buddhassa Bhagavato gandhakuṭi veditabbā.

2. [227¹⁷] *Saccako Nigaṇṭha putto* ti pubbe kira eko Nigaṇṭho ca Nigaṇṭhi ca pañca pañca vādasatāni uggahetvā, vādaṇ āropessāmā ti Jambudīpe vicarantā Vesāliyaṇ samāgatā. Licchavirājāno disvā, tvaṇ ko, tvaṇ kā ti pucchisū. Nigaṇṭho ahaṇ, vādaṇ āropessāmī ti Jambudīpe vicarāmī ti āha. Nigaṇṭhi pi tath' eva āha. Licchavino, idh' eva añña-maññaṇ vādaṇ āropethā ti āhaṇsu. Nigaṇṭhi attanā ugga-hitāni pañca vādasatāni pucchi. Nigaṇṭho kathesi. Nigaṇṭhena pucchite pi Nigaṇṭhi kathesi yeva. Ekassa pi na jayo, na parājayo. Ubho samasamā va ahesuṇ. Licchavino,² tumhe ubho pi samasamā, āhiṇḍitvā kiṇ karissatha, idh' eva vasathā ti gehaṇ datvā vatṭaṇ³ paṭṭhapesuṇ.

3. Tesāṇ saṇvāsam anvāya catassa dhītaro jātā: ekā Saccā nāma, ekā Lolā nāma, ekā Paṭācarā nāma, ekā Sivāvatikā⁴ nāma. Tā pi paṇḍitā ahesuṇ; mātāpitūhi uggahitāni pañca pañca vādasatāni uggaheṣuṇ.

4. Tā vayappattā mātāpitaro avocuṇ: Ammā, amhākaṇ kule dārikā nāma hiraññasuvannādiṇi datvā kulaghaṇaṇ pesitapubbā nāma n' atthi. Yo pana agāriko tāsāṇ vādaṇ maddituṇ sakkoti, tassa pādapari-cārikā honti; yo pabbajito⁵ maddituṇ sakkoti, tassa santike pabbajanti. Tumhe kiṇ karissathā ti? Mayam pi evam eva karissāmā ti catasso pi paribbājakavesaṇ gaheṭvā, ayaṇ Jambudīpo nāma jambuyā paññāyati ti jambusākaṇ gaheṭvā cārikaṇ pakkamisū. Yaṇ gāmaṇ pāpuṇanti, tassa dvāre paṇsupuṇje vā vālikāpuṇje vā jambusākaṇ⁶ ṭhapetvā, yo vādaṇ āropetuṇ sakkoti, so imaṇ maddatū ti vatvā gāmaṇ pavisanti. Evaṇ gāmena gāmaṇ vicarantiyo Sāvattiṇ pāpuṇitvā tath' eva gāmadvāre

¹ C. °chandena.

² B. S. *add* āhaṇsu.

³ B. S. baliṇ.

⁴ B. Ācāravati; S. Silāvatakā.

⁵ B. S. *add* tāsāṇ vādaṇ.

⁶ B. °dhajaṇ.

jambudhajaṇ ṭhapetvā sampattamanussānaṇ ārocetvā antonagaraṇ pavitṭhā.

5. Tena samayena Bhagavā Sāvatthiṇ nissāya Jetavane viharati. Ath' āyasmā Sāriputto gilāne pucchanto, ajaggitaṭṭhānaṇ jagganto, attano kiccamahantatāya aññehi bhikkhūhi divātaraṇ gāmaṇ piṇḍāya pavisanto gāmadvāre dhajaṇ¹ disvā, kiṇ idan ti dārake pucchi. Te tam atthaṇ ārocesuṇ. Tena hi maddathā ti. Na sakkoma, bhante, bhāyāmā ti. Mā² bhāyatha, ken' amhākaṇ dhajo maddāpito ti vutte, Buddhasāvakena Sāriputtattherena maddāpito; vādaṇ ārope-tukāmā Jetavane therassa santikaṇ gacchathā ti vadeyyāthā ti. Te therassa vacanaṇ sutvā dhajaṇ madditvā chaḍḍesuṇ. Thero piṇḍāya caritvā vihāraṇ gato.

6. Paribbājikā pi gāmato nikkhamitvā, amhākaṇ dhajo³ kena maddāpito ti pucchiṇsu. Dārakā tam atthaṇ ārocesuṇ. Paribbājikā puna gāmaṇ pavisitvā ekekaṇ vithiṇ gahetvā, Buddhasāvako kira Sāriputto nāma amhehi saddhiṇ vādaṇ karissati, sotukāmā nikkhamathā ti ārocayiṇsu. Mahājano nikkhami. Tena saddhiṇ paribbājikā Jetavanaṇ agamaṇsu. Thero amhākaṇ vasanaṭṭhāne mātugāmassa āgamaṇaṇ nāma aphāsukan ti vihāramajjhe nisīdi.

7. Paribbājikāyo gantvā therajaṇ pucchiṇsu: Tumhehi amhākaṇ dhajo maddāpito ti? Āma, mayā maddāpito ti. Mayaṇ tumhehi saddhiṇ vādaṇ karissāmā ti. Sādhū, karoṭha; kassa pucchā, kassa vissajjanaṇ hotū ti? Pucchā nāma amhākaṇ pattā. Tumhe pana mātugāmā nāma paṭha-maṇ pucchathā ti. Tā catasso pi catusu disāsu ṭhatvā mātā-pitunnaṇ santike uggahitaṇ vādasahassaṇ pucchiṇsu. Thero, khaggena kumudanāḷaṇ chindanto viya pucchitapucchitaṇ nijjaṭaṇ niggaṇṭhiṇ katvā kathesi. Kathetvā puna pucchathā ti āha. Ettakam eva, bhante, mayaṇ jānāmā ti.

8. Thero āha: Tumhehi vādasahassaṇ pucchitaṇ; mayā kathitaṇ. Ahaṇ pana ekam eva pañhaṇ pucchissāmi: taṇ tumhe kathethā ti. Tā therassa visayaṇ disvā, pucchatha, bhante, byākarissāmā ti vattuṇ nāsakkiṇsu. Bhante,⁴ jā-

¹ B. S. jambudhajaṇ.

² B. Kumārā mā.

³ B. jambudhajo.

⁴ B. S. Vada, bhante.

namānā byākarissāmā ti pana āhaṇsu. Thero, ayaṇ kula-putte pabbājetvā paṭhamāṇ sikkhāpetabbo pañho ti vatvā, ekaṇ nāma kin ti pucchi. Tā n' eva antaṇ, na koṭiṇ addasaṇsu. Thero, kathethā ti āha. Na passāma, bhante ti. Tumhehi vādasahassaṇ pucchitaṇ, mayā kathitaṇ; tumhe ekaṇ pañham pi kathetuṇ na sakkotha; evaṇ sante kassa jayo, kassa parājayo ti? Tumhākaṇ, bhante, jayo, amhākaṇ parājayo ti. Idāni kiṇ karissathā ti?

9. Tā mātāpitūhi vuttavacanaṇ ārocetvā, tumhākaṇ santike pabbajissāmā ti āhaṇsu. Tumhe mātugāmā nāma, amhākaṇ santike pabbajituṇ na vaṭṭati, amhākaṇ pana sāsanaṇ gahetvā bhikkhuni-upassayaṇ gantvā pabbajathā ti. Tā, sādhu ti therassa sāsanaṇ gahetvā bhikkhunisaṅghassa santikaṇ gantvā pabbajiṇsu. Pabbajitā ca pana appamattā ātāpiniyo hutvā na cirass' eva arahattaṇ pāpuṇiṇsu.

10. Ayaṇ Saccako tāsaṇ catunnam pi kaniṭṭhabhātiko; tāhi catūhi pi uttaritarapañño. Mātāpitunnaṇ santikā vādasahassaṇ, tato bahutaraṇ ca bāhirasamayaṇ uggaṇhitvā katthaci agantvā rājadārake sippaṇ sikkhāpento tatth' eva Vesāliyaṇ vasati. Paññāya atipūritattā kucchi me bhijjeyyā ti bhito ayapaṭṭena kucchiṇ parikkhipitvā carati. Imaṇ sandhāya vuttaṇ: Saccako Nigaṇṭhaputto ti.

11. [227¹⁷] *Bhassappavādiko* to bhassaṇ vuccati kathāmaggo, taṇ pavadati, katheti ti bhassappavādiko. *Paṇḍitavādo* ti ahaṇ paṇḍito ti evaṇvādo. *Sādhusammato bahujanassā* ti yaṇ yaṇ nakkhattacārena ādisati, taṇ yebhuyyena tath' eva hoti; tasmā ayaṇ sādhu laddhako¹ bhaddako ti evaṇ sammato mahājanassa. *Vādena vādaṇ samāraddho* ti kathāmaggena dosaṇ āropito.

12. [227²⁷] *Ayasmā Assaji* ti Sāriputtattherassa ācariyo Assajit.hero. *Jaṅghāvihāraṇ anucaṇkamamāno* ti tato tato Licchavirājagehato taṇ taṇ gehaṇ gamanattāya anucaṇkamamāno. *Yen' āyasmā Assaji ten' upasaṇkamī* ti kasmā upasaṇkami? Samayaajānanatthaṇ. Evaṇ kir' assa ahosi: Ahaṇ samaṇassa Gotamassa vādaṇ āropessāmī ti āhiṇḍāmī, samayaṇ pan' assa na jānāmī ti na āropemi. Parassa hi

¹ B. S. laddhiko.

samayaṇ ñatvā āropito vādo svāropito nāma hoti. Ayaṇ pana samaṇassa Gotamassa sāvako paññāyati Assajitthero. So attano satthusamayakovidō. Etāhaṇ pucchitvā kathaṇ patitṭhāpetvā samaṇassa Gotamassa vādaṇ āropessāmī ti. Tasmā upasaṅkami.

13. [228⁶] *Vineti* ti kathaṇ vineti, kathaṇ sikkhāpeti ti pucchati. Thero pana, yasmā dukkhan ti vutte upārambhassa okāso hoti; magga-phalāni pi hi pariyāyena dukkhan ti āgatāni; ayaṇ ca dukkhan ti vutte, therāṇ puccheyya, bho Assaji, kimatthaṇ tumhe pabbajitā ti; tato magga-phalatthāyā ti vutte, bho Assaji, na yidaṇ tumhākaṇ sāsanaṇ nāma, mahā-āghātanaṇ nām' etaṇ, nirayussado nām' eso, n' atthi nāma tumhākaṇ sukhāsā, utṭhāy' utṭhāya dukkham eva jirāpentā āhiṇḍathā ti dosaṇ āropeyya; tasmā paravādiṣṣa pariyāyakathaṇ kātuṇ na vaṭṭati, yathā esa appatitṭho hoti, evam assa nippariyāyaṇ¹ kathessamī ti cintetvā, *rūpaṇ, bhikkhave, aniccan* ti imaṇ aniccānattavasen' eva kathaṇ kathesi. *Dussutan* ti sotuṇ ayuttaṇ.

14. [228²²] *Santhāgāre* ti rājakulānaṇ atthānusāsanasanthāgārasālāyaṇ. *Yena te Licchavī ten' upasaṅkamī* ti evaṇ kir' assa ahosi: Ahaṇ pubbe samayaṇ ajānanabhāvena samaṇassa Gotamassa vādaṇ na āropesiṇ, idāni pan' assa mahā-sāvakena kathitaṇ samayaṇ jānāmi. Ime ca pana mama antevāsikā pañcasatā Licchavī sannipatitā. Etehi saddhiṇ gantvā samaṇassa Gotamassa vādaṇ āropessāmī ti Tasmā upasaṅkami.

15. [228²⁷] *Ñātaññātareṇā* ti ñātesu abhiññātesu Pañcavaggiya-theresu aññatarena. *Patitṭhitan* ti yathā tena patitṭhitaṇ, sace evaṇ patitṭhissati; atha pana aññad eva vakkhati, tatra mayā kiṇ sakkā kātuṇ tu idān' eva piṭṭhiṇ parivatento āha. *Ākaḍḍheyyā* ti attano abhimukhaṇ kaḍḍheyya. *Parikaḍḍheyyā* ti purato paṭipañāmeyya. *Samparikaḍḍheyyā* ti kālena ākaḍḍheyya, kālena parikaḍḍheyya. *Soṇḍikāki-laṇjan* ti surāghare piṭṭhikilaṇjaṇ.² *Soṇḍikādhutto* ti surādhutto. *Vālaṇ*³ *kanne gahetvā* ti surāparissavana-thavikaṇ

¹ B. S. nippariyāyakathaṇ.

² B. S. piṭṭha.^o

³ B. S. Thālaṇ.

dhovitukāmo kasaṇṇaniddhunanatthaṇ obhosu kaṇṇesu gahe-tvā. *Odhuneyyā* ti adhomukhaṇ katvā dhuneyya. *Niddhuneyyā* ti uddhamukhaṇ katvā dhuneyya. *Nicchodeyyā*¹ ti punappunaṇ pappoṭeyya.

16. [229⁴] *Sanādhovikaṇ nāmā* ti ettha manussā sāṇasāṭa-kakaraṇatthaṇ saṇavāke gahetvā muṭṭhiṇ muṭṭhiṇ bandhitvā uduke pakkhipanti. Atha manussā ambilayāgu-surāḍini ādāya tattha gantvā saṇamuṭṭhiṇ gahetvā, dakkhiṇato vāmato sammukhā cā ti tīsu phalakesu sakiṇ dakkhiṇaphalake, sakiṇ vāmaphalake, sakiṇ sammukhaphalake paharantā ambilayāgu-surāḍini bhuñjantā pivantā khādantā dhovanti; mahantī² kilā hoti. Rañño nāgo taṇ kilāṇ disvā gambhīraṇ udakaṇ anupavisitvā soṇḍāya udakaṇ gahetvā sakiṇ kumbhe sakiṇ piṭṭhiyaṇ sakiṇ ubhosu passesu sakiṇ antarasatthiyaṇ khi-panto kilitttha. Tad upādāya taṇ kilītajātaṇ saṇadhovikaṇ nāma vuccati. Taṇ sandhāya vuttaṇ *saṇadhovikaṇ nāma kilītajātaṇ kilātī* ti.

17. [229¹²] *Kiṇ so bhavamāno*³ *Saccako Nigaṇṭhaputto Bhagavato vādaṇ āropessatī* ti yo Saccako Nigaṇṭhaputto Bhagavato vādaṇ āropessati, so kiṇ bhavamāno kiṇ yakkho bhavamāno, udāhu Indo, udāhu Brahmā bhavamāno Bhagavato vādaṇ āropessati? Na hi sakkā pakatimanussena Bhagavato vādaṇ āropetun ti ayam ettha adhippāyo.

18. [229¹⁷] *Tena kho pana samayenā* ti yasmiṇ samaye Saccako ārāmaṇ pāvīsi, tasmiṇ. Kasmiṇ pana samaye pāvīsi ti? Mahāmajjhantikasamaye. Kasmā pana tasmiṇ samaye caṇkamantī ti? Paṇītabhojanapaccayassa thīnamiddhassa vinodanatthaṇ. Divā padhānikā vā te. Tādisānaṇ pacchābhattaṇ caṇkamitvā nahatvā sarīraṇ utuṇ gaṇhāpetvā nisajja samanādhammaṇ karontānaṇ cittaṇ ekaggaṇ hoti. *Yena te bhikkhū* ti so kira, kuhiṇ samaṇo Gotamo ti parivenato parivenaṇ gantvā pucchitvā pavisissāmī ti vilokento araṇṇe hatthī viya mahācaṇkame caṇkamante paṇsukūlike bhikkhū disvā tesāṇ santikaṇ agamāsi. Taṇ sandhāya idaṇ, *yena te bhikkhū* ti ādi vuttaṇ.

¹ B. Nicchoṭeyyā; S. Nippoṭeyyā.

² B. S. mahantā.

³ C. sobhamāno.

19. [229¹⁰] *Kaṇṇu nu kho bho ti katarasmiṃ āvāse vā leṇe vā maṇḍape vā ti attho. Es' Aggivessana Bhagavā ti tadā kira Bhagavā paccūsakāle mahākaruṇāsamāpattiṃ samāpajjivā dasasahassacakkavāle sabbaññutaññajālaṃ pattharivā bodhaneyyasattaṃ olokento addasa: Sve Saccako Nigaṇṭhaputto mahatiṃ Licchavipariśayaṃ gahetvā mama vādaṃ āropetukāmo āgamissati ti. Tasmā pāto va sarīrapaṭijaggaṇaṃ katvā bhikkhusaṅghaparivāro Vesāliyaṃ piṇḍāya caritvā piṇḍapātaṭṭhikānto mahāparisāya nisīdituṃ sukhattṭhāne nisīdissāmī ti Gandhakutiṃ apavisitvā va Mahāvane aññatarasmiṃ rukkhamaḷe divāvihāraṃ nisīdi. Te bhikkhū Bhagavato vattaṃ dassetvā āgatā Saccakena puttṭhā dūre nisinnaṃ Bhagavantaṃ dassentā, es' Aggivessana, Bhagavā ti āhaṃsu.*

20. [229²⁴] *Mahatiyā Licchavipariśāya saddhin ti hetṭhā, pañcamattehi Licchavisatehi parivuto ti vuttaṃ, te etassa antevāsikā yeva. Anto-Vesāliyaṃ pana Saccako pañcamattāni Licchavirājasattāni gahetvā vādatthiko Bhagavantaṃ upasaṅkanto ti sutvā, dvinnaṃ paṇḍitānaṃ kathāsallāpaṃ soṇṇāmaṃ ti yebhuyyena manussā nikkhantaṃ. Evaṃ sā parisā,¹ aparicchinnagaṇaṇaṃ² ahosi. Taṃ sandhāy' etaṃ vuttaṃ.*

21. [229³¹] *Añjaliṃ paṇāmetvā ti ete ubhato pakkhikā. Te evaṃ cintesuṃ: Sace no micchādiṭṭhikā codessanti, kasmā tumhe samaṇaṃ Gotamaṃ vanditṭhā ti, tesuṃ, kiṃ añjalikaraṇamattena³ pi vanditaṃ hoti ti vakkhāma; sace no sammādiṭṭhikā codessanti, kasmā Bhagavantaṃ na vanditṭhā ti, kiṃ sisena bhūmiṃ paharantaṃ' eva vanditaṃ hoti, na nu añjalikammam pi vandanaṃ evā ti vakkhāma ti.*

22. [229³²] *Nāmagottaṃ ti bho Gotama, ahaṃ asukassa putto Datto nāma Mitto nāma idha āgato ti vadantā nāmaṃ sāventi nāma. Bho Gotama, ahaṃ Vāsetṭho nāma, Kaccāno nāma idh' āgato ti vadantā gottaṃ sāventi nāma. Ete kira daliddā jīṇṇakulaputtā parisamajjhe nāmagottavasena pākaṭā bhavissāmā ti evaṃ akaṃsu. Ye pana tuṇḥibhūtā nisīdiṃsu, te kerāṭikā c' eva andhabālā ca. Tattha kerāṭikā, ekaṃ dve kathāsallāpe karonto vissāsiko hoti, atha vissāse*

¹ B. *adds* mahatī; S. mahatī parisā.

² S. *adds* nāma.

³ B. S. añjalimattakaraṇena.

sati ekaṃ dve bhikkhā adātuṃ na yuttan ti, tato attānaṃ mocentā tuṇhī nisidanti. Andhabālā aññānatāy' eva avakkhittamattikapinḍā viya yattha katthaci tuṇhībhūtā nisidanti.

23. [229³⁶] *Kaṇcid eva desan ti kañci okāsaṃ, kiñci kāraṇaṃ. Ath' assa Bhagavā pañhapucchane ussāhaṃ janento āha: Pucch' Aggivessana, yad ākaṇkhasī ti. Tass' attho: Puccha yadi ākaṇkhasi; na me pañhavissajane bhāro atthi. Atha vā puccha yaṃ ākaṇkhasi, sabbaṃ te vissajjessāmī ti sabbaññuppavāraṇaṃ pavāresi, asādhāraṇaṃ Paccekabuddha-aggasāvaka-mahāsāvakehi.*

24. Te hi yad ākaṇkhasī ti na vadanti; sutvā vedissāmā ti vadanti. Buddhā pana "Pucch' āvuso, yad ākaṇkhasī" ti (Sn. p. 32) vā, "Puccha, mahāraja, yad ākaṇkhasī" ti (D. i. 51) vā,

"Puccha Vāsava maṃ pañhaṃ yaṃ kiñci manas' icchasi
tassa tass' eva pañhassa ahaṃ antaṃ karomi te"

(D. ii. 275)

iti vā, "Tena hi tvaṃ bhikkhu sake āsane nisiditvā puccha yad ākaṇkhasī" ti (S. iii. 100) vā,

"Bāvarissa ca tumhaṃ vā sabbesaṃ sabbasaṃsayaṃ
katāvakāsā pucchavho yaṃ kiñci manas' icchathā" ti

(Sn. 1030)

vā,

"Puccha maṃ, Sabhiya pañhaṃ yaṃ kiñci manas' icchasi
tassa tass' eva pañhassa ahaṃ antaṃ karomi te"

(Sn. 512)

iti vā tesāṃ tesāṃ yakkha-narinda-deva-samaṇa-brāhmaṇa¹-paribbājakānaṃ sabbaññuppavāraṇaṃ pavārenti.

25. Anacchariyam etaṃ yaṃ Bhagavā Buddhabhūmiṃ patvā etaṃ pavāraṇaṃ pavāreyya, yo bodhisattabhūmiyaṃ padesañāne pi tthito,

"Koṇḍañña pañhāni viyākarohi

yācanti taṃ isayo sādhurūpā

Kondañña eso manujesu dhammo

yaṃ vaddham² āgacchati esa bhāro" ti (Jā. v. 140)

¹ C. omits brāhmaṇa.

² B. buddhim; S. vuddhim.

evaṇ Sakkâdīnaṇ atthāya isihi yācito,

“ Katāvakāsā pucchantu bhonto

yaṇ kiñci pañhaṇ manasā 'bhipatthitaṇ

ahaṇ hi taṇ taṇ vo viyākarissaṇ

ñatvā sayaṇ lokani imaṇ paraṇ cā ” ti (Jā. v. 140)

evaṇ Sarabhaṅgakāle; Sambhavarājakāle ca sakala-Jambudīpaṇ tikkhattuṇ vicaritvā pañhānaṇ antakaraṇ adisvā Suciratenā brāhmaṇena pañhaṇ puṭṭhuṇ okāse kārīte, jātiyā satta-vasso rathikāyaṇ paṇsuṇ kiḷanto pallaṅkaṇ ābhujitvā antara-vīthiyaṇ nisinno va,

“ Taggha te aham akkhissaṇ yathā pi kusalo tathā

rājā ca kho taṇ jānāti yadi kāhati vā na vā ” ti (Jā. v. 65)

sabbaññuppavāraṇaṇ pavāresi.

26. [230¹] Evaṇ Bhagavatā sabbaññuppavāraṇāya pavāritāya attamano pañhaṇ pucchanto, *kathaṇ pana bho Gotamā* ti ādim āha. Ath' assa Bhagavā, passatha bho, aññaṇ sāva-kena kathitaṇ, aññaṇ satthā katheti, na nu mayā paṭigacc' eva vuttaṇ, sace tathā patitṭhissati yath' assa sāvakena patitṭhitaṇ, evāhaṇ vādaṇ āropessāmi ti; ayaṇ pana aññaṇ eva katheti, tattha kiṇ mayā sakkā kātun ti evaṇ Nigaṇṭhassa vacanokāso mā hotū ti heṭṭhā Assajittherena kathitanīyāmen' eva kathento, *evaṇ kho ahaṇ Aggivessanā* ti ādim āha.

27. [230¹⁰] *Upamā maṇ, bho Gotama, paṭibhātī* ti bho Gotama, mayhaṇ ekā upamā upaṭṭhāti, āharāmi taṇ upaman ti vadati. *Paṭibhātu taṇ Aggivessanā* ti upaṭṭhātu te Aggivessana, āhara taṇ upamaṇ vissattho ti Bhagavā avoca. *Balakaraṇīyā* ti bāhubalena kattabbā, kasivaṇijjādikā kammantā. *Rūpattā 'yaṇ purisapuggalo* ti rūpaṇ attā assā ti rūpattā. Rūpaṇ attā ti gahetvā ṭhitapuggalaṇ dīpeti. *Rūpe patitṭhāyā* ti tasmiṇ attā ti gahitarūpe patitṭhahitvā. *Puññaṇ vā apuññaṇ vā pasavatī* ti kusalaṇ vā akusalaṇ vā paṭilabhati. Vedanattādisu pi es' eva nayo.

28. Iminā kiṇ dīpeti? Ime pañcakkhandhā imesaṇ sat-tānaṇ paṭhavī viya patitṭhā,¹ te imesu pañcasu khandhesu patitṭhāya kusalākusalakammaṇ nāma āyūhanti; tumhe evarūpaṇ vijjamānam eva attānaṇ paṭisedhentā pañcakkhan-

¹ B. paṭiyattā.

dhā anattā ti dīpethā ti ativiya sakāraṇaṇ katvā upamaṇ āhari.

29. [230²⁶] Iminā ca Nigaṇṭhena āhaṭa-opammaniyāmen' eva¹ sabbaññubuddhato añño tassa kathaṇ chinditvā vāde dosaṇ dātuṇ samattho nāma n' atthi. Duvidhā hi puggalā: Buddhaveneyyā, sāvakaveneyyā ca. Sāvakaveneyye sāvakā pi vinenti, Buddhā pi. Buddhaveneyye pana sāvakā vintuṇ na sakkonti; Buddhā va vinenti. Ayam pi Nigaṇṭho Buddhaveneyyo. Tasmā etassa vādaṇ chinditvā añño dosaṇ dātuṇ samattho nāma n' atthi. Ten' assa Bhagavā sayam eva vāde dosaṇ dassanattthaṇ, *na nu tvaṇ Aggivessanā ti ādim āha.*

30. [230²⁹] Atha Nigaṇṭho cintesi: Ativiya samaṇo Gotamo mama vādaṇ patitṭhāpeti. Sace upari koci doso bhavissati, mamaṇ ekakaṇ yeva nigganḥissati. Handāhaṇ imaṇ vādaṇ mahājanassa pi matthake pakkhipāmī ti. Tasmā evam āha: *Ahaṇ hi, bho Gotama, evaṇ vadāmi: rūpaṇ me attā —pe—viññāṇaṇ me attā ti, ayaṇ ca mahatī janatā ti.*

31. [230³¹] Bhagavā pana Nigaṇṭhato sataguṇena pi saḥassaguṇena pi sataṣaḥassaguṇena pi vādivarataro; tasmā cintesi: Ayaṇ Nigaṇṭho attānaṇ mocetvā mahājanassa matthake vādaṇ pakkhipati; nāssa attānaṇ mocetuṇ dassāmi; mahājanato nibbeṭhetvā² ekakaṇ yeva naṇ nigganḥissāmī ti. Atha naṇ, *kiṇ hi te Aggivessanā ti ādim āha.* Tass' attho: Nāyaṇ janatā mama vādaṇ āropetuṇ āgatā; tvaṇ yeva sakalaṇ Vesāliṇ saṇvijjetvā³ mama vādaṇ āropetuṇ āgato. Tasmā tvaṇ sayam eva vādaṇ nibbeṭhehi; kiṇ⁴ mahājanassa matthake pakkhipasī ti? So paṭijānanto, *ahaṇ hi bho Gotamā ti ādim āha.*

32. [230³⁶] Iti Bhagavā Nigaṇṭhassa vādaṇ patitṭhāpetvā, *tena hi Aggivessanā ti pucchaṇ ārabhi.* Tattha *tenu hī ti kāraṇatthe nipāto.* Yasmā tvaṇ pañcakkhandhe attato paṭijānāsi, tasmā ti attho. *Sakasmīṇ viṇite ti attano raṭṭhe. Ghātelāyaṇ vā ghātetuṇ ti ghātārahaṇ ghātetabbayuttaṇ ghā-*

¹ B. S. -opammaṇ niyatam eva.

² B. S. nivattetvā.

³ B. saṇvaddhitvā; S. saṇvaṭṭitvā.

⁴ B. mā.

tetuṇ. *Jāpetāyaṇ vā jāpetun* ti dhanajānirahaṇ jāpetabba-yuttaṇ jāpetuṇ, niddhanaṇ¹ kātuṇ. *Pabbājetāyaṇ vā pabbā-jetun* ti sakaraṭṭhato pabbājanārahaṇ pabbājetuṇ, nīhāituṇ.

33. [231¹⁶] *Vattituṇ ca maraḥatī* ti vattati c' eva vattituṇ ca arahati. Vattituṇ yutto ti dipeti. Iti Nigaṇṭho attano vādabhedanatthaṇ āhaṭakāraṇam eva attano māraṇatthāya āvudhaṇ tikhīṇaṇ karonto viya visesetvā dipeti, yathā taṇ bālo. *Evaṇ me rūpaṇ hotū* ti mama rūpaṇ evaṇvidhaṇ hotu, pāsādikaṇ abhirūpaṇ alaṅkatapaṭiyattaṇ suvaṇṇatoraṇaṇ viya susajjitacittapaṭo viya ca manāpadassanaṇ ti. *Evaṇ me rūpaṇ mā ahoṣī* ti mama rūpaṇ evaṇvidhaṇ mā hotu, dubbaṇṇaṇ dussaṇṭhitaṇ valipalita-tilakasamākīṇṇaṇ ti.

34. [231²⁰] *Tuṇhī ahoṣī* ti Nigaṇṭho imasmiṇ ṭhāne² viraddhabhāvaṇ³ ṇatvā, samaṇo Gotamo mama vādaṇ bhindanattāya kāraṇaṇ āhari, ahaṇ bālatāya tam eva visesetvā dīpesiṇ, idāni naṭṭho 'mhi; sace vattatī ti vakkhāmi, ime rājāno utṭhahitvā, Aggivessana, tvaṇ mama rūpe vaso vattatī ti vadasi, yadi te rūpe vaso vattati, kasmā tvaṇ yathā ime Licchavirājāno Tāvatiṇsa-devasadisehi attabhāvehi virocanti abhirūpā pāsādikā, evaṇ na virocasi ti; sace na vattatī ti vakkhāmi, samaṇo Gotamo utṭhahitvā, Aggivessana, tvaṇ pubbe vattati me rūpasmiṇ vaso ti vatvā idāni paṭikkhipasi ti vādaṇ āropessati; iti vattatī ti vutte eko doso, na vattatī ti vutte pi eko doso ti tuṇhī ahoṣi. Dutiyam pi Bhagavā pucchi. Dutiyam pi tuṇhī ahoṣi.

35. [231²⁵] *Yasmā pana yāvatatiyaṇ Bhagavatā pucchite abyākarontassa sattadhā muddhā phalati*, Buddhā ca nāma sattānaṇ yeva atthāya kappasatasahassādhikāni cattāri asaṅkheyyāni pāramīnaṇ pūritattā sattesu balava-anuddayā honti, tasmā yāvatatiyaṇ apucchitvā, *atha kho Bhagavā Saccakaṇ Nigaṇṭhaputtaṇ etad avoca*: etaṇ *byākarohi dānī* ti ādivacanaṇ avoca. Tattha *sahadhammikaṇ* ti sahetuṇ sakāraṇaṇ.

36. [231³⁰] *Vajiraṇ paṇimhi assā ti Vajirapāṇi*. *Yakkho* ti na yo vā so vā yakkho, Sakko devarājā ti veditabbo. *Ādittan*

¹ B. S. jinnadhanaṇ.

² B. vāre; S. vāde.

³ B. S. viruddha°.

ti aggivaṇṇaṇ. *Sampajalitaṇ* ti suṭṭhu pajjalitaṇ. *Sajoti-bhūtaṇ* ti samantato jotibhūtaṇ. *Ekaggijālabhūtaṇ* ti attho. *Thito hoti* ti, mahantaṇ sīsaṇ, kandalamakulasadisā dāṭhā bhayānakāni akkhi-nāsādīni ti evaṇ virūparūpaṇ māpetvā thito. Kasmā pan' esa āgato ti? Diṭṭhivissajjāpanatthaṇ. Api ca, "Ahaṇ c' eva kho pana dhammaṇ deseyyaṇ, pare ca me na ājāneyyūn" ti (M. i. 168) evaṇ dhammadesanāya appossukabhāvaṇ āpanne Bhagavati Sakko Mahābrahmunā saddhiṇ āgantvā, Bhagavā dhammaṇ desetha, tumhākaṇ ānāya avattamāne pana mayaṇ vattāpessāma, tumhākaṇ dhammacakkaṇ hotu, amhākaṇ ānācakkān ti patinūṇaṇ akāsi; tasmā ajja Saccakaṇ tāsetvā pañhaṇ vissajjāpessamī ti āgato.

37. [231³⁵] *Bhagavā c' eva passati, Saccako ca Nigaṇṭhaputto* ti yadi hi taṇ aññe pi passeyyuṇ, taṇ kāraṇaṇ agaru assa. Samaṇo Gotamo Saccakaṇ attano vāde anotarantaṇ nātvā yakkhaṇ avhetvā dasseti; tato Saccako bhayena kathesi ti vadeyyuṇ. Tasmā Bhagavā c' eva passati, Saccako ca.

38. [231³⁶] Tassa taṇ disvā va sakalasarīrato sedā muccin-su; anto kucchi viparivattamānā mahāraṇaṇ ravi. So, aññe pi nu kho passanti ti olokento kassaci kiñci¹ lomahaṇsa-mattān pi na addasa. Tato idaṇ bhayaṇ mam' eva uppannaṇ; sacāhaṇ yakkho ti vakkhāmi, kiṇ tuyh' eva akkhini atthi, tvam eva yakkhaṇ passasi, paṭhamāṇ yakkhaṇ adisvā, sama-nena Gotamena vādasaṅghāṭe khitto va yakkhaṇ passasi ti vadeyyuṇ ti cintetvā, na dāni me idha aññaṇ paṭisaraṇaṇ atthi aññaṭra samaṇena Gotamenā ti maññaṇaṇo, *atha kho Saccako Nigaṇṭhaputto—pe—Bhagavantaṇ etad avoca. Tāṇaṇ gavesi* ti tāṇaṇ ti gavesamāno. *Leṇaṇ gavesi* ti leṇaṇ ti gave-samāno. *Saraṇaṇ gavesi* ti saraṇaṇ ti gavesamāno. Ettha ca tāyati, rakkhati ti tāṇaṇ. Niliyanti etthā ti leṇaṇ. Sarati ti saraṇaṇ. Bhayaṇ hiṇsati, viddhaṇseti ti attho.

39. [232⁷] *Manasikarivā* ti manamhi katvā, paccavekkhi-tvā, upadhāretvā. *Evaṇ me vedunā hotū* ti kusalā va hotu, sukhā va hotu. *Evaṇ me saññā hotū* ti kusalā va hotu, somanassasampayuttā va hotū ti. Saṅkhāra-viññāṇesu pi es' eva nayo. *Mā ahoṣi* ti ettha pana vuttavipariyāyena

attho veditabbo. *Kallaṇ nū* ti yuttaṇ nu. *Samanupassitun* ti etaṇ mama, eso 'ham asmi, eso me attā ti evaṇ taṇhā-māna-ditṭhivasena passituṇ. *No h' idaṇ, bho Gotamā* ti na yuttam etaṇ, bho Gotama. Iti Bhagavā, yathā nāma cheko ahituṇḍiko sappassa daṭṭhavisayaṇ ten' eva sappena puna dasāpetvā ubbāmeyya,¹ evaṇ tāyaṇ² yeva parisatiṇ³ Sacca-kaṇ Nigaṇṭhaputtaṇ ten' eva mukhena, pañcakkhandhā aniccā dukkhā anattā ti vadāpesi.

40. [233⁹] *Dukkhaṇ allīno* ti imaṇ pañcakkhandhadukkhaṇ taṇhā-ditṭhihi allīno. *Upagato, ajjhosito* ti pi taṇhā-ditṭhivasen' eva veditabbo. Dukkhaṇ, etaṇ mamā ti ādisu pañcakkhandhadukkhaṇ taṇhā-māna-ditṭhivasena samanupasati ti attho. *Parijāneyyā* ti aniccaṇ dukkhaṇ anattā ti tīraṇapariññāya parijāneyya.⁴ *Parikkhepetvā* ti khayaṇ vayaṇ anuppādaṇ upanetvā.

41. [233¹⁸] *Navan* ti taruṇaṇ. *Akukkukajātan*⁵ ti pupphagahaṇakāle anto aṅgutṭhappamāṇo eko ghanadaṇḍako nibbat-tati, tena virahitan ti attho. *Ritto* ti suñño sāravirahito. *Rittattā tuccho*. *Aparaddho* ti parājito. *Bhāsītā kho pana te* ti idaṇ Bhagavā tassa mukharabhāvaṇ pakāsetvā niggaṇhanto āha.

42. So kira pubbe Pūraṇādayo cha satthāre upasaṅkamitvā paṇhaṇ pucchati. Te vissajjetuṇ na sakkonti. Atha nesaṇ parisamajjhe mahantaṇ vippakāraṇ āropetvā utṭhāya jayaṇ pavedento gacchati. So, Sammāsambuddham pi tath' eva viheṭhessāmī ti saññāya upasaṅkamitvā,

“Ambho ko nām' ayaṇ rukkho sīnapatto sakaṇṭako
yattha ekappahārena uttamaṅgaṇ visāritan⁶” ti

(Jā. ii. 163)

ayaṇ khadiraṇ āhacca asārarukkhaparicito mudutuṇḍasakuṇo viya sabbaññutañānasāraṇ āhacca ñānatuṇḍabhedappatto⁷ sabbaññutañānasassa thaddhabhāvaṇ aññāsi. Tad assa pari-

¹ B. ubbāheyya; S. ubbāteyya.

² B. S. tassaṇ.

³ B. S. parisati.

⁴ B. S. parito jāneyya.

⁵ B. Akukkujātan; S. Akukkujātan.

⁶ B. S. vipphāritan.

⁷ B. S. °bhedaṇ patto

samajjhe pakāsento Bhagavā, *bhāsītā kho pana te ti* ādim āha.

43. [233³⁶] Tattha¹ *etarahī* ti, upādiṇṇakasarīre sedā nāma n' atthi ti na vattabbaṇ; *etarahi pana n' atthi ti* vadati. *Suvaṇṇavaṇṇaṇ kāyaṇ vivarī* ti na sabbaṇ kāyaṇ vivari. Buddhā nāma gaṇṭhikaṇ paṭimuñcitvā paṭicchannasārīrā parisatiṇ dhammaṇ desenti. Atha Bhagavā galavāṭakasaṃmukhaṭṭhāne cīvaraṇ gahetvā caturaṅgulamattaṇ otāresi. Otaritamatte pana tasmaṇ suvaṇṇavaṇṇā rasmiyo puñja-puñjā hutvā suvaṇṇaghaṭato rattasuvaṇṇarasadhārā viya rattavalāhakatō vijjullatā viya ca nikkhamitvā suvaṇṇa-murajasadisaṇ mahākhandaṇ uttamasiraṇ² padakkhiṇaṇ kurumānā ākāse pakkhandiṇsu.

44. Kasmā pana Bhagavā evaṃ akāsi ti? Mahājanassa kaṅkhāvinodanattaṇ. Mahājano hi, samaṇo Gotamo mayaṇ sedo n' atthi ti vadati; Saccakassa tāva Nigaṇṭhaputtassa yantārūlhassa viya sedā paggharanti; samaṇo pana Gotamo ghanadupaṭṭacīvaraṇ pārūpitvā nisinno; anto sedassa atthitā vā natthitā vā kathaṇ sakkā ñātun ti kaṅkhaṇ kareyya. Tassa kaṅkhāvinodanattaṇ evaṃ akāsi.

45. [234¹] *Maṅkubhūto* ti nittejabhūto. *Pattakkhandho* ti patitakkhandho. *Appatibhāno* ti uttaraṇ³ apassanto. *Nisīdī* ti pādaṅgutṭhakena bhūmiṇ kasamāno nisīdi.

46. [234³] *Dummukho* ti na virūpamukho. Abhirūpo hi so pāsādiko. Nāmaṇ pan' assa etaṇ. *Abhabbo taṇ pokkharaniṇ puna otaritun* ti sabbesaṇ alānaṇ bhaggattā pacchin-nagamano otarituṇ abhabbo tatth' eva kāka-kulalādīnaṇ bhattaṇ hoti ti dasseti. *Visūkāyitānī* ti diṭṭhivisūkānī. *Visevitānī* ti diṭṭhisāṇcaritānī. *Vipphanditānī* ti diṭṭhivipphanditānī. *Yadidaṇ vādādhippāyo* ti ettha yadidan ti nipātamattaṇ. *Vādādhippāyo* hutvā vādaṇ āropessāmī ti ajjhāsayena upasaṅkamituṇ abhabbo; dhammasavanāya pana upasaṅkameyyā ti dasseti.

17. [234²⁴] *Dummukhaṇ Licchaviputtaṇ etad avocā* ti kasmā

¹ B. N' atthi; S. Ettha n' atthi.

² B. uttamasiravaraṇ ca; S. uttaracīvaraṇ ca.

³ B. uttari; S. uttariṇ.

avoca? Dummukhassa kira upamāharanakāle sesā Licchavikumārā pi cintesuṇ: Iminā Nigaṇṭhena amhākaṇ sippugahaṇaṭṭhāne ciraṇ avamāno kato; ayaṇ dāni amittassa piṭṭhiṇ passituṇ kālo. Mayam pi ekekaṇ upamaṇ āharitvā pāṇippahārena patitaṇ muggarena pothentā viya tathā naṇ karissāma, yathā na puna parisamajjhe sīsaṇ ukkhipituṇ sakkhissatī ti. Te opammāni karitvā Dummukhassa kathā-pariyosānaṇ āgamayamānā nisīdiṇsu. Saccako tesāṇ adhippāyaṇ ūatvā, ime sabbe va gīvaṇ ukkhipitvā oṭṭhehi calamānehi ṭhitā; sace paccekaṇ¹ upamaṇ āharituṇ labhissanti, puna mayā parisamajjhe sīsaṇ ukkhipituṇ na sakkā bhavissati, handāhaṇ Dummukhaṇ apasādetvā yathā aññassa okāso na hoti, evaṇ kathāvāraṇ pacchinditvā samaṇaṇ Gotamaṇ paṇhaṇ pucchissāmī ti, tasmā etad avoca.

48. Tattha āgamehī ti tiṭṭha. Puna mā bhaṇī ti attho. *Tiṭṭhat' esā bho Gotamā* ti bho Gotama, esā amhākaṇ c' eva aññesaṇ ca puthu-samaṇabrāhmaṇānaṇ vācā tiṭṭhatu. *Vilāpaṇ vilapitaṇ maññe* ti etaṇ hi vacanaṇ vilapitaṇ viya hoti. Vippalapitamattaṇ hoti ti attho. Attha vā, tiṭṭhat' esā ettha kathā ti āharitvā vattabbaṇ. Vācāvilāpaṇ vilapitaṇ maññe ti ettha pana idaṇ vācānicchāraṇaṇ vilapitamattaṇ maññe hoti ti attho.

49. [234³⁰] Idāni paṇhaṇ pucchanto *kittāvata* ti ādim āha. Tattha *vesārajjappatto* ti ūāṇappatto. *Aparappaccayo* ti aparappattiyo. Ath' assa Bhagavā paṇhaṇ vissajjento, *idha Aggivessanā* ti ādim āha. Taṇ uttānattham eva. Yasm āpan' ettha *passatī* ti vuttattā sekhabhūmi dassitā, tasmā uttariṇ asekkhabhūmiṇ pucchanto dutiyaṇ paṇhaṇ pucchi. Tam pi 'ssa Bhagavā byākāsi.

50. [235²⁸] Tattha *dassanānuttariyenā* ti ādisu dassanānuttariyaṇ lokiya-lokuttarā paṇṇā. *Paṭipadānuttariyan* ti lokiya-lokuttarā paṭipadā. *Vimuttānuttariyan* ti lokiya-lokuttarā vimutti. Suddhalokuttaram eva vā gahetvā dassanānuttariyan ti arahattamaggasammāditṭhi. Paṭipadānuttariyan ti sesamaggaṇgāni. Vimuttānuttariyan ti aggaphalavimutti.² Khīṇāsavassa vā nibbānadassanaṇ dassanānutt-

¹ B. S. paccekā upamā.

² C. S. magga°.

tariyaṇ nāma; atṭha maggaṅgāni paṭipadānuttariyaṇ; agga-phalaṇ vimuttānuttariyaṇ ti veditabbaṇ.

51. [235²⁰] *Buddho so Bhagavā* ti so Bhagavā sayam pi cattāri saccāni buddho. *Bodhāyā* ti paresam pi catusacca-bodhāya dhammaṇ deseti. *Danto* ti ādisu danto ti nibbisevano. *Damathāyā* ti nibbisevanatthāya. *Santo* ti sabba-kilesavūpasamena santo. *Samathāyā* ti kilesavūpasamāya. *Tinno* ti caturoghaṭṭiṇṇo. *Taraṇāyā* ti caturoghataraṇāya. *Parinibbuto* ti kilesaparinibbānena parinibbuto. *Parinibbānāyā* ti kilesaparinibbānatthāya dhammaṇ deseti.

52. [236¹] *Dhaṅsī* ti guṇadhaṅsakā. *Pagabbhā* ti vācā-pāgabbhiyena samannāgatā. *Āsādetabban* ti ghaṭṭetabbaṇ. *Āsajjā* ti ghaṭṭetvā. *Na tv' eva bhavantaṇ Gotaman* ti bhavantaṇ Gotamaṇ āsajja kassaci attano vādaṇ anupahataṇ sakalaṇ ādāya pakkamituṇ thāmo n' atthi ti dasseti. Na hi Bhagavā hatthi-ādayo viya kassaci jīvitantarāyaṇ karoti.

53. [236³] Ayaṇ pana Nigaṇṭho imā tisso upamā na Bhagavato ukkaṇṣanattaṇ āhari; attukkaṇṣanattam eva āhari. Yathā hi rājā kañci paccatthikaṇ ghātetvā evam pi¹ nāma sūro evaṇ thāmasampanno puriso bhavissati ti paccatthikaṇ thomento pi attānam eva thometi. Evam eva eso pi, *siyā hi, bho Gotama, hatthippabbhinnan* ti ādili Bhagavantaṇ ukkaṇsento pi, mayam eva sūrā, mayaṇ paṇḍitā, mayaṇ bahussutā, ye evaṇ pabhinnahatthiṇ viya, jalita-aggikkhandhaṇ viya, phaṇakata-āsivisaṇ viya ca vādatthikā Sammāsambuddhaṇ upasaṅkamimhā ti attānaṇ yeva ukkaṇseti.

54. [236¹²] Evaṇ attānaṇ ukkaṇsetvā Bhagavantaṇ nimantayamāno, *adhivāsetu me* ti ādim āha. Tattha *adhivāsetū* ti sampatiṇchatu. *Svātunāyā* ti yaṇ me tumhesu kāraṇ karoto sve bhavissati puññaṇ ca piṭipāmojjaṇ ca tadatthāya. *Adhivāsesi Bhagavā tuṇhībhāvenā* ti Bhagavā kāyaṅgavācaṅgaṇ acopetvā abbhantare yeva khantiṇ dhārento tuṇhībhāvena adhivāsesi. Saccakassa anuggahakaraṇattaṇ manasā va sampatiṇchī ti vuttaṇ hoti.

55. [236¹⁸] *Yam assa patirūpaṇ maññeyyāthā* ti te kira licchavī tassa pañca thālipākasaṭāni niccabhattaṇ abhi-

haranti¹; tad eva sandhāya esa, sve tumhe yaṇ assa samaṇassa Gotamassa paṭirūpaṇ kappiyan ti maññeyyātha, taṇ āhareyyātha; samaṇassa hi Gotamassa tumhe paricārakā, kappiyā-kappiyaṇ, yuttāyuttaṇ jānāthā ti vadati. *Bhattābhīhāraṇ abhihariṇsū* ti abhiharitabbaṇ bhattaṇ abhihariṇsu.

56. [236²⁹] *Paṇītenā* ti uttamena. *Sahatthā* ti sahatthena. *Santappetvā* ti suṭṭhu tappetvā; paripunṇaṇ, suhitaṇ, yā-vadatthaṇ katvā. *Sampavāretvā* ti suṭṭhu pavāretvā; alaṇ alan ti hatthasaññāya paṭikkhipāpetvā. *Bhuttāvin* ti bhuttavantaṇ. *Onīlapattapāṇin* ti pattato onītapāṇiṇ. Apanīta-hatthan ti vuttaṇ hoti. Ohitapattapāṇin² ti pi pāṭho. Tass' attho: Ohitaṇ³ nānābhūtaṇ pattaṇ pāṇito assā ti ohitapattapāṇi²; taṇ ohitapattapāṇiṇ. Hatthe ca pattaṇ ca dhovitvā ekamante pattaṇ nikkhipitvā nisinnan ti attho. *Ekam antaṇ nisīdī* ti Bhagavantaṇ evambhūtaṇ ṇatvā ekasmiṇ okāse nisīdī ti attho.

57. [236³⁴] *Puññaṇ ca puññaamahī cā* ti yaṇ imasmiṇ dāne puññaṇ. Āyatiṇ vipākakkhandhā ti attho. Puññaamahī ti vipākakkhandhānaṇ yeva parivāro. *Tuṇ dāyākānaṇ sukhāya hotū* ti taṇ imesaṇ Licchaviṇaṇ sukhathāya hotu. Idaṇ kira so, ahaṇ pabbajito nāma, pabbajitena ca na yuttaṇ attano dānaṇ niyyātetun ti tesaṇ niyyātentō evam āha. Atha Bhagavā, yasmā Licchavihi Saccakassa dinnāṇ, na Bhagavato, Saccakena pana Bhagavato dinnāṇ, tasmā tam atthaṇ dipento, *yaṇ kho, Aggivessanū* ti ādim āha. Iti Bhagavā Nigaṇṭhassa manāṇ⁴ vinā yeva attano dinnāṇ dakkhinaṇ Nigaṇṭhassa niyyāteṣi, sā c' assa anāgate vāsanaṇ bhavissati ti.

Cūḷa-Saccakasuttaṇ pañcumaṇ.

36.

[*Mahā-Saccakasuttavaṇṇanā*]

1. [237⁵] *Evam me sutaṇ* ti Mahā-Saccakaṇ. Tattha *ekaṇ samayaṇ* ti ca *tena kho pana samayaṇā* ti ca *pubbanhasamayaṇ* ti ca tihi padehi eko yeva samayo vutto. Bhikkhūnaṇ hi

¹ B. āharanti.

² B. S. Onitta°.

³ B. S. Onittaṇ.

⁴ B. matena.

vattapaṭivattaṇ katvā mukhaṇ dhovitvā pattacīvaram ādāya cetiyaṇ vanditvā, katarāṇ gāmaṇ pavississāmā ti vitakkamālake ṭhitakālo nāma hoti. Bhagavā evarūpe samaye rattadupaṭṭaṇ nivāsetvā kāyabandhanaṇ bandhitvā paṇsukūlacīvaraṇ ekaṇsaṇ pārupitvā Gandhakuṭito nikkhamma bhikkhusaṅghaparivuto Gandhakuṭipamukhe aṭṭhāsi. Taṇ sandhāya, ckaṇ samayan ti ca tena kho pana samayenā ti ca pubbaṇhasamayan ti ca vuttaṇ.

2. [237⁸] *Pavisitukāmo* ti, piṇḍāya pavississāmī ti evaṇ katasannitṭhāno. *Ten' upasaṅkamī* ti kasmā upasaṅkami? Vādāropanajjhāsayena. Evaṇ kir' assa ahosi: Pubbe pāhaṇ apaṇḍitatāya sakalaṇ Vesālīparisaṇ gahetvā samaṇassa Gotamassa santikaṇ gantvā parisamajjhe maṅkujāto. Idāni tathā akatvā ekako va gantvā vādaṇ āropessāmī. Yadi samaṇaṇ Gotamaṇ parājetuṇ sakkhissāmī, attano laddhiṇ dīpetvā jayaṇ karissāmī. Yadi samaṇassa Gotamassa jayo bhavissati, andhakāre naccaṇ viya na koci jānissatī ti nid-dāpaṇhaṇ¹ nāma gahetvā iminā vādajjhāsayena upasaṅkami.

3. [237¹⁷] *Anukampaṇ upādāyā* ti Saccakassa Nigaṇṭha-puttassa anukampaṇ paṭicca. Therassa kira evaṇ ahosi: Bhagavati muhuttanisinne² Buddhadassanaṇ ca dhammasavanaṇ ca labhissati. Tad assa dīgharattaṇ hitāya sukhāya saṇvattissatī ti. Tasmā Bhagavantaṇ yācitvā paṇsukūlacīvaraṇ catugguṇaṇ paññāpetvā, nisīdatha Bhagavā ti āha. Kāraṇaṇ Ānando vadatī ti sallakkhetvā nisīdi Bhagavā paññatte āsane.

4. [237²²] *Bhagavantaṇ etad avocā* ti yaṇ pana paṇhaṇ ovattīkasāraṇ katvā ādāya āgato, taṇ ṭhapetvā passena tāva pariharanto etaṇ, santi, bho Gotamā ti ādivacanaṇ avoca. *Phusanti, hi, bho Gotamā* ti te samaṇa-brāhmaṇā, sarīre uppannaṇ sārīrikaṇ dukkhaṇ vedanaṇ phusanti. Labhanti, anubhavanti ti attho. *Ūrukkhambho* ti khambhagata-ūrubhāvo. *Ūrutthaddhatā* ti attho. 'Vimhayatthavasena paṇ' ettha bhavissatī ti anāgatavacanaṇ kataṇ. *Kāyanvayaṇ hoti* ti kāyānugataṇ hoti, kāyavasavatti.

¹ B. naggi°.

² B. S. muhuttaṇ ni°.

5. [237²³] *Kāyabhāvanā* ti pana vipassanā vuccati. Tāya cittavikkhepaṇ pāpuṇanto nāma n' atthi. Iti Nigaṇṭho asantaṇ abhūtaṇ, yaṇ n' atthi, tad eva āha. *Cittabhāvanā* ti pi samatho vuccati. Samādhiyuttassa ca puggalassa ūruk-khambhādayo nāma n' atthi. Iti Nigaṇṭho idam pi abhūtam eva āha. Aṭṭhakathāyaṇ pana vuttaṇ: Yath' eva bhūtapubban ti vatvā ūruk-khambho pi nāma bhavissatī ti ādini vadato anāgatarūpaṇ na sameti, tathā attho pi na sameti; asantaṇ abhūtaṇ, yaṇ n' atthi, taṇ kathetī ti.

6. [238¹¹] *No kāyabhāvanan* ti pañcātapatappanādiṇ¹ attakilamathānuyogaṇ sandhāy' āha. Ayaṇ hi tesāṇ kāyabhāvanā nāma. Kiṇ pana so disvā evam āha? So kira divādivassa vihāraṇ āgacchati. Tasmiṇ ca² samaye bhikkhū pattacīvaraṇ paṭisāmetvā attano attano rattiṭṭhāna-divāṭṭhānesu paṭisallānaṇ upagacchanti. So te paṭisalline disvā, cittabhāvanāmattaṇ ete anuyuñjanti, kāyabhāvanā pana tesāṇ n' atthi ti maññamāno evam āha.

7. [238¹²] Atha naṇ Bhagavā anuyuñjanto, *kin ti pana te, Aggivessana, kāyabhāvanā sutā* ti āha. So taṇ vitthārento, *seyyathīdaṇ Nando Vaccho* ti ādim āha. Tattha *Nando* ti tassa nāmaṇ. *Vaccho* ti gottaṇ. *Kiso* ti nāmaṇ. *Saṅkicco* ti gottaṇ. *Makkhali Gosālo* hetṭhā āgato va. *Ete* ti ete tayo janā. Te kira kiliṭṭhatapānaṇ matthakappattā ahesuṇ. *Uḷārāni uḷārāni* ti paṇitāni paṇitāni. *Gāhentī nāmā* ti balaṇ gaṇhāpenti nāma. *Brūhentī* ti vaḍḍhenti. *Medentī* ti saṇjātamedāṇ³ karonti. *Purimaṇ puhāyā* ti purimaṇ dukkarakāraṇ pahāya. *Pacchā upacinantī* ti pacchā uḷārakhādānī yādihi santappenti, vaḍḍhenti. *Ācayāpacayo hotī* ti vaḍḍhi ca avaḍḍhi ca hoti.

8. [238³⁶] Iti imassa kāyassa kālena vaḍḍhi, kālena pari-hānī ti vaḍḍhiparihānimattam eva paññāyati, kāyabhāvanā pana na paññāyati ti dīpetvā cittabhāvanaṇ pucchanto, *kin ti pana te, Aggivessana, cittabhāvanā sutā* ti āha. *Na sampāyāsī* ti sampādetvā kathetuṇ nāsakkhi, yathā taṇ bālaputhujjano.

¹ B. S. °karaṇādi-.

² B. S. kho pana.

³ B. S. jātamedāṇ.

9. [239⁶] *Kuto pana tvaṇ ti yo tvaṇ evaṇ oḷārikaṇ dubbalaṇ kāyabhāvanaṇ na jānāsi, so tvaṇ kuto saṇhaṇ sukhumaṇ cittaabhāvanaṇ jānissasī ti?* Imasmiṇ pana ṭhāne Goṇara-viyatthero¹ abuddhavacanaṇ nām' etaṇ padan ti vījanaṇ ṭhapetvā pakkāmi.² Atha naṇ Mahā-Sivatthero āha: "Dis-sati, bhikkhave, imassa cātummahābhūtikassa kāyassa ācayo pi apacayo pi ādānam pi nikkhepanam pi" ti (S. ii. 94). Taṇ sutvā sallakkhesi: Oḷārikakāyaṇ parigaṇhantassa uppannavipassanā oḷārikā ti vattuṇ vaṭṭatī ti.

10. [239³⁵] *Sukhasārāgī ti sukhasārāgena samannāgato. Sukhāya vedanāya nirodhā uppajjati dukkhā vedanā ti na anantarā va uppajjati. Sukha-dukkhānaṇ hi anantarapaccayatā Paṭṭhāne paṭisiddhā. Yasmā pana sukhe aniruddhe dukkhaṇ n' uppajjati, tasmā idha evaṇ vuttaṇ. Pariyādāya tiṭṭhati ti khetvā gaṇhitvā tiṭṭhati. Ubhatopakkhaṇ ti sukhaṇ ekaṇ pakkhaṇ, dukkhaṇ ekaṇ pakkhaṇ ti evaṇ ubhatopakkhaṇ hutvā.*

11. [239³⁴] *Uppannā pi sukhā vedanā cittaṇ na pariyādāya tiṭṭhati bhāvitattā kāyassa, uppannā pi dukkhā vedanā cittaṇ na pariyādāya tiṭṭhati, bhāvitattā cittaṇ ti ettha kāyabhāvanā vipassanā; cittaabhāvanā ca samādhi. Vipassanā ca sukhassa paccanikā, dukkhassa āsannā. Samādhi dukkhassa paccaniko, sukhassa āsanno.*

12. Kathaṇ? Vipassanaṇ paṭṭhapetvā nisinnassa hi addhāne gacchante gacchante tattha tattha aggi-utthānaṇ viya hoti; kacchehi sedā muccanti; matthakato usumavaṭṭi-utthānaṇ viya hoti; cittaṇ haññati, vihaññati, vipphandati. Evaṇ tāva³ vipassanā sukhassa paccanikā, dukkhassa āsannā. Uppanne pana kāyike vā cetasike vā dukkhe taṇ dukkhaṇ vikkhambhetvā⁴ samāpattiṇ samāpannassa samāpattikkhaṇ dukkhaṇ dūrāpagataṇ hoti, anappakaṇ sukhaṇ okkamati. Evaṇ samādhi dukkhassa paccaniko, sukhassa āsanno. Yathā vipassanā sukhassa paccanikā, dukkhassa āsannā, na tathā samādhi. Yathā samādhi dukkhassa paccaniko, sukhassa āsanno, na tathā vipassanā ti. Tena vuttaṇ: *Uppannā pi*

¹ B. S. Codanālaya°.

² B. pakkamituṇ ārabhi.

³ S. Ettāvatā.

⁴ B. S. vikkhambhitvā.

sukhā vedanā cittaṇ na pariyādāya tiṭṭhati bhāvitattā kāyassa, uppannā pi dukkhā vedanā cittaṇ na pariyādāya tiṭṭhati bhāvitattā cittassā ti.

13. [240⁷] *Āsajja upanīyā* ti guṇe ghaṭṭetvā c' eva upanetvā ca. *Taṇ vata me ti taṇ vata mama cittaṇ. Kiṇ hi no siyā, Aggivessanā* ti Aggivessana, kiṇ na bhavissati, bhavissati eva, mā evaṇ saññī hohi, uppajji¹ yeva me sukhā pi dukkhā pi vedanā. Uppannāya pan' assā ahaṇ cittaṇ pariyādātuṇ na demi.

14. [240¹⁸] *Idāni tassa² tam atthaṇ pakāsetuṇ uparipasā-dāvahaṇ dhammaḍesanaṇ desetukāmo mūlato paṭṭhāya mahābhinikkhamanaṇ ārabhi. Tattha idha me Aggivessana, pubbe va sambodhā—pe—tatt' eva nisīdiṇ, alam idaṇ pu-dhānāyā* ti idaṇ sabbaṇ heṭṭhā Pāsarāsisutte vuttanayena veditabbaṇ. Ayaṇ pana viseso: Tattha Bodhipallaṇke nisajja; idha dukkarakārikāyaṇ.

15. [240³¹] *Allaṇ kaṭṭhan* ti allaṇ udumbarakaṭṭhaṇ. *Sa-snehan* ti sakhīraṇ. *Kāmehi* ti vatthukāmehi. *Avūpa-kaṭṭhā* ti anapagatā. *Kāmacchando* ti ādisu kilesakāmo va chandakaraṇavasena *chando*; sinehakaraṇavasena *sneho*; mucchākaraṇavasena *mucchā*; pipāsākaraṇavasena *pipāsā*; anudahanavasena *parilāho* ti veditabbo. *Opakkamikā* ti upakkamanibbattā. *Ñāṇāya³ dassanāya anuttarāya sammā-sambodhāyā* ti sabbaṇ lokuttaramaggavevacanam eva.

16. *Idaṇ pan' ettha opammasaṇsandanaṇ: Allaṇ sakhi-raṇ udumbarakaṭṭhaṇ viya hi kilesakāmena vatthukāmato anissaṭapuggalā. Udaḱe pakkhittabhāvo viya kilesakāmena tintatā. Manthanenāpi aggino anibbattanaṇ viya kilesakāmena⁴ vatthukāmato anissaṭānaṇ opakkamikāhi vedanāhi lokuttaramaggassa anadhigamo. Amanthanenāpi aggino anabhinibbattanaṇ viya tesaṇ puggalānaṇ vinā pi opakkamikāhi vedanāhi lokuttaramaggassa anadhigamo ti. Duttiya-upamā pi iminā va nayena veditabbā. Ayaṇ pana viseso: Purimā saputtabhariya-pabbajjāya upamā; pacchimā brāhmaṇadhammika-pabbajjāya.*

¹ B. S. uppajjati.

³ C. omits.

² B. S. Idani 'ssa.

⁴ B. S. 'kāmehi.

20. [242²⁴] *Dante 'bhidantam ādhāyā* ti heṭṭhādante abhi-dantaṇ¹ uparidantaṇ ṭhapetvā. *Cetasā cittaṇ* ti kusalacittena akusalacittaṇ. *Abhiniggaṇheyyaṇ* ti niggaṇheyyaṇ. *Abhinippīleyyaṇ* ti nippīleyyaṇ. *Abhisantāpeyyaṇ* ti tāpetvā viriyanimmathitaṇ² kareyyaṇ. *Sāraddho* ti sadaratho. *Padhānābhittunnassā* ti padhānena abhittunnassa. Viddhassa sato ti attho. *Appānakaṇ* ti nirassāsakaṇ. *Kammāragagariyā* ti kammārassa gaggaraṇāliyā. *Sisavedunā honti* ti kutoci nikkhamituṇ alabhamānehi vātehi samuṭṭhāpitā balavatiyo sisavedanā honti. *Sīsavethaṇ dadeyyā* ti sīsavethanaṇ dadeyya.

21. [245¹] *Devatā* ti Bodhisattassa caṅkamanakoṭiyaṇ paṇṇasālaparivenasāmantaṇ adhivatthā devatā. Tadā kira Bodhisattassa adhimatte kāyadāhe uppanne mucchā udapādi. So caṅkame va nisinno hutvā papati. Taṇ disvā devatā evam āhaṇsu. *Vihāro tv' ev' eso arahato* ti, arahanto nāma evarūpā honti matakasadisā ti laddhiyā vadanti. Tattha yā devatā *kālakato* ti āhaṇsu tā gantvā Suddhodanamahārājassa ārocesuṇ: Tumhākaṇ putto kālakato ti. Mama putto Buddhho hutvā kālakato, aḥutvā ti? Buddhho bhavituṇ nāsakkhi; padhānabhūmiyaṇ yeva patitvā kālakato ti. Nāhaṇ saddahāmi; mama puttassa bodhiṇ appatvā kālakariyā nāma n' atthi ti.

22. Aparabhāge Sammāsambuddhassa dhammacakkaṇ pavattetvā anupubbena Rājagahaṇ gantvā Kapilavatthuṇ anuppattassa Suddhodanamahārājā pattaṇ gahetvā pāsādaṇ āropetvā yāgukhajjakaṇ datvā antarābhattasamaye etam atthaṇ ārocesi: Bhagavā, tumhākaṇ padhānakaraṇakāle devatā āgantvā, putto te, mahārāja, kālakato ti āhaṇsū ti.³ Saddahi, mahārāja ti? Na Bhagavā saddahin ti. Idāni mahārāja, supinapaṭiggahaṇato paṭṭhāya acchariyāni passanto kiṇ saddahissasi? Aham pi Buddhho jāto, tvam pi Buddha-pitā jāto. Pubbe pana mayhaṇ aparipakke ñāṇe bodhicariyaṇ carantassa Dhammapālakumārakāle sippaṇ uggahetuṇ gatassa, tumhākaṇ putto Dhammapālakumāro kālakato, idam assa

¹ B. S. *omit.*² B. S. °mathanaṇ.³ B. S. *add* Kiṇ.

aṭṭhi ti eḷakatṭhiṇ āharitvā dassetuṇ. Tadā pi tumhe, mama puttassa antarāmaraññaṇ nāma n' atthi, nāhaṇ saddahāmi ti avocuttha, mahārājā ti. Imissa aṭṭhuppattiyā Bhagavā Mahā-Dhammapāla jātaṇ kathesi.

23. [245⁸] *Mā kho tvaṇ mārīsā* ti sampiyāyamānā āhaṇsu. Devatānaṇ kira¹ piyamanāpavohāro, yadidaṇ mārīsā ti. *Ajaddhukun* ti abhojanaṇ. *H' alan ti vadāmi* ti alan ti vadāmi. Alaṇ iminā, mā evaṇ karittha, yāpessām' ahan ti evaṇ paṭisedhemī ti attho. *Maṇḍuracchavi* ti maṇḍuramacchacchavi. *Etāvaparaman* ti tāsani pi vedanānaṇ etaṇ yeva paramaṇ, uttamaṇ pamāṇaṇ.

24. [246³¹] *Pitu Sakkaṣa kammante—pe—paṭhamajjhānaṇ upasampajju viharitū* ti, rañño kira vappamaṅgala-divaso nāma hoti. Tadā anekappakāraṇ khādaniyaṇ bhojaniyaṇ paṭiyādentī. Nagaravīthiyo sodhāpetvā punṇaghaṭe ṭhapāpetvā dhaja-paṭākāyo ussāpetvā sakalanagaraṇ devavimānaṇ viya alaṅkaronti. Sabbe dāsakammakārādayo ahata-vatthanivatthā gandhamālāpaṭimaṇḍitā rājakule sannipatanti. Rañño kammante naṅgalasahassaṇ yojiyati. Tasmiṇ pana divase ekena ūnaṇ aṭṭhasataṇ yojenti. Sabbāni naṅgalāni saddhiṇ balivadda-rasmi-yottehi Jānussoṇissa ratho viya rajataparikkhatāni honti. Rañño ālambana-naṅgalaṇ pana rattasuvannaṇaparikkhataṇ hoti. Balivaddanaṇ siṅgāni rasmi-patodā pi suvaṇṇaparikkhatā va honti. Rājā mahāparivārena nikkhamanto puttaṇ gahetvā agamāsi.

25. Kammantaṭṭhāne eko jamburukkho bahalapattapalāso sandacchāyo ahosi. Tassa heṭṭhā kumārassa sayanaṇ pañña-pāpetvā upari suvaṇṇatāraṇakakhacitaṇ vitānaṇ bandhāpetvā sānipākārena parikkhipāpetvā ārakkhaṇ ṭhapetvā rājā sabhālaṅkārena alaṅkaritvā amaccagaṇaparivuto naṅgalakaraṇaṭṭhānaṇ agamāsi. Tattha rājā suvaṇṇanaṅgalaṇ gaṇhāti; amaccā eken' ūna-aṭṭhasatarajatanāṅgalāni; kassakā sesanaṅgalāni. Te tāni gahetvā ito c' ito ca kasanti. Rājā pana orato ca pārāṇ gacchati, pārato vā oraṇ gacchati. Etasmiṇ ṭhāne mahāsampatti hoti. Bodhisattaṇ parivāretvā nisinnā dhātiyo, rañño sampattiṇ passissāmā ti anto sūnito bahi nik.khantā.

¹ B. kirāyaṇ.

26. Bodhisatto ito c' ito ca olokento kañci adisvā vegena utthāya pallaṅkaṇ abhujitvā ānāpāne pariggahetvā paṭhamañ jhānaṇ nibbatesi. Dhātiyo khajjabhojjantare vicaramānā thokaṇ cirāyiṇsu. Sesarukkhānaṇ chāyā nivattā; tassa pana jamburukkhassa parimaṇḍalā hutvā atthāsi. Dhātiyo, ayya putto ekako ti vegena sāṇiṇ ukkhipitvā anto pavisamānā Bodhisattaṇ sayane pallaṅkena nisinnaṇ, tañ ca pāṭihāriyaṇ disvā gantvā rañño ārocesuṇ: Deva, kumāro evaṇ nisinno; annesaṇ rukkhānaṇ chāyā nivattā, jamburukkhassa parimaṇḍalā tthitā ti. Rājā vegena gantvā pāṭihāriyaṇ disvā, idaṇ te, tāta, dutiyaṇ vandanaṇ ti puttaṇ vandi. Idam etaṇ sandhāya vuttaṇ: *Pitu Sakkassa kammante—pe—paṭhamaj-jhānaṇ upasampajja viharitā* ti.

27. [246³⁵] *Siyā nu kho eso maggo bodhāyā* ti bhaveyya nu kho etaṇ ānāpānasati-paṭhamajjhānaṇ bujjanatthāya maggo ti? *Satānusāri viññānaṇ* ti na yidaṇ dukkaraṇ, bodhāya maggo bhavissati, ānāpānasati-paṭhamajjhānaṇ pana bhavissatī ti evaṇ ekadve vāre uppannasatiyā anantaraṇ uppannaṇ viññānaṇ satānusāri viññānaṇ nāma. *Yaṇ taṇ sukhā* ti yaṇ taṇ ānāpānasati-paṭhamajjhānasukhaṇ.

28. [247¹¹] *Paccupatthitā hontī* ti paṇnasāla-parivena-sam-majjanādivattakaraṇena upatthitā hontī. *Bāhuliko* ti pac-cayabāhuliko. *Āvatto bāhullāyā* ti rasagiddho hutvā paṇita-piṇḍapātādinaṇ atthāya āvatto. Nibbijja pakkamaṇsū ti ukkaṇṭhitvā dhammaniyāmen' eva pakkantā. Bodhisat-tassa sambodhiṇ pattakāle kāyavivekassa okāsadānatthaṇ dhammatāya gatā. Gacchantā ca aññattha¹ agantvā Bā-rāṇasim eva agamaṇsu. Bodhisatto tesu gatesu addhamāsaṇ kāyavivekaṇ labhitvā Bodhimaṇḍe aparājitapallaṅkena nīsi-ditvā sabbaññutañāṇaṇ paṭivijjhi. *Vivicc' eva kāmehī* ti ādi Bhayabherave vuttanayaṇ' eva veditabbaṇ.

29. [249²³] *Abhiñānāmi kho pañāhan* ti ayaṇ pāṭiyekko anusandhi. Nigaṇṭho kira cintesi: Ahaṇ samaṇaṇ Gotamaṇ ekaṇ pañhaṇ pucchiṇ. Samaṇo Gotamo, aparā pi maṇ, Aggivessana, aparā pi maṇ, Aggivessana ti pariyosānaṇ adassento katheti yeva. Kupito nu kho ti? Atha Bhagavā,

¹ B. aññatthānaṇ

Aggivessana, Tathāgate anekasatāya parisāya dhammaṃ desente, kupito samaṇo Gotamo ti eko pi vattā n' atthi, paresaṃ bodhanatthāya paṭivijjhanatthāya Tathāgato dhammaṃ deseti ti dassento imaṃ desanaṃ ārabhi.

30. [249²⁵] Tattha ārabbhā ti sandhāya. Yāvad evā ti payojanāvadhi-paricchedaniyamaṇaṃ. Idaṃ vuttaṃ hoti: Paresaṃ viññāpanam eva Tathāgatassa dhammadeśanāya payojanaṃ. Tasmā na ekass' eva deseti; yattakā viññātāro atthi, sabbesaṃ deseti ti.

31. [249²⁸] Tasmaṃ yeva purimasmin ti iminā kiṃ dasseti? Saccako kira cintesi: Samaṇo Gotamo abhirūpo pāsādiko; suphassitaṃ dantāvaraṇaṃ, jivhā mudukā, madhuraṃ vākaranaṃ, parisāṃ rañjento maññe vicarati. Attano¹ pan' assa cittekaggatā n' atthi ti. Ath' assa Bhagavā, na, Aggivessana, Tathāgato parisāṃ rañjento vicarati, cakkavāla-pariyantāya pi parisāya Tathāgato dhammaṃ deseti, asallitto² anupalitto, ekantaṃ ekavihāri,³ suññatāphalasamāpattiṃ anuyutto ti dassetuṃ evam āha.

32. [249²⁹] Ajjhataṃ evā ti gocarajjhataṃ eva. Sannisādemā ti sannisīdāpemi. Tathāgato hi yasmiṃ khane parisā sādhu-kāraṇaṃ deti, tasmiṃ khane pubbābhogena⁴ paricchin-ditvā phalasamāpattiṃ samāpajjati; sādhu-kārasaddassa nigghose anupacchinne⁵ yeva samāpattito vuṭṭhāya ttitatthā-nato paṭṭhāya dhammaṃ deseti. Buddhānaṃ hi bhavañ-gaparivāso lahuco hoti; assāsavāre assāsavāre phalasamāpattiṃ samāpajjanti. Yena sudaṃ niccakappaṃ ti yena suññatāphalasamādhinā niccakālaṃ viharāmi, tasmiṃ samādhinimitte cittaṃ saṇṭhapemi, samādaḥāmī ti dasseti.

33. [249³¹] Okappaṇīyam etaṃ ti saddahaniyam etaṃ. Evaṃ Bhagavato ekaggacittataṃ sampaticchitvā, idāni attanā⁶ ovattikasāraṃ katvā ānītapaññaṃ pucchanto, abhiñānāti pana bhavaṃ Gotamo divā supitā ti āha. Yathā hi sunakho nāma asambhinnakhīrapakka-pāyāsaṃ sappinā yojetvā udarapūraṃ bhojito pi gūthaṃ disvā akhāditvā gantuṃ na sakkoti; akhā-

¹ B. Anto.

² B. S. asallīno.

³ S. °vihārasuñ°.

⁴ S. pubbabhāgena.

⁵ B. avicchinne; S. aparicchinne.

⁶ B. attano.

damāno ghāyitvā pi gacchati. Aghāyitvā ca gatassa kira sīsaṇ rujati. Evaṇ imassa pi Satthā asambhinna-khīrapāyā-sasadisaṇ abhinikkhamanato paṭṭhāya yāva āsavakkhayā pasādaniyaṇ dhammadesanaṇ desesi. Etassa pana evarūpaṇ dhammadesanaṇ sutvā Satthari pasādamattam pi na uppannaṇ. Tasmā ovaṭṭikasāraṇ katvā ānitaṇ pañhaṇ apucchitvā gantuṇ asakkonto evam āha.

34. [249³³] Atha, yasmā thīnamiddhaṇ sabbakhīṇāsavānaṇ arahattamaggen' eva pahiyati, kāyadaratho pana upādiṇṇake pi hoti, anupādiṇṇake pi; tathā hi kamaluppalādiṇi ekasmiṇ kāle vikasanti, ekasmiṇ mukulāni¹ honti; sāyaṇ kesañci rukkhānam pi pattāni paṭiliyanti, pāto vipphārikāni honti; evaṇ upādiṇṇaka-kāyassa daratho c' eva darathavasena bhavaṇgasotaṇ ca idha niddā ti adhippetā. Taṇ khīṇāsavānam pi hoti ti taṇ sandhāya, *abhiṇānām' ahan* ti ādim āha. *Sammo-havihārasmiṇ vadanti* ti sammohavihāro ti vadanti.

35. [250²³] *Āsajja āsajja* ti ghaṭṭetvā ghaṭṭetvā. *Upanī-tehi upanītehi* ti upanetvā upanetvā kathitehi. *Vacana-pathehi* ti vacanehi. *Abhinanditvā anumoditvā* ti cittena sampati-chanto abhinanditvā, vācāya pasasanto anumoditvā.

36. Bhagavatā imassa Nigaṇṭhassa dve suttāni kathitāni. Purimasuttaṇ eko bhāṇavāro, idaṇ diyaḍḍho. Iti aḍḍhatiye bhāṇavāre sutvā pi ayaṇ Nigaṇṭho n' eva abhisamayaṇ patto, na pabbajito, na saraṇesu patitṭhito. Kasmā etassa Bhagavā dhammaṇ desesi ti? Anāgate vāsanatthāya. Passati hi Bhagavā, imassa idāni upanissayo n' atthi, mayhaṇ pana parinibbānato samadhikānaṇ dvinnaṇ vassasatānaṇ accayena Tambapaṇṇidipe sāsanaṇ patitṭhahissati; tatrāyaṇ kulaghare nibbattitvā sampatte kāle pabbajitvā tiṇi piṭakāni uggahetvā vipassanaṇ vaḍḍhetvā saha paṭisambhidāhi arahattaṇ patvā Kāla-Buddharakkhito nāma mahākhīṇāsavo bhavissati ti. Idaṇ disvā anāgate vāsanatthāya dhammaṇ desesi.

37. So pi tath' eva Tambapaṇṇidīpamhi sāsane patitṭhite devalokato cavitvā Dakkhinagiri-vihārassa bhikkhācāragāme ekasmiṇ amaccakule nibbatto, pabbajjāsamatthe vaye² pabbajitvā tepitakaṇ Buddhavacanaṇ uggahetvā gāṇaṇ pari-

¹ B. S. makulāni.² B. S. °samatthayobbane.

haranto mahābhikkhusaṅghaparivuto upajjhāyaṇ passitun agamāsi. Ath' assa upajjhāyo saddhivihārikaṇ codessāmi ti tepitakaṇ Buddhavacanaṇ uggaṇhitvā āgatenā saddhiṇ mukhaṇ datvā kathāmattam pi na akāsi.

38. So paccūsasamaye vuṭṭhāya therassa santikaṇ gantvā, bhante, tumhe mayi ganthakammaṇ katvā tumhākaṇ santikaṇ āgate¹ mukhaṇ datvā kathāmattam pi na karittha, ko mayhaṇ doso ti pucchi. Thero āha: Āvuso Buddharakkhita, tvaṇ ettaken' eva pabbajjākiccaṇ me matthakaṇ pattan ti saṅñaṇ karosī ti. Kiṇ karomi, bhante ti. Gaṇaṇ vinode tvā papañcaṇ chinditvā Vātakasitapabbata²-vihāraṇ gantvā samaṇadhammaṇ karohī ti. So upajjhāyassa ovāde tthatvā tathā katvā saha paṭisambhidāhi arahattaṇ patvā, puñṇavā rājapūjito hutvā mahābhikkhusaṅghaparivāro Cetiya-pabbata-vihāre vasi.

39. Tasmiṇ ca kāle Tissamahārājā uposathakammaṇ karonto Cetiya-pabbate Rājaleṇe vasati. So therassa upaṭṭhā-kabhikkhuno saṅñaṇ adāsi: yadā mayhaṇ ayyo paṇhaṇ vissaj-jeti; dhammaṇ vā³ katheti, tadā me saṅñaṇ dadeyyāthā ti. Thero⁴ ekasmiṇ dhammasavanadivase bhikkhusaṅgha-parivāro⁵ Kaṇṭakacetiyaṅgaṇaṇ āruya cetiyaṇ vanditvā kāla-timbarurukkhamūle⁶ atthāsi. Atha naṇ eko piṇḍapātikatthero Kālakārāmasuttante paṇhaṇ pucchi. Thero, na nu, āvuso, ajja dhammasavanadivaso ti āha. Āma bhante, dhammasavanadivaso ti. Tena hi pīṭhakaṇ ānetha, idh' eva nisinnā dhammasavanaṇ karissāmā ti. Ath' assa ruk-khamūle āsanaṇ pañṇāpetvā adaṇsu. Thero pubbagāthā vatvā Kālakārāmasuttaṇ (A. ii. 24) āraḥhi.

40. So pi 'ssa upaṭṭhākadaharo raṇṇo saṅñaṇ dāpesi.⁷ Rājā pubbagāthāsu anīṭṭhitāsu yeva pāpuṇi. Pāpuṇitvā⁸ ca aṇṇātavesen⁹ eva parisante tthatvā tiyāmarattiṇ tṭhitako va dhammaṇ sutvā therassa, idam avoca Bhagavā ti vacana-

¹ B. S. *add* kasmā.

² B. S. Cetiya-pabbata-.

⁴ B. S. *add* pi.

⁶ B. kālambārurukkha°; S. kālādumbari°.

⁷ B. S. adāsi.

⁸ B. S. patvā.

³ C. *omits*.

⁵ S. °parivuto.

⁹ B. S. aṇṇātaka°.

kāle sādhu-kāraṇaṃ adāsi. Thero ñatvā, kadā āgato 'si, mahārāja ti pucchi. Pubbagāthā-osaraṇakāle yeva, bhante ti. Mahārāja, dukkaṇaṃ te katan ti. Na yidaṇ, bhante, dukkaṇaṃ; yadi pana me ayyassa dhammakathaṇaṃ āradhakālaṃ paṭṭhāya ekapade pi aññavihitabhāvo ahosi, Tambapaṇṇidīpassa patodayaṭṭhinitudanamatte¹ pi tṭhāne sāmibhāvo nāma me mā hotū ti sapathaṇaṃ akāsi.

41. Tasmiṇa pana sutte Buddhagaṇā paridīpitā. Tasmā rājā pucchi: Ettakā va, bhante Buddhagaṇā, udāhu aññe pi atthi ti. Mayā kathitato, mahārāja, akathitam eva bahu, appamaṇaṇa ti. Upamaṇaṇa, bhante, karoṭhā ti. Yathā, mahārāja, karissasahassamatte sālikkhette ekasālisīsato² avasesa-sāli yeva bahu; evaṇaṃ mayā kathitagaṇā appā, avasesā bahū ti. Aparam pi, bhante, upamaṇaṇa karoṭhā ti. Yathā, mahārāja, mahā-Gaṇḍāya oghapunnāya sūcīpāsanaṃ sammukhaṇaṃ kareyya, sūcīpāsena gata-udakaṇaṃ appaṇaṃ, sesaṇaṃ bahu; evaṇaṃ mayā kathitagaṇā appā, avasesā bahū ti.

42. Aparam pi, bhante, upamaṇaṇa karoṭhi ti. Idha, mahārāja, vātakasakuṇā³ nāma ākāse kilantā vicaranti, khuddikā⁴ sakunaṇaṇaṃ; kin nu kho tassa sakunaṇassa ākāse pakkhappasāraṇatthāṇaṇaṃ bahu, avaseso ākāso ti? Kiṇ, bhante vadaṭṭha, appo tassa pakkhappasāraṇokāso, avaseso va bahū ti. Evam eva mahārāja, appakā mayā Buddhagaṇā kathitā, avasesā va bahū, anantā, appameyyā ti.

43. Sukathitaṇaṃ, bhante; anantā Buddhagaṇā anantaṇaṃ eva ākāseṇa upamitā. Pasannā mayaṇaṃ ayyassa; anucchaviṇaṇaṃ pana kātunaṃ na sakkoma. Ayaṇaṃ me duggatapaṇṇā-kāro: imasmiṇa Tambapaṇṇidīpe imaṇaṃ yojanasatikaṇaṃ rajjaṇaṃ ayyassa demā ti. Tumhehi, mahārāja, attano pasannākāro kato; amhe pana amhākaṇaṃ dinnanaṃ rajjaṇaṃ tumhākaṇaṃ yeva dema; dhammena samena rajjaṇaṃ kārehi mahārāja ti.

Mahā-Saccakasuttaṇaṃ chaṭṭhaṇaṃ.

¹ C. patodalaṭṭhinittuddanamatte.

² B. °sīse dhaññīato.

³ B. cātaka°.

⁴ B. S. khuddakā; B. adds sā.

37.

[Cūla-Taṇhāsaṅkhayasuttavaṇṇanā]

1. [251¹²] *Evam me sutaṇ ti Cūla-Taṇhāsaṅkhayasuttaṇ.* Tattha Pubbārāme Migāramātu pāsāde ti Pubbārāmasaṅkhāte vihāre, Migāramātuyā pāsāde. Tatrāyaṇ anupubbikathā: Atīte satasahassakappamatthake ekā upāsikā Padumuttaraṇ Bhagavantaṇ nimantetvā Buddhapamukhassa bhikkhusaṅghassa¹ dānaṇ datvā Bhagavato pādamūle nipajjitvā, anāgate tumhādisassa Buddhassa aggupatthāyikā homi ti patthanaṇ akāsi.

2. Sā kappasatasahassaṇ devesu ca manussesu ca saṇsaritvā amhākaṇ Bhagavato kāle Bhaddiyanagare Meṇḍakaputtassa² Dhanañjayasetthino gehe Sumanadeviyā kucchismiṇ paṭisandhiṇ gaṇhi. Jātakāle c' assā Visākhā ti nāmaṇ akaṇsu. Sā, yadā Bhagavā Bhaddiyanagaraṇ agamāsi, tadā pañcahi dārikāsatehi saddhiṇ Bhagavato puccuggamaṇaṇ katvā paṭhamadassanaṇhi yeva sotāpannā ahoṇi. Aparabhāge Sāvatthiyaṇ Migārasethhiputtassa Puṇṇavaddhanakumārassa gehaṇ gatā. Tattha naṇ Migārasethhi mātiṭṭhāne³ ṭhapesi; tasmā Migāramātā ti vuccati.

3. Patikulaṇ gacchantiyā c' assā pitā mähālatā-pilandaṇaṇ nāma kāresi. Tasmiṇ pilandhane catasso vajiraṇāliyo upayogaṇ agamaṇsu; muttānaṇ ekādasa nāliyo; pavāṇaṇ dvāvīsati nāliyo; maṇiṇaṇ tetṭiṇsa nāliyo; iti etehi ca aññehi ca sattavaṇṇehi vararataṇehi niṭṭhānaṇ agamāsi. Taṇ sīse paṭimukkaṇ yāva padapiṭṭhiyā bhassati. Pañcannaṇ hatthiṇaṇ balaṇ dhārayamānā va naṇ itthi dhāretuṇ sakkoti.

4. Sā aparabhāge Dasabalassa aggupatthāyikā hutvā taṇ pasādhanaṇ vissajjitvā navahi koṭṭhi Bhagavato vihāraṇ kārayamānā karisamatte bhūmibhāge pāsādaṇ⁴ kāresi. Tassa uparibhūmiyaṇ⁵ pañca gabbhasatāni honti; heṭṭhābhūmiyaṇ⁶ pañcā ti gabbhasahassapaṭimaṇḍito ahoṇi. Sā, suddhapāsādo va na sobhati ti taṇ parivāretvā pañca dvikūṭagehasatāni,

¹ B. S. add satasahassaṇ.

² B. °setthiputtassa.

³ B. S. mātu°.

⁴ C. vihāraṇ.

⁵ B. S. uparima°.

⁶ B. S. heṭṭhima°.

pañca cūlapāsādasatāni, pañca dighasālasatāni ca kārāpesi. Vihāramaho catūhi māsehi niṭṭhānaṃ agamāsi.

5. Mātugāmattabhāve t̥hitāya Visākhāya viya aññissā Buddhasāsane dhanapariccāgo nāma n' atthi; purisattabhāve t̥hitāssa ca Anāthapiṇḍikassa viya aññassa.¹ So hi catu-paññāsa koṭiyo vissajjetvā Sāvattthiyā dakkhiṇabhāge Anurādhapurassa Mahāvihārasadise t̥hāne Jetavana-mahāvihāraṃ nāma kāresi. Visākhā Sāvattthiyā pācinabhāge Uttamadevi-vihārasadise t̥hāne Pubbārāmaṃ nāma kāresi. Bhagavā imesaṃ dvinnāṃ kulānaṃ anukampāya Sāvattthiṃ nissāya viharanto imesu dvīsu vihāresu² nibandhavāsaṃ vasi. Ekaṃ antovassaṃ Jetavane vasati, ekaṃ Pubbārāme. Etasmiṃ pana samaye Bhagavā Pubbārāme viharati. Tena vuttaṃ: *Pubbārāme Migāramātu pāsāde* ti.

6. [251¹⁷] *Kittāvatā nu kho, bhante* ti kittakena nu kho bhante. *Saṅkhittena taṇhāsāṅkhayavimutto hoti* ti taṇhāsāṅkhaye nibbāne taṃ ārammaṇaṃ katvā vimuttacittatāya taṇhāsāṅkhayavimutto nāma saṅkhittena kittāvatā hoti? Yāya paṭipattiyā taṇhāsāṅkhayavimutto hoti, taṃ me khīṇāsavassa bhikkhuno pubbabhāgapaṭipadaṃ saṅkhittena desethā ti pucchati.

7. [251¹⁸] *Accantaniṭṭho* ti khayavayasaṅkhātāṃ antaṃ atītā ti accantā; accantā niṭṭhā assā ti accantaniṭṭho. Ekantaniṭṭho, satataniṭṭho ti attho. Accantaṃ yogakkhemī ti *accantayogakkhemī*. Niccayogakkhemī ti attho. Accantaṃ brahmacārī ti *accantabrahmacārī*. Niccabrahmacārī ti attho. Accantaṃ pariyośanam assā ti purimanayen' eva *accantapariyośāno*. *Setṭho devamanussānaṃ* ti devānaṃ ca manussānaṃ ca setṭho, uttamo. Evarūpo bhikkhu kittāvatā hoti? Khippam etassa saṅkhepen' eva paṭipattiṃ kathethā ti Bhagavantaṃ yācati.

8. Kasmā pan' esa evaṃ vegāyati ti? Kiṇaṃ anubhavitukāmatāya. Ayaṃ kira uyyānakīṇaṃ āṇāpetvā catuhi Mahārājehi catusu disāsu ārakkhaṃ gāhāpetvā dvīsu devalokesu devasaṅghena parivuto adḍhatiyāhi nātakakoṭihi saddhiṃ Erāva-

¹ B. S. *add* Buddhasāsane dhanapariccāgo nāma n' atthi.

² S. pāsādesu.

naṇ āruyha uyyānadvāre t̥hito imaṇ pañhaṇ sallakkhesi: Kitakena nu kho taṇhāsaṅkhaṇavimuttassa khīṇāsavassa saṅkhepato āgamaṇiya-pubbabhāgapatipadā hoti ti. Ath' assa etad ahosi: Ayaṇ pañho atīva sassiriko. Sacāhaṇ imaṇ pañhaṇ anuggaṇhitvā va uyyānaṇ pavisissāmi, chaḍḍārikehi ārammaṇehi nimmathito na puna imaṇ pañhaṇ sallakkhesāmi. Tiṭṭhatu tāva uyyānakilā; Satthu santikaṇ gantvā imaṇ pañhaṇ pucchitvā uggahitapañho uyyāne kiṭṭhissāmi ti hatthikkhandhe antarahito Bhagavato santike pāturaḥosi. Te pi cattāro Mahārājāno ārakkhaṇ gahetvā t̥hitavidhānen' eva¹ t̥hitā; paricāraka-devasaṅgho pi; nāṭakāni pi, Erāvaṇo pi nāgarājā tatth' eva uyyānadvāre aṭṭhāsi. Evam esa kiṇaṇ anubhavitukāmatāya vegāyanto evam āha.

9. [251²⁰] *Sabbe dhammā nālaṇ abhinivesāyā* ti ettha sabbe dhammā nāma pañcakkhandhā, dvādasāyatanāni, aṭṭhārasa dhātuyo. Te sabbe pi taṇhā-ditṭhivasena abhinivesāya nālaṇ, na pariyattā, na samatthā, na yuttā. Kasmā? Gahitākārena atitṭhanato. Te hi niccā ti gahitā pi aniccā va sampajjanti; sukhā ti gahitā pi dukkhā va sampajjanti; attā ti gahitā pi anattā va sampajjanti; tasmā nālaṇ abhinivesāya.

10. [251²³] *Abhijānāti* ti aniccaṇ, dukkhaṇ, anattā ti nātapariññāya abhijānāti. *Parijānāti* ti tath' eva tīraṇa-pariññāya parijānāti. *Yaṇ kiñci vedanan* ti antamaso pañcaviññānasampayuttam pi yaṇ kiñci appamattakam pi vedanaṇ anubhavati. Iminā Bhagavā Sakkassa devānam indassa vedanāvasena nibbaṭṭetvā² arūpapariggahaṇ dasseti. Sace pana vedanākammaṭṭhānaṇ heṭṭhā na kathitaṇ bhavēyya, imasmiṇ t̥hāne kathetabbaṇ siyā; heṭṭhā pana kathitaṇ; tasmā Satipaṭṭhāne vuttanayen' eva veditabbaṇ.

11. [251²⁶] *Aniccānupassī* ti ettha aniccaṇ veditabbaṇ, aniccānupassanā veditabbā, aniccānupassī veditabbo. Tattha aniccaṇ ti pañcakkhandhā. Te hi uppāḍavayaṭṭhena aniccā. Aniccānupassanā ti pañcakkhandhe³ khayato vayato dassanaññaṇ.⁴ Aniccānupassī ti tena ñāṇena samannāgato

¹ B. S. t̥hitatṭhāne yeva.

² B. S. nibbattetvā.

³ B. S. khandhānaṇ.

⁴ B. S. dassanaṇ.

puggalo. Tasmā aniccānupassī viharatī ti aniccato anupassanto viharatī ti ayam ettha attho.

12. [251²⁷] *Virāgānupassī* ti ettha dve virāgā: khaya-virāgo ca, accantavirāgo ca. Tattha saṅkhārāṇaṃ khayāṇ¹ khayato² dassana-vipassanā³ pi, accantavirāgaṇaṃ nibbāṇaṃ virāgato dassana-maggañāṇaṃ pi virāgānupassanā nāma. Tadubhayasamaṅgī puggalo virāgānupassī nāma. Taṇ sandhāya vuttaṇ: virāgānupassī ti. Virāgato anupassanto ti attho. *Nirodhānupassimhi* pi es' eva naya. Nirodho pi hi khayanirodho, accantanirodho ti duvidho yeva.

13. *Paṭinissaggānupassī* ti ettha paṭinissaggo vuccati vossaggo. So ca paṛiccāgavossaggo, pakkhandanavossaggo ti duvidho. Tattha paṛiccāgavossaggo ti vipassanā. Sā hi tadaṅgavasena kilese ca khandhe ca vossajati. Pakkhandanavossaggo ti maggo. So hi nibbāṇaṃ ārammaṇato pakkhandati. Dvīhi pi vā kāraṇehi so vossaggo yeva; samucchedavasena khandhāṇaṃ kilesāṇaṃ ca vossajanato, nibbāṇe ca pakkhandanato. Tasmā, kilese ca khandhe ca pariccajati ti paṛiccāgavossaggo, nirodhe nibbānadhātuyā cittaṇ pakkhandati ti pakkhandanavossaggo ti ubhayam p' etaṇ magge sameti. Tadubhayasamaṅgī puggalo imāya paṭinissaggānupassanāya samannāgatattā paṭinissaggānupassī nāma hoti. Taṇ sandhāya vuttaṇ: *Paṭinissaggānupassī* ti.

14. [251³⁰] *Na kiñci loke upādiyatī* ti kiñci ekam pi saṅkhāragataṇ taṇhāvasena na upādiyati, na gaṇhāti, na parāmasati. *Anupādiyaṇ na paritassatī* ti agaṇhanto taṇhāparitassanāya na paritassati. *Paccattaṇ yeva parinibbāyati* ti sayam eva kilesaparinibbānena parinibbāyati. *Khīṇā jātī* ti ādinā paṇ' assa paccavekkhaṇā dassitā. Iti Bhagavā Sakkassa devāṇaṃ indassa saṅkhittena khīṇāsavassa pubba-bhāgapatīpadaṇ pucchato sallahukaṇ katvā saṅkhitten' eva khippaṇ kathesi.

15. [252⁹] *Avidūre nisinno hotī* ti anantare kūtāgāre nisinno hoti. *Abhisameccā* ti ñāṇena abhisamāgantvā. Jānitvā ti attho. Idaṇ vuttaṇ hoti: Kin nu kho esa jānitvā anumodī,

¹ B. S. khaya-.

² B. S. vayato.

³ B. anupassanā, and omits dassana.

udāhu ajānitvā va sisaṇ cālesī ti? Kasmā pan' assa evam ahosi? Thero kira na Bhagavato pañhavissajjanasaddaṇ assosi; Sakkassa pana devaraṇṇo, evam etaṇ Bhagavā, evam etaṇ Sugatā ti anumodanasaddaṇ assosi. Sakko kira deva-rājā mahāsaddena anumodi.

16. Atha kasmā na Bhagavato saddaṇ assosī ti? Yathā-parisaṇ viññāpanattā. Buddhānaṇ hi dhammaṇ kathentānaṇ ekābaddhāya cakkavālapariyantāya pi parisāya saddo sūyati; pariyaṇtaṇ¹ pana muñcitvā angulamattam pi bahiddhā na niccharati. Kasmā? Evarūpā madhurakathā mā nirat-thikā agamāsī ti. Tadā ca Bhagavā Migāramātupāsāde sat-taratanamaye kūṭāgāre sirigabbhamhi nisinno hoti. Tassa dakkhiṇapasse Sāriputtattherassa vasanakūṭāgāraṇ; vāma-passe Mahā-Moggallānassa. Antare chiddavivarokāso n' atthi. Tasmā thero na Bhagavato saddaṇ assosi, Sakkass' eva assosī ti.

17. [252¹⁸] *Pañcahi turiyasatehi* ti pañcaṅgikānaṇ turiyā-naṇ pañcahi satehi. Pañcaṅgikaṇ turiyaṇ nāma, ātataṇ, vitataṇ, ātatavitataṇ, susiraṇ, ghanan ti imehi pañcahi aṅgehi samannāgataṇ. Tattha ātataṇ nāma cammapariyonaddhesu bheri-ādisu ekatalaturiyaṇ. Vitataṇ nāma ubhayatalaṇ. Ātatavitataṇ nāma tannibaddhaṇ paṇavādi. Susiraṇ vaṇ-sādi. Ghanan sammādi. *Samappito* ti upagato. *Samaṅ-gībhūto* ti tass' eva vevacanaṇ. *Paricāretī* ti sampattiṇ anu-bhavanto tato tato indriyāni cāreti. Idaṇ vuttaṇ hoti: Parivāretvā² vajjamānehi pañcahi turiyasatehi samannāgato hutvā dibbasampattiṇ anubhoti.

18. [252²²] *Paṭipañāmetvā* ti apanetvā. Nissaddāni kārā-petvā ti attho. Yath' eva hi idāni saddhā rājāno garubhā-vaniyaṇ bhikkhuṇ disvā, asuko nāma ayyo āgacchati, tāta, mā gāyatha, mā vādettha, mā naccathā ti nāṭakāni paṭivinenti; Sakko pi therāṇ disvā evam akāsi.

19. [252²⁵] *Cirassaṇ kho, mārisa Moggallāna, imaṇ pari-yāyam akāsī* ti evarūpaṇ loke pakatiyā piyasamudāhāra-va-canaṇ hoti. Lokiyā hi cirassaṇ āgatam pi anāgatapubbam pi manāpajātiyaṇ āgataṇ disvā, kuto bhavaṇ āgato, cirassaṇ

¹ S. parisantaṇ.

² B. S. paricāretvā.

bhavaṇ āgato, kathaṇ te idh' āgamanassa maggo ñāto, kiṇ maggamūlho 'sī ti ādini vadanti. Ayaṇ pana āgatapubbattā yeva evam āha. Thero hi kālena kālaṇ devacārikaṇ gacchati yeva. Tattha *pariyāyam akāsi* ti vāraṇ akāsi. Ya-didaṇ idh' āgamanāyā ti yo ayaṇ idha āgamanāyā vāro, taṇ¹ cirassaṇ akāsi ti vuttaṇ hoti. *Idam āsanaṇ paññattan* ti yojanikaṇ maṇipallaṇkaṇ paññāpāpetvā evam āha.

20. [252³⁵] *Bahukiccā bahukaraṇīyā* ti ettha yesaṇ bahūni kiccāni te bahukiccā. *Bahukaraṇīyā* ti tass' eva vevacanaṇ. *App' eva sakena karaṇīyenā* ti sakaṇ karaṇīyam etassa mandaṇ, na bahu; devānaṇ karaṇīyaṇ pana bahu. Paṭhavito paṭṭhāya hi kapparukkha-mātugāmādinaṇ atthāya aṭṭā Sakkassa santike chijjanti. Tasmā niyamento āha: *Api ca devānaṇ yeva Tāvatiṇsānaṇ karaṇīyenā* ti.

21. Devānaṇ hi dhītā ca puttā ca aṅge nibbattanti; pāda-paricārikā itthiyo sayane nibbattanti. Tāsaṇ maṇḍana-pasādhanakārikā² devatā³ sayanaṇ parivāretvā nibbattanti. Veyyāvaccakarā antovimāne nibbattanti. Etesaṇ atthāya aṭṭakaraṇaṇ n' atthi. Ye ca pana sīmantare nibbattanti, te mama santakā, tava santakā ti nicchetuṇ asakkontā aṭṭaṇ karonti; Sakkaṇ devarājānaṇ pucchanti. So, yassa vimānaṇ āsannataraṇ, tassa santako ti vadati. Sace dve pi samatṭhāne honti, yassa vimānaṇ olokento tṭhito, tassa santako ti vadati. Sace ekam pi na oloketi, taṇ ubhinnaṇ kalahapaccheda-natthaṇ attano santakaṇ karoti. Idaṇ sandhāya, *devānaṇ yeva Tāvatiṇsānaṇ karaṇīyenā* ti āha. Api c' assa evarūpaṇ kilākiccam pi karaṇīyam eva.

22. [253¹] *Yan no khippam eva antaradhāyatī* ti yaṇ amhākaṇ sīgham eva andhakāre rūpagataṇ viya na dissati. Iminā 'haṇ, bhante, taṇ pañhavissajjanaṇ na sallakkhemī ti dīpeti. Thero, kasmā nu kho ayaṇ yakkho asallakkhaṇa-bhāvaṇ dīpeti, passena pariharatī ti āvajjanto, devā nāma mahāmūlā honti, chadvārikehi ārammaṇehi nimmathiya-mānā attano bhuttābhuttabhāvam pi, pītāpītabhāvam pi na jānanti, idha kataṇ ettha mussanti ti aṇṇāsi.

¹ B. *adds* bhante.

² S. maṇḍanaka-pasādhanakā.

³ B. S. devadhītā.

23. Keci pan' āhu: Thero etassa garu bhāvaniyo. Tasmā, idān' eva loke aggapuggalassa santike pañhaṇ uggahetvā āgato, idān' eva nātakānaṇ antaraṇ pavitṭho ti evaṇ maṇ thero tajjeyyā ti bhayena evam āhā ti. Evaṇ¹ pana kohaññāṇ nāma hoti. Ariyasāvakassa ca² kohaññāṇ nāma n' atthi. Tasmā mūlhabbhāven' eva na sallakkhesi ti veditabbaṇ. Upari kasmā sallakkhesi ti? Thero tassa somanassa-saṇvegaṇ janetvā tamaṇ nīhari, tasmā sallakkhesi.

24. [253²] Idāni Sakko pubbe attano ekaṇ³ katakāraṇaṇ⁴ therassa ārocetuṇ, bhūtapubban ti ādim āha. Tattha samupabbūlho ti sannipatito, rāsibhūto. Asurā parājiniṇsu⁵ ti asurā parājayaṇ pāpuṇṇsu. Kadā pana te parājita ti? Sakkassa nibbattakāle.

25. Sakko kira anantare attabhāve Magadharatṭhe Maca-lagāme Magho nāma mānava ahosi, paṇḍito byatto. Bodhisattassa cariyā viya assa cariyā ahosi. So tettiṇsa purise gahetvā kalyāṇaṇ akāsi. Ekadivasaṇ attano va paññāya upaparikkhitvā gāmamajjhe mahājanassa sannipatitatṭhāne kacavaraṇ ubhato⁶ apabbahitvā⁷ taṇ ṭhānaṇ ramaṇiyaṇ akāsi. Puna tatth' eva maṇḍapaṇ kāresi. Puna gacchante kāle sālāṇ kāresi. Gāmato ca nikkhamitvā gāvutam pi aḍḍhayojanam pi tigāvutam pi yojanam pi vicaritvā tehi sahāyehi saddhiṇ visamaṇ samaṇ akāsi. Te sabbe pi ekacchandā tattha⁸ tattha setuṇ kātuṇ yuttatṭhāne setuṇ, maṇḍapa-sālā-pokkharāṇi-mālāvaccharopanādināṇ yuttatṭhānesu maṇḍapādini karontā bahuṇ puññaṇ akaṇsu. Magho satta vata-padāni pūretvā kāyassa bhedaṇ saddhiṇ sahāyehi Tāvatiṇsa-bhavane nibbatti.

26. Tasmiṇ kāle asuragaṇo⁹ Tāvatiṇsa-bhavane¹⁰ paṭivasati. Sabbe te devānaṇ samānāyukā, samānavañṇā va honti. Te Sakkaṇ sapaṇisaṇ disvā, adhunā nibbattā navaka-devaputtā āgatā ti mahāpānaṇ sajjayaṇsu. Sakko devaputtānaṇ

¹ B. Etaṇ. ² B. S. evarūpaṇ. ³ B. evaṇ.

⁴ B. bhūtakāraṇaṇ; S. kuhakakāraṇaṇ.

⁵ S. parājayaṇsu.

⁶ B. S. ubhayato.

⁷ B. pabyūhitvā; S. pabyūhetvā.

⁸ S. omīta.

⁹ B. S. °gaṇā.

¹⁰ B. S. -devaloke.

saññaṇ adāsi: Amhesi kusalaṇ karontehi na parehi saddhiṇ sādḥāraṇaṇ katan, tumhe gaṇḍapānaṇ mā pivatha, pītamattam eva karoṭhā ti. Te tathā akaṇsu. Bālā asurā gaṇḍapānaṇ pivitvā mattā niddaṇ okkamiṇsu. Sakko devānaṇ saññaṇ datvā te pādesu gāhāpetvā Sinerupāde khipāpesi.

27. Sinerussa hi hetṭhimatale Asurabhavanaṇ nāma atthi, Tāvatiṇsadevalokappamāṇam eva. Tattha asurā vasanti. Tesaṇ Cittapāṭali nāma rukkho atthi. Te tassa pupphana-kāle jānanti: nāyaṇ Tāvatiṇsā, Sakkena vañcitā mayan ti. Te, gaṇhatha naṇ ti vatvā Sineruṇ pariḥaramānā, deve vaṭṭhe¹ vammikapādato vammikamakkhikā viya, abhiruhiṇsu.

28. Tattha kālena devā jinanti, kālena asurā. Yadā devānaṇ jayo hoti, asure yāva samuddapiṭṭhā anubandhanti. Yadā asurānaṇ jayo hoti, deve yāva vedikāpādā anubandhanti. Tasmiṇ pana saṅgāme devānaṇ jayo ahosi. Devā asure yāva samuddapiṭṭhā anubandhiṇsu. Sakko asure palāpetvā pañcasu ṭhānesu ārakkhaṇ ṭhapesi. Evaṇ ārakkhaṇ datvā vedikāpāde² vajirahatthā Indapaṭimāyo ṭhapesi. Asurā kālena kālaṇ utṭhahitvā tā paṭimāyo disvā Sakko appamatto tiṭṭhati ti tato va nivattanti.

29. [253⁶] *Tato paṭinivattitvā* ti vijitatṭhānato nivattitvā. *Paricārikāyo* ti mālāganthanādi³-kammakārikāyo. *Vessavaṇo ca Mahārājā* ti so kira Sakkassa vallabho, balavavissāsiko; tasmā Sakkena saddhiṇ agamasi. *Purakkhatvā* ti purato katvā. *Pavisīṇsu* ti pavisitvā ca pana upaḍḍhapihitāni dvārāni katvā olokayamānā atṭhaṇsu.

30. [253²⁵] *Idam pi, mārisa Moggallāna, Vejayantassa pāsādassa rāmaṇeyyakaṇ* ti mārisa Moggallāna, idam pi Vejayantassa rāmaṇeyyakaṇ passa, suvaṇṇatthambhe passa, rajatatthambhe, maṇitthambhe, pavālatthambhe, lohitaṅkatthambhe, masāragallatthambhe, muttātthambhe, sattaratanatthambhe, tesaṇ yeva suvaṇṇādimaya-ghaṭike vālarūpakāni passā ti evaṇ thambhapantiyo ādiṇ katvā rāmaṇeyyakaṇ dassento evam āha. *Yathā taṇ pubbe katapuñṇassā* ti yathā pubbe katapuñṇassa upabhogatṭhānena sobhitabbaṇ, evam eva sobhati ti attho.

¹ B. S. vuṭṭhe. ² B. S. vediya.^o ³ B. S. mālāgandhādi.

31. [253³³] *Atibālhaṇ kho ayaṇ yakkho pamatto viharati* ti attano pāsāde¹ nātakaparivārena sampattiya² vasena² ativiya matto. *Iddhābhisaṅkhāraṇ abhisaṅkhāsī* ti iddhiṇ akāsi. Āpokasiṇaṇ samāpajjitvā pāsādena patitṭhitokāsaṇ udakaṇ hotū ti adhiṭṭhāya pāsādakaṇṇike pādaṅgutṭhakena pahari. So pāsādo, yathā nāma udakapiṭṭhe ṭhapitaṇ pattaṇ mukha-vattiyaṇ aṅguliya³ pahataṇ aparāparaṇ kampati, calati, na santitṭhati, evam eva saṅkampi, sampakampi, sampavedhi; thambha-piṭṭhasaṅghāta-kannikā-gopānasi-ādini karakarā ti saddaṇ muñcantāni patituṇ viya āradhāni. Tena vuttaṇ: *Saṅkampesi, sampakampesi, sampavedhesi* ti.

32. [254²] *Acchariyabbhutajātā* ti aho acchariyaṇ, aho abbhutan ti evaṇ saṅjāta-acchariyabbhutā c' eva saṅjātatuṭṭhino ca ahesuṇ, uppanna-balavasomanassā. *Sanviggan* ti ubbiggaṇ. *Lomahatthajātān* ti jātalomahaṇsaṇ. Kañcanabhittiyaṇ ṭhapitamaṇināgadanteḥi viya uddhaggehi lomehi ākiṇṇasariraṇ ti attho. Lomahaṇso ca nām' esa somanassena pi hoti, do-manassena pi; idha pana somanassena jāto. Thero hi Sakkaṇ somanassa-saṇvegena saṇvejetuṇ taṇ pāṭihāriyam akāsi. Tasmā somanassa-saṇvegena saṇviggalomahatṭhaṇ veditvā ti attho. *Idhāhaṇ, mārisā* ti idāni 'ssa yasmā therena somanassa-saṇvegaṇ janayitvā tamaṇ vinoditaṇ, tasmā sallakkhetvā evam āha.

33. [255⁷] *Eso nu te, mārisa, so Bhagavā Satthā* ti mārisa, tvaṇ kuhiṇ gato 'sī ti vutte, mayhaṇ Satthu santikaṇ ti vadasi; imasmiṇ devaloke ekapādakena viya tiṭṭhasi; eso nu kho te, mārisa, so Bhagavā Satthā ti pucchisū. *Sabrahmacārī me eso* ti ettha kiṇ cāpi thero anagāriyo abhinīhārasampanno aggasāvako, Sakko agāriyo, mahābrahmacāriyavasena pan' ete sabrahmacārino honti. Tasmā evam āha. *Aho nūna te Bhagavā Satthā* ti sabrahmacārī tāva te evaṇ mahiddhiko, so pana te Bhagavā Satthā aho nūna mahiddhiko ti Satthu iddhipāṭihāriyadassane jātābhilāṣā hutvā evam āhaṇsu.

34. [255¹⁶] *Aññātaññatarassā*³ ti paññātaññatarassa. Sakko hi paññātānaṇ aññataro. Sesā sabbattha pākāṭam eva. Desanaṇ pana Bhagavā yathānusandhinā va niṭṭhāpesi ti.

Cūla-Taṇhāsaṅkhayaṇuttarāṇaṇ sattamaṇ.

¹ B. S. pāsādena.

² S. yasena.

³ B. S. Ñātañña°.

38.

[*Mahā-Taṇhāsaṅkhayasuttavaṇṇanā*]

1. [256¹⁰] *Evam me sutaṇ ti Mahā-Taṇhāsaṅkhayasuttaṇ. Tattha diṭṭhigataṇ ti Alagaddasutte laddhimattaṇ diṭṭhigataṇ ti vuttaṇ; idha sassatadiṭṭhi. So ca bhikkhu bahussuto; ayaṇ appassuto, Jātakabhāṇako, Bhagavantaṇ jātakaṇ¹ kathetvā, ahaṇ, bhikkhave, tena samayena Vessantaro ahosiṇ, Mahosadho, Vidhurapaṇḍito, Senakapaṇḍito, Mahājanako rājā ahosiṇ ti samodhānentaṇ suṇāti. Ath' assa etad ahosi: Ime rūpa-vedanā-saññā-saṅkhārā tattha tatth' eva nirujjhanti, viññāṇaṇ pana idhalokato paralokaṇ, paralokato idhalokaṇ² sandhāvati, saṇsarati ti sassatadassanaṇ uppannaṇ. Ten' āha: *Tad ev' idaṇ viññāṇaṇ sandhāvati, saṇsarati, anaññaṇ ti.**

2. *Sammāsambuddhena pana, viññāṇaṇ³ paccayasambhavaṇ,³ sati paccaye uppajjati, vinā paccayā n' atthi viññāṇassa sambhavo ti vuttaṇ. Tasmā ayaṇ bhikkhu Buddhena akathitaṇ katheti, Jinacakke pahāraṇ deti, vesārajjaññaṇ paṭibhāti, sotukāmaṇ janaṇ visaṇvādeti, ariyapathe tiriyaṇ patitvā⁴ mahājanassa ahitāya dukkhāya paṭipanno. Yathā nāma rañño rajje mahācoro uppajjamāno mahājanassa ahitāya dukkhāya uppajjati, evaṇ Jinasāsane coro hutvā mahājanassa ahitāya dukkhāya uppanno ti veditabbo.*

3. [256¹⁶] *Sambahulā bhikkhū ti janapadavāsino piṇḍapātikabhikkhū. Ten' upasaṅkamiṇsū ti ayaṇ parisaṇ labhittvā sāsanam pi⁵ antaradhāpeyya, yāva pakkhaṇ na labhati, tāvad eva naṇ diṭṭhigatā vivecemā ti sutasutaṭṭhānato yeva aṭhatvā anisiditvā upasaṅkamiṇsu.*

4. [258¹⁵] *Katamaṇ taṇ, Sāti, viññāṇaṇ ti, Sāti yaṇ tvaṇ viññāṇaṇ sandhāya vadesi, katamaṇ taṇ viññāṇaṇ ti? Yvāyaṇ, bhante, vado vedeyyo tatra tatra kalyāṇa-pāpakānaṇ kammānaṇ vipākaṇ paṭisaṇvedetī ti, bhante, yo ayaṇ vadati, vediyati, yo oāyaṇ tahiṇ tahiṇ kusalākusala-kammānaṇ vipākaṇ paccanubhoti, idaṇ taṇ, bhante, viññāṇaṇ, yam ahaṇ sandhāya*

¹ B. S. jātakakathaṇ.

² B. S. imaṇ lokaṇ.

³ B. S. viññāṇasambhavo.

⁴ B. S. nipatitvā.

⁵ S. omits.

vademī ti. *Kassa nu kho nāmā* ti kassa khattiyassa vā brāhmaṇassa vā vessa-sudda-gahaṭṭha-pabbajita-deva-manus-sānaṇ vā aññatarassa.

5. [258²⁵] *Atha kho Bhagavā bhikkhū āmantesī* ti Kasmā āmantesi? Sātissa hi kira evaṇ ahosi: Satthā maṇ moghapuriso ti vadati; na ca moghapuriso ti vuttamatten' eva maggaphalānaṇ upanissayo na hoti. "Atilahuṇ kho tvaṇ moghapuriso, bāhullāya āvatto" ti (Vin. i. 59) evaṇ vutto Upāsenatthero pi hi aparabhāge ghaṭento vāyamanto¹ abhiññā sacchakāsi. Aham pi viriyaṇ paggaṇhitvā magga-phalāni sacchikarissāmī² ti. Ath' assa Bhagavā; chinna-paccayo ayaṇ sāsane avirūhidhammo ti dassento bhikkhū āmantesi. *Usmikato* ti ādi heṭṭhāvuttādhippāyam eva.

6. [258⁵⁰] *Atha kho Bhagavā* ti ayam pi pāṭiyekko anusandhi. Sātissa kira etad ahosi: Bhagavā mayhaṇ magga-phalānaṇ upanissayo n' atthī ti vadati, kiṇ sakkā upanissaye asati³ kātuṇ? Na hi Tathāgatā sa-upanissayass' eva dhammaṇ desenti; yassa kassaci desenti yeva. Ahaṇ Buddhassa santikā Sugatovādaṇ labhitvā sampattūpagaṇ⁴ kusalaṇ karissāmī ti. Ath' assa Bhagavā, nāhaṇ, moghapurisa, tuyhaṇ ovādaṇ vā anusāsaniṇ vā demī ti Sugatovādaṇ passambhento⁵ imaṇ desanaṇ ārabhi. Tass' attho heṭṭhāvuttanayen' eva veditabbo. Idāni parisāya laddhiṇ sodhento, *idhāhaṇ bhikkhu paṭipucchissāmī* ti ādim āha. Taṇ sabbam pi heṭṭhāvuttanayen' eva veditabbaṇ.

Sātikaṇḍaṇ⁶ niṭṭhitaṇ.⁶

7. [259¹³] Idāni viññānassa paccayabhāvaṇ dassetuṇ, *yc.ṇ yad eva, bhikkhave* ti ādim āha. Tattha manañ ca paṭicca dhamme cā ti sah' āvajjanena bhavaṅgamanañ ca tebhūma-kadhamme ca paṭicca. *Kaṭṭhaṇ ca paṭicca* ti ādi opammaṇi-dassanatthaṇ vuttaṇ. Tena kiṇ dipeti? Dvāraṣaṅkantiyā abhāvaṇ. Yathā hi kaṭṭhaṇ paṭicca jalamāno aggi upādāna-paccaye sati yeva jalati, tasmiṇ asaṭi paccayavekallena tatth'

¹ B. S. *add* cha.

² B. nibbattessāmī.

³ B. S. *add* upanissayo, *and read* paṭikātuṇ.

⁴ B. saggasampattūpagaṇ; S. saggasampattiya.

⁵ B. paṭipassambhento.

⁶ B. *omits*.

eva upasammati, na sakalikādini saṅkamtivā sakalikaggī ti ādisaṅkhaṇ gacchati; evam eva cakkhuñ ca paṭicca rūpe ca uppannaṇ viññāṇaṇ tasmiṇ dvāre cakkhu-rūpa-āloka-manasikārasaṅkhāte paccayamhi sati yeva uppajjati, tasmiṇ asati paccayavekallena tatth' eva nirujjhati, na sotādini saṅkamtivā sotaviññāṇan ti ādi saṅkhaṇ gacchati. Esa nayo sabbadvāresu. Iti Bhagavā, nāhaṇ viññāṇapavatte dvārasaṅkantimattam pi vadāmi, ayaṇ pana Sāti moghapuriso bhavaṇgasāṅkantiṇ vadati ti Sātiṇ niggahesi.

8. [260⁷] Evaṇ viññāṇassa sappaccayabhāvaṇ dassetvā idāni pana pañcannam pi khandhānaṇ sappaccayabhāvaṇ dassento, *bhūtam idan* ti ādim āha. Tattha *bhūtam idan* ti idaṇ khandhapañcakaṇ jātaṇ bhūtaṇ nibbattaṇ, tumhe pi taṇ bhūtam idan ti, bhikkhave, passathā ti. *Tad āhārasambhavan* ti tam pan' etaṇ khandhapañcakaṇ āhārasambhavaṇ, paccayasambhavaṇ, taṇ sati paccaye uppajjati ti evaṇ passathā ti pucchati. *Tadāhāranirodhā* ti tassa paccayassa nirodhā.

9. [260¹⁰] *Bhūtam idaṇ no 'ssū* ti bhūtaṇ nu kho idaṇ, na nu kho bhūtan ti? *Tad āhārasambhavan no 'ssū* ti taṇ pan' etaṇ bhūtaṇ khandhapañcakaṇ paccayasambhavaṇ nu kho, na nu kho ti? *Tadāhāranirodhā* ti tassa paccayassa nirodhā. *Nirodhadhammaṇ no 'ssū* ti¹ nirodhadhammaṇ nu kho, na nu kho ti?

10. [260¹⁶] *Sammappaññāya passato* ti idaṇ khandhapañcakaṇ jātaṇ bhūtaṇ nibbattaṇ ti yāthāva-sarasalakkhaṇato vipassanāpaññāya sampassantassa.² *Paññāya sudiṭṭhan* ti vuttanayen' eva vipassanāpaññāya suṭṭhu diṭṭhaṇ. Evaṇ ye ye naṇ pucchaṇ sallakkhesuṇ, tesāṇ tesāṇ paṭiññaṇ gaṇhanto pañcannaṇ khandhānaṇ sappaccayabhāvaṇ dasseti.

11. [260³²] Idāni yāya paññāya tehi taṇ sappaccayaṇ sanirodhaṇ khandhapañcakaṇ sudiṭṭhaṇ, tattha nittaṇhabhāvaṇ pucchanto, *imañ ce tumhe* ti ādim āha. Tattha *diṭṭhin* ti vipassanā-sammādiṭṭhiṇ. Sabhāvadassanena parisuddhaṇ. Paccayadassanena pariyodātaṇ. *Allīyethā* ti taṇhā-diṭṭhihi alliyitvā vihareyyātha. *Kelāyethā* ti taṇhā-diṭṭhihi kiḷamānā

¹ B. *adds* taṇ dhammaṇ.

² B. S. sammā pas°.

vihareyyātha. *Dhanāyethā*¹ ti dhanañ viya icchantā gedhañ āpajjeyyātha. *Mamāyethā* ti taṇhā-ditṭhimamattañ uppādeyyātha. *Nittharaṇatthāya no gahaṇatthāyā* ti yo so mayā caturōghanittharaṇatthāya kullūpamo dhammo desito, no nīkantisasena gahaṇatthāya, api nu taṇ tumhe ājāneyyāthā ti? Vipariyāyena sukkapakkho veditabbo.

12. [261⁵] Idāni tesañ khandhānañ paccayañ dassento, *cattāro 'me, bhikkhave, āhārā* ti ādim āha. Taṇ vuttattham eva. Yathā pana eko, imañ jānāsī ti vutto, na kevalañ imañ, mātaram pi 'ssa jānāmi, mātu mātaram pi ti evañ pavenivasena jānanto suṭṭhu jānāti nāma. Evam eva Bhagavā na kevalañ khandhamattam eva jānāti, khandhānañ paccayam pi, tesam pi paccayānañ paccayañ ti evañ sabbañ paccayaparamparañ jānāti. So taṇ Buddhabalañ dipento idāni² paccayaparamparañ dassetuñ,² *ime ca, bhikkhave, cattāro āhārā* ti ādim āha. Tam pi vuttattham eva.

13. [261²⁴] *Iti kho, bhikkhave, avijjāpaccayā saṅkhārā—pe—dukkhakkhandhassa samudayo hotī* ti ettha pana paṭicca-samuppādakathā vitthāretabbā bhaveyya, sā Visuddhimagge vitthāritā va. *Imasmiṇ sati idaṇ hotī* ti imasmiṇ avijjādike paccaye sati idaṇ saṅkhārādikañ phalañ hoti. *Imass' uppādā idaṇ uppajjati* ti imassa avijjādikassa paccayassa uppādā idaṇ saṅkhārādikañ phalañ uppajjati. Ten' ev' āha; *Yadidaṇ avijjāpaccayā saṅkhārā—pe—samudayo hotī* ti.

14. [263⁸] Evañ vaṭṭaṇ dassetvā idāni vivaṭṭaṇ dassento, *avijjāya tv' eva asesavirāganīrodhā* ti ādim āha. Tattha *avijjāya tv' evā* ti avijjāya eva tu. *Asesavirāganīrodhā* ti virāgasasāṅkhātena maggena asesanīrodhā.³ *Saṅkhāranīrodho* ti saṅkhārānañ anuppādanīrodho hoti. Evañ niruddhānañ pana saṅkhārānañ nīrodhā viññāṇaṇ⁴; viññāṇādīnaṇ ca nīrodhā nāmarūpādīni niruddhāni yeva hontī ti dassetuñ *saṅkhāranīrodhā viññāṇanīrodho* ti ādiṇ vatvā *evam etassa kevalassa dukkhakkhandhassa nīrodho hotī* ti vuttaṇ. Tattha *kevalassā* ti sakalassa; suddhassa vā. Sattavirahitassā ti attho. *Duk-*

¹ S. Dhaneyyāthā. ² B. nidānaparamparañ dassento.

³ B. *adds* anuppādanīrodhā

⁴ B. viññāṇanīrodho hoti.

khakkhandhassū ti dukkharāsissa. *Nirodho hoti* ti anuppādo hoti. *Imasmiṇ asatī* ti ādi vuttapaṭipakkhanayena vedittabbaṇ.

15. [264³⁷] Evaṇ vaṭṭavivaṭṭaṇ kathetvā idāni imaṇ dvā-dasaṅga-paccayavaṭṭaṇ saha vipassanāññānena¹ maggena jānantassa yā paṭidhāvanā pahiyati, tassā abhāvaṇ pucchanto, *api nu tumhe, bhikkhave* ti ādim āha. Tattha *evaṇ jānantā* ti evaṇ sahavipassanena maggena jānantā. *Evaṇ passantā* ti tass' eva vevacanaṇ. *Pubbantaṇ* ti purimakotṭhāsaṇ. Atitāni khandha-dhātu-āyatanāni ti attho. *Paṭidhāveyyāthū* ti taṇhā diṭṭhivasena paṭidhāveyyātha. Sesaṇ Sabbāsava-sutte vitthāritam eva.

16. [265¹⁷] Idāni nesaṇ tattha niccalabhāvaṇ pucchanto, *api nu tumhe, bhikkhave, evaṇ jānantā evaṇ passantā evaṇ vadeyyātha* : *Satthā no garū* ti ādim āha. Tattha *garū* ti bhāriko, akāmā anuvattitabbo. *Samāno* ti Buddhasamaṇo. *Aññaṇ satthāraṇ uddiseyyāthā* ti ayaṇ satthā amhākaṇ kiccaṇ sādhetuṇ na sakkotī ti *api nu evaṇ saññino hutvā aññaṇ bāhiraṇ satthāraṇ uddiseyyātha*. *Puthusamaṇabrāhmaṇānaṇ* ti puthūnaṇ titthiyasamaṇānaṇ c' eva brāhmaṇānaṇ ca. *Vatakutūhalamaṅgalānī* ti vatasamādānāni ca diṭṭhikutūhalāni ca diṭṭha-suta-mutamaṅgalāni ca. *Tāni sārato pac-cāgaccheyyāthā* ti etāni sāraṇ ti evaṇ saññino hutvā paṭi-āgaccheyyātha. Evaṇ nissatṭhāni pi puna guṇheyyāthā ti attho. *Sāmaṇ ñātaṇ* ti sayāṇ ñānena ñātaṇ. *Sāmaṇ diṭṭhaṇ* ti sayāṇ paññācakkhunā diṭṭhaṇ. *Sāmaṇ viditaṇ* ti sayāṇ vibhāvitaṇ, pākataṇ kataṇ.

17. [265²⁹] *Upanītā kho me tumhe* ti mayā bhikkhave, tumhe iminā sandiṭṭhikādisabhāvena dhammena nibbānaṇ upanītā. Pāpitā ti attho. *Sandiṭṭhiko* ti ādinaṇ attho Visuddhimagge vitthārito. *Idam etaṇ paṭicca vuttaṇ* ti etaṇ vacanaṇ idaṇ tumhehi sāmaṇ ñātādibhāvaṇ paṭicca vuttaṇ.

18. [265³⁵] *Tiṇṇaṇ kho pana, bhikkhave* ti kasmā ārabhi ? Na nu heṭṭhā vaṭṭavivaṭṭavasena desanā matthakaṇ pāpitā ti ? Āma pāpitā. Ayaṇ pana pāṭiyekko anusandhi. Ayaṇ hi lokasannivāso paṭisandhisammūḷho; tad assa sam-

¹ B. vipassanāya ñā°; S. °ñānamaggena.

mohaṭṭhānaṃ viddhaṇṣetvā pākaṭaṃ karissāmi ti imaṃ desanaṃ ārabhi. Api ca vaṭṭamūlaṃ avijjā, vivaṭṭamūlaṃ Buddhuppādo; iti vaṭṭamūlaṃ avijjaṃ vivaṭṭamūlaṃ ca Buddhuppādaṃ dassetvā pi puna ekavāraṃ vaṭṭavivaṭṭavasena desanaṃ matthakaṃ pāpessāmi ti imaṃ desanaṃ ārabhi.

19. Tattha *sannipātā* ti samodhānena, piṇḍabhāvena. *Gabbhassā* ti gabbhe nibbattanasattassa. *Avakkanti hoti* ti nibbatti hoti. Katthaci hi gabbho ti mātukucchi vuttā.¹ Yath' āha:

“Yam ekarattiṃ paṭhamaṃ gabbhe vasati mānava
abbhuttṭhito va sayati² sa gacchaṇa na nivattati” ti
(Jā. iv. 494).

Katthaci gabbhe nibbattanasatto. Yath' āha: “Yathā kho paṇ' Ānanda, aññā itthikā nava vā dasa vā māse gabbhaṃ kucchinā pariharitvā vijāyanti” ti (M. iii. 122). Idha satto adhippeto. Taṃ sandhāya vuttaṃ: *Gabbhassa avakkanti hoti* ti.

20. [265³⁶] *Idhā* ti imasmiṃ sattaloke. *Mātā ca utunī hoti* ti idaṃ utusamayaṃ sandhāya vuttaṃ. Mātugāmassa kira yasmiṃ okāse dārako nibbattati, tattha mahati lohitaṭṭhalakā saṇṭhahitvā bhijjitvā paggharati; vatthu suddhaṃ hoti. Visuddhe vatthumhi mātāpitusu ekavāraṃ sannipatitesu yāva satta divasāni kṛhattam eva hoti. Tasmiṃ samaye hatthagāha-venigāhādinaṃ aṅgaparāmasanena pi dārako nibbattati yeva. *Gandhabbo* ti tatrūpakasatto. *Paccupaṭṭhito hoti* ti na mātāpitunnaṃ sannipātaṃ olokayamāno samīpe tṭhito nāma hoti, kammayanta-yantito pana eko satto tasmiṃ okāse nibbattanako hoti ti ayam ettha adhippāyo.

21. [266⁷] *Saṃsayenā* ti arogā nu kho bhavissāmi ahaṃ,³ putto vā me ti evaṃ mahantena jīvitasāṃsayena. *Lohitaṃ h' etaṃ, bhikkhave* ti tadā kira mātulohitaṃ taṃ tṭhānaṃ sampatta-sampattaṃ puttasiṇheṇa paṇḍaraṃ hoti. Tasmā evam āha. *Vaṇṇakāṇ* ti dārakānaṃ kīlanakaṃ khuddakanaṅgalaṃ. *Ghaṭṭikā* vuccati dīghadaṇḍakena rassadaṇḍakapaharaṇakīlā. *Mokkhaṇṇika* ti samparivattikakīlā. Ākāse daṇḍakaṃ gaheṭvā bhūmiyaṃ vā sīsaṃ tṭhapetvā heṭṭhupariyabhāvena

¹ B. vutto.² B. sa yāti.³ B. S. add vā.

parivattanakiḷan ti vuttaṇ hoti. *Ciṅgulakaṇ* vuccati tāla-panṇādihi kataṇ vātappahārena paribbhamanacakkaṇ. *Pat-tālhaṇ* vuccati paṇṇanālikā. Tāya vālikādini minantā kiḷanti. *Rathakan* ti khuddakarathaṇ. *Dhanukampi* khud-dakadhanum eva.

22. [266²³] *Sārajjatī* ti rāgaṇ uppādeti. *Byāpajjati* ti bya-pādaṇ uppādeti. *Anupatṭhitakāyasatī* ti kāye sati kāyasati; taṇ anupatṭhapetvā ti attho. *Parittacetaso* ti akusalacitto. *Yatth' assa te pāpakā* ti yassaṇ phalasamāpattiyaṇ ete nirujjhanti, taṇ na jānāti. Nādhigacchatī ti attho. *Anu-rodha-virodhan* ti rāgañ c' eva dosaṇ ca. *Abhinandati* ti taṇhāvasena abhinandati. Taṇhāvasen' eva, aho sukhan ti ādini vadanto *abhivadati*. *Ajjhosāya tittḥatī* ti taṇhājjhosa-nena gilitvā pariniṭṭhapetvā gaṇhāti. Sukhaṇ vā¹ aduk-khamasukhaṇ vā abhinandatu, dukkhaṇ kathaṇ abhinandati ti ? Ahaṇ dukkhito, mama dukkhan ti gaṇhanto abhinan-datināma. *Uppajjati nandī* ti taṇhā uppajjati. *Tad upādānan* ti sā va taṇhā gahaṇatthena upādānaṇ nāma. *Tass' upādā-napaccayā bhavo—pe—samudayo hotī* ti idam pi²; Bhagavatā puna ekavāraṇ dvisandhi tisaṅkhepaṇ paccayākāravatṭaṇ dassitaṇ.

23. [267¹³] Idāni vivaṭṭaṇ dassetuṇ, *idha, bhikkhave, Ta-thāgato loka uppajjati* ti ādim āha. Tattha *appamāṇacetaso* ti appamānaṇ lokuttaraṇ ceto assā ti appamāṇacetaso. *Maggacittasamaṅgī* ti attho. *Imaṇ kho me tumhe bhikkhave, saṅkhittena taṇhāsaṅkhaya vimuttiṇ dhārethā* ti bhikkhave, imaṇ saṅkhittena desitaṇ mayhaṇ taṇhāsaṅkhaya vimuttidesanaṇ tumhe niccakālaṇ dhāreyyātha, mā pamusseyyātha.³ *De-sanā hi ettha vimutti paṭilābhahetuto vimutti ti vuttā.*

24. [271¹] *Mahātaṇhājāla - taṇhāsaṅghāṭa - paṭimukkan* ti taṇhā va saṇsibbanatṭhena *mahātaṇhājālaṇ*, saṅghaṭitattṭhena *sāghātan* ti vuccati; iti imasmiṇ mahātaṇhājāla-taṇhāsaṅghāṭe ca imaṇ Sātiṇ bhikkhuṇ Kevaṭṭaputtaṇ paṭimukkaṇ dhāretha. Anupaviṭṭho, antogadho ti naṇ dhāreyyāthā ti attho. *Sesaṇ sabbattha uttānattham evā ti.*

Mahā-Taṇhāsaṅkhayasuttaṇ aṭṭhamāṇ.

¹ B. S. tāva.

² B. S. hi.

³ B. pamajjeyyātha.

39.

[Mahā-Assapurasuttavaṇṇanā]

1. [271⁶] *Evam me sutan ti Mahā-Assapuraṇ. Tattha Aṅgesū ti Aṅgā nāma jānapadino rājakumārā; tesañ nivāso eko pi janapado rūlhisaddena Aṅgā ti vuccati; tasmiṇ Aṅgesu janapade. Assapuraṇ nāma Aṅgānaṇ nigamo ti Assapuraṇ ti nagaranāmena laddhavohāro Aṅgānaṇ janapadassa eko nigamo. Taṇ gocaragāmaṇ katvā viharatī ti attho. Bhagavā etad avocā ti etaṇ samaṇā samaṇā ti vo, bhikkhave, jano sañ-jānātī ti ādivacanaṇ avoca.*

2. Kasmā pana evaṇ avocā ti? Tasmiṇ kira nigame manussā saddhā pasannā Buddhamāmakā, Dhammamāmakā, Saṅghamāmakā, tadahupabbajita-sāmaṇeram pi vassasatikattherasadisāṇ katvā passanti¹; pubbaṇhasamayē bhikkhusaṅghaṇ piṇḍāya pavisantaṇ disvā bijanaṅgalāḍini gahetvā khettaṇ gacchantā pi, pharasu-āḍini gahetvā araṇṇaṇ pavisaṇtā pi tāni upakaraṇāni nikkhipitvā bhikkhusaṅghassa nisīdanatṭhānaṇ āsanasālaṇ vā maṇḍapaṇ vā rukkhamūlaṇ vā sammajjitvā āsanāni paṇṇāpetvā ādhārake² ca pāṇiyaṇ ca³ paccupaṭṭhapetvā bhikkhusaṅghaṇ nisīdāpetvā yāgu-khajjakāḍini datvā katabhattakiccaṇ bhikkhusaṅghaṇ uyyo-jetvā tato tāni upakaraṇāni āḍāya khettaṇ vā araṇṇaṇ vā gantvā attano kammāni karonti.

3. Kammantatṭhāne pi nesāṇ aṇṇā kathā nāma n' atthi. Cattāro maggaṭṭhā, cattāro phalaṭṭhā ti atṭha puggalā Ariyasaṅgho nāma; te evarūpena sīlena, evarūpena ācārena, evarūpāya paṭipattiyā samannāgatā, lajjino, pesalā, ulāra-guṇā ti bhikkhusaṅghass' eva vaṇṇaṇ kathenti. Kammantato āgantvā bhuttasāyamāsā gharadvāresu nisinnā pi, sayani-gharaṇ pavisitvā nisinnā pi bhikkhusaṅghass' eva vaṇṇaṇ kathenti. Bhagavā tesāṇ manussānaṇ nipaccakāraṇ disvā bhikkhusaṅghaṇ piṇḍapātāpacayaṇe niyojento evaṇ⁴ avoca.

4. [271¹³] *Ye dhammā samānakaraṇā ca brāhmaṇakaraṇā cā ti ye dhammā samāḍāya paripūritā samitapāpa-samaṇaṇ*

¹ B. paṇṇasanti.² S. āvarake; B. arajapāṇiyaṇ.³ B. S. omit.⁴ B. S. etad.

ca bāhitapāpa-brāhmaṇaṃ ca karonti ti attho. “Tīṇ’ imāni, bhikkhave, samaṇassa samaṇakaraṇīyāni. Katamāni tīni? Adhisīlasikkhāsamādānaṃ, adhicittasikkhāsamādānaṃ, adhipaññasikkhāsamādānaṃ” ti (A. i. 229) ettha pana samaṇena kattabbadhammā vuttā. ‘Te pi ca samaṇakaraṇā honti yeva. Idha pana hirottappādivasena desanā vitthāritā.

5. [271¹⁴] *Evaṃ no ayaṃ amhākaṃ* ti ettha no ti nipāta-mattaṃ. *Evaṃ ayaṃ amhākaṃ* ti attho. *Mahapphalā ma-hānisansa* ti ubhayam pi atthato ekam eva. *Avañjhā* ti amoghā. *Saphalā* ti ayaṃ tass’ eva attho. Yassā hi phalaṃ n’ atthi, sā vañjhā nāma hoti. *Sa-udrayā* ti savaḍḍhi. Idaṃ saphalatāya vevacanaṃ. *Evaṃ hi vo, bhikkhave, sikkhitabbaṃ* ti bhikkhave, evaṃ tumhehi sikkhitabbaṃ. Iti Bhagavā iminā ettakena tṭhānena hirottappādīnaṃ dhammānaṃ vaṇṇaṃ kathesi.

6. Kasmā? Vacanapathapacchindanattthaṃ. Sace hi koci acirapabbajito bālabhikkhu evaṃ vadeyya: Bhagavā, hirottappādiddhamme samādāya vattathā ti vadati, ko nu kho tesāṃ samādāya vattane ānisaṃso ti? Tassa vacanapathapacchindanattthaṃ ayaṃ ca ayaṃ ca ānisaṃso, ime dhammā samādāya pūritā samitapāpasamaṇaṃ nāma bāhitapāpabrāhmaṇaṃ nāma karonti, catupaccayalābhaṃ uppādentī, paccayadāyakānaṃ mahapphalataṃ sampādentī, pabbajjaṃ avañjhaṃ saphalaṃ sa-udrayaṃ karonti ti vaṇṇaṃ abhāsi. Ayam ettha saṅkhepo. Vitthārena pana vaṇṇakathā Satipaṭṭhāne vuttanayen’ eva veditabbā.

7. [271²²] *Hirottappena* ti “Yaṃ hiriyaṃ hiriyaṭṭabbena, ottappati ottappitaṭṭabbena” ti (Dhs. 13) evaṃ vitthāritāya hiriyaṃ c’ eva ottappena ca. Api c’ ettha ajjhattasamuttānā hiri; bahiddhāsamuttānā ottappaṃ. Attādhipateyyā hiri; lokādhipateyyaṃ ottappaṃ. Lajjāsabhāvasaṇṭhitā¹ hiri; bhayasabhāvasaṇṭhitaṃ ottappaṃ. Vitthārakathā pan’ ettha sabbākārena Visuddhimagge vuttā.

8. Api ca ime dve dhammā lokaṃ pālanato lokapālaka-dhammā nāma ti kathitā. Yath’ āha: “dve ’me bhikkhave, sukkā dhammā lokaṃ pālenti. Katame dve? Hiri ca ottap-

pañ ca. Ime kho, bhikkhave, dve sukkā dhammā lokaṇ pārenti. Ime ca kho, bhikkhave, dve sukkā dhammā lokaṇ na pāleyyaṇ, na yidha paññāyetha, mātā ti vā, mātucchā ti vā mātulanī ti vā, ācariyabhariyā ti vā, garūṇaṇ dārā ti vā, sambhedāṇ loko agamissa, yathā ajeḷakā, kukkuṭasūkaiā, soṇasigālā ” ti (A. i. 51).

9. Ime yeva Jātake devadhammā ti kathitā. Yath’ āha :

“ Hiri-ottappasampannā sukkadhammasamāhitā

santo sappurisā loke devadhammā ti vuccare ” ti

(Jā. i. 129).

Mahā-Cundattherassa pana kilesasallekhanaka-paṭipadā ti katvā dassitā. Yath’ āha: “ Pare ca ahirikā bhavissanti, mayam ettha hirimanā bhavissāmā ti sallekho karaṇīyo. Pare anottappī bhavissanti, mayam ettha ottappī bhavissāmā ti sallekho karaṇīyo ” ti (M. i. 43).

10. Ime ca¹ Mahā-Kassapattherassa ovādupasampadā ti katvā dassitā. Vuttaṇ h’ etaṇ: “ Tasmātiha te, Kassapa, evaṇ sikkhitabbaṇ: tibbaṇ me hirottappaṇ paccupaṭṭhitaṇ bhavissati thesuvavesu majjhimesū ti. Evaṇ hi te, Kassapa, sikkhitabban ” ti (S. ii. 220). Idha pan’ ete samaṇadhammā nāmā ti dassitā.

11. [271²³] Yasmā pana na ettāvata sāmaññattho mattha-kaṇ patto nāma hoti, tasmā apare pi samaṇakarane dhamme dassetuṇ, *siyā kho pana, bhikkhave, tumhākaṇ* ti ādim āha. Tattha *sāmaññattho* ti Saṇyuttake² tāva, “ Katamañ ca, bhikkhave, sāmaññaṇ? Ayam eva ariyo aṭṭhaṅgiko maggo, seyyathidaṇ, sammādiṭṭhi—pe—sammāsamādhī. Idaṇ vuccati, bhikkhave, sāmaññaṇ. Katamo ca, bhikkhave, sāmaññattho? Yo, bhikkhave, rāgakkhaya, dosakkhaya, mohakkhaya, ayaṇ vuccati, bhikkhave, sāmaññattho ” ti (S. v. 25) maggo sāmaññaṇ ti, phala-nibbānāni sāmaññattho ti vuttāni. Imasmiṇ pana thāne maggaṇ pi phalam pi ekato katvā sāmaññattho kathito ti veditabbo. *Ārocayāmī* ti kathemi. *Paṭivedayāmī* ti jānāpemi.

12. [271³⁰] *Parisuddho no kāyasamācāro* ti ettha kāyasamācāro parisuddho, aparisuddho ti duvidho. Yo hi bhikkhu

¹ B. va.

² B. sāmaññaṇ.

pāṇaṇ hanti, adinnaṇ ādiyati, micchā carati, tassa kāyasam-
 ācāro aparisuddho nāma. Ayaṇ pana kamma-pathavasen'
 eva vārito. Yo pana pāṇinā leḍḍunā vā daṇḍena vā satthena
 vā paraṇ heṭṭeti,¹ viheṭṭeti, tassa kāyasamācāro aparisuddho
 nāma. Ayam pi sikkhāpadakkhandhen'² eva paṭikkhitto.
 Imasmiṇ sutte ubhayam etaṇ akathetvā paramasallekho nāma
 kathito. Yo hi bhikkhu pāṇiyaghaṭe vā pāṇiyaṇ pivantānaṇ,
 patte vā bhattaṇ bhuñjantānaṇ kākānaṇ nivāraṇavasena
 hatthaṇ vā leḍḍuṇ vā daṇḍaṇ vā uggrati, tassa kāyasamācāro
 aparisuddho; viparīto parisuddho nāma.

13. [272¹] *Uttāno* ti uggato pākato. *Vivato* ti anāvato
 acchanno. Ubhayenāpi parisuddhataṇ yeva dīpeti. *Na ca*
chiddavā ti sadā ekasadiṣo, antarantare chiddarahito. *Saṇ-*
vuto ti kilesānaṇ dvārapidahanaṇa pihito; na vajjapaṭicchā-
 danatthāya.

14. Vacīsamācāre pi yo bhikkhu musā vadati, piṣuṇaṇ
 katheti, pharuṇaṇ bhāsati, samphaṇ palapati, tassa vacīsam-
 ācāro aparisuddho nāma. Ayaṇ pana kamma-pathavasen'
 eva vārito. Yo pana, gahapatikā ti vā, dāsā ti vā, peṣṣā ti
 vā ādihi khuṇserto vadati, tassa vacīsamācāro aparisuddho
 nāma. Ayam pi³ sikkhāpadakkhandhen'² eva paṭikkhitto.
 Imasmiṇ sutte ubhayam etaṇ akathetvā paramasallekho nāma
 kathito. Yo hi bhikkhu daharena vā sāmaṇerena vā, kacci
 bhante, amhākaṇ upajjhāyaṇ passathā ti vutto, āvuso,
 sambahulā bhikkhuniyo ekasmiṇ padese vicariṇsu, upajjhāyo
 te vikkāyika-sāka-bhaṇḍikaṇ ukkhipitvā gato bhavissati ti
 ādinā nayena hassādhippāyo pi evarūpaṇ kathaṇ katheti,
 tassa vacīsamācāro aparisuddho; viparīto parisuddho nāma.

15. Manosamācāre, yo bhikkhu abhijjhālu byāpannacitto,
 micchādītṭhiko hoti, tassa manosamācāro aparisuddho nāma.
 Ayaṇ pana kamma-pathavasen' eva vārito. Yo pana upanik-
 khittaṇ jātarūpa-rajataṇ sādīyati, tassa manosamācāro aparī-
 suddho nāma. Ayam pi sikkhāpadakkhandhen'² eva paṭik-
 khitto. Imasmiṇ sutte ubhayam etaṇ akathetvā para-
 masallekho nāma kathito. Yo⁴ bhikkhu kāmavitakkaṇ vā

¹ B. poṭṭeti; S. potheti.

² B. S. °bandhen'.

³ B. S. pana.

⁴ B. adds pana.

byāpādavitaṅkaṇ vā vihiṅsāvitakkaṇ vā vitakketi, tassa manosaṃmācāro aparisuddho; viparīto parisuddho.

16. Ājīvasmiṇ yo bhikkhu ājīvaḥetu vejjakammaṇ, paḥiṇa-gamaṇaṇ, gaṇḍaphālaṇaṇ karoti, arumakkhaṇaṇ deti, telaṇ pacatī ti ekavisati-anesanāvasena jīvikaṇ kappeti; yo vā pana viññāpetvā bhuñjati, tassa ājīvo aparisuddho nāma. Ayam pana sikkhāpadakkhandhen¹ eva paṭikkhitto. Imasmiṇ sutte etaṇ akathetvā paramasallekho nāma kathito. Yo hi bhikkhu sappi-navanīta-tela-madhu-phāṇitādīni labhitvā, sve vā punadivase vā bhavissati ti sannidhikāraṇaṇ paribhuñjati; yo vā pana nimbaṅkurādīni disvā sāmānere vadati: āvuso, aṅkure² khadathā ti; sāmānerā, thero khāditukāmo ti kappiyaṇ katvā denti; dahare pana sāmānere vā, pāṇiyaṇ pivatha, āvuso ti vadati; thero pāṇiyaṇ pivitukāmo ti pāṇiyasaṅkhaṇ dhovitvā denti; tam pi paribhuñjantassa ājīvo aparisuddho nāma hoti; viparīto parisuddho nāma.

17. [273²² *Mattaññū* ti pariyesana-paṭiggahana-paribhogesu mattaññū, yuttaññū, pamāṇaññū. *Jāgariyam anuyuttā* ti rattindivaṇ cha koṭṭhāse katvā ekasmiṇ koṭṭhāse niddāya okāsaṇ datvā³ pañca koṭṭhāse jāgariyamhi yuttapa-yuttā. *Sīhaseyyan* ti ettha kāmabhogiseyyā, petaseyyā, sīhaseyyā, Tathāgataseyyā ti catasso seyyā.

18. Tattha “Yebhuyyena, bhikkhave, kāmabhogī sattā vāmena passena senti” ti (A. ii. 244) ayaṇ kāmabhogiseyyā. Tesu hi yebhuyyena dakkhiṇena passena sayāno nāma n’ atthi. “Yebhuyyena, bhikkhave, petā uttānā senti” ti (A. ii. 244) ayaṇ petaseyyā. Petā hi appamaṇsalohitattā atṭhisāṅghātaghatitā⁴ ekena passena sayituṇ na sakkonti, uttānā va senti. “Yebhuyyena, bhikkhave, siho migarājā naṅgutṭhaṇ antarasatthimhi pakkhipitvā dakkhiṇena passena seti” ti (cf. A. ii. 245) ayaṇ sīhaseyyā.

19. Tejussadattā hi siho migarājā dve purimāpāde ekasmiṇ thāne thapetvā naṅgutṭhaṇ antarasatthimhi pakkhipitvā purimāpāda-pacchimāpāda-naṅgutṭhānaṇ thītokāsaṇ sallak-khetvā dvinnāṇ purimāpādānaṇ matthake sīsaṇ thapetvā

¹ B. S. °bandhen’.

³ B. S. katvā.

² C. aṅkuraṇ.

⁴ B. S. °jaṭitā.

sayati. Divasam pi sayitvā pabujjhamāno na utrasanto pabujjhati. Sīsaṇ pana ukkhipitvā purimapādānaṇ¹ t̥hitokāsaṇ sallakkheti. Sace kiñci t̥hānaṇ vijahitvā t̥hitaṇ hoti, na yidaṇ tuyhaṇ jātiyā, na sūrabhāvassa ca anurūpan ti anattamano hutvā tatth' eva sayati; na gocarāya pakkamati. Avijahitvā t̥hite pana, tuyhaṇ jātiyā, sūrabhāvassa ca anurūpam idan ti haṭṭhatuttho utthāya sihaviyambhitaṇ vijambhitvā kesarabhāraṇ vidhunitvā tikkhattuṇ sihanādaṇ naditvā gocarāya pakkamati. Catutthajjhānaseyyā pana Tathāgataseyyā ti vuccati. Tāsu idha sihaseyyā āgatā. Ayaṇ hi tejussadairiyāpathattā uttamaseyyā nāma.

20. [274³] *Pāde pādan* ti dakkhiṇapāde vāmapādaṇ. *Accādhāyā* ti atī-ādhāya; īsakaṇ atikkamma t̥hapetvā. Gopphakena hi gopphake jānuna vā jānumhi saṅghaṭṭiyamāne abhinhaṇ vedanā uppajjati, cittaṇ ekaggaṇ na hoti, seyyā aphāsukā hoti. Yathā pana na saṅghaṭṭeti, evaṇ atikkamma t̥hapite vedanā n' uppajjati, cittaṇ ekaggaṇ hoti, seyyā phāsu² hoti. Tasmā evam āha.

21. [274³⁵] *Abhiṇṇaṇ loke* ti ādi Culla-Hatthipade vitthāritaṇ. Yā panāyaṇ, *seyyathā pi*, *bhikkhave* ti upamā vuttā, tattha *inaṇ ādāyā* ti vaḍḍhiyā dhanāṇ gahetvā. *Byantikareyyā* ti vigatantaṇ³ kareyya. Yathā nesaṇ kākaṇikamatto pi pariyaṇto nāvasissati, evaṇ kareyya, sabbaso paṭiniyyāteyyā ti attho. *Tato nidānaṇ* ti ānaṇyanidānaṇ. So hi aṇano 'mhī ti āvajjanto balavapāmojjaṇ labhati,⁴ balavaso manassaṇ adhigacchaṭi. Tena vuttaṇ: *Labhetha pāmojjaṇ, adhigaccheyya somanassaṇ* ti.

22. [275¹⁰] Visabhāgavedanuppattiya kakaceneva catu-riyāpathaṇ chindanto ābādheti ti ābādho; svāssa atthi ti *ābādhiḱo*. Taṇsamutthānena dukkhena dukkhito. Adhimattagilāno ti *bālhaḱilāno*. *Nacchādeyyā* ti adhimattabyādhiparetatāya na ruceyya. *Balamattā* ti balaṃ eva. Balaṇ c'assa kāye na bhavyeṇṇā ti attho. *Tato nidānaṇ* ti ārogyanidānaṇ. Tassa hi, arogo 'mhī ti āvajjayato tad ubhayaṇ hoti. Tena vuttaṇ: *Labhetha pāmojjaṇ, adhigaccheyya somanassaṇ* ti.

¹ C. S. °pādādīnaṇ.

³ B. S. °tāni.

² B. S. phāsukā.

⁴ B. S. omī.

23. [275²⁷] *Na c' assa kiñci bhogānaṃ vayo ti kākaṇika-* mattam pi bhogānaṃ vayo na bhaveyya. *Tato nidānaṃ ti bandhanamokkhanidānaṃ.* Sesañ vuttanayen' eva sabba-padesu yojetabbaṃ. *Anatīdadhīno* ti na attani adhīno, attano ruciyā kiñci kātuṃ na labhati. *Parādadhīno* ti paresu adhīno, parass' eva ruciyā pavattati. *Na yena kāmāṅgamo* ti yena disābhāgen' assa kāmo hoti, icchā uppajjati gamanāya, tena gantuṃ na labhati. *Dāsuviyā* ti dāsabhāvā *bhujisso* ti attano santako. *Tato nidānaṃ ti bhujissanidānaṃ.* *Kantāraddhā-* *namaggaṃ* ti kantāraṃ addhānamaggaṃ. Nirudakaṃ digha-maggaṃ ti attho. *Tato nidānaṃ ti khemabhūminidānaṃ.*¹

24. [276¹²] *Ime pañca nīvarane appahīne* ti ettha Bhagavā appahīnaṃ kāmaccchandaniīvaraṇaṃ iṇasadisaṃ sesāni rogādisadisāni katvā dasseti. Tatrāyaṃ sadisatā: Yo hi paresaṃ iṇaṃ gahetvā vināseti, so tehi, iṇaṃ dehī ti vuccamāno pi pharusaṃ vuccamāno pi bajjhamāno pi kiñci paṭippharituṃ na sakkoti, sabbaṃ titikkhati. Titikkhakāraṇaṃ hi 'ssa taṃ iṇaṃ hoti. Evam eva yo yaṃhi kāmaccchandena rajjati, taṇhāganena taṃ vatthuṃ gaṇhāti, so tena pharusaṃ vuccamāno pi bajjhamāno pi pahariyamāno pi sabbaṃ titikkhati. Titikkhakāraṇaṃ hi 'ssa so kāmaccchando hoti; gharasāmikehi vadhiyamānaṃ itthīnaṃ viyā ti. Evaṃ iṇaṃ viya kāmaccchando daṭṭhabbo.

25. Yathā pana pitarogāturo madhu-sakkharādisu pi dinnesu pitarogāturatāya tesāṃ rasaṃ na vindati, tittakaṃ tittakan ti uggrati yeva. Evam eva byāpannacitto hita-kāmehi ācariyupajjhāyehi appamattakam pi ovadiyamāno ovādaṃ na gaṇhāti, ativiya me tumhe upaddavethā ti ādini vatvā vibbhamati. Pittāturatāya so puriso madhusakkharārasaṃ viya, kodhāturatāya jhānasukkhādibhedāṃ sāsana-rasaṃ na vindati ti. Evaṃ rogo viya byāpādo daṭṭhabbo.

26. Yathā pana nakkhattadivase bandhanāgāre baddho² puriso nakkhattassa n' eva ādiṃ, na majjhaṃ, na pariyosānaṃ paṇṇasi. So dutiyadivase mutto, aho hiyo nakkhattaṃ manāpaṃ aho, aho naccaṃ, aho gitaṃ ti ādini sutvā pi paṭiva-canaṃ na deti. Kiṇkāraṇā? Nakkhattassa ananubhūtatā.

¹ B. S. khemanta°.² B. S. bandho.

Evam eva thīnamiddhābhibhūto bhikkhu vicittanaye pi dhammasavane vattamāne n' eva tassa ādiṇ, na majjhaṇ, na pariyosānaṇ jānāti. So utṭhite¹ dhammasavane, aho dhammasavanaṇ, aho kāraṇaṇ, aho upamā ti dhammasavanassa vaṇṇaṇ bhaṇamānānaṇ sutvā pi paṭivacanaṇ na deti. Kiṇ-kāraṇā? Thīnamiddhavasena dhammakathāya ananubhū-tattā ti. Evaṇ bandhanāgāraṇ viya thīnamiddhaṇ daṭṭhabbaṇ.

27. Yathā pana nakkhattaṇ kiṇanto pi dāso, idaṇ nāma accāyikaṇ karaṇiyaṇ atthi, siḥaṇ tattha gaccha, no ce gac-chasi, hatthapādaṇ te chindāmi, kaṇṇanāsaṇ vā ti vutto siḥaṇ gacchati yeva, nakkhattassa ādi-majjha-pariyosānaṇ anubhavituṇ na labhati. Kasmā? Parādhinatāya. Evam eva Vinaye appakataññunā vivekatthāya araññaṇ pavitṭhe-nāpi kismicid eva antamaso kappiya-maṇse pi akappiya-saññāya uppannāya vivekaṇ pahāya silaparisodhanatthaṇ Vinayadharassa santikaṇ gantabbaṇ hoti; vivekasukhaṇ anubhavituṇ na labhati. Kasmā? Uddhaccakukkuccābhi-bhūtātāya ti. Evaṇ dāsavyaṇ viya uddhaccakukkuccaṇ veditabbaṇ.

28. Yathā pana kantāraddhānamaggaṇ paṭipanno puriso corehi manussānaṇ viluttokāsaṇ, pahatokasañ ca disvā daṇḍakasaddena pi sakunasaddena pi, corā āgatā ti ussañ-kita-parisañkito hoti, gacchati pi, tiṭṭhati pi, nivattati pi. Gataṭṭhānato āgataṭṭhānam eva bahutaraṇ hoti. So kic-chena kasirena khemantabhūmiṇ pāpuṇāti vā, na vā pāpu-ṇāti. Evam eva yassa aṭṭhasu thānesu vicikicchā uppannā hoti, so, Buddho nu kho, na nu kho Buddho ti ādinā nayena vicikicchanto adhimuccitvā saddhāya gaṇhituṇ na sakkoti. Asakkonto maggaṇ vā phalaṇ vā na pāpuṇāti ti. Iti yathā kantāraddhānamagge corā atthi n' atthi ti punappunaṇ āsappanaparisappaṇaṇ, aparīyogāhanaṇ, chambhitattaṇ cit-tassa uppādentō khemappattiyā antarāyaṇ karoti, evaṇ vicikicchā pi, Buddho na Buddho ti ādinā nayena punap-punaṇ āsappanaparisappaṇaṇ, aparīyogāhanaṇ chambhitat-taṇ cittassa uppādayamānā ariyabhūmippattiyā² antarāyaṇ karoti ti kantāraddhānamaggo viya daṭṭhabbā.

¹ B. S. upaṭṭhite.

² B. °bhūmikhemappattiyā; S. ariyamaggappattiyā.

31. Yathā so nakkhattadivase bandhanāgāraṇ pavesita-
puriso aparasmiṇ nakkhattadivase, pubbe pi ahaṇ pamāda-
dosena baddho taṇ nakkhattaṇ nānubhaviṇ, idāni appamatto
bhaviṣṣāmī ti yathā 'ssa paccatthikā okāsaṇ na labhanti,
evaṇ appamatto hutvā nakkhattaṇ anubhavitvā, aho nak-
khattaṇ ti udānaṇ udāneti. Evam eva bhikkhu, idaṇ thīna-
middhaṇ mahānatthakaraṇ ti cha dhamme bhāvetvā thīna-
middhanīvaraṇaṇ pajahati. So evaṇ pahīnathīnamiddho,
yathā bandhanā muttapuriso sattāham pi nakkhattassa ādi-

³ B. gedho.

majjha-pariyosānaṃ anubhavati, evam eva¹ dhammanak khattassa ādi-majjha-pariyosānaṃ anubhavanto saha paṭi-sambhidāhi arahattaṃ pāpunāti. Tasmā Bhagavā bandha-namokkham iva thīnamiddhapahānaṃ āha.

32. Yathā pana dāso kañcid eva mittan upanissāya sāmī-kānaṃ dhanan datvā attānaṃ bhujissaṃ katvā tato paṭṭhāya yaṃ icchati, taṃ kareyya. Evam eva bhikkhu, idaṃ uddhac-cakukkuccaṃ nāma mahānatthakaraṃ ti cha dhamme bhā-
vetvā uddhaccakukkuccaṃ pajahati. So evaṃ pahīna-uddhac-cakukkucco, yathā bhujisso puriso yaṃ icchati taṃ karoti, na naṃ koci balakkārena tato nivatteti, evam eva bhikkhu yathāsukhaṃ nekkhammapaṭipadaṃ paṭipajjati, na naṃ uddhaccakukkuccaṃ balakkārena tato nivatteti. Tasmā Bhagavā bhujissaṃ viya uddhaccakukkuccapahānaṃ āha.

33. Yathā balavā puriso hatthasāraṃ gahetvā sajjāvudho sapaṇivāro kantāraṃ paṭipajjeyya. Taṃ corā dūrato va disvā palāyeyyaṃ. So sotthinā taṃ kantāraṃ nittharitvā khemantaṃ patto haṭṭhatuṭṭho assa. Evam eva bhikkhu, ayaṃ vicī-kicchā nāma anattakārikā ti cha dhamme bhāvetvā vicī-kicchaṃ pajahati. So evaṃ pahīnavicīkiccho, yathā balavā sajjāvudho sapaṇivāro puriso core disvā nibbhayo, core tiṇaṃ pi² agaṇetvā sotthinā nikkhamitvā khemantabhūmiṃ pā-punāti, evam eva duccharitakantāraṃ nittharitvā paramakhe-mantabhūmiṃ amataṃ nibbānaṃ pāpunāti. Tasmā Bhagavā khemantabhūmiṃ viya vicīkicchāpahānaṃ āha.

34. [276²⁰] *Imam eva kāyaṃ* ti imaṃ karajakāyaṃ. *Abhi-sandeti* ti temeti, sineheti, sabbattha pavattapītisukhaṃ karoti. *Parisandeti* ti samantato sandeti. *Paripūreti* ti vāyunaṃ bhaṣṭaṃ viya pūreti. *Parippharati* ti samantato phusati. *Sabbāvato kāyassa* ti assa bhikkhuno sabbakoṭṭhā-savato kāyassa³ kiñci upādiṇṇaka-santatippavattitṭhāne cha-vimaṃsaḥhitānugataṃ aṇumattam pi thānaṃ paṭhamajjhāna-sukhena aphutṭhaṃ nāma na hoti.

35. [276²³] *Dakkho* ti cheko, paṭibalo nahāniyacunnāni kātuṃ c' eva yojetuṃ ca sannetuṃ ca. *Kaṇsathāle* ti yena

¹ B. *adds* bhikkhu.

² B. viya.

³ B. S. *add* yaṃ.

kenaci lohena katabhājane. Mattikabhājanāṇaṇa pana thiraṇa na hoti, sannantassa¹ bhijjati; tasmā taṇa na dasseti. *Paripphosakaṇa paripphosakaṇa* ti siñcivā siñcivā. *Sanneyyā* ti vāmahaṭṭhena kaṇasathālakakaṇa gahetvā dakkhiṇahaṭṭhena pa-māṇayuttaṇa udakaṇa siñcivā siñcivā parimaddanto piṇḍaṇa kareyya. *Snehānugatā* ti udakasinehena anugatā. *Sneha-paretā* ti udakasinehena parigatā. *Santarabāhirā* ti saddhiṇa antopadesena ca bahipadesena ca. Sabbatthakama eva udakasinehena phutṭhā ti attho. *Na ca paggharaṇī* ti na bindu-bindu-udakaṇa paggharati. Sakkā hoti haṭṭhena pi, dvihi aṅgulīhi pi gahetuṇa, ovattikāyaṇa pi kātuna ti attho.

36. [276³⁷] Dutiyajjhānasukha-upamāyaṇa ubbhitoḍako ti ubbhinna-udako. Na heṭṭhā ubbhijjivā uggacchana-udako, anto yeva pana uppajjana-udako ti attho. *Āyamukhaṇa* ti āgamaṇamaggo. *Devo* ti megho. *Kālena kālaṇa* ti kāle kāle.² Anvaddhamāsaṇa vā anudasāhaṇa vā ti attho. *Dhāraṇa* ti vuṭṭhiṇa. *Nānuppaveceyyā* ti na paveseyya. Na vasseyyā ti attho. *Sītā vāridhārā ubbhijjivā* ti sītaṇa vāri taṇa rahadaṇa³ pūrayamaṇaṇa uppajjivā.⁴

37. Heṭṭhā uggacchana-udakaṇa hi uggantvā bhijjantaṇa udakaṇa khobheti. Catuhi disāhi pavisaṇa-udakaṇa purāṇa-panna-tiṇakatṭha-daṇḍakādihi udakaṇa khobheti. Vuṭṭhi-udakaṇa dhārānipāta-bubbulahehi udakaṇa khobheti. Sannisinnam eva pana hutvā iddhinimmitam iva uppajjamāṇaṇa udakaṇa imaṇa padesaṇa pharati, imaṇa padesaṇa na pharati ti n' atthi. Tena aphutṭhokāso nāma na hoti. Tattha rahado viya karajakāyo. Udakaṇa viya dutiyajjhānasukhaṇa. Sesaṇa purimaṇayaṇa' eva veditabbaṇa.

38. [277²⁰] Tatiyajjhānasukha-upamāyaṇa uppalāni ettha santi ti *uppalinī*. Sesapadadvaye pi es' eva nayo. Ettha ca seta-ratta-nilesu yaṇa kiñci⁵ uppalam eva. Ūnakasatapattaṇa puṇḍarikaṇa. Satapattaṇa padumaṇa. Pattaniyamaṇa vā vinā pi setaṇa padumaṇa, rattaṇa puṇḍarikaṇa ti ayam ettha vinicchayo. *Udakā 'nuggatāni* ti udakato na uggatāni. *Antonimugga-*

¹ B. sandentassa; S. sandantassa.

² C. S. omī kāle kāle.

³ B. S. udakarahadaṇa.

⁴ B. ubbhijjivā.

⁵ B. S. add uppalāṇa.

posīnī ti udakatalassa anto nimuggāni yeva hutvā pussanti¹ vadḍhanti ti attho. Sesaṇ purimanayen' eva veditabbaṇ.

39. [278²] Catutthajjhānasukha-upamāyaṇ *parisuddhena cetasā pariyodātenā* ti ettha nirupakkilesatṭhena parisuddhaṇ; pabhassaratṭhena pariyodātaṇ veditabbaṇ. *Odātena vatthenā* ti idaṇ utupharaṇatthaṇ vuttaṇ. Kiliṭṭhavatthena hi utupharaṇaṇ na hoti; taṇ khaṇaṇ dhotaparisuddhena utupharaṇaṇ balavaṇ hoti.

40. Imissā hi upamāya vatthaṇ viya karajakāyo. Utupharaṇaṇ viya catutthajjhānasukhaṇ. Tasmā yathā sunahātassa purisassa parisuddhaṇ vatthaṇ sasisaṇ pārupitvā nisinnassa sarīrato utu sabbam eva vatthaṇ pharati,² na koci vatthassa apphuṭokāso hoti, evaṇ catutthajjhānasukhena bhikkhuno karajakāyassa na koci okāso apphuṭo hoti ti evam ettha attho daṭṭhabbo. Catutthajjhānacittam eva vā pārutavatthaṇ viya. Taṇsamutṭhānarūpaṇ utupharaṇaṇ viya. Yathā hi katthaci odātavatte kāyaṇ aphasante pi taṇsamutṭhānena utunā sabbatthakam eva kāyo phuṭṭho hoti, evaṇ catutthajjhānasamutṭhitena³ sukhumarūpena sabbatthakam eva bhikkhuno kāyo⁴ phuṭo hoti ti evam p' ettha attho daṭṭhabbo.

41. [278²¹] Pubbenivāsañāna-upamāyaṇ taṇ divasaṇ katakiriyaṇ pākātā hoti ti taṇ divasaṇ gatagāmattayam eva gahitaṇ. Tattha gāmattayaṇ gatapuriso viya pubbenivāsañānalābhī daṭṭhabbo. Tayo gāmā viya tayo bhavā daṭṭhabbā. Tassa purisassa tisu gāmesu taṇ divasaṇ katakiriyaṇ āvibhāvo viya pubbenivāsāya cittaṇ abhinīharitvā nisinnassa bhikkhuno tisu bhavesu katakiriyaṇ āvibhāvo daṭṭhabbo.

42. [279¹²] Dibbacakkhu-upamāyaṇ *dve agārā* ti dve gharā. *Sadvārā* ti sammukhadvārā. *Anucaṅkamante* ti aparāparaṇ caṅkamante. *Anuvicarante* ti ito c' ito ca vicarante; ito pana gehā nikkhamitvā etaṇ gehaṇ, etasmā vā nikkhamitvā imaṇ gehaṇ pavisanavasena daṭṭhabbā.

43. Tattha dve agārā sadvārā viya cutipaṭisandhiyo. Cak-

¹ B. pusīni vadḍhīni; S. phusanti.

² C. carati.

³ B. S. °samutṭhāpitena.

⁴ B. karajakāyo.

khumā puriso viya dibbacakkhuñāṇalābhi. Cakkhumato purisassa dvinnāṇ gehānaṇ antare ṭhatvā passato dve agāre pavisanaka-nikkhamanapakurisanāṇ pākata-kālo viya dibbacakkhulābhino ālokaṇ vaḍḍhetvā olokontassa cavanaka-uppajjanakasattānaṇ pākata-kālo. Kiṇ pana te ñāṇassa pākataṭṭha puggalassa ti? Ñāṇassa. Tassa pākataṭṭha pana puggalassa pākataṭṭha yevā ti.

44. [279³³] Āsavakkhayañāṇa-upamāyaṇ pabbatasāṅkhepe ti pabbatamatthake. *Anāvilo* ti nikkaddamo. Sippiyo ca sambukā ca *sippisambukaṇ*. Sakkarā ca kathalā ca *sakkarakathalaṇ*. Macchānaṇ gumbaṇ, ghaṭā ti *macchagumbaṇ*. *Titthantam pi carantam pi* ti ettha sakkarakathalaṇ titthanti yeva; itarāni caranti pi titthanti pi. Yathā pana antarantarā ṭhitāsu pi nisinnāsu pi nipajjamānāsu pi, etā gāvo caranti ti carantiyo upādāya itarā pi caranti ti vuccanti, evaṇ titthantam eva sakkarakathalaṇ upādāya itaram pi dvayan titthantam ti vuttan. Itarā ca dvayaṇ carantaṇ upādāya sakkarakathalam pi carantan ti vuttan.

45. Tattha cakkhumato purisassa tīre ṭhatvā passato sipisambukādīnaṇ vibhūtakālo viya āsavānaṇ khayāya cittaṇ niharitvā nisinnassa bhikkhuno catunnaṇ saccānaṇ vibhūtakālo datṭhabbo.

46. [280⁹] Idāni sattah' ākārehi salīngato saguṇato khināsavassa nāmaṇ gaṇhanto, *ayaṇ vuccati*, *bhikkhave*, *bhikkhu samaṇo iti pi* ti ādim āha. Tattha *evaṇ kho*, *bhikkhave*, *bhikkhu samaṇo hoti* ti ādisu, *bhikkhave*, evaṇ *bhikkhu samitapāpattā samaṇo hoti*, *bāhitapāpattā brāhmaṇo hoti*, *nāhatakilesattā nahātuko hoti*—dhotakilesattā ti attho,—catumaggañāṇasaṅkhātehi vedehi akusalānaṇ dhammānaṇ gatattā *vedagū* hoti, *viditattā* ti attho. Ten' eva, *viditā'ssa honti* ti ādim āha. Kilesānaṇ sutattā *sottiyo* hoti. Nissutattā, *apagatattā*¹ ti attho. Kilesānaṇ ārakattā *ariyo* hoti. Dura-bhutattā ti attho. Sesāṇ sabbattha pākataṃ eva.

Mahā-Assapurasuttaṇ navamaṇ.

¹ B. āhatattā; S. āgatattā.

40.

[Cūḷa-Assapurasuttavaṇṇanā]

1. [281¹] *Evam me sutan ti Cūḷa-Assapurasuttaṇ.* De-sanākāraṇaṇ purimasadisam eva. *Samaṇasāmīcipaṭipadā* ti samaṇānaṇ anucchavikā, samaṇānaṇ anulomapaṭipadā. *Samaṇamalānaṇ* ti ādisu ete dhammā uppajjamānā samaṇe maline karonti malaggahite, tasmā samaṇamalā ti vuccanti. Etehi samaṇā dussanti, padussanti, tasmā *samaṇadosā* ti vuccanti. Ete uppajjitvā samaṇe kasaṭe niroje karonti, milāpentī, tasmā *samaṇakasaṭā* ti vuccanti. *Āpāyikānaṇ* *ṭhānānaṇ* ti apāye nibbattāpanakānaṇ kāraṇānaṇ. *Duggati-veduniyānaṇ* ti duggatiyaṇ vipākavedanāya paccayānaṇ.

2. [281²⁷] *Matajaṇ nāmā* ti manussā tikhīnaṇ ayaṇ arena¹ ghaṇsitvā taṇ ayacuṇṇaṇ maṇsena saddhiṇ madditvā koṇca-sakuṇe khādāpentī. Te uccāraṇ kātuṇ asakkontā maranti. No ce maranti, paharitvā mārentī. Atha nesaṇ kucchiṇ phāletvā antāni² udake dhovitvā cuṇṇakaṇ gahetvā maṇsena saddhiṇ madditvā puna khādāpentī ti evaṇ satta vāre khādāpetvā gahitena ayacuṇṇena āvudhaṇ karonti. Susikkhitā va naṇ ayakārā bahuṇ hatthakammamūlaṇ labhitvā karonti. Taṇ matasakuṇato jatattā matajaṇ ti vuccati; atitikhīnaṇ hotī. *Pīṭanīsitaṇ* ti udakapīṭaṇ c' eva silāya ca sunighaṇsitāṇ. *Saṇghāṭiyā* ti kosiya. *Sampārutun* ti pariyaonaddhaṇ. *Sampalivethitun* ti samantato veṭṭhitāṇ.

3. [281³³] *Rajojallikassā* ti rajojalladhārino. *Udukoroha-kassā* ti divasassa tikkhattuṇ udakaṇ orohantassa. *Ruk-khamūlikassā* ti rukkkhamūlavāsino. *Abbhokāsikassā* ti abbhokāsavāsino. *Ubbhatṭhakassā* ti uddhaṇ ṭhitakassa. *Pariyā-yabhattikassā* ti māsavārena vā addhamāsavārena vā bhuñ-jantassa. Sabbam etaṇ bāhirasamayen' eva kathitaṇ. Imas-miṇ hi sāsane cīvaradharo bhikkhu saṇghāṭiko ti na vuccati. Rajojalladhāraṇādi-vatāni ca imasmiṇ sāsane n' atthi yeva. Buddhavacanassa Buddhavacanam eva nāman, na mantā ti. Rukkkhamūliko, abbhokāsiko ti ettakaṇ yeva pana lab-bhati. Tam pi bāhirasamayen' eva kathitaṇ.

¹ B. S. ayena.² S. tāni; B. naṇ.

4. [282¹⁴] *Jātam eva nan ti, jātadivase jātamattaṇ yeva naṇ. Saṅghāṭikaṇ kareyyun ti saṅghāṭikavatthaṇ nivāsetvā ca pārūpitvā ca saṅghāṭikaṇ kareyyun. Esa nayo sabbattha.*

5. [283¹⁹] *Visuddham attānaṇ samanupassatī ti attānaṇ visuddhan ti passati. Visuddho ti pana na tāva vattabbo. Pāmujaṇ jāyatī ti tuṭṭhākāro jāyati. Pamuditassa pīti ti tuṭṭhassa sakalasārīraṇ khobhayamānā pīti jāyati. Pīti-manassa kāyo ti pītisampayuttassa puggalassa nāmakāyo. Passambhatī ti vigatadaratho hoti. Sukhaṇ vedetī ti kāyikam pi cetasikam pi sukhaṇ vediyati. Cittaṇ samādhiyatī ti iminā nekkhammasukhena sukhitassa cittaṇ samādhiyati, appanā-pattaṇ viya hoti.*

6. [283²⁵] *So mettāsahagatena celasā ti heṭṭhā kilesavasena āradhā desanā pabbate vaṭṭhavuṭṭhi viya nadiṇ, yathānu-sandhinā brahmavihārabhāvanaṇ otiṇṇā. Tattha yaṇ vat-tabbaṇ siyā, taṇ sabbaṇ Visuddhimagge vuttam eva. Sey-yathā pi, bhikkhave, pokkharanī ti Mahā-Sīhanādasutte pokkharaniyā maggo upamito, idha sāsanaṇ upamitan ti veditabbaṇ. Asāvānaṇ khayā samano hotī ti sabbakilesānaṇ samitattā paramatthasamaṇo hoti. Sesāṇ sabbattha uttānam evā ti.*

Cūla-Assapura-suttaṇ dusamaṇ.

Nīṭṭhito catuttho vaggo.

41.

[Sāleyyakasuttavaṇṇanā]

1. [285¹] *Evam me sutan ti Sāleyyakasuttaṇ. Tattha Kosalesū ti Kosalā nāma jānapadino¹ rājakumārā; tesāṇ nivāso eko pi janapado rūḷhisaddena Kosalā ti vuccati; tasmiṇ Kosalesu janapade. Porāṇā pan' āhu: Yasmā pubbe Mahāpanādaṇ rājakumāraṇ nānā nāṭakāni disvā sitamattam pi akaraṇtaṇ sutvā rājā āha: Yo mama puttaṇ hasāpeti, sabbālaṅkārena naṇ alaṅkaromī ti. Tato naṅgalāni pi chaddetvā mahājanakāyo sannipati. Te manussā atirekāni satta vasāni nānākīlikāyo dassetvā taṇ hasāpetuṇ na sakkhiṇsu.*

¹ C. jānapadikā.

Tato Sakko devanāṭakaṇ pesesi. So dibbanāṭakaṇ dassetvā hasāpesi. Atha te manussā attano attano vasanokāsābhimukhā pakkamiṃsu. Te paṭipathe mittasuhaṃjādayo disvā paṭisanthāraṇ karontā, kacci kusalan¹ ti āhaṃsu. Tasmā taṇ kusalaṇ kusalan ti vacanaṇ upādāya so padeso Kosalo ti vuccati ti.

2. [285²] *Cūrikaṇ caramāno* ti aturitacārikaṇ caramāno. *Mahatā bhikkhusaṅghena saddhin* ti sataṇ vā saḥassaṇ vā satasahassaṇ vā ti evaṇ aparicchinnena mahābhikkhusaṅghena saddhiṇ. *Brāhmaṇagāmo* ti brāhmaṇānaṇ samosaraṇagāmo pi brāhmaṇagāmo ti vuccati; brāhmaṇānaṇ bhogaṇagāmo² pi. Idha samosaraṇagāmo adhippeto. *Tad avasari* ti taṇ avasari. Sampatto ti attho. Vihāro pan' ettha aniyaṇmito. Tasmā tassa avidure Buddhānaṇ anucchaviko eko vanasaṇḍo bhavissati, Satthā taṇ vanasaṇḍaṇ gato ti veditabbo.

3. [285³] *Assosun* ti suṇiṃsu, upalabhiṃsu, sotadvārasampatta-vacananigghosānusārena jāniṃsu. *Kho* ti avadhāraṇatthe, padapūraṇamatte vā nipāto. Tattha avadhāraṇatthena assosun yeva, na tesāṇ koci savanantarāyo ahoṣi ti ayam attho veditabbo; padapūraṇena byañjanasiliṭṭhatā-mattam eva.

4. [285⁴] Idāni yam atthaṇ assosun, taṇ pakāsetun, *saṃmaṇo khalu bho Gotamo* ti ādi vuttaṇ. Tattha samitapāpattā *saṃmaṇo* ti veditabbo. *Khalū* ti anussavatthe nipāto. *Bho* ti tesāṇ aññamaññaṇ ālapanamattaṇ. *Gotamo* ti Bhagavato gottavasena paridīpanaṇ. Tasmā samaṇo khalu bho Gotamo ti ettha, samaṇo kira bho Gotamagotto ti evam attho datṭhabbo. *Sakyaputto* ti idaṇ pana Bhagavato uccākula-paridīpanaṇ. *Sakyakulā pabbajito* ti saddhāpabbajitabhāvadīpanaṇ. Kenaci pārijuṇṇena anabhibhūto, aparikkhīnaṇ yeva taṇ kulaṇ pahāya saddhāpabbajito ti vuttaṇ hoti. Tato paraṇ vuttattham eva.

5. [285⁷] *Taṇ kho panā* ti itthambhūtakhyānatthe upayogavacanaṇ. Tassa kho pana bho Gotamassā ti attho. *Kalyā-*

¹ B. kacci bho kusalaṇ, kacci bho kusalan.

² B. bhoja°.

no ti kalyāṇaḡunasamannāgato. Setṭho ti vuttaṇ hoti. *Kit-tisaddo* ti kitti yeva, thutighoso vā. *Abbhuggato* ti sadevakaṇ lokaṇ ajjhottharivā uggato. Kin ti? *Iti pi so Bhagavā*—pe—*Buddho Bhagavā* ti. Tatrāyaṇ padasambandho: So Bhagavā iti pi arahaṇ, iti pi Sammāsambuddho—pe—iti pi Bhagavā ti. Iminā iminā ca kāraṇenā ti vuttaṇ hoti.

6. Tattha ārakattā, arinaṇ arānaṇ ca hatattā, paccayādi-naṇ arahattā, pāpakaraṇe rahābhāvā ti imehi tāva kāraṇehi so Bhagavā *arahun* ti veditabbo” ti (Visu. i. 198) ādinā nayena mātikaṇ nikkhipitvā sabbān’ eva etāni padāni Visud-dhimagge Buddhānussatiniddese vitthāritāni ti tato tesāṇ vitthāro gahetabbo.

7. [285¹⁶] *Sādhū kho paṇā* ti sundaraṇ kho pana. Atthā-vahaṇ sukhāvahan ti vuttaṇ hoti. *Tathārūpānaṇ arahataṇ* ti yathārūpo so bhavaṇ Gotamo, evarūpānaṇ anekehi pi kappakoṭi-satasahassemi dullabhadassanānaṇ byāmapabbhāparikkhittehi asīti-anubyañjanaratana-paṭimaṇḍitehi dvattiṇsa-mahāpurisalakkhaṇavarehi¹ samākiṇṇa-manoramasarirānaṇ atappakadassanānaṇ atimadhuradhammanigghosānaṇ, ya-thābhūtaguṇādhigamena loke arahanto ti laddhasaddānaṇ arahataṇ. *Dassanaṇ hoti* ti pasādasommāni akkhīni ummi-letvā dassanamattam pi sādhu hoti; sace pana aṭṭhaṇḡasam-annāgatena brahmassarena dhammaṇ desentassa ekapadaṇ pi sotuṇ labhissāma, sādhutaraṇ yeva bhavissati ti eyaṇ ajjhāsaṇ katvā.

8. [285¹⁷] *Yena Bhagavā ten’ upasaṇkamisū* ti sabbakic-cāni pahāya tuṭṭhamānasā āgamisū. *Etad avocun* ti, du-vidhā hi pucchā: agāriyapucchā,² anagāriyapucchā³ ca. Tattha “kiṇ, bhante, kusalaṇ, kiṇ akusalaṇ” ti iminā na-yena agāriyapucchā² āgatā. “Ime nu kho bhante, pañcu-pādānakkhandhā” ti (S. iii. 100) iminā nayena anagāriya-pucchā.³ Ime pana attano anurūpaṇ agāriyapucchā² puc-chantā, etaṇ, *ko nu kho bho Gotama, hetu, ko paccayo* ti ādiva-canaṇ avocuṇ.

9. [285³¹] Tesāṇ Bhagavā yathā na sakkonti sallakkhetuṇ,

¹ S. °vaṇṇehi.

² B. S. agārika°.

³ B. S. anagārika°.

evaṇ saṅkhitten' eva tāva pañhaṇ vissajjento, *adhammacariyā-visamacariyā*hetu kho, *gahapatayo* ti ādim āha. Kasmā pana Bhagavā yathā na sallakkhenti evaṇ vissajjesi ti? Paṇḍitamānikā hi te. Ādito va mātikaṇ ṭhapetvā yathā sallakkhenti evaṇ atthe vitthārite, desanaṇ uttānikā ti maññantā avajānanti; mayam pi kathentā evam eva katheyyāmā ti vattāro bhavanti. Tena nesaṇ Bhagavā yathā na sakkonti sallakkhetuṇ evaṇ saṅkhitten' eva tāva pañhaṇ vissajjesi.

10. [286⁶] Tato sallakkhetuṇ asakkontehi vitthāradesanaṇ yācito vitthārena desetuṇ, *tena hi gahapatayo* ti ādim āha. Tattha *tena hi* ti kāraṇatthe nipāto. Yasmā maṇ tumhe yācatha, tasmā ti attho. *Tividdhan* ti tīhi koṭṭhāsehi. *Kāyenā* ti kāyadvārena. *Adhammacariyā-visamacariyā* ti adhammacariyasaṅkhatā visamacariyā. Ayaṇ pan' ettha padattho: Adhammassa cariyā adhammacariyā. Adhammakāraṇaṇ ti attho. Visamaṇ cariyā, visamassa vā kammassa cariyā ti visamacariyā. Adhammacariyā ca sā visamacariyā cā ti adhammacariyā-visamacariyā. Eten' upāyena sabbesu kaṇhasukkapadesu attho veditabbo.

11. [286¹⁵] *Luddo* ti kakkhaḷo, dāruṇo, sāhasiko. *Lohitapāṇi* ti paraṇ jīvita voropentassa paṇi lohiteṇa lippanti, sace pi na lippanti, tathāvidho lohitapāṇi tv' eva vuccati. *Hatapahate nivittṭho* ti hate ca parassa pahāradāne, pahate ca paramāraṇe nivittṭho. *Adayāpanno* ti nikkaruṇataṇ āpanno.

12. [286¹⁶] *Yaṇ taṇ parassā* ti yaṇ taṇ parassa santakaṇ. *Paravittūpakaraṇaṇ* ti taṇ' eva parassa vittūpakaraṇaṇ tuṭṭhijanaṇaṇ parikkhārabhaṇḍakaṇ. *Gāmagataṇ vā* ti antogāme vā ṭhapitaṇ. *Araññagataṇ vā* ti araṇṇe¹ rukkhagga-pabbatamatthakādisu² ṭhapitaṇ. *Adinnaṇ* ti tehi parehi kāyena vā vācāya vā adinnaṇ. *Theyyasaṅkhātāṇ* ti ettha theno ti coro, thenassa bhāvo theyyaṇ. Avaharaṇacittass' etaṇ adhivacanaṇ. Saṅkhā³ *saṅkhātāṇ* ti atthato ekaṇ⁴; koṭṭhāsass' etaṇ adhivacanaṇ, "Saṅṇānidānā hi papañcasaṅkhā" ti (Sn. 874) ādisu viya. Theyyaṇ ca taṇ saṅkhātāṇ cāti theyyasaṅkhātāṇ. Theyyacittasaṅkhāto eko cittakoṭṭhāso ti

¹ S. *addā* vā.² B. S. *add* vā.³ C. S. *omī*.⁴ C. S. ekakoṭṭhāsass'.

attho. Kāraṇatthe c' etaṇ paccattavacanaṇ; tasmā theyya-saṅkhātenā ti atthato datṭhabbaṇ.

13. [286¹⁹] *Māturakkhitā* ti yaṇ pitari naṭṭhe vā mate vā ghāsacchādanādihi paṭijaggamānā,¹ vayappattaṇ kulaghare dassāmī ti mātā rakkhati, ayaṇ māturakkhitā nāma. Eten' upāyena piturakkhitādayo pi veditabbā. Sabhāgakulāni pana kucchigatesu pi gabbhesu katikaṇ karonti: sace mayhaṇ putto hoti, tuyhaṇ dhitā aññattha gantuṇ na labhissati, mayhaṇ puttass' eva hotū ti. Evaṇ gabbhe pi pariggahitā sassāmikā nāma. Yo itthannāmaṇ itthiṇ gacchati, tassa ettako daṇḍo ti evaṇ gāmaṇ² vā gehaṇ vā vithiṇ vā uddissā ṭhapita-daṇḍa pana³ saparidaṇḍā nāma.

14. [286²¹] *Antamaso mālāguṇaparikkhittū pi* ti yā sabban-timena paricchena, esā me bhariyā bhavissati ti saññāya tassā upari kenaci mālāguṇaṇ khipantena mālāguṇamattenāpi parikkhittā hoti. *Tathārūpāsu cārittaṇ āpajjitā hoti* ti evarūpāsu itthisu Sammādiṭṭhisutte vutta-micchācāralak-khaṇavasena vitikkamaṇ kattā hoti.

15. [286²⁵] *Sabhāgato*⁴ ti sabhāyaṇ ṭhito. *Parisaggato* ti gāmaparisāya ṭhito. *Ñātimajjhagato* ti dāyādānaṇ majjhe ṭhito. *Pūgamajjhagato* ti seṇiṇaṇ majjhe ṭhito. *Rājakulamajjhagato* ti rājakulassa majjhe mahāvinicchaye ṭhito. *Abhinūto* ti pucchanaṭṭhāya nīto. *Sakkiputtṭho* ti sakkiṇ katvā pucchito. *Ehambho purisā* ti ālapanam etaṇ. *Atta-hetu vā parahetu vā* ti attano vā parassa vā hatthapādādi-hetu vā dhanahetu vā. *Amisakiñcikkahetu vā* ti ettha amisaṇ ti lañco adhippeto. *Kiñcikkhan* ti yaṇ vā taṇ vā appamat-takaṇ. Antamaso tittira-vaṭṭaka-sappipiṇḍa-navanītaṇ-ḍādimattakassa pi lañcassa hetū ti attho. *Sampajānamusā bhāsītā hoti* ti jānanto yeva musāvādaṇ kattā hoti.

16. [286³²] *Imesaṇ bhedāyā* ti yesaṇ ito ti vuttānaṇ santike sutaṇ hoti, tesāṇ bhedāya. *Amūsaṇ bhedāyā* ti yesaṇ amutrā ti vuttānaṇ santike sutaṇ hoti, tesāṇ bhedāya. *Iti samag-gūnaṇ vā bhettā* ti evaṇ samaggānaṇ vā dvinnaṇ sahāyakānaṇ

¹ B. paṭijaggiyamānaṇ.

² B. S. nāmaṇ.

³ B. sā.

⁴ C. Sabhaggato; B. S. Sabhāggato.

bhedakaro.¹ *Bhinnānaṇ vā anuppadātū* ti, sutthū katanṇ tayā taṇ pajahantena, katipāhen' eva te mahantaṇ anātthaṇ kareyyā ti evaṇ bhinnānaṇ puna asandhānāya anuppadātā. Upatthambhetā, kāraṇaṇ dassetā ti attho. Vaggo ārāmo, abhiratiṭṭhānam assā ti *vaggārāmo*. Vaggesu rato ti *vaggarato*. Vagge disvā vā sutvā vā nandatī ti *vagganandī*. *Vaggakaraṇiṇ vācan* ti yā vācā samagge pi satte vagge karoti, bhindati, taṇ kalahakārakavācaṇ bhāsītā hoti.

17. [286³⁶] *Aṇḍakā*² ti yathā sadosarukkhe aṇḍakāni³ utthahanti, evaṇ sadosatāya khuṇsana-vambhanādivacanehi aṇḍakajātā.⁴ *Kakkasā* ti pūtikā. Sā yathā nāma pūtikarukho kakkaso hoti, paggharitaṇṇo, evaṇ kakkasā hoti, sotaṇ ghaṇsamānā viya pavisati. Tena vuttaṇ: kakkasā ti. *Parakaṭukā* ti paresaṇ kaṭukā, manopadosajanani.⁵ *Parābhisajjanī* ti kuṭilakaṇṭakasākhā viya mamesu vijjhivā paresaṇ abhisajjanī, gantukāmānam pi gantuṇ adatvā lagganakārī. *Kodhasāmantā* ti kodhassa āsannā. *Asamādhisaṇvattanikā* ti appanāsamādhissa vā upacārasamādhissa vā asaṇvattanikā. Iti sabbān' ev' etāni sadosavācāya vevacanāni.

18. [287²] *Akālavādī* ti akālena vattā. *Abhūtavādī* ti yaṇ n' atthi, tassa vattā. *Anatthavādī* ti akāraṇanissitaṇ vattā. *Adhammavādī* ti asabhāvaṇ vattā. *Avinayaṇvādī* ti na saṇvaravinayapaṭisaṇyuttassa vattā. *Anidhānavatiṇ vācan* ti hadayamañjūsāya nidhetuṇ ayuttaṇ vācaṇ bhāsītā hoti. *Akālenā* ti vattabbakālassa pubbe vā pacchā vā ayuttakāle vattā hoti. *Anapadesaṇ* ti suttāpadesavirahitaṇ.

19. [287⁴] *Apariyantavatin* ti aparicchetaṇ. Suttaṇ vā jātakaṇ vā nikkhipitvā tassa⁶ tassa upalabbhaṇ vā upamaṇ vā vatthuṇ vā āharitvā bāhirakathaṇ yeva katheti. Nikkhitataṇ nikkhittam eva hoti. Suttaṇ nu kho katheti, jātakaṇ nu kho, nāssa antaṇ vā koṭiṇ vā passāmā ti vattabbataṇ āpajjati. Yathā vaṭarukkhasākhānaṇ gatagataṭṭhāne paroḥā otaranti, otiṇṇotiṇṇatṭhāne sampajjitvā puna vaddhanti

¹ B. bhedaṇ kattā.

² B. Kaṇṭakā; S. Gaṇḍakā.

³ B. kaṇṭakāni.

⁴ B. kaṇṭakā; S. gaṇḍakā.

⁵ B. S. amanāpā dosajanani.

⁶ B. S. omī.

yeva, evaṇ aḍḍhayaohanam pi yohanam pi gacchanti yeva, gacchante gacchante pana mūlarukkho vinassati, pavenijātakā va tiṭṭhanti, evam ayam pi nigrodhadhammakathiko nāma hoti; nikkhittaṇ nikkhittam eva katvā¹ passena pariharanto¹ gacchati. Yo pana bahum pi bhaṇanto, etadattham idaṇ vuttan ti āharitvā āharitvā jānāpetuṇ sakkoti, tassa kathetuṇ vaṭṭati. *Anatthasanyhitan* ti na atthanissitaṇ.

20. [287⁸] *Abhiññātā hoti* ti abhiññhāya oloketā hoti. *Aho vatā* ti patthanatthe nipāto. Abhiññhāya olokitamattakena c' ettha kammapathabhedo na hoti. Yadā pana, aho vat' idaṇ mama santakaṇ assa, ahaṇ ettha vasaṇ vatteyyan ti attano pariṇāmeti, tadā kammapathabhedo hoti. Ayam idha adhippeto.

21. [287⁹] *Byāpannacitto* ti vipannacitto, pūticitto. Pa-duṭṭhamanasañkappo ti dosena duṭṭhacittasañkappo. *Haññantū* ti ghātiyantu. *Vajjhantū* ti vadhaṇ pāpuṇantu. *Mā vū ahesun* ti kiñci pi mā ahesuṇ. Idhāpi kodhamattakena kammapathabhedo na hoti, haññantū ti ādicintanen' eva hoti. Tasmā evaṇ vuttaṇ.

22. [287¹²] *Micchāduttiko* ti akusalaḍassano. *Viparītadassano* ti vipallatthadassano. *N' atthi dinnan* ti dinnassa phalābhāvaṇ sandhāya vadati. *Itthaṇ* vuccati mahāyāgo. *Hutan* ti pahenakasakkāro adhippeto. Tam pi ubhayaṇ phalābhāvam eva sandhāya paṭikkhipati. *Sukata-dukkatānan* ti sukata-dukkatānaṇ. Kusalaḍassanānan ti attho. *Phalaṇ vipāko* ti yaṇ phalan ti vā vipāko ti vā vuccati taṇ n' atthi ti vadati. *N' atthi ayaṇ loko* ti paraloke ṭhitassa ayaṇ loko n' atthi. *N' atthi paro loko* ti idhaloke ṭhitassāpi paraloko n' atthi. Sabbe sattā tattha tatth' eva ucchijjantī ti dasseti. *N' atthi mātā, n' atthi pitā* ti tesu sammāpaṭipatti-micchāpaṭipattinaṇ phalābhāvavassena vadati. *N' atthi sattā opapātikā* ti cavitvā uppajjanakasattā nāma n' atthi ti vadati.

23. [287¹⁷] *Sayaṇ abhiññā sacchikatvā pavedentī* ti ye imaṇ ca lokaṇ paraṇ ca lokaṇ abhivisiṭṭhāya paññāya sayaṇ pac-cakkaṇ katvā pavedenti, te n' atthi ti sabbaññu-Buddhānaṇ.

¹ B. adds katipaye.

abhāvaṇ dīpeti. Ettāvatā dasavatthukā micchādītthi kathitā hoti. *Pāṇātipātāṇ pahāyā* ti ādayo satta kamma-pathā Cūla-Hatthipade vitthāritā. Anabhijjhādayo uttānatthā yeva.

24. [289³] *Sahavyatāṇ upapajjeyyaṇ* ti sahabhāvaṇ upagaccheyyaṇ. *Brahmakāyikānaṇ devānaṇ* ti paṭhamajjhāna-bhūmidevānaṇ. *Ābhānaṇ devānaṇ* ti Ābhā nāma visuṇ n' atthi, Parittābha-Appamaṇābha-Ābhassarānaṇ etaṇ adhivacanaṇ. *Parittābhānaṇ* ti ādi pana ekato agahetvā tesāṇ yeva bhedato gahaṇaṇ. *Subhānaṇ*, *Parittasubhānaṇ* ti ādisu pi es' eva nayo. Iti Bhagavā āsavakkhayaṇ dassetvā arahat-tanikūṭena desanaṇ niṭṭhapesi.

25. Idha tthatvā pana deva-lokā samānetabbā. Tissaṇaṇ tāva jhānabhūmīnaṇ vasena nava Brahmalo-kā, pañca Sud-dhāvāsā catūhi āruppehi saddhiṇ navā ti aṭṭhārasa, Vehappha-lehi saddhiṇ ekunavīsati. Te Asaṇṇaṇ¹ pakkipitvā vīsati Brahmalo-kā² honti. Evaṇ chahi kāmāvacarehi saddhiṇ chabbīsati deva-lokā nāma. Tesāṇ sabbesam pi Bhagavatā dasahi kusalakammapathehi nibbatti dassitā.

26. Tattha chasu kāmāvacaresu tiṇṇaṇ sucaritānaṇ vipā-ken' eva nibbatti hoti. Uparidevalokaṇaṇ pana ime kamma-pathā upanissayavasena kathitā. Dasa kusalakammapatthā hi sīlaṇ. Sīlavato va kasināparikammaṇ ijjhatī ti sīle patiṭṭhāya kasināparikammaṇ katvā paṭhamajjhānaṇ nibbattetvā paṭhamajjhānabhūmiyaṇ nibbattati; dutiyādiṇi bhāvetvā dutiyajjhānabhūmi - ādisu nibbattati. Rūpāvacara-jjhānaṇ pādakaṇ katvā vipassanaṇ vadḍhetvā anāgāmiphale patiṭṭhito pañcasu Suddhāvāsesu nibbattati. Rūpāvacara-jjhānaṇ pādakaṇ katvā arūpāvacarasamāpattiṇ nibbattetvā catusu āruppesu nibbattati. Rūpārūpajjhānaṇ pādakaṇ katvā vi-passanaṇ vadḍhetvā arahattaṇ pāpuṇāti. Asaṇṇabhavo pana bāhirakānaṇ tāpasaparibbājakānaṇ ācinṇo ti na idha niddiṭṭho. Sesāṇ sabbattha uttānattham evā ti.

Sāleyyakasuttaṇ paṭhamāṇ.

¹ B. Asaṇṇe.

² C. Brahmāno

42.

[Verañjakasuttavaṇṇanā]

1. [290¹²] *Evam me sutan ti Verañjakasuttaṇ.* Tattha *Verañjakā* ti Verañjavāsino. *Kenacid eva karanīyenā* ti kenacid eva aniyamitakiccena. *Sesaṇ sabbaṇ purimasutte vuttanayen' eva veditabbaṇ.* Kevalaṇ hi idha, *adhammacārī visamacārī* ti evaṇ puggalādhittḥānā desanā katā; purimasutte dhammādhittḥānā.¹ Ayaṇ viseso. *Sesaṇ tādīsam evā ti.*

Verañjakasuttaṇ dutiyaṇ.

43.

[Mahā-Vedallasuttavaṇṇanā]

1. [292¹] *Evam me sutan ti Mahā-Vedallasuttaṇ.* Tattha *āyasmā* ti sagāra-va-sappatissavacanam etaṇ. *Mahā-Koṭṭhito* ti tassa therassa nāmaṇ. *Paṭisallānā vutṭhito* ti phala-samāpattito vutṭhito. *Duppañño duppañño* ti ettha paññāya dun² nāma n' atthi. Appañño, nippañño ti attho. *Kittāvatā nu kho* ti kāraṇaparicchedapucchā. Kittakena nu kho evaṇ vuccatī ti attho. Pucchā ca nām' esā adittḥajotanā pucchā, ditṭhasaṇsandanā pucchā, vimaticchedanā pucchā, anumatipucchā, kathetukamyatā pucchā ti pañcavidhā hoti.

2. Tāsaṇ idaṇ nānākaraṇaṇ : Katamā adittḥajotanā pucchā? Pakatiyā lakkhaṇaṇ aññātaṇ hoti adittḥaṇ atulitaṇ atīritaṇ avibhūtaṇ avibhāvitaṇ, tassa ñānāya dassanāya tulanāya tīraṇāya vibhūtatāya vibhāvanatthāya pañhaṇ pucchati, ayaṇ adittḥajotanā pucchā. Katamā ditṭhasaṇsandanā pucchā? Pakatiyā lakkhaṇaṇ ñātaṇ hoti ditṭhaṇ tulitaṇ tīritaṇ vibhūtaṇ vibhāvitaṇ, tassa aññehi paṇḍitehi saddhiṇ saṇsandanatthāya pañhaṇ pucchati, ayaṇ ditṭhasaṇsandanā pucchā. Katamā vimaticchedanā pucchā? Pakatiyā saṇsayapakkhanno³ hoti vimatipakkhanno,³ dvelhakaajāto, evaṇ nu kho, na nu kho, kiṇ nu kho, kathaṇ nu kho ti, so vimatic-

¹ B. *adds* ti.² B. S. dutṭhaṇ.³ B. °pakkhando.

chedanatthāya pañhaṇ pucchati, ayaṇ vimaticchedanā pucchā.

3. “Taṇ kiṇ maññatha, bhikkhave, rūpaṇ niccaṇ vā aniccaṇ vā ti? aniccaṇ, bhante” ti (M. i. 138) evarūpā pana anumatiṇ gahetvā dhammadesanākāle pucchā anumatipucchā nāma. “Cattāro ’me, bhikkhave, satipaṭṭhānā. Katame cattāro” ti (S. v. 173) evarūpā bhikkhusaṅghaṇ sayam eva pucchitvā sayam eva vissajjetukāmassa pucchā kathetukam-yatā pucchā nāma. Tāsu idha diṭṭhasaṅsandanaṇ pucchā adhippetā.

4. Thero hi attano divātṭhāne nisiditvā sayam eva pañhaṇ samuṭṭhāpetvā sayāṇ vinicchinanto idaṇ suttaṇ ādito paṭṭhāya matthakaṇ pāpesi. Ekacco hi pañhaṇ samuṭṭhāpetuṇ yeva sakkoti, na nicchetuṇ. Ekacco nicchetuṇ yeva sakkoti, na samuṭṭhāpetuṇ. Ekacco ubhayam pi na sakkoti. Ekacco ubhayam pi sakkoti. Tesu thero ubhayam pi sakkoti yeva. Kasmā? Mahāpañnatāya. Mahāpaññaṇ nissāya hi imasmiṇ sāsane Sāriputtatthero, Mahā-Kaccāyanatthero,¹ Puṇṇatthero, Kumāra-Kassapatthero, Ānandatthero, ayaṃ eva āyasmā ti sambahulā therā visesatṭhānaṇ adhigatā.

5. Na hi sakkā yāya vā tāya vā appamattikāya paññāya samannāgatena bhikkhunā sāvaka-pāramiṇāṇassa matthakaṇ pāpuṇituṇ, mahāpaññaṇa pana sakkā ti mahāpañnatāya Sāriputtatthero taṇ ṭhānaṇ adhigato. Paññāya hi therena sadiso n’ atthi. Ten’ eva naṇ Bhagavā etadagge ṭhapesi: “Etadaggaṇ, bhikkhave, mama sāvakaṇaṇ bhikkhūnaṇ mahāpaññaṇaṇ yadidaṇ Sāriputto” ti (A. i. 23).

6. Tathā na sakkā yāya vā tāya vā appamattikāya paññāya samannāgatena bhikkhunā Bhagavatā saṅkhittena bhāsitassa sabbaññutaṇāṇena saddhiṇ saṅsandetvā samānetvā vitthārena atthaṇ vissajjetuṇ,² mahāpaññaṇa pana sakkā ti mahāpañnatāya Mahā-Kaccānatthero tattha paṭibalo jāto. Ten’ eva naṇ Bhagavā etadagge ṭhapesi: “Etadaggaṇ, bhikkhave, mama sāvakaṇaṇ bhikkhūnaṇ saṅkhittena bhāsitassa vitthārena atthaṇ vibhajantānaṇ yadidaṇ Mahā-Kaccāno” ti (A. i. 23).

¹ C. -Kaccāno.

² B. vibhajjetuṇ; S. vibhajetuṇ.

7. Tathā na sakkā yāya vā taya vā appamattikāya paññāya samannāgatena bhikkhunā dhammakathaṇ kathentena dasa kathāvatthūni āharitvā¹ satta visuddhiyo vibhajantena dhammakathaṇ kathetuṇ, mahāpaññena pana sakkā ti mahāpaññatāya Puṇṇatthero catuparisamajjhe alaṅkatadhammāsane cittavijaniṇ gahetvā nisinno lilāyanto puṇṇacando viya dhammakathaṇ katheti. Ten' eva naṇ Bhagavā etadagge ṭhapesi: "Etadaggaṇ, bhikkhave, mama sāvakānaṇ bhikkhūnaṇ dhammakathikānaṇ yadidaṇ Puṇṇo Mantāniputto" ti (A. i. 23).

8. Tathā yāya vā tāya vā appamattikāya paññāya saman-nāgato pana bhikkhu dhammakathaṇ kathento ito vā etto vā anukkamitvā yaṭṭhikoṭiṇ gahetvā andho viya, ekapadikaṇ daṇḍakasetuṇ ārūlho viya ca gacchati. Mahāpañño pana catuppadikam pi gāthaṇ nikkhipitvā upamā ca kāraṇāni ca osāretvā² tepitakaṇ Buddhavacanaṇ heṭṭhupariyaṇ karonto katheti. Mahāpaññatāya pana Kumāra-Kassapatthero catuppadikagātham pi nikkhipitvā upamā ca kāraṇāni ca āharitvā tehi saddhiṇ yojento jātassare pañcavaṇṇāni kusumāni phullāpento viya, Sinerumatthake vaṭṭisahassaṇ jālento viya tepitakaṇ Buddhavacanaṇ heṭṭhupariyaṇ karonto katheti. Ten' eva naṇ Bhagavā etadagge ṭhapesi: "Etadaggaṇ, bhikkhave, mama sāvakānaṇ bhikkhūnaṇ cittakathikānaṇ yadidaṇ Kumāra-Kassapo" ti (A. i. 24).

9. Tathā yāya vā tāya vā appamattikāya paññāya saman-nāgato bhikkhu catūhi māsehi catuppadikagāthaṇ gahetuṇ na sakkoti. Mahāpañño pana ekapade ṭhatvā padasatam pi padaśahasam pi gaṇhati. Ānandatthero pana mahāpaññatāya ekapaduddhāre ṭhatvā sakiṇ yeva sutvā puna apucchanto satṭhiṇ padaśahasāni pannarasa gāthāśahasāni valliya pupphāni ākaḍḍhitvā gaṇhanto viya ekappahāren' eva gaṇhati. Gahitagahitaṇ pāsāṇe khatalekhā viya, suvaṇṇa-ghaṭe pakkhitta-sihavasā viya ca gahitākāren' eva tiṭṭhati. Ten' eva naṇ Bhagavā etadagge ṭhapesi: "Etadaggaṇ, bhikkhave, mama sāvakānaṇ bhikkhūnaṇ gatimantānaṇ yadidaṇ

¹ B. S. ārabhitvā.

² B. S. āharitvā.

Ānando, satimantānaṃ, dhitimantānaṃ bahussutānaṃ, upatthākānaṃ yadidaṃ Ānando ” ti (A. i. 24).

10. Na hi sakkā yāya vā tāya vā appamattikāya paññāya samannāgatena bhikkhunā catupatṭisambhidāppabhedassa matthakaṃ pāpūṇiṭuṃ, mahāpaññaṇa pana sakkā ti mahāpaññatāya Mahā-Koṭṭhitatthero adhigama-paripucchā-savanapubbayogānaṃ vasena anantanayussadaṃ paṭisambhidāppabhedan paṭto. Ten’ eva naṃ Bhagavā etadagge ṭhapesi: “ Etadaggaṃ, bhikkhave, mama sāvakānaṃ bhikkhūnaṃ paṭisambhidāppattānaṃ yadidaṃ Mahā-Koṭṭhito ” ti (A. i. 24).

11. Iti therō mahāpaññatāya pañhaṃ samutṭhāpetum pi nicchetum pi ti ubhayam pi sakkoti. So divātṭhāne nisīditvā sayam eva sabbapañhe samutṭhāpetvā sayan vinicchanto idaṃ suttaṃ ādito paṭṭhāya matthakaṃ pāpetvā, sobhanā vata ayaṃ dhammadesanā, jeṭṭhabhātikena naṃ¹ Dhammasenāpatinā saddhiṃ saṃsandessāmi, tato ayaṃ dvinnam pi amhākaṃ ekamatiyā ekajjhāsayena ṭhapitā atigarukā bhavissati, pāsānacchattasadisā, caturōghanittharaṇatthikānaṃ titthe ṭhapitanāvā viya, saggagamanatthikānaṃ² saḥassayutta-ājaññaratho viya bahukārā bhavissati ti diṭṭhasaṃsandanaṃ pañhaṃ pucchi. Tena vuttaṃ: tāsu idha diṭṭhasaṃsandanaṃ pucchā adhippetā ti.

12. [292^o] *Nappajānāti nappajānāti* ti ettha yasmā nappajānāti tasmā duppañño ti vuccati ti ayam attho. Esa nayo sabbattha. *Idaṃ dukkhaṃ ti nappajānāti* ti idaṃ dukkhaṃ ettakaṃ dukkhaṃ, ito uddhaṃ dukkhaṃ n’ atthi ti dukkhasaccaṃ yathāva-sarasalakkhaṇato nappajānāti. *Ayaṃ dukkhasamudayo* ti ito dukkhaṃ samudeti, pavatteti ti dukkhappa-bhāvikaṃ taṇhā samudayasaccaṃ ti yathāva-sarasalakkhaṇato nappajānāti. *Ayaṃ dukkhanirodho* ti idaṃ dukkhaṃ ca dukkhasamudayo ca idaṃ nāma ṭhānaṃ patvā nirujjhanti ti ubhinnaṃ appavatti nibbānaṃ nirodhasaccaṃ ti yathāva-sarasalakkhaṇato nappajānāti. *Ayaṃ dukkhanirodhagāminī paṭipadā* ti ayaṃ paṭipadā dukkhanirodhaṃ gacchatī ti maggasaccaṃ yathāva-sarasalakkhaṇato nappajānāti.³

¹ S. omits.

² B. magga°.

³ B. S. °tī ti.

13. Anantaravāre pi iminā va nayena attho veditabbo. Saṅkhepato pan' ettha catusaccakammaṭṭhāniko puggalo kathito ti veditabbo. Ayaṇ hi ācariyasantike cattāri saccāni savanato uggaṇhāti. Thapetvā taṇhaṇ, tebhūmakā dhammā dukkhasaccaṇ, taṇhā samudayasaccaṇ, ubhinnaṇ appavatti nibbānaṇ nirodhasaccaṇ, dukkhasaccaṇ pariānanto sanudayasaccaṇ pajahanto nirodhapāpano¹ maggo maggasaccaṇ ti evaṇ uggaṇhetvā abhinivisati.

14. Tattha purimāni dve saccāni vaṭṭaṇ; pacchimāni vivaṭṭaṇ. Vaṭṭe abhiniveso hoti, no vivaṭṭe.² Tasmā ayaṇ abhinivisaṃāno dukkhasacce abhinivisati. Dukkhasaccaṇ nāmarūpādayo pañcakkhandhā. Te abhinivisituṇ catudhātukammaṭṭhānavasena otarivā cattāri mahābhūtāni catunnaṇ ca mahābhūtānaṇ upādāya rūpaṇ rūpan ti vavatthapeti; tadārammaṇā vedanā, saññā, saṅkharā viññānaṇ nāman ti. Evaṇ yamakatālakkhandhaṇ bhindanto viya dve dhammā nāmarūpan ti vavatthapeti.

15. Taṇ pan' etaṇ na ahetukaṇ, sahetukaṇ sappaccayaṇ; ko c' assa paccayo, avijjādayo dhammā ti evaṇ paccayaṇ c' eva paccayuppannadhamme ca vavatthapetvā sabbe p' ime dhammā hutvā abhāvaṭṭhena aniccā ti aniccalakkhaṇaṇ āropeti. Tato udayavaya-patipīḷanākārena dukkhā, avasavattanākārena anattā ti tilakkhaṇaṇ āropetvā vipassanāpatipāṭiyā sammāsanto lokuttaraṇ maggaṇ pāpunāti. Maggakkhaṇe cattāri saccāni ekapaṭivedhena paṭivijjhati, ekābhisaṃmayena abhisameti. Dukkhaṇ pariññāpaṭivedhena paṭivijjhati. Samudayaṇ pahānapaṭivedhena, nirodhaṇ sacchikiriyāpaṭivedhena, maggaṇ bhāvanāpaṭivedhena paṭivijjhati. Dukkhaṇ pariññābhisaṃmayena abhisameti. Samudayaṇ pahānābhisaṃmayena, nirodhaṇ sacchikiriyābhisaṃmayena, maggaṇ bhāvanābhisaṃmayena abhisameti.

16. So tīni saccāni kiccato paṭivijjhati; nirodhaṇ ārammaṇato. Tasmiṇ c' assa khaṇe, ahaṇ dukkhaṇ pariānāmi, samudayaṇ pajahāmi, nirodhaṇ sacchikaromi, maggaṇ bhāvemī ti ābhoga-saṃannāhāra-manasikāra-paccavekkhaṇā n' atthi. Etassa pana parigaṇhantassa parigaṇhantass' eva

¹ C. °pajānana.

² S. *adds* ti.

maggo tīsu saccesu pariññādikiccaṇ sādiento va nirodhaṇ ārammanato paṭivijjhati.

17. [292²³] *Tasmā paññavā ti vuccatī ti ettha hetthimakoṭṭiyā sotāpanno, uparimakotiṭṭiyā khināsavo paññavā ti niddiṭṭho.* Yo pana tepitakaṇ Buddhavacanaṇ pālito ca atthakathāto¹ ca anusandhito ca pubbāparato ca uggahetvā hetthupariyaṇ karonto vicarati, anicca-dukkha-anattavasena pariggahamattam pi n' atthi, ayaṇ paññavā nāma duppañño nāmā ti ? Viññānacarito nām' esa, paññavā ti na vattabbo. Atha yo tilakkhaṇaṇ āropetvā vipassanāpaṭipāṭiyā sammāsanto ajja ajj' eva arahattan ti vicarati, ayaṇ paññavā nāma, na duppañño nāmā ti ? Bhajāpiyamāno paññavāpakkaṇ bha-jati; sutte pana paṭivedho² va kathito.

18. [292²⁴] *Viññānaṇ viññānaṇ ti idha kiṇ pucchati ?* Yena viññānena saṅkhāre sammāsittvā esa paññavā nāma jāto, tad assa āgamanīyavipassanā-viññāna-kammakārakacittaṇ pucchāmī ti pucchati. *Sukhaṇ ti pi vijānātī ti sukhāvedanam pi vijānātī.* Uparipadadvaye pi es' eva nayo. Iminā thero, "Sukhaṇ vedanaṇ vediyamāno sukhaṇ vedanaṇ vediyāmī ti pajānātī" ti (M. i. 51) ādinā nayena āgatavedanāvasena arūpakammaṭṭhānaṇ kathesi. Tass' attho Satipaṭṭhāne vuttanayen' eva veditabbo.

19. [292²⁹] *San̐satthā ti ekuppādādilakkhaṇena san̐saggena³ san̐satthā udāhu viṇ̐satthā ti pucchati.* Ettha ca thero, maggapaññā, vipassanāviññānaṇ cā ti ime dve lokiya-lokuttare dhamme missettva bhummantaraṇ bhinditvā samayaṇ ajānanto viya pucchati ti na veditabbo; maggapaññāya pana maggaviññānena, vipassanāpaññāya ca vipassanāviññānen' eva saddhiṇ san̐satthabhāvaṇ pucchati ti veditabbo.

20. [292³²] Thero pi 'ssa tam ev' atthaṇ viṇ̐sajjento, *ime dhammā san̐satthā ti ādim āha.* Tattha na ca labbhā imesaṇ dhammānaṇ ti imesaṇ lokiyamaggakkhaṇe pi lokuttaramaggakkhaṇe pi ekato uppannānaṇ dvinnaṇ dhammānaṇ. *Vinibbhujitvā vinibbhujitvā ti viṇ̐sajjento katvā, vinivattetvā.* Ārammanato vā vatthuto vā uppādato vā nirodhato vā

¹ B. atthato.

² C. paṭibaddho.

³ B. S. san̐yogaṭṭhena.

nānākaraṇaṇ dassetuṇ na sakkā ti attho. Tesañ tesañ pana dhammānaṇ visayo nāma atthi. Lokiyadhammaṇ patvā hi cittaṇ jeṭṭhakaṇ hoti pubbaṅgamaṇ; lokuttaraṇ patvā paññā.

21. Sammāsambuddho pi hi lokiyadhammaṇ pucchanto, bhikkhu, tvaṇ katamaṇ paññaṇ adhigato, kiṇ paṭhamamaggapaññaṇ, udāhu dutiya-tatiya-catutthamaggapaññaṇ ti na evaṇ pucchati. Kimphasso tvaṇ bhikkhu, kiṇvedano, kiṇsañño, kiñcetano ti pi na pucchati. Cittavasena pana, “Kiñcitto tvaṇ, bhikkhū” ti (Vin. iii. 60 *passim*) pucchati. Kusalākusalaṇ paññapento pi, “Manopubbaṅgamā dhammā manoseṭṭhā manomayā” ti (Dh. 1) ca, “Katame dhammā kusāla? Yasmiṇ samaye kāmāvacaraṇ kusalaṇ cittaṇ uppannaṇ hoti” ti (Dhs. 9) ca evaṇ cittavasen’ eva paññāpeti. Lokuttaraṇ pucchanto pana, kimphasso tvaṇ, bhikkhu, kiṇvedano, kiṇsañño, kiñcetano ti na pucchati. Katamā¹ te, bhikkhu, paññā adhigatā, kiṇ paṭhamamaggapaññā, udāhu dutiya-tatiya-catutthamaggapaññā ti evaṇ paññāvasen’ eva pucchati.

22. Indriya-Sanyutte pi² “Pañc’ imāni, bhikkhave, indriyāni. Katamāni pañca? Saddhindriyaṇ, viriyindriyaṇ, satindriyaṇ, samādhindriyaṇ, paññindriyaṇ. Kattha ca, bhikkhave, saddhindriyaṇ daṭṭhabbaṇ? Catusu sotāpattiyaṅgesu, ettha saddhindriyaṇ daṭṭhabbaṇ. Kattha ca, bhikkhave, viriyindriyaṇ daṭṭhabbaṇ? Catusu sammappadhānesu, ettha viriyindriyaṇ daṭṭhabbaṇ. Kattha ca, bhikkhave, satindriyaṇ daṭṭhabbaṇ? Catusu satipaṭṭhānesu, ettha satindriyaṇ daṭṭhabbaṇ. Kattha ca, bhikkhave, samādhindriyaṇ daṭṭhabbaṇ? Catusu jhānesu, ettha samādhindriyaṇ daṭṭhabbaṇ. Kattha ca, bhikkhave, paññindriyaṇ daṭṭhabbaṇ? Catusu ariyasaccesu, ettha paññindriyaṇ daṭṭhabbaṇ” ti (S. v. 196) evaṇ savisayasmiṇ yeva lokiya-lokuttarā dhammā kathitā.

23. Yathā hi cattāro seṭṭhiputtā, rājā ti rājapañcamesu saḥāyesu nakkhattaṇ kiḷissamā ti vithiṇ otinnesu ekassa seṭṭhiputtassa gehaṇ gatakāle itare cattāro tunhī nisīdanti, gehasāmiko va, imesaṇ khādaniyaṇ bhojaniyaṇ detha, gan-

¹ C. katarā.

² B. hi.

dhamālālaṅkāradīni dethā ti gehe¹ vicāreti. Dutiyassa, tatiyassa, catutthassa gehaṇ gatakāle itare cattāro tunhī nisīdanti, gehasāmiko va, imesaṇ khādanīyaṇ bhojanīyaṇ detha, gandhamālālaṅkāradīni dethā ti gehe¹ vicāreti. Atha sabbapacchā rañño gehaṇ gatakāle, kiñ cāpi rājā sabbattha issaro va, imasmiṇ pana kāle attano gehe yeva, imesaṇ khādanīyaṇ bhojanīyaṇ detha, gandhamālālaṅkāradīni dethā ti vicāreti.

24. Evam eva saddhāpañcamakesu indriyesu tesu sahāyesu ekato vīthiṇ oṭarantesu viya, ekārammaṇe uppajjamānesu pi yathā paṭhamassa gehe itare cattāro tunhī nisīdanti, gehasāmiko va vicāreti, evaṇ sotāpattiyaṅgāni patvā adhi-mokkhalakkhaṇaṇ saddhindriyam eva jeṭṭhakaṇ hoti pubbaṅgamaṇ. Sesāni tadanvayāni honti.

25. Yathā dutiyassa gehe itare cattāro tunhī nisīdanti, gehasāmiko va vicāreti, evaṇ sammappadhānāni patvā paggaḥalakkhaṇaṇ viriyindriyam eva jeṭṭhakaṇ hoti pubbaṅgamaṇ. Sesāni tadanvayāni honti. Yathā tatiyassa gehe itare cattāro tunhī nisīdanti, gehasāmiko va vicāreti, evaṇ satipatṭhānāni patvā upatṭhānalakkhaṇaṇ satindriyam eva jeṭṭhakaṇ hoti pubbaṅgamaṇ. Sesāni tadanvayāni honti. Yathā catutthassa gehe itare cattāro tunhī nisīdanti, gehasāmiko va vicāreti, evaṇ jhānavimokkhe patvā avikkhepalakkhaṇaṇ samādhindriyam eva jeṭṭhakaṇ hoti pubbaṅgamaṇ. Sesāni tadanvayāni honti.

26. Sabbapacchā rañño gehaṇ gatakāle pana yathā itare cattāro tunhī nisīdanti, rājā va gehe vicāreti, evam eva ariyasaccāni patvā pajānanalakkhaṇaṇ paññindriyam eva jeṭṭhakaṇ hoti pubbaṅgamaṇ. Sesāni tadanvayāni honti.

27. Iti paṭisambhidāppattānaṇ agge ṭhapito Mahā-Koṭṭhitatthero lokiyadhammaṇ pucchanto cittaṇ jeṭṭhakaṇ cittaṇ pubbaṅgamaṇ katvā pucchi; lokuttaradhammaṇ pucchanto paññaṇ jeṭṭhikaṇ paññaṇ pubbaṅgamaṇ katvā pucchi. Dhammasenāpati Sāriputtatthero pi tath' eva vissajjesi ti.

28. [292³⁴] *Yaṇ h' āvuso pajānāti* ti yaṇ catusaccadhammaṇ idaṇ dukkhaṇ ti ādinā nayena maggapaññā pajānāti. *Taṇ*

viñānāti ti maggaviññāṇam pi tath' eva taṇ viñānāti. *Yaṇ viñānāti* ti yaṇ sañkhāragataṇ aniccan ti ādinā nayena vipassanāviññāṇaṇ viñānāti. *Taṇ pajānāti* ti vipassanāpaññā pi tath' eva taṇ pajānāti. *Tasmā ime dhammā* ti tena kāraṇena ime dhammā. *San̐satṭhā* ti ekuppāda-ekanirodha-ekavatthuka-ekārammaṇatāya san̐satṭhā.

29. [293⁷] *Paññā bhāvetabbā* ti idaṇ maggapaññāṇaṇ sandhāya vuttaṇ. Taṇsampayuttaṇ pana viññāṇaṇ tāya sadhiṇ bhāvetabbam eva hoti. *Viññāṇaṇ परिññेयान्* ti idaṇ vipassanāviññāṇaṇ sandhāya vuttaṇ. Taṇsampayuttā pana paññā tena sadhiṇ pariñānitabbā va hoti.

30. [293⁹] *Vedanā vedanā* ti idaṇ kasmā pucchati? *Vedanā*lakkaṇaṇ pucchissāmi ti pucchati. *Ēvaṇ sante* pi te bhūmakasanimasanavāre¹ *vedanā* va adhippetā ti sallakkhetabbā. *Sukham pi vedetī* ti sukhaṇ ārammaṇaṇ vedeti, anubhavati. Parato padadvaye pi es' eva nayo. “*Rūpaṇ ca h' idaṇ, Mahāli, ekantadukkhaṇ abhavissa dukkhaṇ dukkhānupatitaṇ dukkhāvakkantaṇ anavakkantaṇ sukhena, na yidaṇ sattā rūpasmiṇ sārājjeyyuṇ. Yasmā ca kho, Mahāli rūpaṇ sukhaṇ sukhānupatitaṇ sukhāvakkantaṇ anavakkantaṇ dukkhena, tasmā sattā rūpasmiṇ sārājanti, sārāgā saṇyujanti, saṇyogā saṇkilissanti. . . . Vedanā ca h' idaṇ. . . . Saññā . . . Sañkhārā . . . Viññāṇaṇ ca h' idaṇ, Mahāli, ekantadukkhaṇ abhavissa—pe—saṇkilissanti*” ti (S. iii. 69) iminā pi Mahālisuttapariyāyena idha ārammaṇaṇ sukhaṇ dukkhaṇ adukkhamasukhan ti kathitaṇ.

31. Api ca purimaṇ sukhaṇ vedanaṇ ārammaṇaṇ katvā aparā sukhā vedanā vedeti. Purimaṇ dukkhaṇ vedanaṇ ārammaṇaṇ katvā aparā dukkhā vedanā vedeti. Purimaṇ adukkhamasukhaṇ vedanaṇ ārammaṇaṇ katvā aparā adukkhamasukhā vedanā vedeti ti evam ettha attho daṭṭhabbo. *Vedanā yeva hi vedeti, na añño koci veditā nāma atthi* ti vuttam etaṇ.

32. [293¹³] *Saññā saññā* ti idha kiṇ pucchati? *Saññāya*² lakkaṇaṇ. Kiṇ sabbatthakasaññāyā ti? *Saññāya* lak-

¹ B. °cāravedanā; S. °vicāravedanā.

² B. Sabbasaññāya.

khaṇan ti pi, sabbatthakasaññāya lakkhaṇan ti pi ekam etaṇ. Evaṇ sante pi tebhūmakasammasanavārasaññā¹ va adhippetā ti sallakkhetabbā. *Nilam pi sañjānāti* ti nīlapupphe vā vatthe vā parikammaṇ katvā upacāraṇ vā appanaṇ vā pāpento sañjānāti. Imasmiṇ hi atthe parikammasaññā pi upacārasaññā pi appanāsaññā pi vaṭṭati; nīle nilan ti uppajjanasaññā pi vaṭṭati yeva. Pītakādisu pi es' eva nayo.

33. [293¹⁹] *Yā c' āvuso, vedanā* ti ettha vedanā, saññā, viññāṇan ti imāni tīṇi gahetvā paññā kasmā na gahitā? Asabbasaṅgāhikattā. Paññāya hi gahitāya paññāsampayuttā vedanādayo labbhanti; no vippayuttā. Taṇ pana agahetvā imesu gahitesu paññāsampayuttā ca vippayuttā ca antamaso dvepaṇcaviññāṇadhammā pi labbhanti. Yathā hi tayo purisā suttaṇ suttan ti vadeyyuṇ, catuttho ratanāvutasuttan ti. Tesu purimā tayo takkagatam pi parivaṭṭatādigatam pi yaṇ kiñci bahuṇ suttaṇ labhanti, antamaso makkaṭakasuttam pi. Ratanāvutasuttaṇ pariyesanto mandaṇ labhati. Evaṇsampadam idaṇ veditabbaṇ. Heṭṭhato vā paññā viññāṇena saddhiṇ sampayogaṇ labhāpetvā² vissatṭhā ti vissatṭhattā ca idha na gahitā ti vadanti.

34. [293²⁵] *Yaṇ h' āvuso, vedetī* ti yaṇ ārammaṇaṇ vedanā vedeti, saññā pi tad eva sañjānāti. *Yaṇ sañjānāti* ti yaṇ ārammaṇaṇ saññā sañjānāti, viññāṇam pi tad eva vijānāti ti attho.

35. Idāni sañjānāti, vijānāti, pajānāti ti ettha visesāviseso veditabbo. Tattha upasaggamattam eva viseso. Jānāti ti padaṇ pana aviseso. Tassāpi jānanatthe viseso veditabbo. Saññā hi nīlādivasena ārammaṇasañjānanamattam eva; aniccaṇ, dukkham anattā ti lakkhaṇapaṭivedhaṇ pāpetuṇ na sakkoti. Viññāṇaṇ nīlādi³-ārammaṇaṇ c' eva jānāti,⁴ aniccādilakkhaṇapaṭivedhaṇ ca pāpeti, ussakitvā pana magga-pātubhāvaṇ pāpetuṇ na sakkoti. Paññā nīlādivasena āram-

¹ B. °cāra°; S. °vicāra°.

² B. labhāpitā pi; S. labhitvā.

³ B. S. nīlādivasena.

⁴ B. sañjānāti; S. vijānāti.

maṇam pi sañjānāti, aniccādivasena lakkhaṇapaṭivedham pi pāpeti, ussakkitvā maggaṇātubhāvam pi pāpeti.¹

36. Yathā hi heraṇṇīkaphalake kahāpaṇarāsīmhi kate ajātabuddhidārako, gāmikapuriso, mahāheraṇṇīko ti tīsu janesu oloketvā tṭhitesu ajātabuddhidārako kahāpaṇānaṇ citta-vicitta-caturassa-maṇḍalabhāvam² eva jānāti, idaṇ ma-nussānaṇ upabhoga-paribhogaratanasammattan ti na jānāti. Gāmikapuriso cittādibhāvaṇ ca jānāti, manussānaṇ upabhoga-paribhogaratanasammatabhāvaṇ ca; ayaṇ pana kūṭo, ayaṇ cheko, ayaṇ akūṭo, ayaṇ saṇho ti na jānāti. Mahāheraṇṇīko cittādibhāvam pi ratanasammatabhāvam pi kūṭādibhāvam pi jānāti. Jānanto ca pana naṇ rūpaṇ disvā pi saddaṇ sutvā pi gandhaṇ ghāyitvā pi rasaṇ sāyitvā pi hatṭhena garula-hubhāvaṇ upadhāretvā pi asukagāme kato ti pi jānāti; asukanigame, asukanagare, asukapabbatacchāyāya, asukana-dītīre kato ti pi, asukācariyena kato ti pi jānāti.

37. Evam eva saññā ajātabuddhidārakassa kahāpaṇa-dassanaṇ viya nilādivasena ārammaṇamattam eva sañjānāti. Viññānaṇ gāmikapurissassa kahāpaṇadassanaṇ viya nilādivasena ārammaṇam pi sañjānāti, aniccādivasena lakkha-ṇapaṭivedham pi pāpeti. Paññā mahāheraṇṇīkassa kahāpaṇadassanaṇ viya nilādivasena ārammaṇam pi sañjānāti, aniccādivasena lakkhaṇapaṭivedham pi pāpeti, ussakkitvā maggaṇātubhāvam pi pāpeti.

38. So pan' etesaṇ viseso duppaṭivijjho. Ten' āha āyasmā Nāgaseno: "Dukkaṇaṇ, mahārāja, Bhagavatā katan ti. Kiṇ, bhante Nāgasena, Bhagavatā dukkaṇaṇ katan ti? Dukkaṇaṇ, mahārāja, Bhagavatā kataṇ yaṇ arūpīnaṇ cittacetasi-kānaṇ dhammānaṇ ekārammaṇe vattamānānaṇ vavatthānaṇ akkhātaṇ: ayaṇ phasso, ayaṇ vedanā, ayaṇ saññā, ayaṇ cetanā, idaṇ cittaṇ " ti (Miln. 87).

39. Yathā hi tilatelaṇ, sāsapatelaṇ, madhukatelaṇ, eraṇ-ḍakatelaṇ, vaṣātelaṇ ti imāni pañca telāni ekacāṭiyaṇ pak-hipitvā divasaṇ yamakamanthehi manthetvā tato idaṇ tilatelaṇ, idaṇ sāsapatelaṇ ti ekekassa pāṭiyekkaṇ uddhara-ṇaṇ nāma dukkaṇaṇ, idaṇ tato dukkarataṇaṇ Bhagavā sab-

¹ B. S. pāpetuṇ sakkoti.

² S. °bhedaṇ.

baññutañāṇassa suppaṭividdhattā dhammissaro dhammarājā imesaṇ arūpīnaṇ dhammānaṇ ekārammaṇe vattamānānaṇ vavatthānaṇ akkhāsi.¹ Pañcannaṇ mahānadīnaṇ samuddaṇ pavisaṇaṭṭhāne idaṇ Gaṇḍāya udakaṇ, idaṇ Yamunāyā ti evaṇ pāṭiyekkaṇ udakuddharaṇena pi ayam attho veditabbo.

40. [293²⁹] *Nissatṭhenā* ti nissatena, pariccattena vā. Tattha nissatena ti atthe sati, pañcahi indriyehi ti nissakka-vacanaṇ. Pariccattena ti atthe sati karaṇavacanaṇ veditabbaṇ. Idaṇ vuttaṇ hoti: Pañcahi indriyehi nissaritvā manodvāre pavattena, pañcahi vā indriyehi tassa vatthubhāvaṇ anupagamanatāya pariccattena. *Parisuddhenā* ti nirupakilesena. *Manoviññāṇena* ti rūpāvacaracatutthajjhānacittena. *Kiṇ neyyan* ti kiṇ jānitabbaṇ. “Yaṇ kiñci neyyaṇ nāma atthi dhamman” ti () ādisu hi jānitabbaṇ neyyan ti vuttaṇ.

41. [293³²] *Ākāśānācāyatanaṇ neyyan* ti, kathaṇ rūpāvacara-catutthajjhānacittena arūpāvacarasamāpatti neyyā ti? Rūpāvacara-catutthajjhāne ṭhitena arūpāvacarasamāpatti nibbattetuṇ sakkā hoti. Ettha ṭhitassa hi sā ijjhati. Tasmā ākāśānācāyatanaṇ neyyan ti ādim āha.

42. Atha nevasaññānāsaññāyatanaṇ kasmā na vuttan ti? pāṭiyekkaṇ abhinivesābhāvato. Tattha hi kalāpato nayato sammasanaṇ labbhati; Dhammasenāpatīsaddissassāpi bhikkhuno pāṭiyekkaṇ abhiniveso na jāyati. Tasmā therō pi, evaṇ kir’ ime dhammā ahutvā sambhonti, hutvā paṭiventī ti kalāpato nayato sammasitvā sammasitvā vissajjesi. Bhagavā pana sabbaññutañāṇassa hatthagatattā tattha² nevasaññānāsaññāyatanaśamāpattiyam pi paropaññāsa dhamme pāṭiyekkaṇ aṅguddhāren’ eva uddharitvā, “yāvatā saññāsamāpatti, tāvatā aṅṇāpaṭivedho” ti (A. iv. 426) āha.

43. [293³⁵] *Paññācakkhunā pajānāti* ti dassanaparīṇāyakaṭṭhena cakkhubhūtāya paññāya pajānāti. Tattha dve paññā: samādhipaññā, vipassanāpaññā ca. Samādhipaññāya kiccato ca² asammohato ca pajānāti. Vipassanāpaññāya lakkhaṇapaṭivedhena ārammaṇato jānanaṇ kathitaṇ.

44. [293³⁶] *Kimatthiyā* ti ko etissā attho. *Abhiññatthā* ti

¹ C. akāsi ti.

² B. S. omīti.

ādisu abhiññeyye dhamme abhijānāti ti abhiññatthā. Pariññeyye dhamme parijānāti ti pariññatthā. Pahātabbe dhamme pajahāti ti pahānatthā. Sā pan' esā lokiyā pi abhiññatthā ca pariññatthā ca vikkhambhanato pahānatthā; lokuttarā pi abhiññatthā ca pariññatthā ca samucchato pahānatthā. Tattha lokiyā kiccato ca asammohato ca pajānāti; lokuttarā asammohato.

45. [294¹] *Sammādiṭṭhiyā uppādāyā* ti vipassanāsammādiṭṭhiyā ca maggasammādiṭṭhiyā ca. *Parato ca ghoso* ti sappāyadhammasavanaṇ. *Yoniso ca manasikāro* ti attano upāyamanasikāro. Tattha sāvakesu, api Dhammasenāpatino dve paccayā laddhuṇ vaṭṭanti yeva. Thero hi kappasatasahassādhikaṇ ekaṇ asaṅkheyyaṇ pāramiyo pūretvā pi attano dhammatāya anumattam pi kilesaṇ pajahituṇ nāsakkhi. “Ye dhammā hetuppabhavā” ti (Vin. i. 40) Assajitherato imaṇ gāthaṇ sutvā v' assa paṭivedho jāto. Paccekabuddhānaṇ pana sabbaññu-Buddhānaṇ ca paratoghosaṇ n' atthi; yoniso manasikārasmiṇ yeva tathvā paccekabodhiṇ ca sabbaññutagune¹ ca nibbattenti.

46. [294⁵] *Anuggahitā* ti laddhūpakārā. *Sammādiṭṭhi* ti arahattamaggasammādiṭṭhi. Phalakkhane nibbattā cetovimutti phalaṇ assā ti *cetovimutti phalā*. Tad eva cetovimuttisaṅkhātaṇ phalaṇ ānisaṇso assā ti *cetovimutti phalānisaṇsā*. Dutiyapade pi es' eva nayo. Ettha ca catutthaphala pañña paññāvimutti nāma. Avasesā dhammā cetovimutti ti veditabbā.

47. [294¹⁰] *Sīlānuggahitā* ti ādisu sīlan ti catupārisuddhisīlaṇ. *Sutan* ti sappāya-dhammasavanaṇ. *Sākaṇṇā* ti kammatthāne khalana-pakkhalanacchedanakathā. *Samatho* ti vipassanāpadikā attha samāpattiyo. *Vipassanā* ti satta-vidhā anupassanā. Catupārisuddhisīlaṇ hi pūrentassa, sappāya-dhammasavanaṇ suṇantassa, kammatthāne khalana-pakkhalanaṇ chindantassa, vipassanāpadikāsu atthasu samāpattisu kammaṇ karontassa, sattavidhā-anupassanaṇ bhaventassa arahattamaggo uppajjitvā phalaṇ deti.

48. Yathā hi madhuraṇ ambapakkaṇ paribhuñjitukāmo

ambapotakassa samantā udakakoṭṭhakaṇ thiraṇ katvā bandhati, ghaṭaṇ gahetvā kālena kālaṇ udakaṇ āsiṅcati, udakassa anikkhamanattthaṇ mariyādaṇ thiraṇ karoti; yā hoti samīpe valli vā sukkhadandaṇ vā kipillikāpuṭo vā makkatakaajālaṇ vā taṇ apaneti; khaṇittīṇ gahetvā kālena kālaṇ mūlāni parikhāṇati. Evam assa appamattassa imāni pañca kāraṇāni karoto so ambo vaddhitvā phalaṇ deti. Evaṇsampaḍam idaṇ veditabbaṇ.

49. Rukkhasa samantato koṭṭhakabandhanaṇ viya hi catupārisuddhisilaṇ¹ datṭhabbaṇ. Kālena kālaṇ udaka-siṅcanaṇ viya dhammasavanaṇ. Mariyādāya thirabhāva-karaṇaṇ viya samatho. Samīpe valli-ādinīharaṇaṇ² viya kammaṭṭhāne khalana-pakkhalanacchedanaṇ. Kālena kālaṇ khaṇittīṇ gahetvā mūlakhaṇanaṇ viya sattannaṇ anupassanaṇ bhāvanā. Tehi pañcahi kāraṇehi anuggahītassa ambarukkhassa madhuraphaladānakālo viya imassa bhikkhuno imehi pañcahi dhammehi anuggahītāya sammādiṭṭhiyā arahattaphaladānaṇ veditabbaṇ.

50. [294¹⁶] *Kaṭi paṇ' āvuso, bhavā ti idha kiṇ pucchati?* Mūlam eva gato anusandhi. Duppañño yehi bhavehi na utṭhāti, te pucchāmī³ ti pucchati. Tattha *kāmaabhavo* ti kāmaabhavūpagaṇ kammam pi kammābhiniḍḍattā upādiṇṇakkhandhā pi ti ubhayam ekato katvā *kāma*⁴bhavo ti āha. Rūpārūpabhavesu pi es' eva nayo.

51. [294¹⁸] *Āyatī ti anāgate.* Punabbhavassa abhinibbatti *punabhavābhiniḍḍatti*. Idha vattaṇ pucchāmī ti pucchati. *Tatra-tatrābhinandanā* ti rūpābhinandanā, saddābhinandanā ti evaṇ tahiṇ tahiṇ abhinandanā. Karaṇavacane c' etaṇ paccattaṇ. Tatra-tatrābhinandanāya punabhavābhiniḍḍatti hoti ti attho. Ettāvata hi gamanaṇ hoti, āgamaṇ hoti, gamanāgamaṇ hoti, vaṭṭaṇ vattatī⁴ ti vaṭṭaṇ matthakaṇ pāpetvā dassesi.

52. [294²⁰] Idāni vivaṭṭaṇ pucchanto, *kathaṇ paṇ' āvuso* ti ādim āha. Tassa vissajjane *avijjāviraṅgā* ti avijjāya khaya-viraṅgena. *Vijjuppādā* ti arahattamaggavijjāya uppādena.

¹ B. hi sīlaṇ.

² B. -ādiṇaṇ haraṇaṇ.

³ B. S. pucchissāmī.

⁴ B. vaṭṭatī.

Kiṇ avijjā pubbe niruddhā, vijjā pubbe uppannā ti? Ubhayaṃ etaṇ na vattabbaṇ. Dīpujjālanena andhakāravigamo¹ viya vijjuppadena avijjā niruddhā va hoti. *Taṇhānirodhā* ti taṇhāya khayanirodhena. *Punabbhavābhiniṃbatti na hoti* ti evaṇ āyatiṇ punabbhavassa abhinibbatti na hoti. Gamaṇaṇ, āgamaṇaṇ, gamaṇāgamaṇaṇ uppacchijjati, vaṭṭaṇ na vattati ti vivaṭṭaṇ matthakaṇ papetvā dassesi.

53. [294²⁴] *Katamaṇ paṇ' āvuso* ti idha kiṇ pucchati? Ubhatobhāgavimutto bhikkhu kālena kālaṇ nirodhaṇ samāpajjati, tassa nirodhapādakaṇ paṭhamajjhānaṇ pucchāmi² ti pucchati. *Paṭhamāṇ paṇ' āvuso, jhānaṇ* ti idha kiṇ pucchati? Nirodhasamāpajjanakena bhikkhunā aṅgavavatthānaṇ koṭṭhāsaparicchedo nāma jānitabbo: idaṇ jhānaṇ pañcaṅgikaṇ, idaṇ caturaṅgikaṇ, idaṇ tivaṅgikaṇ, idaṇ dvaṅgikaṇ ti taṇ aṅgavavatthānaṇ koṭṭhāsaparicchedaṇ pucchāmi² ti pucchati. *Vitakko* ti ādisu abhiniropanalakkhaṇo *vitakko*; anumajjhanalakkhaṇo *vicāro*; pharaṇalakkhaṇā *pīti*; sātālakkhaṇaṇ *sukhaṇ*; avikkhepalakkhaṇā *cittakaggatā* ti ime pañca dhammā vattanti.

54. [294³³] *Kataṇḍuvippahīnaṇ* ti idha kiṇ pucchati? Nirodhasamāpajjanakena bhikkhunā upakārānupakārāni aṅgāni jānitabbāni, tāni pucchissāmi ti pucchati. Vissaṇjanaṇ paṇ' ettha pākaṭam eva. Iti heṭṭhā nirodhapādakaṇ paṭhamajjhānaṇ gahitaṇ, upari tassa nirodhassa anantarapaccayaṇ nevassaññānāsaññāyatanasamāpattiṇ pucchissati. Antarā³ pana cha samāpattiyo saṅkhittā; nayaṇ dassetvā vā vissatṭhā ti veditabbā.

55. [295⁵] Idāni viññānaṇissaye pañca pasāde pucchanto, *pañc' imāni, āvuso* ti ādim āha. Tattha *gocaravisayaṇ* ti gocarabhūtaṇ visayaṇ. *Aññamaññassā* ti cakkhu sotassa, sotaṇ vā cakkhussā ti evaṇ ekekassa gocaravisayaṇ na paccanubhoti. Sace hi nīlādibhedaṇ rūpārammaṇaṇ samodhānetvā sotindriyassa upaneyya, iṅgha tāva naṇ vavatthapehi, vibhāvehi, kiṇ nām' etaṇ ārammaṇaṇ ti; cakkhuviññānaṇ vinā pi mukhena attano dhammatāya evaṇ vadeyya: Are

¹ C. andhakāraṇ viya.

² B. S. pucchissāmi.

³ S. Tassa antarā.

andha bāla, vassasatam pi vassasahassam pi paridhāvamāno aññatra mayā kuhiṇ etassa jānanakaṇ labhissasi, āhara naṇ cakkhupasāde upanehi, aham etaṇ ārammaṇaṇ jāniissāmī, yadi vā nilaṇ, yadi vā pītakaṇ, na hi eso aññassa visayo, mayhaṇ ev' eso visayo ti. Sesadvāresu pi es' eva nayo. Evam etāni aññamaññassa gocaravisayaṇ na paccañubhonti nāma.

56. [295¹⁰] *Kiṇ paṭisaraṇan* ti etesaṇ kiṇ paṭisaraṇaṇ, kiṇ etāni paṭisaraṇti ti pucchati. *Mano paṭisaraṇan* ti javana-mano paṭisaraṇaṇ. *Mano ca nesan* ti manodvārika-javana-mano vā pañcadvārika-javanamano vā etesaṇ gocaravisayaṇ rajjanādivasena anubhoti. Cakkhuviññāṇaṇ hi rūpadassanamattam eva, ettha rajjanaṇ vā dussanaṇ vā muyhanaṇ vā n' atthi. Imasmiṇ¹ pana cakkhudvāre javanaṇ rajjiti vā dussati vā muyhati vā. Sotaviññāṇādisu pi es' eva nayo.

57. Tatrāyaṇ upamā: Pañca kira dubbalabhojakā rājānaṇ sevitvā kicchena kasirena ekasmiṇ pañcakulike gāme parittakaṇ āyaṇ labhiṇsu. Tesāṇ tattha macchabhāgo maṇsa-bhāgo yottakahāpaṇo, andukahāpaṇo,² māsakahāpaṇo,³ atṭhakahāpaṇo vā, soḷasakahāpaṇo vā, battiṇsakahāpaṇo vā, catusatṭhikahāpaṇo vā danḍo ti ettakamattam eva pāpunāti. Satavatthukaṇ⁴ saḥassavatthukaṇ mahābaliṇ rājā va gaṇhati. Tattha pañcakulikagāmo viya pañca pasādā datṭhabbā. Pañca dubbalabhojakā viya pañca viññānāni. Rājā viya javanaṇ. Dubbalabhojakānaṇ parittaka-āyapāpunaṇaṇ⁵ viya cakkhuviññāṇādinaṇ rūpadassanādimattaṇ. Rajjanādini pana etesu n' atthi. Rañño mahābaliggahaṇaṇ viya tesu dvāresu javanassa rajjanādini veditabbāni.

58. [295¹⁸] *Pañc' imāni āvuso* ti idha kiṇ pucchati? antonirodhasmiṇ pañcapasāde kiriyamayapavattasmiṇ hi vattamāne arūpadhammā pasādānaṇ balavapaccayā honti. Yo pana taṇ pavattaṇ nirodhetvā nirodhasamāpattiṇ samāpanno, tassa antonirodhe pañca pasādā kiṇ paṭicca tiṭṭhanti ti idaṇ pucchissāmī ti pucchati. *Ayuṇ paṭiccā* ti jīvitindriyaṇ paṭicca

¹ B. S. Etasmiṇ.

² B. bandha°; C. *adds* vā.

³ B. pahāraakahāpaṇo; S. māsakakahāpaṇo; C. *adds* vā.

⁴ B. S. *add* pañcasatavatthukaṇ.

⁵ B. -āyaggahaṇaṇ.

tiṭṭhati. *Usmaṇ paṭicca* ti jīvitindriyaṇ¹ kammajatejaṇ paṭicca tiṭṭhati. Yasmā pana kammajatejo pi jīvitindriyena vinā na tiṭṭhati, tasmā usmā *āyuṇ paṭicca tiṭṭhatī* ti āha.

59. [295³³] *Jhāyato* ti jalato. *Acciṇ paṭicca* ti jālasikhaṇ paṭicca. *Ābhā paññāyati* ti āloko nāma paññāyati. *Ābhaṇ paṭicca accī* ti taṇ ālokaṇ paṭicca jālasikhā paññāyati. *Evam eva hko, āvuso, āyu usmaṇ paṭicca tiṭṭhatī* ti ettha jālasikhā viya kammajatejodhātu.² Āloko viya jīvitindriyaṇ. Jālasikhā hi uppajjamānā ālokaṇ gahetvā va uppajjati. Sā tena attanā janita-āloken' eva sayam pi aṇu thūlā dighā rassā ti pakaṭā hoti.

60. Tattha jālappavattiyā janitālokena tassā yeva jālappavattiyā pakaṭabhāvo viya usmaṇ paṭicca nibbattena kammaja-mahābhūtasambhavena jīvitindriyena usmāya anupālanaṇ. Jīvitindriyaṇ hi dasa pi vassāni, vīsatiṃ pi vassāni —pe—vassasatam pi kammajatejappavattaṇ³ pāleti. Iti mahābhūtāni upādāya rūpānaṇ nissayapaccayādivasena paccayā honti ti āyu usmaṇ paṭicca tiṭṭhati. Jīvitindriyaṇ mahābhūtāni pāleti ti usmā āyuṇ paṭicca tiṭṭhatī ti veditabbā.

61. [295³⁶] *Āyusañkhārā* ti āyum eva. *Vedaniyā dhammā* ti vedanādhammā va.⁴ *Vutṭhānaṇ paññāyati* ti samāpattito vutṭhānaṇ paññāyati. Yo hi bhikkhu arūpapavatte ukkaṇṭhitvā saññaṇ ca vedanaṇ ca nirodhetvā nirodhaṇ samāpanno, tassa yathāparicchinna-kālavasena rūpajīvitindriyapaccayā arūpadhammā uppajjanti. Evaṇ pana rūpārūpapavattaṇ pavattati. Yathā kiṇ? Yathā eko puriso jālāpavatte ukkaṇṭhito udakena paharitvā jālaṇ appavattaṇ katvā chārikāya aṅgāre pidhāya tuṇhī nisīdati. Yadā 'ssa⁵ puna jālāya attho hoti, chārikaṇ apanetvā aṅgāre parivattetvā upādānaṇ datvā mukhavātaṇ vā tālavaṇṭavātaṇ vā dadāti. Atha jālāpavattaṇ puna pavattati.

62. Evam eva jālāpavattaṇ viya arūpadhammā. Purisassa jālāpavatte ukkaṇṭhitvā udakappahārena jālaṇ appavattaṇ katvā chārikāya aṅgāre pidhāya tuṇhībhūtassa nisajjā viya

¹ C. *omits*.

² B. S. *omit* °dhātu.

³ B. S. *omit* °teja°.

⁴ S. *omits*.

⁵ B. *pan' assa*.

bhikkhuno arūpapavatte ukkaṇṭhitvā saññaṇ ca vedanaṇ ca nirodhetvā nirodhasamāpajjanaṇ. Chārikāya pihitaṅgārā viya rūpajīvitindriyaṇ.¹ Purisassa puna jālāya atthe sati chārikāpanayanādīni viya bhikkhuno yathāparicchinna-kā-lāpagamanaṇ.² Aggijālāya pavatti viya puna arūpadhammesu uppannesu rūpārūpapavatti veditabbā.

63. [296⁹] *Āyu usmā ca viññāṇan* ti rūpajīvitindriyaṇ, kammajatejodhātu, cittan ti ime tayo dhammā yadā imaṇ rūpakāyaṇ jahanti, athāyaṇ acetanaṇ katthaṇ viya paṭha-viyaṇ chaḍḍito seti ti attho. Vuttam pi c' etaṇ:

“*Āyu usmā ca viññāṇan yadā kāyaṇ jahant' imaṇ apaviddho tadā seti parabhattaṇ acetanan*” ti

(S. iii. 143).

64. [296¹⁴] *Kāyaśāṅkhārā* ti assāsapassāsā. *Vacīśāṅkhārā* ti vitakkavicārā. *Cittasāṅkhārā* ti sañña-vedanā. *Āyū* ti rūpajīvitindriyaṇ. *Viparibhinnānī* ti upahatāni, vinaṭṭhāni.³ Tattha keci, “Nirodhaṇ samāpannassa cittasāṅkhārā va niruddhā” ti () vacanato cittaṇ aniruddhaṇ hoti, tasmā sacittakā ayaṇ samāpattī ti vadanti. Te vattabbā: “*Vacīśāṅkhārā* pi 'ssa niruddhā” ti () vacanato vācā aniruddhā hoti, tasmā nirodhaṇ samāpannena dhammam pi kathentena sajjhāyam pi karontena nisīditabbaṇ siyā. “Yo cāyaṇ mato kālakato tassāpi cittasāṅkhārā niruddhā” ti (M. i. 296) vacanato cittaṇ aniruddhaṇ bhaveyya, tasmā kālakate mātāpitāro vā arahante vā jhāpentena⁴ ānantariya-kammaṇ kataṇ bhaveyya. Iti byañjane abhinivesaṇ akatvā ācariyānaṇ naye ṭhatvā attho upaparikkhitabbo. Attho hi paṭisaraṇaṇ, na byañjanaṇ.

65. [296²¹] *Indriyāni vippasannānī* ti kiriyamayapavattasmiṇ hi vattamāne bahiddhā ārammaṇesu pasāde ghaṭṭentesu indriyāni kilamanti, upahatāni makkhitāni viya honti, vā-tādihi uddhatarajena⁵ cātummahāpathe ṭhapita-ādāso viya.

¹ B. *adds* kammajatejodhātu cā ti; S. kammajatejodhātu vattati.

² B. S. -kālagamanaṇ.

³ B. vinaṭṭhāni ti attho.

⁴ B. jhāmayantena; S. jhāmayente.

⁵ B. S. uṭṭhitena ra°.

Yathā pana thavikāya pakkipitvā mañjūsādisu ṭhapito ādāso anto yeva virocanti, evaṇ nirodhasamāpannassa bhikkhuno antonirodhe pañca pasādā ativiya virocanti. Tena vuttaṇ: *Indriyāni vipprasannāni* ti.

66. [296²⁴] *Kati pan' āvuso, paccayā* ti idha kiṇ pucchati? Nirodhassa anantarapaccayaṇ nevasaññānāsaññāyatanaṇ pucchissāmī ti pucchati. Vissajjane pan' assa *sukhassa ca pahānā* ti cattāro apagamanapaccayā kathitā.

67. [296³¹] *Animittāyā* ti idha kiṇ pucchati? Nirodhato utṭhānaka-phalasamāpattiṇ pucchissāmī ti pucchati. Avasesa-samāpattivutṭhānaṇ hi bhavaṅgena hoti; nirodhā vutṭhānaṇ pana vipassanānissandāya phalasamāpattiyā. Tam eso pucchati. *Sabbanimittānaṇ* ti rūpādīnaṇ sabbārammaṇānaṇ. *Animittāya ca dhātuyā manasikāro* ti sabbanimittāpagatāya nibbānadhātuyā manasikāro. Phalasamāpattisahajātaṇ manasikāraṇ sandhāy' āha.

68. Iti hetthā nirodhapādakaṇ paṭhamajjhānaṇ gahitaṇ, nirodhassa anantarapaccayaṇ nevasaññānāsaññāyatanaṇ gahitaṇ, idha nirodhato vutṭhānaka-phalasamāpatti gahitā ti. Imasmiṇ ṭhāne nirodhakathā kathetabbā hoti; sā, "Dvihi balehi samannāgatattā tayo¹ ca saṅkhārānaṇ paṭipassaddhiyā soḷasahi nānacariyāhi navahi samādhicariyāhi vasibhāvatā paññā nirodhasamāpattiyā nānaṇ" ti (Ps. i. 97) evaṇ Paṭisambhidāmagge āgatā. Visuddhimagge pan' assā sabbākārena vinicchayakathā kathitā.

69. [296³⁶] Idāni valañjanasamāpattiṇ pucchanto, *kati pan' āvuso, paccayā* ti ādim āha. Nirodhato hi vutṭhānaka-phalasamāpatti ṭhiti nāma na hoti; ekaṇ dve cittavāram eva pavattitvā bhavaṅgaṇ otarati. Ayaṇ hi bhikkhu satta divase arūpapavattaṇ nirodhetvā nisinno nirodhā vutṭhānaka-phalasamāpattiyaṇ na ciraṇ tiṭṭhati. Valañjanasamāpattiyaṇ pana addhānaparicchedo va pamānaṇ. Tasmā sā ṭhiti nāma hoti. Ten' āha: *Animittāya cetovimuttiyā ṭhitiyā* ti. Tassā ciraṭṭhitatthaṇ kati paccayā ti attho. Vissajjane pan' assā *pubbe ca abhisāṅkhāro* ti addhānaparicchedo. *Vutṭhānāyā* ti idha bhavaṅgavutṭhānaṇ pucchati. Vissajjane pi 'assā sab-

banimittānañ ca manasikāro ti rūpādinimittavasena bhavañ-gasahajātamanasikāro vutto.

70. [297⁹] *Yā cāyaṇ, āvuso ti idha kiṇ pucchati? Idha aññaṇ abhinavaṇ nāma n' atthi. Heṭṭhā kathitadhamme yeva ekato samodhānetvā pucchāmi ti pucchati. Kattha pan' ete kathitā? Nīlam pi sañjānāti. pītakam pi, lohita-kam pi, odātam pi sañjānāti ti etasmiṇ hi ṭhāne appamānā cetovimutti kathitā. N' atthi kiñci ti ākiñcaññāyatanaṇ neyyan ti ettha ākiñcaññāyatanaṇ. Paññācakkhunā pa-jānāti ti ettha suññatā. Kati pan' āvuso, paccayā animit-tāya cetovimuttiya¹ vuṭṭhānāyā ti ettha animittā. Evaṇ heṭṭhā kathitā va imasmiṇ ṭhāne ekato samodhānetvā puc-chati. Taṇ pana paṭikkhipivā, etā tasmiṇ tasmiṇ ṭhāne niddiṭṭhā² ti vatvā aññe cattāro dhammā ekanāmakā atthi, eko dhammo catunāmako atthi, evaṇ³ pākataṇ katvā kathāpetuṇ idha pucchati ti atṭhakathāya sannitṭhānaṇ kataṇ.*

71. [297³⁰] *Tassā vissajjane ayaṇ vuccat' āvuso, appamānā cetovimutti ti ayaṇ pharaṇa-appamānatāya appamānā nāma. Ayaṇ hi appamāṇe vā satte pharati, ekasmim pi vā satte asesetvā pharati. Ayaṇ, vuccat' āvuso, ākiñcaññā ti āram-maṇakiñcanassa abhāvato ākiñcaññā. Attena vā ti atta⁴-bhāva-posa-puggalādisaṅkhātena attena suññaṇ. Attaniyena vā ti cīvarādi-parikkhārasaṅkhātena attaniyena suññaṇ. Animittā ti rāganimittādīnaṇ abhāvena animittā. Arahata-phalasamāpattiṇ sandhāy' āha. Nānaṭṭhā c' eva nānā-byañjanā ti byañjanam pi nesaṇ nānā, attho pi.*

72. *Tattha byañjanassa nānatā pākata va. Attho pana, appamānā cetovimutti bhummantarato mahaggatā hoti rūpāvacarā; ārammaṇato sattapaññatti-ārammanā. Ākiñ-caññā bhummantarato mahaggatā arūpāvacarā; ārammaṇato navattabbārammaṇā. Suññatā bhummantarato kāmāva-carā; ārammaṇato saṅkhārārammaṇā. Vipassanā hi ettha suññatā ti adhippetā. Animittā bhummantarato lokuttarā; ārammaṇato nibbanārammaṇā.*

¹ B. S. *cadd* ṭhitiyā.

² B. etaṇ.

² B. S. *add* vā.

⁴ B. *omits* atta°.

73. [298⁸] *Rāgo kho, āvuso, pamāṇakaraṇo* ti ādisu yathā pabbatapāde pūtipaṇṇarasa-udakaṇ nāma hoti kālavanṇaṇ; olokontānaṇ vyāmasatagambhiraṇ viya khāyati. Yaṭṭhiṇ vā rajjuṇ vā gahetvā minantassa piṭṭhipādottharaṇamattam pi na hoti. Evam eva yāva rāgādayo n' uppajjanti, tāva puggalaṇ sañjānituṇ na sakkā hoti; sotāpanno viya, saka-dāgāmī viya, anāgāmī viya ca khāyati. Yadā paṇ' assa rāgādayo uppajjanti, tadā ratto, duṭṭho, mūlho ti paññāyati. Iti te ettako ayanti, puggalassa pamāṇaṇ dassentā va¹ uppajjanti ti pamāṇakaraṇā nāma vuttā.

74. [298¹¹] *Yāvatā kho, āvuso, appamāṇā cetovimuttiyo* ti yattikā appamāṇā cetovimuttiyo. Kittakā pana tā? Cattāro brahmavihārā, cattāro maggā, cattāri phalāni ti dvādasa. Tattha brahmavihārā pharaṇa-appamāṇatāya appamāṇā; sesā² pamāṇakārakānaṇ kilesānaṇ abhāvena.³ Nibbānam pi appamāṇam eva; cetovimutti pana na hoti, tasmā na gahitaṇ. *Akuppā* ti arahattaphalacetovimutti. Sā hi tesaṇ sabbajetṭhikā, tasmā aggam akkhāyati ti vuttā.

75. [298¹⁴] *Rāgo kho, āvuso, kiñcano* ti rāgo uppajjitvā puggalaṇ kiñcati, maddati, palibujjhati,⁴ tasmā kiñcano ti vutto. Manussā kira goṇehi khalaṇ maddāpentā, kiñcāhi⁵ Kapila, kiñcāhi⁵ Kālakā ti vadanti. Evaṇ maddanatto kiñcanatto ti vedītabbo. Dosa-mohesu pi es' eva nayo. *Ākiñcaññā cetovimuttiyo* nāma nava dhammā: ākiñcaññāya tanaṇ ca magga-phalāni ca. Tattha ākiñcaññāyatanaṇ, kiñcanaṇ ārammaṇaṇ assa n' atthi ti ākiñcaññaṇ. Magga-phalāni kiñcanānaṇ maddana-palibujjhanakilesānaṇ⁶ natthitāya ākiñcaññāni. Nibbānam pi ākiñcaññaṇ; cetovimutti pana na hoti, tasmā na gahitaṇ.

76. [298¹⁰] *Rāgo kho, āvuso, nimittakaraṇo* ti ādisu yathā nāma dvinnaṇ kulānaṇ sadisā dve vacchakā honti. Yāva tesā lakkhaṇaṇ na kataṇ hoti, tāva ayaṇ asukakulassa vacchako, ayaṇ asukakulassā ti na sakkā honti jānituṇ. Yadā pana tesā satti-sūlādisu aññatarāṇ lakkhaṇaṇ kataṇ hoti,

¹ B. dassento viya.

² C. *adds* pamāṇā.

³ B. *adds* appamāṇā.

⁴ B. S. palibuddhati.

⁵ B. S. kiñcehi.

⁶ B. S. -palibuddhana°.

tadā sakkā honti jānituṇ. Evam eva yāva puggalassa rāgo n' uppajjati, tāva na sakkā hoti jānituṇ, ariyo vā puthujjano vā ti. Rāgo pan' assa uppajjamāno va, sarāgo nāma ayaṇ puggalo ti sañjānananimittañ karonto viya uppajjati, tasmā nimittakaraṇo ti vutto. Dosa-mohesu pi es' eva nayo.

77. [298²³] *Animittā cetovimuttiyo* nāma terassa dhammā: vipassanā, cattāro āruppā, cattāro maggā, cattāri phalāni ti. Tattha vipassanā niccanimittañ sukhanimittañ attanimittañ ugghāṭeti ti animittā nāma. Cattāro āruppā rūpanimittassa abhāvā animittā nāma. Magga-phalāni nimittakārakānaṇ¹ kilesānaṇ abhāvena animittāni. Nibbānam pi animittam eva. Taṇ pana cetovimutti na hoti, tasmā na gahitaṇ. Atha kasmā suññatā cetovimutti na gahitā ti? Sā, suññā rāgenā ti ādivacanato sabbattha anupaviṭṭhā va, tasmā visuṇ na gahitā.

78. [298²⁷] *Ekaṭṭhā* ti ārammaṇavasena ekaṭṭhā. Appamāṇañ, ākiñcaññaṇ, suññataṇ, animittan ti hi sabbān' etāni nibbānass' eva nāmāni. Iti iminā pariyāyena ekaṭṭhā. Aññasmiṇ pana ṭhāne appamāṇā honti,² aññasmiṇ ākiñcaññā, aññasmiṇ suññatā, aññasmiṇ animittā ti iminā pariyāyena nānābyañjanaṇ. Iti thero yathānusandhinā va desanaṇ niṭṭhāpesi ti.

Mahā-Vedallasuttaṇ tatiyaṇ.

44.

[*Cūḷa-Vedallasuttavaṇṇanā*]

1. [299¹] *Evam me sutan* ti Cūḷa-Vedallasuttaṇ. Tattha *Visākho upāsako* ti Visākho ti evannāmako upāsako. *Yena Dhammadinnā* ti yena Dhammadinnā nāma bhikkhunī ten' upasaṅkami.

2. Ko panāyaṇ Visākho? Kā Dhammadinnā? Kasmā upasaṅkamī ti? Visākho nāma Dhammadinnāya gihikāle sāmiko. So yadā Bhagavā sammāsambodhiṇ abhisambujjhivā pavattavaradhammacakko Yasādayo kulaputte vinento Uruvelaṇ patvā tattha jaṭilasahassaṇ vinetvā purā-

¹ B. S. °karaṇānaṇ.

² B. hoti.

najatiḷehi khīṇāsavabhikkhūhi, saddhiṇ Rājagahaṇ gantvā Buddhadassanatthaṇ dvādasanahutāya parisāya saddhiṇ āgatassa Bimbisārassa mahārājassa dhammaṇ desesi, tadā raññā saddhiṇ āgatesu dvādasanahutesu ekaṇ nahutaṇ upāsakattaṇ paṭivedesi; ekādasa nahutāni sotāpattiphale paṭiṭṭhahiṇsu saddhiṇ raññā Bimbisārena. Ayaṇ upāsako tesaṇ aññataro; tehi saddhiṇ paṭhamadassanen' eva sotāpattiphale paṭiṭṭhāya puna ekadivasaṇ dhammaṇ sutvā anāgāmiphale paṭiṭṭhito.

3. So anāgāmī hutvā gehaṇ āgacchanto yathā aññesu divasesu ito c' ito ca olokeno sitaṇ kurumāno hasamāno āgacchati, evaṇ anāgantvā santindriyo santamānaso hutvā āgamāsi. Dhammadinnā¹ sihapañjaraṇ ugghāṭetvā vithiṇ olokayamānā tassa āgamanākāraṇ disvā, kiṇ nu kho etan ti cīntetvā tassa paccugamaṇaṇ kurumānā sopānasise ṭhatvā olambanatthaṇ hatthaṇ pasāresi. Upāsako attano hatthaṇ sammiñjesi. Sā pātārāsa-bhojanakāle jānissāmī ti cintesi.

4. Upāsako pubbe tāya saddhiṇ ekato bhuñjati. Taṇ divasaṇ pana taṇ anapaloketvā yogāvacaro bhikkhu viya ekako va bhuñji. Sā, sayanakāle jānissāmī ti cintesi. Upāsako taṇ divasaṇ sirigabbhaṇ na pāvisi; aññaṇ gabbhaṇ paṭijaggāpetvā kappiyamañcakaṇ paññāpāpetvā² nipajji.

5. Upāsikā, kiṇ nu kho bahiddhā patthanā atthi, udāhu kenacid eva paribhedakena bhinno, udāhu mayh' eva koci doso atthi ti balavadomanassā hutvā ekadve³ divase vasitakāle sakkā ñātun ti tassa upaṭṭhānaṇ gantvā vanditvā aṭṭhāsi. Upāsako, kiṇ Dhammadinne, akāle āgatā 'sī ti pucchi. Āma ayyaputta, āgatā 'mhi, na tvaṇ yathā perāṇo,⁴ kiṇ nu te bahiddhā patthanā atthi ti? N' atthi, Dhammadinne ti. Añño koci paribhedako atthi ti? Ayam pi n' atthi ti. Evaṇ sante mayh' eva koci doso bhavissatī ti. Tuyham pi doso n' atthi ti. Atha kasmā mayā saddhiṇ yathāpakatiyā allāpasallāpamattam pi na karoṭhā ti?

6. So cintesi: Ayaṇ lokuttaradhammo nāma garu bhāriyo, nappakāsetatabbo, sace kho panāhaṇ na kathessāmī, ayaṇ

¹ B. *adds* pi.

³ B. S. ekaṇ dve.

² S. paññāpetvā.

⁴ B. S. purāṇo.

hadayaṇ phāletvā etth' eva kālaṇ kareyyā ti tassa anugga-hatthāya kathesi: Dhammadinne, ahaṇ Satthu dhammade-sanaṇ sutvā lokuttaradhammaṇ nāma adhigato. Taṇ adhi-gatassa evarūpā lokiyakiriya na vaṭṭati. Yadi tvaṇ icchasi, tava cattāḷisa koṭiyo, mama cattāḷisa koṭiyo ti asītikoti-dhanaṇ atthi, ettha issarā hutvā mama mātiṭṭhāne vā bhaginiṭṭhāne vā ṭhatvā vasa. Tayā dinnena bhattapiṇḍa-mattena ahaṇ yāpessāmi. Ath' evaṇ na karosi, ime bhoge gahetvā kulagehaṇ gaccha. Athāpi te bahiddhā patthanā atthi, ahaṇ taṇ bhaginiṭṭhāne vā dhituṭṭhāne vā ṭhapetvā posessāmi ti.

7. Sā cintesi: Pakatipuriso evaṇ vattā nāma n' atthi. Addhā etena lokuttaradhammo paṭividdho. So pana dhammo kiṇ puriseh' eva paṭivijjhitabbo, udāhu mātugāmo pi paṭi-vijjhituṇ sakkotī ti Visākhaṇ etad avoca: Kiṇ nu kho eso dhammo puriseh' eva labhitabbo, mātugāmena pi sakkā laddhun ti? Kiṇ vadesi, Dhammadinne, ye paṭipannakā, te etassa dāyādā; yassa yassa upanissayo atthi, so so etaṇ paṭilabhati ti. Evaṇ sante mayhaṇ pabbajjaṇ anujānāthā ti. Sādhu bhadde, aham pi¹ etasmiṇ yeva magge yojetukāmo, manaṇ pana te ajānamāno na kathemi ti. Tāvad eva Bim-bisārassa santikaṇ gantvā vanditvā atṭhāsi.

8. Rājā, kiṇ gahapati, akāle āgato 'sī ti pucchi. Dham-madinā, mahārāja, pabbajissāmi ti vadati ti. Kiṇ pan' assā laddhuṇ vaṭṭati ti? Aññaṇ kiñci n' atthi, sovaṇṇa-sivikaṇ, deva, laddhuṇ vaṭṭati, nagaraṇ ca paṭijaggāpetun ti. Rājā sovaṇṇasivikaṇ datvā nagaraṇ paṭijaggāpesi.

9. Visākho Dhammadinnaṇ gandhodakena nahāpetvā sabbālaṅkārehi alaṅkarāpetvā sovaṇṇasivikāya nisīdāpetvā ṇātigaṇe² parivārāpetvā gandhapupphādihi pūjayamāno nagaravāsanaṇ karonto viya bhikkhuni-upassayaṇ gantvā, ayye, Dhammadinnaṇ pabbājethā ti āha. Bhikkhuniyo, ekaṇ vā dve vā dose sahituṇ vaṭṭati, gahapatī ti āhaṇsu. Na,³ ayye, koci doso, saddhāya pabbajati ti. Ath' ekā byattā therī tacapaṇcaka-kammaṭṭhānaṇ ācikkhitvā kese

¹ B. *adds* taṇ.

² B. S. °gaṇena.

³ B. S. N' atth' ayye.

ohāretvā pabbājesi. Visākho, abhiram' ayye, svākkhāto dhammo ti vanditvā pakkāmi.

10. Tassā pabbajitadivasato paṭṭhāya lābhasakkāro upajji. Tena palibuddhā samanadhammaṇ kātuṇ okāsaṇ na labhati. Ath' ācariya-upajjhāyatheriyo gahetvā janapadaṇ gantvā atṭhatinṣāya ārammaṇesu cittarucikaṇ kammaṭṭhānaṇ kathāpetvā samanadhammaṇ kātuṇ āradadhā; abhinīhārasampannattā pana nāticiraṇ kilamittha.

11. Ito paṭṭhāya hi satasahassakappamatthake Padumutaro nāma Satthā loke udapādi. Tadā esā ekasmiṇ kule dāsi hutvā attano kese vikkiṇitvā Sujātatttherassa nāma aggasāvakassa dānaṇ datvā patthanaṇ akāsi. Sā tāya patthanābhinīhāra-sampattiya nāticiraṇ kilamittha¹; katipāhen' eva arahattaṇ patvā cintesi: Ahaṇ yen' atthena sāsane pabbajjitā, so matthakaṇ patto, kiṇ me janapadavāsena? Mayhaṇ ñātakā pi puññāni karissanti, bhikkhunisaṅgho pi pacceyehi na kilamissati, Rājagahaṇ gacchāmi ti bhikkhunisaṅghaṇ gahetvā Rājagahaṇ eva agamāsi.

12. [299²] Visākho, Dhammadinnā kira āgatā ti sutvā, pabbajitvā na cirass' eva janapadaṇ gatā, gantvā pi na cirass' eva paccāgatā, kiṇ nu kho bhavissati, gantvā jānissāmi ti dutiyagamanena bhikkhuni-upassayaṇ agamāsi. Tena vuttaṇ: *Atha kho Visākho upāsako yena Dhammadinnā bhikkhunī ten' upasankamī ti.*

13. [299³] *Etad avocā* ti etaṇ sakkāyo ti ādivacanaṇ avoca. Kasmā avocā ti? Evaṇ kir' assa ahosi: Ayye, abhiramasī, nābhiramasī ti evaṇ pucchanaṇ nāma na paṇḍitakiccaṇ; pañcupādānakkhandhe upanetvā pañhaṇ pucchissāmi; pañhabyākaraṇen' ev' assā abhiratiṇ vā anabhiratiṇ vā jānissāmi ti. Tasmā avoca.

14. [299⁴] Taṇ sutvā Dhammadinnā, āvuso Visākha, ahaṇ acira-pabbajitā, sakkāyaṇ² vā parakāyaṇ vā kuto jānissāmi ti vā, aññatheriyo upasaṅkamitvā pucchā ti vā avatvā upanikkhittaṇ sampañicchamānā³ viya, ekapāsakagaṇṭhiṇ moceṇti viya, gahanaṭṭhāne hatthimaggaṇ nīharamānā viya,

¹ B. S. nātibahuṇ kilamitvā.

² B. sakāyaṇ.

³ C. pañicchamānā.

khaggamukhena samuggaṇ vivaramānā viya¹ paṭisambhidā-visaye tathvā pañhaṇ vissajjamānā, *pañca kho ime, āvuso Visākha, upādānakkhandhā* ti ādim āha. Tattha *pañcā* ti gāṇanāparicchedo. *Upādānakkhandhā* ti upādānānaṇ pac-cayabhūtā khandhā ti evam ādinā nayan' ettha upādānakkhandhakathā vitthāretvā kathetabbā siyā, sā pan' esā Visuddhimagge (Viśu. ii. 443—80) vitthāritā evā ti tattha vittāritanāyena' eva veditabbā. Sakkāyasamudayaādisu pi yaṇ vattabbaṇ taṇ heṭṭhā tattha tattha vuttam eva.

15. Idaṇ pana catusaccavyākaraṇaṇ sutvā Visākho theriyā abhiratabhāvaṇ aññāsi. Yo hi Buddhasāsane ukkaṇṭhito hoti anabhirato, so evaṇ pucchita-pucchitapañhaṇ saṇḍāsena ekekaṇ palitaṇ² gaṇhanto viya, Sinerupādato vālukaṇ uddharanto viya vissajjetuṇ na sakkoti.

16. [299³²] Yasmā pana imāni cattāri saccāni loke candimasuriyā viya Buddhasāsane pākaṭāni, parisamajjhagato hi Bhagavā pi mahātherā pi saccān' eva pakāsentī; bhikkhusaṅgho pi pabbajitadivasato paṭṭhāya kulaputte, cattāri nāma kiṇ, cattāri ariyasaccāni ti pañhaṇ uggaṇhāpeti; ayañ ca Dhammadinnā upāsaka-kulassa³ dhītā⁴ paṇḍitā byattā, nayaṇ gahetvā sutena pi kathetuṇ samatthā; tasmā na sakkā etissā ettāvatā saccānaṇ paṭivedhabhāvo ñātuṇ, saccavinibhogapañhabyākaraṇena pana sakkā ñātuṇ ti cintetvā heṭṭhā kathitāni dve saccāni paṭinivattetvā gūḷhaṇ katvā gaṇṭhi-pañhaṇ pucchissāmi ti pucchanto *taṇ yeva nu kho, ayye* ti ādim āha.

17. [299³⁴] Tassa vissajjane, *na kho, āvuso, Visākha, taṇ yeva upādānaṇ* ti upādānassa saṅkhārakkhandhekadesabhāvato na taṇ yeva upādānaṇ te pañcakkhandhā; nāpi aññatra pañcahi upādānakkhandhehi upādānaṇ. Yadi hi taṇ yeva siyā, rūpādisabhāvam pi upādānaṇ siyā. Yadi aññatra siyā, parasamaye cittavippayutto anusayo viya, paṇṇatti viya, nibbānaṇ viya ca khandhavinimuttaṇ vā siyā, chaṭṭho vā khandho paññāpetabbo bhaveyya. Tasmā evaṇ byākāsi.

¹ B. *adds* ca.

³ B. S. upāyakosalle.

² C. ekapalitaṇ.

⁴ B. S. *ṭhitā*.

18. [300⁴] Tassā byākaraṇaṇ sutvā āgatapativedhā¹ ayan ti Visākho nitṭham agamāsi. Na hi sakkā akhīṇāsavena asaṅsappantena² avitthāyantena dīpasahassaṇ jālāpentena viya evarūpo gūḷho paṭicchanno tilakkhaṇāhato gambhiro pañho vissajjetuṇ. Nitṭhaṇ gantvā pana, ayaṇ Dhammadinnā sāsane laddhapatitṭhā adhigatapaṭisambhidā vesārajappattā bhavaviddhaṇseitā³ mahākhīṇāsavā, samatthā mayhaṇ pucchita-pucchitapañhaṇ kathetuṇ, idāni naṇ⁴ ovaṭṭikasāraṇ pañhaṇ pucchissāmī ti⁵ cintetvā taṇ pucchanto, *kathaṇ pan' ayye* ti ādim āha.

19. [300⁵] Tassa vissajjane, *assutavā* ti ādi Mūlapariyāye vitthāritam eva. *Rūpaṇ attato samanupassatī* ti, “Idh' ekacco rūpaṇ attato samanupassati, yaṇ rūpaṇ so ahaṇ, yo ahaṇ taṇ rūpan ti rūpañ ca attañ ca advayaṇ samanupassati. Seyyathā pi nāma telappadipassa jhāyato yā acci so vanṇo, yo vanṇo sā acci ti acciñ ca vanṇañ ca advayaṇ samanupassati. Evam eva idh' ekacco rūpaṇ attato—pe—advayaṇ samanupassati” ti (Ps. i. 143) evaṇ rūpaṇ attā ti diṭṭhipasasānāya passati. *Rūpavantaṇ vā attānaṇ* ti arūpaṇ attā ti gahetvā chāyāvantaṇ rukkaṇ viya⁶ rūpavantaṇ attānaṇ samanupassati. *Attani vā rūpan* ti arūpam eva attā ti gahetvā pupphasmiṇ gandhaṇ viya⁷ attani rūpaṇ samanupassati. *Rūpasmiṇ vā attānaṇ* ti arūpam eva attā ti gahetvā karaṇḍāya maṇiṇ viya⁸ attānaṇ rūpasmiṇ samanupassati. *Vedanaṇ attato* ti ādisu pi es' eva nayo.

20. Tattha, rūpaṇ attato samanupassatī ti suddharūpam eva attā ti kathitaṇ. Rūpavantaṇ vā attānaṇ, attani vā rūpaṇ, rūpasmiṇ vā attānaṇ, vedanaṇ attato, saññaṇ, sañkhāre, viññānaṇ attato samanupassatī ti imesu sattasu ṭhānesu arūpaṇ attā ti kathitaṇ. Vedanāvantaṇ vā attānaṇ, attani vā vedanaṇ, vedanāya vā attānaṇ ti evaṇ catusu khandhesu

¹ B. adhigatapatitṭhā.

² B. asambandhena; S. asampassantena.

³ B. bhavamattake ṭhitā.

⁴ C. pana.

⁵ C. omits pucchissāmī ti.

⁶ B. adds taṇ.

⁷ B. adds tasmiṇ.

⁸ B. S. add taṇ.

tiṇṇaṇ tiṇṇaṇ vasena dvādasasu ṭhānesu rūpārūpamiṣṣako attā kathito.

21. Tattha, rūpaṇ attato samanupassati, vedanaṇ saññaṇ, saṅkhāre, viññānaṇ attato samanupassati ti pañcasu ṭhānesu ucchedadiṭṭhi kathitā; avasesesu sassatadiṭṭhi.¹ Evam ettha pannarasa bhavadiṭṭhiyo, pañca vibhavadiṭṭhiyo honti.

22. [300²¹] *Na rūpaṇ attā* ti ettha, rūpaṇ attā ti na samanupassati; aniccaṇ dukkhaṇ anattā ti samanupassati. *Na rūpavantaṇ attānaṇ—pe—na viññānasmiṇ attānaṇ* ti ime pañcakkhandhe kenaci pariyāyena attato na samanupassati; sabbākārena pana aniccā dukkhā anattā ti samanupassati.

23. Ettāvatā theriyā, evaṇ kho, āvuso Visākha, sakkāyaditṭhi hoti ti evaṇ purimapañhaṇ vissajjentiya, ettakena gamanaṇ hoti, āgamaṇ hoti, gamanāgamaṇ hoti, vaṭṭaṇ vattati ti vaṭṭaṇ matthakaṇ pāpetvā dassitaṇ. Evaṇ kho, āvuso Visākha, sakkāyaditṭhi na hoti ti pacchimapañhaṇ vissajjentiya, ettakena gamanaṇ na hoti, āgamaṇ na hoti, gamanāgamaṇ na hoti, vaṭṭaṇ² na vattati ti vivattaṇ matthakaṇ pāpetvā dassitaṇ.

24. [300³¹] *Katamo paṇ' ayye, ariyo atthaṅgiko maggo* ti ayaṇ pañho theriyā paṭipucchitvā vissajjetabbo bhaveyya: upāsaka, tayā heṭṭhā maggo pucchito, idha kasmā maggam eva puchasi ti? Sā pana attano byattatāya paṇḍiccena tassa adhippāyaṇ sallakkhesi: Iminā upāsakena heṭṭhā paṭipattivāsena maggo pucchito bhavissati, idha pana naṇ saṅkhatāsaṅkhata-lokiyalokuttara-saṅgahītāsaṅgahītavasena pucchitukāmo bhavissati ti. Tasmā apaṭipucchitvā va yaṇ yaṇ pucchi, taṇ taṇ vissajjesi. Tattha *saṅkhato* ti cetito, kappito, pakappito, āyūhito, nibbattito, samāpajjantena samāpajjitabbo.

25. [301⁴] *Tīhi ca kho, āvuso Visākha, khandhehi ariyo atthaṅgiko maggo saṅgahīto* ti ettha yasmā maggo sappadeso tayo khandhā nippadesā, tasmā ayaṇ sappadesattā nagaraṇ viya rajjena, nippadesehi tīhi khandhehi saṅgahīto. Tattha sammāvācādayo tayo sīlam eva. Tasmā te sajātito sīlakkandhena saṅgahitā. Kiṇ cāpi hi pāliyaṇ *sīlakkhandhe* ti

¹ C. °ṭhi ti.

² B. *adda* nāma.

bhummena viya niddeso kato, atto pana karanavasena vedi-
tabbo.

26. Sammāvāyāmādisu pana tīsu samādhi attano dham-
matāya ārammaṇe ekaggabhāvena appetuṇ na sakkoti, vi-
riye pana paggahakiccaṇ sādhente, satiyā ca apilāpanakiccaṇ
sādhentiyā laddhūpakāro hutvā sakkoti.

27. Tatrāyaṇ upamā: Yathā hi, nakkhattaṇ kilissāmā ti
uyyānaṇ pavitṭhesu tīsu sahāyesu eko supupphitaṇ campa-
karukkhaṇ disvā hatthaṇ ukkhipitvā pi gahetuṇ na sak-
kuṇeyya. Ath' assa dutiyo onamitvā piṭṭhiṇ dadeyya. So
tassa piṭṭhiyaṇ thatvā pi kampamāno gahetuṇ na sakkukūeyya.
Ath' assa itaro aṇsakūṭaṇ upanāmeyya. So ekassa piṭṭhiyaṇ
thatvā ekassa aṇsakūṭaṇ olubbha yathāruciṇ pupphāni
ocinitvā pilandhitvā nakkhattaṇ kiḷeyya. Evaṇsampadam
idaṇ daṭṭhabbaṇ.

28. Ekato uyyānaṇ pavitṭhā tayo sahāyakā viya hi ekato
jātā sammāvāyāmādayo tayo dhammā. Supupphitacam-
pako viya ārammaṇaṇ. Hatthaṇ ukkhipitvā pi gahetuṇ
asakkonto viya attano dhammatāya ārammaṇe ekaggabhā-
vena appetuṇ asakkonto samādhi. Piṭṭhiṇ datvā onatasa-
hāyo viya vāyāmo. Aṇsakūṭaṇ datvā ṭhitasahāyo viya sati.
Yathā tesu ekassa piṭṭhiyaṇ thatvā ekassa aṇsakūṭaṇ olubbha
itaro yathāruciṇ pupphaṇ gahetuṇ sakkoti, eva evam viriye¹
paggahakiccaṇ,² satiyā ca apilāpanakiccaṇ sādhentiyā lad-
dhūpakāro samādhi sakkoti ārammaṇe ekaggabhāvena ap-
petuṇ. Tasmā samādhi yev' ettha sajjātito samādhikkhan-
dhena saṅgahīto; vāyāmasatiyo pana kiriyato saṅgahītā honti.

29. Sammādiṭṭhi-saṅkappesu pi paññā attano dhammatāya
aniccaṇ dukkham anattā ti ārammaṇaṇ nicchetuṇ na sakkoti;
'vitakke pana ākoṭetvā ākoṭetvā dente sakkoti. Kathaṇ ?
Yathā hi heraññiko kahāpaṇaṇ hatthe ṭhapetvā sabbabhāge³
oloketukāmo samāno pi na cakkhubalen⁴ eva parivattetuṇ
sakkoti; aṅgulipabbehi pana pariyattetvā ito c' ito ca olo-
ketuṇ sakkoti. Evam eva na paññā attano dhammatāya
aniccādivasena ārammaṇaṇ nicchetuṇ sakkoti; abhiniropana-

¹ B. viriyena.

² B. adds sādhentena.

³ B. S. °bhāgesu.

⁴ B. S. °talen'.

lakkhaṇena pana āhanana-pariyāhananarasena vitakkena ākoṭentena viya parivattentena viya ca ādāy' ādāya dinnam eva nicchetuṇ sakkoti. Tasmā idhāpi sammāditṭhi yeva sajātito paññākkhandhena saṅgahitā; sammāsaṅkappo pana kiriyato saṅgahito hoti.

30. Iti imehi tīhi khandhehi maggo saṅgahaṇ gacchati. Tena vuttaṇ: *Tīhi ca kho, āvuso Visākha, khandhehi ariyo atthaṅgiko maggo saṅgahito ti.*

31. [301¹¹] Idāni ekacittakkhaṇikaṇ maggasaṁādhin' animittan¹ saparikkhāraṇ pucchanto, *katamo pan' ayye* ti ādim āha. Tassa vissajjane, *cattāro satipaṭṭhānā* maggakkhaṇe catukiccasādhanaśasena uppannā sati² samādhissa pac-cayaṭṭhena *nimittā*. Cattāro sammappadhānā catukicca-sādhanaśasen' eva uppannaṇ viriyaṇ. Taṇ parivāraṭṭhena *parikkhāro* hoti. *Tesaṇ yeva dhammānan* ti tesaṇ magga-sampayuttadhammānaṇ. *Āsevanā* ti ādisu ekacittakkhaṇikā va āsevanādayo vuttā.

32. Vitaṇḍavādī pana, ekacittakkhaṇiko nāma maggo n' atthi, "Evaṇ bhāveyya, satta vassānī" ti (M. i. 62) hi vacanato satta pi³ vassānī maggabhāvanā hoti; kilesā pana lahuṇ chijjantā sattahi ñāṇehi chijjantī ti vadati. So, suttaṇ āharā ti vattabbo. Addhā aññaṇ apassanto, yā tesaṇ yeva dhammānaṇ āsevanā bhāvanā bahulikamman ti idam eva āharitvā, aññena cittaena āsevati, aññena bhāveti, aññena bahulikarotī ti vakkhati. Tato vattabbo: Kiṇ pan' idaṇ suttaṇ neyyatthaṇ, nītatthaṇ ti? Tato vakkhati: Nītatthaṇ; yathā suttaṇ tathā attho ti.

33. Tass' idaṇ uttaraṇ: Evaṇ sante ekacittaṇ āsevamānaṇ uppannaṇ, aparam pi āsevamānaṇ, aparam pi āsevamānan ti evaṇ divasam pi āsevanā va bhavissati, kuto bhāvanā, kuto bahulikammaṇ? Ekaṇ vā bhāvayamānaṇ uppannaṇ, aparam pi bhāvayamānaṇ, aparam pi bhāvayamānan ti evaṇ divasam pi bhāvanā va bhavissati, kuto āsevanā, kuto bahulikammaṇ? Ekaṇ vā bahulikarontaṇ uppannaṇ, aparam pi bahulikarontaṇ, aparam pi bahulikarontan ti evaṇ divasam

¹ B. S. sanimittan.

² B. S. *add* sā.

³ S. *omits*.

pi bahulikammam eva bhavissati, kuto āsevanā, kuto bhāvanā ti ?

34. Atha vā evaṇ vadeyya: Ekena cittena āsevati, dvīhi bhāveti, tihi bahulikaroti; dvīhi vā āsevati, tihi bhāveti, ekena bahulikaroti; tihi vā āsevati, ekena bhāveti, dvīhi bahulikaroti ti. So vattabbo: Mā, suttaṇ me laddhan ti yaṇ vā taṇ vā avaca. Pañhaṇ vissajjentena nāma ācariya-santike vasitvā Buddhavacanaṇ uggaṇhitvā attharasaṇ vin-ditvā vattabbaṇ hoti. Ekacittakkhaṇikā va¹ ayaṇ āsevanā, ekacittakkhaṇikā² bhāvanā, ekacittakkhaṇikaṇ² bahulikammaṇ. Khayagāmī lokuttaramaggo bahucittakkhaṇiko nāma n' atthi, ekacittakkhaṇiko yevā ti saññāpetabbo. Sace sañ-jānāti, sañjānātu. No ce sañjānāti, gaccha, pāto va vihāraṇ pavisitvā yāguṇ pivāhi ti uyyojetabbo.

35. [301¹⁷] *Kaṭi paṇ' ayye, saṅkhārā* ti idha kiṇ pucchati ? Ye saṅkhāre nirodhetvā nirodhaṇ samāpajjanti, te pucchāmi ti pucchati. Ten' ev' assa adhippāyaṇ ñatvā therī, puññā-bhisaṅkhārādisu anekesu saṅkhāresu vijjamānesu pi, kā-yasaṅkhārādayo va ācikkhanti, *tayo 'me, āvuso* ti ādim āha. Tattha kāyapaṭibaddhattā kāyena saṅkharīyati,³ nibbatti-yati ti *kāyasaṅkhāro*. Vacīpaṭibaddhattā vācāya saṅkharī-yati nibbattiyati ti *vacīsaṅkhāro*. Cittapaṭibaddhattā cit-tena saṅkharīyati³ nibbattiyati ti *cittasaṅkhāro*.

36. [301¹⁹] *Katamo paṇ' ayye* ti idha kiṇ pucchati ? Ime saṅkharā aññamaññaṇissā ālulitā avibhūtā duddīpanā. Tathā hi, kāyadvāre ādāna-gaḥaṇa-muñcana-copanāni pā-petvā uppannā atṭha kāmāvacarakusalacetanā dvādasa aku-salacetanā ti evaṇ kusalākusalā vīsati cetanā pi assāsapas-sāsā pi kāyasaṅkhāro tv' eva vuccati. Vacīdvāre hanusaṅ-copanaṇ vacībhedan pāpetvā uppannā vuttappakārā va vīsati cetanā pi vitakkavicārā pi vacīsaṅkhāro tv' eva vuccanti.⁴ Kāyavacīdvāresu copanaṇ appatvā raho nisinnassa cinta-yato uppannā kusalākusalā ekūnatiṇsa cetanā pi saññā ca vedanā cā ti ime dve dhammā pi cittasaṅkhāro tv' eva vuc-canti.⁴ Evaṇ ime saṅkhārā aññamaññaṇ kāya-vacīdvāresu

¹ B. S. ca.

² B. S. *add* ca.

³ B. *adds* kariyati.

⁴⁻⁴ *The whole sentence is omitted by C.*

copanaṃ appatvā raho nisinnassa cintayato uppannā kusalā-kusalā ekūnatiṃsa cetanā pi saññā-vedanā cā ti ime dve dhammā pi cittasaṅkhāro tv' eva vuccanti. Evaṃ ime saṅkhārā aññamaññamissā ālulitā avibhūtā duddīpanā. Te pākaṭe vibhūte katvā kathāpessāmī ti pucchati.

37. [301²²] *Kasmā paṇ' ayye* ti idha kāyasaṅkhārādināmassa padatthaṃ pucchati. Tassa vissajjane *kāyapaṭibaddhā* ti kāyanissitā; kāye sati honti, asati na honti. *Cittapaṭibaddhā* ti cittanissitā; citte sati honti, asati na honti.

38. [301³⁰] Idāni, kiṃ nu kho esā saññāvedayitanirodhaṃ valañjeti, na valañjeti, ciṇṇavasī vā tathā no ciṇṇavasī ti jānanatthaṃ pucchanto, *kathaṃ paṇ' ayye, saññāvedayitanirodhasamāpatti hotī* ti ādim¹ āha. Tassa vissajjane *samāpajjissan ti vā samāpajjāmī ti vā* padadvayena nevasaññānāsaññāyatanasamāpattikālo kathito; *samāpanno* ti padena antonirodho. Tathā purimehi dvīhi padehi sacittakakālo kathito; pacchimena acittakakālo. *Pubbe va tathā cittaṃ bhāvitāṃ hotī* ti nirodhasamāpattito pubbe addhānaparicchedakāle yeva, ettakaṃ kālāṃ acittako bhavissāmī ti addhānaparicchedacittaṃ bhāvitāṃ hoti. *Yaṃ taṃ tathattāya upaneti* ti yaṃ evaṃbhāvitāṃ cittaṃ taṃ puggalaṃ tathattāya acittakabhāvāya upaneti.

39. [302¹] *Paṭhamāṃ nirujjhati vacīsaṅkhāro* ti sesasaṅkhārehi paṭhamāṃ dutiyajjhāne yeva nirujjhati. *Tato kāyasaṅkhāro* ti tato paraṃ kāyasaṅkhāro catutthajjhāne nirujjhati. *Tato cittasaṅkhāro* ti tato paraṃ cittasaṅkhāro antonirodhe nirujjhati.

40. [302⁹] *Vuṭṭhahissan ti vā vuṭṭhahāmī ti vā* padadvayena antonirodhakālo kathito; *vuṭṭhito* ti padena phalasamāpattikālo. Tathā purimehi dvīhi padehi acittakakālo kathito; pacchimena sacittakakālo. *Pubbe va tathā cittaṃ bhāvitāṃ hotī* ti nirodhasamāpattito pubbe addhānaparicchedakāle yeva ettakaṃ kālāṃ acittako hutvā tato paraṃ sacittako bhavissāmī ti addhānaparicchedacittaṃ bhāvitāṃ hoti. *Yaṃ taṃ tathattāya upaneti* ti yaṃ evaṃ bhāvitāṃ cittaṃ taṃ puggalaṃ tathattāya sacittakabhāvāya upaneti. Iti heṭṭhā nirodhasamāpajjanakālo gahito, idha nirodhato utṭhānakālo.

41. Idāni nirodhakathaṇ kathetuṇ vāro ti nirodhakathā kathetabbā siyā, sā pan' esā, "Dvihi balehi samannāgatattā tayo¹ ca saṅkhārānaṇ paṭipassaddhiyā soḷasahi nāṇacariyāhi navahi samādhicariyāhi vasibhāvatāpaññā nirodhasamāpattiyaṇ nānan" ti (Ps. i. 2, 97) mātikaṇ ṭhapetvā sabbākārena Visuddhimagge (Visu. ii. 702) kathitā. Tasmā tattha kathitanayaṇ' eva gahetabbā.

42. Ko panāyaṇ nirodho nāma? Catunnaṇ khandhānaṇ paṭisaṅkhā appavatti. Atha kimattham etaṇ² samāpajjanti ti ce? Saṅkhārānaṇ pavatte ukkaṇṭhitā sattāhaṇ acittakā hutvā sukhaṇ viharissāma, diṭṭhadhammanibbānaṇ nām' etaṇ, yadidaṇ nirodho ti etadatthaṇ samāpajjanti.

43. [302¹⁷] *Paṭhamāṇ uppajjati cittasaṅkhāro* ti nirodhā vuṭṭhahantassa hi phalasamāpatticittaṇ paṭhamāṇ uppajjati. Taṇsampayuttaṇ saññaṇ ca vedanaṇ ca sandhāya, paṭhamāṇ uppajjati cittasaṅkhāro ti āha.

44. [302¹⁸] *Tato kāyasaṅkhāro* ti tato paraṇ bhavaṅga-samaye kāyasaṅkhāro uppajjati. Kiṇ pana phalasamāpatti assāsapassāse na samuṭṭhāpeti ti? Imassa pana catutthajjhānikā phalasamāpatti; sā na samuṭṭhāpeti. Kiṇ vā,³ phalasamāpatti paṭhamajjhānikā vā hotu, dutiya-tatiya-catutthajjhānikā vā, santāya samāpattiyā vuṭṭhitassa bhikkhuno assāsapassāsā abbohārikā honti. Tesāṇ abbohārikabhāvo Saṅjivattheravatthunā veditabbo.

45. Saṅjivattherassa hi samāpattito vuṭṭhāya kiṇsukapupphasadise vitaccikaṅgāre maddamānassa gacchato cīvare aṇsumattam pi najjhāyi; usumākāramattam pi nāhosi. Samāpattibalaṇ⁴ nām' etaṇ ti vadanti. Evam eva santāya samāpattiyā vuṭṭhitassa bhikkhuno assāsapassāsā abbohārikā honti.⁵ Bhavaṅgasamayen' ev' etaṇ kathitan ti veditabbaṇ.

46. [302¹⁸] *Tato vacīsaṅkhāro* ti tato paraṇ kiriyamayapa-vatta-valaṇjanakāle vacīsaṅkhāro uppajjati. Kiṇ bhavaṅgaṇ vitakkavicāre na samuṭṭhāpeti ti? Samuṭṭhāpeti. Taṇsamuṭṭhānaṇ pana vitakka-vicārā vācaṇ abhisāṅkhātuṇ na

¹ S. tiṇṇaṇ.² C. ettha.³ B. S. add etena.⁴ B. S. °phalaṇ.⁵ B. S. °ti ti.

sakkonti ti kiriyamayapavatta-valañjanakālen' eva taṇ kathitaṇ.

47. [302²²] *Suññato phasso* ti ādayo saḡuṇenāpi ārammaṇenāpi kathetabbā. Saḡuṇena tāva suññatā nāma phala-samāpatti, tāya sahaajātaṇ phassaṇ sandhāya suññato phasso ti vuttaṇ. Animittappaṇihitesu pi es' eva nayo. Ārammaṇena pana nibbānaṇ rāgādīhi suññattā suññataṇ¹ nāma, rāganimittādīnaṇ abhāvā animittaṇ, rāga-dosa-mohapaṇidhīnaṇ abhāvā appaṇihitaṇ. Suññataṇ nibbānaṇ ārammaṇaṇ katvā uppanna-phalasamāpattiyaṇ phasso suññato nāma. Animittappaṇihitesu pi es' eva nayo.

48. Aparā āgamanīyakathā nāma hoti: Suññatā, animittā, appaṇihitā ti hi vipassanā pi vuccati. Tattha yo bhikkhu saṅkhāre aniccato pariggahetvā aniccato disvā aniccato vuṭṭhāti, tassa vuṭṭhānagāminī vipassanā animittā nāma hoti. Yo dukkhato pariggahetvā dukkhato disvā dukkhato vuṭṭhāti, tassa appaṇihitā nāma. Yo anattato pariggahetvā anattato disvā anattato vuṭṭhāti, tassa suññatā nāma. Tattha animittavipassanāya maggo animitto nāma. Animittamaggassa phalaṇ animittaṇ nāma. Animittaphala-samāpattiyā² sahaajāte phasse phusante, animitto phasso phusati ti vuccati. Appaṇihita-suññatesu pi es' eva nayo.

49. Āgamanīye³ kathite pana, suññato vā phasso, animitto vā phasso, appaṇihito vā phasso ti vikappo āpajjeyya. Tasmā saḡuṇena c' eva ārammaṇena ca kathetabbaṇ. Evaṇ hi, tayo phassā phusanti ti sameti.

50. [302²⁶] *Vivekaninṇan* ti ādisu nibbānaṇ viveko nāma, tasmiṇ viveke ninnaṇ onatan ti vivekaninnaṇ. Viveke poṇaṇ,⁴ aññato āgantvā yena viveko tena vaṅkaṇ viya hutvā thītan ti *vivekapoṇaṇ*. Yena viveko tena patamānaṇ viya thītan ti *vivekapabbhāraṇ*.

51. [302²⁸] Idāni yā vedanā nirodhetvā nirodhasamāpattiṇ samāpajjati, tā pucchissāmī ti pucchanto, *kati paṇ' ayye, vedanā* ti āha. *Kāyikaṇ vā* ti ādisu pañcadvārikaṇ

¹ B. S. suññaṇ.

² B. S. °samāpattisahaajāte.

³ S. Āgamanīyena kathitena.

⁴ B. S. Vivekapoṇan ti.

sukhaṇ kāyikaṇ nāma; manodvārikaṇ cetasikaṇ nāmā ti veditabbaṇ. Tattha *sukhan* ti sabbhāvaṇiddeso. *Sātan* ti tass' eva madhurabhāvadīpakaṇ vevacanaṇ. *Vedayitan* ti vedayitabhāvadīpakaṇ sabbavedanānaṇ sādharāṇavacanaṇ. Sesapadesu pi es' eva nayo.

52. [303³] *Sukhā vedanā t̐hisukhā vipariṇāmadukkhā* ti ādisu sukhāya vedanāya atthibhāvo sukhaṇ, natthibhāvo dukkhaṇ. Dukkāya vedanāya atthibhāvo dukkhaṇ, natthibhāvo sukhaṇ. Adukkhamasukhāya vedanāya jānana-bhāvo sukhaṇ, ajānanabhāvo dukkhaṇ ti attho.

53. [303⁷] *Kiṇ-anusayo anuseti* ti katamo anusayo anuseti. Appahināṭṭhena sayito viya hoti ti anusayapucchaṇ pucchati. *Na kho, āvuso Visākha, sabbāya sukhāya vedanāya kāmārāgānusayo anuseti* ti na sabbāya sukhāya vedanāya rāgānusayo anuseti. Na sabbāya sukhāya vedanāya so appahino, na sabbaṇ sukhaṇ vedanaṇ ārabba uppañjati ti attho. Esa nayo sabbattha.

54. [303¹⁸] *Kiṇ pahātabban* ti ayaṇ pahānapucchā nāma. *Rāgaṇ tena pajūhatī* ti ettha eken'¹ eva byākaraṇena dve pucchā vissajjeti. Idha bhikkhu rāgānusayaṇ vikkhambhetvā paṭhamajjhānaṇ samāpañjati; jhānavikkhambhitaṇ rāgānusayaṇ tathāvikkhambhitam eva katvā vipassanaṇ vadḍhetvā anāgāmimaggena samugghātetī. So anāgāmimaggena paḥiṇo pi tathāvikkhambhitattā² paṭhamajjhāne nānuseti nāma. Ten' āha: *Na tattha rāgānusayo anuseti* ti.

55. [303³⁴] *Tad āyatanaṇ* ti taṇ āyatanaṇ. Paramassā-sabbhāvena patitṭhābhūtaṇ arahattaṇ ti attho. *Iti anuttaresū* ti, evaṇ anuttarā vimokkhā ti laddhanāme arahatte. *Pihaṇ upatṭhāpayato* ti³ patthanaṇ ṭhapentassa. *Uppajjati pi-happaccayā domanassan* ti patthanāya ṭhapanamūlakaṇ domanassaṇ uppañjati. Taṇ pan' etaṇ na patthanāya ṭhapanamūlakaṇ uppañjati; patthetvā alabhantassa pana alābhamūlakaṇ appajjamānaṇ, uppañjati pi-happaccayā ti vuttaṇ.

56. Tattha kiṇ cāpi domanassaṇ nāma ekantena akusalaṇ, idaṇ pana sevitaḍḍhaṇ domanassaṇ vaṭṭati ti vadanti. Yogino

¹ S. eten'; C. ekena, and omits eva.

² C. adds va.

³ C. S. omīti Pihaṇ upatṭhāpayato ti.

hi temāsikaṇ, chammāsikaṇ, navamāsikaṇ vā paṭipadaṇ gaṇhanti. Tesu yo taṇ taṇ paṭipadaṇ gaṇhetaṇ antokāla-paricchede yeva arahattaṇ pāpunissāmī ti ghaṭento vāya-manto na sakkoti yathāparicchinna¹ kālena pāpunituṇ, tassa balavadomanassaṇ uppajjati; Ālindikavāsi-Mahā-Phus-sattherassa viya assudhārā pavattanti.

57. Thero kira ekūnavīsati vassāni gatapaccāgatavattaṇ pūresi. Tassa, imasmiṇ vāre arahattaṇ gaṇhissāmī, imasmiṇ vāre visuddhipavāraṇaṇ pavāressāmī ti mānaṇ bandhitvā samanadhammaṇ karontass' eva ekūnavīsati vassāni atik-kantāni. Pavāraṇadivase āgatassa² therassa assupātena muttadivaso nāma nāhosi. Vīsatiṃ pana vasse arahattaṇ pāpuṇi.

58. [304¹] *Paṭighaṇ tena pajahatī* ti ettha domanassen' eva paṭighaṇ pajahati. Na hi³ paṭighen' eva paṭighapahānaṇ,⁴ domanassena vā⁵ domanassapahānaṇ nāma atthi. Ayaṇ pana bhikkhu temāsikādisu aññataṇ paṭipadaṇ gaṇhetaṇ iti pa-ṭisañcikkhati: Passa bhikkhu, kiṇ tuyhaṇ sīlena hinatṭhānaṇ atthi, udāhu viriyena, udāhu paññāya? Na nu te sīlaṇ su-parisuddhaṇ, viriyaṇ supaggahitaṇ, paññā sūrā hutvā va-hatī ti? So evaṇ paṭisañcikkhitvā, na dāni puna imassa do-manassassa uppajjitūṇ dassāmī ti viriyaṇ daḷhaṇ⁶ katvā anto-temāse vā antochamāse vā antonavamāse vā anāgāmmimag-gena taṇ samugghāteti. Iminā pariyāyena paṭighen' eva paṭighaṇ, domanassen' eva domanassaṇ pajahati nāma. *Na tattha paṭighānusayo anusetī* ti tattha evarūpe domanasse paṭighānusayo nānuseti. Na taṇ ārabba uppajjati, pahīno va⁷ tattha paṭighānusayo ti attho.

59. [304^o] *Avijjaṇ tena pajahatī* ti idha avijjānusayaṇ vikkhambhetvā catutthajjhānaṇ samāpajjati; jhānavikkham-bhitaṇ avijjānusayaṇ tathāvikkhambhitam eva katvā vipas-sanaṇ vaddhetvā arahattamaggena samugghāteti. So ara-hattamaggena pahīno pi tathāvikkhambhitatta⁸ catutthaj-

¹ S. °paricchedakālaṇ.

³ B. S. Nāpi.

⁵ B. eva.

⁷ C. omits.

² B. S. āgate.

⁴ B. S. add na.

⁶ B. S. gāḷhaṇ.

⁸ C. adds va.

jhāne nānuseti nāma. Ten' āha: *Na tattha avijjānusayo anuseti* ti.

60. [304⁸] Idāni paṭibhāgapucchaṇ pucchanto, *sukhāya pan' ayye* ti ādim āha. Tassa vissajjane yaṁmā sukhaṁ dukkhaṇ, dukkhassa ca sukhaṇ paccanikaṇ, tasmā dvisu vedanāsu visabhāgapaṭibhāgo kathito. Upekkhā pana andhakārā, avibhūtā, duddīpanā, avijjā pi tādisā va.¹ Ten' ettha sabhāgapaṭibhāgo kathito. Yattakesu pana ṭhānesu avijjā tamaṇ karoti, tattakesu vijjā tamaṇ vinodeti ti ettha visabhāgapaṭibhāgo kathito. *Vijjāya kho, āvuso* ti ettha ubho p' ete dhammā anāsavā lokuttarā ti sabhāgapaṭibhāgo va kathito. *Vimuttiyā kho, āvuso* ti ettha anāsavaṭṭhena, lokuttaraṭṭhena, abyākataṭṭhena ca sabhāgapaṭibhāgo va kathito.

61. [304²⁰] *Accasarā* ti ettha pañhaṇ atikkamitvā gato 'sī ti attho. *Nāsakki pañhānaṇ pariyaṇṇaṇ gahetun* ti pañhānaṇ paricchedaṇ pamānaṇ gahetuṇ nāsakki; appaṭibhāgadhammassa paṭibhāgaṇ pucchi. Nibbānaṇ nām' etaṇ appaṭibhāgaṇ, na sakkā nilaṇ vā pītaṇ vā ti kenaci dhammena saddhiṇ paṭibhāgaṇ katvā dassetuṇ. Tañ ca tvaṇ iminā adhippāyena pucchasi ti attho.

62. Ettāvatā cāyaṇ upāsako yathā nāma sattame ghare salākabhattaṇ labhitvā gato bhikkhu satta gharāni atikkamitvā aṭṭhamassa dvāre ṭhito sabbāni pi satta gehāni viraddho va na aññasi, evaṁ eva appaṭibhāgadhammassa paṭibhāgaṇ pucchanto sabbāsu pi sattasu² paṭibhāgapucchāsu³ viraddho vāhosī⁴ ti veditabbo.

63. [304²¹] *Nibbānogaḍḍhaṇ* ti nibbānabbhantaṇ, nibbānaṇ anuppavittṭhaṇ. *Nibbānaparāyaṇaṇ* ti nibbānaṇ paraṇ ayanam assa, parā gati. Na tato paraṇ gacchatī ti attho. Nibbānaṇ pariyoṣānaṇ avasānaṇ assā ti *nibbānapariyoṣānaṇ*.

64. [304³³] *Paṇḍitā* ti paṇḍiccena samannāgatā, dhātukusalā, āyatanakusalā, paṭiccasamuppādakusalā, ṭhānāṭṭhānakusalā.⁵ *Mahāpaññā* ti mahante atthe, mahante dhamme,

¹ B. S. vā ti.

² B. S. omīti.

³ B. S. sappatibhāga°.

⁴ B. S. va hotī.

⁵ B. S. add ti attho.

mahantī niruttiyo, mahantāni paṭibhānāni parigaṇhanasam-atthāya paññāya samannāgatā. *Yathā taṃ Dhammadinnāyā* ti yathā Dhammadinnāya bhikkhuniyā byākataṃ, aham pi evam eva byākareyyan ti.

65. Ettāvata ca pana ayaṃ suttanto Jinabhāsito nāma jāto, na sāvakabhāsito. Yathā hi rājayuttehi likhitaṃ paṇṇaṃ yāva rājamuddikāya na lañchitaṃ hoti, na tāva rājapaṇṇan ti sañkhaṃ gacchati; lañchitamattaṃ pana rājapaṇṇaṃ nāma hoti; tathā, aham pi taṃ¹ evam eva byākareyyan ti imāya Jinavacanamuddāya² lañchitattā ayaṃ suttanto āhaccava-canena Jinabhāsito nāma jāto. Sesaṃ sabbattha uttānattham evā ti.

Cūḷa-Vedallasuttaṃ catutthaṃ.

45.

[*Cūḷa-Dhammasamādānasuttavaṇṇanā*]

1. [305⁶] *Evam me sutan ti Cūḷa-Dhammasamādānaṃ. Tattha dhammasamādānāni ti dhammo ti gahitagahaṇāni. Paccuppannasukhaṃ ti paccuppanne sukhaṃ, āyūhanakkhaṇe sukhaṃ, sukaraṃ, sukhena sakkā pūretuṃ. Āyatiṃ dukkha-vipākaṃ ti anāgate vipākakāle dukkhavipākaṃ. Iminā upāyena sabbapadesu attho veditabbo.*

2. [305²⁰] *N' atthi kāmesu doso ti vatthukāmesu pi kilesa-kāmesu pi doso n' atthi. Pātabyataṃ āpajjantī ti te vatthukāmesu kilesakāmena pātabyataṃ pivitabbataṃ yathāruciṃ paribhuñjitabbataṃ āpajjantī ti attho. Molibaddhāhī ti molī viya³ katvā baddhakesehi⁴ tāpasaparibbājikāhi. Evam āhaṃsū ti evaṃ vadanti. Purinṇaṃ paññāpentī ti pahānaṃ samatikkamaṃ paññāpentī.*

3. [306²] *Māluvāsipātikā ti dīghasaṇṭhānaṃ māluvāpakkaṃ. Phaleyyā ti ātapena sussitvā bhijjeyya. Sālamūle ti sālaruk-khassa samīpe. Santāsaṃ āpajjeyyā ti kasmā āpajjati? Bhavanavināsabhaya. Rukkhamūle patitamāluvābijato hi*

¹ B. S. *omit.*

² B. S. °muddikāya.

³ B. S. *molīṃ katvā.*

⁴ B. *adds* Paribbājikāhi ti.

latā uppajjitvā rukkhāṇ abhirūhati. Sā mahāpattā c' eva hoti bahupattā ca kovilārapattasadisēhi pattehi samannāgatā. Atha naṇ rukkhāṇ mūlato paṭṭhāya vinaddhamānā sabba-viṭapāni sañchādetvā¹ mahantaṇ bhāraṇ janetvā tiṭṭhati. Sā vāte vā vāyante, deve vā vassante oghanaṇ janetvā tassa rukkhassa sabbasākhāpasākhāṇ bhañjati; bhūmiyaṇ nipāteti. Tato tasmiṇ rukkhe patitṭhitavimānaṇ² bhijjati, vinassati. Iti sā bhavanavināśabhayā santāsaṇ āpajjati.

4. [306⁷] *Ārāmadevatā* ti tattha tattha pupphārāma-phalārāmesu adhivatthā devatā. *Vanadevatā* ti Andhavana-Subhagavanādisu vanesu adhivatthā devatā. *Rukkhadevatā* ti abhilakkhitesu Naḷeru-pucimandādisu rukkhesu adhivatthā devatā. *Osadhi-tiṇa-vanaspatīsū* ti haritaki-āmalaki-ādisu osadhisu, tāla-nāḷikerādisu tiṇesu, vanajetṭhakesu ca vanaspatirukkhesu adhivatthā devatā. *Vanakammikā* ti vane kasana³-dāyana⁴-dāru-āharaṇa-gorakkhādina⁵ kenacid eva kammena vicaraṇamanussā. *Udrabheyyun*⁶ ti khādeyyuṇ. *Vilambinī* ti vātena pahaṭapahaṭaṭṭhāne keḷiṇ karontī viya vilambanī.⁷

5. [306²⁷] *Sukho imissā* ti imissā evarūpāya māluvālatāya samphasso pi sukho, dassanam pi sukhaṇ. Ayaṇ me dārā-kānaṇ āpānamaṇḍalaṇ bhavissati, kiḷābhūmi bhavissati, dutiyaṇ me vimānaṇ paṭiladdhan ti latāya dassane pi samphasse pi somanassajātā evam āha.

6. [306²⁹] *Viṭapiṇ*⁸ *kareyyā* ti sākhaṇaṇ upari chattākārena tiṭṭheyya. *Oghanaṇ janeyyā* ti heṭṭhā ghaṇaṇ janeyya. Upari āruyha sakalarukkhāṇ paliveṭhetvā puna heṭṭhā bhassamānā bhūmiṇ gaṇheyyā ti attho. *Padāleyyā* ti evaṇ oghanaṇ katvā puna tato paṭṭhāya yāva mūlā otiṇṇasākhāhi abhiruyhamānā sabbasākhā paliveṭhentī matthakaṇ patvā ten' eva niyāmena puna orohitvā abhiruhitvā ca sakalaṇ rukkhāṇ sansibbitvā⁹ sabbasākhā heṭṭhā katvā sayāṇ upari

¹ B. sañcaritvā.

³ B. kusa-.

⁵ B. S. °ādisu.

⁷ B. S. vilambantī.

⁹ B. adds ajjhotṭharantī.

² B. S. patite vimānaṇ.

⁴ B. S. -lāyana-.

⁶ B. S. Utṭhaheyyun.

⁸ B. S. Viṭapaṇ.

ṭhatvā vāte vā vāyante deve vā vassante padāleyya. Bhindeyyā ti attho; khānumattam eva tiṭṭheyya.

7. Tattha yaṇ sākhaṭṭhakavimānaṇ hoti, taṇ sākhasu bhijjamānāsu tattha tatth' eva bhijjitvā sabbasākhasu bhinnāsu sabbaṇ bhijjati. Rukkhaṭṭhakavimānaṇ pana yāva rukkhassa mūlamattam pi tiṭṭhati, tāva na nassati. Idaṇ pana vimānaṇ sākhaṭṭhakaṇ, tasmā sabbasākhasu bhinnāsu bhijjittha. Devatā puttake gahetvā khānuke ṭhitā paridevituṇ āradhā.

8. [308²²] *Tibbarāgaḷātiko* ti balavarāgasabhāvo. *Rāgaḷaṇ dukkhaṇ domanassaṇ paṭisaṇvedetī* ti tibbarāgaḷātikattā diṭṭha-diṭṭhe ārammaṇe nimittaṇ gaṇhati. Ath' assa ācariyupajjhāyā daṇḍakammaṇ āṇāpentī. So abhinhaṇ daṇḍakammaṇ karonto dukkhaṇ domanassaṇ paṭisaṇvedeti, na tv' eva vītikkamaṇ karoti. Tibbadosaḷātiko pi appamattaken' eva kuppati, daharasāmaṇerehi saddhiṇ hatthaparāmāsādīni karonto ca katheti. So pi daṇḍakammappaccayā dukkhaṇ domanassaṇ paṭisaṇvedeti. Mohaḷātiko pana idha kataṇ¹ ettha na sallakkheti, tāni tāni kiccāni virādheti. So pi daṇḍakammappaccayā dukkhaṇ domanassaṇ paṭisaṇvedeti. *Na tibbarāgaḷātiko* ti ādīni vuttapaṭipakkhanayena veditabbāni.

9. Kasmā pan' ettha koci tibbarāgādiḷātiko hoti, koci na tibbarāgādiḷātiko? Kammaniyāmena. Yassa hi kammāyūhanakkhaṇe lobho balavā hoti, alobho mando, adosā-mohā balavanto, dosamohā mandā, tassa mando alobho lobhaṇ pariyādātuṇ na sakkoti; adosāmohā pana balavanto dosamohe pariyādātuṇ sakkonti. Tasmā so tena kammena dinnapaṭisandhivasena nibbatto luddho hoti sukhasīlo, akkodhano paññavā vajirūpamaññaṇo.

10. Yassa pana kammāyūhanakkhaṇe lobhadosā balavanto honti, alobhādosā mandā, amoho balavā, moho mando, so purimanayen' eva luddho c' eva hoti duṭṭho ca, paññavā pana hoti vajirūpamaññaṇo; Dattābhayaṭṭhero² viya. Yassa kammāyūhanakkhaṇe lobhādosamohā balavanto honti itare mandā, so purimanayen' eva luddho c' eva hoti dandho ca,

¹ B. S. kataṇ vā katato, akataṇ vā akatato na.

² B. S. Dantābhaya°.

sīlako pana hoti akkodhano. Tathā yassa kammāyuhanakkhaṇe tayo pi lobhadosamohā balavanto honti, alobhādayo mandā, so purimanayen' eva luddho c' eva hoti duṭṭho ca mūlho ca.

11. Yassa pana kammāyūhanakkhaṇe alobha-dosamohā balavanto honti, itare mandā, so purimanayen' eva appakilesa hoti dibbārammaṇam pi disvā niccalo, duṭṭho ca pana hoti dandhapañño cā ti. Yassa kammāyūhanakkhaṇe alobhādosamohā balavanto honti, itare mandā, so purimanayen' eva aluddho c' eva hoti sīlako ca,¹ dandho² pana hoti. Tathā yassa kammāyūhanakkhaṇe alobhadosamohā balavanto honti, itare mandā, so purimanayen' eva aluddho c' eva hoti paññavā ca, duṭṭho pana hoti kodhano. Yassa pana kammāyūhanakkhaṇe tayo pi alobhādayo balavanto honti, lobhādayo mandā, so Mahā-Saṅgharakkhitatthero viya aluddho aduṭṭho paññavā ca hoti. Sesaṇ sabbattha uttānattham evā ti.

Cūḷu-Dhammasamādānasuttaṇ pañcamāṇ.

46.

[Mahā-Dhammasamādānasuttavaṇṇanā]

1. [309²¹] *Evam me suttaṇ ti Mahā-Dhammasamādānasuttaṇ. Tattha evaṇkāmā ti evaṇ-icchā. Evaṇchanda ti evaṇ-ajjhāsaya. Evaṇ-adhippāyū ti evaṇladdhikā. Tatrā ti tasmiṇ anitṭhavaddhane c' eva itṭhaparihāne ca.*

2. [309³¹] *Bhagavaṇmūlakā ti Bhagavā mūlaṇ etesaṇ ti Bhagavaṇmūlakā. Idaṇ vuttaṇ hoti: Ime, bhante, amhākaṇ dhammā pubbe Kassapa-Sammāsambuddhena uppāditā. Tasmiṇ parinibbute ekaṇ Buddhantaraṇ aṇño samaṇo vā brāhmaṇo vā ime dhamme uppādetuṇ samattho nāma nāhosi. Bhagavatā pana no ime dhammā uppāditā. Bhagavantaṇ hi nissāya mayaṇ ime dhamme ājānāma, paṭivijjhāma ti evaṇ Bhagavaṇmūlakā no, bhante, dhammā ti. Bhagavaṇnettikā ti Bhagavā hi dhammānaṇ netā vinetā anunetā,³*

¹ S. *adds* akkodhano.

² B. mūlho.

³ B. S. *adds* ti.

yathāsabhāvato pāṭiyekkaṇ pāṭiyekkaṇ nāmaṇ gahevā dassetā ti dhammā Bhagavaṇṇettikā nāma honti.

3. [310¹] *Bhagavaṇṇapaṭisaraṇā* ti catubhūmakadhammā¹ sabbaññutañānassa āpāthaṇ āgacchamānā Bhagavati paṭisaranti nāmā ti Bhagavaṇṇapaṭisaraṇā. Paṭisaranti ti osaranti, samosaranti. Api ca Mahābodhimaṇḍe nisinnassa Bhagavato paṭivedhavasena phasso āgacchati, ahaṇ, Bhagavā, kiṇṇāmo ti? Tvaṇ phusanaṭṭhena phasso nāma. Vedanā, saññā, sañkhārā, viññāṇaṇ āgacchati, ahaṇ, Bhagavā, kiṇṇāman ti? Tvaṇ vijānanaṭṭhena viññāṇaṇ nāmā ti. Evaṇ catubhūmakadhammānaṇ yathāsabhāvato pāṭiyekkaṇ pāṭiyekkaṇ nāmaṇ gaṇhanto Bhagavā dhamme paṭisarati ti pi Bhagavaṇṇapaṭisaraṇā. *Bhagavantuṇ yeva paṭibhātū* ti Bhagavato va etassa bhāsitaṇ attho upaṭṭhātu. Tumhe yeva no kathetvā dethā ti attho.

4. [310¹⁰] *Sevitabbe* ti nissayitabbe. *Bhajitabbe* ti upagantabbe. *Yathā tuṇ aviddasuno* ti yathā aviddasuno² bālassa andhaputhujjanassa. *Yathā tuṇ viddasuno* ti yathā viddasuno³ medhāvino paṇḍitassa.

5. [310³⁶] *Atthi, bhikkhave, dhammasamādānaṇ* ti, purimasutte paṭipāṭi-ākārena mātikā ṭhapitā. Idha pana yathā-dhammarasen' eva Satthā mātikaṇ ṭhapesi. Tattha *dhammasamādānaṇ* ti pānātipātādīnaṇ dhammānaṇ gahaṇaṇ. *Avijjāgato* ti avijjāya samannāgato. *Vijjāgato* ti vijjāya samannāgato paññavā.

6. [313³] *Sahāpi dukkhenā* ti ettha micchācāro, abhijjhā, micchādiṭṭhī ti ime tāva tayo pubbacetanāya ca aparacetanāya cā ti dvinnaṇ cetanānaṇ vasena dukkhavedanā honti, sannitṭhāpakacetanā pana sukkhasampayuttā vā upekkhā-sampayuttā vā hoti. Sesā pānātipātādayo satta tissannam pi cetanānaṇ vasena dukkhavedanā⁴ honti. Idaṇ sandhāya vuttaṇ: *Sahāpi dukkheṇa, sahāpi domanassenā* ti. Domanas-sam eva c' ettha dukkhaṇ ti veditabbaṇ; pariyetṭhiṇ vā āpajjantassa pubbabhāgaparabhāgesu kāyikadukkham⁵ pi vaṭṭati yeva.

¹ B. °bhūmakā; S. °bhūmika°.

² B. S. aviduno.

³ B. S. viduno.

⁴ C. *adds* va.

⁵ B. S. kāyikaṇ du°.

7. [313²⁸] *Sahāpi sukhenā* ti ettha pānātipāto, pharusa-vācā, byāpādo ti ime tāva tayo pubbacetanāya ca aparacetanāya cā ti dvinnan cetanānaṃ vasena sukhavedanā honti, sannitṭhāpakacetanā pana dukkhasampayuttā va hoti. Se-sā satta tissannam pi cetanānaṃ vasena sukhavedanā honti yeva. *Sahāpi somanassenā*¹ ti somanassam eva c' ettha sukhan ti veditabbaṃ; itṭhaphoṭṭhabbasamaṅgino vā pubba-bhāgaparabhāgesu kāyikasukham pi vaṭṭati yeva.

8. [314¹⁷] Tatiyadhammasamādāne idh' ekacco maccha-bandho vā hoti, māgaviko vā, pānūpaghātaṃ yeva nissāya jīvikaṃ kappeti. Tassa garuṭṭhāniyo bhikkhu akāmaka's' eva pānātipāte ādīnavaṃ pānātipātaviratiyā ca ānisaṃsaṃ kathetvā sikkhāpadaṃ deti. So gaṇhanto pi dukkhito domanassito va hutvā gaṇhati; aparabhāge katipāhaṃ vītināmetvā rakkhituṃ asakkonto pi dukkhito va hoti. Tassa pubbāparacetanā dukkhasahagatā va honti, sannitṭhāpakacetanā pana sukhāsahagatā vā upekkhāsahagatā vā. Evaṃ sabbattha attho veditabbo. Iti pubbabhāgaparabhāgacetanā va sandhāya idaṃ vuttaṃ: *Sahāpi dukkhena, sahāpi domanassenā* ti. Domanassam eva c' ettha dukkhan ti veditabbaṃ.

9. [315⁸] Catutthadhammasamādāne dasasu pi padesu tiesso pi pubbabhāgaparabhāga-sannitṭhāpakacetanā sukhāsampayuttā honti yeva. Taṃ sandhāya idaṃ vuttaṃ: *Sahāpi sukkena, sahāpi somanassenā* ti. Somanassam eva c' ettha sukhan ti veditabbaṃ.

10. [315³⁴] *Tittakālābū*² ti tittako alābu. *Visena saṃsattho* ti halāhalavisena saṃyutto missito luḷito. Nacchādes-sati ti na ruccissati, na tuṭṭhiṃ karissati. *Nigacchissasī* ti gamissasi. *Appatīsaṅkhā piveyyā* ti apaccavekkhitvā piveyya.

11. [316¹⁰] *Āpānīyakaṇso* ti āpānīyassa madhurapānakassa bharitakaṇso. *Vaṇṇasampanno* ti pānakavaṇṇādihi sampannakaṇso.³ Pakkhittūpacārana pana kaṇso⁴ evaṃ vutto.

¹ B. S. omit with ti.

² C. °lāpū.

³ B. °vaṇṇo. Kaṇse pakkhittapānakavasena pānaka-kaṇso pi evaṃ vutto.

⁴ S. sampannakaṇso.

Chādessatī ti taṇ hi halāhalavisaṇ yattha yattha pakkhit-taṇ hoti, tassa tass' eva rasaṇ deti. Tena vuttaṇ: *chādes-satī* ti.

12. [316²¹] *Pūtimuttan* ti muttam eva. Yathā hi manus-sattabhāvo suvaṇṇavaṇṇo pi pūtikāyo tv' eva, tadahujātā pi ca galocilatā pūtilatā tv' eva vuccati, evaṇ taṇkhaṇaṇ ga-hitaṇ taruṇam pi muttaṇ pūtimuttam eva. *Nānābhesajjehī* ti haritakāmalakādihi nānosadhehi. *Sukhī assā* ti sukhi arogo suvaṇṇavaṇṇo sukhito bhaveyya.

13. [316³⁵] *Dadhi ca madhu cā* ti suparisuddhaṇ dadhi ca madhuraṇ ca madhu. *Ekajjhaṇ saṇsaṭṭhaṇ* ti ekato katvā missitaṇ ālūṭitaṇ. *Tassa tan* ti tassa taṇ catumadhura-bhe-sajjaṇ pivato pi¹ ruceyya. Idaṇ ca yaṇ bhagandarasaṇ-saṭṭhaṇ² lohitaṇ pakkhandati, na tassa bhesajjaṇ; āhāraṇ thambhetvā maggaṇ avalaṇjaṇ karoti. Yaṇ pana pittaṇ-saṭṭhaṇ lohitaṇ, tass' etaṇ bhesajjaṇ, sītalakiriyaṇa pariyanta-bhūtaṇ.³

14. [317¹⁰] *Viddhe* ti ubbidhe. Meghavigamena dūri-bhūte ti attho. *Vigatavalāhake* ti apagatameghe. *Deve* ti ākāse. *Ākāsaḡataṇ tamagaṇ* ti ākāsaḡataṇ tamaṇ. *Pu-thusamaṇabrāhmaṇa-parappavāde* ti puthūnaṇ samaṇabrāhmaṇasaṇkhātānaṇ paresaṇ vāde. *Abhivihaccā* ti abhihantvā. *Bhāsate ca tapate ca virocati cā* ti saradakāle majjhantika-samaye ādicco va obhāsaṇ muṇcati, tapati, vijjotati ti.

15. Idaṇ pana suttaṇ devatānaṇ ativiya piyaṇ manāpaṇ. Tatr' idaṇ vatthu: Daḡkhiṇadisāyaṇ kira Hatthibhogajana-pade Paṇḡuravihāro⁴ nāma atthi. Tattha⁵ bhojanasālādvāre paṇḡurarukkhe⁶ adhivatthā devatā rattibhāge ekassa da-harassa sarabhaṇṇavasena⁷ idaṇ suttaṇ osārentassa sutvā sādhuḡaraṇ adāsi.

16. Daharo, ko eso ti āha. Ahaṇ, bhante, imasmiṇ rukkhe adhivatthā devatā ti. Devate, kasmiṇ pasannā 'si, kiṇ saddo udāhu sutte ti? Saddo nāma, bhante, yassa kassaci hoti yeva,

¹ B. S. omīti.

³ B. pariyatta°.

⁵ B. S. Tassa.

⁷ C. S. pada°.

² C. bhagandarasaṇ.

⁴ B. Saṇgara°; S. Paṇkura°.

⁶ B. saṇgara°; S. paṇkura°.

sutte pasannā 'mhi; Satthārā Jetavane nisiditvā kathitadivase ca ajja ca ekabyañjane¹ pi nānaṃ n' atthi ti.

17. Assosi tvaṃ, devate, Satthārā kathitadivase ti? Āma bhante. Kattha ñhitā assosi ti? Bhante, Jetavanaṃ gat' amhi²; mahesakkhāsu pana devatāsu āgacchantaṃsu tattha okāsaṃ alabhitvā idh' eva ñhatvā assosin ti. Ettha ñhitāya sakkā Sutthu saddo sotun ti. Tvaṃ pana, bhante, mayhaṃ saddaṃ suṇasi ti? Āma devate ti. Dakkhiṇakannapasse nisiditvā kathanakālo viya, bhante, hoti ti.

18. Kiṃ pana, devate, Satthu rūpaṃ passaṃsi ti? Satthā maṃ yeva oloketi ti maññamānā saṇṭhātuṃ na 'sakkomi, bhante ti. Visesaṃ pana nibbattetuṃ asakkhittha, devate ti? Devatā tatth' eva antaradhāyi. Taṃ divasaṃ kir' esa devaputto sotāpattiphale patitṭhito. Evam idaṃ suttaṃ devatānaṃ piyaṃ manāpaṃ. Sesaṃ sabbattha uttānattham evā ti.

Mahā-Dhammasamādānasuttaṃ chaṭṭhaṃ.

47.

[Vimaṃsakasuttavaṇṇanā]

1. [317²⁰] *Evam me sutan ti Vimaṃsakasuttaṃ.* Tattha *vimaṃsakenā* ti tayo vimaṃsakā: atthavimaṃsako, saṅkhāra-vimaṃsako, satthuvimaṃsako ti. Tesu, “Paṇḍitā h' āyaso, manussā vimaṃsakā” ti (S. iii. 6) ettha atthavimaṃsako āgato. “Yato kho, Ānanda, bhikkhu dhātukusalo ca hoti āyatana-kusalo ca hoti, paṭiccasamuppādakusalo ca hoti, ñhānāññānakusalo ca hoti, ettāvata kho, Ānanda, paṇḍito bhikkhu vimaṃsako ti alaṃ vacanāyā” ti (M. iii. 62) ettha saṅkhāra-vimaṃsako āgato. Imasmiṃ pana sutte satthuvimaṃsako adhippeto. *Cetopariyāyan* ti cittavāraṃ³ cittaparichedaṃ. *Samannesanā* ti esanā pariyesanā upaparikkhā. *Iti viññānāyā* ti evaṃ vijānanatthāya.

2. [318²¹] *Dvīsu dhammesu Tathāgato samannesitabbo* ti idha kalyāṇamittūpanissayaṃ dasseti. Mahā hi esa kalyāṇa-

¹ B. S. °byañjanena.

² B. ante patā 'mhi.

³ C. omits.

mittūpanissayo nāma. Tassa mahantabhāvo evaṇ veditabbo: Ekasmiṇ samaye āyasmā Ānando, upaḍḍhaṇ attano ānubhāvena hoti, upaḍḍhaṇ kalyānamittānubhāvenā ti cintetvā attano dhammatāya nicchetuṇ asakkonto Bhagavantāṇ upasaṅkamitvā pucchi: “Upaḍḍham idaṇ, bhante brahmacariyassa yadidaṇ kalyānamittatā, kalyānasahāyatā, kalyānasampavaṇkatā ” ti (S. v. 2).

3. Bhagavā āha: “Mā h’ evaṇ, Ānanda, avaca, mā h’ evaṇ, Ānanda, avaca. Sakalam eva h’ idaṇ, Ānanda, brahmacariyaṇ yadidaṇ kalyānamittatā, kalyānasahāyatā, kalyānasampavaṇkatā. Kalyānamittass’ etaṇ, Ānanda, bhikkhuno pāṭikaṅkhaṇ kalyānasahāyassa, kalyānasampavaṇkassa, ariyaṇ aṭṭhaṅgikaṇ maggaṇ bhāvēssati, ariyaṇ aṭṭhaṅgikaṇ maggaṇ bahulikarissati.¹ Kathaṇ c’ Ānanda, bhikkhu kalyānamitto—pe—ariyaṇ aṭṭhaṅgikaṇ maggaṇ bhāveti, ariyaṇ aṭṭhaṅgikaṇ maggaṇ bahulikaroti¹ ? Idh’ Ānanda, bhikkhu sammādiṭṭhiṇ bhāveti—pe—sammāsamādhin bhāveti vivekanissitaṇ—pe—Evaṇ kho, Ānanda, bhikkhu kalyānamitto—pe—bahulikaroti. Tad aminā p’ etaṇ, Ānanda, pariyāyena veditabbaṇ yathā sakalam ev² idaṇ brahmacariyaṇ yadidaṇ kalyānamittatā, kalyānasahāyatā, kalyānasampavaṇkatā. Mamaṇ hi, Ānanda, kalyānamittaṇ āgamma jātidhammā sattā jātiyā parimuccanti, jarādhammā sattā—pe—soka-parideva-dukkhadomanassupāyāsadhammā sattā sokapari-deva-dukkhadomanassupāyāsehi parimuccanti ” ti (S. v. 2).

4. Bhikkhūnaṇ bāhiraṅgasampattiṇ kathento pi āha: “Bāhiraṇ, bhikkhave, aṅgaṇ ti karitvā na aññaṇ ekaṅgaṇ pi samanupassāmi yaṇ evaṇ mahato atthāya saṇvattati, yathayidaṇ, bhikkhave, kalyānamittatā. Kalyānamittatā, bhikkhave, mahato atthāya saṇvattati ” ti (A. i. 17). Mahā-Cundassa kilesasallekhapaṭipadaṇ kathento pi, “Pare pāpamittā bhavissanti, mayam ettha kalyānamittā bhavissāmā ti sallekho karaṇiyo ” ti (M. i. 43) āha.

5. Meghiyattherassa vimuttiparipācaniyadhamme kathento pi, “Aparipakkāya, Meghiya, cetovimuttiyā pañca dhammā paripākāya saṇvattanti. Katame pañca ? Idha, Meghiya,

¹ C. °ti ti.² C. eva h’.

bhikkhu kalyāṇamitto hoti” ti (A. iv. 357) kalyāṇamittūpanissayam eva visesesi.

6. Piyaputtassa Rāhulatttherassa abhinhovādaṇ dento pi,

“Mitte bhajassu kalyāṇe pantaṇ ca sayanāsanaṇ
vivittaṇ appanigghosaṇ mattaññū hohi bhojane.

Civare piṇḍapāte ca paccaye sayanāsane

etesu taṇhaṇ mā ’kāsi mā lokaṇ punarāgamā” ti

(Sn. 338-9).

kalyāṇamittūpanissayam eva sabbapaṭhamāṇ kathesi.

7. Evaṇ mahā esa kalyāṇamittūpanissayo nāma. Idhāpi taṇ dassento Bhagavā, *dvīsu dhammesu Tathāgato samannesitabbo* ti desanaṇ ārabhi. Paṇḍito bhikkhu dvīsu dhammesu Tathāgataṇ esatu gavesatū ti attho.

8. Etena Bhagavā, ayaṇ mahājacco ti vā lakkhaṇasampanno ti vā, abhirūpo dessanīyo ti vā, abhiññāto abhilakkhito ti vā, imaṇ nissāyāhaṇ cīvarādayo paccaye labhissāmī ti vā, evaṇ cintetvā maṇ nissāya vasanakiccaṇ n’ atthi; yo pana evaṇ sallakkheti: pahoti me esa satthā hutvā satthukiccaṇ sādhetun ti, so maṇ bhajatū ti sīhanādaṇ nadi.¹ Buddhasīhanādo kira nām’ esa suttanto ti.

9. [318⁶] Idāni te dve dhamme dassento, *cakkhusotaviññeyyesū* ti āha. Tattha satthu kāyiko samācāro vīmaṇsa-kassa cakkhuviññeyyo dhammo nāma; vācasiko samācāro sotaviññeyyo dhammo nāma. Idāni tesu samannesitaḥbā-kāraṇ dassento, *ye saṅkiliṭṭhā* ti ādim āha. Tattha *saṅkiliṭṭhā* ti kilesasampayuttā. Te ca na cakkhusotaviññeyyā. Yathā pana udake calante vā bubbulake vā muñcante anto maccho atthī ti ñāyati,² evaṇ paṇātipātādini vā karontassa musāvādādini vā bhaṇantassa kāyavacīsamācāre disvā ca sutvā ca taṇ samutṭhāpakaṇ cittaṇ saṅkiliṭṭhan ti ñāyati. Tasmā evam āha. Saṅkiliṭṭhacittassa hi kāyavacīsamācārā pi saṅkiliṭṭhā yeva nāma. Na te Tathāgatassa saṇvijaṇtī ti te Tathāgatassa n’ atthi. Na upalabbhanti ti evaṇ jānāti ti attho. Natthitāy’ eva hi te na upalabbhanti, na paṭicchannatāya.

10. Tathā hi Bhagavā ekadivasaṇ imesu dhammesu bhik-

¹ B. S. nedati.

² B. S. viññāyati.

khusañghaṇ pavārento āha: “Handa dāni, bhikkhave, pavārayāmi vo, na ca me kiñci garahatha kāyikaṇ vā vācasikaṇ vā ti. Evaṇ vutte āyasmā Sāriputto utthāy’ āsanā ekaṇsaṇ uttarāsaṇṇaṇ karitvā yena Bhagavā ten’ añjaliṇ paṇāmetvā Bhagavantaṇ etad avoca: Na kho mayaṇ, bhante, Bhagavato kiñci garahāma kāyikaṇ vā vācasikaṇ vā. Bagavā hi, bhante anuppannassa maggassa uppādetā, asaṇjātassa maggassa saṇjanetā,¹ anakkhātassa maggassa akkhātā, maggaññū maggavidū maggakovido, maggānugā ca pana, bhante, etarahi sāvakā viharanti pacchāsamannāgatā” ti (S. i. 190-91). Evaṇ parisuddhā Tathāgatassa kāyavacīsamācārā.

11. Uttaro pi sudaṇ māṇavo, Tathāgatassa kāyavacīdvāre anārādhaniyaṇ kiñci passissāmi ti satta māse anubandhitvā likhāmattam pi na addasa. Manussabhūto vā esa Buddhābhūtassa kāyavacīdvāre kiṇ anārādhaniyaṇ passissati? Māro pi devaputto Bodhisattassa sato mahābhinnikkhamanato paṭṭhāya chabbassāni gavesamāno kiñci anārādhaniyaṇ nāddasa, antamaso cetoparivittakamattam pi. Māro kira² cintesi: Sac’ assa vitakkitamattam pi akusalaṇ passissāmi, tatth’ eva naṇ muddhani paharitvā pakkamissāmi ti. So chabbassāni adisvā Buddhābhūtam pi ekaṇ vassaṇ anubandhitvā kiñci vajjaṇ apassanto gamanasamaye vanditvā,³

“Mahāvīra mahāpaṇṇa iddhiyā yasasā jalaṇ sabbaverabhayaṭṭita pāde vandāmi Gotamā” ti

(S. i. 121)

gāthaṇ vatvā gato.

12. [318¹¹] *Vūṭimissā* ti kāle kaṇhā kāle sukkā ti evaṇ vomissakā. *Vodātā* ti parisuddhā nikkilesā. *Sanvijjantī* ti vodātā dhammā atthi upalabbhanti. Tathāgatassa hi parisuddhā kāyasamācārādayo. Ten’ āha: “Cattār’ imāni, bhikkhave, Tathāgatassa arakkheyyāni. Katamāni cattārī? Parisuddhakāyasamācāro, bhikkhave, Tathāgato, n’ atthi Tathāgatassa kāyaduccaritaṇ, yaṇ Tathāgato rakkheyya, mā me idaṇ paro aññāsī ti. Parisuddhavacīsamācāro . . . Parisuddhamanosamācāro . . . Parisuddhājivo, bhikkhave,

¹ B. S. saṇjānetā.

² B. S. omīti.

³ B. S. vandi.

Tathāgato, n' atthi Tathāgatassa micchā-ājīvo, yaṇ Tathāgato rakkheyya, mā me idaṇ paro aññāsī" ti (A. iv. 82).

13. [318²³] *Imaṇ kusalaṇ dhamman* ti imaṇ¹ ājivaṭṭhamakasiṇaṇ. Ayam āyasmā satthā kiṇ nu kho dīgharattaṇ samāpanno cirakālato² paṭṭhāya iminā samannāgato, udāhu ittarasamāpanno hiyyo vā pare vā paratare³ vā divase samāpanno ti evaṇ gavesatī⁴ ti attho.

14. Ekaccena hi ekasmiṇ ṭhāne vasantena bahuṇ micchā-jīvakammaṇ kataṇ hoti.⁵ Taṇ addhānātikkame paññāyati, pākaṇ hoti. So aññataṇ paccantagāmaṇ vā samuddatiraṇ vā gantvā paṇṇasālaṇ kāretvā āraññako viya hutvā viharati. Manussā sambhāvanaṇ uppādetvā tassa paṇite paccaye denti. Janapadavāsino bhikkhū tassa parihāraṇ disvā, atidappito vatāyaṇ āyasmā, ko nu kho eso ti parigaṇhantā, asukaṭṭhāne asukaṇ nāma micchājīvaṇ katvā pakkantabhikkhū ti ñatvā, na sakkā iminā saddhiṇ uposatho vā pavāraṇā vā kātun ti sannipatitvā dhammena samena ukkhepanīyādisu aññataṇ kammaṇ karonti. Evarūpāya paṭicchannapaṭipattiyā atthibhāvaṇ vā natthibhāvaṇ vā vimaṇṣāpetuṇ evam āha.

15. [318²⁵] *Evaṇ jānāti* ti dīgharattaṇ samāpanno na ittara-samāpanno ti jānāti. Anacchariyaṇ c' etaṇ yaṇ Tathāgatassa etarahi sabbaññutaṇ pattassa dīgharattaṇ ājivaṭṭhamakasiṇaṇ parisuddhaṇ bhaveyya, yassa Bodhisattakāle⁶ pi evaṇ ahosi.

16. Atite kira Gandhārarājā ca Vedeharājā ca dve pi sahāyakā hutvā kāmesu ādīnavaṇ disvā rajjāni puttānaṇ niyyātetvā isipabbajjaṇ pabbajitvā ekasmiṇ araññagāmake piṇḍāya caranti. Paccanto ca nāma dullabhaloṇo hoti. Te⁷ alonaṇ yāguṇ labhitvā ekissā sālāya nisīditvā pivanti. Antarantare manussā loṇacunṇaṇ āharitvā denti.

17. Ekadivasaṇ eko isissa⁸ paṇṇe pakkhipitvā loṇacunṇaṇ

¹ B. *adds* anavajjaṇ.

² B. S. aticira°.

³ B. parapare; S. parasuve.

⁴ B. S. gavesatū.

⁵ B. S. *omit*.

⁶ B. bodhicaraṇa°.

⁷ B. Tato.

⁸ B. Gandhārisissa; S. Vedehisissa.

adāsi. Vedeha-isi gahetvā upaḍḍhaṇ Gandhāra-isissa santike ṭhapetvā upaḍḍhaṇ attano santike ṭhapesi. Tato thokaṇ paribhuttāvesesakaṇ¹ disvā, mā idaṇ nassī ti paṇṇena veṭhetvā tiṇagahane ṭhapesi. Puna ekasmiṇ divase yāgupāna-kāle satiṇ katvā olokeno taṇ disvā Gandhāra-isiṇ upasaṇka-mitvā, ito thokaṇ gaṇhath' ācariyā ti āha. Kuto te laddhaṇ, Vedeha-isi ti ? Tasmiṇ divase paribhuttāvesesakaṇ mā nassī ti mayā ṭhapitan ti. Gandhāra-isi gahetuṇ na icchi²; taṇ³ alonakaṇ⁴ yeva yāguṇ pivitvā Vedehisiṇ avoca :

“ Hitvā gāmasahassāni paripuṇṇāni soḷasa
koṭṭhāgārāni phītāni sannidhiṇ dāni kubbasī ” ti
(Jā. iii. 367).

18. Vedehisi avoca: Tumhe rajjaṇ pahāya pabbajitā, idāni kasmā loṇacuṇṇamattasannidhikāraṇā pabbajjāya anucchavikaṇ na karoṭhā ti ? Kiṇ māya kataṇ, Vedehisī ti ? Atha naṇ āha:

“ Hitvā Gandhāravisaṇ pahūtadhanadhāniyaṇ
pasāsanāto nikkhanto idha dāni pasāsasī ” ti
(Jā. iii. 367).

Gandhāro āha:

“ Dhammaṇ bhaṇāmi bhaddante adhammo me na ruccati
dhammaṇ me bhaṇamānassa na pāpam upalippati ” ti
(Jā. iii. 367).

19. Vedeho āha:

“ Yena kenaci vaṇṇena paro labbhati ruppanaṇ
mahatthiyam pi ce vācaṇ na taṇ bhāseyya paṇḍito ” ti
(Jā. iii. 368).

Gandhāro āha:

“ Kāmaṇ ruppātu vā mā vā bhusaṇ vā vikiriyyatu
dhammaṇ me bhaṇamānassa⁵ na pāpam upalippati ” ti
(Jā. iii. 368).

20. Tato Vedehisi, yassa sakā pi buddhi n' atthi, ācariya-santike vinayam pi na sikkhati, so andhamahiso viya vane vicarati ti cintetvā āha:

¹ B. S. °sesaṇ.

² B. S. icchati.

³ B. S. omī.

⁴ C. alonikaṇ.

⁵ B. S. bhāsamānassa.

“No ce assa sakā buddhi vinayo vā susikkhito
vane andhamahiso va careyya bahuko jano.
Yasmā ca pan' idh' ekacce ācāramhi susikkhitā
tasmā vinitavinayā caranti susamāhitā ” ti

(Jā. iii. 368).

Evan ca pana vatvā vedeha-isi, ajānitvā mayā katan ti Gandhārisiṇ khamāpesi. Te ubho pi tapaṇ caritvā Brahmaloṇaṇ agamaṇsu. Evan Tathāgataṇa Bodhisattakāle pi digharattaṇa ājīvattṭhamakasiṇaṇ parisuddhaṇa ahoṇi.

21. [318²⁹] *Ñattaṇṇhāpanno ayam āyasmā bhikkhu yasaṇ patto* ti ayam āyasmā amhākaṇa satthā bhikkhu ñattaṇa paññātabhāvaṇa pākātabhāvaṇa ajjhāpanno nu kho, yasaṇ ca parivārasampattiṇa patto nu kho no ti. Tena c' assa ñattaṇṇhāpannabhāvena¹ yasaṇaṇṇissitabhāvena ca kiṇa ekacce ādinavā sandissanti, udāhu no ti evaṇa samannesatū ti dasseti. *Na tāva, bhikkhave* ti yāva bhikkhu rāja-rājamahāmattādisu abhiññātabhāvaṇa vā parivārasampattiṇa vā anāpanno² hoti, tāva ekacce mānātimānādayo ādinavā na saṇvijiṇanti; upasantūpasanto sotāpanno viya sakadāgāmī viya ca viharati. Ariyo nu kho puthujjano nu kho ti pi ñattaṇa na sakkā hoti.

22. [318³³] *Yato ca kho, bhikkhave* ti yathā pana idh' ekacco bhikkhu ñāto vā hoti parivārasampanno vā, tadā tiṇhena siṇgena gogaṇaṇa vijjhanto dutṭhagoṇo viya, migasaṇghaṇa abhimaddamāno dīpī viya ca añṇe bhikkhū tattha tattha vijjhanto agāravo asabhāgavutti aggapādena bhūmiṇa phusanto viya vicarati.

23. [318³⁶] Ekacco pana kulaputto yathā yathā ñāto hoti yasassī, tathā tathā phalabhārabharito viya sāli suṭṭhutaṇa onamati; rāja-rājamahāmattādisu upasaṇkamantesu akiṇcanabhāvaṇa paccavekkhitvā samaṇasaṇṇaṇa upatṭhāpetvā chinnavisaṇo usabho viya, caṇḍaladārako viya ca sorato nivāto nīcacitto ca³ hutvā bhikkhusaṇghassa c' eva sadevakassa lokassa hitāya sukhāya paṭipajjati. Evarūpaṇa paṭipattiṇa sandhāya, *nāssa idh' ekacce ādinavā* ti āha. Tathāgato pana aṭṭhasu lokadhammesu⁴ tādī. So hi lābhe pi tādī alābhe

¹ B. paññāta°; S. paññatta°.

³ B. S. omī.

² B. S. āpanno.

⁴ B. ṭhānesu.

pi tādi, yase pi tādi ayase pi tādi, nindāya pi tādi paṇṇāyā pi tādi, sukhe pi tādi dukkhe pi tādi. Tasmā sabbākāren' eva nāssa idh' ekacce ādinavā saṇvijjanti.

24. [319²] *Abhayūparato* ti abhayo hutvā uparato. Accantūparato satatūparato¹ ti attho. Na vā bhayena uparato ti pi abhayūparato. Cattāri hi bhayāni: kilesabhayaṇ, vaṭṭabhayaṇ, duggatibhayaṇ, upavādaabhayaṇ ti. Puthujjano catuhi pi bhayehi bhāyati; sekho tihi. Tesāṇ hi duggatibhayaṇ pahīnaṇ. Iti satta sekhā bhayūparatā, khīṇāsavo abhayūparato nāma. Tassa hi ekam pi bhayaṇ n' atthi. Paravāda-bhayaṇ n' atthi ti²? Parānuddayaṇ pana paṭicca. Mādisaṇ khīṇāsavaṇ paṭicca sattā mā nassantū ti upavādaṇ rakkhati.

25. Mūluppavāpi-vihāravāsītthero³ viya. Thero kira Mūluppavāpīgamaṇ piṇḍāya pāvīsi. Ath' assa upaṭṭhāka-kuladvāraṇ pattassa pattaṇ gahetvā thaṇḍilapīṭhakaṇ nisāya āsanaṇ paññāpesuṇ. Amaccadhītā taṇ yeva pīṭhakaṇ nissāya parabhaḡe⁴ nicataṇ āsanaṇ paññāpetvā nisīdi. Eko nevāsiko bhikkhu pacchā piṇḍāya pavīṭṭho dvāre ṭhatvā va olovento, thero amaccadhītārā saddhiṇ ekamañce nisinno ti sallakkhetvā, ayaṇ paṇsukūliko vihāre upasantūpasanto viya viharati, antogāme pana upaṭṭhāyikāhi saddhiṇ ekamañce nisīdati⁵ ti cintetvā, kiṇ nu kho mayā duddiṭṭhan ti punapunaṇ oloketvā tathāsaññi va⁶ hutvā pakkāmi.

26. Thero pi bhattakiccaṇ katvā vihāraṇ gantvā vasaṇṭṭhānaṇ pavisitvā dvāraṇ pidhāya nisīdi. Nevāsiko pi katabhattakicco vihāraṇ āgantvā,⁷ taṇ paṇsukūlikaṇ niggaṇhitvā vihārā nikkadḍhissāmī ti asaṇñatanihārena therassa vasaṇṭṭhānaṇ gantvā paribhoga-ghaṭato uluṇkena udakaṇ gahetvā mahāsaddaṇ karonto pāde dhovi. Thero, ko nu kho ayaṇ asaṇñatacāriko ti āvajjento sabbaṇ ṇatvā, ayaṇ mayi manaṇ padosetvā apāyūpago mā ahoṣi ti vehāsaṇ abbhugantvā kaṇṇikāmaṇḍalasamipe pallaṇkena nisīdi.

27. Nevāsiko duṭṭhākārena ghaṭikaṇ ukkhipitvā dvāraṇ vivaritvā anto pavīṭṭho therāṇ apassanto, heṭṭhāmañcaṇ

¹ C. *adds* nu kho.

² B. *adds* n' atthi.

³ B. Yasatthero.

⁴ B. S. parato.

⁵ B. S. nisīdi.

⁶ S. *omits*.

⁷ B. S. gantvā.

pavitṭho bhavissatī ti oloketvā tattha pi apassanto nikkhamitun ārabhi. Thero ukkāsi. Itaro uddhaṇ olokeno disvā adhivāsetun asakkonto evam āha: Āvuso paṇsukūlika, paṭirūpaṇ nu¹ te evaṇ ānubhāvasampannassa upaṭṭhāyikāya saddhiṇ ekamañce nisīditun ti. Bhante, pabbajitā nāma mātugāmena saddhiṇ na ekamañce nisīdanti, tumhehi pana duddiṭṭhaṇ etan ti. Evaṇ khīṇāsava parānukampāya² upavādaṇ rakkhanti.

28. [319⁴] *Khayā rāgassā* ti rāgassa khayen' eva vītārāgattā kāme na sevati,³ na paṭisañkhāya vāretvā ti. *Tañ ce ti* evaṇ Tathāgatassa kilesappahānaṇ ñatvā tattha tattha ṭhitanisinnakālādisu pi, catuparisamajjhe alaṅkatadhammasane nisīditvā pi, iti pi satthā vītārāgo vītadoso vītamoho vantakilesa pahīnamalo abbhā muttapuṇṇacando viya suparisuddho ti evaṇ Tathāgatassa kilesappahāne vaṇṇaṇ kathamānaṇ taṇ⁴ vīmaṇsakabhikkhuṇ pare evaṇ puccheyyun ce ti attho. *Ākāra* ti kāraṇā. *Anayā* ti anubuddhiyo.

29. [319¹²] *Saṅghe vā viharanto* ti app' ekadā aparicchinnassa⁵ bhikkhusaṅghassa majjhe viharanto. *Eko vā viharanto* ti, "Icchām' ahaṇ, bhikkhave, addhamāsaṇ paṭisalliyitun" (S. v. 320), "Temāsaṇ paṭisalliyitun" ti (S. v. 325) evaṇ paṭisallino⁶ c' eva Pārileyyakavanasande ca ekako viharanto.

30. [319¹³] *Sugatā* ti suṭṭhugatā, supaṭipannā kārakā yut-tappayuttā. Evarūpā pi hi ekacce bhikkhū atthi. *Duggatā* ti duṭṭhugatā, duppaṭipannā kāyadaḥhibahulā vissatṭhakammaṭṭhānā. Evarūpā pi ekacce atthi. *Gaṇam anusāsantī* ti gaṇabandhanena bandhā⁷ gaṇāīāmā gaṇabāhulikā hutvā gaṇaṇ pariharanti. Evarūpā pi ekacce atthi. Tesāṇ paṭipakkhabhūtā gaṇato nissatā visaṇsatthā vippayuttavihārino pi atthi. *Āmisesu sandissantī* ti āmisagiddhā āmisacakkhukā, catupaccaya-āmisattham eva āhiṇḍamānā āmisesu sandissanakā⁸ bhikkhū pi atthi. Āmisena anupalittā catuhi

¹ B. S. omī.

³ B. S. paṭisevati.

⁵ B. S. °chinnagaṇanassa.

⁶ B. S. paṭisallāne.

⁸ B. S. sandissamānaka°.

² B. S. °nuddayāya.

⁴ C. omīts.

⁷ C. baddhā.

paccayehi vinivaṭṭamānasā¹ abbhā muttacandasadisā hutvā viharamānā pi atthi.

31. [319¹⁵] *Nāyam āyasmā taṇ tena avajānāti* ti ayam āyasmā satthā tāya tāya paṭipattiyā taṇ taṇ puggalaṇ nāvajānāti. Ayaṇ supaṭipanno kārako, ayaṇ gaṇato nissaṭo visaṇsaṭṭho, ayaṇ āmisena anupalitto paccayehi vinivaṭṭamānasaso abbhā muttacando viyā ti evam assa gehasitavasena ussādanā pi n' atthi; ayaṇ duppaṭipanno akārako kāyadaḥhibahulo viassaṭṭhakammaṭṭhāno,² ayaṇ gaṇabandhanabaddho, ayaṇ āmisagiddho lolo āmisacakkhuko ti evam assa gehasitavasena apasādanā pi n' atthi ti attho. Iminā kiṇ kathitaṇ hoti? Tathāgatassa sattesu tādibhāvo kathito hoti. Ayaṇ hi,

“Vadhakassa Devadattassa corass' Aṅgulimālino

Dhanapālake Rāhule ca sabbesaṇ samako muni” ti

(cf. Miln. 410).

32. [319¹⁹] *Tatra, bhikkhave* ti tesu dvīsu vīmaṇsakesu yo cāyaṇ, ke pan' āyasmato ākāra ti pucchāya āgato gaṇṭhivīmaṇsako, yo ca, abhayūparato ayam āyasmā ti āgato mūlavīmaṇsako, tesu mūlavīmaṇsakena Tathāgato va uttariṇ paṭipucchitabbo. So hi pubbe parass' eva kathāya niṭṭhaṇgato. Paro ca nāma jānitvā pi katheyya, ajānitvā pi. Evam assa kathā bhūtā pi hoti, abhūtā pi. Tasmā parass' eva kathāya niṭṭhaṇ agantvā tato uttariṇ Tathāgato va pucchitabbo ti attho.

33. [319²¹] *Byākaramāno* ti ettha yasmā Tathāgatassa micchābyākaraṇaṇ nāma n' atthi, tasmā sammā micchā ti avatvā byākaramāno tv' eva vuttaṇ. *Etapatho 'ham asmi etagocarō* ti mayhaṇ ājivaṭṭhamakasiṇaṇ parisuddhaṇ, esa mayhaṇ patho, esa gocarō ti attho. *Etāpātho* ti pi pātho. Tass' attho: Mayhaṇ ājivaṭṭhamakasiṇaṇ parisuddhaṇ, svāhaṇ tassa parisuddhabhāvena vīmaṇsakassa bhikkhuno nānamukhe etāpātho evaṇ āpāthaṇ āgacchāmī ti vuttaṇ hoti. *No ca tena tammayo* ti tena pi cāhaṇ parisuddhena sīlena na tammayo, na satanho, Parisuddhasīlattā va nittanho 'ham asmī ti dipeti.

¹ B. vivitta°; S. vivaṭa°.

² C. °kammanato.

34. [319³⁴] *Uttaruttariṇ paṇītapanītan* ti *uttaruttariṇ* c' eva *paṇītapanītaṇ*¹ ca *katvā* *deseti*. *Kaṇhasukkasappaṭi-bhāgaṇ* ti *kaṇhaṇ* ca *sukkaṇ* ca *taṇ* ca *kho sappatibhāgaṇ* *savipākaṇ*² *katvā*, *kaṇhaṇ* *paṭibāhitvā* *sukkaṇ*, *sukkaṇ* *paṭi-bāhitvā* *kaṇhaṇ* ti *evaṇ* *sappatibhāgaṇ* *katvā* *kaṇhasukkaṇ* *deseti*. *Kaṇhaṇ* *desento* *pi* *ca* *sa-ussāhaṇ* *savipākaṇ* *deseti*. *Sukkaṇ* *desento* *pi* *sa-ussāhaṇ* *savipākaṇ* *deseti*.

35. [319³⁷] *Abhiññāya idh' ekaccaṇ dhammaṇ, dhammesu niṭṭhaṇ gacchati* ti *tasmiṇ* *desite* *dhamme* *ekaccaṇ* *paṭivedha-dhammaṇ* *abhiññāyatena* *abhiññātena* *paṭivedhadhammena* *desanādhhamme* *niṭṭhaṇ* *gacchati*. *Satthari pasīdati* ti *evaṇ* *dhamme* *niṭṭhaṇ* *gantvā* *bhiyyosomattāya*, *Sammāsambuddho Bhagavā* ti *Satthari* *pasīdati*. *Tena* *pana* *Bhagavatā* *yo* *dhammo* *akkhāto*, *so* *pi* *svākkhāto* *Bhagavatā* *dhammo* *niyyā-nikattā*, *yvāssa* *taṇ* *dhammaṇ* *paṭipanno*, *so* *supatipanno saṅgho*, *vaṇkādidosaarahitaṇ* *paṭipadaṇ* *paṭipannattā* ti *evaṇ* *Dhamma-Saṅghesu*³ *pi* *pasidati*. *Taṇ* *ce* ti *taṇ* *evaṇ* *pasan-naṇ* *tattha* *tattha* *tiṇṇaṇ* *Ratanānaṇ* *vaṇṇaṇ* *kathayantaṇ*⁴ *bhikkhuṇ*.

36. [320¹⁶] *Imehi ākārehi* ti *imehi* *satthuvīmaṇṣaṇakāra-ṇehi*. *Imehi* *padehi* ti *imehi* *akkharasampiṇḍanapadehi*. *Imehi* *byañjanehi* ti *imehi* *idha* *vutthehi* *akkharehi*. *Saddhā nivīṭṭhā* ti *okappanā* *patitṭhitā*. *Mūlajātā* ti *sotāpattimag-gavasena* *saṅjātamūlā*. *Sotāpattimaggo* *hi* *saddhāya* *mūlaṇ* *nāma*. *Ākāravatī* ti *kāraṇaṇ* *pariyesitvā* *gahitattā* *sakā-ranā*.⁵ *Dassanamūlikā* ti *sotāpattimaggamūlikā*. *So* *hi* *das-sanāna* ti *vuccati*. *Daḷhā* ti *thirā*. *Asaṇhāriyā* ti *harituṇ* *na* *sakkā*. *Samaṇena* *vā* ti *saṁitapāpasamaṇena* *vā*. *Brāhmaṇena* *vā* ti *bāhitapāpabrāhmaṇena* *vā*. *Devena* *vā* ti *upa-pattidevena* *vā*. *Mārena* *vā* ti *Vasavatti-Mārena* *vā*. *Sotā-pannassa* *hi* *Vasavatti-Mārenāpi* *saddhā* *asaṇhāriyā* *hoti*.

37. *Sūrambatṭhassa* *viya*. *So* *kira* *Satthu* *dhammade-sa-naṇ* *sutvā* *sotāpanno* *hutvā* *gehaṇ* *agamāsi*. *Atha* *Māro* *battiṇsavaralakkhana-paṭimaṇḍitaṇ* *Buddharūpaṇ* *māpetvā*

¹ B. paṇītataraṇ.

² B. savipakkhaṇ.

³ B. S. Dhamme Saṅghe.

⁴ B. S. kathentaṇ.

⁵ B. pakāravatī.

tassa gharadvāre t̥hatvā, Satthā āgato ti sāsanaṇ pahīni. Sūro cintesi: Ahaṇ idān' eva Satthu santikā dhammaṇ sutvā āgato, kiṇ nu kho bhavissatī ti upasaṇkamitvā Satthusaññāya vanditvā at̥thāsi. Māro āha: Ambat̥tha, yaṇ te mayā rūpaṇ aniccaṇ—pe—viññāṇaṇ aniccaṇ ti kathitaṇ, taṇ dukkathitaṇ. Anupadhāretvā hi¹ mayā evaṇ vuttaṇ. Tasmā tvaṇ rūpaṇ niccaṇ—pe—viññāṇaṇ niccaṇ ti gaṇhāhi ti.

38. Sūro cintesi: At̥thānam etaṇ, yaṇ Buddhā anupadhāretvā apaccakkhaṇ katvā kiñci katheyyuṇ. Addhā ayaṇ mayhaṇ vicchandaṇananatthaṇ² Māro āgato ti. Tato, na³ nu tvaṇ Māro ti āha. So musāvādaṇ kātuṇ nāsakkhi; āma Māro 'smī ti paṭijāni. Kasmā āgato 'sī ti? vutto⁴ tava saddhā-cālanatthan ti āha. Kaṇha pāpima, tvaṇ tāva eko tiṭṭha, tādīsāṇaṇ Mārāṇaṇ satam pi sahasam pi mama saddhaṇ cāletuṇ asaṇatthaṇ⁵; maggena āgatā saddhā nāma silā-paṭhaviyaṇ paṭiṭṭhita-Sineru viya acalā hoti; kiṇ tvaṇ etthā ti accharaṇ pahari. So t̥hātuṇ asakkonto tatth' ev' antaradhāyi.

39. [320²⁷] *Brahmunā vā* ti Brahmakāyikādisu aññatara-Brahmunā vā. *Kenaci vā lokasmin* ti ete samañādayo t̥hapetvā aññena pi kenaci vā lokasmiṇ harituṇ na sakkā. *Dhammasamannesanā* ti sabhāvasamannesanā. *Dhammatā susamanniṭṭho* ti dhammatāya susamanniṭṭho. Sabhāven' eva sut̥thu samannesito hoti ti attho. Sesaṇ sabbattha uttānattham evā ti.

Vimaṇsakasuttaṇ sattamaṇ.

48.

[*Kosambakasuttavaṇṇanā*]

1. [320²⁸] *Evam me sutaṇ* ti Kosambakasuttaṇ. Tattha *Kosambiyaṇ* ti evaṇnāmake nagare. Tassa kira⁶ nagarassa ārāmapokkharāṇi-ādisu tesu tesu t̥hānesu kosambaṇrukkhā va ussannā ahesuṇ, tasmā Kosambi ti saṇkhaṇ agamaṇsi.

¹ B. va sahasā mayā.

² B. vibādhanatthaṇ.

³ B. S. naṇ tvaṇ.

⁴ C. omits.

⁵ B. S. asaṇattho.

⁶ C. hi.

Kusumbassa nāma isino assamato avidūre māpitattā ti pi eke.

2. [320²⁷] *Ghositārāme* ti Ghositasetṭhinā kārite ārāme. Pubbe kira Addilaratṭhaṇ¹ nāma ahosi. Tato Kotūhalako nāma daliddo chātakahhayena saputtadāro Kedāraparicchinnā² ratṭhaṇ gacchanto puttaṇ vahituṇ asakkonto chaḍḍetvā agamāsi. Mātā nivattitvā taṇ gahetvā gatā. Te ekaṇ gopālakagāmaṇ pavisiṇsu. Gopālakānaṇ ca tadā bahu pāyāso paṭiyatto hoti. Tato pāyāsaṇ labhitvā bhuñjīsu.

3. Atha so puriso balavapāyāsaṇ³ bhutto⁴ jirāpetuṇ⁵ asakkonto rattibhāge kālaṇ katvā tatth' eva sunakhiyā kucchisimī paṭisandhiṇ gahetvā kukkuro jāto. So gopālakassa piyo ahosi manāpo. Gopālako ca Paccekabuddhaṇ upatṭhāsi. Paccekabuddho pi bhattakiccakāle⁶ kukkurassa ekaṇ piṇḍaṇ deti. So Paccekabuddhe sinehaṇ uppādetvā gopālakena saddhiṇ paṇṇasālam pi gacchati. So gopālake asannihite bhatavelāyaṇ sayam eva gantvā kālārocanatthaṇ paṇṇasālādvāre bhussati; antarāmagge pi caṇḍamige disvā bhussitvā palāpeti. So Paccekabuddhe mudukena cittena kālaṇ katvā devaloke nibbatti. Tatr' assa Ghosakadevaputto tv' eva nāmaṇ ahosi.

4. So devalokato cavitvā Kosambiyaṇ ekasmiṇ kulaghare nibbatti. Taṇ aputtako kira⁷ setṭhi tassa mātāpitunnaṇ dhaṇaṇ datvā puttaṇ katvā gahesi.⁸ Atha⁹ attano putṭe jāte sattakkhattuṇ ghātāpetuṇ¹⁰ upakkami. So puññavantaṭāya sattaṣu pi ṭhānesu maraṇaṇ appatvā avasāne ekāya setṭhidhīṭāya veyyattiyena laddhajīvito aparabhāge pitu accayaṇa setṭhiṭṭhānaṇ patvā¹¹ Ghositasetṭhī nāma jāto. Aññe pi Kosambiyaṇ Kukkuṭasetṭhī, Pāvārikasetṭhī ti dve setṭhino atthi. Iminā saddhiṇ tayo ahesuṇ.

¹ B. Andhila°; S. Adila°.

² B. *adds* subhikkhaṇ.

⁴ B. bhuñjitvā; S. bhuñjanto.

⁵ C. jiretuṇ.

⁷ B. S. *omit*.

⁹ B. *adds* so; S. kho.

¹¹ S. patto.

³ B. bahuta°; S. bahu°.

⁶ B. S. °kiccāvasāne.

⁸ B. S. aggaheṣi.

¹⁰ B. mārāpetuṇ.

5. Tena ca samayena tesañ sahāyakānañ seṭṭhīnañ kulūpa-gā¹ pañcasatā² isayo pabbatapāde vasiṇsu. Te kālena kālañ loṇambilasevanatthañ³ manussapathañ āgacchanti. Ath' ekasmiñ vāre gimhasamaye manussapathañ āgacchantā nirudakañ mahākantārañ atikkamitvā kantārapariyosāne mahantañ nigrodharukkhañ disvā cintesuṇ: Yādiso ayañ rukkho, addhā ettha mahesakkhāya devatāya bhavitabbañ; sādhu vat' assa, sace no pāṇiyañ vā paribhojanīyañ vā dadeyyā ti.

6. Devatā isīnañ ajjhāsayañ viditvā, imesañ saṅghaṇ karissāmī ti attano ānubhāvena viṭapantarato naṅgalasī-samattañ udakadhārañ pavattesi. Isigaṇo rajatakkhandhasa-disañ udakavatṭiñ disvā attano bhājanehi udakañ gahetvā paribhogañ katvā cintesi: Devatāya amhākañ paribhoga-udakañ dinnāñ; idañ pana agāmañ mahā-araññañ, sādhu vat' assa sace no āhāram pi dadeyyā ti. Devatā isīnañ upakappanavasena dībbaṇi yāgukhajjakādīni datvā santappesi.

7. Isayo cintayiṇsu: Devatāya amhākañ paribhoga-udakaṃ pi bhojanam pi sabbañ dinnāñ, sādhu vat' assa sace no attānañ dasseyyā ti. Devatā tesañ ajjhāsayañ viditvā upaḍḍhakāyañ dassesi. Te āhaṇsu: Devate, mahatī te sampatti. Kiṇ kammañ katvā imañ sampattiñ adhigatā 'sī ti? Bhante, nātimahantañ, parittakañ kammañ katvā ti. Upaḍḍha-uposathakammañ nissāya hi devatāya sā sampatti laddhā

8. Anāthapiṇḍikassa kira gehe ayañ devaputto kammakāro ahosi. Seṭṭhissa hi gehe uposathadivasesu antamaso dāsakammakāre upādāya sabbo jano uposathiko hoti. Ekadivasañ ayañ kammakāro ekako va pāto⁴ utthāya kammantañ gato. Mahāseṭṭhī nivāpañ labhanamanusse sallakkhento etass' ev' ekassa araṇṇagatabhāvañ ñatvā sāyamāsattāya nivāpañ adāsi. Bhattakārikā dāsi ekass' eva bhattaṇ pacitvā araṇṇato āgatassa bhattaṇ vadḍhetvā adāsi.

9. Kammakāro āha: Aññesu divasesu imasmiṇ kāle gehaṇ ekasaddaṇ hoti⁵; ajja ativiya sannisinnañ, kiṇ nu kho etan

¹ B. S. °pakā.² B. paññāsa.³ B. S. °natthāya.⁴ B. S. add va.⁵ B. S. ahosi.

ti? Tassa sā ācikkhi: Ajja imasmiṇ gehe sabbe manussā uposathikā; mahāseṭṭhī tuyh' ev' ekassa nivāpaṇ adāsī ti. Evaṇ ammā ti? Āma sāmī ti. Imasmiṇ kāle uposathaṇ samādinnaṣṣa uposathakammaṇ hoti, na ho ti ti mahāseṭṭhiṇ puccha ammā ti. Tāya gantvā pucchito mahāseṭṭhi āha: Sakala-uposathakammaṇ na hoti, upaddhakammaṇ pana hoti, uposathiko hotū ti.

10. Kammakāro bhattaṇ abhuñjitvā mukhaṇ vikkhāletvā uposathiko hutvā vasaṇaṭṭhānaṇ gantvā nipajji. Tassa āhāraparikkhīnakāyassa rattiṇ vāto kuppi. So paccūsasamaye kālaṇ katvā upaddhuposathakammanissandena Mahāvattaṇi-aṭavidvāre¹ nigrodharukkhe devaputto hutvā nibbatti.

11. So taṇ pavattiṇ isīnaṇ ārocesi. Isayo, tumhehi mayaṇ Buddho, Dhammo, Saṅgho ti assutaṇpubbaṇ sāvitaṇ,² uppanno nu kho loka Buddho ti? Āma bhante, uppanno ti. Idāni kuhiṇ vasatī ti? Sāvattiṇ nissāya Jetavane bhante ti. Isayo, tiṭṭhatha tāva tumhe, mayaṇ Satthāraṇ passissāmā ti haṭṭhatuṭṭhā nikkhamitvā anupubbena Kosambinagaraṇ pāpuniṇsu. Mahāseṭṭhino, isayo āgatā ti paccuggamaṇaṇ katvā, sve amhākaṇ bhikkhaṇ gaṇhatha, bhante ti niman-tetvā punadivase isigaṇassa mahādānaṇ adaṇsu.

12. Isayo bhutvā va gacchāmā ti āpucchiṇsu. Bhante, tumhe aññasmiṇ kāle ekam pi māsaṇ, dve pi tayo pi cattāro pi māse vasitvā va gacchatha, imasmiṇ pana vāre hiyyo āgantvā ajj' eva gacchāmā ti vadatha, kiṇ idan ti? Āma gahapatayo, Buddho loka uppanno; na kho pana sakkā jīvitantarāyo jā-nituṇ³; tena mayaṇ turitā gacchāmā ti. Tena hi bhante, mayam pi gacchāma, amhehi saddhiṇ yeva gacchathā ti. Tumhe agāriyā nāma mahājaṭā,⁴ tiṭṭhatha tumhe, mayaṇ puretaṇ gamissāmā ti nikkhamitvā ekaṭṭhāne dve pi divasāni avasitvā turitagamanen' eva Sāvattiṇ patvā Je-tavaṇavihāre Satthu santikam eva agamaṇsu; tattha⁵ ma-dhuradhammakathaṇ sutvā sabbe va pabbajitvā arahattaṇ pāpuṇṇsu.

¹ B. S. -aṭaviyaṇ.

² C. sāvītā.

³ B. vidituṇ.

⁴ S. °janā.

⁵ B. Satthu.

13. Te pi tayo setthino pañcahi pañcahi sakatasatehi sappi-madhu-phāṇitādīni c' eva paṭṭadukūlāni¹ ca ādāya Kosam-bito nikkhamitvā anupubbena Sāvattiṇ paṭvā Jetavana-sāmante khandhāvāraṇ bandhitvā Satthu santikaṇ gaṇtvā vanditvā paṭisanthāraṇ katvā ekam antaṇ nisīdiṇsu. Satthā tiṇṇam pi sahāyakānaṇ madhuradhammakathaṇ kathesi. Te balavasomanassajātā Satthāraṇ nimantetvā punadivase mahādānaṇ adaṇsu. Puna nimantetvā punadivase ti evaṇ addhamāsaṇ dānaṇ datvā, bhante,² amhākaṇ janapadaṇ āgamanāya paṭiññaṇ dethā ti pādamūle nipajjiṇsu. Bhagavā, suññāgāre kho, gahapatayo, Tathāgatā abhiramanti ti āha.

14. Ettāvataṇ paṭiññā dinnā nāma hoti ti gahapatayo sallak-khetvā, dinnā no Bhagavatā paṭiññā ti Dasabalaṇ vanditvā nikkhamitvā antarāmagge yojane yojane vihāraṇ kāretvā anupubbena Kosambiṇ paṭvā, loke Buddho uppanno ti ka-thayiṇsu. Tayo pi janā attano attano ārāme mahantaṇ dhanapariccāgaṇ katvā Bhagavato vasanattāya vihāre kārapayiṇsu. Tattha Kukkuṭasetthinaṇ kārito Kukkuṭārāmo nāma ahosi. Pāvārikasetthinaṇ ambavane kārito Pāvārikambavanaṇ nāma ahosi. Ghositena kārito Ghositārāmo nāma ahosi. Taṇ sandhāya vuttaṇ: Ghositasetthinaṇ kārite ārāme ti.

15. [320²⁸] *Bhaṇḍanaajātā* ti ādisu kalahassa pubbabhāgo bhaṇḍanaṇ nāma, taṇ jātaṇ etesan ti *bhaṇḍanaajātā*. Hattha-parāmāsādivasena matthakaṇ patto kalaho jāto etesan ti *kalahaajātā*. Viruddhavāḍabhūtaṇ vivādaṇ āpannā ti *vivādāpannā*. *Mukhasattihī* ti vācāsattihī. *Vitudentā* ti vijjhantā. *Te na c' eva aññamaññaṇ saññāpentī, na ca saññattiṇ upentī* ti te atthañ ca kāraṇaṇ ca dassetvā n' eva aññamaññaṇ jānāpentī.³ Sace pi saññāpetuṇ ārabhanti, tathā pi saññattiṇ na upentī, jānituṇ na icchantī ti attho. Nijjhattiyam pi es' eva nayo. Ettha ca *nijjhattī* ti saññattivevacanam ev' etaṇ.

16. Kasmā pan' ete² bhaṇḍanaajātā ahesun ti? Appamat-takena kāraṇena. Dve kira bhikkhū ekasmiṇ āvase vasanti, Vinayadharo ca Suttantiko ca. Tesu Suttantiko bhikkhu

¹ B. paṭṭunna°; S. paṭa°.

² B. S. omī.

³ C. sañjānāpentī.

ekadivasan vaccakuṭṭin pavitṭho ācamana-udakāvasesan bhā-jane ṭhapetvā va nikkhami. Vinayadharo pacchā pavitṭho taṇ udakan disvā nikkhamitvā taṇ bhikkhun pucchi: Āvuso, tāya idan udakan ṭhapitan ti? Ām' āvuso ti. Tvaṇ ettha āpattibhāvan na jānāsī ti? Āma na jānāmī ti. Hoti¹ āvuso, ettha āpatti ti. Sace hoti, desessāmī ti. Sace pana te, āvuso, asaṇcicca asatiyā katan, n' atthi te āpatti ti. So tassa āpattiyā anāpattiditṭhi ahosi.

17. Vinayadharo attano nissitakānaṇ, ayaṇ Suttantiko āpattiṇ āpajjamāno pi na jānāti ti ārocesi. Te tassa nissitake disvā, tumhākaṇ upajjhāyo āpattiṇ āpajjitvā pi āpattibhāvan na jānāti ti āhaṇsu. Te gantvā attano upajjhāyassa ārocesuṇ. So evam āha: Ayaṇ Vinayadharo pubbe anāpatti ti vatvā idāni āpatti ti vadati, musāvādī eso ti. Te gantvā, tumhākaṇ upajjhāyo musāvādī ti evaṇ añnamaññaṇ kalahaṇ vaḍḍha-yiṇsu. Taṇ sandhāy' etaṇ vuttaṇ.

18. [321³] *Bhagavantaṇ etad avocā* ti etaṇ, *idha, bhante, Kosambiyaṇ bhikkhū bhaṇḍana-jātā* ti ādivacanaṇ avoca. Tañ ca² n' eva piyakamyatāya, na bhedādhippāyena, atha kho atthakamyatāya, hitakamyatāya. Sāmaggikārako kir' esa bhikkhu. Tasmā 'ssa etad ahosi: Yathā ime bhikkhū vivādan āradhā, na sakkā mayā, nāpi aññena bhikkhunā samaggā katuṇ, app' eva nāma sadevaḷe loke aggapuggalo³ Bhagavā sayan vā gantvā attano vā santikaṇ pakkosāpetvā etesaṇ bhikkhūnaṇ khantimettāpaṭisaṇyuttaṇ sārāṇiyadhammadešanaṇ kathetvā sāmaggiṇ kareyyā ti atthakāmatāya hitakāmatāya gantvā avoca.

19. [322⁵] *Cha yime, bhikkhave, dhammā sārāṇīyā* ti heṭṭhā kalahabhaṇḍanavasena desanā āradhā, imasmiṇ ṭhāne cha sārāṇiyadhammā āgatā ti evam idan Kosambakasuttaṇ⁴ yathānusandhinā va gataṇ hoti. Tattha sārāṇīyā ti saritabbayuttā, addhāne atikkante pi na pamussitabbā. Yo te dhamme pūreti, taṇ sabrahmacāriṇaṇ piyaṇ karontī ti *piyakaraṇā*; garuṇ karontī ti *garukaraṇā*. *Saṅgahāyā* ti saṅgaṇhanatthāya. *Avivādāyā* ti avivadanatthāya. *Sāmaggiyā* ti

¹ B. S. Hotu.

³ B. S. appaṭi°.

² B. S. add kho.

⁴ S. Kosambika°.

samaggabhāvatthāya. *Ekibhāvāyā* ti ekabhāvatthāya, nin-nānākaranatthāya. *Scyavattantī* ti bhavanti. *Mettaṇ kāyakammaṇ* ti mettacittena kattabbaṇ kāyakammaṇ. Vacīkamma-manokammesu pi es' eva nayo.

20. Imāni pana¹ bhikkhūnaṇ vasena āgatāni, gihīsu pi labbhanti.² Bhikkhūnaṇ hi mettacittena ābhisamācārika-dhammapūraṇaṇ mettaṇ kāyakammaṇ nāma. Gihīnaṇ cetiyavandanatthāya bodhivandanatthāya saṅghanimantanatthāya gamanaṇ, gāmaṇ³ piṇḍāya pavitṭhe bhikkhū disvā paccuggamanaṇ pattapaṭiggahanaṇ āsanapaññāpanaṇ anugamanaṇ ti evam ādikaṇ mettaṇ kāyakammaṇ nāma.

21. Bhikkhūnaṇ mettacittena ācārapaññattisikkhāpanaṇ,⁴ kammaṭṭhānakathanaṇ, dhammadesanā, tepitakam pi Buddhavacanaṇ mettaṇ vacīkammaṇ nāma. Gihīnaṇ ca, cetiyavandanatthāya gacchāma, bodhivandanatthāya gacchāma, dhammasavanaṇ karissāma,⁵ dipamālāpupphapūjaṇ karissāma, tīni sucaritāni samādāya vattissāma, salākabhattādīni dassāma, vassāvāsikaṇ dassāma, ajja saṅghassa cattāro pac-caye dassāma, saṅghaṇ nimantetvā khādaniya-bhojanīyādīni saṇvidahatha, āsanāni paññāpetha, pāniyaṇ upatṭhapetha, saṅghaṇ paccuggantvā ānetha, paññattāsane nisīdāpetha,⁶ chandajātā ussāhajātā veyyāvaccaṇ karoṭhā ti ādikathana-kāle mettaṇ vacīkammaṇ nāma.

22. Bhikkhūnaṇ pāto va utthāya saṇirapaṭijaggana-cetiyaṇgaṇavattādīni katvā vivittāsane nisīditvā, imasmiṇ vi-hāre bhikkhū sukhī hontu averā abyāpajjhā ti cintanaṇ mettaṇ manokammaṇ nāma. Gihīnaṇ, ayyā sukhī hontu averā abyāpajjhā ti cintanaṇ mettaṇ manokammaṇ nāma.

23. [322^o] *Avi c' eva raḥo cā* ti sammukhā ca parammukhā ca. Tattha navakānaṇ cīvarakammādisu sahāyabhāvagamaṇaṇ sammukhā mettaṇ kāyakammaṇ nama. Therānaṇ pana pādadhovana-vijanadānādibhedam pi sabbaṇ sāmīcīkammaṇ sammukhā mettaṇ kāyakammaṇ nāma. Ubhayehi pi dunnikkhittānaṇ dārubhaṇḍādīnaṇ tesu avaññaṇ⁷ akatvā

¹ B. S. omit.

³ S. gocaragāmaṇ.

⁵ S. kāressāma. ⁶ B. S. °petvā.

² B. adds yeva.

⁴ B. S. °padaṇ.

⁷ B. S. avamaññaṇ.

attanā dunnikkhittānaṃ viya paṭisāmanaṃ parammukhā mettaṃ kāyakammaṃ nāma.

24. Devatthero, Tissatthero ti evaṃ paggayhavacanaṃ sammukhā mettaṃ vacīkammaṃ nāma. Vihāre asantaṃ pana paṭipucchantassa, kuhiṃ amhākaṃ Devatthero, kuhiṃ amhākaṃ Tissatthero, kadā nu kho āgamissatī ti evaṃ mamāyanta vacanaṃ parammukhā mettaṃ vacīkammaṃ nāma.

25. Mettasinehasiniddhāni pana nayanāni ummiletvā suppasannena mukhena olokanaṃ sammukhā mettaṃ manokammaṃ nāma. Devatthero, Tissatthero arogo hotu appābādho ti samannāharaṇaṃ parammukhā mettaṃ manokammaṃ nāma.

26. [322¹⁶] *Lābhā* ti cīvarādayo laddhappaccayā. *Dhammikā* ti kuhanādibhedaṃ micchājīvaṃ vajjetvā dhammena samena bhikkhācariyavattena uppannā. *Antamaso pattipariyāpannamattam pī* ti pacchimakoṭiyā patte pariyāpannaṃ pattassa antogataṃ dvattikaṭacchu-bhikkhāmattam pī. *Appaṭivibhattabhogī* ti ettha dve paṭivibhattāni¹ nāma: āmisapavibhattaṃ, puggalapāṭivibhattaṃ ca. Tattha, ettakaṃ dassāmi, ettakaṃ na dassāmi ti evaṃ cittaṃ vibhajanaṃ āmisapāṭivibhattaṃ nāma. Asukassa dassāmi asukassa na dassāmi ti evaṃ cittaṃ vibhajanaṃ pana puggalapāṭivibhattaṃ nāma. Tad ubhayam pī akatvā yo appaṭivibhattaṃ bhuñjati, ayaṃ appaṭivibhattabhogī nāma.

27. [322¹⁸] *Sīlavantehi sabrahmucārīhi sādjhāraṇabhogī* ti ettha sādjhāraṇabhogino idaṃ lakkhaṇaṃ: Yaṃ yaṃ paṇītaṃ labhati, taṃ taṃ n' eva lābhena lābhaṃ nijigijñsanamukhena gihīnaṃ deti, na attanā paribhuñjati; paṭiganhanto va, sañghena sādjhāraṇaṃ hotū ti gahetvā gaṇḍiṃ paharitvā paribhuñjitabbaṃ sañghasantakaṃ viya passati. Idaṃ pana sārāṇiyadhammaṃ ko pūreti, ko na pūreti ti? Dussīlo tāva na pūreti. Na hi tassa santakaṃ sīlavanto gaṇhanti. Pārisuddhasīlo pana vattaṃ akhaṇḍento-pūreti.

28. Tatr' idaṃ vattaṃ: Yo hi odissakaṃ katvā mātu vā pitu vā ācariyupajjhāyādīnaṃ vā deti, so dātabbaṃ detu,²

¹ C. *always* pavibhatta for paṭivibhatta.

² B. S. deti.

sārāṇiyadhammo pan' assa na hoti, palibodhajagganaṇ nāma hoti. Sārāṇiyadhammo hi muttapalibodhass' eva vaṭṭati. Tena pana odissakaṇ dentena gilāna-gilānupatṭhāka-āgantukagamikānañ c' eva navapabbajitassa ca saṅghātipattagahaṇaṇ ajānantassa dātabbaṇ. Etesaṇ datvā avasesaṇ therāsanato patṭhāya thokathokaṇ adatvā yo yattakaṇ gaṇhāti, tassa tattakaṇ dātabbaṇ. Avasiṭṭhe asati puna piṇḍāya caritvā therāsanato patṭhāya yaṇ yaṇ paṇītaṇ taṇ taṇ datvā sesaṇ bhuñjitabbaṇ. Silavantehī ti vacanato dussilassa adātum pi vaṭṭati.

29. Ayaṇ pana sārāṇiyadhammo asikkhitāya parisāya apūro hoti. Sikkhitāya hi parisāya yo aññato labhati, so na gaṇhāti; aññato alabhanto pi pamāṇayuttam eva gaṇhāti, na atirekaṇ.

30. Ayañ ca pana sārāṇiyadhammo evaṇ punappunaṇ piṇḍāya caritvā laddhaṇ laddhaṇ dentassāpi dvādasahi vassehi pūراتi, na tato oraṇ. Sace hi dvādasame vasse sārāṇiyadhammapūrako piṇḍapātapūraṇ pattan āsanasālāyaṇ ṭhapetvā nahāyituṇ gacchati; saṅghatthero ca, kass' eso patto,¹ sārāṇiyadhammapūrakassā ti vutte āharatha nan ti sabbaṇ piṇḍapātaṇ vicāretvā bhuñjitvā rittapattan ṭhapeti; atha so bhikkhu rittapattan disvā, mayhaṇ asesetvā va paribhuñjīṇsū ti domanassaṇ uppādeti, sārāṇiyadhammo bhijjati; puna dvādasā vassāni pūretabbo hoti. Titthiyaparivāsa-sadiso h' esa, sakiṇ khaṇḍajāte puna pūretabbo va. Yo pana, lābhā vata me suladdhaṇ vata me, yassa me pattagataṇ anāpucchā va sabrahmacārī paribhuñjantī ti somanassaṇ janeti, tassa punṇo nāma hoti.

31. Evaṇ pūritasārāṇiyadhammassa pana n' eva issā na macchariyaṇ hoti; manussānaṇ piyo hoti; sulabhapaccayo; pattagatam assa diyamānam pi na khiyati; bhājanīyabhaṇḍatṭhāne aggabhaṇḍaṇ labhati; bhaye vā chātake vā sampatte devatā ussukkaṇ āpajjanti.

32. Tatr' imāni vatthūni: Leṇagirivāsi² Tissatthero kira Mahāgirigāmaṇ³ upanissāya vasati. Paññāsamattā⁴ therā

¹ B. S. *add* ti.

² C. Loṇagiri°; S. Selāgiri°.

³ C. Mahākhira°.

⁴ B. S. Paññasa mahātherā.

Nāgadīpaṇ cetiyavandanatthaṇ gacchantā Girigāme piṇḍāya caritvā kiñci aladdhā nikkhamiṇsu. Thero pavisanto te disvā pucchi: Laddhaṇ, bhante ti? Carimh¹ āvuso ti. So aladdhabhāvaṇ ñatvā āha: Bhante, yāvāhaṇ āgacchāmi, tāva idh' eva hothā ti. Mayaṇ, āvuso, paññāsa janā, pattatemanamattam pi na labhimhā ti. Bhante, nevāsikā nāma paṭibalā honti, alabhantā pi bhikkhācāramaggasabhāvaṇ jānantī ti. Therā āgamiṇsu. Thero gāmaṇ pāvisi.

33. Dhuragehe yeva mahā-upāsikā khīrabhattaṇ sajjetvā therāṇ olokayamānā ṭhitā, therassa dvāraṇ sampattass' eva pattaṇ pūretvā adāsi. So taṇ ādāya therānaṇ santikaṇ gantvā, gaṇhatha, bhante ti saṅghattheraṇ āha. Thero, amhehi ettakehi kiñci na laddhaṇ, ayaṇ sīgham eva gahetvā āgato, kiṇ nu kho ti sesānaṇ mukhaṇ olokesi. Thero olokanākāren' eva ñatvā, bhante, dhammena samena laddho piṇḍapāto, nikkukkuccā gaṇhathā ti ādito, paṭṭhāya sabbesaṇ yāvadatthaṇ datvā attanā pi yāvadatthaṇ bhuñji.

34. Atha naṇ bhattakiccapariyosāne thero pucchi²: Kadā, āvuso, lokuttaradhammaṇ paṭivijjhī ti? N' atthi me bhante, lokuttaradhammo ti. Jhānalābhī 'si, āvuso ti? Etam pi, bhante, n' atthī ti. Na nu, āvuso, paṭihāriyaṇ ti? Sārāṇiyadhammo me, bhante, pūrito, tassa me pūritakālato paṭṭhāya sace bhikkhusahassaṇ³ hoti, pattagataṇ na khīyatī ti. Sādhu sādhu, sappurisa, anucchavikam idaṇ tuyhan⁴ ti. Idaṇ tāv' assa⁵ pattagataṇ na khīyatī ti ettha vatthu.

35. Ayam eva pana thero Cetiyapabbate giribhaṇḍamahāpūjāyaṇ dānatṭhānaṇ gantvā, imasmiṇ dāne kiṇ varabhaṇḍan ti, pucchi. Dve sātākā bhante ti. Ete mayhaṇ pāpūnisanti ti. Taṇ sutvā amacco rañño ārocesi: eko daharo evaṇ vadatī ti. Daharassa evaṇ cittaṇ, mahātherānaṇ pana sukhumasātākā vaṭṭanti ti vatvā, mahātherānaṇ dassāmi ti ṭhapesi. Tassa bhikkhusaṅghe paṭipāṭiyā ṭhite dentassa matthake ṭhapitā pi dve sātākā hatthaṇ nārohani; daharassa dānakāle pana hatthaṇ ārūḥā.

¹ B. S. Vicarimh'.

² B. S. therā pucchiṇsu.

⁴ S. tumhākan.

³ B. °satasaḥassaṇ.

⁵ B. omits.

36. So tassa hatthe ṭhapetvā amaccassa mukhaṇ oloketvā¹ daharaṇ nisīdāpetvā dānaṇ datvā saṅghaṇ vissajjetvā² daharassa santike nisīditvā, bhante, imaṇ dhammaṇ kadā paṭivijjhitthā ti āha. So pariyāyena pi asantaṇ avadanto, n' atthi mahaṇ, mahārāja, lokuttaradhammo ti āha. Na nu bhante, pubbe va³ avocutthā ti? Āma mahārāja, sārāṇiya-dhammapūraako ahaṇ, tassa me dhammassa pūritakālato paṭṭhāya bhājanīyaṭṭhāne aggabhaṇḍaṇ pāpunāti ti. Sādhū sādhū, bhante, anucchavikam idaṇ tumhākaṇ ti vanditvā⁴ pakkāmi. Idaṇ bhājanīyaṭṭhāne aggabhaṇḍaṇ pāpunāti ti ettha vatthu.

37. Caṇḍāla-Tissabhaye⁵ pana Bhātaragāma-vāsino Nāgatttheriyā anāroce tvā va palāyiṇsu.⁶ Therī paccūsasamaye, ativiya appanigghoso gāmo, upadhāretha tāvā ti daharabhikkhuniyo āha. Tā gantvā sabbesaṇ gatabhāvaṇ ñatvā āgama-theriyā ārocesuṇ. Sā sutvā, mā tumhe tesāṇ gatabhāvaṇ cintayittha, attano uddesa-paripucchā-yonisomanasikāresu yeva yogaṇ karoṭhā ti vatvā bhikkhācāra-velāyaṇ pārupitvā attadvādasamī⁷ gāmadvāre⁸ nigrodharukkhamūle aṭṭhāsi. Rukkhe adhi vatthā devatā dvādasannaṇ pi³ bhikkhunīnaṇ piṇḍapātaṇ datvā, ayye, aññattha mā gacchatha, niccaṇ idh' eva ethā ti āha.

38. Theriyā pana kaṇiṭṭhabhātā Nāgattthero nāma atthi. So, mahantaṇ bhayaṇ, na sakkā idha⁹ yāpetuṇ, paratīraṇ gamissāmī ti attadvādasamo va attano vasaṇaṭṭhānā nikkhanto, therīṇ disvā gamissāmī ti Bhātaragāmaṇ āgato. Therī, therā āgatā ti sūtvā tesāṇ santikaṇ gantvā, kiṇ ayyā ti pucchi. So taṇ pavattiṇ ācikkhi. Sā, ajja ekadivaṇ vihāre vasitvā sve gamissathā ti āha. Therā vihāraṇ agamaṇsu.¹⁰

39. Therī puna divase rukkhamūle piṇḍāya caritvā therāṇ upasaṅkamitvā, imaṇ piṇḍapātaṇ paribhuñjathā ti āha. Thero, vaṭṭissati therī ti vatvā tumhī aṭṭhāsi. Dhammiko tāta

¹ B. S. °kento.

³ B. S. *omit.*

⁵ C. Caṇḍālatiya°; B. Brāhmaṇa-Tissa°.

⁶ S. pakkamiṇsu. ⁷ B. S. °samā.

⁹ C. *omits.*

² B. S. °jitvā.

⁴ B. vatvā.

⁸ S. aṭavidvāre.

¹⁰ S. āgamiṇsu.

piṇḍapāto, kukkuccaṇ akatvā paribhuñjathā ti. Vattissati therī ti? Sā pattaṇ gahetvā ākāse khipi. Patto ākāse atṭhāsi. Thero, sattatālamatte ʈhitam pi bhikkhunibhattam eva, therī ti vatvā bhayaṇ nāma sabbakālaṇ¹ na hoti, bhaye vūpasante Ariyavaṇsaṇ kathayamāno, bho piṇḍapātika, bhikkhunibhattaṇ bhuñjitvā vītināmayitthā ti cittaṇa anuvadiyamāno santhambhituṇ na sakkhissāmi, appamattā hotha therīyo ti maggaṇ ārūhi.

40. Rukkhadevatā pi, sace thero theriyā hatthato piṇḍapātaṇ paribhuñjissati, na naṇ nivattessāmi, sace na paribhuñjissati, nivattessāmi ti cintayamānā ʈhatvā² therassa gamanaṇ disvā oruyha, pattaṇ bhante, dethā ti pattaṇ gahetvā theraṇ rukkhāmūlaṇ³ yeve ānetvā āsanaṇ paññāpetvā piṇḍapātaṇ datvā katabhattakiccaṇ paṭiññaṇ kāretvā dvādasa bhikkhuniyo, dvādasa ca bhikkhū satta vassāni upatṭhahi. Idaṇ, devatā ussukkaṇ āpajjanti ti ettha vatthu. Tatra hi therī sārāṇiyadhammapūrikā ahosi.

41. [322²⁰] *Akhaṇḍāni* ti ādisu yassa sattasu āpattikkhandhesu ādimhi vā ante vā sikkhāpadaṇ bhinnaṇ hoti, tassa sīlaṇ pariyaṇte chinnaśāṭako viya khaṇḍaṇ nāma. Yassa pana vemajjhe bhinnaṇ, tassa vemajjhe chiddasāṭako⁴ viya chiddaṇ nāma hoti. Yassa paṭipāṭiyā dve tīṇi bhinnāni, tassa piṭṭhiyaṇ vā kucchiyaṇ vā utṭhitena visabhāgavaṇṇena kālarattādinaṇ aṇṇataravaṇṇā gāvī viya sabalaṇ nāma hoti. Yassa antarantarā bhinnāni, tassa antarantarā visabhāgabinducitrā gāvī viya kammāsaṇ nāma hoti. Yassa pana sabbena sabbaṇ abhinnāni, tassa tāni sīlāni *akhaṇḍāni*, *acchiddāni*, *asabalāni*, *akammāsāni* nāma honti.

42. [322²¹] Tāni pan' etāni taṇhādāsabyato mocetvā bhujissabhāva-karaṇato *bhujissāni*; Buddhādihi viññūhi pasatthattā *viññūpasatthāni*; taṇhādittṭhihi aparāmatṭhattā, idaṇ nāma tvaṇ āpannapubbo ti kenaci parāmatṭhuṇ asakkuṇeyyattā ca *aparāmatṭhāni*; upacarasaṁādhin vā appanā-samādhin vā saṇvattayanti ti *saṁādhisaṇvattanikāni* ti vuccanti.

¹ B. S. °kāle.

² B. ʈhitā.

³ B. S. °mūle.

⁴ S. chinna°.

43. [322²³] *Sīlasāmaññagato viharatī* ti tesu tesu disābhā-
gesu viharantehi bhikkhūhi saddhiṃ samānabhāvūpagatasīlo
viharati. Sotāpannādīnaṃ hi sīlaṃ samuddantare pi devaloke
pi vasantānaṃ aññesaṃ sotāpannādīnaṃ sī'ena samānam eva
hoti; n' atthi maggasīle nānattaṃ. Taṃ sandhāy' etaṃ vuttaṃ.

44. [322²⁵] *Yā 'yaṇ dīṭṭhī* ti maggasampayuttā sammādiṭṭhi.
Ariyā ti niddosā. Niyyāti ti *niyyānikā*. *Takkarassā* ti yo
tathākārī hoti. *Dukkhaḥkhayāyā* ti sabbadukkhaḥkhayat-
thaṃ. *Dīṭṭhisāmaññagato* ti samānadīṭṭhibhāvaṃ upagato
hutvā viharati. *Aggaṇ* ti jettḥakaṃ. Sabbagopānasiyo sañ-
gaṇhāti ti *saṅgāhikaṃ*. Sabbagopānasīnaṃ saṅghātaṃ karotī ti
saṅghātaniyaṃ. Saṅghātanaṃ ti attho. *Yadidaṃ kūṭaṇ* ti yaṇ
etaṃ kūṭāgārakaṇṇikāsaṅghātaṃ¹ kūṭaṃ nāma. Pañcabhū-
makādīpāsādā hi kūṭabaddhā va tiṭṭhanti. Tasmiṃ patite
mattikaṃ ādiṃ katvā sabbe patanti. Tasmā evaṃ āha.
Evaṃ eva kho ti yathā kūṭaṃ kūṭāgārassa, evaṃ imesam pi²
sārāṇiyadhammānaṃ yā ayaṃ ariyā dīṭṭhi sā aggā ca saṅgā-
hikā ca saṅghātaniyā cā ti dattḥabbā.

45. [323³] *Kathaṇ ca, bhikkhave, yā 'yaṇ dīṭṭhī* ti ettha,
bhikkhave, yā ayaṃ sotāpattimaggadīṭṭhi ariyā niyyānikā
niyyāti takkarassa sammā dukkhaḥkhayāyā ti vuttā, sā
kathaṃ niyyāti, kena kārāṇena niyyāti ti attho. *Pariyuṭ-
ṭhitacitto va hotī* ti ettāvataṃ pi pariyuṭṭhitacitto yeva nāma
hotī ti attho. Esa nayo sabbattha. *Suppanñihitaṃ me mā-
nasā* ti mayhaṃ cittaṃ suṭṭhapitaṃ. *Saccānaṃ bodhāyā* ti
catunnaṃ saccānaṃ bodhatthāya. *Ariyaṇ* ti ādisu taṃ ṇānaṃ
yasmā ariyānaṃ hoti, na puthujjanānaṃ, tasmā ariyaṇ ti
vuttaṃ; yesaṃ pana lokuttaradhammo atthi, tesaṃ yeva hoti,
nāññesaṃ, tasmā *lokuttaraṇ* ti vuttaṃ; puthujjanānaṃ pana
abhāvato *asādhāraṇaṃ puthujjanehī* ti vuttaṃ. Esa nayo sab-
bavāresu.

46. [323²⁷] *Labhāmi paccattaṃ samathaṇ* ti attano citte
samathaṃ labhāmi ti attho. Nibbutiyam pi es' eva nayo
Ettha ca *samatho* ti ekaggatā. *Nibbutī* ti kilesavūpasamo.
Tathārūpāya dīṭṭhiyā ti evarūpāya sotāpattimaggadīṭṭhiyā.

47. [324⁵] *Dhammatāyā* ti³ sabhāvena. *Dhammatā esā* ti

¹ B. °saṅkhātaṃ.² B. S. omit.³ B. adds evaṃ.

sabhāvo esa. *Vuṭṭhānaṇ paññāyati* ti saṅghakammavasena vā desanāya vā vuṭṭhānaṇ dissati. Ariyasāvako hi āpattiṇ āpajjanto garukāpattisu kuṭikārasadisāṇ, lahukāpattisu ca sahasēyyādisadisāṇ acittakāpattiṇ yeva āpajjati; tam pi asaṅcicca; no saṅcicca; āpannaṇ na paṭicchādeti. Tasmā, *atha kho naṇ khippam evā* ti ādim āha.

48. [324¹³] *Daharo* ti taruṇo. *Kumāro* ti na mahallako. *Mando* ti cakkhusotādīnaṇ mandatāya mando. *Uttānaseyyako* ti atidaharatāya uttānaseyyo,¹ dakkhiṇena vā vāmena vā passena sayituṇ na sakkoti.² *Aṅgāraṇ akkamitvā* ti ito c' ito ca pasāritena hatthena vā pādena vā phusitvā. Evaṇ plusantānaṇ pana manussānaṇ na sīhaṇ hattho jhāyati. Tathā hi ekacce hatthena aṅgāraṇ gahetvā parivattayamānā dūram pi gacchanti. Daharassa pana hatthapādāsukhumālā honti. So phuṭṭhamatten' eva dayhamāno cīri ti saddaṇ karonto khippaṇ paṭisaṇharati. Tasmā idha daharo va dasito. Mahallako ca dayhanto³ adhiyāseti. Ayaṇ pana adhiyāsetuṇ na sakkoti. Tasmā pi⁴ daharo va dassito. *Desetī* ti āpattiṇ paṭiggāhake sabhāgapuggale sati ekam pi divasaṇ vā rattiṇ vā anadhiyāsetvā rattiṇ caturaṅge pi tame sabhāgabhikkhuno vasaṇaṭṭhānaṇ gantvā desetī yeva.

49. [324¹⁶] *Uccāvacānī* ti uccanicānī. *Kiṅkaraṇīyānī* ti, kiṇ karomī ti evaṇ vatvā kattabbakammānī. Tattha uccakammānī⁵ nāma, cīvarassa karaṇaṇ rajanaṇ, cetiye sudhākammaṇ, uposathāgāra-cetiyaḡhara-bodhigharesu kattabbakammaṇ ti evam ādini. Avacakammaṇ nāma pādadhovana-makkhanādi khuddakakammaṇ. Atha vā, cetiye sudhākammādi uccakammaṇ nāma. Tatth' eva kasāvasiṇcana⁶-udakadāna⁷-kocchakarāṇa⁸-nissēṇibandhanādi⁹ avacakammaṇ nāma. *Ussukkaṇ āpanno hotī* ti ussukkabhāvaṇ kattabbabhāvaṇ paṭipanno hoti. *Tibbāpekkhā*¹⁰ hoti ti balavapatthanā¹¹ hoti.

¹ B. S. °seyyako.

³ C. adds pi.

⁶ B. S. °pacana°.

⁸ B. S. °kuccha°.

¹⁰ B. S. °pekkho.

⁴ C. ca.

² B. sakkoti ti attho.

⁵ B. °kammaṇ.

⁷ B. S. -udakānāyana°.

⁹ B. -niyyāsa°.

¹¹ B. S. °no.

50. [324²⁹] *Thambañ¹ ca ālumpatī* ti tiṇaṇ ca ālumpamānā khādati. *Vacchakaṇ ca apacinatī²* ti vacchakaṇ ca apaloketi. Tarunavacchā hi gāvi araṇṇe ekato āgataṇ vacchakaṇ ekasmiṇ ṭhāne nipannaṇ pahāya dūraṇ na gacchati; vacchakassa āsannaṭṭhāne caramānā tiṇaṇ ālumpitvā gīvaṇ ukkhipitvā ekantaṇ vacchakam eka oloketi. Evam eva sotāpanno uccāvacāni kiṅkaraṇiyāni karonto tanninno va³ hoti asithilapūraako; tibbacchando bahalapatthano hutvā va karoti.

51. Tatr' idaṇ vatthu: Mahācetiye kira sudhākamme kayiramāne⁴ eko ariyasāvako ekena hatthena sudhābhājanaṇ, ekena kucchaṇ gahetvā, sudhākammaṇ karissāmī ti cetiyaṇṇaṇ ārūlho. Eko kāyadaḥhibahulo bhikkhu gantvā therassa santike atṭhāsi. Thero, aññasmiṇ sati papaṇco hoti ti tasmā ṭhānā aññaṇ ṭhānaṇ gato. So pi bhikkhu tatth' eva agamāsi. Thero puna aññaṇ ṭhānaṇ ti evaṇ tatiye⁵ ṭhāne āgataṇ, sappurisa, mahantaṇ cetiyaṇṇaṇ, kiṇ aññasmiṇ ṭhāne okāsaṇ na labhathā ti āha. Tadā⁶ itaro pakkāmī ti.

52. [325²] *Balatāya samannāgato* ti balena samannāgato. *Atthikatvā⁷* ti atthikabhāvaṇ katvā. Atthiko hutvā ti attho. *Manasikatvā* ti manasmiṇ karitvā. *Sabbacetaso⁸ samannāharitvā* ti appamattakam pi vikkhepaṇ akaronto sabbacittena⁹ samannāharitvā. *Ohitasoto* ti ṭhapitasoto. Ariyasāvaka hi piyadhammasavanā honti; na dhammasavanaggaṇ¹⁰ gantvā niddāyamānā vā¹¹ kenaci saddhiṇ sallapamānā vā vikkhittacittā vā nisīdanti; atha kho amataṇ paribhuñjantā viya atittā va honti dhammasavanena¹²; atha aruṇaṇ uggacchati. Tasmā evam āha.

53. [325²⁵] *Dhammatā susamannitṭhā hoti* ti sabhāvo suṭṭhu samannesito hoti. *Sotāpattiphalasacchikiriyaṇ* ti karaṇa-

¹ B. Dabbañ; S. Thambhañ.

² B. appacinātī; *text* apavīnati.

³ B. S. omī.

⁴ S. kariya°.

⁵ B. S. katipaya°.

⁶ B. S. Na.

⁷ B. atthiṇ°; S. atthi°.

⁸ B. S. sabbaṇ.

⁹ B. sakalaṇ ci°; S. sakala°.

¹⁰ S. dhammassavanaṇ.

¹¹ B. adds yena.

¹² B. S. dhammassavane and omī atha.

vacanaṇ. Sotâpattiphalasacchikataññānenā ti attho. *Evaṇ sattaṅgasamannāgato* ti evaṇ imehi sattahi mahāpaccavekkhana-ñāṇehi samannāgato.

54. Ayaṇ tāva ācariyānaṇ samānakathā. Lokuttaramaggo hi bahucittakkhaṇiko nāma n' atthi. Vitaṇḍavādi pana, ekacittakkhaṇiko nāma maggo n' atthi, "Evaṇ bhāveyya satta vassāni" ti (M. i. 62) hi vacanato satta pi vassāni maggabhāvanā hoti, kilesā pana lahuṇ chijjantā sattahi ñāṇehi chijjantī ti vadati. So, suttaṇ āharā ti vattabbo. Addhā aññaṇ¹ apassanto, "Idam assa paṭhamāṇ ñāṇaṇ adhi-gataṇ hoti . . . Idam assa dutiyaṇ ñāṇaṇ—pe—Idam assa sattamaṇ ñāṇaṇ adhi-gataṇ hoti" ti (M. i. 323-25) idam eva āharitvā dassessati.

55. Tato vattabbo: Kiṇ pan' idaṇ suttaṇ neyyatthaṇ, nītatthaṇ ti? Tato vakkhati: Nītatthaṇ ti, yathā suttaṇ tath' eva attho ti. So vattabbo: Dhammatā susamannitṭhā hoti sotâpattiphalasacchikiriyāyā ti ettha ko attho ti? Addhā sotâpattiphalasacchikiriyatthāyā ti vakkhati. Tato vattabbo²; Maggasamaṅgī phalaṇ sacchikaroti, phalasamaṅgī ti? Jananto, phalasamaṅgī sacchikaroti³ ti vakkhati.

56. Tato vattabbo: Evaṇ sattaṅgasamannāgato kho, bhikkhave, ariyasāvakō sotâpattiphalasamannāgato hoti ti idha⁴ maggaṇ abhāvetvā, maṇḍūko viya uppatitvā ariyasāvakō phalam eva gaṇhissati.⁵ Mā, suttaṇ me laddhaṇ ti yaṇ vā taṇ vā avaca. Paṇhaṇ vissajjenta nāma ācariyasantike vasitvā Buddhavacanaṇ uggaṇhitvā attharasaṇ vinditvā vattabbaṇ hoti.⁵ Imāni satta ñāṇāni ariyasāvakassa pacca-vekkhanaññānān' eva. Lokuttaramaggo bahucittakkhaṇiko nāma n' atthi, ekacittakkhaṇiko yevā ti saññāpetabbo. Sace sañjānāti, sañjānātu; no ce sañjānāti, gaccha, pāto va vi-hāraṇ pavisitvā yāguṇ pivāhī ti uyyojetabbo. Sesaṇ sabbattha uttānattham evā ti.

Kosambakasuttaṇ⁶ atṭhamāṇ.

¹ B. S. *add* suttaṇ.

² B. S. *pucchitabbo*.

³ S. phalaṇ sacchikaroti phalasamaṅgī.

⁴ C. *adds* te.

⁵ B. S. °ti ti.

⁶ B. S. *Kosambika*°.

49.

[*Brahmanimantanikasuttavaṇṇanā*]

1. [326¹] *Evam me sutan ti Brahmanimantanikaṇ.* Tattha *pāpakaṇ dīṭṭhigatan* ti lāmikā¹ sassatadiṭṭhi. *Idaṇ niccan* ti idaṇ saḥokāseṇa Brahmaṭṭhānaṇ aniccaṇ niccan ti vadati. Dhuvādiṇi tass' eva vevacanāni. Tattha *dhuvan* ti thiraṇ. *Sassatan* ti sadā vijjamānaṇ. *Kevalan* ti akhaṇḍaṇ sakalaṇ. *Acavanadhamman* ti acavanasabhāvaṇ.

2. [326²] *Idaṇ hi na jāyatī* ti ādisu, imasmiṇ ṭhāne koci jāyanako vā² miyanako vā³ upapajjanako vā n' atthī ti sandhāya vadati. *Ito ca pan' aññaṇ* ti ito saḥokāsakā Brahmaṭṭhānā uttariṇ aññaṇ nissaraṇaṇ nāma n' atthī ti evam assa thāmagatā sassatadiṭṭhi uppannā hoti. Evaṇvādī ca⁴ pana so, upari tisso jhānabhūmiyo, cattāro maggā, cattāri phalāni, nibbānaṇ ti sabbaṇ paṭibāhati. *Avijjāgato* ti avijjāya gato samannāgato aññāni andhabhūto. *Yatra hi nāma* ti yo nāma.

3. [326³³] *Atha kho, bhikkhave, Māro pāpimū* ti Māro kathaṇ Bhagavantaṇ addasa? So kira attano bhavane nisīditvā kālena kālaṇ Satthhāraṇ āvajjeti: ajja samaṇo Gotamo katarasmiṇ gāme vā nigame vā vasatī ti. Imasmiṇ pana kāle āvajjento, Ukkatṭhaṇ nissāya Subhagavane viharatī ti ñatvā, katṭha nu kho gato ti olokeno Brahmaloṇaṇ gacchantaṇ disvā, samano Gotamo Brahmaloṇaṇ gacchati, yāva tattha dhammakathaṇ kathetvā Brahmagaṇaṇ mama visayaṇ⁵ nātikkameti, tāva gantvā dhammadesanāya vicchandaṇ karissāmi ti Satthupadānupadiko gantvā Brahmagaṇassa antare adissamānena kāyena atṭhāsi. So, Satthhārā Baka-Brahmā apasādito ti ñatvā Brahmuno upatthambho hutvā atṭhāsi. Tena vuttaṇ: *Atha kho, bhikkhave, Māro pāpimū* ti.

4. [326³³] *Brahmapārisajjaṇ anvāvisitvā* ti ekassa Brahmapārisajjassa sarīraṇ pavisitvā. Mahābrahmānaṇ⁶ Brahmapurohite⁷ vā anvāvisituṇ na sakkoti. *M' etam āsado* ti

¹ B. S. lāmakā.

² B. *adds* jīyanako vā; S. khiyyanako vā.

³ B. S. *add* cavanako vā.

⁴ B. *omits*.

⁵ B. S. visayā.

⁶ C. *adds* pana.

⁷ C. °purohitānaṇ.

mā etan apasādayittha. *Abhibhū* ti abhibhavitvā t̥hito, jetthako. *Anabhibhūto* ti aññehi anabhibhūto. *Aññadattū* ti ekaṇsavacane nipāto. Dassanavasena *daso*. Sabbaṇ passatī ti dīpeti. *Vasavattī* ti sabbaṇ janaṇ vasaṇ vatteti. *Issaro* ti lokissaro. *Kattā nimmātā* ti lokassa kattā ca nimmātā ca. Paṭhavi-Himavanta-Sineru-cakkavāḷamahāsamudda-candima-suriyā iminā nimmitā ti dīpeti.

5. [327²] *Settho sajjitā* ti ayaṇ lokassa uttamo ca sajjitā ca. Tvaṇ khattiyo nāma hohi, tvaṇ brāhmaṇo nāma,¹ vesso nāma, suddo nāma, gahaṭṭho nāma, pabbajito nāma, antamaso oṭṭho² hohi, goṇo hohī ti evaṇ sattānaṇ vissajjetā ayaṇ ti dasseti. *Vasī pitā bhūtabhavyānan* ti ayaṇ ciṇṇavasittā vasī, ayaṇ pitā bhūtānañ ca bhavyānañ cā ti vadati.

6. Tattha aṇḍaja-jalābujasattā anto-aṇḍakose³ c' eva⁴ anto-vatthimhi ca bhavyā nāma; bahi nikkhantakālato paṭṭhāya bhūtā. Saṇsedajā paṭhamacittakkhaṇe bhavyā; dutiyato paṭṭhāya bhūtā. Opapātikā paṭhama-iriyāpathe bhavyā; dutiyato paṭṭhāya bhūtā ti veditabbā. Te sabbe pi etassa puttā ti saññāya, *pitā bhūtabhavyānan* ti āha.

7. [327⁴] *Paṭhavigarahakā* ti yathā tvaṇ etarahi, aniccā dukkhā anattā ti paṭhaviṇ garahasi jigucchasi, evaṇ te pi⁵ paṭhavigarahakā ahesuṇ. Na kevalaṇ tvaṇ yevā ti dīpeti. *Āpogarahakā* ti ādisu pi es' eva nayo. *Hīne kāye patitthitā* ti catusu apāyesu nibbattā. *Paṭhavipasaṇsakā* ti yathā tvaṇ garahasi, evaṇ agarahitvā niccā dhuvā sassatā acchejjā abhejjā akkhayā ti evaṇ paṭhavipasaṇsakā. Paṭhaviyā vaṇṇavādino ahesuṇ ti vadati. *Paṭhavābhinandino* ti taṇhādiṭṭhivasena paṭhaviyā abhinandino. Sesapadesu pi es' eva nayo. *Paṇite kāye patitthitā* ti Brahmaloce nibbattā.

8. [327¹⁶] *Taṇ tāhan* ti tena kāraṇena taṇ ahaṇ. *Iṅghā* ti codanatthe nipāto. *Upātivattittho* ti atikkamittha. Upātivattito ti pi pātho. Ayam eva attho. Daṇḍena *paṭippaṇāmeyyā* ti catuhatthena muggaraḍaṇḍena pothetvā palāpeyya. *Narakappapāte* ti sataporise mahāsobbhe. *Virā-*

¹ C. *adds* tvaṇ.

² B. S. *add* pi.

³ C. -aṇḍake.

⁴ C. *omits* c' eva.

⁵ B. S. *pi* te.

dheyyā ti hatthena gahaṇayutte vā¹ pādena patitṭhānayutte vā ṭhāne gahaṇa-patitṭhānāni kātuṇ na sakkuṇeyya. *Na nu tvaṇ, bhikkhu, passasī* ti bhikkhu, na nu tvaṇ imaṇ Brahma-parisaṇ sannipatitaṇ obhāsamanāṇ virocamanāṇ² passasī ti? Brahmuno ovāde ṭhitānaṇ iddhānubhāvaṇ dasseti.

9. [327²⁶] *Iti kho maṇ, bhikkhave, Māro pāpimā Brahmiṇ parisāṇ upanesī* ti bhikkhave, Māro pāpimā, bhikkhu, na nu tvaṇ passasī Brahmiṇ parisāṇ yasena ca siriyā ca obhāsamanāṇ; yadi tvam pi Mahābrahmuno vacanaṇ anatikkamitvā yad eva te Brahmā vadati, taṇ kareyyāsi, tvam pi evam eva yasena ca siriyā ca viroceyyāsi ti evaṇ vadanto maṇ Brahmiṇ parisāṇ upanesi, upasaṇhari. *Mā tvaṇ maññittho* ti mā tvaṇ maññi. *Māro tvam asi pāpimā* ti tvaṇ mahājanassa mārāṇato Māro nāma, pāpakaṇ lāmaṇ mahājanassa ayaṇ karaṇato pāpimā nāmā ti tvaṇ jānāmi.

10. [328⁹] *Kasinaṇ āyun* ti sakalaṇ āyuṇ. *Te kho evaṇ jāneyyun* ti te evaṇ mahantena tapokammena samannāgatā. Tvaṇ pana purimadivase jāto kiṇ jānissasi, yassa te ajjāpi mukhe khīragandho vāyati ti ghaṭṭento vadati. *Paṭhaviṇ ajjhosissasī* ti paṭhaviṇ ajjhosāya gilitvā parinitṭhāpetvā taṇhā-māna-ditṭhihi gaṇhissasi. *Opasāyiko me bhavissasī* ti mayhaṇ samīpasayo bhavissasi. Maṇ gacchantaṇ anugacchissasi, ṭhitaṇ upaṭhassasi, nisinnaṇ upanīṣidissasi, nipannaṇ upanipajjissasi ti attho. *Vatthusāyiko* ti mama vatthusmiṇ sayanako. *Yathākāmakaraṇīyo bāhiteyyo* 'sī ti mayā attano ruciyaṇ yaṇ icchāmi taṇ kattaṇ, bāhitvā ca pana jajjhari-kāgumbato³ pi nīcataro lukaṇṭakataro kātaṇ bhavissasī ti attho.

11. Iminā esa Bhagavantaṇ upalāpeti vā apasādeti vā. Upalāpeti nāma, sace kho tvaṇ, bhikkhu, taṇhā-ditṭhihi paṭhaviṇ ajjhosissasi, opasāyiko me bhavissasi, mayi gacchante gamissasi, tiṭṭhante ṭhassasi, nisinne nīṣidissasi, nipanne nipajjissasi, ahaṇ taṇ sesajanaṇ paṭibāhetvā vissāsikaṇ abbhantari-

¹ C. ṭhāne.

² B. *adds* jotiyamānaṇ; S. jotamānaṇ.

³ B. jajjarikā^o; S. jhajjharikā^o.

kaṇ karissāmī ti evaṇ tāva upalāpeti nāma. Sesapadehi pana apasādeti nāma.

12. Ayaṇ c' ettha adhippāyo: Sace tvaṇ paṭhaviṇ ajjhosisasi vatthusāyiko me bhavissasi, mama gamanādini āgametvā gamissasi vā ṭhassasi vā nisīdissasi vā nipajjissasi vā, mama vatthusmiṇ mayhaṇ ārakkhaṇ gaṇhissasi, ahaṇ pana tvaṇ yathākāmaṇ karissāmī, bāhetvā ca jajjharikāgumbato pi lakunṭakataran ti evaṇ apasādeti nāma. Ayaṇ pana Brahmā mānanissito; tasmā idha apasādanā va adhippetā. Āpādisu pi es' eva nayo.

13. [328²⁴] *Api ca te ahaṇ, Brahme* ti idāni Bhagavā, ayaṇ pana Brahmā mānanissito ahaṇ jānāmī ti maññati, attano yasena matto sariraṇ phusitum pi samatthaṇ kañci na passati, thokaṇ niggahetuṇ vattati ti cintetvā imaṇ desanaṇ ārabhi. Tattha *gatiṇ ca pajānāmī* ti nipphattiṇ ca pajānāmī. *Jutiṇ cā* ti ānubhāvaṇ ca pajānāmī. *Evaṇ mahesakkho* ti evaṇ mahāyaso mahāparivāro.

14. [328³¹] *Yāvatā candimasuriyā pariharanti* ti yattake ṭhāne candimasuriyā vicaranti. *Disā bhunti virocana* ti disāsu virocamānā obhāsanti; disā vā tehi virocamānā obhāsanti. *Tāva sahasadhā loko* ti tattakena pamāṇena sahasadhā loko. Iminā cakkavāḷena saddhiṇ cakkavāḷasahasān ti attho. *Ettha te vattati vaso* ti ettha cakkavāḷasahasas tuyhaṇ vaso vattati.

15. [328³³] *Parovaraṇ ca jānāsī* ti ettha cakkavāḷasahasas parovare uccanīce hinapaṇite satte jānāsī. *Atho rūgavirāginan* ti, na kevalaṇ ayaṇ iddho ayaṇ pakatimanusso ti parovaraṇ, ayaṇ pana sarāgo ayaṇ vītarāgo¹ ti evaṇ rūgavirāginam pi janaṇ jānāsī. *Itthabhāvaññathābhāvan* ti itthabhāvo ti idaṇ cakkavāḷaṇ; aññathābhāvo ti ito sesaṇ ekūnasahasasāṇ. *Sattānaṇ āgatiṇ gatiṇ* ti ettha cakkavāḷasahasas paṭisandhiyasena sattānaṇ āgatiṇ, cutivasena gatiṇ ca jānāsī. Tuyhaṇ pana, atimahanto 'ham asmī ti saññā hoti; sahasā Brahmā nāma tvaṇ; aññesaṇ pana tayā uttariṇ dvisahasānaṇ tisaahasānaṇ catusahasānaṇ pañcasahasānaṇ dasasahasānaṇ satasahasānaṇ ca Brahmānaṇ pamāṇaṇ n' atthi; tvaṇ² catu-

¹ C. virāgo.

² B. S. omīti.

hatthāya pilotikāya paṭappamāṇaṇ¹ kātuṇ vāyamanto viya maḥanto 'smī ti saññaṇ karosī ti niggaṇhāti.

16. [329⁴] *Idhūpapanno* ti idha paṭhamajjhānabhūmiyaṇ upapanno. *Tena taṇ tvaṇ na jānāsī* ti tena kāraṇena taṇ kāyaṇ tvaṇ na jānāsī. *N' eva te samasamo* ti jānitabbaṭṭhānaṇ patvā pi tayā samasamo na homi. *Abhiññāyā* ti paññāya. *Kuto nīceyyaṇ* ti tayā nīcatarabhāvo pana mayhaṇ kuto.

17. Heṭṭhūpapattiko kir' esa Brahmā, anuppanne Bud-dhuppāde isipabbajjaṇ pabbajitvā kasiṇaparikammaṇ katvā samāpattiyo nibbattetvā aparihinajjhāno kālaṇ katvā catut-thajjhānabhūmiyaṇ Vehapphala-Brahmaloke pañcakappasa-tikaṇ āyuṇ gahetvā nibbatti. Tattha yāvatāyukaṇ ṭhatvā heṭṭhūpapattikaṇ² tatiyajjhānaṇ paṇitaṇ bhāvetvā Subha-kinṇa-Brahmaloke catusaṭṭhikappaṇ āyuṇ gahetvā nibbatti. Tattha dutiyajjhānaṇ bhāvetvā Ābhassare aṭṭha kappe āyuṇ gahetvā nibbatti. Tattha paṭhamajjhānaṇ bhāvetvā paṭha-majjhānabhūmiyaṇ kappāyuko hutvā nibbatti. So paṭha-makāle attanā katakammaṇ ca nibbattaṭṭhānaṇ ca aññāsī; kāle pana gacchante gacchante ubhayaṇ sammussitvā³ sassa-taditṭhiṇ uppādesi. Tena Bhagavā, *taṇ tvaṇ nu jānāsī*—*pe—kuto nīceyyaṇ* ti āha.

18. Atha Brahmā cintesi: Samaṇo Gotamo mayhaṇ āyuṇ ca nibbattaṭṭhānaṇ ca pubbe katakammaṇ ca jānāti, handa naṇ⁴ pubbe katakammaṇ pucchāmī ti Satthāraṇ attano pubbe katakammaṇ pucchi. Satthā kathesi.

19. Pubbe kir' esa kulaghare nibbattitvā kāmesu ādinavaṇ disvā, jātijarābyādhimaraṇassa⁵ antaṇ karissāmī ti nikkhamma isipabbajjaṇ pabbajitvā samāpattiyo nibbattetvā abhiññā-pāda-kajjhānalābhi hutvā Gaṅgātīre paṇṇasālaṇ kāretvā jhānaratiyā vītināmesi.

20. Tadā ca kālena kālaṇ satthavāhā pañcali sakaṭasatehi Marukantāraṇ paṭipajjanti. Marukantāre pana divā na sakkā gantuṇ; rattigamaṇaṇ hoti. Atha purimasakaṭassa aggayuge yuttabalivaddā gacchantā gacchantā nivattitvā āgatamaḡ-

¹ C. pariggahaṇaṇ.

² B. S. *add* katvā.

³ B. S. pamussitvā.

⁴ C. handāhaṇ.

⁵ B. S. *omit* °byādhi°.

gābhimukhā va ahesuṇ. Sabbasakaṭāṇi¹ tath' eva nivattiṇsu.² Aruṇe uggate nivattabhāvaṇ jāniṇsu. Tesaṇ ca tadā kantāraṇ atikkamanadivaso ahosi. Sabbaṇ dārūdakaṇ parikkhīṇaṇ. Tasmā, n' atthi dāni amhākaṇ jīvitān ti cintetvā goṇe cakkesu bandhitvā manussā sakaṭacchāyaṇ³ pavisitvā nipajjiṇsu.

21. Tāpaso pi kālāss' eva paṇṇasālato nikkhamitvā paṇṇasālādvāre nisinno Gaṇḍaṇ olokayamāno addasa Gaṇḍaṇ mahā-udakena⁴ pūrayamānaṇ⁵ pavatṭhitamaṇikkhandhaṇ viya āgacchantiṇ. Disvā cintesi: Atthi nu kho imaṣmiṇ loke evarūpassa madhurodakassa alābhena kilissamānā sattā ti? So evaṇ āvajjento Marukantāre taṇ satthaṇ disvā, ime sattā mā nassantū ti ito mahā⁶-udakakkhandho chijjitvā Marukantāre satthābhimukho gacchatū ti abhiññācittena adhiṭṭhāsi. Saha cittuppādena mātikārūḷhaṇ viya udakaṇ tattha agamāsi. Manussā udakasaddena utthāya udakaṇ disvā hatṭhatutthā nahāyitvā pivitvā goṇe pi pāyetvā sotthinā icchitatṭhānaṇ agamaṇsu.

22. Satthā taṇ Brahmuno pabbakammaṇ dassento,

“ Yaṇ tvaṇ apāyesi bahū manusse

pipāsīte ghammani samparete

taṇ te purāṇaṇ vata silavattaṇ

suttappabuddho va anussarāmī ” ti (S. i. 143)

imaṇ gātham āha.

23. Aparasmim pi samaye tāpaso Gaṇḍātīre paṇṇasālaṇ māpetvā araṇṇagāmaṇ⁷ nissāya vasati. Tena ca samayena corā taṇ gāmaṇ paharitvā hatthasāraṇ gahetvā gāviyo karamare⁸ ca gahetvā gacchanti. Gāviyo pi sunakhā pi manussā pi mahāviraṇ viravanti. Tāpaso taṇ saddaṇ sutvā, kiṇ no kho etān ti āvajjento, manussānaṇ bhayaṇ uppannaṇ ti ñatvā, mayi passante ime sattā mā nassantū ti

¹ B. Itara°; S. Itarāni sa°. ² B. S. nivattitvā.

³ B. °pacchāyāyaṇ; S. °chāyāyaṇ.

⁴ B. S. mahatā udakoghena. ⁵ B. vuyhamānaṇ.

⁶ B. mayā.

⁷ B. āraṇṇakaṇ gāmaṇ; S. āraṇṇakagāmaṇ.

⁸ B. caramare.

abhiññāpādakajjhānaṇ samāpajjitvā vuṭṭhāya abhiññācītena corānaṇ paṭipathe caturaṅginiṇ senaṇ mapesi kammaśaṇṇaṇ āgacchantiṇ. Corā disvā, rājā maññe āgato ti¹ vilopaṇ chaḍḍetvā pakkamiṇsu. Tāpaso, yaṇ yassa santakaṇ taṇ tass' eva hotū ti adhiṭṭhāsi. Taṇ tath' eva ahosi. Mahājano sotthibhāvaṇ pāpuṇi.

24. Satthā idam pi tassa pubbakammaṇ dassento,

“ Yaṇ Eṇikūlasmiṇ janaṇ gahitaṇ
amocayi gayhakanīyamānaṇ
taṇ te purāṇaṇ vata silavattaṇ
suttappabuddho va anussarāmi ” ti (S. i. 143)

imaṇ gātham āha. Tattha Eṇikūlasmin ti Gaṅgātīre.

25. Puna ekasmiṇ samaye upari-Gaṅgāvāsikaṇ kulaṇ heṭṭhā-Gaṅgāvāsikena saddhiṇ mittasanthavaṇ katvā nāvāsaṅghāṭaṇ bandhitvā bahuṇ khādaniya bhojaniyaṇ c' eva gandhamālādini ca āropetvā Gaṅgāsotena āgacchati. Manussā khādamānā bhuñjamānā naccantā gāyantā devamānena gacchantā viya balavasomanassā ahesuṇ. Gaṅgeyyako nāgo disvā kupito, ime mayi saññam pi na karonti, idāni te samuddam eva pāpessāmi ti mahantaṇ attabhāvaṇ māpetvā udakaṇ dvidhā bhinditvā utṭhāya phaṇaṇ katvā sussūkaraṇ karonto aṭṭhāsi. Mahājano disvā bhito vissaram akāsi.

26. Tāpaso paṇṇasālāya nisinno sutvā, ime gāyantā naccantā somanassaajātā āgacchanti, idāni pana bhayaravaṇ raviṇsu, kiṇ nu kho ti āvajjento nāgarājaṇ disvā, mayi passante² sattā mā nassantū ti abhiññāpādakaṇ jhānaṇ samāpajjitvā attabhāvaṇ vijahitvā supaṇṇavaṇṇaṇ māpetvā nāgarājassa dassesi. Nāgarājā bhito phaṇaṇ saṅharitvā udakaṇ pavitṭho. Mahājano sotthibhāvaṇ pāpuṇi.

27. Satthā idam pi tassa pubbakammaṇ dassento,

“ Gaṅgāya sotasmiṇ gahitaṇāvaṇ
luddena nāgena manussakamyā
amocayittha balasā pasayha
taṇ te purāṇaṇ vata silavattaṇ
suttappabuddho va anussarāmi ” ti (S. i. 143)

imaṇ gātham āha.

¹ B. S. rājā ti maññamānā.

² B. adds ime.

28. Aparasmim pi¹ samaye esa isipabbajjaṇ pabbajitvā Kesavo nāma tāpaso ahosi. Tena samayena amhākaṇ Bodhisatto Kappo nāma mānava Kesavassa baddhacaro ante-vāsiko hutvā ācariyassa kiṇkārapaṭissāvi manāpacārī bud-dhisampanno atthacaro ahosi. Kesavo tena² vinā vattitun nāsakkhi; taṇ nissāy' eva jīvikaṇ kappesi.

29. Satthā idam pi tassa pubbakammaṇ dassento,

“ Kappo ca te baddhacaro ahosi³
taṇ⁴ buddhimantaṇ vatinaṇ amaññi
taṇ te purāṇaṇ vata silavattaṇ
suttappabuddho va anussarāmī ” ti (S. i. 144)

imaṇ gātham āha.

30. Evaṇ Brahmuno nānattabhāvesu katakammaṇ Satthā pakāsesi. Satthari kathente yeva Brahmā sallakkhesi; dī-pasahassee ujālīte rūpāni viya sabbakammāni 'ssa pākātāni ahesuṇ. So pasannacitto imaṇ gātham āha:

“ Addhā pajānāsi mam' etam āyūṇ
aññaṃ pi jānāsi tathā hi Buddho
tathā hi tyāyaṇ jalitānubhāvo
obhāsayaṇ tiṭṭhati Brahmālokan ” ti (S. i. 144).

31. [329¹²] Ath' assa Bhagavā uttarim pi asamataṇ pakā-sento, *paṭhaviṇ kho ahaṇ, Brahme* ti ādim āha. Tattha *paṭha-viyā paṭhavittena*⁵. *ananubhūtan* ti paṭhaviyā paṭhavisabhā-vena na anubhūtaṇ, appattaṇ. Kiṇ pana tan ti? Nibbāṇaṇ. Taṇ hi sabbasmā⁶ saṅkhatā nissatattā paṭhavibhāvena ap-pattaṇ nāma. *Tad abhiññāyā* ti taṇ nibbāṇaṇ abhijānitvā sacchikatvā. *Paṭhaviṇ nāhosin* ti paṭhaviṇ taṇhā-ditṭhi-mānagāhehi na gaṇhiṇ. Āpādisu pi es' eva nayo. Vitthāro pana Mūlapariyāye vuttanāyena' eva veditabbo.

32. [329²⁸] *Sace kho te, mārisa, sabbassa sabbattenā* ti idam esa Brahmā attano vāditāya sabban ti akkharāṇ niddisitvā⁷ akkhare dosaṇ gaṇhanto āha. Satthā pana sakkāyaṇ sandhāya sabban ti vadati. Brahmā sabbasabbaṇ sandhāya,

¹ B. S. omī.

² B. S. taṇ.

³ B. S. ahosiṇ.

⁴ B. S. sam°.

⁵ B. S. paṭhavaṭṭhena.

⁶ S. sabba°.

⁷ S. dassetvā.

tvajā sabbaṇ ti vadasi, sabbattena ananubhūtaṇ ti vadasi, yadi sabbaṇ anubhūtaṇ¹ n' atthi, ath,² assa ananubhūtaṇ atthi, mā h' eva te rittakam eva ahosi, tucchakam eva ahosi ti tuyhaṇ vacanaṇ rittakaṇ mā hotu, tucchakaṇ mā hotū ti Satthāraṇ musāvādena niggaṇhāti.³

33. [329³⁰] Satthā pana etasmā Brahmunā sataguṇena sahaṣṣaguṇena vāditaro, tasmā, ahaṇ sabbaṇ ca vakkhāmi, ananubhūtaṇ ca vakkhāmi, suṇāhi me ti tassa vādamaddanattaṇ kāraṇaṇ āharanto, *viññānaṇ* ti ādim āha. Tattha *viññānaṇ* ti vijānitabbaṇ. *Anidassanaṇ* ti cakkhuviññānaṇsa āpāthaṇ anupagamanaṇto anidassanaṇ nāma. Padadvayaṇa pi nibbānaṇ eva vuttaṇ. *Anantaṇ* ti tayidaṇ uppādevaya-antarahitattā anantaṇ nāma. Vuttam pi h' etaṇ:

“Antavantāni bhūtāni asambhūtaṇ anantakaṇ abhūte antā⁴ na dissanti bhūte antā pakāsitā” ti ().

34. [329³¹] *Sabbatopabhaṇ* ti sabbato⁵ pabhāsaṇpannaṇ. Nibbānaṇto hi añño dhammo sappabhataro vā jotimattaro⁶ vā parisuddhataro vā paṇḍarataro vā n' atthi. Sabbato vā pabhūtaṇ eva na katthaci n' atthi ti sabbatopabhaṇ. Puratthimadisādisu hi asukadisāya nāma nibbānaṇ n' atthi ti na vattabbaṇ. Atha vā, *pubhaṇ* ti titthassa nāmaṇ. Sabbato pabhaṇ assā ti sabbatopabhaṇ. Nibbānaṇsa kira ya-thā mahāsamuddassa yato yato otaritukāmā honti taṇ tad eva titthaṇ; atitthaṇ nāma n' atthi. Evaṇ eva atṭhatiyaṇsa kammaṭṭhānesu yena yena mukhena nibbānaṇ osaritukāmā honti, taṇ tad eva titthaṇ nibbānaṇsa; atitthaṇ nāma kammaṭṭhānaṇ n' atthi. Tena vuttaṇ: *Sabbatopabhaṇ* ti.

35. [329³²] *Taṇ pathaviyā pathavillena* ti taṇ nibbānaṇ pathaviyā pathavisabhāvena, tato paresaṇ āpādiṇaṇ āpādisabhāvena ca ananubhūtaṇ. Iti yaṇ tumhādisānaṇ visaya-bhūtaṇ sabbaṇ tebhūmakadhammajātaṇ tassa sabbassa sabbattena⁷ taṇ viññānaṇ anidassanaṇ anantaṇ sabbatopabhaṇ ananubhūtaṇ ti vādaṇ patitṭhāpesi.

¹ B. S. ananubhūtaṇ.

² S. tassa.

³ B. S. °si.

⁴ B. S. bhūtā ante.

⁵ B. S. sabbaso.

⁶ B. S. jotivantataro.

⁷ B. S. sabbatṭhena.

36. [330²] Tato Brahmā gahitagahitaṇ Satthārā vissajjāpito kiñci gahetabbaṇ adisvā laḷitakaṇ¹ kātukāmo, *handā carahi te, mārīsa, antaradhāyāmī* ti āha. Tattha antaradhāyāmī ti adissamānaka-pāṭihāriyaṇ karomi. *Sace visahasī* ti yadi sakkosi mayhaṇ antaradhāyituṇ, antaradhāya, pāṭihāriyaṇ karohi.² *N' ev' assu me sakkoti antaradhāyitun* ti mayhaṇ antaradhāyituṇ n' eva sakkoti.

37. Kiṇ pan' esa kattukāmo ahosī ti? Mūlapaṭṭhisandhiṇ gantukāmo ahosi. Brahmānaṇ hi mūlapaṭṭhisandhi-attabhāvo sukhumo aññesaṇ anāpātho, abhisaṅkhatakāyen' eva tiṭṭhati. Satthā tassa mūlapaṭṭhisandhiṇ gantuṇ na adāsi. Mūlapaṭṭhisandhiṇ vā agantvā yena tamena attānaṇ ottharāpetvā³ adissamānako bhavēyya, Satthā taṇ tamaṇ vinodesi. Tasmā antaradhāyituṇ nāsakkhi.

38. So asakkonto vimāne niliyati, Kapparukkhe niliyati, ukkuṭiko nisīdati. Brahmagaṇo keḷiṇ akāsi: Esa kho Bako Brahmā vimāne niliyati, Kapparukkhe niliyati, ukkuṭiko nisīdati; Brahme, tvaṇ antarahito 'mhī ti saññaṇ uppādesi nāmā ti. So Brahmagaṇena uppaṇḍito mañku ahosi.

39. [330⁶] *Evaṇ vutte ahaṇ, bhikkhave* ti, bhikkhave, Bakena Brahmunā, *handā carahi te, mārīsa,*⁴ antaradhāyāmī ti evaṇ vutte taṇ antaradhāyituṇ asakkontaṇ disvā ahaṇ etad avocaṇ. *Imaṇ gāthaṇ abhāsin* ti kasmā Bhagavā gātham abhāsi? Samaṇassa Gotamassa imasmiṇ ṭhāne atthibhāvo vā natthibhāvo vā kathaṇ sakkā jānitun ti evaṇ Brahmagaṇassa vocanokāso mā hotū ti antarahito⁵ gātham abhāsi.

40. [330¹³] Tattha, *bhave vāhaṇ bhayaṇ disvā* ti ahaṇ bhave bhayaṇ disvā yeva. *Bhavañ ca vibhavesinaṇ* ti imaṇ ca kāmabhavādi-tividham pi sattabhayaṇ vibhavesinaṇ vibhayaṇ gavesamānaṇ pariyesamānam pi punappunaṇ bhave yeva disvā. *Bhayaṇ nābhivadin* ti taṇhā-ditṭhivasena kiñci bhayaṇ na abhivadiṇ. Na gahesiṇ⁶ ti attho. *Nandiñ ca na upādiyīn* ti bhavataṇhaṇ na upagañchiṇ. Na aggahesiṇ ti attho.

¹ B. nilitakaṇ; S. laddhigataṇ.

³ B. S. antaradhāpetvā.

⁵ B. adds va.

² B. S. °hī ti.

⁴ B. adds passa.

⁶ B. S. gavesin.

41. [330¹⁶] Iti cattāri saccāni pakāsento Satthā dhammaṇ¹ desesi. Desanāpariyosāne desanānutārena vipassanā gabbhaṇ gāhāpetvā dasamattāni Brahmasahassāni maggaphalāma-tapānaṇ piviṇsu. *Acchariyabbhuta citta jātā* ti acchariya jātā, abbhuta jātā, tuṭṭhi jātā ca ahesuṇ. *Samūlaṇ bhavaṇ udabbahī* ti Bodhimaṇḍe attano, tāya ca tāya ca desanāya aññesam pi bahunnaṇ devamanussānaṇ samūlakaṇ bhavaṇ udabbahi. Uddhari uppātesī ti attho.

42. [330²³] Tasmiṇ pana samaye Māro pāpimā kodhābhībhūto hutvā, mayi vicāraṇte² yeva samaṇena Gotamena dhammakathaṇ kathetvā dasamattāni Brahmasahassāni mama vasaṇ ativattitāni ti kodhābhībhūtātāya aññatarassa Brahmapārisajjassa sarīre adhimucci. Taṇ dassetuṇ, *atha kho, bhikkhave* ti ādim āha. Tattha, *sace tvaṇ evam anubuddho* ti sace tvaṇ evaṇ attanā va cattāri saccāni anubuddho. *Mā sāvake upanesī* ti gihisāvake vā pabbajitasāvake vā taṇ dhammaṇ mā upanaya.³ *Hīne kāye patitṭhitā* ti catusu apāyesu patitṭhitā. *Paṇīte kāye patitṭhitā* ti Brahmaloce patitṭhitā.

43. Idaṇ ke sandhāya vadati? Bāhirapabbajjaṇ pabbajite tāpasaparibbājake. Anuppanne hi Buddhuppāde kula-puttā tāpasapabbajjaṇ pabbajitvā kassaci kiñci avicāretvā ekacarā hutvā samāpattiyo nibbattetvā Brahmaloce uppaj-jiṇsu. Te sandhāya evam āha.

44. [331¹⁸] *Anakkhānaṇ*⁴ *kusalaṇ hi, mārisā* ti mārisa, paresaṇ anakkhānaṇ anovādanaṇ dhammakathāya akathanaṇ kusalaṇ, etaṇ seyyo. *Mā paraṇ ovaḍāhī* ti kālena manussalokaṇ, kālena devalokaṇ, kālena Brahmaloce, kālena nāgalokaṇ āhiṇḍanto mā vicari, ekasmiṇ ṭhāne nisinnō jhāna-magga-phalasukhena vitināmeḥi ti.

45. [331³¹] *Anālapanaṭṭāyā* ti anullapanatāya. *Brahmuno ca abhinimantanatāyā* ti Brahmuno ca, idaṇ hi, mārisa, niccaṇ ti ādinā nayena saḥokāsakena Brahmaṭṭhānena nimantana-vacanena. *Tasmā* ti tena kāraṇena. *Imassa veyyākaraṇassa Brahmanimantanikaṇ i' eva addivacanaṇ, saṅkhā samaññā paññatti jātā.* Sesāṇ sabbattha uttānattham evā ti.

Brahmanimantanikasuttaṇ navamaṇ.

¹ C. dhammadesanaṇ.

² C. repeats.

³ B. S. upanīyasi.

⁴ B. S. Anakkhātaṇ.

50.

[Māratajjanikasuttavannanā]

1. [332¹] *Evam me sutaṃ* ti Māratajjanikasuttaṃ.¹ Tattha *koṭṭham anupavittṭho* ti kucchiṃ pavisitvā antānaṃ anto anupavittṭho pakkāsayaṭṭhāne nisinno. *Gcruḡaru viyā* ti garukagaruko viya, thaddho pāsānapuñjasadiso. *Māsācitan maññe* ti māsabhattaṃ bhuttassa kucchi viya, māsapūritapasiḃbako viya, tintamāso viya cā ti attho. *Vihāraṃ pavisitvā* ti sace āhāradosena esa garubhāvo, ajjhokāse caṅkhamituṃ na sappāyaṃ ti caṅkamā orūhitvā paṇṇasālaṃ pavisitvā pakatipaññatte āsane nisīdi.

2. [332¹⁰] *Paccattaṃ yoniso manasikāsi* ti, kiṃ nu kho etan ti āvajjamāno attanā yeva upāyena manasi akāsi. Sace pana therō attano² sīlaṃ āvajjetvā, yaṃ hiyyo vā pare vā³ divase paribhuttaṃ avipakkaṃ atthi, añño vā koci visabhāgadoso, sabbaṃ jīratu, phāsukaṃ hotū ti hatthena kucchiṃ parāmasissa, Māro pāpimā viliyitvā agamissa. Therō pana tathā akatvā yoniso manasākāsi.

3. [332¹⁴] *Mā Tathāgataṃ vihesesī* ti yathā hi puttesu vihesitesu mātāpitaro vihesitā va honti, saddhivihārika-antevāsikesu vihesitesu ācariyupajjhāyā vihesitā va honti,² janapāde vihesite rājā vihesito va hoti, evaṃ Tathāgatasāvake vihesite Tathāgato vihesito va hoti. Ten' āha: *Mā Tathāgataṃ vihesesī* ti. *Paccaggaḷe atṭhāsi* ti paṭi-aggale atṭhāsi. Aggaḷaṃ vuccati kavāṭaṃ. Mukhena uggantvā paṇṇasālato nikkhamitvā bahipaṇṇasālāya kavāṭaṃ nissāya atṭhāsi ti attho.

4. [333⁷] *Bhūtapubbaṃ pāpimā* ti, kasmā imaṃ desanaṃ ārabhi? Therō kira cintesi: Ākāsaṭṭhakadevatānaṃ tāva manussagandho yojanasate tṭhitānaṃ ābādhaṃ karoti. Vuttaṃ h' etaṃ: "Yojanasatā⁴ kho, rājāñña, manussagandho deve ubbahati" ti (D. ii. 325). Ayaṃ pana Māro nāgarako⁵ paricokkho mahesakkho ānubhāvasampanno devarājā samaṇo mama kucchiṃ pavisitvā antānaṃ anto pakkāsayaṭṭhāne nisinno ativiya paduttṭho bhavissati. Evarūpaṃ nāma jeguc-

¹ S. °tājjanīya°.² B. S. omit.³ S. adds paratare vā.⁴ B. S. °sataṃ.⁵ B. S. nāgariko.

chaṇ paṭikkūlaṇ okāsaṇ pavisitvā nisīdituṇ sakkontassa kim aññaṇ akaraṇiyaṇ¹ bhavissati? Kim aññaṇ lajjissati? Tvaṇ mama ñātiko ti pana vutte mudubhāvaṇ anāpajjamāno nāma n' atthi. Hand' assa ñātikotiṇ² paṭivijjhāpetvā ma-duken' eva naṇ upāyena vissajjemī ti cintetvā imaṇ desanaṇ ārabhi.

5. [333⁸] *So me tvaṇ bhāgineyyo hosī* ti so tvaṇ tasmiṇ kāle mayhaṇ bhāgineyyo hosi. Idaṇ pavenivasena vuttaṇ. Devalokasmiṇ pana mayhaṇ³ pitu vaṇso pitāmahassa vaṇso ti rajjaṇ kārento nāma n' atthi. Puññavasena devaloke devarājā hutvā nibbatto yāvatāyukaṇ ṭhatvā cavati. Añño eko attanā katakammena⁴ tasmiṇ ṭhāne adhipati hutvā nibbattati. Iti ayaṇ Māro pi tadā tato cavitvā puna kusalaṇ katvā imasmiṇ kāle tasmiṇ adhipatiṭṭhāne nibbatto ti vedi-tabbo.

6. [333¹⁶] *Vidhuro Vidhuro*⁵ ti vigatadhuro vigatadhuro.⁵ Aññehi saddhiṇ asadiso ti attho. *Appakasirenā* ti appadukkhena. *Pasupālakā* ti ajeḷakapālakā. *Pathāvino* ti magga-paṭipannā. *Kāye upacinitvā* ti samantato citakaṇ bardhitvā. *Aggiṇ datvā pakkamiṇsū* ti, ettakena sarīraṇ pariyādānaṇ gamissatī ti citakassa pamāṇaṇ sallakkhetvā catusu disāsu aggiṇ datvā pakkamiṇsu. Citako padīpasikhā viya pajjali. Therassa udakaleṇaṇ pavisitvā nisinnakālo viya ahosi. *Cīvarāni papphotetvā* ti samāpattito vuṭṭhāya vigatadhūme kiṇsukavaṇṇe aṅgāre maddamāno cīvarāni vidhunitvā. Sarīre pan' assa usumamattam pi nāhasi. Cīvare aṇsumattam pi najjhāyi. Samāpattibalaṇ⁶ nām' etaṇ.

7. [334⁷] *Akkosathā* ti dasahi akkosavatthūhi akkosatha. *Paribhāsathā* ti vācāya paribhavatha. *Rosethā* ti ghaṭṭetha. *Vihesethā* ti dukkhāpetha. Sabbam etaṇ vācāya ghaṭṭanass' eva adhivacanaṇ. *Yathā taṇ Dūsī Māro* ti yathā etesaṇ Dūsī Māro. *Labhetha otāran* ti labhetha chiddaṇ. Kilesuppattiyā ārammaṇapaccayaṇ labheyyā ti attho.

8. [334¹⁶] *Munḍakā* ti ādisu, munḍe munḍā ti, samane ca

¹ B. S. karaṇiyaṇ.

³ B. S. Mārassa.

⁵ B. S. omī.

² C. ñātiko ti.

⁴ B. S. katena ka°.

⁶ B. S. °phalaṇ.

samanā ti vattuṇ vaṭṭeyya; ime pana hiḷentā, muṇḍakā samanākā ti āhaṇsu. *Ibbhā* ti gahapatikā. *Kinhā* ti kaṇhā. *Kālakā* ti attho. *Bandhupādāpaccā* ti ettha bandhū ti Brahmā adhippeto. Taṇ hi brāhmaṇā pitāmaho ti voharanti. Pā-dānaṇ apaccā pādāpaccā. Brahmuno piṭṭhipādato jātā ti adhippāyo. Tesāṇ kira ayaṇ laddhi: Brāhmaṇā Brahmuno mukhato nikkhantā; khattiyā urato; vessā nābhito; suddā jānuto; samanā piṭṭhipādato ti. *Jhāyino* 'smā¹ *jhāyino* 'smā ti jhāyino mayaṇ jhāyino mayan ti. *Madhurakaṇṭhā* ti ālasiyajātā. *Jhāyantī* ti cintayanti. *Pajjhāyantī* ti ādini upasaggavasena vaḍḍhitāni.

9. [334¹⁰] *Mūsikaṇ maggayamāno* ti sayāṇ gocarattthāya susirarukkato nikkhantaṇ rukkhasākhāya mūsikaṇ pari-yesanto. So kira upasantūpasanto viya niccalo tiṭṭhati; sampattakāle mūsikaṇ sahasā gaṇhati. *Kotthū* ti sigālo. Seno² ti pi vadanti. *Sandhi-samala-saṅkaṭṭhā* ti sandhimhi ca samale ca saṅkaṭṭhā ca. Tattha *sandhi* nāma gharasandhi. *Samalaṇ*³ nāma gūthaniddhamanapanāli.⁴ *Saṅkaṭṭhā* nāma saṅkāradhānaṇ.⁵ *Vahacchinno* ti kantārato nikkhanto chinnavaho. *Sandhi-samala-saṅkaṭṭhā* ti sandhimhi vā samale vā saṅkaṭṭhā vā. So pi hi thaddhagatto⁶ viya niccalo jhāyati.

10. [334³⁶] *Nirayāṇ upapajjantī* ti sace Māro manussānaṇ sarīre adhimuccitvā evaṇ kareyya, manussānaṇ akusalaṇ na bhaveyya, Mārass' eva bhaveyya. Sarīre pana anaḍhi-muccitvā visabhāgavatthuṇ visabhāgārammaṇaṇ dasseti. Tadā kira so, bhikkhū khipaṇ gahetvā macche ajjhottharante viya, jālaṇ gahetvā macche gaṇhante viya, lepayatṭhiṇ oḍḍetvā sakune bandhante viya, sunakhehi saddhiṇ araṇṇe migavaṇ carante viya, mātugāme gahetvā āpānabhūmiyaṇ nisinne viya, naccante viya, gāyante viya, bhikkhunīnaṇ rattitṭhāna-divatṭhānesu visabhāgamanusse nisinne viya tṭhite viya ca katvā dassesi.

11. Manussā araṇṇagatā pi vanagatā pi vihāragatā pi vippatīsārārammaṇaṇ passitvā āgantvā aññesaṇ kathenti:

¹ C. 'sma.

² B. S. samalo.

³ B. S. 'ṭhānaṇ.

⁴ B. S. Sono.

⁵ C. °pālikā.

⁶ B. bandha°.

Samaṇā evarūpaṇ assāmaṇakaṇ ananucchavikaṇ karonti; etesaṇ dinne kuto kusalaṇ, mā etesaṇ kiñci adatthā ti. Evaṇ te manussā ditṭhaditṭhatṭhāne silavante akkosantā apuññaṇ pasavitvā apāyapūrakā ahesuṇ. Tena vuttaṇ: *Nirayaṇ upapajjanā* ti.

12. [335²] *Anvāvitṭhā*¹ ti āvaṭṭitā. *Pharitvā vihariṇsū* ti na kevalaṇ pharitvā vihariṇsu, Kakusandhassa pana Bhagavato ovāde ṭhatvā ime cattāro brahmavihāre nibbattetvā jhāna-padaṭṭhānaṇ vipassanaṇ vaḍḍhetvā arahatte patitṭhahiṇsu.

13. [335³⁴] *Āgatiṇ vā gatiṇ vā* ti paṭisandhivasena āgama-naṭṭhānaṇ vā gatiवासena² gamanaṭṭhānaṇ vā na jānāmi. *Siyā cittaassa aññathattaṇ* ti somanassavasena aññathattaṇ bhaveyya. *Saggaṇ lokaṇ upapajjanā* ti idhāpi purimanayen' eva attho veditabbo.

14. Yathā hi pubbe vippaṭisāraṇaṇ³ ārammaṇaṇ dassesi,⁴ evaṇ idāni pasādarkaṇaṇ. So kira tadā manussānaṇ dassa-naṭṭhāne bhikkhū ākāseṇa gacchante viya ṭhite viya pallaṇkena nisinne viya, ākāse sūcikaṇaṇ karonte viya pottha-kaṇ vācente viya, ākāse cīvaraṇ pasāretvā kāyaṇ utuṇ gaṇhāpente viya, buddhapabbajite⁵ ākāseṇa carante viya, taru-ṇasāmaṇere ākāse ṭhatvā pupphāni ocinante viya katvā dassesi.

15. Manussā arañṇagatā pi vanagatā pi vihāragatā pi pabbajitānaṇ paṭipattiṇ passitvā āgantvā aññesaṇ kathenti: Bhikkhusu antamaso sāmaṇero pi evaṇ mahiddhiko mahā-nubhāvo; etesaṇ dinnāṇ mahapphalaṇ⁶ hoti; etesaṇ detha karoṭhā ti. Tato manussā bhikkhusaṅghaṇ catuhi paccayehi sakkarontā bahuṇ puññaṇ katvā saggapathapūrakā ahesuṇ. Tena vuttaṇ: *Saggaṇ lokaṇ upapajjanā* ti.

16. [336²²] *Etha tumhe, bhikkhave, asubhānupassī kāye viharathā* ti Bhagavā sakala-Jambudīpaṇ āhiṇḍanto, antamaso dvinnāṇ tiṇṇam pi bhikkhūnaṇ vasaṇaṭṭhānaṇ gantvā, "Asubhassaññā-paricitena, bhikkhave, bhikkhuno cetasaḥ bahulaṇ viharato methunadhammasamāpattiyā cittaṇ patilīyati paṭi-

¹ B. S. *Anvāvisitṭhā*.

² B. *cuti*°.

³ B. S. °rakaṇaṇ.

⁴ B. S. °ti.

⁵ B. *nava*°.

⁶ B. S. *add nāma*.

kuṭati paṭivattati, na sampasāriyati, upekkhā vā paṭikkūlatā¹ vā saṇṭhāti” (A. iv. 46-47). . . . “Āhāre paṭikkūlasaṇṇā-paricitenā, bhikkhave, bhikkhuno cetasā bahulaṇ viharato rasatanhāya cittaṇ patilīyati paṭikuṭati paṭivattati, na sampasāriyati, upekkhā vā paṭikkūlatā¹ vā saṇṭhāti” (A. iv. 49). . . . “Sabbaloke anabhiratasaṇṇā²-paricitenā, bhikkhave, bhikkhuno cetasā bahulaṇ viharato lokacittesu cittaṇ patilīyati paṭikuṭati paṭivattati, na sampasāriyati, upekkhā vā paṭikkūlatā¹ vā saṇṭhāti” (A. iv. 50). . . . “Aniccasaṇṇā-paricitenā, bhikkhave, bhikkhuno cetasā bahulaṇ viharato lābhasakkārasiloke cittaṇ patilīyati paṭikuṭati paṭivattati, na sampasāriyati, upekkhā vā paṭikkūlatā¹ vā saṇṭhāti” ti (A. iv. 51) ca³ evaṇ ānisaṇsaṇ dassetvā, *etha tumhe, bhikkhave, asubhānupassī kāye viharatha, āhāre paṭikkūlasaṇṇino, sabbaloke anabhiratasaṇṇino, sabbasaṇṅkhāresu aniccānupassino* ti imāni cattāri kammaṭṭhānāni kathesi.

17. Te pi bhikkhū imesu catūsu kammaṭṭhānesu kammaṇ karontā vipassanaṇ vaḍḍhetvā sabbāsāve khepetvā arahatte paṭiṭṭhahiṇsu. Imāni pi cattāri kammaṭṭhānāni rāgasantāni dosa-mohasantāni, rāgapaṭighātakāni⁴ dosa-mohapaṭighātākān⁴ evā⁵ ti.

18. [336³⁴] *Sakkharaṇ gahetvā* ti antomuṭṭhiyaṇ tiṭṭhana-pamāṇaṇ pāsāṇaṇ gahetvā. Ayaṇ hi brāhmaṇagahapatikehi bhikkhū akkosāpetvā pi, brāhmaṇagahapatikānaṇ vasaṇa bhikkhusaṇghassa lābhasakkāraṇ uppādetvā pi otāraṇ⁶ alabhanto idāni sahatthā upakkamitukāmo aññatarakumārakassa⁷ sarīre adhimuccitvā evarūpaṇ pāsāṇaṇ aggahesi. Taṇ sandhāya vuttaṇ: *Sakkharaṇ gahetvā* ti. *Sīsāṇ vobhindī* ti sīsāṇ bhindī. Mahācammaṇ chinditvā maṇsaṇ dvedhā ahoṣi. Sakkharā pana sīsakaṭāhaṇ abhinditvā aṭṭhiṇ āhacc’ eva nivattā.

19. [337³] *Nāgāpalokitaṇ apalokesī* ti mahāsaddaṇ sutvā yathā nāma hatthināgo ito vā etto vā apaloketukāmo gīvaṇ

¹ B. pāṭikūlyatā; S. pāṭikūlyatā.

² B. S. anabhirati°.

³ B. S. omī.

⁴ B. °ghātāni.

⁵ B. cā.

⁶ B. okāsaṇ.

⁷ B. S. aññatarassa ku°.

aparivattetvā sakalasarīren' eva nivattitvā apaloketi, evaṇ sakalasarīren' eva nivattitvā apalokesi. Yathā hi mahājānassa atthīni koṭiyā koṭiṇ āhacca tthitāni, Paccekabuddhānaṇ añkusalaggāni, na evaṇ Buddhānaṇ. Buddhānaṇ pana sañkhalikā viya ekābaddhāni hutvā tthitāni; tasmā pacchato apalokanakāle na sakkā hoti gīvaṇ parivattetuṇ; yathā pana hatthināgo pacchābhāgaṇ apaloketukāmo sakalasarīren' eva parivattati, evaṇ parivattitabbaṇ hoti. Tasmā Bhagavā yantena parivattitā suvaṇṇapaṭimā viya sakalasarīren' eva nivattitvā apalokesi.

20. [337^o] Apaloketvā tthito pana, *na vāyaṇ Dūsī Māro mattam aññāsī* ti āha. Tass' attho: Ayaṇ Dūsī Māro pāpaṇ karonto n' eva pamānaṇ aññāsī, pamānātikantaṇ akāsi. *Sahāpalokanāyā* ti Kakusandhassa Bhagavato apalokanena¹ saha, taṇkhaṇaṇ yeva. *Tamhā ca tthānā cavī* ti tamhā ca devatthānā cuto mahāniraye upapanno ti attho. Cavanāno ca² yattha katthaci agantvā³ Vasavattidevalokam eva āgantvā cuto. *Sahāpalokanāyā* ti ca vacanato na Bhagavatā⁴ apalokitattā cuto ti veditabbo. Cutikāladassanamattam eva h' etaṇ. Uḷāre pana mahāsāvake viraddhattā⁵ kuṭhāriyā pahaṇaṇ viy' assa⁶ āyu tatth' eva chijjitvā gatan ti veditabbaṇ.

21. [337^o] *Tayo nāmadheyyā hontī* ti tīni nāmāni hontī. *Chaphussāyatāniko* ti chasu phassāyatanesu pāṭiekkāya vedanāya paccayo. *Saṅkusamāhato* ti ayasūlehi samāhato. *Paccattavedaniyo* ti sayam eva vedanāya janako. *Saṅkunā, saṅku hadaye samāgaccheyyā* ti ayasūlena saddhiṇ ayasūlaṇ hadayamajjhe samāgaccheyya.

22. Tasmiṇ kira niraye upapannānaṇ tigāvuto attabhāvo hoti. Therassāpi tādiso ahosi. Ath' assa nirayapālā tālakhandhapamānānaṇ⁷ ayasūlānaṇ⁷ ādittānaṇ⁷ sampajalitānaṇ⁷ sajotibhūtānaṇ⁷ satam⁸ eva gaḥetvā, iminā te tthānena cin-

¹ B. S. °nen' eva.

² B. S. hi.

³ S. tthito cavati; tasmā Vasavattidevalokaṇ agantvā va cuto.

⁴ B. S. °to.

⁵ B. S. viruddhattā.

⁶ S. *adds* Mārassa.

⁷ B. S. °ni.

⁸ B. S. sayam.

tetvā pāpaṇ katan ti sudhādoniyaṇ sudhaṇ koṭṭentā viya hadayamajjhaṇ koṭṭetvā, paṇṇāsa janā pādābhimukhā, paṇṇāsa sisābhimukhā koṭṭentā gacchanti. Evaṇ gacchantā pañcahi vassasatehi ubho ante patvā puna nivattamānā pañcahi vassasatehi hadayamajjhaṇ āgacchanti. Taṇ sandhāy' etaṇ vuttaṇ.

23. [337¹⁴] *Vuṭṭhāniman* ti vipākavutṭhānavedanaṇ. Sā kira mahāniraye vedanato dukkhatarā hoti. Yathā hi sinehapānasattāhato parihārasattāhaṇ dukkaratarāṇ, evaṇ mahānirayato¹ Ussade vipākavutṭhānavedanā dukkaratarā ti vadanti. *Seyyathā pi macchassā* ti, purisasisaṇ hi vatṭaṇ hoti; sūlena paharantassa pahāro ṭhānaṇ na labhati, parigalati. Macchasisaṇ āyataṇ puthulaṇ; pahāro ṭhānaṇ labhati; avirajjhivā kammakāraṇā sukarā hoti. Tasmā evarūpaṇ sīsaṇ hoti.

24. [337¹⁰] *Vidhuraṇ sāvakaṃ āsajjā* ti Vidhuraṇ sāvakaṇ ghaṭṭayitvā. *Paccattavedanā* ti sayam eva pāṭiekkavedanā-janakā. *Īdiso nirayo āsī* ti imasmiṇ ṭhāne nirayo Devadūta-suttantena (M. iii. 178) dīpetabbo. *Kaṇha, dukkhaṇ nigacchasi* ti kālaka Māra, dukkhaṇ vindissasi.

25. [337²⁶] *Majjhe sarassā* ti mahāsamuddassa majjhe kira udakaṇ vatthūṇ katvā nibbatta-vimānāni kappatṭhiti-kāni honti. Tesāṇ veluriyassa viya vaṇṇo hoti. Pabbatamatthake jalita-naḷaggikkhandho viya ca nesaṇ acciyo jotanti, pabhassarā pabhāsampannā honti. Tesu vimānesu nīlabhedādivasena nānattavaṇṇā accharā naccanti. *Yo etam abhiñānāti* ti yo etaṇ vimānavatthūṇ jānāti tī attho. Evam ettha Vimāna-Petavatthuken' eva attho dīpetabbo.²

26. [337³¹] *Pādaṇḍutṭhena kampayī* ti idaṇ Pāsādakampanasuttana (S. v. 269) dīpetabbaṇ. *Yo Vejayantan* ti idaṇ Cūḷa-Taṇhāsaṅkhayavimuttisuttana (M. i. 251) dīpetabbaṇ. *Sakkaṇ so paripucchati* ti idam pi ten' eva dīpetabbaṇ.

27. [338⁸] *Sudhammāyaṇ abhito sabhaṇ* ti Sudhammāya sabhāya samīpe. Ayaṇ pana Brahmaloce Sudhammā sabhā va; na Tāvatiṇsabhavane. Sudhammasabhāviraḥito hi devaloko nāma n' atthi. *Brahmaloke pabhassaraṇ* ti

¹ B. S. °nirayadukkhato.

² B. veditabbo.

Brahmaloke Sāriputta-Mahā-Mogallāna-Mahā-Kassapādihi sāvakehi parivāritassa¹ tejodhātuṃ samāpajjitvā nisinnassa Bhagavato obhāsaṃ.

28. Ekasmiṃ hi samaye Bhagavā, Brahmaloke Sudhammāya devasabhāya sannipatitvā, atthi nu kho koci samaṇo vā brāhmaṇo vā evaṃ mahiddhiko, yo idha āgantūṃ sakkuṇeyyā ti cintentassa Brahmagaṇassa cittam aññāya tattha gantvā Brahmagaṇassa matthake nisinno tejodhātuṃ samāpajjitvā Mahā-Moggallānādīnaṃ āgamaṇaṃ cintesi. Te pi gantvā Satthāraṃ vanditvā tejodhātuṃ samāpajjitvā paccekadi-sāsu² nisīdiṃsu. Sakala-Brahmaloko ekobhāso ahosi. Satthā catusaccappakāsaṇaṃ dhammaṃ desesi. Desanāpariyosāne anekāni Brahmasahassāni magga-phalesu patitṭhaṃsu. Taṃ sandhayā imā gathā vuttā. So paṇāyam attho Baka-Brahmasuttēna dipetabbo.

29. [338¹⁸] *Vimokhena aphaṣṣayī* ti jhānavimokhena phusi. *Vananti* Jambudīpaṃ. *Pubba-Videhānanti* Pubba-Videhānaṃ ca dīpo. *Ye ca bhūmisayā narā* ti bhūmisayā narā nāma Aparagoyānakā ca Uttara-Kurukā ca te pi sabbe phusī ti vuttaṃ hoti. Ayaṃ pana attho Nandopanandadamanena dipetabbo. Vatthu Visuddhimagge Iddhikathāya vitthāritaṃ. *Apuññaṃ pasavī* ti apuññaṃ paṭilabhi. *Āsaṃ mā, 'kāsi bhikkhusū* ti bhikkhū³ rosemi⁴ vihesemi⁵ ti evaṃ āsaṃ mā akasi. Sesaṃ sabbattha uttānattham evā ti.

*Māratajjanīyasuttaṃ*⁵ *dasamaṃ.*

Niṭṭhito Cūlayamakavaggo⁶ pañcamaṃ.

Iti Papañcasūdanīyā Majjhimaṭṭhakathāya

Mūlapaṇṇāsavaṇṇanā⁷ niṭṭhitā.

¹ B. S. saddhiṃ gatassa.

² B. S. paccekaṃ dis°.

³ B. bhikkhuno; S. bhikkhuṃ.

⁴ B. omits; S. vināsemi.

⁵ All read °tājjanīya°.

⁶ C. Mūla°.

⁷ B. S. °paṇṇāsakasuttavaṇṇanā.

**ABBREVIATIONS USED IN
PARALLEL PASSAGES AND REFERENCES TRACED**

A	Anūttara-nikāya	NdA	Comy on Nd
AA	Comy on A	Netti	Nettippakaraṇa
Anāg	Anāgatavaṃsa	Pts	Paṭisambhidāmagga
Ap	Apadāna	PtsA	Comy on Pts
ApA	Comy on Ap	Pug	Puggalapapaññatti
Asl	Comy on Dhs	PugA	Comy on Pug
Bv	Buddhavaṃsa	Pv	Petavatthu
BvA	Comy on Bv	PvA	Comy on Pv
CpA	Comy on Cariyāpiṭaka	S	Saṃyutta-nikāya
D	Dīgha-nikāya	SA	Comy on S
DA	Comy on D	Sn	Suttanipāta
DAṬ	Ṭikā to DA (Līnatthapakāsini)	SnA	Comy on Sn
Dh	Dhammapada	Thag	Theragāthā
DhA	Comy on Dh	ThagA	Comy on Thag
Dhk	Dhātukathā	Thīg	Therīgāthā
Dhs	Dhammasaṅgaṇi	Thūp	Thūpavaṃsa
Divy	Divyāvadāna	Tkp	Tikapapaññāna
Dpvs	Dīpavaṃsa	Ud	Udāna
It	Itivuttaka	UdA	Comy on Ud
ItA	Comy on It	UJ	Upāsakajanālaṅkāra
Jā	Jātaka	VA	Comy on Vin
Kh	Khuddakapaṭṭha	Vbh	Vibhaṅga
KhA	Comy on Kh	VbhA	Comy on Vbh
Khvt	Kaṅkhāvitarāṇi	Vin	Vinaya
Kv	Kathāvatthu	Vism	Visuddhimagga
KvA	Comy on Kv	Vv	Vimānavatthu
M	Majjhima-nikāya	VvA	Comy on Vv
MA	Comy on M	Yam	Yamaka
Mhbv	Mahābodhivaṃsa	Comy	Commentary
Mhvs	Mahāvaṃsa	Ppn	Path of Purification
Mhvs-ṭ	Mahāvaṃsa-ṭikā	.	(Nāṇamoli)
Miln	Milindapañña	PTC	Pali Tipiṭakam Concordance
Moha	Mohavicchedanī	Sta	Sutta
Nd	Niddesa		

**PARALLEL PASSAGES AND REFERENCES TRACED
ADDITIONAL TO THOSE GIVEN BY THE EDITORS
THROUGHOUT THIS VOLUME**

[Compiled by I. B. Horner]

11			<i>Cūḷa-sīhanāda</i>	
	4	28, 32		<i>Add</i> Pug 63
	5	1, 6		Ib.
		8		AA iii 214
	7	7		AA ii 303
		18		Cf. AA ii 272 BvA 195
		28- }		
	8	13 }		DA i 43 AA v 84
	10	34		AA ii 154; cf. UdA 212
	11	7		Cf. SA ii 74
12			<i>Mahā-sīhanāda</i>	
	19	5- }		
	21	3 }		KhA 158 ff. SnA i 278
	21	16 ff.		Cf. AA i 57 f.
	23	30 (moghapurisa)		SA ii 204
	25	28- }		
	26	15 }		SA ii 43 f.; cf. BvA 42 f.
	25	28- }		
	26	23 }		PtsA iii 624-5 VbhA 397 f
	25	35		<i>Quoted</i> UdA 403
	26	25- }		
	28	18 }		AA iii 7-10
	26	25- }		
	30	20 }		PtsA iii 625-628
	26	25- }		
	32	17 }		AA v 10-18
	27	21		AA i 120 BvA 41
		31		Jā iii 412
	28	4		SA ii 288 BvA 56
	31	1- }		
	32	17		PtsA iii 629-630

33	6	AA iii 7
	8- }	
34	2 }	Ib. 10-11
34	10	Cf. AA iv 147 PtsA iii 702
35	34	Cf. S iii 240 246
36	4	Cf. SA ii 348
	31	<i>Quoted</i> Vin v 149 SnA i 346
37	10	AA iii 206
	34- }	
38	1 }	Cf. ib. 295-6
39	10	VA iii 654
	12-22	AA ii 225-6
41	29	Cf. DA i 177 ItA i 107
43	26- }	
45	6 }	AA ii 383-5
43	26- }	
46	6 }	DA ii 354-7 PugA 231-3
48	10	Cf. AA ii 225
	26	Cf. Jā i 391
49	21	Cf. Ap 594 (ver. 32)
50	21	DA iii 993
51	1	Cf. SA iii 101 AA i 58
		iii 256 412
	25	Cf. SA i 163 ii 249
		AA ii 140 255 iii 27
	31	Cf. SA i 171 AA iii 21 268
		iv 98 ThagA iii 63
52	5	SA i 116 ii 225 AA iv 200
53	12	MA iii 88
	34	Cf. SA ii 57 iii 112

13 *Mahā-dukkhakkhandha*

54	11- }	SA iii 168 f.
55	32 }	
55	22	Cf. AA ii 287 BvA 98
56	9	AA iii 406
	15	VA iv 739 DA i 95 UdA 205
	28	AA iii 121 NdA ii 279
57	30	Cf. AA iii 269

58		17-}	AA ii 88 ff. NdA ii 278-9
	60	2 }	
60		4	AA ii 365
		21-31	Cf. ib. 228 f.
		35	Cf. ib. 163 iii 366 iv 172 v 69
14	<i>Cūḷa-dukkhakkhandha</i>		
	61	8	Cf. DA ii 672 SA i 67
		17	Cf. ThagA iii 65
		29	Cf. SA ii 331 AA i 20
	62	33	Cf. SA ii 73
	63	25	AA ii 295
	65	7 (addhā)	ThagA ii 58; cf. AA ii 39 272 SnA 95
		12	Cf. MA iii 171
15	<i>Anumāna</i>		
	65	24	<i>Sta referred to at</i> MA ii 246
	66	5	Cf. AA ii 154 iii 353
		18	Cf. ib. ii 302 311 iv 74 VbhA 511; cf. VA iv 769 DA i 264
		22	VbhA 511
	67	8	Cf. AA v 41
16	<i>Cetokhila</i>		
	68	1-}	DA iii 1030 f. AA iii 324 ff.
	69	17 }	
	68	8-12	Asl 354
	69	18	AA ii 49 f.
		22	Vbh 216 ff.
		23	Vism 385
		27	Cf. MA iii 32
		35-}	SA ii 328 ff. AA iv 60 ff.
	71	26 }	
	70	28	<i>Quoted</i> MA iii 32

- 17 *Vanapattha*
72 12-32 AA iv 169
- 18 *Madhupinḍika*
73 2 Cf. DA ii 672
8 UdA 217
74 13 (yathā) AA iii 172
13 (kāmehi) Nd1 1 28 159 AA iii 325
Asl 62
15 Cf. DhA iv 186
17 Cf. AA iii 259
25 (tivisākha) SA i 182
75 7 Ib. ii 233; cf. AA iii 114
76 11-35 SA ii 388 ff.
77 29 Ib. ii 359
78 14-25 Ib. ii 389 f.
30 AA ii 362; cf. ThagA iii 191
- 19 *Dvedhāvitakka*
80 4 (pahitatta) DA iii 684 MA iii 193 SA i
110 AA iii 18 iv 67; cf.
DA iii 363 Nd1 477
81 1 AA ii 186
82 18 (okāra) AA iv 101 UdA 282
- 20 *Vitakkasaṇṭhāna*
90 17 AA ii 186; cf. ib. 241 iv 172
VA ii 398 SA iii 268
- 21 *Kakacūpama*
95 3 SA ii 29
14 Add: Vin ii 237 Ud 55 Kv
472
96 28 Cf. SA ii 280
97 12 Cf. AA iii 257
14 Cf. ib. 276 iv 121
34- }
98 9 } AA iii 235 f.

98	30	Cf. DA i 139 SA i 154
	33	SA i 125; cf. AA iii 250
100	1	Cf. AA v 36
22 <i>Alagadda</i>		
102	19-}	VA iv 869 f.
103	20 }	
103	25-32	Ib. 870 AA iii 270
106	8-28	DA i 23 f. AA iii 5 f. Asl 26
		NdA ii 270
	22	Add A ii 132
	29 ff.	Cf. VA i 24
107	14	DA i 21 Asl 23
109	5	Vin iii 263 iv 63
	12	Cf. ThagA iii 20
110	6	SA ii 98
	10	Cf. Vin iv 2
	10-25	SA ii 337; cf. DA iii 914
		AA iii 31
	33	Cf. D i 18 S iii 144
111	11	Cf. SA ii 78
	24 (ahu)	Cf. VA i 215 ii 400 iii 566
		AA ii 242 307 353
		iii 260 iv 49 122
112	18	S iii 57
114	26	Cf. SA ii 98 AA iv 177 v 26
115	31 (ponobhavika)	Cf. AA iv 19
116	8	Cf. SA i 352 AA iii 264
		SnA ii 467 DhA iv 168
	13	Cf. DA iii 1056
117	13	Cf. MA iii 141 SA ii 201
		iii 310 AA iv 37
	32	Cf. DA iii 830 AA ii 117
119	18-34	SA ii 48 f.
120	5	Cf. AA ii 148 iv 4
23 <i>Vammika</i>		
120	30 (āyasmā)	DA iii 807 SA ii 85 AA ii 116 UdA 57

121	3-}	DA iii 807 f. AA i 283 f.
122	5 }	
124	24-	SA i 14 ff. AA ii 375 ff. KhA
126	17	114 ff. (cf. SnA i 155)
124	24-35	VA i 170 DA i 227 f. MA i
		129 f.; cf. VvA 52
	28	Add Vin ii 236
	30	Read A ii 101
	35	Add Vin iii 6
125	14	Vism 364
	25	Add D i 62
	27	Add A i 177
	28	A iii 376
126	7	M i 249
	9	Jā vi 268
	11	A iv 333
128	11 (kumma)	Cf. SA iii 29
129	29	AA iv 177
	30	DA i 220 AA iv 177
130	34 (sumedha)	AA iv 245
	34 (sekha)	Cf. PugA 188 Nd1 493
131	5	AA iv 8
132	20	Nd1 216
134	7	M Sta 5
	12	D iii 54 M i 235; see MA ii
		282
24 <i>Rathavinīta</i>		
134	23	VA ii 285 SnA ii 413
	30	VA iii 575 SnA ii 419 UdA
		60
138	29	Cf. AA i 199
	31-}	
141	2 }	AA i 75 ff.
139	11	UdA 228
140	3	Cf. DA iii 1061
141	13-}	
143	32 }	UdA 229 ff.

143	13	Cf. DA iii 106 MA i 101 Nd1 26 140 157 UdA 231 PṭṣA iii 624
	25	SnA i 70 ItA ii 66
147	1	SA i 123 UdA 234; cf. SA ii 235 AA iii 222 377 389
	11, 12	Cf. AA iii 227
148	11	AA ii 284
	28- }	DA i 239 ff.; cf. SA ii 204
152	1 }	AA ii 285 SnA ii 439 f. UdA 183
154	30	VA iv 777
155	6	AA iv 165
156	3	Cf. SA iii 133
25 <i>Nivāpa</i>		
160	2 (nivutta)	Cf. Jā iii 272
	3 (anupakhajja)	Vin iv 43 SA ii 311
161	16	MA i 152; cf. ii 244
26 <i>Ariyapariyesana</i> or <i>Pāsarāsi</i>		
164	6	Ap 320 (ver. 61)
165	28	Cf. DA iii 859 SA i 148 UdA 158
167	12	A iii 345
169	11	UdA 105
170	1	Ib. 42
	6	Cf. DA i 78 SA iii 304
	28	Cf. AA ii 141
173	4	VA v 952
174	20- }	Cf. VA v 961 f. DA ii 464-7
177	10 }	
174	20- }	SA i 195-203
181	28 }	
176	18	Add Bv II 55
177	25- }	Cf. VA v 962
178	20 }	
179	4-21	Cf. VA v 962 f. DA ii 467

		22- }	Pts i 121 f. VbhA 474
	180	7 }	
181		15	Add Vbh 341
		21	Cf. VA v 963
184		13, 20 ff.	Cf. BvA 290 Jā i 77 f. UdA
			52 Asl 12
186		5 ff.	Cf. VA v 963 f.
188		19	Cf. SA iii 296
		22	Quoted BvA 55 146
		22- }	
	189	20 }	Cf. VA v 964
191		11	VA v 964 f.
		25	Ib. 965
193		15	Cf. AA ii 148 373 SA ii 163
			(a-)

27 *Cūla-hatthipadopama*

194		3- }	
	195	16 }	Cf. SA iii 118 ff.
196		9	Cf. ib. 208 BvA 30
		9- }	
	197	5 }	AA iii 313 f.
197		11	SA i 119 ii 390 iii 60 113
			AA iii 285 v 65; cf. SA ii
			256 AA iii 27
		12	Cf. SA i 85 195 iii 112 AA
			iii 173 262
198		6	SA iii 122; cf. AA iii 33 301
		18	DA i 140 SA i 60 AA ii 139
			iii 315
199		29	Cf. ItA 71 BvA 12 Asl 348
200		7	Vism 198
		8- }	
	204	3 }	DA i 173-7
200		21	Add AA i 97 KhA 132
201		3- }	
	202	18 }	Cf. VA i 125 f.
202		33	Cf. S iv 330

204	11-		DA i 179-181
205	23	}	
205	31-	}	Cf. AA ii 324 ff.
207	8	}	
205	31-	}	Cf. DA i 70 ff. AA ii 324 ff.
211	32	}	
207	25-	}	Asl 397
208	4	}	
207	25-	}	AA iii 189 ff.
217	17	}	
208	23-	}	Cf. SA iii 303 ff.
211	32	}	
211	35-	}	DA i 206 ff.
217	12	}	
212	7		Jā i 65 iii 377; <i>quoted</i> BvA 284
215	13		<i>Add</i> Pts i 176 Vism 72 270; <i>quoted</i> VA ii 407 iv 912 MA i 112 SA ii 366 AA ii 119 iii 200
	15		<i>Add</i> Vin iii 263; cf. ThagA i 97 VbhA 366
	17		Vism 71
	32		Ib. 76
	33		SA ii 366
28	<i>Mahā-hatthipadopama</i>		
218	3		SA iii 133 f. AA iii 384 v 4
219	16		Vism 498 ff.
223	1		Ib. 353 ff.
225	7		Ib. 235
	19		Vin iv 7 SA i 342 DhA i 212; cf. VA iii 625
	21		Cf. AA iii 386
227	22		Vism 359 ff.
228	30		Ib. 271 f.
230	16		Cf. AA ii 365

- 29 *Mahā-sāropama*
- | | | |
|-----|----|-------------------------------|
| 231 | 20 | Cf. VA v 1082 SA ii 206 |
| | 24 | MA iv 99 v 14; cf. NdA ii 421 |
| 232 | 25 | DA iii 1057; cf. SA ii 154 |
| | | 175 PugA 245 f. |
- 30 *Cūḷa-sāropama*
- | | | |
|-----|-----|---------------------------|
| 232 | 28- | } DA i 143; cf. SA ii 130 |
| 233 | 3 | |
| 233 | 4- | } DA i 142 |
| 234 | 10 | |
- 31 *Cūḷa-Gosiṅga*
- | | | |
|-----|----|----------------------------|
| 235 | 19 | Cf. AA iv 39 |
| 236 | 22 | Cf. KhA 236 f. |
| 239 | 15 | Cf. BvA 70 140 |
| | 18 | VA vii 1316 |
| 243 | 8 | Cf. SA iii 101 AA i 58 iii |
| | | 256 412 |
- 32 *Mahā-Gosiṅga*
- | | | |
|-----|-----|---------------------------------|
| 246 | 12 | Sn 955-975 ¹ |
| | 23 | See Jā v 126; cf. ThagA iii |
| | | 177 ff. Divy 395 |
| 247 | 6 | A iii 284 (and see ib. 325 ff.) |
| | 16 | Cf. Vin i 210 |
| 248 | 12 | Cf. MA ii 334 iii 124 163 |
| | | 212 220 AA iii 61 350 |
| 250 | 28 | DA i 141; cf. Vin ii 295 A ii |
| | | 53 |
| | 31 | Cf. BvA 118 |
| 252 | 20 | Cf. MA i 190 |
| | 20- | } AA iii 28 f. |
| 253 | 9 | |
| 253 | 10 | lb. ii 170 |

¹ Alternative title for Sāriputtasutta, see SnA ii 569

- 33 *Mahā-gopālaka*
 258 3- }
 264 end } AA v 87-97
- 34 *Cūḷa-gopālaka*
 265 28 (anaya-) SA ii 137
 266 22 Cf. AA iii 18
 23 Cf. ib. v 73
 33 Cf. ib. iii 185
 267 9 Cf. SA i 89 iii 3 289 AA iii
 259 iv 117
 18 AA ii 148
 20 (vivaṭa) Cf. SA ii 48
 21 (amata-) Cf. SA i 199 ii 59
- 35 *Cūḷa-Saccaka*
 267 31 SA iii 265; cf. MA ii 73 AA
 ii 332
 271 19 Cf. DA i 256 SA iii 43
 277 34- }
 278 31 } DA i 264 f.
 279 1 Cf. AA ii 235 iv 191
 16 (nava) AA iii 181
 280 21 Cf. AA ii 302 v 63
 281 30 Cf. DA iii 1003
 282 30 Cf. ib. ii 299
 283 6 VA i 200
- 36 *Mahā-Saccaka*
 285 22 MA ii 233
 24 VA iii 565 f. SA i 139
 25 (brūhenti) Cf. AA v 49
 27 Cf. ib. 76
 28 Cf. SA ii 98
 287 4 Cf. ib. i 179
- 37 *Cūḷa-taṇhāsāṅkha*
 296 2 Cf. SA i 148 UdA 158 DhA
 i 413 ff.

297	15-20	AA iv 42 f.; cf. DA iii 737
298	14-}	AA iv 43 f.
299	32 }	
300	17	DA ii 617 SA i 191 VvA 37 BvA 100 Mhvs-ṭ 518 Cf. AA iv 58
	24	
	33-}	AA iii 362 f.
301	6 }	
302	10 (samupabbuḷha)	Cf. SA i 165 341
	14	SA i 348; cf. SnA ii 484 f. DhA i 272-80
303	2	SA i 338
38 Mahā-tanhāsaṅkhaya		
305	3	MA i 71
39 Mahā-Assapura		
313	9	Cf. DA ii 670
	33	Vism 464
316	18	Cf. AA ii 185
	21-}	DA ii 574 f. SA iii 27 f.
317	18 }	UdA 403 f. VbhA 345 f.
317	12	AA ii 185
	20-}	
321	25 }	DA i 212-17
321	26-}	
323	15 }	DA i 217-19
323	30	Referred to at MA iv 230
324	10	Cf. AA iv 402
	10-18	Ib. i 57
	26	Cf. DhA iii 84 SnA 427
	31	Cf. SnA ii 432
40 Cūḷa-Assapura		
41 Sāleyyaka		
326	23	DA i 239 SnA ii 400
327	10-}	AA ii 285 ff.
328	12 }	

328	13-27	Ib. ii 290
	28	Ib. ii 104
329	20	Cf. AA iii 185 329 PugA 233
	30-}	
331	2 }	VA ii 302
331	25	Cf. AA iii 27
332	8-9	Ib. 351
	21	DA i 165 SA ii 338

42 *Verañjaka*

43 *Mahā-vedalla*

334	16	Cf. AA ii 37
	19	Cf. DA i 68 SA ii 8 AA i 101
		ItA i 40 BvA 58 Asl 55
		Nd1 339
337	26	Cf. DA i 225 MA i 127
345	11	AA ii 289; cf. SA ii 250
346	8	Cf. AA iii 228
347	34	Ib. 175
348	29-}	
349	27 }	SA iii 245 f.
349	33	Cf. SA ii 323 iii 95
351	16-}	
352	4 }	SA iii 95
353	25	Cf. AA iii 347
	26-}	
355	21 }	SA iii 98-100

44 *Cūla-vedalla*¹

360	12-24	SA ii 254 f.
	12-}	
361	6 }	Asl 353 f.
360	20	Pts i 144
	22, 24	Ib. 145
364	15-}	
367	31 }	SA iii 93-98; cf. VbhA 142-5

¹ Referred to at AA i 363

370	16-31	Cf. SA iii 246
	32	SA ii 390
45	<i>Cūḷa-dhammasamādhāna</i>	
371	22	Cf. AA ii 369
372	9	SA iii 101
373	10	Cf. ib. ii 302 AA iv 74 DhA iv 68
46	<i>Mahā-dhammasamādhāna</i>	
374	25-}	SA ii 39 AA ii 314
375	15 }	
375	17	SA ii 401
	24 (avijj-)	Ib. i 209
377	4	Cf. AA iii 43 iv 121
	20	UdA 101; cf. AA ii 356
47	<i>Vīmaṃsaka</i>	
378	29	AA iii 401
387	16	Add: cf. DhA i 146
388	23	Cf. AA ii 259
	27 (daḷha)	Cf. SA ii 285 AA iii 68 255
48	<i>Kosambaka</i>	
390	3-30	DA i 317 f.
393	23	AA ii 144 357; cf. UdA 341
394	31	Cf. AA ii 256 Jā iv 99
	32-}	AA iii 346
395	2 }	
395	2	Cf. VA vii 1316
	29-}	VA vii 1316; cf. AA iii 279 339
396	2 }	
396	13-}	AA iii 339-46
401	10 }	
401	11	Cf. ib. 226
	36	Cf. ib. v 1
402	22	AA v 6
403	22	SA i 178 AA ii 312 UdA 389

49 *Brahmanimantanika*

405	4-16	SA i 208 f.; cf. ib. iii 112
	15	AA iii 128
406	1	Ib. 301 DA i 111; cf. ItA ii 191
	8	DA i 111 f.
	30 (iṅgha)	VA ii 295 SA i 333 AA v 68 UdA 309 402 SnA i 237
	31	Cf. AA iii 19
407	26	Cf. SA ii 206
408	16	Cf. AA iii 183 BvA 152 160 257 CpA 161
412	29	M Sta 1

50 *Māratajjanika*

417	17	SA iii 105; cf. AA iv 201
	28	SA i 163 ii 374; cf. AA iii 94 327 iv 135
	29 (rosetha)	Cf. AA iii 141 385
	34- }	
418	8 }	DA i 254 SA ii 397
418	10 (jhāyanti)	Cf. AA iii 379 v 79
	14	Cf. Jā vi 538
	16	Cf. SA ii 231
419	10	Cf. ib. 72 372

